

**JOH. BAPTISTÆ
PORTÆ
NEAPOLITANI
MAGIÆ
NATURALIS...**

Giovan Battista Della Porta,
John Shipton





uro de F.

1 de feuy M. Jore

~~Handwritten signature~~
M

14-19-A-22

~~14-35-a-17~~



IOH. BAPTISTÆ PORTÆ
Neapolitani
MAGIÆ NATVRALIS
Libri Viginti.



LVGD: BATAVORVM.
Ex Officina Petri Leffen 1650.



ILLUS. JUNIO
BOBALI ANDREA FLA
LIO RAGUSÆO.

IOANN. BAPT. PORTA, NEAP.

S. P. D.



LETTERAM, quæ domi erat
filiam Illustr. Iuni incita-
tam, & ad te properantem
vix inhibere potui: inge-
ntes, quas de suo viro soror laudes retu-
lit, adeo generosa invidia ejus animum
replevere, ut omni abrupto continen-
tia, & honestatis vinculo nequeat sibi
temperare, quin clमित, non alium,
quam te virum expetere, cui si ipse de-
negatus sis, in suis laribus cōsenescere
potius, quam aliorum velle subire pe-
riculum. Elegit sibi pro se conferan-
tur,

BIBLIOTHECA
ROMA
VITTORIO EMANUELE 3^o



E P I S T O L A

tur, non indignior sorore sibi videtur. Si illa causas rimatur, ipsa parit effectus, si illa contemplatur, ipsa satis agens ea, quæ sub contemplationem cecidere in hominum lucem venire proponit, & si illa ob inventionem superbit, ipsa ob portentosas operationes non minus ambitiosa est. In quibus non animus solum exutritur intelligendo: sed sensus quoque corporis omnes effectibus alliciuntur, recreanturque. Hæc igitur Magia omnes alias scientias excellit, (divinam tamen Philosophiam excipio) ut illi ceteræ artes atque facultates, tanquam reginæ, famulari videantur. Scribit Cicero: Neminem apud Persas Regno potiri solitum, qui prius Magiam non percepisset. Et Plato in Alcibiade: Imbuuntur Persarum Regum filii, ut ad mundanæ reip. exemplar, & ipsi suam remp. administrare, distribuereque condiscant. Quid commemorem toto fere orbe clarissimos

D E D I C A T O R I A.

rissimos Pythagoram, Empedoclem, Apollonium Tyaneum, ac Platonem, qui illius desiderio sic flagrauerunt, ut ad eam discendam orbem peragraverint, exiliis potius, quam navigationibus susceptis, eam reversi predicaverint, eam in arcanis habuerint? Quid Reges Magos ad adorandum Christum venientes, ceterosque multos in hac arte preclaros, quorum nominibus antiquorum monumenta completa sunt? Sed quis meos labores, vigilias, & impensas, quas in exornanda hac mea filia, ut te digna aliquando videretur, ex equo perpendet; ne in nobilium operum emulatione suæ sororis invidiâ extabesceret? Summa est, quum sorore non inferior sit, inferiori viro nubere dedignatur. Vos enim ex eodem sanguine prognati, iisdem Naturæ, & Fortuna muneribus exornati, ejusdemque animi, & oris indolis, & præstantiæ. Si in uno Alexandri, in altero Cæsaris

EPISTOLA DEDICATORIA.

magnificentia est. Si in uno Fabiorum, in altero Scipionum robur : non tam alter sapiens , quam alter prudens , ac tandem, ut uno verbo referam, ita morum integritas , incredibilis humanitas , ceteraque vestrae virtutes inter se certant : ut dum alia aliam superare nititur, in hoc praeclaro insignium virtutum certamine, unaquaque se ipsam superans , vos ipsos omni earum pompa, & triumpho coronant. Ipse autem, qui hac fateri cogor, & quum nil votis expetitum magis sit , non invitus pareo. Ad te illam mitto. Sed in tanto amore , ne mei obliviscaris. Vale , ac Marino, & Michaeli fratribus tuis meo nomine salutem dic.

A D

A D

L E C T O R E S

P R Æ F A T I O.



N lectores candidi, Magiæ opus fere absolutum: quod si ab adolescente vix tum quintum & decimum annum agente, vix ex ephebis egresso excusum, tanto omnium plausu & animi alacritate exceptum est, ut in plures linguas translatum, Italicam nempe, Gallicam, Hispanicam, & Arabicam, iisdemque locis sæpenumero typis mandatum, per multorum manus & ora volitaverit, nunc à quinquagenario prodiens spero charius & plausibilius exceptum iri. Etenim quum vidissem operis primitias tam grato animo exceptas, hisce motus auspiciis enixus sum, ut auctius, locupletius, & nobilius excuderetur. Ab eo igitur, quo primum editum est tempore, (jam quintus & trigessimus agitur annus) si ulli umquam gravior incubuit cura, ut Naturæ secreta patefaceret: ego eum me esse plane possum profiteri. Toto enim animo, totisque viribus majorum nostrorum monumenta pervolvi; & si quid arcani, si

P R Æ F A T I O.

quid reconditi scripſiſſent, deſloravi. dein quum Italiam, Galliam, & Hiſpaniam peragraſſem, bibliothecas, & doctiſſimos quosque adii: artiſices etiam conveni, ut ſi quid novi curioſique naſti eſſent, ediſcerem; quæ longo uſu veriſſima & utiliſſima comprobaffent, agnoſcerem. Urbes & viros, quos videre non contigit, crebris epiſtolis ſollicitavi, ut reconditorum librorum exemplaria, vel ſi quid haberent novi, communicarent, non prætermiſſis precibus, muneribus, commutationibus, arte, & induſtria. Hinc univerſo hoc tempore quicquid ubique terrarum eximium erat, aut expetendum, tum librorum, tum præſtantiſſimarum rerum, mihi cumulatiffime conquiſitum eſt; ut cumulatioꝝ auctioꝝque Naturæ hæc ſupellex foret. Itaque intenſiſſimo ſtudio, pertinacique experientia, perdiu atque pernox periclitabar, quæ legeram vel audieram, verâ ne eſſent, an falſa; ne intentatum aliquid remaneret: quum ſæpius Ciceronis ſententiæ meminiſſem, qui ſic inquit: Par eſt eos qui in genere humano res utiliſſimas, & perpensas, explorataſque memoriæ tradere concupierint, cuncta tentare. Quibus periclitandis, nullis laboribus, nullis ſumptibus peperi: res anguſtas meas, anguſta magnificentia impendi. Nec deſuere quoque labor, diligentia, & opes clariſſimorum Heroum, magnatum, nobilium, & doctiſſimorum virorum, & præcipue (quem honoris cauſa memoro) Illuſtriſſ. & Reverendiſſ. Cardinalis Eſtenſis; qui omnes noſtro huic operi gratuitam benignamque operam præſtiterunt. Nec domi meæ deſuit unquam curioſorum hominum Academia; qui in his veſtigandis expe-

P R Æ F A T I O.

experiendisque collato ære strenuam alacremque operam navarent; quique hoc opere concinnando augendoque maximo mihi fuere adjumento. Hæc igitur tantis impensis, labore, & studio parata, num in lucem venire paterer, jam sarcinulas colligens, anxius animi hærebam. nam multa sunt præstantissima, & summis Heroibus digna, quæ si ignari homines, nec dum sacris Philosophiæ initiati assequerentur, vilescerent utique, & spernerentur. Ait Plato ad Dionysium; Philosophiam videntur ridiculam facere, qui agrestibus & prophanis viris hæc tradere conantur. Præterea multa sunt noxia, & malefica; quæ in manus impiorum improborumque hominum pervenientia, damnum alicui inferre possent. Quid igitur faciendum: Profligetur, rejiciatur invidia; vincat posteros juvandi voluptas; augustissimæ Naturæ magnalia non occultanda, non reticenda; ut in eis summa Dei potestas, benignitas, & sapientia laudetur, colatur, & veneretur. Quantulacunque fuerint, vobis expono: sedulitatem, & propensissimam voluntatem in vos fuisse agnoscatis. improbi certe viri crimen, si hæc occulta subticuissem, subiturum me vererer. Transfert Cicero à Platone: Non nobis solū nos esse natos, sed partem patria, partem parentes & amici sibi vindicare debent. Vnde quæ hætenus in prodigiosæ Naturæ gremio delituerant, è promptuariis testatissimorum virorum in lucem emergant, sine fuco & fallaciis. Ea pandimus quæ tacuerunt diu, vel scientis invidia, vel nescientis inscitia; ubi non inanes nugas, non ænigmata audietis, aut meras aliorum authoritates. Nec nobis visum est honeste errare,

optimos

P R Æ F A T I O.

optimos sequendo duces. Magnifica & præstantissima aliquo artificio obvelavimus, veluti verborum transpositione, & depressione; quæ noxia & malefica, obscuravimus; non ita tamen ut ingeniosissimus quisque detegere & percipere non possit, nec tam clare, ut ignaræ turbæ prostent; non tam occulte, quin ingenium perquirentis accipiat; nec tam aperte, ut in recessu eadem, quæ in fronte promittant. Utilia & nota aliqua apposuvimus; quia verissima.

Ex notissimis aliquando & vilissimis ad utilia & excelsa pervenitur, & quæ vix mens percipere potest. Intellectus noster, nisi verissimis principiis innitatur, non potest alta & sublimia speculari. Mathematica scientia, ex tritis & vulgatis quibusdam ad multa ardua & sublimia supervehitur. Unde vera potius & utilia, quam falsa & magna scribere visum est. Vera, quantulacunque fuerint, ansam majora excogitandi præbent. Incomprehensibilis rerum infinita multitudo, & in infinitum se porrigit, majorque est, quam ut ab hominibus considerari possit. In scribendo, majorum nostrorum vel recentiorum scripta apponemus; mox vera, an falsa fuerint, à nobis experta prodimus; post, nostra inventa; ut videant docti quam præclare recentiorum ætas antiquam superaverit: nam multi sunt, qui scripserunt quæ nunquam viderant, nec dum simplicia noverant opus subingredientia, sed alienis traditionibus connato & importuno quodam adjiciendi studio descripserunt. Sic successive errores propagantur, & in immensum postremo augescunt, ut ne vestigia quidem primorum appareant, ut non solum difficilis

P R Æ F A T I O.

cilis experimenti, sed ne sine risu quidem frequenti legi possint. Præterea multos omittimus, quidum mira ad posteros noscenda transmittunt, & montes pollicentur aureos, diversum ab eo scribant, quam creditum ab eis sit. Vnde ingenio præditos sublimiori, discendi cupidiore, longissima temporis intercapedine detentos, (quod se illa assequi posse diffidant, seque operam & oleum contrivisse intelligant) desperatione actos sero poenitet: alii deinde alieno periculo sapientes facti, prius hæc odisse discunt, quam nosse. Secreta in suas classes divisimus; ut habeat quisque quod sibi placeat. Tandem libenter vestras aures offendere præteriißem, si obrectatorum invidorumque calumnias refellere curæ non esset, qui me satis immodeste lancinant; putantes me Magum veneficū esse; quod nomen à teneris unguiculis exhorruī, & vanum putavi. Equidem me semper hominem existimavi, fallaciis & erroribus obnoxium: exoravi doctissimos quosque, si quid non fideliter interpretatum, redarguerent; sed quod semper formidavi, accidit, ut in vilissimum & perosum quoddam genus hominum inciderim, quod ex aliorum injura, justa, vel injusta, sordidam gloriolam, plebeiam & popularem auram captant: quorum virulentis moribus convulnerati non contabescunt, sed in se virus retorquentes, suam famam potius prosternunt. Gallus quidam in suo libro de Dæmonomania, me Magum veneficum putat, liprumque hunc meum olim excusum, igne dignum putat, quod scripserim lamiarum unguentum; quod ego ad detestandas dæmonum strigumve fraudes attuleram; ut, quæ natura ipsa eveniunt, in su-

P R Æ F A T I O.

in superstitionibus abuterentur ; quod ex satis laudatorum Theologorum libris excerpseram. In hoc quid peccavi ; cur venefici nomen merui ? Sed quum multos nobiles , & literatos viros Gallos , qui maximo honore me convenire dignantur , percontarer , quisnam homo sit iste ? Responderunt hæreticum esse , quique in festo Divi Bartholomæi , qua die cunctis ejusmodi impiis hominibus cædes indicebatur , è specula præceps periculum evasit. Ego interim Deum opt. max. rogabo (ut virum nobilem & Christianum decet) ad Catholicam Romanam fidem conversus , ne sit ipse vivus damnandus. Alter Gallus , quum omnes sui seculi literatos indigne damnet , me illis adnectit ; solos tres Medicos , suos amicos , quasi omnium nostri ævi doctissimos , laudandos censet ; quos inter seipsum connumerat ; quum ipsius liber authoris nomine circumferatur. Proh Deum immortalem , quale laudis captandæ homo iste commentum reperit ? qui , quum neminem habeat , qui eum laudet , neque dignus laudari censetur , se ipsum laudat. Alios omitto ejusmodi farinæ homines , qui me etiam Magum veneficum existimant ; quum nil unquam hic , vel alibi à me tractatum sit , quod inter Naturæ pomœria non contineatur. Accipite igitur studiosi lectores labores longos , non sine studio , vigiliis , sumptibus , & incommodis plurimis , quo elargimur animo ; & mentis animique cæcitatem , atque invidiam tollite , quæ mentis aciem præstringere , & veritatem impedire solet : rectoque judicio res perpendite , dum ea periclitamini , quæ conscripsimus ; nam veritatem & utilitatem simul comperientes , meis fortasse studiis æquiores fueri-

P R Æ F A T I O.

fueritis; quanquam me non latet, incios multos non defore, & omni re seria feriatos, qui hæc invitant, & invideant, & aliqua non solum falsa, sed ne posse quidem fieri, temere affirmant; dumque argumentis, & vanis disputationibus verum evertere nituntur, faciunt ne intelligendo, ut nihil intelligant, & sua prodatur incitia. Isti, veluti prophani, à Magiæ Naturalis nostræ limitibus arceri debent. Qui enim Naturæ miraculis fidem non adhibent, ii modo quodam Philosophiam conantur abolere. Quod si aliqua prætermisimus, vel inconcinne diximus: Scio nil esse tam ornatum, quod expoliri non possit; nec tam plenum, quod incrementum accipere nequeat.

MAGIÆ

M A G I Æ N A T U R A L I S

Qui extant libri, hi sunt.

- | | |
|-------|-----------------------------------|
| I | De mirabilium rerum causis. |
| II. | De variis animalibus gignendis. |
| III. | De novis plantis producendis, |
| IV. | De augenda supellectili. |
| V | De metallorum transmutatione. |
| VI | De gemmarum adulteriis. |
| VII | De miraculis magnetis. |
| VIII | De portentosis medelis. |
| IX. | De mulierum cosmetice. |
| X. | De extrahendis rerum essentiis. |
| XI. | De myropœia. |
| XII. | De incendiariis ignibus. |
| XIII. | De raris ferri temperaturis. |
| XIV. | De miro conviviorum apparatu. |
| XV | De capiendis manu feris. |
| XVI | De invisibilibus literarum notis. |
| XVII | De catoptriciis imaginibus. |
| XVIII | De staticis experimentis. |
| XIX | De pneumaticis. |
| XX | Chaos. |



IOH. BAPTISTÆ
PORTÆ
NEAPOLITANI
MAGIÆ NATURALIS
LIBER PRIMVS.

Qui rerum causas vestigat, è quibus mirabiles
manant effectus.

C A P. I.

Magia quid significet.

MAGIAM à Perside nomen, & originem duxisse inter Platonicos non obscuri testantur Porphyrius, & Apulejus in oratione pro Magia. Suidas Græcus nomen à maguleis traxisse putat. Cicero libro de Divinatione, Magus, inquit, Persica lingua non nisi interpret divinatorum, & cultor, ac genus sapientum est apud eos. Hieronymus, ad Paulinum scribens, ait, Apollonium Tyaneum fuisse Magum, sicuti vulgus, sive Philosophum, ut astruunt Pythagorici. Plinius inter authores constare sine dubio dixit, in Perside ortam à Zoroastre Oromasii filio, diligentiores paulo ante hunc alium fuisse Zoroastren Proconnesium. Primus de ea Osthane commentatus Xerxem Persarum Regem bello quod is Græciæ intulit, comitatus, ac veluti semina artis portentosæ sparsisse obiter, infecto quocunque commeaverat mundo, qui ad rabiem, non aviditatem modo scientiæ ejus Græcorum populos egit.

egit. Magia igitur apud omnes pro sapientia, & perfecta naturalium rerum cognitione accipitur, eosque Magos appellant, quos Latini Sapientes, Græci Philosophos ab uno Pythagora, illius nominis primo, ut scribit Diogenes, Indi Brachmanes, & Gymnosophistas græce, quasi nudos philosophos dicas, Babylonii nec non Assyrii Chaldaeos a Chaldaea Asia regione, Celtæ Galli Druidas, Bardos, & Semnotheos, Ægyptii Sacerdotes, Chabalistæ Prophetas; & tandem Magia diversas apud gentes diversis scaret nominibus. Sed plerosque in ea fuisse viros, rerum Naturæ callentissimos reperimus, quemadmodum fuit Zoroastres Oromasii filius apud Persas, ut diximus, Numa Pompilius apud Romanos, Tespion apud Gymnosophistas, Zamolxis apud Thracas, Abbaris apud Hyperboreos, Hermes apud Ægyptios, & Budda apud Babylonios. Memorantur præterea ab Apuleio Cariondas, Damigeron. Hismoses, Apollonius, & Dardanus post Zoroastren, & Olthanem.

CAPUT II.

Quid sit Magia.

BISARIAM *magiam* ipsam dividunt, infamem alteram ac immundorum spirituum commerciis inauspicatam, carminibus, & nefariæ curiositatis arte concinnatam, efformatamque quam *gnatiam* vocant, cui omnes docti, præstantesque viri adversantur, quæ præter imaginamenta, nullam porrigat rationis & essentiae veritatem, quorum nec vestigium mox remaneat, ut Jamblichus libro de mysteriis Ægyptiorum habet Naturalem alteram sapientissimus quisque festo plausu excipit, colit, & veneratur, ut nil altius, nilve bonarum literarum candidatis plausibilius. Ad hanc discendam, perquirendamque præstantissimos in Philosophia proceres viros Pythagoram, Empedoclem, Democritum, & Platonem à patriis discessisse legimus, exiliis potius, quam peregrinationibus susceptis; hanc reversi prædicaverint, hanc in arcanis habuerint. Reconditiōis literaturæ viri scientissimi eam ipsam naturalium scientiarum apicem, ac consummatam facultatem esse dicunt, ut si quid nobilius,

lius, aut miraculo proximius in naturalibus scientiis aut fingi, aut imaginari possit, id Magiam dixerint. Alii activam naturalis Philosophiæ portionem prodiderunt, effectus suos ex mutua, & opportuna applicatione, producentem. Platonici, ut Plotinus, Mercurium sequutus, habet libro de sacrificio, & Magia, scientiam esse, qua inferiora superioribus, vel terrena cœlestibus subjiciantur, & illecebris quibusdam arte petitis universi qualitatem alliciat. Ob id Ægyptii Naturam ipsam Magiam vocarunt, quod vim in alliciendo, attrahendoque similia per sibi similia possideret, & vim illam in amore consistere: & quæ Naturæ cognatione traherentur, magicos attractus dixere. Nobis vero non nisi universæ Naturæ contemplationem esse videtur. Ex cœlorum enim motus consideratione, stellarum, elementorum, eorumque transmutationibus, sic animalium, plantarum, mineralium, eorumque ortus, & interitus occulta vestigantur arcana, ut tota scientia ex Naturæ vultu dependere videatur, ut latius videbimus. Id designare videtur Plato in Alcibiade, qui Zoroastri Magiam, nil aliud sibi videre dixerit, quam divinorum scientiam, & cultum, qua inter regalia imbuuntur Persarum Regum filii, ut ad mundanæ Reipubl. imaginem, & ipsi suam Remp. regere, & administrare discerent. Et M. Tullius Divinationum libro neminem ait apud Persas regia maiestate potiri, qui magica non fuerit imbutus scientia: nam ut mutuo dissensu, consensuque Natura mundum gubernat, ita & ipsi suam Remp. gubernare discant, Hæc, inquam, plurimæ compos potestatis, abditis scædens mysteriis, delitescentium rerum qualitates, proprietates, ac totius Naturæ cognitionem elargiens, docensque ex rerum consensu, dissensuque ita dissociare, vel mutua, & opportuna applicatione conjungere, ut ea opera efficiat, quæ vulgus vocat miracula, omnem admirationem, humanumve captum excedentia. Ideo in Æthiopia & India vigeat, ubi herbarum, lapidum, cæterorumque ad id spectantium multa suppetebat facultas. Unde vos, qui Magiam visuri acceditis, nil aliud Magiæ opera credatis, quam Naturæ opera, uti ars mi-

4
nistra, & sedula famulatur. Sic ubi enim aliquid naturali cognationi deesse noscit, per vapores, & numeros opportunis illud instaurat temporibus, ut in Agricultura ipsa Natura herbas, & segetes parit, ars vero præparat. Ob id Antipho Poëta dicebat; arte superamus ea, quibus natura vincimur: & Plotinus Magum Naturæ ministrum, non artificem vocat. Superstitiosi prophani, impii homines hinc faceffite, nil nobis vobiscum commune est, vobis clausa janua est, nec solum ex hujus liminibus, sed urbe, & orbe expellendos, pænis plectendos, & pessundandos censemus. Sed quali officio, doctrinaque fungi debeat hic minister, in sequenti demonstrare intendimus.

CAPUT III.

De Magi institutione, & qualem oporteat esse Magiæ profectorem.

NUNC Magum instituere fas est, & quæ novisse, & meminisse oporteat, ut omniquaque instructus, monstrificos & mirabiles effectus auspicetur. Quoniam ipsam Magiam activam, & naturalis Philosophiæ portionem descripsimus, jure quidem Magum, qui tanta debet majestate pollere, exactum, & consummatum in Philosophia, consultissimumque exoptarem. Docet enim ipsa

*Quid calor efficiat, quid terra, quid humus, & aër,
Quid generent undæ, magni primordia cæli,
Unde maris fluxus variisque coloribus iris,
Reddere quid faciat clamosa tonitrua, & orbes,
Quæ secreta faces noctu, quæ causa cometas
Proferat, & tumidas quæ cæca potentia terras
Concutiat, quæ sint auri, quæ semina ferri,
Totaque Natura vis ingeniosa latentis.*

Medicinæ quoque haud sit ignarus: nam huic scientiæ congener, & simillima est, eamque sub hac specie irrepsisse, & hominum mentes sic allectasse ajunt, & præsidia nobis multa præstat. Docet enim mitiones, temperies, & compari modo ad ea peragenda componere, & applicare. Mox in herbarum dignotione non simplicem botanicum, sed acerrimum stirpium vestigatorem desideramus,

ramus: vaga enim stirpium nomenclatione, & indiscreta similitudine diu, multumque in aliquibus operibus insudavimus. Nec artifice inconvenientius, quam instrumenta ignorare, quibus operatur, & adeo necessarium id judicamus, ut hinc omne dependeat. Nec minus metalla, mineralia, lapides, & gemmas noscere deceat. Præterea quanti distillationis artem facere debeat, cœlestium imbrium æmulam, & quasi prolem, neminem esse, qui ambigat, futurum putamus. Mira enim inventa, & ingeniosissime excogitata, & multa ad mortalium sortem utilia inveniendâ in dies promit. Veluti ex rebus roridos vapores, vapidos & pingues spiritus, grumos, & gummosos laices, & è penitioribus loculis delitescentem essentiam elicere, eam in sublime extollere, ut viribus locupletare possimus. Verum id non rudi quadam, crassaque Minerva, sed suis causis, & rationibus facere condiscat. Mathematicas novissè disciplinas oportet, & præsertim Astrologiam: nam demonstrat

Ardua quo cœli rapiantur sidera motu,

Quid caligantem modo cogat hebescere Lunam,

Quo circa certis dimensis partibus orbem,

Per duodena regat mundi Sol aureus astra.

Multivagis enim cœlorum flexibus, & habitudinibus cœlestia multa dona terris largiuntur, multaue vim patiendi, operandique protrahunt, varixque rerum manant proprietates: ob id Platoniorum diu animos torfit, anxique disquisitio, quonam modo cœlestes susceperent influxus. Sit quoque Opticæ facultatis instructus. ut sciat quomodo oculi fallantur, visiones in aquis, speculis diverse efformatis, ut imagines extra in aëre pendulas mittant, quomodo clare ea videre faciat, quæ procul absint, ignem longissime jaculare, è quibus arcanorum pars magna Magiæ dependet. Has scientias assecras, & adjurtrices Magia sibi adscivit, quique has ignoraverit, Magi nomine indignus habebitur. Sit Naturæ dono artifex, & mechanicus: nam sine artificio sciens, aut ignarus artifex (adeo conjuncta sunt) ut frustra terat operam, nec optato potiat unquam. Sunt quidam, cœli munere, adeo his rebus habiles, ut à Deo

ficti esse videantur. Neque hæc ita dico, ut ars aliquid li-
mare non possit, & quæ bona sint, fieri meliora non pos-
se, & quæ non optima, aliquo modo acui, & corrigi pos-
se. Gnaro animo, seduloque res primo consideret, & præ-
paret, mox opus aggrediatur, nil temere faciat. Hoc di-
cere volui, ut si inscius fallitur, nobis vitio ne vertat,
sed suam culpet inscitiam: hæc enim non tradentis, sed
professoris imbecillitas est: nam si hæc in manibus rudiu-
sculi versabuntur, derogabitur scientiæ fides, sitque ut
fortuita videantur, quæ verissima, ac necessariis eveniunt
causis. Si, quæ efficis, mirabiliora vis videantur, causæ
cognitionem tollito, illud enim mirum, cujus causa latet
spectantem, qui enim causas noverit, nimium autori-
tati derogat, eatenus illud rarum, insuetumque habebi-
tur, quatenus causæ abditæ sunt: Aristoteles in Mecha-
nicis ait, Architecti instrumenta fabricant, celantes prin-
cipia illius, quæ admirationem præstant. Quidam lucer-
nam extinxit, ac rursus muro, vel lapidi admovens, ac-
cendebat, ceu rem mirandam, & tunc illud mirum vide-
ri desiit, inquit Galenus, quum sulphure contactum re-
periere. Ephesus. Miraculum inde solvitur, unde videtur
esse miraculum. Sit quoque fortuna dives: difficulter
enim operamur, si opes non suppetunt, oportet enim di-
tari, ut philosophemur, non autem philosophari, ut dite-
mur. Sumptibus ne parcat, sed perquirendo prodigus,
dumque attentius examinariusque perquirat, patiens re-
vocare ne gravetur, nec laboribus parcat: ociosis enim, &
ignaris Naturæ secreta non panduntur. Unde recte Epi-
charmus dictitabat, Deos mortalibus omnia laboris pre-
tio vendere. Et si descriptioni non respondent effectus,
in aliquibus te defecisse scito, non enim rudibus, & tyro-
nibus, sed artificibus, & ingeniosis breviter perscripsi-
mus.

CAPUT IV.

*Antiquorum opiniones de mirabilium operationum causis, &
primo de elementis.*

QUOS sæpe intuemur Naturæ effectus in causarum
aucupio ita priscorum Philosophorum animos ac-
cendit, ut in eo non parum insudarint & hallucinati
sint,

sint, ut varii varias dixerint opiniones, quas antequam ulterius progrediamur, referre non fuerit inopportu-
num. Primi ab elementis omnia progredi, eaque rerum Principia statuerunt, ut Hippasus Metapontinus, & Heraclides Ponticus ignem, Diogenes Apolloniates, & Anaximenes aërem, Thales Milesius aquam. Hæc igitur primigenia Naturæ semina statuerunt, scilicet elementa, simplicia corpora (nunc autem illegitima, spuria, & adulterina, & magis & minus aliis mista transmutantur) materiale principium naturalis sunt corporis, perpetua vicissitudine alterabilia, & vertibilia agitantur, atque ita sunt intra ingentes cœli fornices conglobata, ut totum hunc sublunarem repleant mundum. Ignis enim levissimus, purissimusque, ut visum effugiat, in altum se substulit, & superiorem locum sibi ascivit, quem æthera appellant. Huic proximum elementum spiritus, paulo igne ponderosior, immensa amplitudine circumfusus, per cuncta meabilis, ad suam nos reddit qualitatem, nunc in nubes densatur, cogiturque in nebulas, & solvitur. Succedit his aqua, inde ultimum ex defæcatis elementis abrasum, coalitumque, quod terra dicitur, cunctis substernitur, crassa, solidissima, impenetrabilis, ut nil tangi possit solidum, quod terræ sit expers, & nil vacuum sine spiritu. Ipsa medii spatio æquilibrata, obvallatur omnibus, immobilis sola residens, alia namque rotata vertigine circumferuntur. Hippon vero & Critias elementorum vapores principia dixere. Parmenides qualitates pronuntiavit; ex calido namque & frigido omnia constare dixit. Medici ex quatuor qualitatibus, calido, frigido, humido, siccò, quando simul conferuntur ex eorum victoria. Singula enim elementa vicina, veluti quibusdam ulnis complectuntur, & contrariis dissident qualitatibus. Natura enim sagax rato modulo, mira que opportunitate hanc machinam architectata est. Quum enim binæ essent in unoquoque qualitates, in aliquibus jugabilis societas, in aliquibus vero discrepantia, talem singulis de duobus alteram dedit, ut cui adhæreat, agnatam sibi, & similem habeat, qualitatem, uti aër, & ignis, alter enim calidus, & siccus, al-

ter vero calidus & humidus. Siccum enim & humidum contraria sunt, conciliatione tamen socii caloris copulantur: sic terra frigida & sicca est, aqua enim frigida & humida, quæ etsi per siccum & humidum sunt adversantia, connectuntur tamen frigiditatis societate, aliger enim difficilis esset eorum concordia. Sic ignis paulatim in aërem abit per calidum, hic in aquam per humidum, aqua in terram per frigidum: & terra igni per siccum conjungitur, & ita providissime gradiuntur. Inde ordine præpostero denuo transmutantur, & ex se invicem fiunt: facilis enim transitus, quum communem nacta sunt qualitatem, uti ignis & aër per caliditatem: quæ autem ambabus opposita sunt qualitatibus, ut ignis & aqua, difficilius vertuntur. Caliditas igitur, frigiditas, humiditas, & siccitas principes qualitates dicuntur, quum ab elementis elabantur primo, & ex iis secundarii emanent effectus, quarum duæ effectrices sunt, caliditas, & frigiditas, quæ plus ad agendum, quam patiendum natae sunt; patiuntur aliæ, humiditas, & siccitas, non quod prorsus ocientur, sed quia ab aliis conserventur, & inducantur. Secundariæ dicuntur, quasi primis inservientes, & secundo operari dicuntur, ut emollire, maturare, resolvere, tenuiorem reddere, uti quum calidum in mistum aliquod agens, educit impurum, & dum suæ actioni idoneum reddere tentat, ut simplicius fiat, evadit tenue: sic frigidum conservat, constringit, & congelat: siccum inspissat, & exasperat; nam dum excedit in illius superficie humidum, quæ consumere non valet, indurat: unde superficiei scabrities inducitur. nam vacuitate depressa, & elevata duritie, partium fit asperitas, & prominentia evenit. Sic humidum auget, corrumpit, & plerunque per se unum agit, per accidens aliud, ut ex maturatione, constrictione, expulsionem, & iis similibus lac, urinam, menstruum, sudorem evocat, quæ tertiæ à Medicis dicuntur qualitates, sic secundis inservientes, ut illæ primis, & quandoque in aliquibus operantur membris, ut caput corroborare, renibus consulere, quas & nonnulli quartas vocant. Hæc igitur fundamenta pronunciarunt mistorum omnium, & operationum mirabilium,

bilium, quæque in medio protulere experimenta, iis componi, & causas reperiri posse crediderunt. Sed Empedocles Agrigentinus elementis, uti non sufficientibus concordiam, & litem addidit, ex una res gigni, corrumpi ex altera: his versibus.

*Quatuor in primis cunctarum semina rerum ,
Iuppiter athereus, Pluto inferus, almaque Iuno ,
Et Nestis lachrymis hominum quæ lumina complet.
Nonnunquam connectis amur, simul omnia rursus ,
Nonnunquam sejuncta jubet contentio ferri.*

Jovem autem intelligit fervorem, & æthera; almam vero Junonem, æra. Plutonem, terram; Nestim quoque humanos rivos, tanquam genituram, & aquam. Concordiam & litem hanc reperiri in elementis per qualitates sibi oppositas disidentes, & consentientes, ac etiam in ipso cælo, uti Juppiter & Venus planetas omnes diligunt, præter Martem & Saturnum, Venus amica Marti, cui planetæ cæteri averfantur. Est altera inimicitia, quæ per oppositiones domorum, & exaltationes. Flagrant enim odio signa, & amicitia nexu convinciuntur, ut canit Manilius.

*Quin etiam propriis inter se locis astræ
Conveniunt, & certa gerunt commercia rerum ,
Inque vicem præstant visus, atque auribus hærent ,
Aut odium, fœdusque gerunt, conversaque quadam
In semet proprio ducuntur plena furore.*

CAPUT V.

Multas naturæ operationes ex formis provenire.

PERIPATETICI omnes, & recentiorum Philosophorum ætas, ex iis, quæ à verustioribus dicta erant rerum operationes omnes tueri non poterant, quum res aliquando contraria qualitatibus operarentur, ac ultra elementa, & qualitates, aliquod aliud esse conjectarunt, uti virtutes substantialibus formis connatæ. Nunc autem, ut enucleatius patefiant omnia, æquum est meminisse, à quibus vires proficiantur, non minimum in reperiendis novis, componendisq; profuturum; ut separare, & discernere discamus, nec omnem veri seriem con-

turbemus. Quum ex eodem misto plures fluitent effectus varii admodum, & diversi, ex uno autem peroriri principio est omnibus in confesso, cujusmodi multa in processu leguntur exempla. Jamque unde profisciscantur aperte dicturis paulo altius exordiendum est. Cujusque naturalis substantiæ (nam substantiam voco id, quod ex utraque compactum est) compositioni materia formæque uti principia eveniunt, nec qualitatum functiones ejicimus, quæ ex primordiis in elementis latitabant, ternumque simul replent numerum. Quum elementa ipsa in alicujus efformatione eveniunt, retinet efformatum qualitates præexcellentes aliquas, è quibus quanquam cuncta in effectus productione concurrant, à superioribus totum provenisse creditur, quum sibi reliquorum vires ascribant: si enim omnes æque decertarent, inconspicua esset eorum virtus. Nec materia quodammodo viribus est viduata, non illa princeps, simplexque est, de qua memoro, sed quæ ex elementorum vi, substantiisque enata est, è duobus maxime patibilibus, terra videlicet. & aqua; & quas aliquando solet Aristoteles secundarias qualitates, & corporeos effectus appellare; nos materiei functiones, sive vires, sive alio vocabulo gaudent, cognominemus; uti rarum, densum, asperum, læve, durum, fissile, materiei gremio penitus constituta, ab elementis tamen omnia veniunt. Rectius igitur censui, ne confundantur qualitatum effectus à temperatura, materiæ vero à consistentia effluere. At formæ tanta vis inest, ut quos omnes intuemur effectus, ab ipsa primum progigni nemini sit non cognitum, divinumque habeat exordium, veluti superior, & præstantissima, per se sine alterius adminiculo eis, uti instrumentis utitur, ut citius & commodius actionem expediat: quique animum minime addictum, assuetumque speculationibus habet, à temperamento, materiaque omne effici posse putat, quum iis, tanquam per instrumenta fiant. Opifex enim si in alicujus constructione simulachri aliquo utitur stylo, vel scalpro, non ut agens utitur, sed suppeditando, ut navius expediat. Tres igitur quum in unoquoque sint efficientes

ficientes causæ, non feriari, aut cessare putes, sed fatificantes omnes, remissius unam, validius reliquam, omnium vero maxime forma ipsa id efficit, reliquas corroborans, & si deficeret, irritas faceret, & frustrarentur, quum non sufficiant cœlestibus muneribus capiendis. Et quanquam sola exprimere eos non possit, quin reliquæ suos deprimant, tamen nec confunduntur, nec diversæ fiunt, sed ita inter se colliguntur, ut mutuo indigeant opere. Qui recte id rationis indagine cernere noverit, obscuritatis nil habet, nec veri scientiam confundet: Vnde vis ea, quæ rei dicitur proprietas, non à temperamento, sed ab ipsa evenit forma.

CAPUT VI.

Vnde eveniat forma, & de Homeri catena, & Platonis anulis.

FORMA igitur, ut omnium præstantissima, compari quoque evenit loco: à suprema igitur vertigine proxime, huic ab intelligentiis, illis denique ab ipso Deo, sic quæ formæ, eadem est & proprietatum origo. Zeno Citicus materiei Deum adjunxit, quarum efficiendi unum, patiendi alterum fecit principium. Nam Deus, ut sentit Plato, quum primitus cœlos, sydera, ipsaque rerum primordia elementa, ortus & interitus vicissitudine marcescentia, suæ divinitatis omnipotentia apto modulamine condidisset, dein animalium, stirpium, & inanimatorum genera, ne illa eadem cum cœlo conditione forent, cœlorum, elementorumque viribus accitis, per gradus assignavit, inferiora supernis ancillari fatali lege sancivit, & formam unicuique suam sydereo lapsu viribus cumulatam immisit: & ne continua rerum desisteret procreatio, singula semen proferre jussit, & formam præparatis sœnerari. Sic ab ipso cœlo devenientes formas divinas, & cœlestes esse necessario pronunciabis: in qua formarum exemplar, & nobilissima consistit causa, quam Plato ipse Philosophorum princeps mundi animam vocat, summus item Aristoteles universalem Naturam, Avicenna autem formarum datorem. Ipse non de re, uti caduca, sed ex se eliciens, & immittens primo intelligentiis, stellisque impartitur, dein elementa, tanquam per in-

Instrumenta materiam disponentia aspectibus informat. Quis est ergo tam demens, tam male à Natura formatus, ut si hæc ab elementis, cœlo, intelligentiis, & denique ab ipso Deo veniat, cœlestem dicat quod naturam illam non sapiat, & divinam quodammodo majestatem non redoleat? & quum tanta cum eo sit affinitas, operaefficiat quibus nil admirabilius, aut fingi, aut cogitari possit? Hæc igitur rerum combinatio, hæc series, & ordo divinæ deserviens providentiæ, ut quæ reguntur hæc omnia inferiora, ab ipso Deo primitus seriatim procedant, & operandi virtutem suscipiant. Deus enim, ut Macrobius ait, qui prima causa, & rerum princeps, & origo; suæ majestatis sæcunditate mentem creavit, hæc autem animam, (secus autem christiana se habet veritas) quæ partim rationem, quam divinis rebus, utpote cœlo, & sempiternis ignibus impertitur (ideo enim divinis dicuntur animatæ mentibus) partim quoque & sentiendi, & crescendi caducis rebus vim largitur. Id Maro sentiens, mundi animam his mentem vocat.

Spiritus intus alit, totamque infusa per artus

Mens agit molem, & magno se corpore miscet.

Homo igitur quum medius in utroque consistat, & à cœlo nobilitate recedens, & rationis particeps, quæ meretur cæteris præstare animalibus, & sentiendi vim retinet, reliqua deinde animalia, ut ab eo degenerantia, duo tantum retinent remanentia, sentire, & crescere. Arbores autem quia sensu, rationeque carent, quum crescendo tantum indigeant usu, hoc potiri, solumque crescere, & hac parte vivere dicuntur. Id exprimit deinde Poëta paulo post.

Vnde hominum pecudumque genus, vitæque volantum,

Et quæ marmoreo fert monstra sub æquore pontus.

Quum ergo ab ipso Deo mens, à mente anima proficiatur, & ipsa omnia, quæ sequuntur, animet, ut conveniat cum bruto planta vegetatione, cum homine brutum sensu, hic autem reliquis intellectu, sic ut à prima causa, tanquam funiculus à cœlo ad infima usque hæc tensus, mutua quadam colligantia, & continuitate, ut superior virtus radios spargendo, ad hæc veniat, quod si extremum

num unum tangatur, tremat, & reliquum moveat, jure hunc nexum anulos, vel catenam dixerimus, & Platonis anulis, & Homeri aureæ catenæ congruere videbitur, qui divinarum omnium inventionum fons & origo, sub figmenti nube id sapientibus intelligi dedit,

Εἰδ' ἄγε πρῶτον τοὶ θεοὶ ἵνα εἴδῃτε πάντες,

Σεβὴν χρυσέην ἐξ οὐρανόθεν κρεμάσαντες

Πάντες δ' ἐξάπλωσε θεοί, πασι τε γέαναι,

Ἀλλ' ὅσην ἂν ἐρύσῃτ' ἐξ οὐρανόθεν πέδιόνδε.

Christiana autem veritas habet, ut animæ non à mente, sed ab ipso Deo primitus emanent. Hæc noscens Magus, ut agricola ulmos vitibus, sic ipse cælo terram, vel, ut apertius loquar, inferna hæc superiorum dotibus mirificisque virtutibus maritar, & inde arcana Naturæ gremio penitus latentia, veluti minister in publicum promit, quæque assidua exploratione vera noverit, ut omnes cunctorum artificis amore flagrant, sui contentur omnipotentiam laudare, & venerari.

CAPUT VII.

De sympathia, & antipathia, & ut per eas rerum virtutes reperiri, & experiri possint.

EX proprietatibus quoque occultis, animalibus, vegetabilibus, & speciebus omnibus inest (ut ita dicam) compassio quædam, quam *συμπάθεια*, & *ἀντιπάθεια*, nos tritius consensum, dissensumque dicimus. Quædam enim mutuo connubio sibi associantur, & tanquam foedere devinciuntur, aliqua vero sibi ipsis infesta, & simultate dissentiant, cœcisque laborant discordiis: vel horrible aliquod, & destructivum habent, quod rationibus ullis, & probabilibus, nec quæri nec arctari possunt: nec prudentis erit hujusmodi causarum aucupio probare, nisi quod spectaculo eo fuerit Natura ipsa delectata, nec aliquid placuit esse sine pari, & nil esse in Naturæ occultis, quod arcana quadā proprietate non vigeat, & peculiari, vel ex his simultatibus & amicitiis multa ad hominum usus & necessitates remedia contemplantur: quippe si alterum cum altero conspicietur inimicitiam

micitiam habere, ad noxas, quas illud inferre posset, eo uti possent pro remediis, favit successus conjecturæ, & multa hac methodo adinventæ posteritatis memoriæ tradiderunt, ut ex eorum monumentis conspiciere possumus. Pernicialia sunt brassicæ & vitis odia, ac spectanda earum dimicatio: vitis enim, quum intortis claviculis omnia complecti soleat, solam refugit brassicam: nam prope sentiens in adversam partem se torquet, ut si quis eam admoneret hostem esse in propinquo, dumque coquitur brassica, vinum vel si paucissimum instillet, nec coquitur, nec ipsius color constat. Vnde Androcydes hoc exemplo usus, medelam contra vinum conjectatus est, brassicam videlicet posse temulentiam propulsare, ut Theophrastus inquit, quippe quum vitis etiam odorem brassicæ refugiat. Ipsumque olus, quo vitis fugatur, adversum cyclamino perarefcit, ut unum vireat, alterum areat necesse est, juxtaque consociatæ sæpe aridæ spectantur. Cyclaminus vino addita, ebrietatem auget, quam aufert brassica, ut diximus. Hedera etsi arbores omnes ad perniciem ducat, maxime viti adversatur, læditque, unde etiam temulentiam propulsat: Mira quoque harundinis, & filicis discordia, & perversicacia, ut altera alteram necet. Ex hoc filicis radix contusa è cannis spicula corpori infixæ dejecit, & si quis penitus harundinem non nasci volet, filice vomeri imposito exaretur locus, & minime renasci cognoscet. Orobanche inter legumina nasci avert, & maxime juxta fabas, & orobum, easque strangulat, unde orobanche commentum sibi usurpavit: leguminibus addita, coctionem accelerare tradit Dioscorides. Cicuta & ruta sibi invicem adversantur, ruta non nisi velata manu runcatur, contrectaturque, quam nisi contexeris perniciofa nascentur ulcera, si tamen per ignorantiam nuda manu runcaveris, prurigo, atque tumor incefferit, manus cicutæ succo perlinito: copiosa ruta esui data, venenioxam obtinet, quæ cicutæ succo extinguitur, adeo ut venenorum venena sint, & ad potam cicutam rutam valere tradidit etiam Dioscorides Ferox taurus fico arbori alligatus, mitescet, domaturque, ut Zoroaster ait, qui ex delectis

delectis veterum placitis Geoponica scripsit. Ex hoc inventum est, ut caules caprifici si carni bubulæ inter elixandum addantur, ut Plinius scribit, magno lignorum compendio eam percoquant, & Dioscorides propinat olynthos lacteo succo turgentes cum posca, ad haustum taurinum sanguinem. Elephas arietem timet, dum enim feritate effertur, ariete viso mansuescit, & conflaccefeit impetus, quibus Romani machinamenti Pyrrhi Epirotarum Regis elephantos in fugam verterunt amplaque victoria sunt potiti. Ex hac contrarietate ex ipsius elephanti membris ad elephantiasin multa remedia adinventata sunt, quam summa elephantorum cutis ementitur. Simia testudinem supra modum horret, quæ ebrietati obnoxia est, quum vino inebriata capiatur: ex testudine abluta fit remedium contra temulentiam. Homo & serpens adeo irreconciliabili dissident similitudine ut statim viso serpente horreat, & expavescat, & foemina utero gerenti occurrens, partum abortu vitiet: hinc natum est, quod foeminae partus difficultate laboranti, sit suffumigatio ex anguium senecta, foetum expellens, vel enecans, sed melius adipe ipsius os vulvæ adlinitur. Homini sic lupi visus est noxius, ut quem prius contemplatus fuerit, vocem adimat, & anticipatus obtutu nocentis, licet clamare desideret, vocis ministerio careat: si se prævium senserit conticescit, & ferocitate torpescente, gravem virium jacturam facit. Vnde natum proverbium: Lupus est in fabula, à Platone in Politicis traditum: iupus herinaceum timet, unde herinacei sanguis gargarizatus vocem raucam, obtusamque argutam reddit. Lupo canis inimicus, cujus pellis super eum suspensa, qui à cane rabido morsus est, aquæ timorem amollitur. Accipiter columbaceo generi hostis infestus est, hoc tueretur tinunculus, cujus aspectum, vocemque formidat accipiter, nec eas hoc latet, quod ubicunque residet tinunculis, protectoris fiduciæ loco non facessunt. Hinc Columella ad expellendos accipitres è columbario, ait: Genus accipitris, tinunculum vocant rustici, qui sane in ædificiis nidos facit. Ejus pulli singuli fictilibus ollis conduntur, stipantiaque opercula supponuntur, &

gypso

gypso lita vasa in angulis columbarii suspenduntur: quæ res avibus amorem loci conciliat, ne unquam deferant. Huc spectat celebre illud magnetis, & allii dissidium: nam magnes alio perunctus ferrum negligit, ut Plutarchus adnotavit, & post eum C. Ptolemæus: deleterix facultatis magnes est, & allium contra venenum est, ac si contra magnetem valere à nemine adhuc descriptum sit, possumus tamen conjicere verum esse, quod contra viperas, rabidos canes, & venenosas aquarum mutationes valeat. Sic & animalia, quæ cum venenatis hostibus inimicitias gerunt, præliantur, & impune vorant, nobis argumento esse possunt, contra eorundem animalium venenatos ictus valere. Continua est dimicatio cervorum cum serpentibus: serpens viso cervo in cavernam se condit, cervus narium spiritu foras extrahit, voratque: ob id contra eorum morsus cervorum propinantur adipēs, sanguis & lapides in oculis concreti. Elephantorum quoque anima è latibulis serpentes extrahit, & cum draconibus pugnant: quorum membrorum suffitus serpentes longe fugat. Ciconiæ è regionibus, quas incolunt, lacertos, cherfydros, cenchros, serpentes, aliasve pratorum pestes fugant: omnes earum artus illis adversantur. Idem facit ibis in Ægypto. Ichneumon luto se lorica, & contra aspidem belligerat. Mustela cum serpentibus pugnat, & basilisco serpentum venenosissimo ejus morsus exitio est. Exterret etiam basiliscum galli cantus, & cum serpentibus pro gallinis pugnat: cujus jus ad serpentum venenum propinatur. Sic testudo, & aquila. Scorpionibus stelliones inimici, ob id in oleo putrefacto, loca à scorpionibus puncta perlinunt. Mullus leporem marinum vorat, valet ad ejus venenum. Sus impune salamandram venatur, ejus pesti medetur. Chamæleonti accipiter inimicus, contra ejus venenum haustum sterco potatur è vino. Sic ex plantarum sympathiis occulti aliquid venari non omittetur: quod ad aliquod malum expellendum socias habeat vires. Optime corrudo, unde fiunt asparagi, feritur ubi harundo, quia multam inter se ineunt familiaritatem, ambo pronos ad Venerem reddunt. Vitis, & olea mutuo fruuntur consortio, ex Africano:

cano: utraque ad hominum commoda amicas præbent vires. Sic atragenes cervos amant, quorum luxuriosa natura est: utriusque membra promptiores ad coitum reddunt. Mutuus amor inter perdices & capras, & ad idem remedium valent. Sic fargus & capra. Canis homini amicissimus: corporis doloribus applicato, transire in eum morbum tradit Plinius.

CAPUT VIII.

A Cælo, & syderibus vim nasci, multaque inde evenire.

NON dubium reor inferna hæc supernis illis ancillari, & ab æthereâ natura illa vim quandam illabi, ut quæ mutationi obnoxia sint, rata lege, & continua serie corrumpantur, atque gignantur. Ægyptii, quos primum liquet cælorum effectus scrutari, & metiri ausos, postquam perpetuæ serenitatis obsequio in patetium camporum æquoribus habitantes, quum è terra nil emineret, quod contemplationi cæli officere possit, æterna semper clara, perspicuaque sydera deprehendentes, omnem curam in syderum cognitione influxuum posuerunt: quumque otiosos valde perterreret causarum aucupium, cælo, & syderibus ascribere cuncta, ut inde duceret unum quodque fatum, cœlique influxum in exortus hora, & interitus, stellarum reciprocationibus effectus producebant miros: unde certis sub horis, statis temporibus, & aspectibus, omnia parari, colligique cœpere, nec ultra progressi, suam tuerentur opinionem. Confirmat id Ptolemæus, qui cœlestes influxus ad normam expangere, & inde multa præfagire est ausus: & verbosa, ait, probatione non indigere. Nec minus & syderum omnium verberare, animantia, germinaque omnia crescere, decrescereque ex aliquibus crebrius, manifestiusque, aliis vero incertius, & intervallis rarius. Aristoteles dum superiorem lationem cunctorum causam, & principium esset contemplatus, quæ si desisteret, hæc illico deperirent: Necessitate, inquit, fuit hic mundus superioribus lationibus contiguus, ut universa inde virtus gubernaretur: tantamque vim à Sole diffundi novit, quod denuo concinne protulit. In obliquo circulo flexuosus

xuofus Solis meatus progenies, & interitus caducorum
 omnium est, & accessu, recessuque temporum intervalla
 causari. Plato cœlestes quosdam circuitus causam esse
 fœcunditatis, sterilitatisque ait. Ipse Sol temporum
 rector, vitæque regimen est. Vnde Iamblicus Ægyptio-
 rum doctrina fretus, inquit: Quicquid boni adest, id so-
 lari potestate adesse certum est, & si quid ab aliis habe-
 mus, ab ipso tamen absolvitur. Vocat eum Heraclitus
 fontem cœlestis lucis, Orpheus vitæ lumen, Plato cœ-
 lestem ignem, sempiternum animal. astrum animatum
 maximum & diurnum, Physici cor cœli vocant. Assert-
 que Plotinus, ab antiquis Solem Dei loco esse venera-
 rum. Nec minus Luna sua, Solisque virtute operatur,
 quum nobis affinior, & peculiarior sit. Albumasar per
 Solem, & Lunam omnibus vim infundi, insinuarique
 dixit, doctissimus Hermes post Deum Solem, & Lunam
 viventium omnium vitam esse. Hæc terris citima, cæte-
 ros planetas vicinitate exuperans, humidorum domina,
 & conciliatrix est, & cum ea tantam habent affinitatem,
 ut animata, inanimataque sui incrementa, & damna sen-
 tiant. Maria, flumina, & laticum fluctus crescunt, & de-
 ficiunt, nunc propere fluctuant, nunc tardo feruntur
 cursu Maris æstus reciprocando perperua vicissitudine
 agitur, nec id nisi Lunæ motui ascribere cuncti, ut
 nunc avido haustu absorbeat, nunc vero intumescens
 decedendo refluat: nec apparet unde aliter evenire pos-
 sit. Munificentius provocat animalia, tanquam ei man-
 cipantia: nam orbem replens, ut ait Lucilius, alit ostrea,
 echinos, spondylos, conchylia, cancras, cæteraque, quia
 noctu tepido fulgore mitificat, gibbosa autem, vel in
 cornua utrinque falcata inanit, & exhausta reddit. Idem
 etiam quod modo retulimus sydus, sentiunt cucumeres,
 cucurbitæ, pepones, quique plurimum humoris ha-
 bent aquei, ut adolescente gliscant, & senescente de-
 crescant, ut Athénæus referat, maxima perspicui posse
 Soli averfa, & adverfa eorum incrementa, & decre-
 menta. Nec plantarum germina cœli statum respuunt:
 quod norunt agricolæ, quum sæpius exploratum ha-
 beant in insitione: nam crescens lignum, non fructus
 incrassat,

incrassat, silens vero fructus, ligno languido, & macrescente. Vnde Agriculturæ peritiores & anni circuitum, & menstruum Lunæ cursum plantis sic necessarium judicavere, ut pars hæc Agriculturæ apprime necessaria sit existimata. Luna quoque dum per Zodiaci signa peragrat terrea, plantatæ arbores fortes radices, & subterraneas partes injiciunt: si per ærea migrans commorabitur, arbor diffundet ramos, foliis luxurians, & magis sursum, quam deorsum concreescens, Immo quod certius reperiri poterit signum, quam quod in punico malo cernere est, ut quot diebus ab interlunio discesserit Luna, tot annis det sobolem? Et fertur allium & si Luna sub terris posita seratur, & item sub terris latente vellatur, odoris sæditate cariturum. Cædua omnia, uti trabes, lignaque, dum novum sortitur Luna lumen, humore scatent plurimo, & quasi per humoris conceptionem emollita vermiculantur, & marcescunt. Vnde jubet Democritus, nec Vitruvio displicet, statuta ratione innocentius in decremento cædi, ut materies tempestive cæsa, carie non deficiens, diurnitatem recipiat. Quin ætates variando, varios demonstrat effectus: nam à Solis coitu usque dum cornicularis, & dividua fuerit, humectat, & calefacit, humectans magis: signo, quod humida omnia gliscant, & humificam virtutem ab ea recipiant. Dum vero prætumida, & in orbem sinuata fuerit, æque calidum, humidumque habet: sentiunt id arbores, & mineralia. Decrescens vego usque dum medio orbe cæsa, calida, humidaque; plus tamen caliditatis, quam plus habeat lucis: unde contingit pisces per aquarum superficiem commeare, in eo tamen occultus tepor, quia humecta diffundit, & humore aucto putredo provenit, unde in tabem ea resolvit. Vbi vero denuo cum Sole fiet synodus, & lumine orba apparere desierit, calida, & præstantiorem tunc cæli statum Chaldæi attruunt sapientes. Sic lunarem quoque esse herbam, rotundis foliis, circinatis, & cæruleis tradunt, quæ Lunæ dies novit: nam crescens unum in die producit folium, & decrescens deponit. Latius, & crebrius id apud nos perspicere

spicere licet in mansuetis animalibus, & plantis, continuoque id experimur visu. Sentit formica minimum animal syderum vices, ut interlunio cesset, & quiescat, plenilunio in noctibus operetur. Murium fibræ lunari numero respondent, ut tumido orbe crescant, cavo autem decrescant. Capilli tonsi, & ungues resecti post interlunium celerius: ante vero serius renascuntur. Oculorum pupillæ easdem Lunæ vices novere, ut nunc ampliores, nunc arctiores cernantur, quod qui hujus rei periculum facere quæsierit, in eodem sit lumine: majus enim eximie arctat, minus vero laxiores facit. Scarabæus syderum ætates, & tempora manifestat, ex stercore pilulam in orbem conglobat, humoque effossa scrobe viginti octo diebus obruit, tantisper condens, dum ambiat signiferum Luna, & ad interlunium revertatur: tunc orbem aperiens novam dat sobolem. Ceba (quod multo mirandum est magis) inter olera omnia sola syderum vicissitudines adversas novit, & contrarias habet augendi, minuendique vires: reviviscit enim, & congerminat decedente Luna, contra autem decrescit adolescente: quam ob causam Ægyptii sacerdotes eam non comedunt, uti apud Plutarchum quarto in Hesiodum commentario legi. Tithymali genus unum, quod vocant helioscopium, quasi solsequium, comam ad Solis normam circumagit, ut expergiscatur, & occubet crepusculis sopitum, desiderio quodam excitum, & ut ejus ortum mane spectet, noctu vero florem comprimat. Sunt & solares herbæ multæ, ut heliotropion: jubare enim exorto interdiu semper prono vertice spectat, ut nusquam videatur ejus intorxisse folliculum, sordere amoris quodam, seseque eodem inclinat, quo sydus defertur. sic malvæ flores, & cichorium; Lupinus quoque abeuntem Solem intuetur, ut caulem nusquam intorqueat, quotidie agricolis horam nubilo etiam obumbrante, uti horarum index demonstrat, eisque est confecti syderis signum: & in Euphrate, ait Theophrastus, loti florem non solum aperiri, & claudi, sed etiam caulem alias abscondere, alias patefacere à Solis occasu ad mediam noctem. Sic olea, salix, tilia, ulmus, & populus.

lus alba solstitium demonstrant, frondesque obvertunt, albaque lanugine canescens dorsum ostendunt. Irium, & arentis herba pulegii, tamen si radice careant, ligno suspensa, & affixa, florent, & solstitium ostendunt. Selenites (perinde ac si Lunæ jubar diceret) lapis est, quem alii aphroselinon vocant, is Lunæ imaginem continet, eamque reddit in singulos dies augescentem, & decrecentem. Et lapis alius est nubeculam continens, quæ Solis instar emergens demergensque circumvolvitur. Congratulatur cynocephalus Lunæ in exortu, quod stans manus in cælum tollit, & regium insigne in capite gestat, talemque habet cum Luna consensum, ut in ejus congressu, ex quo affici solet, quum intermenstrua non perniox, & blando colore illustrans omnia, sed opaca, silensque est, mas cynocephalus quoquam non intueatur, nec comedat, sed in terram demisso vultu, Lunæ raptu indigne lugens mœreat, fœmina vero illuni nocte non contenta, nusquam oculos contorquens, eadem cum mare patitur, & è genitali sanguinem mittit, ideo ad hæc usque tempora cynocephali in sacris nutriuntur, ut ex ipsis tempus conjunctionis Solis, & Lunæ sciri possit, ex Oro in hieroglyphicis. Arcturus exoriens imbres, & pluvias facit. Sirii exortum canes norunt, quia in rabiem aguntur, viperæ, & serpentes furiunt, stagna moventur, in cellis vina fluctuant, & maximi sentiuntur in terra effectus, ocimum sub ejus ortu pallefcit, & coriannum siccescit, à Theophrastò traditum. Caniculæ exortum quotannis observabant diligenter, & ab ea conjecturam capiebant, uti scribit Heraclides Ponticus, salubris ne, an pestilens annus futurus esset, nam si obscurior, & quasi caliginosa fuerit, pingue, & concretum esse cælum, ut ejus qualitas gravis, & pestilens futura sit: si clara, & pellucida apparuerit stella, cælum significat esse tenue, ac purum, & propterea salubre: quam sic metuebant veteres, ut ei canem sacrificare instituerint. Columella.

Hinc mala rubigo, virides ne torreat herbas,

Sanguine lactantis catuli placatur, & extis.

Et Ovidius.



Pro

Pro cane sydereo canis hic imponitur ara.

Præsentit eam fera, quam Origem appellat Ægyptus: nam Solis radios tunc contuens caniculam adorat. Molestas, dicit Hippocrates, purgationes ante, & post eam, nec secandas venas; plerasque demonstrat Galenus operationes in diebus decretoriis observandas, & necessarias admodum. Nec minus in ferendis segetibus, jactis seminibus, & plantarum propagationibus. Nec te magnorum syderum configurationes lateant: è signis discessus, ut aquæ, igneæque impressiones in aëre videantur. Quod si hæc æquo animo conspexeris, quis non omnium inferiorum causas sydera ipsa esse conjiciet? quibus jam ignoratis, maxima secretarum operationum scientia perire deprehenditur. Sed quid ex his nancisci poterimus, docuimus in Phytognomonicis.

C A P U T IX.

De superiorum virtutum attractione.

DIXIMUS de cœlorum effectibus in hæc inferiora, deque rerum consensu, dissensuque: subjungemus nunc ex agnatione Naturæ quomodo superiorum virtutes attrahere possimus. Platonici Magiam vocabant attractionem unius rei ab altera, ex quadam Naturæ cognatione. Mundi autem hujus partes ceu animalis unius membra, omnes ab uno authore pendentes, unius Naturæ conjunctione invicem copulantur: ideo sicut in nobis cerebrum, pulmones, cor, jecur, & reliqua membra à se invicem trahunt aliquid, seque mutuo juvant, ut uno illorum aliquo patiente, compatiantur: ita hujus ingentis animalis membra, id est, omnia mundi corpora connexa similiter mutuunt invicem naturas, & mutuuntur, & ex communi cognatione, comis nascitur amor, & ex amore comis attractio. Hæc vere Magica est. Ab orbis Lunæ concavitate propter Naturæ congruitatem sursum trahitur ignis, ab ignis concavitate aër, à mundi centro terra ad infima trahitur, & à suo loco rapitur aqua. Hinc & magnes ferrum, & electrum paleas, sulphur ignem, Sol flores multos, & folia ad se trahit, & Luna aquas. Plotinus atque Synesius inquirunt: Magna ubique Na-

Natura est, videlicet certa quædam pabulis ubique certis inescans, non aliter, quam centro terræ gravia trahens, Lunæ concavo levia, calore solia, humore radices, cæteraque similiter. Quo quidem attractu secum ipso devinciri mundum testantur sapientes Indi, dicentes; mundum esse animal passim masculum simul atque feminam, mutuoque membrorum suorum amore ubique coire secum, atque ita constare, vinculum vero membrorum inesse per insitam sibi mentem, quæ per artus infusa, ut diximus, molem agitat, & magno corpori se miscet. Hinc Orpheus Naturam ipsam mundi, Jovemque marem appellat, & feminam, usque adeo mutui suorum partium conjugii ubique mundus est avidus. Esse masculinum sexum feminino ubique committum declarat signorum ordo, ubi præcedens masculinum, subsequens femininum, sic arbores & herbæ, ut animalia, utrumque sexum habent: mitto quod ignis ad aërem, aqua ad terram, masculi ad feminam vicem habent, ut non mirum sit membra inter se mundana mutuum conjugium concupiscere. Planetæ partim quidem maris, partim feminæ, Mercurius hermaphroditus. Quod sane animadvertens Agricultura, præparat agrum, feminique ad cœlestia dona; similia quædam efficit Medicina in corpore nostro, tum ad nostram fovendam, tum ad universi naturam uberius comparandam. Sic & Philosophus astrorum peritus, quem proprie Magum appellare soleamus, quibusdam illecebris, cœlestia terrenis opportune quidem, nec aliter inferens, quam insitionis studiosus agricola veterem recenti stipiti furculum. Subjicit Magus terrena cœlestibus, immo inferiora passim superioribus, ut ferrum magneti trahendum, & crystallum Soli illuminandum, vel ovum gallinæ fovendum. Præterea sicut nonnulli foventes ova etiam sine animalibus vitam illis ex universo conciliant, & sæpe materias quasdam opportune parantes, absque ovis, manifestisve seminibus animalia procreant, ut apes ex bove, ex ocimo scorpionem, vitam videlicet à mundo, materiis certis, opportunisque temporibus adhibentes, sic & Magus ubi cognovit quæ materiæ, siue quales, partim

partim inchoatæ Natura, partim arte perfecta, & si sparsæ fuerint congregatz, quæ cœlitus influxum suscipere possint, has, eo regnante, potissimum colligit, præparat, adhibet, sibi que per eas cœlestia vendicat. Vbicunque enim materia quædam, sic superis exposita est, sicut speculari vitrum vultui, pariesve oppositus voci, subito superne patitur, ab agente potentissimo, à potestate, utraque mirabili ubique præsentem. Proclus vero libro de sacrificio, & Magia dicit, quod Philosophi quum considerarent in rebus naturalibus cognationem quandam, & mutuum nexum aliorum ad alia, & manifestorum ad vires occultas, & cuncta in cunctis invenirent, Magiam condiderunt, agnoverunt & in infimis suprema, & in supremis infima: in cœlo quidem terrena non proprie, sed secundum causam, modoque cœlesti, in inferioribus vero cœlestia, sed modo terrestri. Nam unde putamus plantas illas, quas heliotropias nominant, ad Solis motum Solem versus moveri? & selinetropias, id est lunisequas, ad Lunam verti? Quamobrem in terra quidem aspicere licet Solem, & Lunam, sed pro qualitate terrena, in cœlo autem plantas omnes, & lapides, & animalia pro cœlesti natura, quæ quidem veteres contemplati, aliis cœlestium, alia terrenorum adhibuerunt, unde divinas virtutes in locum inferiorem ob quandam similitudinem deduxerunt: nempe similitudo ipsa sufficiens causa est ad res singulas invicem vinciendas. Si quis papyrum calefaciat, deinde subjiciat lucernæ proximæ, etiam si non tangat, videbit accensam subito Papyrum, quamvis non tetigerit ignem, accensioneque desuper ad inferiora descendente. Comparemus igitur papyrum calefactam cognatione cuidam inferiorum ad superiora, appropinquationem ejus ad lucernam opportuno usui rerum pro tempore, loco, & materia, processum ignis in papyrum præsentis divini luminis ad id, quod potest capere, accessionemque papyri deificationi mortalium, materialiumque illustrationi, quæ deinde feruntur sursum instar accensæ cannabæ: ob quandam divini seminis participationem.

CAPUT X.

Quemadmodum ex mundi contemplatione arcanarum rerum cognitio dependeat.

EX totius mundi faciei contemplatione, motu scilicet, habitudine, & figura, ex nascentibus, crescentibus, occidentibusve rebus arcanorum cognitionem dependere opinamur. Assiduus enim naturalium rerum scrutator, & contemplator, ut & Naturam ipsam gignentem, & omnia corrumpentem videt, ita & ipse facere condiscat. Nec minus ex animalibus: nam etsi intellectu carent, sensibus adeo vigent, ut longe humanos superent, eorum actionibus Medicinam, Agriculturam, Architecturam, Oeconomiam, ac denique scientias, & artes fere omnes docent. Et quæ in Medicina adhuc, aliisque artibus vere inventa, omnia ab eisdem ostensa sunt. Idem in metallis, gemmis, & lapidibus faciendum remur. Fascinantium oculos rationis expertes bestiarum natura quadam admirabili cavent: Columbæ ad fascinationis amuletum, propulsationemque laurinos ramulos tenues primum colligunt, dein ad custodiam pullorum nidis imponunt, milvi rhamnum, circi amaraginem, turtures gladiolum, corvi amerinam, upupæ capillum Veneris, harpæ hederam, ardeolæ careon, perdicis harundinum folia, turdi myrtum, alaudæ gramen, unde Græcum adagium

Ἐν κορύδῃ κοίτη σκολιῇ κίερευσι γάργαρις.

Graminis intorti lustris galerita recumbit.

Cygni viticem, aquila callitrichum, vel lapidem ætitem, qui mulieribus commodus, nam abortibus adversatur, ex *Æliano*. Herbas ad venena valentes eadem animalia demonstrare, quum ad eorum commoda quærerent. Elephas chamæleonte jam depasto, qui frondibus concolor immoratur, suo veneno occurrit, oleastrum desumens: hinc ortum est, ut si quis casu chamæleontem vorarit, oleastro assumpto, pesti medeatur, ex *Solinio*. Pantheræ aconito devorato, carnibus à venatoribus insperso, ne extinguantur, humanum stercus quærunt, quo sibi medeantur. Testudo ex serpentis esu

morbum concipit, origani cibo noxam discutit, & contra eum dimicatura, hoc se munit. Quum mandragoræ mala urfi gustavere, ne malum in perniciem convalescat, eunt obviam formicas comedendo. Phalangium cervis perniciosum, nam eos celeriter interimit, nisi sylvestrem hederam comederint, & ubi venenosa advertunt pabula, sibi cinara medentur herba, & contra serpentes se muniunt elaphobosco. Sic palumbi, graculi, & merulæ lauri folio. Cimicis natura contra aspidum morsum valere compertum est, argumento, quod gallinæ, quo die id ederint, nō interficiantur ab aspide, ex Plinio. Capræ ocimum spernunt, quia lethargum inducit, ex Chrysippo. Vulnerarias etiam herbas ipsa demonstravere. Cervi dictamno herba tela corpore ejiciunt: Cretenses enim vulnerandi periti feras in verticibus montium pascentes percutiunt, illi accepto vulnere herbā quærunt, & è vestigio spicula excidunt. Sic etiam & capræ. Elephantes in venationibus vulnerati, quærunt aloës lachrymam, & vulneribus illinunt. Adinvenere & sibi medicinas, quibus noxios humores è corporibus purgarent, ipsasque nos docuerunt. Asini asplenum herbam vorant, ut atram bilem ejiciant, ex quibus edocti Medici eandem herbam ad eundem usum præparant. Cervæ ante partum purgantur seseli herba, faciliore ita utentes utero. Ursi ut relaxetur intestinum, arum comedunt, ex Aristotele. Columbæ & gallinacei helxine pasti annum fastidium deducunt. Canes gramine herba comesta, omne id, quo affliguntur, cum pituita & bile evomunt, sibi que hæc vomitio salutem affert, rabiem enim, nisi tollatur, facit. Et peculiaribus morbis, quibus infestantur, peculiaria remedia adhibendo, ab eis iidem commonesacti, in nostris eisdem utuntur. Leo quartana febre laborans, simias vorat, ut sanetur: hinc nos scimus contra febrem simiæ sanguinem valere, corroborando. Hauſto etiam canum sanguine eodem morbo liberatur. Ventris & intestinorum dolor sedatur intuitu anserum, & anatum visu, nam si eas conspexerint, confestim torminibus liberantur, ex Vegetio: eadem anas majore profectu & equinum genus conspectu suo sanat, ex Columella. Vnde Plinius.

Quod

Quod traditur in torminibus mirum est, anate apposita ventri transire morbum, anatemque emori: & carnem anatis in cibo torminosis prodesse Marcellus scribit. Capræ & dorcades non lippiunt, quod quasdā herbas comedant. Accipitres comedunt hieracium, quando caliginem oculis senserint. In oculorum morbis elephantes lac bibunt. Fœniculum nobilitavere serpentes, gustatu senectutem exuendo, oculorumque aciem succo suo reficiendo: unde intellectum est hominum quoque caliginem eo relevari. Herbis lacteis vescuntur lepores, ob id coagulum habent in ventriculo, hinc didicere pastores lacteis herbis quam pluribus lac coagulare. Perdices porrum mandunt, quia ad sonoram vocem prodest, ex Aristotele Problematum libro. Ex hoc Nero vocis gratia ex oleo statis mensium omnium diebus, nihilque aliud, ac ne pane quidem vescendo. Instrumenta insuper quamplurima Medicinæ animalia etiam adinvenere. In oculorum suffusione capra junci punctura sanguinem exonerat, caper rubi: nam quum oculum caligine adumbratum, & non probe affectum ad videndum senserit, eum ad rubi spinam admovet, & reserandum permittit, hæc ut pupugit, statim pituita evocatur, & nulla pupillæ læsione facta, videndi usum recuperat, hinc homines hoc curationis genus didicisse existimatur. Ægyptii non ex humano invento clysteres se didicisse, sed ibi avem ad dejiциendas alvos usum sibi, & medicinam docuisse prædicant. Ex qua etiam dietam didicere, & crescente Luna vivendi rationem augere, & decresciente diminuere. Vrsorum oculi hebetantur crebro, quæ maxime causa favos experunt, ut convulneratum ab apibus os, levent sanguine gravedinem illam: unde utuntur hodie Medici ad oculorum hebetudinem phlebotomia. Gulo immodicæ voracitatis repletus, ventrem inter duas arbores stringit, ut excrementa protrudat.

Ex similitudine arcanas vires in rebus reperiri

QVI penitus nostrorum majorum scripta scrutantur, Hermētis scilicet, Orphei, Zoroastri, Orphanis, Damagerontis, Harpocratonis, Kirannidis, & aliorum cœvorum cordatorum virorum, qui de arcanis conscripserunt, eaque adinvenerunt, non nisi ex similitudine seminum, fructuum, florum, frondium, & radicum, quæ morbos, humanos artus, & animalium cognoverunt, nec non syderum, metallorum, lapidum, gemmarumque ex quibus postea Hippocrates, Dioscorides, Plinius, & alii, ubi vera esse cognoverunt, in suos libros transcripserunt, exceptis iis, qui satis stulte, ne dicam invidiose, aut rabiose ad manifestarum qualitatum normam redigere conati sunt. Operæpretium non vulgare erit, de ejusmodi aliqua referre exempla. Theophrastus de herbis loquens, scorpii, & polypi imagines referentibus, inquit: Non desunt quæ forma quadam peculiari spectentur, ut scorpii vocata radix, atque filliculæ; altera enim speciem scorpionis repræsentat, & utilis ad ejus ictum, altera hirsuta, & acetabulis cavernosa, ceu polyporum cirri, quæ purgare inferius apta est, & ubi polypum innasci affirmat, delectat. Et alibi. Nec quæ attribuuntur plantarum viribus, absurde conscribi videntur, ut puta generandi seminis facultatem, atque sterilitatem, sicut qui testiculus appellatus est: quum enim gemini sint, alter magnus, alter parvus, magnum efficacem ad coitum, minorem obesse dicunt. Quædam ad procreandum marem, vel fœminam valere, ut herba, quam mariscam, & fœminiparam vocant: ambæ inter se similes, fructus fœminiparæ modo musci oleaginei, mariparæ geminus modo testiculi hominis. Ne semen fœtificum sit, fructum hederæ candidæ facere dicunt, contra ut sit prolificum fructu crataei, quod fructum tanquam milium refert. Penitus hominem sterile scire folio herbæ hemionitidis. Quæ enim fructuosæ & fœcundissimæ sunt, fœtificas dixerunt, quæ steriles, homines steriles reddere. Et alibi. Notabile in lappa:

nascitur

nasceitur flos in eo ipso hirsuto, & aspero non exiens, neque evidens, sed intra se concipiens, & semen pariens, ut illis simile sit, quod in galeis, & viperis evenit; illa enim ubi intra se ova pepererint, mox animalia gignunt, & hæc florem in se continens, concoquensque fructum deinde parit. Sed mutuas virtutes habent. Dioscorides scorpioidem herbam caudæ scorpionis effigie scribit, quæ ad morsus scorpionis valet. Sic serpentariam majorem, minoremque, quæ extima corticum superficie maculis variis fuscis, rubris, croceis, ceruleis, serpentum exuvium exprimunt, ad eorum ictus valere tradidit; sic arum, arisarum, & allium anguinum, sic echium, & anchusæ viperinum capitulum suis seminibus ostendunt, ad earum morsus valere. Idem de lithospermio, saxifragiis dixit, quæ ad comminuendos in vesica calculos valent, & multa alia, quorum liber plenus est. Tradit Galenus alaudæ aviculæ galericulatum verticem esse, cujus similitudinem exprimit corydalis capnos: utraque adversus colicos suam affert opem. Apud Plinium multa, & innumerabilia leguntur, quæ ex antiquorum scriptis transcripsit, quorum opera suis temporibus extabant. Aliqua ex eo referemus. Herbam in capite statux enatam, collectamque alicujus in vestis panno, & alligatam in lino, capitis dolorem confestim sedare dixit. Eriphiam multi prodidere: scarabeum hæc in avena habet, sursum, deorsumque decurrentem cum sono hædi, unde & nomen accepit, hac ad vocem nihil præstantius esse tradit. Orpheus suis lapidibus virtutes ex indole venatus est. Galactites lapis lactei coloris, cujus pulverem si sparseris super dorsum caprarum, suis foetibus copiosius lac præbunt, si in potu nutricibus dederis, lac mammis adauget. Crystallus aquæ similitudinem gerit: in febribus ore detentus, & volutatus sitim extinguit. Amethistus vini colorem refert, ebrietatem propulsat. Conspiciuntur in achate fruges, arbores, prata, & viridaria: pulvis injectus circa cornua, vel humeros bœum, dum arant, facit, ut maximam frugum copiam largiatur Ceres. Ophites serpentum maculas ementitur, eorum morsibus opitulatur. Chalcophonos lapis illisus æris tinnitum

nitum reddit, Tragœdis tradunt gestandum, quia optimam vocem facit. Hæmatites lapis tritus sanguinem rejicientibus, oculisque cruore suffusis utilis, sic cinnabaris ejusdem coloris, & virtutis. Reliqua minime duximus huc afferenda. quum in nostris Phytognomonicis diffusius pertractentur.

CAPUT XII.

Quomodo ex similitudine componendum, & applicandum sit.

NATURAM virtutum similitudinem ostendisse jam diximus, nunc quomodo eas componere, & applicare possimus, doceamus. Nec est principium magis in dicendis profuturum, nec radix, unde secretorum & mirabilium operationes expullulent magis: proinde maximam & talem adhibeas diligentiam, qualem accuratissime veteres adhibuisse in eorum scriptis reperimus, ut hinc pars major eorum secretorum constet, ut in compositione noscere, & assimilare discas. Vniversas rerum species, & qualitates ad se aliqua secundum totum eorum posse inclinare, trahere, allicere, & ad suum convertere simile videmus: & si ex actione præcessentes fuerint, id facilius eveniet; uti ignis ad ignem movet, ad aquam aqua. Asseverat Avicenna, si quid diu in sale steterit, salislaginem totum respiciet, & si quid in foetido foetidum, & si cum audace. & timido, audax & timidus fiet, cum hominibus si quod animal conversari solitum, humanum & cicur evadet. Hujusmodi multa astruunt Medicorum dogmata: uti corporum partes aliquæ similibus gaudent, ut cerebrum cerebro, dentes dentibus, pulmo pulmone, & jecur jecore Hominis, vel gallinæ cerebrum memoriæ, & ingenio confert, ejusdemque calva recens epulis immista juvat epilepsiæ. Gallinæ ventriculum ante cœnam si comederis, & si ægerrime concoques, ventriculum tamē confirmat. Cor simiæ cordis prohibet pulsum, & audaciam, quæ in corde residet, adauget. Lupi virga assa, & incisa si edatur, Venerem excitat, si languecant vires. Vulturis corium dextri calcanei dextro podagrici pedi si imponas, vel lævum lævo, articulorum lenit

nit dolores; & tandem membrum quodlibet membro simili prodest. Pleraque ex Medicorum libris condiscēs, non est enim nostri consilii omnium meminisse, quorum jam ipsi meminere. Colligendum præterea, multumque animadvertendum quibus insit rebus qualitas, vel proprietatis alicujus excessus, & non communis, vel affectio, vel hujuscemodi perturbationes, & num ille excessus casu natura, vel arte insitus sit, ut calorificus, frigorificus, amor, audacia, sterilitas, fœcunditas, tristitia, loquacitas vel aliud quod facere volumus, ex his operentur, & quam minime impune puto. Ut si mulierem fœcundam reddere destinaveris, fœcundissima animalia considera- ro, & inter cætera leporem, cuniculum, & murem. Lepus enim superfœtat, dum utero gerit, & singulis mensibus generat, & fœtus edit non universos, interpositis enim diebus, quod res tulerit, peragit, & à partu continuo repetit coitum, & lactans adhuc concipit fœtum, & in utero aliud pilis vestitum, aliud implume, aliud inchoatum gerens pariter. Considerabis præterea eas partes & membra, ubi affectio illa residet, ut ea propinemus indigenti, ob id leporum testiculos, vulvas, coagulum dabis fœminis & viris, sed fœminis de fœmineo, & masculis de masculino ad conceptum in mulieribus excitandum. Sic homo, vel individuum aliquod, quod nunquam fuerit infirmum, ægritudinibus confert omnibus. Si audacem, vel impudentem aliquem reducere curaveris, fac illum secum afferre leonis pellem, aut oculos, vel galli, & animosus, & invictus perget inter inimicos, & eis timorem inducet. Si loquacem aliquem optabis, dant linguas, modumque optato potiendi ranæ aquaticæ, sylvestres anates, anseres, & si quæ sunt animalia obstrepera, & loquacitate non incelebria, quibus loquacitatis notam impingunt, quorum linguas si pectori, vel capiti dormientis mulieris supposueris, quia loquaciora noctu sunt, noctis secreta propalat. Pleraque, quæ potius luxuriantis, quam proficientis essent lectionis, quum uberius hæc in Phytognomonicis tractentur nostris.

CAPUT XIII.

Quod individuis peculiare insint dotes, aliquibus in toto corpore, aliis in partibus.

HAUDQUAQUAM dotibus individua carent luculentis, & mirificis, sed magnam in operationibus retinent potestatem, & maiorem, quam ab ipsa habeant specie, vel occulta proprietate, vel ipso cœlesti stellarum situ, ut putavit Albertus, mirabilem haurire patiendi, operandique energiam, non specificam, sed propriam & peculiarem: unde varii individuis ascribuntur effectus, & inclinationes, vario ab influxu, cœlestique habitudine, quæ omnia novisse Magum oportet, ut multis ostensis operandi viis, eligat commodiorem, suoque inserviat usus, si inops aliquando eorum fuerit. Nostrum enim tunc pensum absolvimus, quum indagandi, componendique methodum tradidimus, nequid nostris in historiis desiderari possit. Sed redeat, unde fluxit oratio. Refert Albertus gemellos extitisse, alteri quorum latus erat, tactu cujus claustra, & portæ paterent omnes, alter è diverso repente claudebat, quæ aperiebantur. Alii cati, muris, aliorumve animalium sic perhorrescunt aspectum, ut non possint non ægre ferre, & in animi deliquium cadere. Sic aliquibus strumas sanandi, & diversa curandi ulcera impressa est cœlitus potestas: & quod chirurgum fatigavit multum, pharmaco curari non valuit, nec ulla profuit medicina, solo salivæ tactu sanatur. Nec minus considerati debent, quæ aliquibus conveniunt, ut meretricibus audacia, ganeo-nibus petulantia, furibus timiditas, & huiusmodi passionum multæ, quæ passim literarum monumentis memorizæ produntur. Insunt præterea naturalibus rebus aliquæ communicationes, ut non solum ipsæ vires retineant, sed aliis communicent. Impudentissimæ meretrici non impudentia solum, sed virtus etiam inest, ut quæ tetigerit, vel secum habuerit, vim habeant impudentem reddendi: unde qui illius sæpius se contemplatus fuerit speculo, vel induerit exuvias, ei redditur & in impudentia, & in libidine similis. Nec solum ferrum à magnete

gnete contactum trahitur, sed cætera allicit ferrea, ac, uti dicemus, anulus unus, quem rapiet magnes, multos trahit, ut tanquam catena pendere videatur, & mutuo illius virtus transferatur. Idem in cæteris observare licet. Animadversione quoque dignum puto, rerum virtutes aliquibus substantia tota, aliquibus vero & partibus immorari. Retinet echeneis navem, non jam partibus præcipue suis, sed toto suo corpore: exempla quæ plurima passim leguntur. Multa secundum partes operantur aliquas, oculis scilicet regulus, & catoblepa: fugiunt vespertilionis alas formicæ, non tamen cor, vel caput: fugiuntque upupæ cor, non tamen caput, vel alas: id in reliquis animadvertes.

CAPUT XIV.

De viribus, quæ in vita tantum insunt, & quæ post mortem.

PERPENDERE, ac intueri par est functiones præ-insignes aliquas, immo majorem eorum partem, quæ in vita tantum operantur, post autem interitum hebetantur, & evanescent, & raro aliquibus inserviunt. Lutorum oculi vocem, catoblepa vero, & basiliscus confestim adimunt vitam: moratur echeneis navigiorum impetus: struthiocamelus ferrum concoquit, non jam emortui id operantur, quod nil penitus liquido agunt: emoritur enim, & deperit virtus illa, vita jam evanescente, immo si partes ejus ex eis eligendæ sunt, è vivis petendæ sunt. Ideo in Naturalis Magiæ præceptis non temere sancitum puto: si quæ ex animalibus consequi possunt, iis jam vivis demere, fueritque præstantius, si id fieri potest, ut in vita supersint; animantis jam expirantis debilitatur, & elanguescit virtus illa. Anima enim, inquit Albertus, his confert multum, quæ in animalibus gignuntur: interitus enim, aut corruptio pervertit ea, & præcipue si naturalis, quum corruptis humoribus emoriuntur: viva longe secus operari sunt solita, viresque luculentiores habent. Observatur id multum Medicorum astipulatu, cæterorumque, qui hujusmodi studio navant operam. Si extrahentur è ranis linguæ, è pastinacis radii, lapides ex animalium capitibus, aut oculi, aut aliquid,

ut opportune operentur: non enim è mortuis illis, sed adhuc vita fruentibus, vivaque in aquam projiciantur, & vivant, ut non insita ejus virtus depereat, & flaccescat, sed virtutis exuperantia ad agendum promptiora evadant. Nec aliter in omnibus id imitemini, quod verbis parcentes, omittimus. Nec minus in rebus vita carentibus perspicere licet, remanent enim proprietates aliquæ sic consociatæ, ut operari non desinant, immo & valentius multo. Lupi sic ovibus sunt exitio, ut odium post interitum servant: nam si lupina pelle tympanum accommodabis, inter cætera ex ovibus pulsatum audies, silentibus sonoris omnibus, & obmutescere ea faciet: ex ursi vel lupi corio confectum, & pulsatum longe equos abigit, & fugat. Et si ex omnibus eorum intestinis chordæ in lyris tendantur, obstrepent, nec temperamentum unquam efficiunt. Dissidet hyæna cum panthera: unde qui hyænz corio se lorica jam mortuæ, fugiunt quæque, nec congregi quidem sustinent: & si eorum pelles è regione adversantes suspendes, pantherarum pellis pili defluunt: leonis pellis cæterorum animalium polles absumit, & erodit, lupinz vero quoque agnorum: & reliquorum alituum pennæ aquilinis permistæ in talem resolvuntur, & per se decidunt. Adversantur sibi floræ, & ægithus, & tam est eorum pertinax odium, ut mortuorum sanguis simul commisceri non posse dicatur. Amant columbæ tinunculum, ut diximus, & in columbariis repositus mortuus, amorem loci conciliat, ut post mortem amicum ament. Nec herbæ, simpliciaque cætera operari desinunt, quia jam detruncata, aut sicca depereant, sed jam validæ eis quoque vires prævalent. Tu autem considera, & æqua mente librato, ne te in operando decipiant, qui mirabilia operari affectas.

CAPUT XV.

Simplicia omnia statim exerceri temporibus, & pariter parari debent.

DI X I M U S à coelo inferioribus rebus vim elargiri, & maxime plantis; propterea nos statim omnia parare debere temporibus, nec id prætereundum esse censemus:

semus: nam ut cœlum varias reddit anni constitutiones, ita & plantas variat, ad incrementum autem, alimentumque plurimum cœli temperies, uti dixit Theophrastus, & in totum anni conditio juvat. Vnde non ab re est, quod proverbio dicitur, annum producere fructum, non arvum. Id autem duplici modo intelligendum, uno vulgari & communiter, altero peculiari. Primò modo docet Dioscorides, Verum in primis curam impendere oportet, ut suis temporibus singula, & demerantur, & recondantur, certe enim pro horum ratione aut valent viribus, aut evanido, nulloque munere funguntur. Serena igitur cœli constitutione demetenda sunt. Sic si non suo tempore, & opportune colliguntur, minus viribus valent, aut si per imbecillitatem intabuerint. Sic omnes radices autumnò evellendæ, tunc, quum humore & virtute scatent plurima: aliter enim exarescendo evanescent, & tunc cum decidua sunt folia, vis ipsis occultitur. Verno tempore flores, quum illo enascantur tempore, & vim retineant magnam, æstatis tempore folia: sic in cæteris observandum jubemus. Scito aliqua multum retineri, aliqua brevi temporis processu vim expirari, ut omnibus conspiciere licet, & cautum est Medicorum regulis, quæ multis servantur annis, quæve inutilia sint habenda. Vnde sæpe, quæ traduntur irrita & vana reputantur experimenta, quum fortasse in manus incidant aliqua vetustate collapsa, & consumpta. Sed si peculiaribus temporibus colligantur herbæ, ex cœlestibus configurationibus singularem virtutem quandam suscipiunt, & facultatem à cœlo longe nobiliorem, ut pote, quæ à præstantissima syderum natura, & qualitate manarint: sic radices, caules, flores, folia, & semina decerpta maximæ efficaciz, longe validissimas vires recipiunt. Sed verum tempus definiri nequit, quum diversis in regionibus diversa loca varie radiis Solis illustrentur, vel ab iis longe remota, serius, & citius fœtus pariunt, & à terra pullulent: tamen aliqua in universum præsumur. Radices tunc eruendæ, quum Luna silet, quia tunc. humore ad ima delapso, succo turgent; tempore vespertino, roseidus enim humor So-

lis emerſu fugatur , & per ſiphonem caulis ad ima revocatur : congruum tempus fatentur, quum rugæ & plicaturæ depercut , & propter ſucci incrementa explicantur, deducunturque , immo rimulas agunt dehiſcentes inſtar fœminæ , ſe futuro partui accingentis , nitentiſque , & jam interior rimula in rimas fatiſcit , diſrumpique minatur. Folia eo tempore reſecaſſe profuerit, paulo poſt , quam é turionibus ſe explicant , & eis indui ſe oſtentent, non autem nocturno rore roſcida, ſed ſub primo Solis emerſu : nam mēridie à Solis colore ex hauſto humore , ſitiunt. Flores colliguntur quum geſtiunt & annituntur fœtum depromere, priuſquam flaccidi decidunt , & dum roſcido humore rigui ſunt. Tempus caules colligendi, quum flores emarcuere, alio enim tempore uſui ineptiores. Semina quum maturitate caſum minantur. Sunt & magis peculiaria. In calidis & tenuibus in principibus cœli locis conſtituendi ſunt Sol & Mars , in humidis Luna , nec collabentur in decidua loca , & cœtera : nam hoc modo collecta ad medicos uſus maximo ſunt emolumento.

CAPUT XVI.

Quid regiones , & loca maxime ſint conſideranda ubi naſcantur ſimplicia.

NE e eis raro errare contingit in plantis, metallicis, iſſique ſimilibus, qui loci ſitu ſpreto ea propinant, quæ in uſum, & manus veniunt. Si quis vero id integre aſſequi velit , non parum conducit cœli ſtatus , & loca ſpectentur propria: uti enim locus diverſas ſortitur temperaturas , ita & diverſitatem in plantis operari poteſt : & tantam aliquando in plantarum virtutibus mutationem cauſatur , ut non ſolum huius diſciplinæ rûdimentis initiati ſæpenumero fallantur: ſed in earum virtutibus inquirendis & medici , & qui non parum Philoſophiæ ſtudiis navant operam. Cujus rei meminit Plato. Munivit Natura naturans loca terræ virtutibus diverſis , ut eis ſigillentur virtutes diverſæ , ut in plantis , & rebus aliis , quales merentur ſecundum genus eorum. Cui conſimilis & Porphyrii ſententia. Quod locus eſt gene-

generationis principium sicut & pater. Cicutam è Suis Theophrastus colligendam jubet, quippe Thrassias Mantinentis eo loco sumendam censebat, vel si quæ alia loca prægelida erant, cujus succus Athenis venenum pœna Atheniensium publica invisus, quem quum Socrates præsumpsisset, præsentanea de medio morte sublatus est: hic autem impune sumitur, & bestiis commanducatur. Niger elleborus Oeta monte, & Parnasso præstantissimus, alibi hebes & imbecillis: quare Hippocrates Democritum curaturus, è montibus colligendum curavit. Et Achæia apud Cabyniam maxime, ut refert Theophrastus, vitis quoddam genus habetur, cujus vinum abortum facit & ubi canes uvas comederint, eos quoque abortu periclitari necesse est: & ingustu, nec uva sensum alium, quam cæteræ uvæ faciunt, nec vinum à cæteris vinis distare percipitur. Medicamenta, quæ in Eubœa oriuntur meliora, quæ ferat Æge, deteriora quæ Telethrium, asseverat, sunt enim illa sicciora: Telethrium autem locum esse opacum, atque subriguum. Et in Persidi ferunt lætalem nasci arborem, cujus sunt poma præsentis veneni, ut illico vefcentes interimant: quapropter in suppliciis tantum iis utebantur, Regibus tamen in Ægyptum translata, & Persianam perfidiam exuta, cibus idonea, & salubria defert poma, Columellæ de hac extant versus:

Stipantur calathi & pomis quæ barbara Persis

Miserat (ut fama est) patriis armata venenis:

At nunc expositi parvo discrimine lati,

Ambrosios præbent succos oblita nocendi.

Clarum est, Dioscoridis autoritate, quod magni quidem refert, si loca, in quibus prodeunt clivosa, ventis exposita, proflata frigidaque, & aquis carentia: in his enim locis vires eorum longe validiores intelliguntur: contra quæ in campestribus, riguis, & opacis cæterisque locis a vento silentibus enascuntur, plerunque degenerant, & minus viribus valent. Unde si per regiones multum à primis distare videntur, neque pares retinent vires, eo deferantur loci, & unde maxime vim illam sortiri videntur.

Locorum, & fontium proprietates aliqua, quæ operi nostro conferre possunt.

NEc minus locorum diversitas in variis rerum effectibus operatur. Locus enim quoque terrarum, aquarumque miracula retinet multa, quæ recte scire & novisse Magum oportet: nam sæpenumero videmus aliqua situs ratione solum operari, & miracula asferre ob cœli inclinationem, & Solis impetum longius, & propius accedendo, recedendoque. Si enim terra una ab altera non differret, non solum in Syria & Arabia in harundinibus, juncis, herbisque essent odores & thuriferæ arbores, neque piperis baccas, neque myrrhæ glebulas darent, sed in omnibus terræ locis generis ejusdem omnia procrearentur. Ex fontibus quoque proprietates hauriuntur aliqua, quæ non aliter possent fieri, nisi quum terrenus humor suis proprietatibus saporum in radicibus infusus, enutrit materiam, per quam egrediens ad cacumen, profundat proprium loci, & sui generis fructus saporem. Zama Afrorum est civitas, ab ea passuum millia viginti est oppidum Ismuc, & quum Africa parens & alitrix sit bestiarum, & maxime serpentium, in ejus oppidi agris nulla nascitur, & si allata ibi ponatur, statim moritur, & terra illa alio translata idem efficit. In Tarquinenſi lacu magno Italiæ nemora circumferuntur, nunc figuram triquetram edentia, nunc rotundam, ventis impellentibus: quadratam vero nunquam. In agro Cispadano, in tractu eo, qui Monſterax dicitur, tritici species quam siliginem vocant, tertia satione in frumentum vertitur. Juxta Harpasa Asiæ oppidum cautes est horrenda, quæ uno digito movetur, & eadem si toto corpore impellatur, resistit. Sunt quoque & terræ, quæ maximis scatent ignibus: uti in Sicilia Æthna mons sæpe flagrat, & in Phaselide mons Chimæra, & tradit Ctesias ignem ejus aqua accendi, extingui vero terra. Et in Megalopolitano agro, & in subjectis Arciæ arvis si deciderit carbo, terra ardet. Sic in Lycia Epheſti montes cæda tacti flagrant, ut lapides & arenæ in aquis ardeant, unde si quis.

si quis baculo sulcos traxerit, ignium rivos sequi narratur. Nec de aquis minora narrantur, dum enim per subterraneas partes procedunt, per alumen, bitumen, sulphur, & cætera metalla transeunt, nunc internas percurrendo partes, illico corpus contabescit, & necatur: nunc vero interiora corporis vitia mederi solent. Sunt & genera aquarum multa, nec paucas habent proprietates. Est enim in Sicilia Himera flumen, quod in duas dividitur partes: ea enim, quæ contra Æthnam profluit, infinita est dulcedine, quæ vero per sal currit, salsum habet saporem. Est & inter Mazaca, & Tuava Cappadociæ urbes lacus quidam, in quem si harundinem immiseris, vel lignum, paulatim lapidescit, nec mutatur, quod aquis extat. In Hierapoli urbe trans Mæandrum fluvium aqua, quæ in tophum lapidescit, ita ut qui aquæductus derivant, integra struant ex illis septa. Sunt Bæotici flumina Cephisos, & Melas, & quum pecora suis temporibus ad conceptionem partus per id tempus ex eo continue bibant, inde quamvis sint alba, procreant aliis locis leucophæa, aliis pulla, aliis vero coracino colore. Sic ex Peneo Thessalico, & ex astace Pontico fluminibus bibendo nigrescunt oves. Sunt & genera aquæ mortifera, quæ per maleficum terræ succum vim recipiunt in se venenatam: uti Terracinae fons, qui Neptunius vocabatur, ex qua qui biberant, vita priyabantur, quapropter antiquos eum obstruxisse fertur. Et Cy-chros in Thracia lacus, ex quo non solum qui biberint, sed qui se laverint moriuntur. Stillantes sunt è saxo frigidissimi humores in Arcadia Nonacris nominata regione, quæ aqua Stygos hydor nominatur, quam neque argenteum, neque æneum vas potest sustinere, sed diffilit, & dissipatur, nec illam aliud continere potest, nisi mulina ungula, quæ memoratur ab Antipatro in provinciam, ubi erat Alexander, per Jollam filium perlata, & ab eo aqua illa Regem esse necatum. In agro Phalisco via Campana in Corneto campo est lacus in quo fons oritur, ubi anguium, lacertarum, reliquarumque serpentium ossa jacentia apparent, quæ si extrahere volueris, nil reperies. Item sunt nonnullæ acidæ fontium venæ, uti

uti Lyncesto, & in Italia virena Campania Theano, quam curiose quum perquisissem, secus viam, quæ Romam ducit a Theano milliare distantem invenimus, commendatissimæ dotis ad calculum. Fons est unus Paphlagoniæ, ex quo etiam sine vino potantes fiunt temulenti. In insula autem Chio fons, ex quo qui biberint imprudenter, fiunt insipientes, & saxeï redduntur sensus. Susis autem fonticulus est, è quo qui biberint amittant dentes. Nili aqua adeo fecunda est, ut ex ea animentur glebæ. In Æthiopia fons scaturit, qui circa meridiem adeo friget, ut sit inhabilis potui, ubi autem media accesserit nox, sic fervet, ut tangi non sustineat. Multi præterea sunt, quorum meminit Ovidius:

*,medio tua corniger Ammon,
Unda diæ gelida est, ortuque, obituque calefcit.
Admotis Athamantis aquis accendere lignum
Narratur, minimos quum Luna recessit in orbes.
Flumen habent Cicones, quod potum saxeæ reddit
Viscera, quod tactis inducit marmora rebus.
Crathis, & hinc Sybaris vestris conterminus oris,
Electro similes faciunt, auroque capillos.
Quodque magis mirum est, sunt qui non corpora tantum,
Verum animos etiam valeant mutare, liquores.
Cui non audita est obscœna Salmacis unda?
Æthiopesque lacus? quos si quis faucibus hantit.
Aut furit, aut patitur mirum gravitate soporem.
Clitorio quicumque sitim de fonte lerarit,
Vina fugit, gaudetque meris abstemius undis.
Hinc fluit effectus dispar Lyncestius amnis:
Quem quicumque parum moderato gutture traxit,
Haud aliter titubat, quam si mera vina bibisset.
Est lacus Arcadiæ, Pheneum dixere priores,
Ambiguus suspectus aquis, quas nocte timeto:
Nocte nocent pota: sine noxa luce bibuntur.*

Aliæ sunt quoque locorum, & fontium proprietates, quas qui quærit, libros legat, quos scripsit Theophrastus, Timæus, Passidonium, Hegesias, Herodotus, Aristides, Metrodorus, qui vigilantia, & infinito studio locorum proprietates exquisierunt, & eas scriptis declaraverunt:
inde

inde à Plinio , Solino , multisque historiis narrata.

CAPUT XVIII.

Compositiones Valentius operari , & ut misceri , & componi simplicia debeant , misturas subingredientia nostras.

NUNC subungere necessarium videtur , quomodo simplicia multa in unum componere debeamus, ut mistum violentius operetur. Proclus libro de sacrificio & Magia tradit , veteres sacerdotes quod plura ad invicem miscebant , quia videbant simplicia nonnullam habere numinis proprietatem , non tamen singulatim sufficientem ad numinis illius advectionem. Quamobrem ipsa è multorum commistione attrahebant supernos influxus , atque quod ipsi componendo , unum ex multis conficiebant , assimilabant ipsi unum , quod est super multa. Constituebantque statuas ex materiis multis permixtas , odores quoque compositos colligentes arte in unum , reddentesque unum tale , quale divinum existit secundum essentiam , comprehendens videlicet vires quamplurimas. Hæc asserere volui , ut cognoscamus antiquos sæpissime mistionibus usos simplicium , ut mistum strenuius operaretur. Nos autem sæpius ex herbis , animalibus terrestribus , volatilibus , marinis , metallis , & lapidibus mistum composuimus alexipharmacum ad omnia venena , ex dracontis herbis , dracone pisce , viperis , & ophite lapide ex similitudinibus ducti. Dracunculus major caulem habet versicoloribus draconum maculis , sic & minor : si majoris & minoris folia quis manibus affricuerit , aut radicem exederit , à vipera feriri posse insciantur. Draco marinus dissectu apertus , & impositus ictui suæ spinæ medela est , ex Ætio. Vipera ipsa excoriata capite & cauda abscissis , interaneis omnibus rejectis , à guillarum modo coctæ , à demorsis devorata , maximum præsidium affert : vel caput à viva amputatum , morfuique impositum , & parte adhuc calente , quæ cervicem contingit , venenum mire extrahit. Ophites lapis serpentum colore ad serpentum ictus prodest. Similia & multa reperies composita medicamenta

ex ter-

ex terrenis , aquaticis , & volucribus animalibus , herbis , & lapidibus in libro Kirannipis , & Harpocratonis ingeniosissime excogitata. Sed nunc simplicia quomodo misceri debeant enarrabimus , & componendi methodum , quam & Medicis observatam summopere video. Quia sæpe unico non indigemus effectu , sed duplici , & triplici , sic & simplicium mistura utendum est , ut quæsitos depromat effectus , & ad hoc etiam inventam judico. Vel enim sæpius evenit , ut remisse operentur aliquando : nos vero , ut promptius agant , citiusque actionem expediant , multiplici præsidio corroborare solemus : & contra si intense nimis effectus depromant , eorum vires hebetare , & extinguere. Sæpiissime autem evenit , ut cum staturum membrum ferire volumus , caput videlicet , cor , vel vesicam , associemus aliqua , ut illud directe vulnerent , & omnibus provideant , unde evenit , ut contraria quoque permisceantur. Incæptum igitur sermonem exequamur. Quum aliquod opus aggrederis , illud primum considerato , quod maxime intendimus , & ad quod simplex illud , vel misturam dirigimus , compositionis basim , vel fundamentum substituamus , à qua compositum dicatur , & tantæ sit quantitatæ , quantæ materialis formæ actiones esse debent. Nam ut agant , debitam exposcunt determinatamque quantitatem , alia autem , uti adjuvantia , & primi condimenta addantur , nec absque iis sic faciliter , nec tardius , citiusque operentur. Sic commiscetur odoriferum fœtido , amarum dulci , saporis , vel odoris gratia : nam si amara , fœridave fuerit exhibenda mistura , ab aliquibus rejicitur , quibus dirigitur , & animales spiritus eam fugiunt , & abhorrent , ut eo absorpto virtutis læsio sequatur. Sic tenuibus , & mollibus partibus crassæ , & duræ jucunditatis gratia permiscantur. Evenit aliquando , ut tam exigua sit pars , ut antequam corpus calefaciat , à corporis absumatur calore , tunc aliquantulum addimus molem ; nam operationem non impediens , conveniens pabulum præbet calori , ne citius , quam fuerit opus , consumatur materia , sitque operationi idonea. Si , exempli gratia , consopitas aves captare tentamus , commodum

hòc

hoc nobis præstat nux methella, talium compos virium, ut somnos conciliet, stupidos reddat, & cerebri gravitate somno dentur, eam miftionis basim reliquis subfternimus: ut vividius inde operetur, opium, & meri fæces adjungimus. Si dura sint, & fluere volumus, ut eo aptius legumina, vel alia saturentur, ut dicemus in præparationibus, eis quoque aves inescabimus. Mandragoræ itaque succo, vel cicutæ, vel bovis felle dissolvantur, neve foetida, vel amara videantur, mel, caseum, vel farinam immiscemus, ut res esculentior fiat, & madcant legumina, eisque comessanda exhibeantur: nam quum cibum gustaverint, ad terram consopitæ procumbunt, nec volare audent, apteque manibus capi possunt. Id in cæteris observandum jubeo.

CAPUT XIX.

Quomodo mifturæ pondus investigari debeat.

EST quoque animadvertendum maxime, ut recta mifturæ dosis percipiatur, ponderumque ratio reperiat, quod operationum bonitas rerum omnium, non nisi in optima proportione, ac recta harmonia est. Nec præbebunt mifturæ, quos pollicentur effectus, nisi omnibus sint numeris absolutæ: unde non tam in eorum miftionibus, quam per se priscos illos semper uti consuevisse comperiemus, nil nisi eorum delectu, & pondere & sic experientia comprobata, nobis conscripta. Igitur maximam tu qui his operam impendis, primum simplicis medicinæ pondus reperias, quantum res ferat, secundum quæsitæ rei proportionis imaginationem, & tecum finge medicamen illud ex quibuslibet componentium, respiciendo qua se habeat ad totum proportionem: in toto enim ea esse debet, & quæ in partibus reperitur, & si plus suæ dosis positum esse reperies, habitis componentibus à toto id abstrahatur. Sic jam scito pondere, pro fundamento illud statuatur, & tantum aliis ponderibus subsistat, & ab eo removeatur quantum inde aliis secum miftis completæ suæ æquivalet dosi, quum plures medicamentum subingredi

gredi oporteat, & ea ex operantis conjectura percipiantur: sic de composita mistura nunquam illud des; quod dosim excedat, etiam si simplex esset in virtute. Sed computatis gradibus omnibus non in quantitate major vel virtute esse debet, ut diversam habeat qualitatem, virtutemque, nam eam non addimus, ut dosim augeamus, sed ut facilius opus expediat. Est id quoque præcipue animadversione dignum, sic in misturis, & medicaminibus ponderum proportionem variare debere, uti & regiones, & climata diversa fiunt, nam & operando diversam nanciscuntur virtutem: ibi enim vividius, hic autem remissius operantur, uti monuimus. Tu æqua mente librato & secundum simplicium operationem, ponderum ratio mutetur, demendo, adjungendo, & tui ingenii solertia accommodando, ut illud operentur, quod quærimus. Id autem in nostro opere ratione optima sæpissime usi sumus in experimentorum descriptione, per partes pondera describendo: nec temere, & ut facilius percipiantur, quia fortasse diversa ponderum nomina, quæ ab aliis observari vidimus, artificem ab operatione impedirent, atque ut quisque quæsitæ, & optata quantitate utatur, iisdemque vidimus Cornelium Celsum usum fuisse: sic enim accommodatius omnibus satis est factum.

CAPUT XX.

De simplicium præparationibus.

COMPONERE jam & pondus investigare docuimus, superest præparationes simplicium quasdam enarrare, quæ operi accommodare, & necessariæ visæ sunt maxime, longeque reliquis majoris artificii. Nec tam in simplicibus operationes consistunt, quam in eorum præparationibus, sine quibus parum, aut nihil operabuntur. Simplicia igitur plurimis quidem artificiis præparari solent, ut usui aptiora, commodioraque sint. Quæ præcipue nobis usu frequentiores, sunt maturatio, elixatio, combustio, in calcem redactio, incineratio, distillatio, arefactio, & iis consimiles. Tunc enim aliquid maceramus, quum humore aliquo immergimus, ut tam

ut tam interius, quam exterius res madescat, & mace-
retur, uti diximus, & subtilior pars in expressione eli-
ciatur, & terrestris relinquatur, ut quæsitum humorem
in meditullio recipiat. Elixamus autem tunc, quum suc-
cus ex aliquo non possit evocari: nam elixando à cen-
tro ad circumferentiam extrahimus, ubi maceratione,
vel infusione non evenit: ipsa tamen tenues resolvit va-
pores. Sic adustione, torrefactione, & in calcem redu-
ctione utimur, ut partes penitus humore privemus
omni, quod evenit, quum in calcem reducimus, ut faci-
lius resolvantur, vel in liquorem vertantur, aliisque re-
bus immisceantur. Sic torrefacimus, quum res conterì
nequeunt, ut in pulverem vertantur, id animadverten-
do ne res comburatur, & combusta quæsitas amittat vi-
res, & assetur, ut tenuitatem recipiat. Res, vel simpli-
cia distillantur, & ut potentioris virtutis eliciatur aqua
quo facilius res, & commodius operetur, & quia tenuio-
res medicamenti partes requirimus, crassioribus rejectis,
quæ nostro officium instituto, & sic de aliis operationi-
bus intelligendum est. Hæc nostro operi opportuna &
necessaria esse censui.

Si quis autem hæc fusius exoptabit, Medicorum li-
bros consulat. Sed nunc ab his promoveamus stylum.

LIBER SECVNDVS,

Varia inter se commisceri docet animalia,
ut nova & utilia progignantur.

PROOEMIUM.

HACTENUS in causis, earumque actionibus,
quod primo volumine præcepisse visum est, latius
evagati, quam par fuerat: nunc autem quas pol-
liciti sumus sæpe operationes aggredi non intem-
pestivum videtur, ne percupida ejusmodi viden-
di ingenia molestissime delineamus. Quam Magiam natura-
lium scientiarum apicem, & consummatam facultatem dixe-
rimus,

rimus, de ea igitur tractaturi, quodcunque summum, nobile, electum, & insigne, quod in latissimis naturalis historia campis pertractatum est, intra hujus voluminis septa concludemus, sed ut id præstare, & perficere possimus, arcana hæc in sua loca redigemus, & ne quid sua classe pulsum sit, scientiarum ordinem sequemur. Eas primum in naturales, & mathematicas dividemus, & à naturalibus ordiemur, sic enim nos decere conjicimus, ut è simplicioribus, & minus operosis, notioribusque ad mathematicas evehamur. Ab animalibus igitur primo, mox à plantis, & quasi per gradus ad metalla, & ad alia Naturæ opera. Summa describemus, sive fontes, unde rerum scaturigines profluunt, & una rationes & causas adjungemus, ut industrius & gnarus rei ex se alia inveniatur. Quia due animalium, & plantarum sunt generationes, sponte, & coitu, primo quæ sponte nascuntur dicemus, mox quæ variorum commistui, ut nova animalia, & prioribus seculis invisæ producimus. A putrefactione igitur exordiemur, quod ea principium existat non solum ex varietate simplicium, sed mistorum miscibilium nova producendi. Nec omittendum duximus aliqua, etsi vilia fuerint, quum nulla Naturæ res sit, quamvis vilissima appareat, in qua admirandum aliquod non habeatur.

CAPUT I.

De putrefactione, & de vi mira producendi animalia.

DE CERE visum est, ut priusquam à putrefactione nova gigni animalia doceamus, priorum Philosophorum placita, quæ de ea senserint, percurramus, etsi de ea re nostris in Phytognomonicis loquuti sumus, ne lectoris animus alibi divertatur, libet hic aliqua præfari, ut ex ea non solum imperfecta, sed perfecta quidem animalia gigni videamus. Porphyrius ex terræ visceribus aqua madefactis, & vi Solis in eis intrusa, animalium genera procreari censuit. Idem etiam putavit Archelaus Atheniensis, Anaxagoras Clazomenius, & Euripides ejus disci-

discipulus. Sed Theophrastus ex Cleodemi sententia existimavit, ex aqua putrescente, & mistura quadam cum terra capeffente animalia nasci, & quanto ex turbidioribus, algentioribusque, tanto amplius animalium natura privari, & constantia. Diodorus, & cum eo non pauci momenti Philosophantes ajunt, animalia omnia ex putrefactione orta esse: nam cœlo, terra, & elementis in mundi primordio in suis locis receptis, terra in multis locis lutosa, & mollis derelicta, a Solis radiis percussa, exiccataque in superficie tumores quosdam produxit, in quibus particulatim putredines fovebantur, pelliculis quibusdam intectæ, quæ intra se putrem materiam illam continebant, noctuque roribus humectatæ, ac die Solibus concalescatæ, justo tempore ad maturitatem productæ sunt, confractisque utriculis, omnium animantium genera exclusa sunt, quorum quæ majorem calorem sortita sunt, aves evaserunt, quæ terram, reptilia, quæ plus aquæ, pisces in mari natantes, & inter hæc media per terram pedibus ambulantes. Sed quotidie Sole terram calefaciente: non amplius animalia produxit, sed producta mutuo congressu sibi similia produxerunt. Avicenna vero in opere illo, quod de diluviis condidit, astruere ausus est, post immensas terrarum inundationes humano semine nullo, sed ex tabidis tantum cadaveribus, cœlesti solum præstante influentia, hominem, & cætera animalia generata esse, propterea ad hominis generationem, non sinus, vulvam, aut cæteros locos videri necessarios, ut melius formeretur infans. Assertioni argumentum affert, non modo alicubi è terra mures progigni, qui mox per coitum mirè excrecant, verum serpentes ex capillis mulierum præcipue concipi. Quin etiam de animalibus libro, amicum sibi adstruit fuisse, qui scorpiones mirabili modo procreabat, & à quibus quamplures alii progignerentur, non imperfecti, dissimilesque, ut nil aliud gignerent. Etsi hæc opinio veritatis nescia sit quoddammodo. Averroes ad imperfectorum animalium generationem sufficere stellas censuit. ut mures, vespertiliones, & talpæ, non perinde homines, aut leones generentur. Et quotidiana nos vi-

dems

demus experientia multa progigni posse animalia è sinu terræ, & è putri materia. Et majores nostri putantes omnia animalia à terra producta, cam universi matrem nuncuparunt, Græci parum nomen immutantes Dimiteram dixerunt. Ovidius sub Pythonis fabula hanc generationem ex putrefactione elegantissime cecinit.

*Cætera diversis tellus animalia formis
Sponte sua peperit, postquam vetus humor ab igne
Percaluit Solis, cœnumque, udaeque paludes
Intumuerunt æstu, sæcundaque semina rerum
Vivaci nutrita solo, cœu matris in alvo,
Creverunt, faciemque aliquam cepere morando.
Quippe ubi temperiem sumpsere, humorque, calorque,
Concipiunt, & ab his oriuntur cuncta duobus.
Cumque sit ignis aqua pugna, vapor humidus omnes
Res creat, & discors concordia sætibus apta est.
Ergo ubi diluvio tellus lutulenta recenti
Solibus æthereis, altoque recanduit æstu,
Edidit innumeras species: partimque figuras
Rettulit antiquas, partim nova monstra creavit. &c.*

CAPUT II.

Animalia quædam terrestria, quæ ex putrefactione gignuntur.

HOC commune cum stirpibus animalia habent, quod alia semine, alia sponte Natura oriantur, nullo cognationis semine antecedente, quoniam alia humo, aut stirpe putrescente fiunt, ut insecta, alia ex rore, qui frondibus insidet, ut erucæ, alia limo, ut testacea, alia ex animalibus ipsis, excrementisque partium gignuntur, ut pediculi. Nos aliqua è majoribus nostris descripta referemus, ut ea plane cognita, ex iis nova procreare condiscamus. Et initio videamus

Mures quomodo ex putrefactione generentur.

Juxta Thebaidem Ægypti, tradit Diodorus, quum Nilicessat inundatio, calefaciente Sole humum ab aqua madefactam, variis in locis ex terræ hiatu murium oritur multitudo, quæ ex re plurimum stupent homines, quum videant

quum videant quorundam anteriorem usque ad pectus, & priores pedes murium partem animatam moveri, posteriori nondum inchoata, sed informi: Plinius. Deturgente Nilo muscoli reperiuntur inchoato opere genitalis aquæ terræque, jam parte corporis viventes, novissima effigie tantum terrena. Sed Ælianus. Ut in Ægypto pluit perpauculis guttis, mures nasci solent, qui longe, lateque in arvis vagantes maxima calamitate messes grassantes, eas succindunt, & manipulorum acervos vallant. Itemque in Ponto evenire: sic multorum supplicationibus Deo factis avertuntur. Idem Macrobius; & Avicenna mures ex imbre ortos per coitum mire excrefcere dicit. Et ex putri materia, quæ in navibus reperitur copiosissime mures produci, eosque coeundo alios generare. Aristoteles mirum percepit ortum redundantis agrestis murium generis. locis enim compluribus agri tam inaudito modo oriri solent, ut parum ex universo frumento relinquatur, tam cito absimitur, ut nonnulli mediocres agricolæ, quum pridie metendum statuerint, postridie mane cum messoribus accedentes ad segetem, absumptam invenerint totam. Interitus autem minime evenit ratione, paucis enim diebus omnino abolentur. Plinium latuit quonam modo illa multitudo repente occidat: nam nec exanimes reperiuntur, nec extant, qui murem hyeme in agro effoderint. Patriis sedibus quosdam Italiæ populos incurfio agrestium murium expulit, ex Diodoro, & Æliano. Cosas Hetruriæ civitatem mures destruxere. Plurimi ad Troadem pervenerunt, & jam inde fugaverunt accolæ. Theophrastus, & Varro narrant, ex Gyaro insula incolæ fugasse, sic de Heraclea Ponti, & de aliis traditur. Miro etiam modo generantur

Rana ex putri pulvere & imbre.

Nascuntur enim conspersis tantum æstivo imbre littorum, & itinerum pulverulentis arenis. Ælianus quum ex Italiæ Neapoli, Puteolos iter faceret, ranas prospexit, quarum pars quæ ad caput pertinebat, repebat, & duobus pedibus agebatur, altera nondum conforma-

C

ta, con-

ta, concretioni limosi humoris similis trahebatur. Ovid.

„ Et eodem corpore sæpe

Altera pars vivit, rudis est pars altera tellus.

Et alibi :

Semina limus habet viribus generantia ranas ,

Et generat truncas pedibus :

Tam facilis earum generatio est, & momentaria, ut etiam pluuisse ranis scriptum sit, & in cœlo generatas. Ranis aliquando pluuisse author est Phylarchus apud Athenæum, Heraclides Lembus circa Dardaniam, & Pæoniam ranis pluuisse, atque tam copiose, ut domus & viæ replerentur. Itaque primis diebus aliquot tum occisis ranis, tum domibus oclclusis sustinebant incolæ, quum vero nihil proficerent sed vasa replerentur, & una cum eduliis coctæ simul assæve reperirentur ranæ, nec aquis uti liceret, nec pedes in terra ponere propter coacervatas ranas, regiones deseruerunt, ex Diodoro, & Eustathio. Autharidæ, gens Thesprotica, ranis inchoaris, & imperfectis de cœlo lapsis in alium locum demigrare coacti sunt. Sed majori miraculo

Rubeta cœno, se ipsis, & menstruo fiunt.

Rubeta enim ex putredine, & corruptione nasci putatur. In Dariene provincia novi orbis aër insaluberrimus, utpote cœnosa, & paludibus fœtidis septa, imo vicus ipse palus est, ubi ex guttis mancipiorum dextra cadentibus, dum irrigant pavimenta domus, illico bufones gignuntur, ex Petro Martyre. Sub fimo putrefacta anate bufonem generari testantur versus, qui circumferuntur.

Bufones gigno putrida tellure sepulta ,

Humores pluviæ forte quod ambo sumus.

Sed mulierum sanguine menstruo putrefacto difficile non esset rubetas generare : nam mulieres una cum fœtu humano hoc pecus consciunt, ut Cœlius Aurelianus, & Platearius nominant, sicut bufones, ranas, & laceratos, & iis similia animalia; & mulieres Salernitanæ olim in principio conceptionis, & maxime quando fœtus debet vivificari, prædictum animal occidere nituntur succo apii,

co apii, & porrorum. Mulier recens nupta, quum omnium opinione prægnans diceretur, loco fœtus quatuor animalia ranis similia peperit, & postea optime valuit, quod animal inter mokæ genera numeratur. Paracelsus ex serpente in plura frustra secato, & vitreo vase sub fimo posito, quamplurimos vermes generari dixit, qui sub fimo educati, nutritique quilibet magnitudine serpentem exæquabit, sic ex uno centum possint generari, atque ut de serpente dixit, de multis aliis fieri posse non abnuit: quod verum esse non inficio, sed non eosdem serpentes generant. Sic etiam ex muliebri impuritate scilicet menstruo, ac spermatis sanguine: eodem modo basiliscum nasci, quem omnes qui viderint, inorianitur, quod omnino falsum. Clarum est etiam posse

*Serpentes ex humana medulla, capillis menstruata,
& equinis fetis nasci.*

Quod ex humano corpore nascantur, legitur in Hungaria juxta fluvium Theisam accidisse, ut in multorum hominum corporibus serpentes & lacerti naturalibus similes nascerentur, ut circiter tria hominum millia sic perisse memorentur. Plinius peperisse ancillam serpentem inter initia belli Marsici retulit. Avicenna libro de diluviis, serpentes narrat ex mulieris præcipue capillis gigni, qui productiores, humidioresque sunt natura. Idem evenire videmus ex fetis jubarum equi fluenti aquæ expositis: nam paucis elapsis diebus se movendo, vitales fuisse conjecimus: atque ab amicis idem factitatum accepimus. Ex humanis carnibus, & præsertim medulla serpentes generari est omnibus in confesso. Alianus hominis mortui spinæ medullam putrescentem in serpentem converti dixit, exoriri que feram, & serpere animantem immanissimum ex mansuetissimo: atque majorum hominum spinas post è vita egressum talia monstra parere. Ovidius ad id.

*Sunt qui, quum clauso putrefacta est spina sepulcro,
Mutari credant humanas angue medullas.*

Plinius anguem ex medulla hominis spinæ gigni à multis accepit. Tractatur etiam à scriptoribus,

Scorpio ut oriatur ex basilico.

Florentinus Græcus ocimum mansum, & in Sole positum scorpiones generare dixit. Adjicit Plinius. Tritum ocimum si operiatur lapide, scorpionem gignere: commandatumque & in Sole positum vermes asserre. Quinimmo tradunt aliqui manipulo ocimi cum canceris decem marinis, vel fluviatilibus trito, convenire ad id scorpiones à proximo omnes. Avicenna scribit, amicum habuisse, ut diximus, qui mirabile scorpionem producendi secretum habebat. Galenus id negat, sed vitiosi esse succi, quæ res impulit quosdam, ut falsa de eo prodiderint, affirmantes ipsum paucis diebus scorpionem generare, si tritum in ollam inanem intromitteretur, & potissimum si quis quotidie ollam ad Solem calefecerit, verum id quidem falsum. Sed canceri corpus mirabiliter in scorpionem mutatur. Ait Plinius. Sole Canceri signum transeunte, & ipsorum, quum exanimati sint, corpus transfigurari in scorpiones narrantur in sicco. Ovidius.

*Concava littoreo si demas brachia cancro,
Cætera supponas terræ, de parte sepulta
Scorpius exhibit, caudaque minabitur unca.*

Ephemerus in aceto nascitur.

Ex Æliano, ac ejusmodi animalia idcirco ephemera appellari, quod id ætatis vivant, ut uno die vitæ cursum conficiant, ex fæce vini acrescentis vitam trahunt, aperto dolio, ut in lucem suscepta sunt, è vita excedunt, Hipparris fluvius apud Cimerium Bosphorum sub solsticio defert veluti folliculos, acinis majores, quibus quadrupedes volucres erumpunt, quod genus animalis in postmeridianum usque diei tempus vivit, & volat, mox descendente Sole, languet, donèc decedente moriatur, vita non ultra diem unum peracta, ut hemerobion, id est diarium appellatum sit. Eodem modo

Pyrigonas in igne nasci.

Tradit idem, & volucres bestiolas existere, appellatas eo modo, quod in igne vivant, alanturque, hucque & illuc volare. Hoc admirabilitatem facit, illud admirationem excitat,

excitat, quum extra ignem nutritum egrediuntur, & frigidum cælum attingunt, statim exeunt è vita. Est &

Salamandræ ortus ex aqua.

Quum nil gignat, neque ex eis genus masculinum, fœminumque, sicut neque in anguillis, omnibusque, quæ nec animal, nec ovum ex se generant, ex Plinio. Nunc præstantissimam generationem attingemus, quomodo

Apes ex bove nascuntur:

Ælianus genus bubulum multas habere commoditates dicit, & præter alias mortuum generosa quædam res, & dignitatis plena existimanda est, quod apes ex illius reliquiis nascentur, animalium speciosissimæ, fructumque utilissimum, & suavissimum homini comparantes. De eisdem Ovidius.

Nonne vides quæcunque mora, studioque calore

Corpora tabuerint, in parva animalia verti?

I quoque delectos mactatos obrue tauros.

(Cognita res usu) de putri viscere passim

Florilegæ nascuntur apes.

Florentinus Græcus hæc scribit. Iubas Rex Lybiorum facere apes lignea in arca docet. Democritus & Varro in humana lingua in domo faciendas esse tradunt, quod etiam melius existit. Modus hic est. Domus sit tibi alta decem cubitorum, latitudinis itidem cubitorum decem & reliquis lateribus comparibus. Ingressus in ipsa formetur unus, fenestræ quatuor, ab unoquoque una. In hac inducas bovem triginta mensium, carnosum, valde pinguem, faciasque astare ipsi juvenes multos, qui ipsum fortiter verberent, & fustibus cæsum occidant, & simul cum carnibus ossa ipsa comminuentes, diligentem autem animadversionem habeant, ne quid bovis cruentent: non enim ex sanguine apis generatur, & circa primas plagas non violenter ipsum irruant, statim vero obturetur omnis bovis meatus linteolis puris, ac tenuibus pice tinctis, veluti sunt oculi, nares, & os, & quæ à natura productæ sunt partes ad evacuationem necessariam. Deinde thymo substrato multo, boveque supino super ipsum reclinato, domum egrediantur, & sta-

tim januam , & fenestras luto denso oblinant , ut neque aëri , neque vento ullus aliquis ingressus , aut perspiratio pateat. Tertia autem hebdomade undique domum adaperire oportet , & lumen , aëremque purum admittere , præterquam ex ea parte , unde vehemens ventus irruat. Postquam autem materia perfrigerata , & ventum attraxisse sufficientem videris , rursus concludere oportet , & luto , ut prius , munire. Post undecimum diem denuo aperies , & invenies domicilium apibus plenum , acervatum inter se coagmentatis , & nil ex bove , præter cornua , ossa , & pilos. Ajunt ex cerebro gigni Reges , ex carnibus vero alias apes , ex medulla Regem , præstare tamen cæteris ex cerebro natos magnitudine , pulchritudine , & colore. In prima enim apertione carnem in animalia transformantem reperiēs , parva , & alba , specie inter se similia , sed non perfecta circa vitulum multiplicata , immobilia quidem omnia , paulatim vero auferentia. Videbis alarum excretionem jam exarticulatam , videbisque proprium colorem accipientes apes , circumfidentesque Regem , & advolantes subtrementibus alis , propter insuetudinem advolandi , & membrorum debilitatem : assident autem fenestras impetuose impellentes , propter desiderium lucis. Sed præstat apertiones fenestrarum alternis diebus facere. Sed quia hæc à Virgilio elegantissime descripta sunt resorere non pigebit.

Exiguus primum ; atque ipsos contractus ad usus

Eligitur locus : hunc angustique imbrice tecti ,

Parjetibusque premunt arctis , & quatuor addunt ,

Quatuor à ventis obliqua luce fenestras .

Tum vitulus bima curvans jam cornua fronte

Quaritur : huic gemina nares , & spiritus oris

Multa reluctanti obstruitur , plagisque preëmpto

Tunsa per integram solvuntur viscera pellem .

Sic positum in clauso linguunt , & ramea costis

Subjiciunt fragmenta , thymum , castasque virentes ,

Hoc geritur Zephyris primum impellentibus undas ,

Ante novis rubeant , quam prata coloribus , ante

Garrula quam tignis nidum suspendat hirundo ,

Interea teneris teprefactus in ossibus humor

Æstuat .

*Æstuat, & visenda modis animalia miris,
Trunca pedum primo: mox & stridentia pennis
Miscantur, tenuemque magis, magis aëra carpunt.*

Sed ut ex tenero, & nobili vitulo generantur optimæ apes, ita ex deterioris, viliorisque carnibus animalis ignobiles apes generantur. Ob id tradit Ælianus, quod

Vespæ ex equo generantur.

Quando ejus cadaver putrefactum est, ex hujus putrescentis medulla evolant vespæ nimirum volucrum progenies ex equo animali velocissimo. Ovidius vespas, & crabrones vocat.

Pressus humo bellator equus crabronis origo est.

Isidorus crabronem vocari à cabo, id est caballo, quod ex eo creentur. Nascuntur etiam crabrones ex putridis equorum carnibus, Plinius, autore Virgilio, ex equorum corpore exanimato, vespas, atque crabrones generari, mutante Natura ex aliis quædam alia. Eodem modo

Fuci ex mulis fiunt,

Isidori autoritate, qui fucos ex mulo generari dixit. Fucus dictus, quod alienos labores edat, quasi fagos: depascitur enim quod non laboravit. Sed alii non fucos, sed locustas ex mulorum carnibus generari dixerunt. Tandem vilissimus omnium ex vilissimo animalium

Scarabeus ex asino oritur.

Plinius ex asinorum corporum corruptione scarabeos nasci scripsit. Isidorus ex velocibus canibus scarabeos generari, Ælianus scarabeorum natio fœminei sexus expers est, ideo in fimi pilam semen immittit, quam octo & viginti dierum spatio volvat, & calefaciat, exinde factum procreat.

C A P U T III.

De quibusdam avibus, quæ ex putrescentibus arborum fructibus generantur.

OL A U S Magnus in descriptione Septentrionalium Europæ regionum, circa Scotiam ex fructu arboris cujusdam meminit quasdam aves nasci. Munsterus

vero arbores vivere ait, quæ fructum foliis convolutum promant, qui cum opportuno tempore in subjectam aquam decidat, reviviscit, convertiturque in avem vivam, quam vocant avem arboream. Veteres enim Cosmographi, præsertim Saxo Grammaticus, hujus arboris meminit, ne quis recentiorum figmentum putet. Sed recentiores non solum in Scotia, sed ad Tamesim amnem, qua Londinum præterfluit, bivalvas conchas esse rugoso pediculo crassiore, & navis annosæ carinæ infixas, pusillas, circinati fere ambitus, foris albidas, lucidas leves, fragiles, nuci amygdalæ compressæ pares, ex imo ventricosas, veluti è musco, & limo semiputridæ nascuntur, & quasi fungi pedicelli unico co hæsu pendent, quasi alimentum inde sugant. Hæc alii dicunt è vermicellis creari, alii ex surculis arborum, & ramis, qua maris æstus alluit temere projectorum sobolem esse, quæ vero in sicco labantur emori, quæ in alluvionibus maris rapiantur, concha excludi, & in anatem: vel in cogenerem avemadolescere: Eadem quoque

Aves è lignorum putrefactione

Nasci narrat Gesnerus in insulis Hebridibus. Si lignum in mari projicias, temporis tractu primum in eo vermes excavato ligno nascuntur, qui sensim anatis capite, pedibusve, atque alis, plumas postremo edunt, demum anseribus magnitudine æquales, & quum ad justam pervenerint magnitudinem, cælum, reliquarum avium more alarum remigio per aëra delatæ petunt. Quum lignum putrefieri incipit, ingens confestim multitudo vermium apparet, aliis adhuc rudibus, aliis quædam membra formata habentibus, partim formatarum perfecte avium, inter quas quædam plumas perfectas habent, & aliæ implumes erant. Paracelsus, ut gallinæ calore mucor ovi, & phlegma in pullum animatur, ita & avis in vitreo vase clauso combusta, atque ita clausa sub fimo contenta in mucosum phlegma convertitur, & id in aviculam eodem calore animatur, ac restauratur, veluti phœnix. Ficinus, ex salviæ putrefactione avem nasci ait merulæ similem, quæ à mundi vita ibidem animatur.

CA-

CAPUT IV.

De piscibus, qui ex putrefactione gignuntur.

RELIQUUM est piscium aliquot memoremus, qui è putrefactione nascuntur, ubi de terrenis, & volucribus dixerimus; & primo,

Anguille quomodo generentur.

In anguillis sexus fœmininus, masculinusque non est, nec per coitum generantur, nec pariunt ova, nec verò capta unquam est, quæ aut semen genitale, aut ova haberet, nec meatus vulvæ accommodatos scissura ulla ostendit, quod ita esse argumento constat, quod in nonnullis fœculentis stagnis, aqua omni exhausta, & limo deterso, anguillæ denuo generantur, ubi aqua accesserit pluvia: nam siccis temporibus gigni nequeunt, etiam perenni in stagno quippe imbre nascuntur, & aluntur: ex Aristotele. Ex putridis etiam rebus generantur. Compertum est enim mortuo equo, & stagnis injecto paulo post innumerales anguillas visas esse: quod ex aliorum animalium cadaveribus quoque accidit. Aristoteles ex intestinis terræ oriri dixit, quæ intestina oriuntur tum in mari, tum in fluviis, tum in stagnis putredinis maxime ratione, sed in mari, quæ algæ sunt, in stagnis autem, & fluviis juxta ripas, calor enim amplius eas subire partes facit, ut putreant. Ob id nos amicum novimus, qui ligneis vasis aqua plenis, algis, & quibusdam fluminum herbis immisissis, & lapidis pondere oppressis sub dio, paucis diebus anguillas generabat. Similis est

Apuarum ortus ex spuma.

Apuam Græci ἀψύλλω vocant; quod is pisciculus pluvia nascatur. Plura earum genera, quæ ἐκ ἀψύλλῃ, id est, spuma, non ex coitu gignuntur, sed ex terra arenosa, quæ nec incrementum capit, nec prolem affert, sed temporis spatio perit, ac denuo nascitur, unde omnibus fere anni temporibus generantur, & nascuntur locis umbrosis, & tepidis, quoties solum tepescit, ut in Attica terra apud Salaminam, & juxta Themistocleum in Marathone.

thone. Nonnunquam vel quum aqua è cœlo incessit, oritur hic pisciculus in spuma, fertur interdum per summa maris, & in spuma fluitat, ut in fimo vermiculi. Athenæus Veneri sacrum dicit, quod ipsa quoque è spuma genita sit, unde *ἀφροδίτης* nomen meruerit. Alianus, apud non procreant, nec procreantur, sed è limo nascuntur, quum enim cœnum in mari concreverit, valde & limosum, & atrum efficitur, mirabili natura & vitali tepescit, atque in permulta animalia, nimirum apuas immutatur. Contra numerosiores fluctus, ac saxifragas undas perfugia habent sinuosas scopulorum latebras, nulloque egent cibo. Oppianus ita elegantissime describit:

*Aphritides imbelles genus non sanguine nata,
Parrula sub nullo turba est generata parente,
Quum fortes imbres densis ex nubibus haurit
Mens Iovis, ex templo miscetur murmure pontus.
Tolluntur fluctus celeri vertigine misti,
Qui canas faciunt spumas, atque unda tumescit,
Et non prævisis collecta hæc agmina tedis
Emergunt pelago, subito nutrita videntur.
Spuma nascuntur, de spuma nomina sumunt, &c.*

Apua mugilum ex putrefactione.

Nascitur genus quoddam apud mugilum, quod non ex coitu, sed ex limo arenave nascitur, quod tum locis palustribus, tum vero apud Gnidium factum olim memoratur. stagnis enim, vigente canicula, exiccatis, & limo arido, ubi primum imbribus restagnare loca inciperent, pisciculi nascebantur mugilum generis, magnitudine mænarum parvarum, nec in his aliquid ovi, vel seminis continebatur. Quin etiam in nonnullis Asiæ amnibus, qua effluunt in mari pisciculi, quidam magnitudine intestinorum hepseti eodem modo proveniunt, quare apua mugilum ex arenosa terra, vel limo nascitur, ex Aristotele. Idem de apua mænidum existimandum est. Videtur etiam nasci

Cyprinus ex putri limo.

Eodem modo aquæ dulcis, quippe observatum est lacubus,

bus, montibus obvallatis, in quibus nullus fons, aut palus, aut fluvius alluit, influitque præter cœlestem imbrem, & ubi pluviae inceserint, piscibus onerantur, & inter cæteros cyprinis. Sunt etiam, qui legitimo Naturæ ordine ex mare & fœmina generantur. Sunt etiam in peculiaribus lacubus privata naturæ pisces, ut in lacu Lemano, Benaco, & aliis carpiones, & similes. Generantur quoque

Terreni pisces ex putrefactione.

Tradit Plinius in Paphlagonia effodi pisces gratissimos cibis, terrenos altis scrobibus, in his locis, ubi nullæ restagnant aquæ, miraturque & ipse gigni sine coitu. Humoris quidem vim aliquam inesse, quam puteis arbitratur, quum in nonnullis reperiantur pisces. Gignuntur

Ostracoderma ex limo spumoso.

Si testis intacta considerabimus, sive ex marini humoris vi, sine semine, sine mare, & fœmina procreari cernimus. Quum enim dura testa undique operata sint, nullus interiorum partium, quæ ad generationem condita sunt, contactus, vel attritus fieri commode potest. Inquit Aristoteles, omnia ostracoderma sponte nasci, argumento, quod in navigiis oriantur, ex putrescente limo spumoso, multisque in locis, in quibus nil tale ante fuit, humoris inopia cœnoso reddito loco, testacea nata sunt. Nil autem ab his genitale emitti indicio est, quod quum Chii quidam ex Lesbo varia ostrea delata in maris vicina loca, limosaque divisissent, tempore nihilo plura fuisse, quin magnitudo earum increvisset. Ostrea igitur in mari, fluviis, & lacubus generantur, & ob id limnostrea appellata, suamque originem capiunt, ubi cœnum est. Oppianus:

*Iam etiam in humidis liquidas habentibus vias maris,
Gurgitibus sponte nascentia germina, & matre carentia genera,*

*Ostreum, imbecilleque apuæ, concharumque genera,
Et testacea, turbines, & quæ in arena nascuntur.*

Et alibi.

Qui non concumbunt, nec sætus nexibus edunt,

*Per se nascuntur, sædo velut ostrea cœno :
Est non distincto semper levis ostrea sexu,
Hos inter pisces nec mas, nec sæmina nota.*

Nerita, purpura, ungues sponte gignuntur.

Ut lepadæ, pectines, holoturia, & omnia, quæ suis sedibus hærent. nam quomodo in iis inter se corporum congressus, acque commistio fieri posset, quum plantarum more vivant? Purpuræ igitur, & ostracoderma ex materia putrescente, & limo nascuntur. Buccinis ortus idem. Limostrearum origo cœnosis locis existit. Conchæ, ungues, & pectines in arenosis locis formantur. Pinnæ rectæ bisso alligatæ in locis arenosis, & cœnosis: denique testacea omnia sponte fiunt ex limo, pro limi differentia. In cœnoso ostrea, in arenoso conchæ, in petrarum caver-nulis holoturia, balani, per summa adhærent lepadæ, & neritæ: mytulis, purpuris & buccinis eadem origo, quæ materia putrescens est in aliquibus stagnis. Quum sepes piscandi gratia disponderentur, & per vetustatem computruissent, mytulorum copia abundavit, iis vero revulsis, locus mytulis caruit.

C A P U T V.

Ex variorum animalium mistione posse nova exoriri animalia.

DIXIMUS animalia, quæ ex putrefactione oriebantur, nunc ex variorum commistitu varia exoriri posse animalia non inficiabimur, & ex his alia nova generari, ne occasio unquam desit infinita procreandi animalia, & monstra invisa. Nec aliam ob causam dixit Aristoteles animalium libro, Africam semper aliquid novi parere, nisi quia aquarum penuria in his regionibus ad flumina convenirent varia animalium genera, ex propinquis, & vicinis locis, quæ vi, aut voluptate cogente, ad coitum informes partus & monstruosa nascebantur animalia. Ab antiquis multa descripta sunt, multa recenter excogitata, & casu inventa, quæ futura esse possunt, ingeniosis cordatis viris judicandum relinquo. Sed ingeniosos divertere, aut detertere non deberent Philo-

hilosophorum quorundam persuasiones, ex duobus diversis generibus natura tertii generis fieri, & neutris parentum esse similia, eaque ipsa, quæ jam nata sunt, non ignere in omni animalium genere, propterea quod videant mulum non generare, quum multa animalia nunc videantur, ex diversis prognata generibus, quæ gignant, ab eisque generata alia generent, ut in perpetuum species illa conservetur. Nec decens est aliquorum exemplo legem sanciri, quæ in omnibus prævaleat, quum domesticis laribus, & villis diversorum animalium committu, sæpe diversas species generari, & quæ alias generent, & tanto eorum facies, & corpora à primis progenitoribus variant, quanto per numerosiores mixtiones commiscuntur, ut vix pristinæ similitudinis, vel habitus aliquid retineant: nec omnino verum, ex variorum commistitu nata imperfecta, & dissimilia, ex quo nil amplius gignatur. Ex his commixtionibus, & varias in Medicina proprietates nanciscuntur, & in domesticis usibus, & in venationibus vitia emendamus, & varias virtutes inducimus. Nos primum ab antiquis excogitata, & descripta recensebimus, mox quæ à recentioribus, post quæ à nobismet ipsis, & in variis regionibus vidimus. Et ex his ingeniosus quisque ex se alia poterit invenire. Sed priusquam ad experimenta descendamus, operæpretium videtur præceptiones aliquas observatu dignas rememorare, quæ ab Aristotele, & aliis descripta sunt, ut facilius mutuo intuitu conjungantur, repleanturque. Primo quod magnitudine inter se non multum discrepent, sed vel parva, aut nulla inter ea sit differentia: nam si multa intercedit, simul commisceri nequeunt: par est canis, & lupi magnitudo, leonis & pantheræ, asini, & equi, & inter aves gallinæ & perdicis, falconis & accipitris. Satis enim inepte quis equum cani, vel elephanto equam, aut gallinis passerem associabit. Præterea sit par gestationis tempus, scilicet quod æque uterum ferant; nam si animal unum per annum uterum geret, alterum per sex menses, tempore, quo id partus egerere jam maturum debet, aliud partum semiperfectum habet. Canis duobus mensibus fert

fert uterum , equus duodenis : & inquit Philosophus , non nasci animal , nisi iusto tempore. Ob id non canis ex homine nascitur , nec equus ex elephanto , non igitur differunt gerendi uteri tempore. Sint quoque oportet animalia salacissima , quæ commisceri conamur : nam ea quæ casta , & vix semel anno ad coitum incitantur , si suæ speciei fœmina desit , priusquam ad aliam animum inclinent , transit congressus tempus : sed quæ luxuriæ obnoxia sunt , furiis stimolata , cæca in sui , & alieni generis animalia ruunt. Inter quadrupedes canis , hircus , sus , & asinus luxuriosa sunt ; inter aves perdices , coturnices , columbæ , & passerres. Oportet etiam commisceantur tempore ad coitus idoneo : nam tempus & ætates certas ad Venerem singulis animalibus Natura fixit , ac statuit. Commune tempus coitus hyemis sævitia cessante , & veris clementia oriente , quo animalia prope dixerim omnia ad coitum excitantur , & fervent. Sint quoque ætates congruæ : nam statim tempore vis illa prolifica animalibus accedit ; novellorum enim prima seminis emissio , aut infœcunda , aut imbecillis , unde suo cuique generi ætas sua prolifici coitus commodo statuta est. Sit ætas novella , & utrique par fere semper , nec effœta , aut debilis. Sed si animalia luxuriosa non sint , diversis artificijs faciemus ;

Animalia ut ardentius ad coitum incumbant ,

Et si fœmina semen non retinet , variis modis efficere , ut illud non rejiciat. Plura apud authores extant Veneris incentiva , & multa apud nos usitata. Scribit Ælianus , ut plus Veneri indulgeant animalia , pastores ovium , caprarum , & equarum tempore coitus genitalia , delibutis sale & nitro manibus , perfricant , ut iis vehementer coitus appetitio exoriatur. Alii pipere perungunt , alii urticæ fructu , alii myrrha & nitro , nam ex ea satis fricatione fœminæ libido excitatur , & mares sustinet. Et procliviores ad coitum hircos efficiunt , si eorum nares & mentum odorato unguento perungant , contraque eodem , mediis caudis lino alligatis , à vehementioris coitus appetitione reprimere. Absyrus alacriores mares ad

Vene-

Venerem facit, deterſæ equæ natura, ipſis nares adlinendo. Didymus ad coitum validos arietes reddere, ſæpe ipſis pabulo herbam polygonum appellatam exhibendo: unde ipſi & reliqua pecora ad coitum excitantur. Plinius cæpas objicit pecori, ut vim coeundi augeat, non minus quam homini eruca. Et aſinæ, ut ſemen retineant, à coitu verberibus incitant ad curſum, reſperſis frigida aqua genitalibus. Quæ remedia, & ejusmodi talia apud authores, qui animalium historias contexerunt, ubertim reperies.

CAPUT VI.

Fortiſſimi canes, diverſarumque virtutum ex variorum animalium commiſſione quo modo generari poſſint.

ACANIBUS incipimus, quum nullum animalium nobis familiarius, & quum multis animalibus par ſit magnitudo, tempus geſtationis uteri, & luxurioſus quoque ſit, ſemperque ad coitum paratus, miſceturque cum ſui generis, & valde alienigenis, habitum, & formam immutando, reliqua vitia emendando, ad cuſtodiam, venationes, varioſque uſus, & luſus accommodando; & primo quomodo generari poſſit

Indicus canis fortiſſimus ex tigride.

Hic maſtinus, robuſtus, bellator, & hircanus ab aliis appellatur, Ariſtoteles ex cane & tigride generari dicit, & indicos dici. Et alibi, ex cane & fera quadam, non expreſſo nomine. Plinius, è tigridibus canes Indi concipi volunt: ob id in ſilvis, coitus tempore, alligant fœminas, primo & ſecundo fœtu feroces nimis putat gigni, tertio demum educant. Ex Indicarum rerum ſcriptis Ælianus hiftoriam robuſti canis deſcribit. Canes fœminas multo generoſiſſimas, tum ad inveſtigandum feras narium ſagacitate præſtantiſſimas, tum vero ad curſum velociſſimas, in loca, ubi tigrides habitandi mos eſt, productas paſtores ad arbores alligant, & diſcedunt: in has autem tigres incurrentes, venationis inopia & fame laborantes lacerant: ſin autem ad libidinem inflammati, & cibo completi ſint, cum canibus complexu venereo junguntur, ex hac

tigris-

tigridum consuetudine cum canibus, tigris quidem non generatur, sed semē ad deterio rem delapsum, maternum genus referens, canis efficitur. Ii canes tigride patre nati, cervi, vel apri venatum præclare spernunt, quum in leonem incurrunt, gaudio exiliunt. Summa Indus nobilitate homo Alexandro, Philippi Regis filio horum roboris canum sic periculum fecit, ut primo cervum emitteret, canis ex eo loco, ubi quiescebat, eū despiciatissimum habens, nil se commovit, deinde ad aprum dimissum, quemadmodum affectus fuerat in cervum, immotus permansit, tum vero ubi ursus immissus fuisset, atque hunc, atque alios despiciatui ducens, ab eo invadendo se tenuit, ad extremum hic leonem, quem protulissent in medium, ut vidit, ira exarsit, ac profecto tanquam justus hostis in certamen descendisset, sine mora intrepidus invasit, atque acerrima comprehensione leonem constrictum tenens, illius fauces premebat, & suffocabat. Tum Indus, qui hoc spectaculum Regi præbebat, quique probe sciebat ejus robur animi, & constantiam, primum huic caudam abscindi jussit, is præ ipso leone, quem mordicus tenebat, sibi caudam abscindi facile patiebatur, deinde etiam crus unum suffringi imperavit, is vero æque, ut à principio urgebat, & perinde nihil remittebat, quasi alienum erus, & ad se nihil pertinens, suffringeretur. Post alterum, unde quoque is nihil commotus, arcte tenebat, tum tertium incidi præcepit, is similiter, ut ante, nihil se relaxavit à retinendo leone. Tum etiam quartum crus abscindi voluit, is nihilo remissior factus, nihiloque minus leonem retinens, maximo robore ad ejus perniciem incumberebat: denique etsi caput à reliquo corpore abscissum erat, illius tamen dentes ex illa leonis parte, in qua primum defixi fuissent, pendebant simul, & quamvis is, qui eos in initio defixisset jam mortuus esset, ejus tamen etiam nunc ex leone appensum caput sublime ferebatur. Hic quum Alexander non mediocri dolore afficeretur, ipsius admiratione virtutis obstupefactus, quod is, qui tale specimen virtutis dedisset, è vita, quam ex robore animi, cedere maluisset. Id Indus videns, quatuor canes huic similes illius donavit
ille

ille cum grato, & jucundo animo eos munere accepit: tum vero eum, qui dedisset, tanto pretio, quanto par esset præstantissimum Regem, remuneratus est. Hæc eadem Philes. Diodorus vero Siculus, & Strabo, Sopithem Regem fuisse scribunt, qui canes illos Alexandro donavit centum quinquaginta, qui prægrandes & robustissimi, atque cum tigridibus commisceri dicebantur. Apud Pollucem eadem historia refertur. Nec diversus ab hoc canis Indicus videtur, à Plutarcho descriptus. Canem, inquit, qui inter Indicos primas tenebat, quique adversus Alexandrum depugnat, in arenam productum, quantisper cervus, aut aper, ursusve emitteretur, contemptim immotum jacuisse ferunt: sed enim ubi leo conspectus est, excitatum momento, pedibus arenam sparsisse, velut hunc antagonistam dignum se judicaret; cervos omnes despicaretur. Plinius. Indiam petenti Alexandro Magno Rex Albanix dono dederat inusitata magnitudinis canem, cujus specie delectatus, jussit urfos, mox apros, & deinde damas emitti, contemptu immobili jacente, eaque segnitie tanti corporis ostensus Imperator generosi spiritus, eum interimi jussit. Nunciavit hoc fama Regi, itaque alterum mittens, addidit mandata, ne in parvis experiri veller, sed in leone, elephantove, duos sibi fuisse, hoc interempto, præterea nullum fore. Nec distulit Alexander, leonemque fractum protinus vidit, postea elephantum jussit induci, haud alio magis spectaculo lætatus: horrentibus quippe per totum corpus villis, ingenti primum latratu intonuit, mox ingruit assultans, contraque beluam exurgens hinc, & illinc, artificii dimicatione, qua maxime opus esset, infestans, atque evitans, donec assidua retarum vertigine afflixit, ad casum ejus tellure concussa. Gratius de hujusmodi cane:

*Sed non Hircanæ satis est vehementia genti
Tanta: suis petiere ultro fera semina sylvis,
Dat Venus accessum, & blando sœdere jungit.
Tunc & mansuetis tuto ferus errat adulter
In stabulis, ultroque gravis succedere tygrim
Ausa canis, majore tulit de sanguine sætum.*

Canis

Canis leontomigus ex leone.

In robustorum, & venaticorum canum censu leontomigi sunt. Pollux. Arcades canes primum ex canibus, & leonibus nati, appellatique λεοντομιγῆς. Hæc eadem Cœlius. Arcades etiam ab Oppiano commendantur, & Tegeatæ, quum Tegea Arcadiæ sit oppidum. Fit etiam semiferus

Canis ex Thoe fortis, & velox.

Aristoteles thoen interna omnia similia lupo habere dixit, robustum animal, & pugnare cum leonibus, & canibus, & velocem esse. Plinius ex luporum genere esse dicit, Hesychius etiam lupo similem: apud Afros nasci tradit Herodotus: Æthiopicos lupos Solinus vocat. Nearchus vulgares tygrides Thoas vocat, & varios esse. Unde canes ex thoibus natos fortes, & aptos venationi Gratius asserit, & proinde semiferos vocat, quod altero parente Cane mansueto, altero Thoe animante fera nascatur.

*Hic & semiferam thoen de sanguine prolem
Finxit, non alio major sua pectore virtus.
Seu norit voces, seu nudi ad pignora Martis.
Thoes commisso (clarissima fama) leones
Et subiere astu, & parvis domnuere lacertis.
Nam genus exiguum pudeat, quam informe fateri.*

Canis ex lupo & cane crocuta.

Plinius ex lupo & cane conceptos crocutas vocat, omnia dentibus frangentes, protinusque devorata conficientes, ventre: nam ut ex tygribus canes concipiebant, hoc idem è lupis Galli faciunt, quorum greges suum quisque ductorem, & ducem è canibus habent. Cum canibus coeunt lupi in Gyrenensi agro, Aristoteles ait, & Pollux ab eo: crocutam igitur appellant feram ex cane & lupo conceptam. Galenus libro de usu partium affirmat, ex lupo masculo canem, & ex cane foemina lupum posse concipere, recipere semen, & retinere, & perducere ad animalis missionem. Diodorus ait: quem vero Æthiopes crocutam vocant, mixtura est ex canis lupique natura.

tura. Quum Niphus venaretur, canis unus lupam infectatus est magno nisu, quam assecutus, canire incepit, odio, & feritate præ desiderio Veneris remissa. Albertus ex lupo, & cane gigni magnum canem dixit, qui mastinus dicatur. Romæ è lupo canem generatum vidi, & Neapoli lupam à cane. Ovidius:

Deque lupo concepta Nape.

Et inter Actæonis canes,

„Cyprio velox cum fratre Lycisca.

Virgilius,

„multum latrante Lycisca.

Lyciscos canes dicit Isidorus ex lupis, & canibus natos, quum inter se forte miscentur. Coelius dicit chaonidas dici. Sunt qui chaonida canes de chao inter luporum genera memorato progenitas suspicentur, atque ita nuncupantes. At si veloces canes generare, quærimus, veluti leporarios, ex velocibus feris concipiemus, & congenerabimus. ut

laconici canes veloces ex cane, & vulpe generari possint.

Aristoteles, & ab eo Galenus dicunt, animalia coire posse, quorum genus diversum quidem, sed natura non multum distat, quum par magnitudo tempora æquet graviditatis, ut in canibus, & vulpibus fieri certum est. Ex vulpe, & cane laconici canes gignuntur, & primi fœtus communi generis utriusque specie generantur, sed tempore procedente diversi ex diversis provenientes, demum forma fœminæ restituti evadunt. Laconicos canes ex vulpibus, & canibus natos primum & alopecidas dici narrat Pollux. Alopecidæ, id est, vulpinæ canes ex canibus, & vulpibus natæ sunt, quarum natura ex temporis spatio confusa est, ex Xenophonte. Et alopecidas canes venaticos facit, & sane videntur quidam venatici canes veloces, ut leporarii dicti, capite magis in acutum tendente, & rostri figura vulpem referre. Hesychius, & Varinus cynalopeas vocant. At si scire velimus

Canis velox, & fortis quomodo generetur.

Mifi

Misti & bigeneres canes sunt, qui ex utroque parente cane, sed diversorum generum, ut ex Molosso & Laconico apud Aristotelem celer simul, & validus futurus nascitur, tum qui parente altero cane, altero fera, ut lupo, leone, & similibus nati sunt. Excogitarunt hanc mistio, nem venatores: prioris generis, ut quædam vitia emendarent, & præcaverent in sobole, vel ut dotes quasdam adjicerent, posteriores, vel ut magis robusti ad venandum adversus feras majores producerent canes, vel certe callidiores, & ingenio parentis, quum non corporum modo, sed animarum quoque bona, malave à parentibus in prolem derivari constet. Ovidius inter canes Actæonis:

*Et patre Dictæo, sed matre Laconide nati,
Labros, & Aglaodes.*

Et Oppianus libro de Venatione.

Quod si tibi placuerit generosa propago,

Vere primum cubile præbeto canibus:

Vere enim magis cura Venerea res est,

Congruæque inter se similesque egregie stirpes,

Arcadicos cum Eleis misceto, cum Pannoniis Creticos,

Caricos cum Thracibus, Tyrrhenam stirpem cum Laconibus,

Sarmaticamque maritum adducas ad Ibericam sponsam.

Sic ex horum animalium commistione canem producere possumus animo leonino, robustitate tigridum, velocitate vulpina, pelle leopardi, atque oris voracitate, & duritia lupina.

CAPUT VII.

Canes pro delitiis qui procreentur.

QUUM sit homini familiaris canis, perpetuoque cum eo versetur, docebimus & quomodo parvus, & qui libenter ludat, generetur, & instituatur, & primo

Catelli parvi quomodo generentur.

Erant olim in pretio & delitiis mulierum catuli, qui nascebantur in Insula Melita in sinu Adriatico sita, non procul à Ragusio, Meliteus dictus a Callimacho. Quomodo

modo autem generetur, videtur Aristoteles docere Problematum libro, inquiens. Cur in animantium genere alia parvo, alia magno constant corpore? cujus causa duplex reddi potest, aut enim locus, aut alimentum id facit, locus, si angustus est; alimentum, si exiguum. Quod etiam partu jam edito nonnulli efficere conantur, ut qui catellos in caveolis oclusos educant, sit enim, ut quamvis breves aliqui sint, modice tamen coagmentatas omnes sui corporis partes habeant, ut Melitenses catelli, ratio quod non ut locus, sic Natura suum efficere opus soleat. Scribit Athenæus Sibaritis vehementer in delitiis fuisse canes Melitæos, qui quidem hoc esse videntur in genere canum, quod nani, & pumiliones inter homines. Hi in delitiis habentur, & lautius aluntur ad voluptatem non ad usum. Qui eliguntur ad ejusmodi usum, parvuli eliguntur, qui adulti non majores sunt mure, sit quadrato corpore, non magni capitis, rostro parvo, naso simo, qui ad hoc opus infringitur, dum est parvus, auribus longis, cruribus brevissimis, pedibus angustis, oblonga cauda, collo, longiusculis pilis ad artus usque veluti jubato, cæteræ partes tonsis similes, candidus, vel totus hirsutus, prolixis admodum pilis. Hos ubi cavæ ocluseris, paucis cibabis bolo, ut nunquam saturi sint, quos cum aliis minimis coire curabis, ut minores nascantur. Ita enim Hippocrates de populis Septentrionalibus narrat, qui ab infantia manibus eorum capita contrectantes faciunt, ut adulti eadem forma remaneant, qua forma ex semine sit genus, ut omnes eodem modo nascantur. Si vero vis

Canis mimicus nascatur.

Qui ludat libenter, & huc, illuc saltitet, ac leniter latret, & absque morfu mordicet, & erectos pedes anteriores instar manuum protendat, & quod projectum fuerit, rostro reportet. Hos cum simia conversari faciamus, & cum ea versari consuescat, multa jocosa, risu digna facere condiscet, quod si etiam cum ea coierit, natus canis ex eis omnium aptissimus ad ludos, quales

agyrtæ.

agyræ, & circumforanei ad ludos, mimica, vel histri-
orum opera facere canes ostendunt. Optimi etiam fue-
runt ex vulpe nati, ut habetur ex Alberto.

CAPUT VIII.

Quomodo aliter canum vitia possint emendari.

POSSUMUS & alio modo canum vitia emendare, &
novos habitus inducere, scilicet ex alimentis: sæpius
enim diximus hauriri mores cum lacte. Ut igitur fiant

Canes robusti, & veloces,

Columella docet. Quorum generosam volumus indolem
conservare, nonnunquam eos patiemur alienæ nutricis
uberibus educari, quoniam semper & lac, & spiritus ma-
ternus longe magis ingenii, atque incrementa corporis
auget. Sed Oppianus canes ad venationem educandos
lactari præcipit non domesticarum canum, neque capra-
rum, aut ovium uberibus; segnes enim, & debiles futu-
ros: sed cervæ, aut leonæ cicuris vel dorcadis, aut lu-
pæ, ut robusti, ac veloces fiant. Inquit enim: -

Quod si tibi solers catulorum educatio cura est.

Ne unquam lactentur catuli recenti mamma

Caprarum, aut ovium, neque domesticis canibus:

Quippe segnes, aut nullius pretii ingravescent.

Sed aut cervarum mamma, mansuetæque leonæ

Aut caprearum, aut noctivagæ lupæ.

Nam sic & fortes, & celeres admodum reddideris,

Similes ipsi lactiferis nutricibus.

Hæc eadem Ælianus, si catellos recte educare studes, ca-
ve caprarum, ovium, aut domesticorum canum mammas
fugant: nam segnes, & debiles efficiuntur, sed vel cer-
vas, vel cicurem leonam, vel damas, vel lupam lacteant,
sic enim & robustos & veloces efficies. Quum enim re-
cordabuntur se ab ejusmodi animalibus nutritos, pude-
bit eos non robustos, & veloces existere. Pollux ad ci-
bum lac maternum catulis præcipue convenire dixit,
deinde sanguinem animalium, quæ ceperint canes, ut
paulatim venatorio alimento assuecant. Cnidius Cte-
tias in libris, quos de rebus Indicis scripsit, Cynamol-
gorum

gorum gentem, ait, canes permultos bubulo lacte alere, qui contra Indicos boves immissi, eos debellant, & interimunt ferocissimos. Ipsique Cynamolgi à canibus expriment lac mulctra, rum vero sic idipsum, quemadmodum nos vel ovillum, vel caprinum, bibunt, ex Æliano: Solinus, ob id Cynamolgos Æthiopus ajunt habere caninos rictus, & prominula ora. Habebimus & hoc modo, quomodo

Asinus generosus fiat.

Si quum à partu statim genitus est à matre subtrahatur, & ignorantì equæ subjiciatur: ea optime tenebris fallitur, nam obscuro loco partu ejus amoto, prædictus quasi ex ea natus alitur, cui deinde, quum decem diebus insuevit equa, semper postea destinanti præbet ubera, sic amplior, & ad omnia meliore vadet.

C A P U T IX.

Diversa mulorum genera ut produci possint.

MISTIONES asinorum, equorumque & aliorum docebimus, quæ etsi omnibus notæ, alia addemus fortasse lectoribus non ingrata futura. Ælianus ex Democrito, dicit mulas non esse Naturæ opus, sed humanæ machinationis adulterium inventum, & furtum, quod fecit asinus Mepus, vim equæ inferens, fortuito gravidam reddens: homines postea hujus violentiæ discipulos factos, in procreandi consuetudinem adduxisse. Apud Venetos Paphlagoniæ urbem mulorum genus primum excogitatum esse, & inventum ex Homeri Scholiaste habetur. Geneseos legimus in libris, quod Ana socer Esau dum pasceret asinos patris sui in deserto, invenit mulos. Sed

Mulus ex equa fit & asino.

Muli non suo pre genere ab radicibus, sed bigeneri, & institui, ex Varrone: Unde equam magni corporis, solidis ossibus parare oportet, qui non velocitatem, sed robur exquirat, sic mulum magnum & fortem progenerabit. At vero

himus

hinus fit ex equo , & asina.

At asinam amplissimæ formæ, fortibus membris , sed laboris patientissimam eligere oportet , & ad fœtum non solum corporis bona , sed ingenii conferat : nam fœtus quamvis à patre nomen traxerint, quod hinni vocentur, matri per omnia similes erunt , jubam & caudam habent similem asini, aures tamen gerunt equinas, minores quam mulus corpore , effrenes , & tarditatis indomitæ. Præstantissimæ omnium

Mule veloces ex onagro, & asina generantur.

Nullum enim est in hoc pecore aut animo , aut forma præstantius , quam quod seminabit asinus , quanquam possit huic aliquatenus comparari , quod progenerat onager, nisi quod indomitum, & servitio contumax sylvestri more, strigosum patris proferet habitum. Generantur enim ex equa & onagris mansuefactis, Mule veloces in cursu, duritia eximia pedum, verum strigoso corpore, indomito animo , sed generoso. Verum ejusmodi admissarius nepotibus magis , quam filiis utilior est : nam ubi asina & onagro natus admittitur equæ , per gradus infracta feritate, quicquid ex eo provenit, paternam formam, & modestiam , fortitudinem celeritatemque avitam refert, ex Columella. Hi forte sunt muli, quos Aristoteles Syriæ peculiare scribit , celeritate præstantes, nec steriles, quibus tamen commune nomen sortiti sunt propter formæ similitudinem , ut asini feri urbanorum nomen acceperint. Sed non tam peculiare est genus

Ex tauro & asino fortissimi muli.

Nam & quartum genus reperitur, quod Gratianopoli, ut scribitur , reperitur , & Gallica voce Iumar nominatur. Gesnerus à fide dignis audivit visum equum ad radicem montis Spelungi in Rhetia ex equa & tauro generatum. Nos autem Ferrariæ vidimus aliquos forma muli, capite vitulino , quibus cornuum loco duo inerant tubercula, indefessæ, & indomitæ ferociæ, coloris nigri, oculis taurinis, eo spectaculo mirum in modum delectabamur. Audivimus in aliquibus Galliarum partibus vulgares esse, etsi per Galliam pertransiens non viderim.

C A-

CAPUT X.

Quomodo capra, & oves commisceantur.

VT vitia aliqua in ariete emendemus, & meliores aliquas notas impingamus, aut cum feris & sylvestribus remiscendo, aut cum similibus, & non longe à suo genere, voti compotes effici poterimus. Proximum genus est capra & ovis, commiscendo igitur

musmus ex capra & ariete fit.

In Hispania, & maxime Corsica non absimile ovibus genus musmonum, inquit Plinius, caprino villo, quam pecoris velleri proprius, quorum è genere, & ovibus natos præsci Vmbros vocaverunt, Strabo *μυσμον*. Albertus vero musmos vocat, qui ex capra, & ariete nascuntur. Apud Rhetos, Helvetiis confœderatos, locis alpinis audio aliquando nasci capras posteriore parte, antèrius oves, vel arietes, sed vivere non posse & parum post partum emori. Arietes enim quum senescunt, validos, & libidinosos fieri, & capras aliquando supervenire. Ex ovibus, & arietum ferorum coitu foetum conceptum paternum colorem retulisse, eumque scilicet durasse per sobolem, & nepotes deinceps, lanam vero in primo quidem foetu hirtam, sed in nepotibus, & deinceps mollem fuisse. Contra vero

cinirum ex ove & hirco generari.

Idem Albertus ait cinirum dici ex ove, & hirco natum. Sed optimum excogitatum est adulterium

ex fera & miti capra prolem generare.

Qualemcunque speciem, quæ fuerit in feris bestiis per nepotum gradus mitigata feritate in mitem abire tradunt scriptores. Columellæ exemplum adducam. In municipium Gaditanum ex vicino Africæ miri coloris sylvestres, ac feri arietes, sicut aliæ bestię munerariis deportantur, M. Columella Iunii Columellæ patris quosdam mercatus in agros transtulit, & mansuefactos tectis ovibus admisit, ex primum hirtos, sed paterni coloris agnos ediderunt, qui deinde & ipsi Tarentinis ovibus impositi, tenuioris velleris arietes progeneraverunt.

D

Ex

Ex his rursus quicquid conceptum est, maternam molliciem, paternum & avitum retulit colorem. Idem in suis expertum; nam

ex fero, & miti sue hybridæ procreare

possumus: nam aper ad Veneris libidinem inflammatus est, coeundi que furore ardet, quod si sæmina ejus sic libidine furentis coitum refugit, aut ipsam expugnatam init, aut mortuam in terram abjicit. Et si quæ ex feris mitigentur, non concipere tradant, ut anseres, apros tarde, & cervos ab infantia educatos, in nullo genere æque ac in suillo facilis mixtura cum fero: taliter natos antiqui hybridæ vocabant, seu semiferos. Nomen factum apparet *ἡμίτις ὁ ὕβρις*, forte quod per contumeliam in aliquos adulterio natos jactaretur.

C A P U T XI.

Ex diversorum animalium commixtu variæ esse animalia genita.

EX diversis animalibus specie differentibus commistiones indicabimus, mox ex jam genitis alias mixtiones experiendo, ut quæsitæ species instituas, & ex fœtibus, qui plus matris, patrisve retineant, considerabimus, ut voti compotes efficiamur; & primo

ex pardo & leone leopardum generare.

Ex leone & pardali nascitur leopardus. Leenam dicunt ad coitum fervere, & leonem non admodum posse coire, propter nimium temperamenti calorem, ideo leenam admittere pardum in leonum cubilibus, ubi vero pariendi tempus appetit, in montes confugit, & loca pardalibus consueta: pariunt enim maculosos catulos. propterea in densissimis sylvis occultatos nutriunt, simulantes se venationis gratia à maribus abesse. Leones enim si catulos deprehenderint, lacerant, & sobolem tanquam adulterinam perdunt, ex Philostrato. in sylvestribus Hircaniæ locis pardi sunt, secundum à pantheris genus, noti satis, nec latius exequendi, quorum adulterinis coitibus degenerantur partus leonarum, & leones quidem procreant, sed ignobiles. Solinus. Ex adulterio pardi, & leonæ

leænx leopardus nascitur, & tertiam originem efficit. Isidorus. Leones, quos creant pardi, remanent jubarum inopes. Plinius, & Solinus. Odore pardi coitum sentit in adultera leo, totaque vi consurgit in pœnam: idcirco aut flumine abluitur, aut longius comitatur. Sed si leæna ex pardo concipit, & corpore sibi similem gignit, animo dissimilem, sic panthera si ex leone concipiat, & maculosum gignat fœtum, ut duo sint leopardi genera, sicut mulus, alius ex equo, & asina, alter ex asino & equa: nam omnia bigenera plus à matre accipere videntur, præsertim quoad magnitudinem, & formam corporis. Claud.

*Obvia fluminei properant ad vulnera pardi,
Semine permisso geniti, quum sorte leæna
Nobiliorem iterum viridis corrumpit adulter,
Cum maculis patres referunt, & tergores matres.*

Ex hyæna & leæna crocutam nasci.

Diximus leænam maximis stimulis exagitari, & cum diversis animalib. coire. Hyæna coitu leæna Æthiopica parit crocutam, inquit Plinius, & ab eo Solinus. Luxuriosissimum animal quoque panthera, ut cum diversis etiam coëat. Unde

ex lupo & panthera lycopantheros, sive thoës gignitur.

Panthera libidinis tempore admodum vocalis est, & ad ejus vocem animalia ejusdem, aut varii generis accurrunt. Sæpe etiam lupi cum pardalibus complexu venereo implicantur, unde nascuntur Thoës, ac pellis quidem varietate matris, aspectus autem patris speciem similitudinemque gerunt. Oppianus ex panthera & lupo Thoës generari dixit, nec sui generis animal.

Sæpe numero autè rursum lupi etiam cum pantheris cruentis

Ad cubile accesserunt, unde durissimi tergoris genera

Thoës: simul ferunt duplicem mistum colorem,

Matrem quidem pelle, capite autem rursum patrem.

Ex lupo & hyæna etiam nascitur thoës.

Altera est quoque mixtura ex lupo & hyæna ab Hefychio, & Varino descripta. Græce θοῆς dicta. Scholium in Homerum similem hyænx dicit, hanc alii chaos dicunt. Plinius.

nus. Pompeii magni primum ludi ostendere chaum, quem Galli raphium vocant, effigie lupi, pardorum maculis. Sed admirabile traditur à Græcis adulterium

Ex sue & camelo bactrianam camelum nasci.

Didymus enim in Geoponicis græcis bactrianam camelum in iis montibus, qui ad Indiam pertinent, concipere ex apris simul pascentibus profiteretur : natus autem ex sue, sive apro, & camelo formina gignitur camelus, geminatum tuber habens. Verum quemadmodum ex equis & asinis plurimas notas patris fert mulus, sic camelus oritur ex femine suis, tanquam indicium virtutis, robur, pilorumque densitudinem contrahit, nec in luto tam facile, ut camelus labitur, sed erigitur statim suis viribus ponderisque fert duplum, quod cæteri. Vocant autem ipsos & merito Bactrianos, quod primo fuerint in Bactris nati.

CAPUT XII.

Varia hominis cum feris mistura.

PUDET profecto, pudet referre hominem animalium omnium principem etiam cum feris se commiscuisse, ut femiferi partus passim viderentur, ut ii plusquam ferini, & beluini dici possint. Nos ad horum impiorum hominum memoriam exprobandam, pessundandamque, aliqua comminiscemur exempla. Negat Plutarchus beluas cum alieno genere amorem contrahere, hominem vero nefariis voluptatibus furere, ut quosdam non pudeat cum equabus, capris, & aliis flagitiosissime congregari. Est enim homo inter animalia luxuriosissimus, omni temporis momento ad concumbendum paratus, ut in tempore uteri gestationis cum multis animalibus communicet, quæ omnia ad monstrificos, & semiferos partus producendos conferunt : & si detestanda scribemus, profunt tandem, quod Naturæ secreta perscrutantibus ad alia non parum afferant momenti. Narrat Plutarchus in cōvivio sapientum in domo Periandri allatum à pastore

Ex equa, & homine infantem natum,

Cujus caput, collum, & manus hominis essent, cætera equi,

equi, ejulatus infantium. Hoc inspecto Thales Periandro dixit, sibi quidem non videri rem prodigiosam, & ceu portentum à Diis immissum, quo seditiones & dissidia significarentur, ut Diocles judicabat: sed rem esse naturalem, ideoque consulere se, vel equisones non habeant, vel uxores eis tradant. Idem tradit in parallelis ex Agelilao tertio rerum Italicarum Fulvium Stellam muliebri odio equæ se commiscuisse, quæ deinde puellam peperit admodum formosam, & tempestive quidem Eponam appellaram. Idemque Plutarchus tradit

ex homine & asina puellam genitam.

Ariston enim Aristonymus Ephesius Demonstrati filius muliebri genus perosus, cuidam se immiscuit asinæ, quæ suo deinde tempore puellam specie honestissimam peperit: cui Onosceli nomen fuit, idque ex Aristotele recepiſſe tradit secundo mirabilium. Sed hoc videtur Galeno impossibile, & Naturæ, quum mistio sit animalium tantum differentium: neque enim si coitus homini cum equa fiat, recipiet matrix sperma, quum longiori pudendo opus fuerit, & si quando superet, corrumpet utique, vel mox, vel non multo post. Et si in conceptu misceretur, & persiceretur hoc animal, quibus nutrimentis nutriretur jam natum? Sed mihi non impossibile videtur, etsi difficile, quum non æque omnes homines eadem complexione constant, sed possibile reperiri homines equinæ complexionis similes aliquantulum, & sunt etiam qui longiori pudendo fruuntur, & sunt inter equas, quæ breve matricis collum habeant: & fortasse aliqua cœlesti influentia semina animata concipiant, & partum ad debitum tempus producant. Hæc quia rarissime congruunt, rarissime ejusmodi partus videntur. Aliam narrat Ælianus historiam

Ex homine & capra semiserum partum

Natum esse. In Sybari adolescens quidam Crachis nomine caprarius, qui quum caprini amoris libidine flagraret, ut omnium formosissima venereo complexu jungeretur, eamque ipsam in amasæ loco haberet, dona-

que ei daret, hederam nimirum, & juncum edendum ei obiciebat, os illi reddens ad osculationem suaveolentius: substernebatque ei herbas molles, & teneras, ut mollius dormiret; quod ut hircus dux gregis prospexit, somno capto, facto impetu, cerebrum diminuit: suo tempore capra infantem dedit, caprina habentem crura, & faciem humanam. Scribit idem

Mulieres cum hircis & cynocephalis coire,

Et venereq; complexu fruit, quod adeo libidinosi sunt, ut libidinis furore in virgines insaniant, & vim inferant. Herodorus libr. secundo scribit, hircum cum muliere coivisse propalam, ut in hominum ostentationem venerit, Strabo. In mediterranea supra Sebenicum & Pharnicum ostium est Xoïs insula, & civitas in Sebenitica præfectura, & Hermopolis & Mendes, ubi Pan colitur, & hircus animal, & (ut Pindarus ait) hoc in loco hirci cum mulieribus coeunt.

Vtimumque Nili cornu caprarum pascuntur greges,

Et lasciivi mulieribus admiscuntur hirci.

Ælianus item Indos simias rufas in urbes non adducere, quod Veneris libidine inflammatae in muliebrem sexum furentes sint, ac si quandoprehendunt eas, tanquam adulteros odio persequentes interficiunt. Coit etiam &

homo cum variis feris.

Ut Plinius scribit. Indorum quosdam cum feris coire, mixtosque & semiferos esse partus.

C A P U T XIII.

Ex varia avium commissione posse varias aves generari.

ANTEQUAM ad avium commisiones descendamus animadversiones quasdam commemorabimus ad earum facilitatem; ut si usu evenerit vitia aliqua emendare, ut ad nostras commoditates aptiores sint, id expeditius exequi possimus. Diximus ex Aristotele commiscibilium animalium par sit magnitudo, par uteri gestationis tempus, ovorum excubatio, coloris similitudo, & inter cætera luxuriæ præservidæ, ut cum alienigenis facile

facile coeant. Si aucupi pugnaces accipitres, gallos, vel alias aves producere cordi fuerit, oportet mares pugnaces, fortes, & robustos habere, ut tales filios producant. Nec minus robustas & generosas matres requirat: nam si pater, aut mater sola sit generosa; filius patris ignaviam & desidiam potius, quam matris generositatem retinebit. Ubi parentes optimos elegeris, priusquam simul commisceas, effice, ut domesticis ædibus se associant, & primo familiaritatem aliquam ineant, quod optime cohabitatione, & cibo efficies. Fiat igitur domuncula decem plus minus pedibus lata, longaque, in ea fenestellæ omnes ad meridiem spectent, ut de summo tecto copiose satis lumen administretur. In medio crates vimineæ cellulam dividant. Intervallum cratium tantum sit apertum, quantum satis sit avis capiti, colloque transmittendo, & in uno cubiculi latere sola avis regnet, quam cicurem reddere volumus, alterum vero latus habeat illas, cum quibus hospitem conjungere, & commiscere quarimus. Veris igitur initio (quo tempore omnia animalia luxuriæ stimulo vexantur) habeas aves secunditatis cognitæ, sintque plumis similes ei, quem cicurare studes. Has aliquot diebus communi pabulo ales, verum ita objecto cibo, ut hospes in cicurum convivio, trajecto per craticulam collo lurcet: hac enim ratione cum sociis consuescere condiscit, dein molestus esse desinit, quam veluti carcere ab inferenda injuria prohibeat: ut, alioquin ita ferocit captus, ut nemini, si potest, parcat, quin ore dilaceret. At ubi jam aliquot dies sociarum consuetudine mitior factus erit mas, quam cognoverimus illi inter reliquas magis familiarem, intromittatur, pabulumque copiosius suggeratur. Et quia plerumque primam spernit, vel jugulat, ne custos spe omni frustreretur, alias in subsidium alar. Ubi cognoverit ab illo avem jam plenam factam, divortium statim procurabit, admittaturque nova pellex, quam cupis uxoris more ab eo tractari: dein uxores ad ovorum incubationem cibabis, vel incubantibus aliis supponas. Sic fœtus eveniet, qui à mare nil fere distet, Ubi ova post animationem exclusa sunt, ab aliis seorsum educantur. Porro fœminæ ex hoc semine

procreatæ, quum ad patrem admittuntur, primo, aut secundo partu, genus ad unguem propagabis.

C A P V T XIV.

Varia gallinarum cum aliis avibus permissiones.

A GALLINIS incipiemus, quarum cura solemnis est, quum & domesticæ aves sint, & præ oculis semper habeamus, nec spernendi commodi, & lucri, si in varias formas procreabimus, educabimusque. Luxuriosissimi galli sunt, & non modo quum vident foeminas semen emittunt, sed etiam cum earum vocem audiunt, ideo ut abolendæ luxuriæ causa, sæpe numero castrentur; coeunt, & pariunt omni fere tempore. Generosarum magna fecunditas, quando ova vel sexaginta edant ante incubitum, nonnullæ etiam è cohortalibus bis in die pariant, & nonnullæ in tantam copiam pariant, ut effoetæ moriantur. Dicemus primo

Gallina & perdicis commistio ut fiat.

Perdices libidinis copia gaudent, & in Venerem ruunt, & cum diversis salacioris generis commiscuntur, coeuntque inter se, & sobolem suscipiunt, ut in gallinis, unde ex gallina & perdice: & primi foetus communi generis utrisque specie generantur, sed tempore procedente, diversi ex diversis provenientes, demum forma foeminæ instituti evadunt, ex Aristotele. Et galli agrestes libidinosiores sunt domesticis, & à cubili statim coeunt, sed foeminæ magis procedente die, Athenæus ex Aliano, & Theophrasto, proinde eis uti poterimus commodius in commistione cum perdicibus. Eodem modo evenit

Gallinæ & phasiani concubitus.

Nam phasiani ova non aliter quam gallinæ ad vigesimum primum diem excludunt, ex Florentino. Et si cæteras aves salacitate non æquat, libidinis tamen tempore cum foeminis libenter versatur, & cicuratur, præcipue si parva sint: nam facilius cicuratur, & cum gallinis admitti potest: nam recenter captus ita ferocit, ut non solum gallinæ,

gallinæ, sed ne pavoni quidem parcât, quin mox ore dilaceret. Non desunt qui educatione; & seminio phasianorum quæsitum faciant. Et si multi sint, qui ad commodum & ad delicias idem efficiant, ut Ferrariæ in Principis aula vidimus, ubi maxima eorum quantitas alebatur, & gallinarum. Quod antiquitus non erat incognitum: si quidem Ptolemæus apud Athenæum ait. Phasiâni non modo è Media accersebantur, sed villaticæ quoque gallinæ; ovis è phasiâno mare conceptis, copiam illorum præbebant. Primo phasianum marem, qua diximus diligentia cum gallinis cicurare curabis; dein gallinas villaticas quæras variarum plumarum, ut phasianum sceminam mentiri possis, & cum eo inducas, ut veris tempore cum gallinis coëat. & ova habebis nigris punctis undique maculata, & longe majora, speciosioraque. Vbi ova exclusa sunt, educantur polenta, ex illius triangularis frumenti genere, quod vulgo *sagotriticum* vocant, & apii foliis minutatim incisis, his enim maxime delectatur, & ad incrementa proficiunt. Fit etiam

ex gallina, & columbo commistus pullus.

Sit columba juvenis, tunc enim temporis fervet in eo ardor cœdendi, & seminis superfluitas, senex enim coire non potest: omni enim tempore coeunt columbæ, & fœrant ætate, & hyeme. Erant nobis domi columbus cœlebs, & gallina vidua. columbus satis amplo corpore & salax, gallina parva, sive nana: una versabantur, unde tempore veris columbus gallinam supervenit, quæ suo tempore ova dedit, & ab ea incubata, exclusa sunt, pullosque ex utroque mistos nobis dedit, ab utroque progenitore retinens effigiem. Magnitudo corporis, capitis forma, & rostri erat columbi, pedes gallinæ. pluma quam albissima, & crispa, pedes pennis operiti, atque ut columbus pipiebat; qui maximi nobis fuit oblectamenti, & jucunditatis, quique non alibi, quam cubili, aut mulierum sinu quiescebat. Sed videtur

gallopavus ex gallo & pavone compositus.

Gallopavum dico, sive indicam gallinam, qui videtur ex

gallo, & pavone compositus, etsi potius pavonis, quam gallinacei constet forma. Habet pavonis magnitudinem & corpus gallinacei cristam, & submentum, habet cum pavonibus communem vocem, caudæ explicationem, colorumque varietatem: carnis sapor ex utroque compositus, ob id non dissimilis admodum mistio utriusque generis. Sed quum simul domi cicuratae essent, gallopavus foemina, & pavo masculus, nata sunt ova foecunda, ex quibus pulli omnium pulcherrimi exclusi sunt, penas habentes nitidissimo colore fulgentes, qui cum pavonibus denuo se commiscentes, totus fere pavoninus fuit partus. Idem de aliis poteris excogitare.

CAPUT. XV.

Quomodo variarum proprietatum accipitres generabis.

ACCIPITRUM aliquas adducemus misiones, quarum exemplo in aliis avibus ex te ipso poteris imaginari: aliqua vitia in eis emendabimus, novosque habitus inducemus ex variis progenitoribus, Primo quomodo generetur avis

Theocronus ex accipitre, & aquila,

Accipitres ad libidinem sunt inflammatissimi, & etiam specie diversi inter se coire putantur, ex Aristotele: coeunt cum aquilis, & spurias aquilas gignunt. Aquilæ & luxuriosissimæ sunt: & si aliorum animalium non semper maribus obediunt foeminae ad coitum, aquilæ coitum nunquam recusant: nam & ter decies quamvis initæ sint, si mares præterea eas appetant, etiam parent. Notos accipitres vocat Aelianus in genere aquilarum. Θεοκρόνος, avis nota nominatur ab Oppiano in Ixeuticis, ex accipitre patre, & matre aquila progenita. Genus est accipitris in libidinem profusum, ut verno tempore omni robore amisso, minimarum etiam avicularum morsibus obnoxium, ita ætate adulta, viribus recuperatis de aviculis se ulciscitur, & quascunque asscutus fuerit, devorat. Si aquilæ foeminae vocem audierit, advolat, & cum illa miscetur, sed ipsa ova, quæ ignobilitate ante conceperat, ne incubare quidem dignatur, & ut mares aquilas lateat, procul ab eis avolat, nam illi, quum adulterio cor-

corruptam senserint, omnino ulciscuntur, & abigunt. Has nunc *marinas aquilas* vocat vulgus. est quoque

accipitris cum falcone, asture, & niso commistio.

Nec solum falcones inter se permiscuntur, sed cum falconibus, asturibus, nisis, & aquilarum generibus, & cum aliis rapacium avium speciebus diversis coitu se permiscunt, unde variz accipitrum species peroriuntur. Præterea cum falconibus peregrinis, eo quod peregrini à parentibus statim expelluntur, & frequenter separantur, propter prædam & iram, & quum suæ speciei conjuges non invenerint, ad speciem alteram, quod sibi simillimam invenerint, libidinis tempore se convertunt: unde qui ex nobilibus parentibus orti sunt, facilius arte juvantur, quam qui ex ignobilibus. Nec dispari modo

ex variis aquilis haliaëti, ossifragi, & vultures nascuntur.

Plinius de haliaëto loquens ait: Haliaëti suum genus non habent, sed è diverso aquilarum coitu nascuntur, id quidem quod ex iis natum est, in ossifragis genus habet, à quibus vultures progenerantur minores, & ex eo magni, qui omnino non generant. quod ex Aristotele excipit libro de Mirabilibus. Qppianus spurium esse dicit factum terrestrium aquilarum, ideoque à parentis nidis expelli, deinde per quasdam alias alites educatum, neglecta terra, maritimum cibum amplecti.

CAPUT XVI.

De piscium commistione.

SI diversa piscium genera inter se commisceantur, difficile homini innotescere posset, quum pisces sub aquis vivant: nec eorum actiones possunt observari, & præcipue, quæ contra Naturæ normam eveniunt. Sed si quæ supra diximus, consideraveris, facile fies compos, scilicet quasi luxuriosissimi sint, tempus gestationis æquum habeant, magnitudinem & reliqua. Præterea dicit Aristoteles libro animalium: Diverforum piscium semina non commiscuntur, pisciumque genera diversa coire à nemine visum est, exceptis

Squatina & raia, quæ rhinobaton gignunt.

Ab utroque enim nomen *ῥινόβατον*. A quo Plinius. Piscium diversa genera non cocunt præter squatinam & rajam, ex quibus nascitur priore parte rajæ similis, & nomen ex utroque compositum apud Græcos trahit. Præter hæc nihil usquam alibi de rhinobato legitur, aut acceptum habetur. Theodorus Gaza rhinobaton squatinorajam vertit, & si aliquibus id negetur reperiri, nobis visus est diligentia Simonis Portii Philosophi Neapolitani doctissimi, qui adhuc adservatur depictus, ac Neapolitano fæto reperitur.

CAPUT XVII.

Quomodo novi, & prodigiosi partus producantur.

PRODIGIOSI partus, aut monstra, aut abortus producantur ex animalibus, ex superioribus modis, seminum mixtionibus; aut imaginatione, vel aliis causis. De imaginatione posterius loquæmur. Nunc rationes audiamus nostrorum majorum, ex quibus prodigiosi, & monstrosi partus producantur: ut his consideratis, ex se modos prodigiosos fœtus in lucem producendi ingeniosus excogitare possit. Democritus, ut Aristoteles inquit, ex plurium commixtione seminum, quum hoc ante, illud postea jactatum uteri partes subingreditur, simul confunduntur, dissidentque membris, ut biceps homo, & multimembra gignantur animalia. Ob id aves, quæ frequentioris sunt coitus, frequentius ejusmodi partus proferunt. Empedocles autem responsa omnia præoccupando verum concepisse visus est. Ipse enim ob seminis redundantiam, aut defectum, aut ob principium motus, aut in plura distributionem; aut si aberrarit, monstrosa ait animalia gigni. Straton autem ab adjectione, ablatione, transpositione, aut sufflatione evenire tradit. At Medici quidam id vulvæ ascripserunt, quæ sæpe statu imbuta, subvertatur. Aristoteles: multiparis animalibus, atque etiam magis multifidis sæpius accidit monstra parere: nam quum alioquin fere imperfectos adant, facilius ad monstrificam partituri.

tionem delabuntur , & in iis potissimum etiam , quæ metachœra appellantur , consistunt , quæ aliquatenus monstrifica labe affecta sunt : nam deesse , aut superesse quicquam monstruosum , & præter naturam est. In Problematum vero libro : Parvæ quadrupedes monstra pariunt , homo autem , grandesque animantes omnes minus , ut equi , & asini. Quia parvæ , ut canes , fues , capræ & omnes longe sunt fecundiores , quam grandes , illarum enim aliæ omnino singulos pariunt , aliæ magna parte plures. Monstra autem tunc confici solent , cum multa semina inter se cohzrescunt confundunturque , vel quum prodeunt ex mare , vel quum se in foemina permiscunt. Unde aves etiam monstra edere possunt : ova namque pariunt vitello geminato , monstra autem ex geminatis illis consistunt , quorum vitelli nulla interjecta membrana distinguuntur. Natura sagax in animalium efformatione , membra primum effingit , quæ in corpore principatum obtinent , postea ex impendente materie , nunc parcius , nunc profusius operatur , & se sibi suggerit , sic defectu coërcita , vel redundantia superata , ab incepto impeditur opere , unde partus producit monstrifica labe affectos , ut in arte sæpius perspicitur , nunc mutilata , ut claudos , monoculos , nunc superflua . ut hermaphroditos , quaternis oculis , totidem brachiis , totidemque pedibus , sic quæ fortuito , vel arte ordinantur , adjuvat ipsa , & inchoatis dat finem. Tu autem qui cupidus arte quadam monstra in lucem prodire desideras , ut ex exemplis condiscas , multa horum tradamus principia , cogitato , & incipito , quæ consequi possibile fuerint : subscribet enim Natura votis , opereque delectaberis , eaque evenient , quæ nunquam putaveras , ansamque præbent conficiendi , quæ potius admirandi , quam profani sunt operis. Generantur autem

Monstra in homine

Vel per inordinatos coitus , ut dilabatur semen in non debita loca , vel si quo hæserit in utero foetus , præ loci angustia , vel si pelliculæ aliæ mediastinæ , quæ in mulierum adsunt utero , corrupte fuerint , quemadmodum in
ramos

ramos arborum coherentia nimium mala uniuntur. Scribit Plinius C. Lelio, & L. Domitio Coss. bicipitem puellam natam, quadrimanum, & duplici natura; & paulo ante, natum partum ex ancilla quadrupedem, & quadrimanum, quatuor oculos habentem, & totidem aures, geminamque naturam. Philostratus in vita Apollonii in Sicilia natum esse bicipitem puerum dicit. Neapoli vidi vivum puerum, ex cuius pectore alius puer foras exibat integer, retento solum in pectore prioris capite, coherabantq; simul in ventre, multos præterea vidi quadrimanos, & quadrupedes, sed digitos in manibus, pedibusve, variisque formis, quod longum esset recensere. Eodẽ modo

Monstra in beluis

eveniunt. Diximus monstra in multifidis, & multiparis gigni sæpius. Quadricornem cervum Nicocreon Cyprius habuit, Ælianus bovem quinque pedibus præditum vidit, pedem is in armis, appensum habebat, cum ad ingrediendum adjuvantem, tum absolute factum. Livius narrat Sinuessæ Aruncæ natum agnum bicipitem, & Apolis alterum quinque pedibus præditum, & catum tribus pedibus. Rhases tricipitem canem vidisse. Sunt & alia quæ piget referre. Sed faciliiori modo

Monstra in avibus

produci videntur, tum quia salaciores sunt, tum quia ova simul multa in utero gerunt, ut facilius ova coherere simul possint, & aves natura fecundæ duobus boletis prædita ova producere solent. Ob id Columella, & Leontius Græcus jubent domunculas & nidos purgare, immo etiam ipsas gallinas sulphure, bitumine, & tedis, & ferri laminam aliquam, aut clavorum capitæ, & lauri ramulos nidis imponunt. Hæc enim adversus prodigiosos, & monstrosos partus auxiliaria pharmaca esse putantur. Et Columella. Plurimi etiam infra cubilium stramenta graminis aliquid, & ramulos lauri, nec minus allii capita cum clavis ferreis subjiiciunt, quæ cuncta remedia creduntur esse adversus tōnitrua quibus vitiantur ova, pulque semiformes interimuntur ante, quam toti partibus suis

fuis confumentur. *Ælianus* ex *Apione* refert, *Oenco* in Meridie regnante, bicipitem gruem apparuisse, atque sub alio Rege quadricipitem avem visam fuisse. Docemus

*Pullus gallinaceus quaternis alis ut enascatur ,
quaternisque pedibus.*

Quod ex *Aristotele* habemus. In ovis geminos vitellos pariunt sæpius sæcundæ gallinæ: cohærent enim conceptus, quoniam in propinquo alter alteri est, quomodo interdum fructus arborum complures; quod si vitelli distinguuntur membrana, gemini pulli discreti sine ulla supervacua parte generantur: sed si vitelli continuantur, nec ulla interjecta membrana determinantur, pulli ex iis monstrosi generantur. Ova perfecta ex sæcundioribus gallinis quærito, quæ etiam ex magnitudine cognosces, patentque inruentibus Soli exponendo, exuberante jam materia producta, vel ex plurium seminum commistu, sic debito tempore incubationis, pedibus, alisque quaternis excluduntur: curabis ut diligenter educantur. Aliquando & trilecitha reperiuntur ova, etsi frequentius dilecitha, quæ si haberentur, & senis alis, senisque pedibus pulli nascerentur, & mirabilius esset. *Anas* quadrupes visa est parva, lato rostro, tenui, & priore parte nigra, extrema flava, capite nigro, oculis cinereis, nigro circulo collum ambiente, nigris alis, tergo, & cauda pedibus flavis, & inter se non procul distantibus, quæ *Torgæ* asservatur: Non dubito quin eodem modo, quo gallinæ, genita fuerit. Sic etiam scribunt columbam tetrapodem visam. Ejusmodi monstra in pullis animi gratia sæpius domi exclusimus. Sic etiam eveniunt

Serpentes pluribus capitibus, caudisque.

Scribit *Aristoteles* serpentes pluribus capitibus præditos nasci posse eodem modo. *Hydræ* *Lærneæ*, *Herculis* certamen, decantant *Poëtz*, & veteres fabularum opifices, quam non nisi ex his monstris ortam esse nemo est qui dubitet hanc fictionem. Visa est *Neapoli*, dum hæc scriberem, biceps vipera, & viva, quæ utrunque caput movebat & trifulcas linguas. Vidi multas lacertas binas, ternasve

ternaſve caudes habentes , quas vulgus infulſiſſimè ludo
favorabiles dicit , nec alio modo natas poſſibile eſt eſſe,
niſi ex dilecithis ovis.

CAPUT XVIII.

Monſtroſi partus quomodo aliter gigni poſſint.

P O S S U M U S jam editos partus ad libitum monſtroſos effingere, & alio quam ſupra diximus modo, nam uti fructus in crescentes ad vaſis formam producimus, ut cotone ad humani capitis ſimilitudinem, cucumeres in anguis formam, typos ipſis adoleſcentibus accomodando, ſic & in ſœtibus animalium evenire poteſt: Modumque præciſe oſtendit Hippocrates libro de aëre, aquis, & locis, & quomodo id faciant, qui l'haſim accollunt, capita omnes juſto longiora habentes, quum nulla alia gens ſit, quæ ſimilia capita habeat. A principio quidem conſuetudo fuit in cauſa, ut ejuſmodi capita haberent: nunc autem Natura ipſa cum conſuetudine conſpiravit, ſiquidem generoſiſſimum apud eos putatur caput habere quam maxime longum: conſuetudinis autem hoc initium fuit. Quum recens natus eſt infans caput ejus adhuc tenerum, ac molle exiſtens, quam celerime conſtringunt manibus, coaptantesque cogunt in longitudinem augeri, quin & vinculis connectunt, ac aptis instrumentis colligant, quo rotunditas capitis prohibeatur, ac longitudo augeatur: ea conſuetudo tantum effecit, ut ejuſmodi natura capitum exiſteret. Temporis vero progreſſu Natura quoque tale produxit, ut non eſſet neceſſe conſuetudine priore cogere. Quum enim ſemen genitale ab omnibus corporis partibus procedat, à ſanis quidem ſanum, à morbidis morboſum, fiatque ut ex calvis calvi gignantur, & ex cæſiis cæſii, & ut plurimum diſtortus diſtortum generet, eademque ratio ſi circa reliquas formas, quid prohiberet, ut non ex macrocephalis macrocephali gignerentur: nunc autem non naſcuntur ita magnis capitibus, quum conſuetudo non amplius daret, per hominum incuriam intercepta. Sic ſi volumus nos canem bipedem generare, ut circumferri videmus. Quum adhuc teneri ſint, obtruncandi pedes, ac di-

ac diligenter medendi, ut sanentur, eos pedibus truncos coire curabimus cum aliis canibus bipedibus, & si qui nascentur, non bipedes fuerint, & nos illos pedibus privabimus, tantisper id faciendo, quousque ex se Natura bipedes producat, canes. Sic & simos nasos, & acutos obstetrices infantibus emendant, dum teneri sunt, eos sæpius accommodando.

CAPUT XIX.

*De vi mira imaginationis, & quomodo variis
factus gigni possint.*

PLUTARCHUS in Philosophorum placitis ait Empedoclem visu sub conceptum infantem formari, etenim mulieres, simulacra sæpiusculæ, statuasque in deliciis habuisse, similesque iis partus enixas. Hippocrates mulieris famam honestando, quæ filios à genitoribus satis dissimiles genuerat, rationem exegit è pictura, quæ suo cubiculo inerat. Quintilianus eadem ratione mulierem defendit, quæ alba æthiopem pepererat, ab omnibus mancipii filium putatum. Narrat Damascenus puellam hirsutum puerum generasse, & ejusmodi rationem inquirens, imaginem Divi Joannis; in ejus cubiculi prospectu hirsutam repperit. Heliodorus suæ pulcherrimæ historię initium capit, quod Æthiopię Regis conjux Chariclęam albam genuisset, quum in ejus domicilio, ubi cum Rege concumbebat, Andromedę fabula depicta esset. Alias legimus cornutos filios peperisse, quod Actęonis fabulam in congressibus veneris contemplassent. Videntur passim puerorum labra bifida, quod matres dum uterum gestarent, leporem aspexerint. Magnus est animi affectus, vel vis imaginationis: maximus vero dum sui in excessum fertur, ut id assequi imaginatione minime queat. Gerentes uterum mulieres, quando vehementissime cupiunt, vehementerque excogitant, spiritus mutant interiores, & in his excogitatę rei pinguntur imagines, ii sanguinem movent, unde in mollissima fœtus materia rei imaginem exprimunt. sic partus in perpetuum maculis, variisque notis inficiunt, nisi desiderio refricato quiescant. Ideo rerum

rerum exploratores non impune exquisivere, ita signari, uti cogitat anima, & maxime in præcipuis actionibus, ut in maris congressu, spermatis ejectione, & aliis; ideo homini quum insit cogitationum velocitas, animique celeritas, & ingenii varietas, multiformes imprimit notas, plures iccirco in homine, quam in cæteris animalibus differentiz: aliis enim quum immobiles sint animi, singulis in suo genere similia procreandi datur facultas. Hanc animi vim, & cogitationis recte novit Iacob, uti sacræ testantur literæ. Nam

pecudes discolores generare

quærens, id effecit, quod imitari omnes jubeo, qui idem facere concupiscunt. Ipse virgulta, ac pertricas populneas, amygdalinas, quæve facile corticibus spoliari possent, edolatas, corticibus interceptas, circulis redimitas, & sinuatas, uti colubros albo, nigrove interstinctas colore, in canalibus juxta aquas, in pascuis, & præsepibus fixit: ubi grex ovilli pecoris stabulabantur, ut coitum ineundo, & oculos circumlustrando, nil nisi virgas aspicerent, ut quos darent foetus, diverse colorati, & passim candida vellera pullis infuscarentur maculis, non injucundum visu. Hos in lucem æditos, separatis omnibus, qui maculosi non essent, in conspectum ovium matricum sub conceptum agebat, unde illæ similiter, quos ante se conspexissent, maculosos ædebant foetus. Idem de lanigeris omnibus animalibus. Sed si universum pecus, vel

equi si vis varii nascantur.

Prævalet hoc in equis, idque plurimum observant, qui ejusmodi curam habent, & ad coitum equas admittunt, ut equilia, ubi coitum explent, tapetis, & variis pannis depictis coloribus exornent unde discolores equos, scutulatos, spadices, diverseque coloratos efficiunt, Docet quoque Absyrtus. Equam colore aliquo contegas, qualem futuram pullationem vis referre, siquidem qualem vestitu colorem ipsi mentiuntur, in talem enata progenies degenerabit, nam conscendens equus in coitu, colorum spectaculo detinetur, quod oculis obversabitur, & ta-

& talem dabit fœturam , ut tergoris diversitas maculis evariet , totidemque visuntur colores , quot in exemplo fuere , plurimumque emaculato blandiuntur colore. Oppianus de eadem re libro primo de Venatione :

*Inque utero matris pullos variare colores
Possunt , humana quanta est solertia mentis ,
Quales exoptant speciosos corpore pullos
Efficere , tumida quando gestatur in alvo ,
Saucia dum mater violento flagrat amore ,
Et formosus eam præsto admissarius ardet ,
Magnanimum siquidem discriminat ante maritum ,
Et tergum variis pigmentis tingit equiso.
In thalamos tandem adducunt splendore superbum.
Sic formosus equus præsto connubia cernens ,
Spumat , adhinnit equus , flagratque per ossa cupido
Dum sponsa bibit ardentes invitus amores ,
In Venerem tandem mittunt , & vincula solvunt.
Tum mater gignit maculosum corpore pullum ,
Concipientis oculis objectos mille colores.*

Et pavones albi fiant.

Erant olim Coloniae pavones albi tam rari , ut tanquam rem raram admirarentur , postea vero frequentiores ibi facti sunt à mercatoribus à Norvegia : nam quum spectaculi causa nigri , vel varii pavones in regionem istam inveciti essent , omnes albi effecti sunt , quippe quum mares in ipso aëre ova incubarent , nivosa illa montium jurga perpetuo ob oculos viderent , ex ovibus jam animatis albos pullos excluderunt. Idem de omnibus avibus suademus faciendum. Nam aviaria , vel caveas , quibus concluduntur , eorumque cubilia tectorio inalbantur opere , vel albis linteis , & velaminibus protegantur , vel exiguis cancellis præpediantur , quo minus iis locis fugiant , quum enim coitum ineunt , excubant , ovaque fovant , sic albicantem dabunt sobolem. Si vis

Columbae depictæ nascantur:

Modo uteris , qui ab Oppiano docetur. Tempore quo uxores oscula maritis miscant , & Veneris desiderio moventur , columbarius pulcherrimas varias , præsertim purpur-

purpureas vestes in conspectum earum exponat, quibus illæ delectatæ, pullos etiam ejusdem coloris addunt.

Hæc eadem peragit, novit quoque callidus auceps,

Cui volucres cura sunt, & letalis arundo,

Atque columbarum pullos hæc arte figurant.

Stragula flammæolis oculis, rubrosque tapetes,

Et vestes ostro persusas objicit auceps,

Sicque oculos pascens animos eludit amantes,

Et pullos edit rubeo discrimine misto.

Canes villosi ut nascantur.

Cupientes mulieres, loca ubi jacent, cocunt, & versantur canes illi, è pecudum velleribus, & pellibus cubilia sternant, ita præ oculis semper habendo, filios jubatos, uti leones ferunt. Id casu accidisse audivimus, quod jacens quotidie catella in mollibus arietis velleribus, filios, qui postea concepti sunt, jubatos produxit.

Sues & pecora alba producere

Volentes bubulci, & subulci, cubilia, & stabula equorum capitibus solo & compluviis exalbificatis construxerunt, & exornarunt, & inde nati sues, & pecora alba fuere.

C A P U T XX.

Ut mulieres pulchros pariant filios.

EX his quæ diximus facile quisque poterit hæc eadem in humanum genus traducendo, pulchros filios producere. Immo hæc quæ dicimus casu evenisse tradunt scriptores, unde memoriæ mandandum judico, & quod maxime salutare remur esse: ut in magnatum cubilibus, & prospectu, Cupidinis, Adonidis, & Ganimedidis imagines propendeant, vel materia parentur solida: unde Venerem exercentes, uxores animo eas versent, immo fortissima imaginatione animus rapiatur, & gravidæ diutius eas contemplantur, sic partus inde conceptus eam formam imitabitur; quam ipsæ coeuntes, & utero gerentes mente conceperint. Nec parum id profuturum scio. Quum id sæpius præcepissem, audivit quædam mulier pulchros filios parere percipiens, statimque candidum,

dum-, marmoreum puerum, beneque formatum ante oculos sibi proposuit, talis enim formæ puerum exoptabat, coeundo, & uterum gerendo, quam sæpissime animo eum volutabat, enatumque postea foetum ostendit mater obesulum, nec à marmoreo simulachro dissimilem, sed ita pallentem, ut verum imitaretur marmor, & veritatis experientia patuit. Aliquæ artificio laudatæ sunt, successusque favit. Oppianus de ea re:

*Ipsa solent etiam sæpe usurpare Lacones,
Dum uxores cernunt utero catulire tumentis,
Eximie pictas tabulas, & splendida ponunt,
Quique hominum genera effulserunt inter ephēbos,
Nireæ, Narcissum, bellantemque Hyacinthum,
Atque adolescentes facie, membrisque decoros,
Egregiosque Deos, qualis Tymbreus Apollo
Conspicua lauro redimitus, qualis & Evan,
Cingens pampineo susos diademate crines,
Dum tabulas lustrant oculis, formasque venustas,
Attonita pariunt formosos ore Lacenæ.*

CAPUT XXI.

Quomodo mares, vel fœminæ gigni possint.

EMPEDOCLES mares, aut fœminas pro caliditate, frigiditateque gigni dixit, indeque esse quod perhibent primos olim mares ad exortum, & Meridiem terra enatos, fœminas vero ad Septentrionem. Parmenides vice versa ad Septentrionem mares enatos, quippe qui spissitudinis plus habeant, contraque ad Meridiem fœminas, utpote solutiores. Hipponax prout coibile, validumque fuerit semen, fluxumve, aut languidum, mares aut fœminas gigni. Anaxagoras, Parmenides quod à dextris corporis partibus migratis, in dexteris quoque vulvæ partes manare, itemque quod à sinistris in sinistras quoque. Quod si ejusmodi delapsus vice versa evaserit, fœminas gigni. Leucippus partuum immutatione, per quam mas colem, fœmina vulvam haber. Hactenus Leucippus. Democritus promiscuas partes ab utroque contingerit, cumque peculiaris, pro alterutrius prævalentia gigni. Hipponax si quidem genitale semen prævaluerit,

valuerit, marem gigni, sin alimentum fœminam. Medici tamen omnes dixerunt, dextrum latus calidissimum, unde si mulier dextro latere emissum semen retinuerit, marem concipiet, in sinistro vero fœminam, idque in animalibus multiparis videre possibile esse: nam si prægnantem suam aperueris, in dextro latere mares, in sinistro fœminas reperiri: Ideo præcipiunt mulieribus post receptum semen in dextrum latus cubare. Unde arietis dextro teste præligato, fœminas tantum gigni, Plinius scripsit. Taurus ubi juvencam supervenit, certis signis comprehendere licet quem sexum generaverit: quoniam si parte dextra desilivit, marem seminasse manifestum est, si læva fœminam. Quamobrem Ægyptii, mulierem, quæ filiam pepererit significaturi, taurum pingunt sinistrorsum respicientem, sin filium, taurum qui se vertat dextrorsum. Cæterum si desideras ut, quod orietur sit masculus, quo tempore coeundum est, vineulo sinistrum testem excipito, sin autem fœminam dextrum similiter deligato, ex Columella, Africano, & Didymo. Sed quia in magnis gregibus opotosum est, tentemus id alio modo. Aquilonis flatu mares concipiuntur, Austro fœminæ, ex Plinio: Vis tanta est aquilonaris, ut velea, quæ non nisi fœminas pariant, immutet ad proles masculæ procreationem. Spectare ad Aquilonem oportet, quum coeunt fœminæ. Quæ mane iniri solent, marem, si sero diei admiseris, non patiuntur. Aristoteles vir callidissimus Naturæ rerum, præcipit admissuræ tempore observare siccis diebus halitus septentrionales, ut contra ventum gregem pascamus, & eum spectans admittatur pecus, ut si fœminæ generandæ sint, austrinos flatu captare, ut eadem ratione matrices ineantur. Idem Columella, & Ælianus. In Africum ventum à coitu quum se pecus circumegerit, fœminas concepturas esse scito, Ælianus, Plinius, Africanus & Didymus. Mares etiam & fœminæ generantur vi tum aquarum, tum admissariorum: nam & aquæ faciunt, ut fœminæ maresve concipiantur. Non procul a Panensium civitate fluvius est Milichus, & post illum alius, nomine Charadius; ex hoc pecora tempore veris bibentia, ut plurimum mares parere ajunt: quam

quam ob causam pastores in diversam à sumine partem
ea abigunt. Pausanias in Achaicis.

CAPUT XXII.

De variis animalium experimentis.

SUPER SUNT quædam animalium experimenta, non
injucunda, nec spernenda, quæ ne alibi quærantur,
huc afferenda duximus. & primo

Quomodo albæ maculæ equis inducantur.

In equorum cosmetica tractatur, quid faciendum sicut
bi pilos albos desideras in equis. Solent enim mangones
falsas maculas in equis inducere, scilicet fronte, crure
sinistro, vel manu dextra, ut eos fallant, qui ex horum
signorum indicatione, equi mores præfagiunt. Quod ca-
sus ostendit: nam ubi in equorum corpore pellis casu
aliquo deglubitur, nascuntur illico cani pili. Sed qui
data opera volunt ibi albos nasci, derasis pilis saueant
pellem, & renascentur alibi. At Oppianus igne id ope-
ratur.

*Illis in circos pellis discreta rotundas,
Pantheræ maculis inter nigrantibus albet,
Sic primum, teneros solers effingit equis,
Dum ferro candente pilos edoctus adurit.*

Pili concolores cicatricum areis nascantur equis,

Hoc modo id fieri docet Tiberius. Pinsiti hordei sexta-
rios quos subigito, & adjecta nitri spuma, exiguoque sale
panes formato, dein in furnum dimittit, donec in car-
bones redigantur, postremo rufos, tritosque permisto
oleo ulcerum cicatricibus oblinito, & hoc diebus vigin-
ti facito. Sed cur cicatricibus equorum inspersus hor-
dei pulvis faciat, ut pili non albi, sed cæteris unicolores
reddantur, rationem reddere conatur Aphrodisiensis,
quod vim discutiendi hordeum, purgandique obtinens,
detergit, atque absorbet excrementum pituitæ, atque
materiam omnem vitiosam, quam ulcus per membri in-
firmitatem collegerat. Nec omitram ludicrum experi-
mentum, ut

Bovēs

Boves falsam pinguedinis speciem representent.

Si in seniores boves crure inciso spiritum adigas, deinde præbeas pabulum, pingues reddes. Possumus & potu

pecorum vellera vario colore tingere.

Ælianus. Confluentem candidi coloris efficientem Cræthis fluvius emittit : nam ovillum & bubulum pecus, & omnis grex quadrupes, sicut Theophrastus ait, ex eo bibens, de nigro, rufove fit albus. Boves in Eubœa omnes fere albi nascuntur. Ad diversam portionem colorum mutationem oves faciunt, quod quidem ipsum ex vi, & natura amnium usu eis evenire, eo omni tempore, quum incuntur, solet. Itaque ex albis commutatio in nigras fit, contraque ex nigris in albas convertuntur, hæc autem tum ad Antandrum amnem accidunt, tum ad Thraciæ fluvium. Ad Trojam Scamander ex aqua sua potantes oves fulvas efficit. Possumus & corporum signis

futuros pullorum colores cognoscere.

Ad mularum maxime partus aurium referre in his & palpebrarum pilos ajunt, quamvis enim unicolor reliquo corpore, totidem tamen colores, quot ibi fuere reddere. Columella candidi, nigrive ovium efficiuntur foetus, si sub lingua arietis venæ nigræ, aut candidæ habentur: cujus enim coloris sunt venæ, ejusdem & vellus, varium enim si plures venarum colores sunt, ex Aristotele, Democrito & Didymo. Quomodo vero possumus

Pullum gallinaceum marem an fœminam futurum, ex oro cognoscere.

Docemus ex Aristotele, si ovum erit rotundum, marem excludet, sin oblongum, fœminam; ratio quod in rotundis calor simul collectus est.

Vt avis associetur tecum.

Nunc picæ cum quodam amico societatem narrabimus, qui hoc artificio picam in suam servitutem, ne dicam familiaritatem coëgerit, ut non solum ad quotidianas necessitates ad eum advolaret, sed ne diu, noctuque ab eo discederet. Artificium tale fuit. Dum adhuc in nido

in nido implumis esset, inferiorem rostri partem ad fauces usque detruncavit, ut miscella non nisi manuum auxilio cibo vesci posset. Unde ipse quotidie suis manibus cibum subministraret. Ipsa ad prandium, & cœnam supra mensam advolabat, & garrula loquacitate amicum deliniebat, ut nil indictum, inimitatumque in domo relinqueret, & non solum voces, sed humanas actiones imitabatur: adultam domi liberam relinquebat, quæ ubi libet advolabat, sed cibi hora domi semper revertebatur. Contingit amicum domum relinquere, ut longius quindecim dierum spatio itinere profisceretur. Ipsa semper comes fuit: nunc longius evolante, ac supra ramum insidente, usque donec ad eam perveniret, quæ super pileum & humeros advolabat, lætitia & gaudio exiliens: nunc retro advolans; ubi longius ipse processisset, ad eum accurrebat, noctu secum semper cubabat & adhuc usque suo fruitur consortio. Sed de universa animalium transmutatione satis dicta sunt.

LIBER TERTIUS

Agriculturæ præcepta promit, de novis producendis, commiscendisque plantis.

PROOEMIUM.

NOvos jam, & varios animalium partus recensuimus, nunc plantarum suppetunt, qui peculiaris jucunditate, & portentosa elegantia contemplantium mentes, & oculos in admirationem provocent. Hac plus afferunt emolumenti, & ex his Magis mirabilior videri poterit: nam fœneratio, quæ cum terra fit, honestior, & luculentior est cæteris, & terra nunquam vetus, vel effœta est, ubique sponte luxurians, novis seminibus recipiendis, novisque producendis inexplebilis fœcunditatis, & perennis proveniunt existit: & si Natura in cunctis admirabilis est, in plantis admirabilior vult videri. Ibi

unum erat coitus genus, hic pene infinita, nec solum omnis arbor omni arbori inferi potest, sed una poterit sola arbor omnium coitus, & adulteria sustinere. Diversorum genera animalium non facile admittebantur, nec tam facile longinqua & peregrina poterant accersiri: hic omni difficultate sublata, admittuntur furculi, & transmittuntur. si opus fuerit, usque ad extremos etiam orbis recessus. Et si aquarum affluentia in Africa diversa genera animalium conveniebant, ut semper novos afferret partus; hic in Italia, ubi aëris semper amœna temperies, & perennis cœli eblanditur indulgentia, & telluris molities, advenis, efferatisque plantis benignum præbet hospitium, omnium parens &ATRIX, ad varios, uberes, novos, prioribusque invisos fructus producendos inexhausta propemodum feracitatis esse videtur. De his præterea certius scribere, exactiusque veritatem cognoscere poterimus: nam semper præ oculis habendi, earumque effectus considerandi datur facultas. Et si majores nostri quamplurima invenerint nova, nos eorum inventis alia superaddendo, multo plura, & multo feliciora producemus. & longe eos superabimus, quotidie arte, casu, Natura, & experientia nova suggerentibus. Vnam ab initio vitem, atque sylvestrem fuisse scribit Diodorus, nunc solius Dionysii ope, à soli conditione, cœli inclinatione, cultorumque industria in tantas species digesta est, ut ejus varietates enumerare insana mentis esse, nec opera pretium duxerimus. Vnam dedit Natura pyrum, nunc tot authorum nomina nobilitavit, Decumana, Dolobelliana, & alia, à Decumio, & Dolobella. Idem de ficis existimandum Livii, & Pompejanis, à Livio, & Pompejo. Malum cydonium in quot genera mutatum est, ut à Mario Mariana, à Manlio Manliana, ab Appio, Claudio, & Cestio Appiana, Claudiana. & Cestiana, quorum varietates authorum æterna nomina reddidere. Quid de cerasis laureis Plinii tempore repertis? Quid de citrio? quod Theophrasti. & avorum Plutarchi tempore, & Plinii, ut Athenæus tradit, non mandebatur, quum acrius esset, mutatis eorum in dulces medullis à Palladio? Quid de nucipersico. & amygdalopersico fructibus majorum temporibus invisis, qui nunc tantorum sapore, & jucunditate comeduntur? quid de caryophyllis floribus, cultus mangonio foliosis, & odoratis redditis, & aliis, quorum toto hoc opere sparsim meminimus? & nostra

Neapo-

Neapolitana viridaria iis scatent, ut Hesperidum, Alcinoi, Semiramidis, ac pensiles Memphiticos hortos minime invisuros existimemus. Sed historiam examinemus paucis, & perspicuis.

CAPUT I.

Quomodo ex putrefactione nova herba possint generari.

VT ab initio consuetum ordinem asservemus, quum dixerimus nova gigni posse animalia ex putrefactione, sic etiam & sponte novas herbas oriri posse demonstrabimus. Majores nostri procul omni dubio quam plures plantas ex terrarum, & aquarum misturis exortas esse senserunt, & peculiaria loca, peculiare herbas generare. Diximus ex Diogene ex aqua se putrefaciente, & misturam quandam cum terra capeffente, plantas nasci. Theophrastus imbres quosdam putredines, mutationesque humi facere, & plantas ex eis nutriri, augeri que posse. Sole fervefaciente, atque exiccante, & terra agitata semper illius loci familiaria producere. In Creta Insula quocunque loco terram moverit quispiam, nisi feratur alia, cupressum gigni, protinusque emicare, & in semimadefactis segetibus si subnoventur, tribulum exurgere. Sic laser in Lybia exortum imbre piceo quodam, crassoque compluto, & herbaeceam naturam, quæ fuerit protinus emergere. Plinius aquas è cælo cadentes omnium rerum nascentium, herbarumque causam dixit, prorsus mirabili natura, & alia quæ in Phytognomonice recensuimus. Ipse autem pluries expertus sum, terram ex altissimis ædium fundamentis, & puteorum erutam, & vasculo Solibus expositam, varia herbarum genera procreasse, & quum pluries animi gratia, & naturalium rerum perscrutationis, multas, & differentium generum terras conquissivissem, & convassassem, sub Sole expositas levi aquæ imbre continuo irrigassem, conjecimus ex delicatioribus terris, tenuibusque herbas enatas exilibus juncis pro caulibus constare, & minutioribus laciniis delicatiores produxisse:

sic ex asperis, rigentibus, pumicosisque, exiles, lignosas, & multipliciter fissas. Eodem modo si terram accumulasset, ex opacis nemoribus effossam, udis locis, & asperginosis faxis, herbas producebat, quæ glauco lævore, succulento folio, & carnosio constabant, ut coryledones, portulacas, sedum, & telephium. Experti sumus deinde ex cæcis longinque petitis, quibus pro saburris navibus usui fuerant, varias herbas protulisse, quæ vix dignoscerentur. Tandem ex radicibus, corticibus, putridisque seminibus contusis inhumatis, ac dilutis, decoctisque irrigatis, easdem fere herbas produximus, ut ex quernis radicibus polypodium, dryopterim, & lonchitim, vel quæ easdem vultu, & indole retulissent. Quid referam quot fungorum & tuberum species produximus? ut quot putrescentium rerum mixturæ essent, tot varix species emanarent? Quæ omnia jam huc asferrem, si ad normam redigere potuissem, vel ea enata essent, quæ proposueram, sed nequicquam quæsitæ, oriebantur. Sed fortasse, Deo dante, ad curiosorum voluptatem, speculationem, & utilitatem conscribam, quum nunc oculi, & temporis tenuitate negatum sit, quum tumultuarie hæc conscribam. Sed videamus

Fungi quomodo nascantur.

Dioscorides & alii memoriæ prodiderunt, corticem albæ populi, & nigre particulatim cæsum, & sulcis stercoreatis mandatum, omni tempore anni edules fungos proferre. Et alibi; particularius iis locis gigni, ubi clavus ferreus in quo sit tubigo, aut panni marcor adfuerit: nam si juxta serpentis cavernam, arboreve noxias, noxios esse. Sed Tarentinus particularim docet. Si caudice populi nigre in terram conciso fermentum aqua resolutum infundatur, illico profiliunt agilitæ fungi. Addit, si montanum arvum, multis calamis stipulæ, & fruticibus scatens, quum cælum imbres scaturit, incendatur, permulti sponte Naturæ prorumpent fungi. Si tamen arvo, jam ignem experto, forte sortura non subsequetur imber, quamvis impenderet, aqua raso linteolo stillatim, imbris imitatione conspergenda iis accensis locis, nascentur fungi quidem,

dem, sed aliquanto deteriores, siquidem meliores in hoc genere sunt, qui aluntur imbre. Sequemur docere

Asparagi quomodo producantur.

Tradi: Didymus, si velis asparagum multum provenire, arietum sylvestrium cornua tenuissime contrusa fulcis committito, & rigato. Quidam magis præter opinionem tradit. Si integra arietum cornua, non in tenues partes rusa, & secta perforentur, & pangantur, asparagum producent. Plinius contusis cornibus, & infossis etiam asparagum nasci testatur, etsi Dioscoridi impossibile videatur. Etsi à nobis facto frequenter periculo, non evenerit, ab amicis autem audivimus ex tenero illo fato intra arietis cornu, contento, experientiaè successisse. Ab eisdem etiam relatum fuit

hederam ex cervorum cornibus nasci.

Idque apud Aristotelem agricolam reperisse, etsi mihi periculum facere non contigerit; legimus tamen apud Theophrastum in cervi cornibus hederam enatam, quum impossibile sit imaginari, eo semina delata esse: nec credibile est ex adfricato hederæ cornu adcepisse nonnihil de radice, quæ cum se in partem mollem, & putrefactioni obnoxiam intrussisset, adgerminasset. At si hæc vera sunt, ut verum esse nil obstat, ex variis animalium cornibus varias progigni posse herbas nemo ibit inficias. Sic ex putrefactis veterum arborum corticibus, & ramis

hyphear, & polypodium generari.

Varia enim nascuntur herbae, ut hyphear, & stelis, quæ in abiete, pinu, & aliis nascuntur: iis enim locis humor quidam phlegmaticus, & pituitosus putrescit, qui ex abundantia, in extimam ramorum, & caudicis superficiem se induit, ibique nactus putredinem aliquam corticis, & à Sole concalescentiam, facile in ejusmodi herbas abit.

CAPUT II.

*Quomodo mutantur plantæ, ut ex una in alteram
formam abeant.*

MIRACULA efficere nil aliud putamus, quam rem unam in alteram vertere, vel aliqua, quæ contra naturæ normam videantur, efficere: proinde præcepta trademus, id quomodo facere possimus. Possumus negligentia, vel cultus mangonio plantas à sua natura desciscant, & in aliud genus permeent, cogere, non solum ut sapore, colore, magnitudine, & forma degenerent, quod facile eveniet, si neglectis cultum adhibueris, aut culta neglexeris. Præterea unaquæque planta suos habet sationis modos, alia enim semine, aut trunco, vel radice, avulsione, vel surculo feritur: unde si quæ radicibus plantatur, semine serueris, aut quæ semine feruntur, surculo, vel trunco pangas, diversa quidem ab his, quæ usitato modo proditura erat, nascetur, authore Theophrasto. Sic etiam situm, cælum, & terram permutando, omnia pervertes, & fiet ut nata arborum figuram & faciem, & alienam arborem mentiatur: quæ omnia rusticorum libris clara sunt: quorum aliqua afferemus exempla. Si vis

vitis alba ut nigra, & nigra alba evadat,

Semen albae vitis urbanae serito, & nigra & sylvestris nascetur, & si nigrae, alba. ut docuit Theophrastus: nam certo scimus vitem semine non feri, sed radicibus, crada & surculo genuina est ejus satio: unde si diversa feceris ex eo, quod debitum est fieri, diversum quoque nascatur necesse est. Eodem modo

Ficus alba nigra evadit.

Quippe cum è grano sicario nullum penitus genus procreatur, sed caprificus tantum, aut ficus sylvestris, colore etiam sæpenumero discrepans, ex nigra candida, & ex candida nigra gignitur, ex vite quoque nobili, ignobilis, & sæpe diversa exit genere, nonnunquam nil penitus urbanum, sed plane sylvestre promit. Et

Laurus & myrtus rubra fiunt nigra,

Nec colorem quidem servare possunt, nam & ipsa quoque

que degenerant , ut in Antandro provenisse refert idem. Myrtus enim non semine, sed talea. & aliis modis feritur, & laurus avulsione , ut aliquam secum radicis partem habeat, ut diximus in Agricultura. Sic etiam

*Amygdala & punica dulcia in amaras, &
acida mutantur.*

Ex acinis enim mali punici glaucis vilia exeunt, & ex enucleatis dura , & plerunque acida. Amygdala quoque degenerat , tum sapore , tum quod dura ex molli reddatur , ideo adultam inferere, aut plantam sæpius transferre præcipiunt. Quercus quoque deterior exit: itaque quum plerique ea , quæ in Epyro nascitur , seruissent , nullo pacto provenire similis potuit. Nascitur quoque ex nucleo oleæ sylvestris olea , plerunque quoque cupressum ex fœmina marem provenire affirmant : & tandem nil penitus urbanum , sed plane sylvestre provenit , & adeo quandoque ut fructum perficere minime queat. Ait Varro quod

*Brassica mutatur in rapum , & rapum in
brassicam.*

Tantum vetus semen valet in quibusdam , ut naturam commutet : nam ex semine brassicæ vetere sato , nasci ait rapam, & contra ex rapis brassicam. Paratu & opera

*Typha & Zea vertuntur in triticum, &
è contra ,*

Idque eveniet si pista serantur , idque non protinus , sed anno tertio , ex Theophrasto. Plinius scribit , post duos annos siligo mutatur in triticum. Sic semina omnia , negligentia, vel cœlo & solo repugnantibus, in vitia, & prævaricationes abeunt. Virgilius.

Vidi lecta diu, & multo spectata labore

Degenerare tamen : ni vis humana quæstannis

Maxima quæque manu legeret, sic omnia satis

In pejus ruere, ac retro sublapsa referri.

Galenî pater in senili ætate rei rusticæ studiosior, diligentem impendit operam , ut certior fieri posset , si frugum pestes suo pte ingenio nascerentur , an seminibus illarum

in alias speciēs degenerantibus: quare triticum, hordeumque sincerum, omnium alieno repurgatum seminio terræ mandavit, quumque permultum lolii in tritico, in hordeo pauxillum produsse cerneret, in aliis quoque frumentaceis idem fecit periculum, comperitque tandem in lente durum rotundumque aracum, securidacamque herbam degeneratione quadam innasci lenti. Nisi cultura coerceatur

Sisymbrium in mentam vertitur.

Quamobrem sapius transferri oportet, ne id eveniat, dicit Theophrastus, Fit enim quum quis non excolit, neque curam adhibet, ut radices amplius deducantur, & superna pars debilior effecta odoris vehementiam remittit relinquitur odor imbecillis, qui ad mentam accedit. Ego quum semine mentam suo sevissem, in nepetam versa est, scilicet odore, forma autem mentæ remansit. Authore Martiale

Basilicum in serpillum languescit.

Si vehementi Soli exponatur, & modo purpureos, modo candidos, modo roseos pariet flores, & non solum in serpillum, sed in sisymbrium degenerabit Sic & castæ ramulos in cinnamomum transmutari tradidit Galenus. Sic

Garyophylli, rosæ, violæ & leucoia purpurea in alba mutantur.

Ætate & neglectu: nam refert Theophrastus, violæ, leucoia, & rosæ si negligantur, tertio anno albescunt. & nos conspicue in his omnibus vidimus. Sed id non solum ubi naturarum germanitas præstat, ut una stirps in alteram se vertat, & in totum à suo genere discedat.

Quercum in vitem mutari,

Refert Albertus, si res tam vera, quā mira, sed fides penes eum sit: narrat enim sylvas quercas, vel fagineas incisas in arbores. myricas, & tremiscas dictas transisse, quæ ignobiliores sunt, & in terra Alumnia ramuli quercini si terræ panguntur, transmutari in vites, bonum vinum ferentes, & ali-

& aliquando præcisas arbores veteres in vineas degenerare, sed quod non ex manentibus quercinis surculis fiant vites, sed iis putrescentibus cum natura terræ mistis, abeant in vitis naturam.

CAPUT III.

Fructus è diversis compositus quomodo fiat.

QUEMADMODUM animalia diversa in unum coitu miscbamus, sic nunc insitione, quæ coitus in plantis est, varios in unum fructus componemus: quod aliis quoque fieri modis non abnegamus. Ad id insitionem satis laudamus, longe secus laudaturi posthac, mutuo postquam diversorum complexu, indissolubilem unum efficiamus nexum, mirandique præbeant rationem. Et si insitiones laboriosas & impossibiles aliquis existimabit: sit effectus laboris levamen, & fere impossibiles insitiones solerti emendabit cura. Nec te ab eo rudis agricolæ, & inscii artificis dimoveant dicta, quod demonstrat experientia, & animo obvolve quæ à prisca memoria prodita sint, uti sicum platano, & moro inseri, & morum castaneæ, terebintho, & albæ populo, inde alba nasci mora; castaneas nuci, & quercui, punicam variis gaudere adulteriis, & omnibus immisceri, lætari cerasum terebintho: & ne longiori oratione legentes fatigemus, tandem omne genus surculi omnibus arboribus inseri posse autumavit Columella. Hinc omnis fructuum compositio, hinc omnis eorum adoptatio, hinc insueti proveniunt fructus. Virgilius,

Mirataque novas frondes, & non sua poma.

Et Palladius,

Sub thalami specie felices jungere sylvas,

Ut soboli mistus crescat utrinque decor.

Connexumque nemus vestire affinis umbris,

Et gemina partum nobilitare coma,

Fœderibus blandis dulces confundere succos,

Et latum duplici fruge saporis ali.

Sed aliquas addemus regulas, ut facilius coalescendo insitiones, novos, & commistos fructus depromant, quæ eadem in animalibus diximus. Sit eadem corticis natura,

tura, quæque pariter florentia & surculorum germinationem habeant, ne una citius, altera serius & floreat, & adgerminet, ut tempus gerendi utero in animalibus: Et contraria res quoties humidis repugnant siccæ, & molles cortices duris. Fiat coalitus in parte nitidissima, nihilque in ea ulcerosum, cicatricosum, aut retorridum sit. Plurimumque refert si ex opportuno arborum loco petantur furculi: scilicet ab humeris arborum orientem æstivum spectantibus. Sint è feracibus, & primo cognitis & è germine novello. Sint furculi prægnantes, hoc est, germinatione turgentes, & qui parere illo anno speraverint, scilicet bimi. Inferendarum arborum ætas opportuna juvenis, vetustarum enim arborum duricia inhospitalis est advenis furculis, & similia, quæ in nostra Agricultura reperies. Non omittemus præterea viscum, quo

Insitus thermes facilius comprehendat.

Ad agglutinandas enim corticum tuniculas valde præstat, & coalitus facilius adgerminabit, si qui sint non agnatæ naturæ, qui difficilius coalescant. Prima utilitas, ut quemadmodum humanæ carnes, vulneribus passæ glutinosæ citius uniuntur, sic plantarum cortices, vel rami vulnerati, hoc glutino properantius comprehendunt: delibratus enim à ligno cortex, vel recisus à matre surculus, si plane undique matri non cohæret, labat, expirat humor, exantlaturque saliva nativa, quod ne fiat, præstat glutinum, ut fiat coitio. Præterea luxans inter corticem, & lignum rima, vacuum intercedit subiens aër prorsus, nil coire patitur, ut omnis coalitionis suspicio faceat, viscum adjungemus. Et si aliquæ fuerint arbores, quæ alienum hospitium respuant, visci beneficio, impacta cum sua gemma mamma, vi summa cohibet, coërcetque. Sed gluten, quo propinquius erit coalitu naturæ, eo felicius suo fungetur officio: si industrius eris, multa efficies: nos aliquos adscribemus, ut assimilare discas. Aquifolii cortices detrahuntur, & facta humi scrobe uliginosis locis, obruantur, & inibi putrescere patiaris, quod duodenis diebus fiet, tum marcidi eruantur, & pila tunduntur, dum lentescant. Fit quoque ex myxis in Syria, nobisque

bisque adfertur, sitque ex *lantano* vocato, & vulgari *visco*. sed præstantissimum, ex corticibus radicum ulmi contusis, nam peculiari natura glutinat, & fovet. Sed ad insitionem redeamus, quæ adeo valet, ut novum repererit adulterii genus

Ex persico, & nucipersico malum componere.

Cujus mistura, & progenies majoribus nostris invisâ, inaudita, nec prorsus excogitata. Hoc per insitionem efficies, quam emplastrationem vocant agricolæ. E nucipersico & persico ramos novellos feraces, & quo adolescenti, magnumque germinandi prælagium dabunt, auferas. ipsis duobus digitis circumsignatis modo, quo geminæ in medio collocentur, sic cortices auriscalpio à ligno leniter, ne lædantur, avelles, hos per medium fines. ut simul compactæ rite coalescant, & cicatricis locus non appareat, sed gemma una videatur, alterutro inferere, ex ea arboris parte, quæ maxime nitida, & præcipue hilaris conspicitur, reliquis amputatis, ne alimentum surripiant, ut omne insito serviat. Corticem aperi, ne ligno ferrum inferat plagam, ac circumcidito ejusdem gemmæ quantitatis, ac ita gemmam aptato, ut circumcisæ parti par sit. Circa eam vincito, ne lædas, ac luto munire plagam oportet, supra aliquid imponendo, ne pluvia dilabatur, sic germinabit, & sobolem dabit, mediam retinens ab utroque genitore naturam, quam nunquam arbores peperere. Erit enim malum persicum, & nucipersicum æmula facie representans. Hoc etiam modo

Ficum aquæ albam, ac nigram proferre

Valemus, sc. oculos circumcidendo, & medium dividendo, uniendoque, & sic compositos arbori emplastrando, jam dicto modo ficus producet. Sic &

Punica mala ex uno dulcia & altero latere acida videantur.

Si surculos, vel oculos divides uniesque, sed oculos difficilius deglubes, dividesque, quam cortex juvenis, tenuis, & imbecillis sit, ut diutius attrahi non patiatur, commodius igitur surculis efficies. Similiter

*Citromala dirersis generibus commista, limonibus,
& medica semiacida, & semidulcia*

Producentur, si quem diximus modo commiscemus: aptissime enim emplastrationem recipiunt, & in Neapolitanis viridariis passim obvia conspiciuntur. Commisceatur quoque

Persicus ex sanguineo, & albo.

Si duo hæc genera simul coire patiemur, & hic venalia etiam habemus. In

*Vra acinus seminiger, & variis coloribus
commistus*

Videtur hoc artificio, si id, quod in gemmis diximus, in furculis fiat, scilicet per medium si dividatur, ligenturque quam optime, ut una coalescant, & sic sæcundæ viti inserantur. Idemque quod de fructibus diximus, possumus & in floribus experiri: veluti si velimus

Rosas aque albas, & rubras producere,

Si albæ & rubræ rosæ furculos excipies, & oculos circum signabis, eosque per medium fines, & coaptatos cortici indes, ac rite diligens fueris, coalitum germen suo tempore rosas dabit, quæ ex altera parte rubeant, ex alteri candicent. At si in garyophyllis floribus id experiri volueris, &

Garyophyllos semirubros producere;

Quum oculis careant, in radicum sobole, adnascentibusque perficies, si duas per medium divideris, & apte coaptabis, ut coalescat, & ligabis optime, etiam garyophyllos ita compositos habebis, quorum species apud nos omnes usitatissimæ, nec solum flores dimidiatos proferunt, sed eodem ramo, & furculo, & rubros & albos, vermiculatos, & diverse coloratos, proferunt.

C A P.

CAPUT IV.

Quomodo & aliter fructus simul componi possint.

POSSUMUS & aliter simul componere fructus, idque altera insitionis specie. Veluti si volumus

Punica varia & composita inter se provenire,

A Theophrasto docetur. Virgas velut malleo præmollientes, ut parte contusa facilius inter se cohæreant, mox arctissime colligatas deponunt. Tunc arbor una ex coitu compositarum virgarum exurgit: sed singulæ genus suum conservant, alimentumque per se trahunt, atque excoquant: nec aliud commune inter se, quam mutuum illum complexum, coagmentationemque gerunt. Idem eodem loco

*Vt palmes idem uvam nigram simul, & candidam
ferat, & in eadem uva acina alia nigra,
alia candida cohæreant.*

Utriusque malleoli dimidiam partem superiorem contuderunt, deinde æqualiter compositos, atque colligatos desixerunt: sic enim compages unâ ex utroque coagmentatur: quippe quum omne vivum vivo sit sociabile, & maxime quæ societatem generis habent, quum colluxata in naturam conflantur unicam, sed utrumque per se alimentum sine confusione transmittit, itaque fit, ut fructus reddatur varius, prout utrique conveniat. Quod etiam fluvii faciunt, invicem congrredientes, ut Cephissius, & Melas in Bæotia: servat enim uterque suum meatum. Columella hoc modo docet. Est genus insitionis, quod uvas tales creat, in quibus varii generis, colorisque reperiuntur acini: hoc autem ratione tali efficitur. Quatuor, vel quinque, sive etiam si plures voles, virgas diversi generis sumito, easque diligenter, & æqualiter compositas colligato: deinde in tubulum fistilem, vel cornu arête inserito, ita ut aliquantum extent ab utraque parte. easque partes, quæ extrabunt resolvito, in scrobem deinde imposito, & terra stercoreata obruito, & rigato,

gato, donec gemmas agant. Quum inter se gemmæ cohererint, post biennium, aut triennium, facta jam unitate, dissolves tubulum, & circa medium fere crus, ubi maxime videbuntur coisse, vitem ferro præcidito, & plagam levato, terramque minutam aggregato, ita ut tribus digitis alte plagam operiat, ex eo codice, quum coles egerit, quos optimos submittito, reliquos dejicito, sic uvæ nascentur, quales proposuimus. Eadem Plinius à Columella. Sed Didymus hoc modo. Accipienda sunt duo diversi generis sarmenta, eaque sindenda per medium cum animadversione, ut in oculos fissura perveniat, neque quicquam de medulla excidat, atque ita alternis alteram adungere oportet, & adglutinare, ut oculi coincidant, & quantum possibile est, se mutuo contingant, ut duo oculi quasi unus fiant: inde vero valide constringere sarmenta cum papyro oportet, & scilla integere, aut glutinosissima terra, atque ita plantare, & interjectis diebus tribus, aut quinque irrigare, usque quo germen producat. Si voles

Vt fici fructus ex una parte albus sit, & altera ruber

Leontius hoc eodem modo docet. Diversa sarmenta accipito, & prius colligatos ramos ejusdem temporis, ætatis existentes in scrobe deponito, stercorato, ac irrigato. Quum vero germinaverint, rursus utrosque oculos in idem colligato, quo in unum truncum coalescant, ac post duos annos, si ita visum fuerit, transplantato, & gemini coloris ficus habebis. Ex his ergo possumus

Omnes fructus varii coloris, & diversimode componere.

Ex multis, non solum duobus fructum componemus, & verissime, quum modi, qui adhuc à majoribus descripti sint, difficiles admodum sint, & longo tempore opus est, ut veritatem experiaris, ut mihi sæpissime contigit: & simillimus est Palladii modo

Vt vitis botryones albos afferat, & nigros acinos,

Græci sic fieri posse asserunt. Si vicinæ sunt vites nigra, & alba,

alba, quum putantur sarmenta, utriusque inter se diversa sic junges, ut medios utriusque generis oculos exæquando reddere possis unitati: tunc papyro stricto ligabis, & molli, atque humida terra curabis adlinire: & interjectis ternis diebus adæquare, donec germen, novæ frondis erumpat. Hinc exemplo tempore, si libuerit, genus efficies per plura sarmenta. Nos vicinarum vitium quo sarmenta elegimus, ubi cohæsuræ sunt gemmæ, dividimus, ut tertia fere oculi pars remaneat, hærescant faciamus, atque vinculum obligamus, ne à cohæsione germinum auctu separentur, gemma altera alteri innitatur, ut unum sarmentum gignant, & eodem anno bifidos uvarum acinos producant, hoc enatum sarmentum alteri addimus, & sic continuo, ut quamplurimarum varietatum botryones efficiamus. Produximus enim uvam, quæ ex apiana, & inodora constabat, acino corniculari, digitali, & rotundo, omnesque acini variis coloribus insigniti erant. Sed eleganter Pontanus describit

Citria quomodo diversos fructus ferant.

*Sunt qui diversos ramos, sed cortice raso
Conjungant, stringantque simul, quo glutine mista
Increpant aque, ac fixo mox stipite junctos
Infigant pariter. Tum vulnus rite coronent,
Et fallax opus admota tueantur ab arte,
Quo ramo ex uno, atque uno de palmite fructus
Non uni veniant, sit bonosque, & gloria ruri
Gaudeat inselito natura adjuva favore.*

*Malum aureum, ut pomum afferat, cujus dimidia
pars dulcis, altera acris.*

Casus apud nos commisionem fecit. Erant duo rami mali aurei, quorum unus insitus dulcia ferebat mala, alter acria. Quum transplantandæ arboris daretur occasio, ac per medium secaretur, ut mos est agricolis in plantandis ejusmodi arboribus jam vetustis, incidit casu sectio in insitionis locum, quumque germina proferret, ex utrius-

triusque cortice acris, & dulcis unum profluit germen, quod ejusmodi mala protulerit. Unde ita arte effici poterit, cui ejusmodi mala producere cordi fuerit.

CAPUT V.

Quomodo & aliter fructus simul componi possint.

AL IUD quoque afferemus artificium, quo simul fructus admisceri, & componi possint, ab antiquis traditum, etsi mihi non solum difficile, sed impossibile videatur. Sed quia hæc à gravioribus viris descripta sunt, referre non dedignabor, etsi mihi periclitanti experientia non successerint, non ex hoc ansam diligentioribus tollemus, quin experiantur: fortasse fortuna diligentiae favabit. Modus erit, ut multa semina diversarum arborum, & fructuum una laciniis colligantur, & serantur: nam ex omnibus simul enascentibus è multis cauliculis una colligatis, ne divelli, aut avelli possint, in unum coeant, & sic diversos fructus arbor una producat, & fructus unus ex diversis simul commistus erit. Quod à Theophrasto fortasse edocti sunt, qui scripserit, in palma serito bina juxta composita semina, superque totidem, omnia tamen prona. Germen enim non de supinis, cavisque partibus mittunt, sed è supernis, quaterna melius coalescunt. Siquidem horum radices amplexu mutuo connexæ, in unum ex cunctis caudicem, primo ortu promiscuo coeunt. Quod si verum esset, maxima, & innumerabilia inde provenirent experimenta. Igitur

Vt bacca simul discolores proveniant.

Si multæ bacca alba, nigra, rubrae simul mixtae sererentur, ex variis earum coliculis, si simul alligarentur, in unum coalitis, bacca nascentur bicolores. Plinius ab avibus inventum modum tradit: inquit. Semine quoque inferere Natura docuit, raptim avium fame devorato, solidoque & alvi tepore madido, cum secundo firmi medicamine abjecto in mollibus arborum lecticis, & ventis sæpe translato in aliquas corticum rimas: Unde vidimus cerasum in salice: plantanum in lauro, laurum in ceraso, & baccas simul discolores; Tradunt
& mo-

& monedulam condentem semina in thesauros cavernarum ejusdem rei præbere causas. Hoc eodem modo

Fici fructus ex parte albus, & rubidus fit.

Leontius hujuscemodi coitum ita molitur. Ficaria grana hac varietate nobilia, linteolo deligata serunt, & quum res postularit, transferunt. Si velimus vero

*Citrii arbor, diversa poma ferat, diverso-
rumque saporum,*

Noster Pontanus in suis hortis elegantissime docet. Versus animi gratia huc afferemus,

*Qui diversa quidem parva, sed semina in urna
Condat, & educens collo brevioris stolones
Subducaturque, arcetque manu, ac sub vincula cogat
Crescentes, hi tandem uno se stipite miscent,
Atque uno obducunt se cortice, neve flagella
Dilabi finito, neu summa cacumina ventus
Divellat, cera linito, aut diducat adulta,
Vngue dum proprio corpus junguntur in unum,
Atque operit lentum sub eodem cortice gluten.
Postquam alta steterit radice infessa, & opimum
Raptarit stirpes succam, mirabere poma
Plenaque, grataque non uno tamen una sapore.*

*Vi pruni fructus, & mali medicæ commi-
scentur.*

In nostris libris Agriculturæ non posse in unum coire semine multis refragantibus ultro citroque rationibus jam abunde declaravimus, ut quæ jam scripserunt, non falsa solum, sed impossibilia judicamus. Nobis vero hoc modo ita facere licuit. Quum essent pruni arbores tennerrimæ, & delicatissimæ prope consistæ utramque simul obvolvimus, ut solent, qui rudentes nectunt: loca contactus prius extima tunicula denudavimus, ut vivum vivo facilius cohereret, dein philiris, vel ulmi tenniolis, aliisque ad nexus molliculis & flexilibus leniter adstrinximus, ut hoc vinculo separationis libertas demeretur, & si aliqua corporis pars non coiret ejus laxitate,

xitate, cuneolis adactis arctaretur, non tamen ita compresse, ut eas strangulet. Mox ablaqueatis radicibus summum addidimus, frequenti imbre irrorando, ut his illecebris felicius crescerent: sic aliquibus interjectis annis, ubi mutuo coalitu, velut una arbor facta est, ubi maxime coierint, cacumina detruncavimus, circa quæ complura pullulabant germina: quæ vero vidimus ex utraque compage exisse, reliquimus, cætera diremimus, tunc quales diximus dederunt fructus, præcipuè venustatis, & commendationis. Vidimus in Regum Neapolitanorum hortis, mala medica, quæ continuis irrigationibus opportune juvantur, ramorum luxuria, & teneritate adeo simul co hæsisse, ut una arbor facta videretur, ex his fructus ex utroque compositos satis vidimus: Possumus & fictilibus vasculis non illepide idem efficere, nam in his confitas plantulas poterimus jugi rigatu fovere, & facilius in reliquis famulari. Idem in moris accidisse vidimus, locis udis & opacis, ut ubi se tangerent rami, illico jungerentur, & discolors baccas produxisse. Si volumus

Vt lactuca habeat in se apium, erucam, ocimum;

Et alia ejusdem generis. Caprinum, vel ovillum stercus accipito, & quantumvis parum sit, perforato, & industrie evacuato, seminaque dicta, aut quæcunque velis in evacuatam partem dense indito: & in profunditatem duorum palmorum deponito, stercore, ac raro præsubstrato, deinde tenui terra aggetta, ac sensim aqua rigato, atque etiam ubi enatum fuerit semen, irrorato, assidue stercus inspargendo: & postquam in caulem excreverint, multo plus diligentia adhibeto, nasceturque lactuca, cum injectis simul seminibus concreta. Diligentius id monet Palladius. Si caprini stercoreis bacam subula subtiliter excavaveris, & in ea semen lactucæ, nasturtii, ocimi, erucæ, & radicis immiseris; & tunc involutam sîmo bacam terra optime culta brevi scrobe demerferis, raphanus nititur in radicem, cætera semina in summo, lactuca pariter mergente, prosiliunt, singulorum sapore servato. Alii hoc ita assequuntur. Avulsæ lactucæ folia carpunt, quæ radicibus juncta sunt, & in eisdem gradibus surculo punctis, præter rapha-

raphanum, semina supradicta deponunt, ac fimo adli-
nunt; sic obruta iterum lactuca, prædictorum seminum
caulibus ambietur. At si scire aves

Flores quomodo discolors nascantur

Ex eodem principio. Si quis variorum ejusdem speciei
florum semina linteolo deligabit, & seret, ex eorum com-
mistu nascuntur flores versicolores. Ita ajunt bellidum
genera esse nata, qui & aureis, & per ambitum rubenti-
bus, & tubescens foliis stipati visuntur: quin & alii
adeo versicoloribus foliis remissi, ut sericeos floccos re-
ferant.

CAPUT VI.

*Quomodo geminatus fructus fieri possit, ut alter intra alterum
concludatur.*

ALTERA est etiam compositionis via, qua fructus
una componi possint, non eo modo, quem supra re-
citavimus, scilicet quod pars una unius, altera alterius sit,
in eodem fructu, vel quod eodem ramo duo, vel tres fru-
ctus diversi conspiciantur: sed fructus ab altero contineat-
ur, ut vere geminatus sit, nos primi proferimus. Sed vi-
deamus majores nostros quomodo id effecerint, & primo

Oleouva quomodo fiat.

Diophanes docet oleam in vitem insitam fructum fer-
re elæostaphylon, hoc est oleouvam appellatum. Sed
Florentinus libro undecimo suorum Georgicorum ita
memoriæ mandavit, si quis oleam in vitem inserat, non
solum botryones uvarum, sed olivam producet. Ergo
prope terram vitem terebramus, & oleæ ramulum im-
ponimus, simul ut à vite dulcedinem, simul ut ab
humo vernaculum alliciat nutrimentum, ut tandem
ejus jucundiore cibo fruamur. Postremo si nondum
gerentis viticulæ sarmenta fructuaria transferantur,
misturam progenitorum servabunt. Porro fructus à pro-
miscua parentum conditione insitoris utriusque nomen
adoptavit, elæostaphylos Græcis dictus. Talem ar-
borem se vidisse apud Marium Maximum perhibet.

gu-

gustasseque fructum & extimasse, quod acinum uvæ; & olei baccam simul gustaret. Nasci etiam tales plantas in Lybia prodit, gentilique, ac vernacula regionis voce ubolima vocari. Sed perticæ subjiciendæ sunt, quæ possint brachiorum onera fulcire. Si vero alio modo quovis inferantur, longuriis non esse opus. Eodem etiam, putò, modo fit

Vva, quæ intus myrtum habeat.

Tarentinus myrtum vitem recipere ait, & super ipsam arborem vitis sarmenta insita, uvas producant, quæ inumfundum myrti baccas habebunt. Modum vero, quo inferi debeat subtrixit. Si vitis sarmenta supra myrtum insita comprehendunt, uvas solito modo, non intus myrti acinos habentes proment, si vero prædicto jam modo, difficilior evenit. Fiunt &

Pruni fructus coloris nucis,

Ab antiquis nucipruna dicta, & ab eis factitata, ut Plinius narrat. Peculiaris impudentia est nucibus insitorum, quæ faciem parentis, succum adoptionis exhibent, appellata ab utroque nucipruna. Sic

Pruni fructus, qui intus dulcem amygdalam habent.

Ex eodem Plinio. His intus in ligno nucleus amygdalæ est, nec aliud pomum ingeniosius geminarum est.

Pruni fructus mali carnes habentes,

Idem refert. Nuper in Bœtica malina appellari ceperunt, malis insita.

Mixæ fructus, qui intus dulcem amygdalam habeant,

Mixæ pruni species, quæ intus amygdalam, ut cæteræ pruni amaram continere debebant. Arbor Syriæ, & Ægypti peculiaris, Plinii tempore Italiæ familiaris erat, & sorbo inferebatur, ob id nucleus non insuavis. Vel quia fructus alvum ciebant, sorbom inferuerunt, ut adscito asperiore sapore, compressam alvum redderet. Nunc autem modum docebimus, quomodo possis producere

Amy-

Amygdaloperficum, quod foris persicum, intus amygdalam habeat dulcem.

Quos adhuc diximus antiquorum modi græca vanitate præditi sunt, nec solum falsa, sed eo modo impossibilia fieri: nam si myrtum in uvam inserueris, ut diximus in Agricultura, eo modo fructus non feret. Oleam in vitem inferi impossibile est, & si fieret etiam eo modo, uvas non produceret. Plinius malina pruna, amygdalina & ex nuce profert, ac modum non docet, & fortasse mundo propalamus: hoc pomum à recentioribus amygdaloperficum dictum ab utroque parente, quum ea soboles mediam inter utrumque progenitorem naturam commistam habeat, insitionis diligentia, novumque adulterii genus reperiunt, ex amygdalo & persico progenies invisâ prioribus sæculis exoritur, utriusque parentis ingenium referens, & effigiem simul adoptans. Hoc malum est, quod foris æmula facie persicum pomum mentitur, intus dulcem amygdalam & facie, & gustu repræsentet. Arbor media est inter amygdalam, & persicum: fructus foris persicus est, intus dulcis amygdala. Idque fiet oculum oculo superponendo, vel utrumque, vel unum à matre removendo, quod à nobis, ætatis senio constitutis, reperiunt. Possumus & oculum jam crescenti surculo superponere, & triplicem habebimus. Hæ arbores multis annis nostris in viridariis viruerunt, Hoc eodem modo portentosum malum producemus, quod sua mirabilitate oculos & animum oppleat, scilicet

Ut citrium intus limonem habeat,

Superposito limoni citrii oculo, Apud Brutios, & Surrentinos vulgare, pleraque horum genera reperiuntur, quæ aëris medullæ loco aliud citrium afferant, eodemque pediculò continentur. Idem idem effectum est

malum aureum duplicatum,

quod genus apud nos etiam vulgare est, ut geminatae sint nucleorum series, tam quidem rara effigiatura, ut mirari nunquam desinas.

CAPUT VII.

*Quomodo alio artificio fructus inuisi generentur & meliores,
& peiores.*

INSITIONIS laudem, & præstantiam alibi longiori encomio prosequuti sumus, hic dicere sufficiat, sola insitione posse novos fructus exoriri, & meliores, tum etiam peiores. Aliqua ab antiquis, & à nobis reperta memorabimus experimenta. Quid agendum

Vt castanea optima fiat.

Non est omittenda raritas unius exempli. Corellius eques Romanus Ateste genitus, inseruit castaneam suomet ipsam furculo in Neapolitano agro, sic facta est castanea, quæ ab eo nomen accepit inter laudatas. Postea hæres ejusdem libertus, Corellianam iterum inseruit: hæc est inter eas differentia, illa copiosior, hæc Corelliana melior. Hæc antiquitus facta sunt, & tanta est insitionis præstantia, ut suomet furculo insita arbori, semper præstantior evadat. Sic quoque cerasus maxime insitione delectatur, neque unquam bonum, aut dulcem fructum dabit, nisi fuerit alteri arbori insita, ex Pamphilo. Exemplo hujusmodi

Oxyacanthæ fructus in tuberes mutare

Conati sumus, nec aliud puto oxyacantham, quam tuborum arborem sylvis in eam degenerasse, Unde oxyacanthæ arborem si quis, Corellii exemplo, suomet furculo multoties infereret, in tuborum arborem mutari: nam neglecta tuborum arbor in oxyacantham abit. Nos nostris in viridariis ter, quater suomet furculo inseruimus, & nisi mors præveniet, tantisper inferemus, donec tuberes proferat, jam nunc & majores, & dulciores affert. Nunc dicemus, quæ alieno furculo inferuntur & simul vires, & formæ commiscantur, & novum nostris temporibus reperiuntur

Nucipersicum, ex nuce & persico componere

Docebimus, hoc pacto. Genus est persicorum, nucipersicum nobis dictum, antiquis incognitum, quod insitionis diligentia in lucem productum non solum arbitror, sed
pro

pro certo habeo: ab utroque parente nomen, & formam contraxit, ex nuce scilicet & persico, ex nuce colorem habet herbaceum, cute nulla exterius lanugine pubescentem, & admodum lævem, succum asperum leniter subamarum, sero maturescit, dura intus carne, forma persici: pars opposita Soli rubescit: odor eximius persici duram intus, & scabram nucem habens, qualem persicus, sapore jucundo, sed multo nuce fugacius pomum. Quod non alio modo evenisse putandum est, quam ex iterata insitione persici supra nucem: vel jam modo prædicto. Possumus & in alias arbores meliores inferendo fructus meliores reddere. Diophanes fecit

Citromala ex malo & citrio composita:

Nam malum in citrium inferitur, sæpiusque id fecit, & postquam natum fuit, emarcuit: loquitur autem de fructu. Sed ubi comprehendit arbor, citromalus appellatur, Anatolius, & Diophanes

Melimala ex malo & cydonio

Composuerunt: nam si malum in cotoneum inferatur, fit ex cotoneo malum pulcherrimum, vocatum apud Athenienses melimelum. Sed Plinius

Milviana ex cydonio & struthio

Misceri docuit, inquiens. Cotonea struthis insita suum genus fecere milvianum, quod sola ex his cruda manduntur. Diximus quomodo insitione meliora poma nascerentur, & sapes & formæ commiscerentur. Nunc quomodo insitione

Fructus peiores evadant.

Et à pyro incipiemus. M. Varro ait. Si in pyrum sylvaticam inferueris, pyrum quamvis bonam, non fore pyrum tam jucundum, quam si in eam, quæ sylvestris non sit. Si persicum in prunum inferueris, fructus magnitudine degenerabit, & si in amaram amygdalam inferueris, sentit gustus aliquid amaritudinis in fructu. Sic si castaneam in salicem inferueris, & si tardius maturatur, fit asperior in sapore. Malus etiam in prunum inferitur, sed degenerem & parvam reddit.

CAPUT VIII.

Fructus, & flores quomodo præcoces producamus.

ARS Naturæ æmula & imitatrix, dum eam sequitur, sublimiora facit: Unde Magus, ut secunda Natura, illius habitus indutus, oculorum argumentis, & animi conjectura perscrutans, quæ abdita maiestate ipsa re efficit, multifor mi ambage, obscurisque tegens involucris, nunc opus suum impedit, & retrocedere facit, & quæ præcoci partu, sero cogit producere, & quæ sero operatura, mature cogit, & tandem sibi parere facit. Noscens ex irrequieto cœlestis calor is circuitu fructus & flores produci, & nascentia omnia, quæ in mundo viluntur: si cordi fuerit ea immorari, vel festinantius adducere, ut cariora sint, id mentis temporum exequitur interstitiis ver in hyemem, & hanc in æstatem permutando. Affert præterea insitio non parum commodi ad hanc rem. Videamus ergo insitiones artificio

Uvas vere producere.

Si cerasum arborem verno tempore sua gerere mala conspiciemus, & nos tunc uvas optamus: sic non deerit copia, ex Tarentino. Si nigram vitem in cerasum inseras, etiam in vere uvas habebis: eodem enim tempore uvas producet, in quo cerasus proprie fert fructum. Sed hæc insitio non nisi per terebrationem fieri potest, quam docet Didymus. Truncum cerasi terebra gallica appellata perforato, & præstantioris in proximo sitæ vitis ramum attractum in foramen immittito, non ab antiqua matre recisum: sic enim sarmentum vivit tum à veteri parente nutritum, tum ceraso, quæ ipsum suscepit, coalitum, & concretum. Intra quorum vero annorum spatium sarmentum impositum unietur, tunc igitur post cicatricem, inductum sarmentum decidere oportet, quod adhuc ex veteri matre detinetur, & truncum cerasi in qua insitio facta est, quantum supra terebrationem extat, serra defecare, & de cætero sarmentum insitum principalis vitis pars existat: sic nec interim vitis in qua insitio facta est, ociosa manet, sed similiter fert fructum, & sarmentum coalitum simul augetur, vite
nil

nil offensa ex terebratione , neque compressa ex coarctatione. Vi etiam insitionis possumus facere

Rosa ut præpropere sua florum præludia ostendat ,
 Si roseam gemmam è matre vulsam in hiulcum amygdalæ corticem emplastramus, tempore , quo amygdala flore exhilarabitur, è suo cortice suos promerit rosa ipsa flores. Sed ne insitionis in herbis difficultate citius flores producendi nobis desit facultas, hoc artificio

Vt cucumeres suos fructus festinent ,

Faciemus: idque leviore opere fieri apud Ægyptiæ gentis Dolum Mendesium legit Columella, qui præcipit opaco , & stercoreoso loco alternis ordinibus ferulas , alternis rubos in hortis consitas habere, deinde eas, confecto æquinoctio, paulum infra terram secare : & ligneo stylo laxatis vel rubi, vel ferulæ medullis stercus immittere, atque ita semina cucumeris inferere , quæ scilicet incremento suo coëant rubis, & ferulis: nam ita non sua, sed quasi materna radice aluntur, sicquæ insitam stirpem frigoribus quoque cucumeris præbere fructum. Sed nunc quomodo mentitis annorum interstitiis id exequi poterimus , doceamus, & primo :

Cucumeres suos maturent properantius fructus.

Quintilii in cophinos , aut fictilia vasa cribratam terram immittunt , stercore admisto liquidiorē factam , & anticipato consueto tempore , vere videlicet inchoante, semina implantant, & quum sol fuerit, & calor, & inordinata pluvia, cophinos sub dio exponunt, circaque Solis occasum eos in contestam domum inferunt, & hoc assidue faciunt, aquam irrorando, quando usus postularit: Postquam vere cessabunt frigora, & glacies, & cælum clementius fiet, cophinos, sive dolia in locum subactum, & excultum deportatos, defodiunt, ita ut labra sint æqualia terræ : & deinde curam adhibent. Sic etiam de cucurbitis faciunt. Præcoquem cucumerem habere docet Theophrastus, siquis hiberno tempore cucumeris semina serat, rigetque aqua tepida, & Soli exponat, & igni admoveat, ac ubi satiationis tempus adveniarit, totos canistros terræ mandet: sic longe horum

F

fructus

fructus alios prævenient. Eodem modo, Columella dicit, Cucumis mira voluptate Tiberio principi expertus, nullo quippe non die contingit, & pensiles eorum hortos promouentibus in Solem rotis holitoribus, rursusque hybernis diebus intra specularum munimenta revocantibus. Didymus eodem modo,

Rosa nondum hyeme exacta emicent

Docet: si fisticibus, & cophinis plantarum eadem cura eas digneris, quali cucumeres, & cucurbitas tractare solemus. Plinius frigora prohibendo

Ficus alieno præcoces anno reddere

Conatur, diverso admodum ab his artificio. Sunt & hybernæ quibusdam provinciis. sicut Mæsiæ, sed artis, non Naturæ, parvarum genus arborum, post autumnum fimo contegunt, deprehensosque in his hyeme grossos, quæ mitiore cælo refossæ cum arbore, atque in lucem remissæ, novos Soles, aliosque quam quibus vixere, avidæ tanquam iterum natæ, accipiunt, & cum venientium flore maturescunt, alieno præcoces anno, in tractu vel gelidissimo. At satis jam arboribus herbisque (quum & cælum regere, vel aperire in latis arvis in nostra potestate non sit) admotis radicibus vel calida aqua, calce, nitro, & ejusmodi calidis maturationem accelerare tentabimus. Si vis

Cerasus præcox fiat.

Plinius ait, cerasos præcoces facit, cogitque maturescere calx radicibus admota, sed antequam flores afferant, vel si calidam aquam sæpius radicibus infundas, etsi postea inarescant. Didymus author est. Præcox emerget rosa, si rosa citius quam in flores erumpat pedali scrobe à radice facta, aqua calida infundatur, germinare incipiente calice. Et si vis

Vitis ut velociter germinet.

Nitrum tritum aqua mistum ad mellis crassitudinem redigens, post putationem statim ipsos oculos large inde illeveris, per octo dies germinabit. Præcoces vero efficies uvas, si simul cum plantis vinacea dulcia, hoc est nondum perversa, & corrupta sufficienti modo deposueris. Melius autem feceris, si plantæ dum plantantur prædicta
vinacea

vinacea adjeceris, ex Tarantino, & Florentino. Præterea quæ intra scillam confita sunt

omnia, celerius germinent

Facit, ut monet Theophrastus: & si sicum juxta scillam confita sit, ocius crescit. In summa quicquid scillæ fuerit inditum, facilius germinat, celeriusque gliscit, quod non nisi calore suo intrinseco efficit. Docet Democritus

Vt ficus præcoces edant fructus,

Hoc modo. Columbaceum simum, piper, & oleum adhiberi vult. Florentinus grossos simo, & oleo linebat. Palladius: ut ficus cito suos maturet fructus, succo capræ longioris cum oleo, pipere misto, inunge poma, quando grossi incipiunt subrubere. Apud nos quum ficus jam maturet, lignea acu, oleo peruncta ficuum oscilla transigunt, ut per aliquot dies maturationem accelerent. Alii circa arborem arietina cornua obruunt. Ut

Brassica præcox germine lasciviat,

Plinius docet. Sunt qui brassicam in transferendo, alga subdita pediculo, nitrove trito, qui tribus digitis capiat, celeriore ad maturationem fieri putant: Possumus facere ut &

Apium germine præveniat.

Nam satum celerrime erumpere putant, si inter initia ferventi aqua aspergas, ex Plinio. Palladius si levi imbre aceri spargatur infusum, cito nasci dixit: vel si statim cum severis calida aqua perfundas. Sed adeo mens humana indagine experientie solertiore Naturæ penetralia aperire non diffitetur, ut audeat non solum ocius, sed

Ocissime apium producere.

Cujus ortus inter sata non est contumacior: quinquagesimo enim die, vel quadragesimo solet erumpere, uti Theophrastus, cæterique asserunt, qui hoc posteris legendum reliquere. Noltrates *petroselinum* vocant. Illic sedulus operator esto: nam tantillum erroris committens; oprato defraudaberis. Sint semina hornotina, ac æstate ingruente aceto immerge, sine immorari aliquantisper te

penti loco : subinde semina in solutam terram convolve, cui combullarum fabalium cinerem admisce : ubi vero levi imbre ardentis aquæ irroraveris, & crebris itrorationibus, panno operi, ne calor evanescat, sic pauculo temporis curriculo, terram discutiet, amove pannum, irriga, & caulis elongabitur, maximamque spectantibus admirationem ingeret. In hoc tamen sedula manus operatione opus est, etsi probaverim, ut votum erat, non successit, amicis vero periclitantibus felicissime. Sie

Lentes ut ocius nascantur.

Bubulo stercore arido ante sementem oblita : sed in eo simo quatuor, vel quinque diebus immorari debent, post spargito. Idem efficies,

Ut melones suos praeproperent factus.

Si in calidi simi aggeribus paulum terræ indas hyeme & in ea terra ferantur semina, simi caliditate cito nascentur, aliquo munimine à nocturnis frigoribus defende, & nivibus : ubi cœlum clementius ripet, transplantentur, & sic nos citius fructus produximus. Hoc etiam modo anticipato ferendi tempore possumus

Cucumeres properantius adducere.

Theophrastus aliam demonstrat operationem. Cucumerum radices adhibita cura diu vivere possunt. Si quis samentum præciderit secundum soli superficiem, postquam fructum tulerint, terra radicibus superinjecta : rursus ab radicibus eisdem sequenti anno ferent fructus valde præproperos, antevertentes ordinarium proventum aliorum, qui tamen vero satum parti erant.

Cicer præcox erit,

Ut Florentinus docet, si quando hordei tempus erit, se-ratur.

Rapa præcox nascetur

Ex Theophrasto, si tellure accumulata condatur ab holitoribus : nam in sequentem annum citius regerminabit. Nunc varia quoque adducemus cultus artificia, quibus fructus celerius proveniant, & dicemus quomodo

Cydonia

Cydonia matura cito fiant.

Quod docet Palladius, id est, si assiduo humore perfuderis. Et Democritus

Rosae Ianuario mense florere

Promittit, fruticem bis in die in æstate rigando. Theophrastus semen præmacerando ante sationem, vel continuo madore satum diluendo, cogit

Cucumeres cito germinare.

Sic ejus semen præmaceratum aqua severit: &

Cicer cito proveniet,

Ut monet Theophrastus, si cum putaminibus aqua præmaceratum feratur, minus est enim quod putrescat, aliorumque primum largius ministratur, etsi cum cæteris obferatur.

Cucurbita citius parere gestiet,

Si eorum virgulta sustulerimus; &

Ficus suos grossos præcox maturat,

Ejus truncum vellicando, vel scarificando, quo lacte turgat: nam nimio humore affluente, reliquis facilliter concoquitur. Tandem

Omnes fructus celerius habere

Poterimus, si loco Meridiei obverso, semina terræ mandemus: vel tali situ vasa constituamus, addita, & irrigata tepenti aqua: & si celerius fructificare velimus, elibanum vasis subijciamus, tepidissimo enim calore fructus producantur. Nec aliam ob causam Puteoli, & Inzime insula celerius, quam cætera Campaniæ loca fructus & fruges producant, quum subterraneis ignibus, & caloribus radices fovendo, concoctionem accelerant.

CAPUT IX.

Quomodo semper flores, & fructus habeamus.

EX hac veluti racematione quadam provenit, qui fieri possit, ut omni tempore fructus, & flores habere possimus, & præcoces, ut tempus anteverrant, & serotinos, ut tempora subsequantur: nam suo tempore non desunt. Quomodo vero

Cucumeres toto anno habere possimus ,

Ut tempestivos , & serotinos docet Aristoteles in Problematis. Quum adoleverit in puteum , prope quem nati sint , demittantur , atque puteus operiatur : sic enim Sol affluens haudquaquam siccare potest , & aquæ subditæ vapor ascendens , facit ut nullam sentiant siccitatem , sed quasi recenti habitu vireant. A quo Theophrastus. Eodem profecto vel ea pertinent , quæ cucumeribus , cucurbitisque evenirent in mollitia , & incremento , si quis parvos , parvasque absconderit. Sic enim nulla pars alimenti à Solis injuria populatur , nec statibus resiccatur , quibus causis moles augeri non possunt , ut etiam arboribus evenit , quæ locis Soli , ventoque expositis manent. Sed ut perenni fructu

Citria proventus onere semper graventur ,

Totoque anno suo arbore insideant : eum servabis morem , qui in Assyria peculiaris , multisque etiam locis frequens est. Quum legendi tempus aderit , partem à genitali rescindas stirpe , & luxuriam ferro corriges , partem relinques : quâ parte strinxeris germina arboris , fecunditate alia substituet , eisque adultis , poterunt & priora illa decerpi , atque nova sætura invitari. Pontanus idem suis carminibus ostendit :

Nave autem toto fructus tibi desit in anno

Carpe manu partes , & plenis bacchare canistris ,

Quæ reliqua est grandis finito gaudere volemus .

Confestim qua parte dolet viduata , recentem

Se induit in florem , atque implet spe divise ramos .

Sic etiam alterno ditescet sylva metallo .

Possimus & insicionis adjumento idem opus exequi : nam si velimus

Mala omni tempore habere ,

id ymu s in Georgicis suis ait , si malum in citrium inseratur , semper sere fructum feret. At si petimus

Cinaras perennes esse ,

Condiscemus ex Cassiano , Varronis autoritate , dicens quod quocunque tempore cinaræ plantentur , eodem & fructum reddent , & ob hoc per totum annum posse cina-

ras haberi. Consuevit est carduorum plantatio Novembri, ac Sepsembri, ac fructum ferunt Julio, & Augusto, at novam sobolem Martio & Aprili producant, tunc enim perfectam plantam habebunt, ita facito per triennium. Unde si quis Novembri, Decembri, Januario, Februario, & Martio seret, omni fere tempore fructus colliget. Si jucundum fuerit

Asparagis quotidie frui,

Semperque edules habere, ubi fructum legeris, radices, quæ suo cespice teguntur, circumfodies: hoc cultus mangonio frutex novos dabit coliculos. Si velis

Rosæ nunquam desint.

Singulis mensibus plantato, & stercoreato, & sine temporis intercapedine rosas frueris. Hoc etiam cultus mangonio

Lilia semper habere

Fas erit, & vicissim variis temporibus flores parient, ita serantur, ut bulbi alii duodecim digitorum altitudine, alii octo tantum, alii quatuordecim obruantur: sic diversis diebus dabunt lilia. Idem etiam in aliis floribus facere licet, ex Anatolio. Docet Theophrastus

Violas semper floriferas habere.

Dicit enim flores semper promere posse, si modo quodam colantur. Et alibi, si locis circumseptis, apricisque contineantur, sin autem & cultus adhibeatur, longe amplius ita continget: nam locis ejusmodi pleraque exeunt, quæ alibi nasci nequeunt. Id est, si scitilibus seramus: hyemes, æstusque vitabimus, Soli, clementi cœlo ostendendo, neque debita cultus diligentia defraudando, simo, & madore. Eodem modo habebimus

Oenanthem toto anni curriculo florentem:

Theophrastus scribit, si idem cultus adhibeatur ei, ut violis, nunquam floribus carere.

CAPUT X.

Serotini fructus quomodo producantur.

JAM diximus quomodo præcoces fructus, & præcoccissimos efficeremus, nunc superest artificia tradere, quomodo

quomodo in hyemem usque seram differant maturitatem, quod à contrariis causis efficere condiscas, ut quæ prius calefaciebas, nunc refrigerare oportet, & si ibi in præcoces arbores serotinos fructus inserebas, hic præcoces in serotinas. Sic etiam tarde serendo, tardos fructus recipiemus: nam quemadmodum animalia, quæ tarde nascuntur, tarde pilis vestiuntur, neque illos permutant, usque donec tempus advenerit, in quo nata sunt; idem & in plantis evenire considerabis. nam si tarde seruntur, tarde nascuntur, & tarde suos proferunt fructus. Ab insitione incipiendo, docebimus quomodo possimus

Cerasa tardiora producere.

Præsertim vindemiis, harum surculum in cerasa inferimus mala producentem, quæ ab ingrato, insignique amaro *amarendulas* dicimus: si hoc ter, quater denuo efficies, fructus dabit tardiores, & si nunc amarore respuuntur, priores oblita succos, acidulo sapore jucundiora comedentur. Poterimus, etsi tardius id, quod supra diximus eveniet, eo insitionis artificio uti, quæ in prioribus usi sumus. Sic &

Pyrum omnium tardissimum asferre

Poterimus, si in salicem inferemus: nam alibi diximus inferi posse; & omnium tardissime fructum asfert, sed alio loco consita sit oportet, quæ continuo madore juta sit. Insitam esse oportet ultimis deficientis Lunæ diebus, & optime inter lignum & corticem, Si quis vero vult

Rosas serotinas habere,

Modum habet à Florentino edoctum. Si tunc ceraso vitem inseruisti, nunc rosam malorum cortici inoculari permitte. peregrino enim in corpore concreescens, & adolefscens, quo dabat arbor fructus tempore, dehiscet rosa, mira odoris jucunditate, & pulchritudine redolens, omnibus spectari, & contemplari se finit. Et tandem omnes fructus ejusmodi insitione tardiores efficiemus. Alter modus erit prima germina decutiendo; nam alias regerminando tempus teritur & cælo indulgente, tardissime maturabunt fructus, & hoc modo valeamus

Ficus

Ficus serotinas facere.

Si ficum quamvis non natura, seram facere vis, docet Columella. Quum grossuli minuti sunt, fructum decutito, iterum alterum edet, qui in hyemem seram differet maturitatem. A quo Plinius: Ficus serotinæ fiunt, si primæ grossi, quum fabæ magnitudinem excessere, decutiantur, subnascuntur, quæ serius maturescunt. Eodemque modo Tarentinus docet

Vras autumnales reddere,

Racemos, qui primo enati fuerint, auferre oportet, rursusque alii pro ipsis nascentur: insuper & plantæ multam curam habeto, iterumque racemos producet: hi vero maturi facti serotini erunt. Sic etiam

Rosæ tardius dehiscant,

Prima ejus tenera germina decutiendo, dum flores prorupturos alabastruli præmonstrant. Idque præcipue in moschatulis rosis succedit, & optime in centifolis moschatis: nam ruri, & siccilibus vasculis in fenestris asservatis, per totam hyemem efflorescentes habemus. Si vis

Garyophylli sero floreant:

Coliculos, & primos calices flores germinaturos digitis decutito, & serventi Soli exponito æstivo, sed jugi rigatu fovendo, ne siccescant: nam alios coliculos, aliosque calices producendo, usque ad hyemem, & ad ver seros distulimus flores, ut ruri, & domi hybernos garyophyllos habeamus continuos. Eodem fere artificio non germina recidendo, sed serius plantando, & frigora præcavendo hyeme fructus maturamus. Ut si velimus

Cucumeres serotinos efficere;

Quia scimus maxime eos gelicidia, & imbres horrere, ac frigora pertimescere, semina æstate plantabis, ac hyeme imminente, ut suos maturet fructus, latamine circumaggeramus, sic frigori maxime obstabunt, nec ab eo necabuntur. Diximus vegetiores in hyemem habere in puteum immittendo, & in serulas serendo. Et ut

Rosa hyeme floreat ,

Habebimus , si inchoatis in rosario mucronibus avulsam plantam in alium transferimus locum , ubi postea confirmata radice , serus flos perficietur. Sed si quæ edimus æstare

Fraga, hyemali tempore habere .

Optamus , vel verno : Quum candicant , nec exacto jam purpuræ colore rutilant, cum foliis in harundines immitimus, pingui oppleras ore lætamine , & obruimus , & ad hyemem differimus , si eo tempore rubescant , velimus, Soli ostendemus. Haud diverso ab hoc artificio possumus

Lactucam ad hyberna acetaria servare .

Quum sua folia fuderit , & velut in orbem circumacta , summam tenui ligamento vinciuntur , & fictili vasculo hærente semper , quo alimenta sugat , radice , conditur , ita enim & candorem , & teneritudinem assequetur. Sic etiam intyba ad hyemem servantur , donec ad usum propinquantur. Alii leviori sumptu contenti , terra duntaxat obruunt, alii stramentis & foliis operiunt. Holitores nostri terra , vel sabulo hortis obruunt , hoc enim artificio recondita albescunt , tenerrima evadunt , & in totam hyemem asservantur.

CAPUT XI.

Fructus ut solito majores fiant.

SEQUITUR præcepta tradamus fructus quomodo majores fiant , & longe communem magnitudinem superent : idque multis modis fiet. Vel insitione solâ : (nam primum ejus privilegium est majora poma producere) vel super illas arbores inferendo , quæ fructum majorem ferunt , vel quamplurima interlegendò mala , si arbor iis multum gravata exit, ut succus uberius reliquis impartia- tur cultu, artificis aliis, ut videbimus. Et ab insitione incipiemus, ut

Poma majora nascantur.

Arbor suomet surculo insita multo majorem fructum dabit , quam non insita prius daret. Exemplum attulimus
apud

apud Plinium de Corellio, qui castaneam suomet furculo insitam, majorem fructum & nobiliorem proferre cogit, & nos de omnibus fere pomis periculum fecimus, omnia enim cultu & insitione majora sunt, & præcipue curia. Fiunt & insitione majora poma, si supra arborem inferemus, quæ grandia ferat poma, ut pote si volumus

Pyra majora facere,

Præcipue pyra illa, quæ minima sunt, myrapia dicta, sive moschatula: nam si supra cotoneum inferemus, multo majora poma protuberabit, quod cotonea omnium arborum maximum ferat fructum, sic poma myrapia majora dabit, quæ ex arbore unquam pependerit, testes sunt arbores multæ nostro agro consitæ. Sic

Mespila supra cogitatum fructum ferre

Cogemus, si supra idem malum inferemus, quod nos sæpissime experti sumus, & ab aliis expertum vidimus, & si insitionem reiterabimus, majora efficiemus. Sunt & parvasi

Præcoqua majora poma ferre

Cordi fuerit, nam fere inter persicorum genera minimæ sunt, nos supra illud pruni genus inseruimus, quod à vilitate *cogliopecoro* dicimus, quod hircinum testiculum forma & magnitudine imitetur, & magna attulit poma, in alia enim pruni genera insitum, degeneres donat fructus: nam difficillime in alias arbores inseritur. In Neapolitanis viridariis solum, & Surrentinis, quod equidem viderim, præstantissimos affert fructus. Possumus &

Myrti fructus augere.

Punica arbor & myrtus mutuo invicem delectantur, quemadmodum Didymus in suis Georgicis tradidit. Denique inquit: Si in myrtum punica inferatur, aut vicissim myrtus in punicam, multo majorem fert fructum. Sed ego majorem dicere myrtum baccas proferre supra punicam, proportionem sui corporis, quam punica supra myrtum. Poterit quisque

Mora majora facere,

Si morus sico inferatur, idque à Palladio habemus elegantissime descriptum.

Persuadet moris tetrum mutare colorem

Ficus, & in vasis dat sua jura comis

Se quoque miratur pingui grandescere succo:

Et solitum gaudet vincere poma modum.

Possumus & alio artificio majora poma efficere, scilicet decerpendo ab arboribus multa, & pauca relinquendo: nam arboris succus his impartitus, majora feret poma. Mater enim suo lacte filium unicum lætius educabit, quam gemellos. Unde si velimus

Citria crassiora producere

Florentinus ait. Ubi fructus increfcens degravat, multa detrahi poma conveniet, & pauca relinqui: sic illa vegetiore proficiunt incremento, & in majorem provenient crassitudinem. Pontanus:

Sin cura tibi sit grandæis educere sætus,

Et patulus implere manus: Age decute ramis

Crescentem prolem, è multis ut pauca supersint

Poma, sed & majora, loco & magis auspice nata.

Vberiore etenim succo lætabitur hares

Fraterni lactis, vacua & dominatur in aula.

Mala ut majora fiant

Monstrat Palladius. Si spissa ramos onerabunt, interlegenda sunt quoque vitiosa, ut alimentum cæteris succus æquiparet, & generosis abundantiam ministraret, quam numerosa vilitate perdebat. Fiunt & alia cultus ratione majora poma, scilicet pingui oblato, fossione, & irrigatione, quæ communia sunt, Et primo

Citria majora fiant,

Palladius continua fossione exhilarari jubet. &

Cydonia majoris incrementi facere

Idem docet, assiduum humorem spargendo; & Florentinus

Persica vasti incrementi

Fieri, si aquosis locis plantabis, & assidue irrigaveris. Ut

Magna

Magna persicus afferat poma

Florenti si per triduum ternos sextarios caprini lactis ingeras, ex Palladio. Nos autem

Punica turgenti ingentia volemo

Facere consuevimus. Accepimus pingue latamen, cui æquales adjeemus partes suilli stercore, & vini sacum, itemque hordeacei furfuris; & loco ab aquis tuto per annum servamus, singulis mensibus remiscendo, quibus demum acetum addimus, ac in unguinis formam reddimus. Post Octobri, & Novembri mensibus, radicum partes puricæ discooperimus, & misturam circuminvolvimus, & postremo terra cooperimus, & suo tempore majora poma dabunt, quam unquam dederit; & si duobus sequentibus annis idem feceris, mala ad admirationem usque produces, ut cucurbitas fere magnitudine exæquent.

Faba ingentes afferat siliquas,

Eodem unguine fabas perlivimus, & servimus, & ingentes fabas ingentibus siliquis habuimus.

Porri & radícula majores fiant.

Theophrastus porrorum, & radicum magnitudinem ex translatione fieri dixit. Si vis

Rapa turgidioris rotunditatis evadant.

Sunt quæ vi temporis, quo feruntur, diversam speciem capiant, ceu rapa, si quis protinus ab area ferit, nam ampla efficietur, quod ideo fit, quia plenius radicitur, dilataturque amplius. Et

Cicer magnum facere

Docet Florentinus. Si pridie, quam seminaturus es, cicer aqua tepida maceraveris, majus nascetur. Quorundam supervacua cura est, qui majus cicer esse volentes, una cum corticibus ipsum similiter præmaceratum, addito nitro in aquam, ferunt.

Lens magna evadat,

Ex Theophrasto habetur, qui, lens paxillo fata crassescit, dicit. Sed

Vt capæ crassescant,

Docet

Docet Sotion. Diebus viginti ante translationem terra fodito . ac siccatō , ut omni humiditate priverentur , & sic plantato , ac multo majores erunt. Si vero & ipsarum capita denudaveris , & sic posueris , adhuc magis grandes erunt. Si vis

Cinara ut pleniores fructus faciant,

Ex Varrone. Si plantentur in terram subactam, veteri stercore affuso, æstate rigabis ipsas, & quidem frequenter, sic enim tenerum & pleniorē fructum habebis. Possumus & quodam artificio fructus incrassare , quod docet Theophrastus, exemplumque affert, quo possumus

Punica multo solito fructu majora poma afferre,

Quando pomorum magnitudo arte possit comparari, Cyrii ubi formati sunt, in pertusam eos transmittunt ollam, deorsum absque noxa deflexo ramo, terra obruunt, eoque modo in miram crescunt magnitudinem. Cujus ratio est, quia olla fructus à populante vapore defendit, & à terra nonnihil suppeditatur humoris, unde accessio magnitudinis ab alimento fiat. Arbor enim fructui non præpropere ministrat alimentum , quare acini non aliis majores evadunt, sed crassius sit corium : succus proprius in tantum naturali conficitur, & excoquitur, iccirco sapor maiorum dilutior, & deterior, cortex extrinsecus recipit alimentum utpote qui minus alimentum conficiat. Sic Palladius & Martialis referunt,

Vt citrium magnum fiat.

Palladius citrii malum pubescens fictili claudit : nam per incrementa formam vasis accipiet, & vasis magnitudinem exæquabit , ut ad ejus magnitudinem pomum pervenire contendat. Sed fiat foramen in vase , per quod aër inspiraret. Eodem argumento Theophrastus

Cucumeres, & cucurbitas longe majores facere

Nititur , idque evenire mollitie , & incremento . si quis parvos , parvasque absconderit . sic enim nulla pars alimenti à Sole detrahitur . nec flatibus resiccatur quibus causis moles augeri non possunt , ut etiam arboribus evenit , quæ locis Soli , ventoque expositis manent : his illi

illi quoque respondent , qui in ferula , vel tubo fictili includuntur , plus enim alimenti præbetur , quoniam nulla pars exhalatur , nec exiccatur. Paulo minus hac ratione

Apium, ut fiat magnum

Docebimus , ex eodem Theophrasto. Ipsum radice tenuis circumfodientes, cachrylio pene obducunt, mox insuper terram accumulunt. Ratio est , quod totum alimentum radices absumunt , nec ad germina quicquam transmittunt, quod si dividatur, plus incrementi sequatur necesse est. Cachrylium calidum, densumque est, juvat ad alimentum trahendum vi suæ utique densitatis , idem retinet, nec sursum transmittit, simulque sui caloris beneficio potest concoquere , itaque quum alimentum large accedat, percoquaturque, incrementum quoque large consequitur. Quod ab Aristotele excepit. Diciturque apium etiam majus fieri, si quum transfertur palum tantum defigas , quantum apium efficere libeat : radix enim totum locum implere facile potest. Et

Raphanum excrescere

Videtur locis frigidis , eodem modo , ut Plinius inquit : nam frigoribus adeo gaudet , ut in Germania infantum puerorum magnitudinem superet. Quidam prodidere, si palo adacto caverna palea internatur sex digitorum altitudine, deinde semen, fimo & terra contegatur ; ad magnitudinem scrobis crescere. Non admodum ab hoc diverso artificio docet Florentinus

Lactucas magnas facere.

Si transplantatæ rigentur, & quum altitudinem parvi palmi habuerint , circumfodies ipsas , ut appareant radices, stercore bubulo obrutas obrues , & statim rigabis , ubi increverint, germen acutissimo ferro sinde, & testam non picatam impone , quo in latitudinem , non in longitudinem augmentum capiant. Sic

Ut betam magnam facias

Sotion dicit. Si betas magnas facere velis, radices ipsas fimo bubulo recenti integes, germen sinde , & lapidem latum , aut testam impone.

Ve

Vt porros magnos facias,

Dum porros transplantas, testam, aut lapidem magnum supponas & non rigabis. Eodemque artificio Anatolius

Vt bulbos majores reddat

Docet, si quemadmodum porris testæ supponantur circa eorum radices. Paulo alienum ab hoc artificio Theophrastus

Raphanum majus facere

Demônstrat, & ab holitoribus sui temporis factitatum. Ablatis hyeme foliis, quum maxime vigent, si terra cooperiantur, usque ad ætatem durare & crescere possunt. non enim regerminant, neque folium mittunt, nisi accumulatam humum submoveas. Idemque de rapa evenire, quod docet Palladius; ut

Rapa majores redigantur,

Eruta rapa foliis omnibus purgas, & ad dimidii digiti crassitudinem in caule succides, tunc in sulcis diligenter subactis octonis digitis separata obrues, & injicies terram, & calcabis, ita magna nascentur.

Vt arum excreseat

Hoc idem Theophrastus facere censet, ut incrementum capiat, quum foliis luxuriat, quæ admodum ampla sparguntur, folia desectentes ipsa circa obruere solent, quo planta non in germina excreseat. sed totum alimentum in suum attrahat caput.

Capa turgidior fiat.

Theophrastus omnibus detrahere folia censet, ut vim suam ad ima communicent, neque effusa seminescant. Sotion. Cepas plantaturus, caudas ipsarum, & extremitates auferens, magnæ evadent. Palladius. Si capita his voluerimus esse majora, folia omnia debemus auferre, & sic succus ad inferiora cogetur. Itidem ut

Allii capita vastiora fiant,

Allia antequam caulem faciant, omnem viridem superficiem intorquere, & in terram prosternere conveniet. Nunc alio artificio herbas, & radices ingentes facere docebi-

eebimus antiquorum testimonio, quod mihi non satis ar-
ridet, ut diximus ; scilicet

Porrum quomodo amplum fiat.

Artificium à Columella traditum : Porri incrementum quo majus fiat , raris linteolis complura grana illigantur, atque ita obruuntur. Palladius. Plura semina in unum deligata si deposueris, grandis porrus nascetur ex eis. Sed hi omnes ex Theophrasto. Qui plura semina linteolo deligata severit, radices, & germina faciet ampliora , quamobrem hoc modo porrum, apium, & alia quædam ferere consueverunt : plus enim valent, quæ plura , atque ex his omnibus natura una consistit. Præterea semina ex quodam loco accepta faciunt, ut majores fructus nascantur.

Cucurbita vastioris incrementi fiet ,

Si de media cucurbitæ parte inverso cacumine posueris.
Columella in Hortulo.

...Sive globosi

Corporis, atque utero nimium quæ vasta tumescit :

Ventre legas medio, sobolem dabit illa capacem.

Idque non in hoc , sed in omnibus fructibus animadvertimus : Semina enim , quæ in ventre perfectiora sunt , & perfectiores producant plantas , quæ in extremitatibus imbecilles, imperfectæque : grana in medio spicæ, & optimum frumentum dabunt, quæ in extremitatibus degenerant , & imperfectas spicas gerunt : quia cucurbita magnum dat fructum , ideo evidentius exemplum cernitur. Quintilii cucumeres magnos habere promittunt , si semen eorum in caput plantatur , vel si sub ipsis vas aquæ plenum obruatur, & in eo radices absconderis, dulciores, & majores fieri novimus.

C A P U T XII.

Quomodo fructus exos, & enucleatus evadat.

VE T U S est Philosophorum dictum, præcipue qui selecta Agriculturæ præcepta tradidere : si inferendis furculis , vel viviradicibus medullam auriscalpio , vel osseo cultro abstuleris, fructum exossem, ac sine ligneis nucleorum putaminibus proditurum : siquidem
altrix

altrix ipsa, ac parens est ossæ substantiæ. Arcades autem huic refragantur opinioni. Omnis enim, ajunt, arbos, cui aliquatenus medulla dempta sit, vivit, sed omnino si subtrahatur, non solum non enucleatos fructus protuberare, sed vita viduari, ac exarescere penitus necesse est, ratione hac suffulti, quum pars illa humidissima, maximeque vitalis sit, alimentum enim quod à solo ministratur, transcurrit, dum ad omnes pervenerit partes. Naturali enim spiritu omne alimentum viventis, quasi quædam anima, per trunci medullam, veluti per siphonem hauritur. Id monstrat materies medullæ expers, recurvatur, & in orbem redigitur, usque quo omnino resiccetur, idque præsci pertinaciter reformidarunt. Nobis vero & contra Theophrastum, & cæteros, qui de Agricultura scripsere, sentiendum est, quum & arbores sine medulla vivere possint, & sine medulla viventes, fructus cum interioribus nucleis ferunt, ut latius in nostris libris de Agricultura. Sed ne quid videamur omisisse, eorum exempla apponemus, ut libera sit cuique periclitandi voluntas, fortasse nobis diligentiores, meliorem sortientur eventum. Viduantur nucleis insitione arbores medullam demendo, pinguium objectu, vel irrigatione, aliisque artificiis. Ab insitione solito more incipiemus, docebimusque quomodo

Persici poma sine ossibus nascantur.

Palladius ab Hispano quodam hoc genus novæ insitionis se didicisse asserit, quod ex persico se asseribat expertum Salicis ramum brachii crassitudine, solidum, longum cubitis duobus, aut amplius terebrari iussit in medio, & plantam persici in eodem loco, in quo consistit, spoliatam ramis omnibus, solo capite relicto, per ipsum saligni manubrii foramen induci, tunc eundem salicis ramum capite terræ utroque demerso. in arcus similitudinem debere incurvari, foramen luto, musco, vinculis stringi, anno deinde exempto, ubi infra medullam caput plantæ sic cohæserit, ut unitas fiat ex duobus mista corporibus, plantam subter incidi, atque transferri, & aggerari terram, quæ arcum salicis, una persici cacumen possit operire. Hinc persici poma sine ossibus nasci: sed hoc locis humi-

humidis convenire, vel riguis, & salices aquarionibus adjuvandas, ut natura ligni vigeat, quæ delectatur humore, & superfluentem succi copiam germinibus ministret alienis. Eodem experimento

Citrium semine cariturum efficere

Docet Avicenna, qui in cydonium inferi posse dicit, & talem dare fructum. Albertus

Mespila sine ossibus producere

Promittit, si mespilum supra malum inferatur, aut forbum. Sed falsum coarguit experientia: sed profecto minus durum os ferebat. Sed ratio, cur majores id dixerint, est. Quum viderent fructus durissimi ossis suas arbores habere, quarum medullæ durissimæ essent, ut cornus, oleæ, prunus, myrtus, & similia, & aliæ, quarum medullæ molles & fungosæ fructum sine ossibus afferre: ut ficus, sambucus, & ejusmodi similes, pronunciare ausi sunt os ali ex medulla, quæ res etsi aliquid veritatis umbraculæ habeat; non tamen de omnibus pronunciare debuissent, quum sæpissime falsa reperiantur. Nunc ad alium modum transeamus, qui sit per ademptionem medullæ. Ut si voles sit, ut Democritus docet,

Vva vinaceis vacua.

Sarmentum, vel flagellum obruendum ex æquo diducito, lapilloque discuneabis à summo capite, hinc inde medullam omnem osseo stylo erodendo in parte illa, vel quam abscondet terra, vel quantum fieri possit alte excavato: subinde arcto vimine, vel papyro, diligenter alligato, humido, & præpingui solo, unam defodito scrobem, & deponito, illudque fixo ligetur calamo, ne possit intorqueri, sic compages una, ut prius coagmentatur, & præstabilius fuerit. si quantum sarmentum erit excavatum, intus scillæ bulbum demerseris, veluti enim glutino quodam adjungit, humore humectat, & calore fovet. Theophrastus. Uvas vinaceis vacuas faciunt detracta medulla palmitis, qua vinaceum gignitur. Columella. Ut uva sine vinaceis nascatur, malleolum scindi-

scindito, ita ne gemmæ lædantur, medullamque omnem eradito, tum demum in se compositum colligato, sic ne gemmas allidas, atque ita terra stercoreata deponito, & rigato; quum coles agere ceperit, sæpe & alte defodito, adulta vitis uvas sine vinaceis creabit. Palladius. Est pulchra species uvæ, quæ granis interioribus caret, hinc efficitur, ut summa jucunditate, sine impedimento sorberi possit, velut unum omnium corpus uvarum. Fit autem, Græcis authoribus, hac ratione, per artem succedente Natura. Sarmentum quod obruendum est, quantum latebit in terra, tantum sinderе debemus, & medulla omni sublata, ac diligenter exscalpta, membra iterū divisæ partibus adunare, & vinculo contricta deponere: vinculum tamen papyro asserunt esse faciendum, & sic in humida terra esse ponendum. Diligentius quidam sarmentum revinctum quantum excisum est, intra scillæ bulbum demergunt, cujus beneficio asserunt sata omnia comprehendere posse facilius. Plinius. In alio genere inventu novitio scinditur malleolus, medullaque crassa in se colliguntur ipsi caules, ita ut gemmis parcatur omni modo: tum malleolus in terra simo mista seritur, & quum spargere ceperit caules, deciditur, foditurque sæpius: talis uvæ acinos nihil intus ligni habituros Columella promittit, quum vivere semina ipsa perquam mirum sit, & medulla adempta, nasci. Sed profecto demiror istos, qui mirantur arborem vivere posse sine medulla, & credunt sine medulla palmyres procreare posse fructus sine acinis: Quum in conspectu omnium sit in villis degentium infinitas arbores sine medulla vivere, & quum impossibile fere sit arborem sine acinis fructum ferre, quum in acinis semen sit ad propagationem. Sic etiam efficies ex eodem Democrito

Punica, & cerasa sine ossē.

Si eodem modo earum virgulta medulla denudaveris. Africanus autem. Si exemeris, quemadmodum in uva, conspicuam medullæ partem, & fissum lignum obruas, & post tempus recideris supereminentem plantæ partem, quæ jam germen emisit, fructum ipsum sine granis punicea pro

ea producet, Idem Palladius ab eo excipiendo, describit. Itidem ut

*Cerasus sine interiori nucleo fructum
producat*

Demonstrat distinctius Martialis. Arborem teneram ad duos pedes recides, & eam usque ad radicem fines, medullam partis utriusque ferro curabis abradere, & statim utrasque partes in se vinculo stringes, & oblines fimo, & summam partem, & laterum divisuras, post annum cicatrix ducta solidatur: hanc arborem furculis, qui adhuc fructum non attulerint, inseris, & ut asserit, ex his sine ossibus poma nascuntur. Alii vero ut rem citius assequerentur, non arbores findebant novellas, sed adultis arboribus, perforatis truncis per medullam paxillum indebant, ut medullæ transitus impediretur, Vt itidem

Persica sine esse proveniant,

Africanus docet. Truncum arboris inferne perforato, & medulla excisa, salicis, aut corni paxillum impinges. Sunt vero scriptores, qui cultus ratione os imminuunt in fructu. Sancitum jam est in Agricultura, molle, riguum, & pingue pabulum omne ferum, & immite in urbanum permutare: urbanum est esse fructus cum molli nucleo, parvo, & dulci: sylvestre vero, quia siccus, & durius alimentum ex solo ministratur, plus ossis habere, & minus carnis. Poterimus ergo culturæ blandimentis nucleos minores, & teneriores reddere. Ad vitem redeundo,

Vt fiat vitis gigantis vacua.

Tempore, quo vites putantur, sarmentum fructiferum putatæ vitis in ipsa vite, quam possint, de alto sublata medulla excavant, non divisum, & calamo affixo alligant, ne possit inverti: tunc ὀπὸν χρυσάνθου quod Græci sic appellant, in excavata parte suffundunt, ex aqua prius ad sapæ pinguedinem resolutum, & hoc transactis octonibus diebus, semper renovant donec vites novella germina producat. Columella vero. Alii vites ipsas jam fructi-

Etiferas incidunt, & sarmenti fructiferi medullam auriscalpio erodunt quantum fieri possibile est, eam ex alto eximentes, sarmento non fisso, velut exindicatum est, sed integro dimisso, & laferis cyrenaici succum aqua dissolutum, aut ad sapæ spissitudinem coctum, infundunt & erecta sarmenta ad ridicas alligant, ne videlicet succus effluere possit, singulis autem octonis diebus succum eundem sarmento infundunt, donec germen emittat. Perbelle etiam

Myrtum sine interiori nucleo reddere

Si volumus, a Theophrasto habemus. Si ferventi aqua rigatur, meliorescit, & sine nucleo redditur, ut quidam asserunt: deprehensum hoc est fortuito, quum myrtus juxta balneum staret neglecta; ab hac enim vacua nucleo reddita semina petentes, ferebant, atque ita genus ejusmodi Athenis esse incepit. Didymus. Crebro aquæ tepentis imbre rigata myrtus, baccas sine internis nucleis creabit. Theophrastus etiam spurcicias pellium, urinamque myrto adhibendam, & congerendam: quum germina profiluerint; fructus enim ita redditur quasi sine interiori nucleo. Et punica sive interioribus acinis nascentur, apposito circa radices suillo stercore, talesque fructus creabunt.

CAPUT XIII.

Quomodo sine extimis coriis, vel putaminibus fructus produci possint.

ISD E M fere remediis, & artificiis, quibus in reddendis sine interiori nucleo fructibus usi sumus, utemur, ut nuces, & ejusmodi fructus, qui cute, & putaminibus integuntur, nudi, & omni tegmine orbati videantur. Et primo à medullæ ablatione. Ut

Nux sine putamine reddatur.

Quod docet Damageron. Si arborem penitus perforabis, & paxillum ulmeum pari magnitudine insiges; prohibet enim paxillus medullæ ascensum, per quam putant corticem creari. Palladius terebratæ radici palum de buxo imprimit, vel cuprinum clavum, vel ferreum. Sed cultus mangonio docet Theophrastus, ut

amy

amygdalæ, & castanea molliori tegmine integantur,

Si fructum præmollire, immutareque volumus, stercore suillo utemur, tale enim stercoſus è numero validiorum eſt. Crebra item foſſio facit, ut alimento meliori, uberioriſque tum ipſæ arbores vegetentur, tum fructus meliores afferant: nam & nuclei minores, & eorum, quæ ligno, cruſtave teguntur, ut amygdalæ, & nuces euboicæ tegmina iſta teneriora, inteſtina vero ampliora utique ſient. Quippe omnino alimenti copia humefacit, pulpaſque auget fructus. Palladius vero calida aqua radicibus amygdali per dies aliquot ante florem ablaqueatis ingeſta, teneras nuces creari promittit. Si vis

Vt nux tarentina fiat.

Damageron idem demonſtrat. Tenuem corticem, & fructum facilem acquireret nux, ſimiliter & amygdala: ſi cinerem aſſidue trunco, & radicibus aſſuderis. Immo in reliquis fructuum generibus, quæ teſtam forinſecus habent, ſi juxta eundem modum fuerint culta. Palladius ſi nucem tarentinam facere volueris, lixivio per annum continuum ter rigabis in menſe, & habebis, dicit. Alii arbores caſtigando, earum radicum ſumma præcidunt. Vel ſi dura nux & nodoſa, cortex circumcidendus erit, ut vitium mali deducat humoris, ex Damageronte: Cujus ratio eſt, quod ſicut medullam tollendo, nucleos interiores emendabamus, ſic corticem incidendo, & lancinando, corticem, vel putamina mollia reddimus, reſpondet medulla oſſi, ut cortex putamini. Idque alio exemplo obſervavimus: nam perſico ſupra amaram amygdalam inſito, erat cortex amarus, ut non niſi eo emundato veſci poſſent. Hoc ſecreto in aliis utitor. Hanc in noſtro viridario conſitam habemus corio tam fragili, & membranaceo, ut vix attrectata, ſpolium decidat, & nuda remaneat. Florentinus

Amygdalam ſine putamine reddere

Sic tentat. Contraſta nucis teſta, internum nucleum illæſum conſervato, & ipſi lanam, aut recentia vitis, aut platanii folia circumdato, ne nudus expoſitus fructus à formicis erodatur. Alio artificio docet Columella

Avel-

Avellanam nucem tarentinam facere,

Inquiens. In qua scrobe destinaveris nuces serere, in ea terram minutam pro modo semipedis ponito, ibique semen ferulæ depangito. quum ferula fuerit enata, eam sindito, & in medulla ejus sine putamine nucem græcam, aut avellanam abscondito, & ita adobruito; hoc ante calendas martias facito, vel inter nonas, & idus martias. Alio quoque artificio efficitur, ut

Cucurbita fructus sine intestinis seminibus ferat

Ex Quintiliorum doctrina. Cucurbita semen non alet, si primum sarmentum, vel virgultum cucurbitæ ubi increverit, vitium more in terram defodies; ut solum ejus caput exertum promineat, rursusque quum adoleverit, exaggeretur: sed danda est opera, ut quæ adnascentur propagines, rescentur, tertio tantum relicto; ita enati fructus, sive cucurbitæ, sive cucumeres, sine intestinis seminibus erunt. Sine semine etiam nascentur, si per triduum antea spargenda semina, oleo sasamino macerentur: ita quidem prolem seminibus orbam parient.

CAPUT XIII.

Ut fructus diversos colores adsciscant.

TRACTABIMUS quomodo fructibus colores conciliemus. Ad hunc unum effectum producendum multæ sunt viæ, ut insitiones nunquam satis memoratæ & laudatæ, rigationes, & alia artificia. Ab insitionibus auspicemur: videlicet si velimus fructum aliquo colore insignitum producere, illum super arborem inferemus quæsi succi uberem: ut si velimus

Mala fiant rubra.

Inferantur mali in platanum, & rubra producent mala, ex Diophane, Didymo, & Palladio. Eodem modo

Rhodacena rubicunda producere

Poterimus, si in eandem arborem rhodacena inferemus, ex Africano: nam ex ea rubicunda rhodacena nascentur. Ab eo Palladius rhodacena rubescere scribit, si platano inserta figantur. Si quæris

Citria.

Citria nasci punicea,

Docet Avicenna : si eam ipsam in punicam inserimus, talia poma dare, nam posse citrium in punicam inseri jam diximus. Quomodo autem

Citria sanguinea nascantur,

Florentinus docet. Citria in morum inserere, & citria fiunt rubra. Quod & à Diophane comprobatur. Sic

Pyra rubra nasci

Qui velit, in eandem morum inserat : nam Tarentino & Diophane testibus, rubicunda nascentur pyra. Et

Alba siens rubra evadet,

Si ipsam in eandem inserueris, ex Diophane. Eadem insitione nascentur

Mala rubore sanguineo infecta,

Qui color sanguineus ex mori insitu tractus, ut docet Avicenna. Sed Beritius, & Diophanes scripserunt, morum, à quo omnia mala rubra fiunt, si vis

Morum albos fructus efficere,

In albam populum inseras, nam albus eveniet fructus. Sed Palladius non albæ populo inserit, ut

Morus candidos fructus ferat,

Sed ficis, & ex eo insitu ejusmodi candidum colorem sortiri, ut docet in versibus.

Persuadet moris tetrum mutare colorem

Ficus, & invasit dat sua jura comis.

Nos ex his vidimus.

Vitem albam rubrum vinum efficere.

Si albam in nigram inserueris: nam ex subiecta arbore colorem aliquantulum evariabit, ut in apianis uvis vidi, & græcis nobis dictis, nam vites super vites *ellanicas* dictas insitæ, vinum nigriusculum protulerunt, & iterata insitione nigrius evadet. In Vesuvio monte amineæ vites super dictas insitæ, vinum reliquis coloratius producant.

Poma rubra nascantur

Si vis, sed cultus mangonio, scilicet ex objectu pinguium, & calidorum. Duo enim sunt colorum elemen-

ta, album, & nigrum, sive rubrum, cultus efficit pingua obijciendo, ut omnis flos, sive fructus si ruber erit, flagrantior fiat & obscuriore vireat purpura. negligentia vero quæ nigra, rubra, vel colorata sunt, remissius niteant, & exalbescant, languidius enim colores nitentes, candidiores sunt. Beritius igitur urinæ rigatu facit ut poma rubescant. Sed Didymus

Vt punica rubicundiora fiant,

Aqua cum lixivio balnearum permixta, arborem irrigat
Sed alio artificio effieies

Mala rubro colore inficiantur;

Quia, quæ soli obversa sunt mala, rubrum ab eo colorem concipiunt: Ut major fiat Solis reflexio in malis, hoc utitur Beritius artificio palos in terram depangit, & incurvatos ramos, qui fructum habent, citra conquassationem palis religat, & serobes in propinquo ipsorum, aut vasa aqua implet coniectatione facta ut in Meridie Solis splendor in aquam illabens, & calidum vaporem remittens, & per refractionem in fructum incidens, coloris bonitatem, & rudedinem operetur. Alio artificio, vel potius vi occulta,

Mala rubra reddere

Conatur Beritius, rosas seminando sub ipsius planta; hoc modo rubicundum colorem conciliantes. Democritus non mala, sed

Rhodacena rubra facere

Promittit, iisdem rosis sub ejus planta consitis. Eveniet quoque ut semina coloribus imbibendo, vel in macerationibus colorata, & consita, fructus ejusmodi coloribus insignitos reddant. Exemplum.

Persica colorata reddere

Potest cinnabaris: Si obrutum persici os post dies septem detraxeris, in his enim diebus sua sponte aperitur, & cinnabarim intra ossiculum infuderis, & hoc ipsum rursus obrutum cura & diligentia dignatus fueris, inde rubra persica habebis. Fortassis etiam si alium colorem infundere libuerit, eundem quoque similiter semini affricabis, ex

Demo-

Democrito. Apud nos prævalet rumor, & si magis veritati consonum.

Vi persica sanguinea efficiantur,

Si in vivam jam plantatam, & perforatam pastinacam, quam à sanguineo colore *carotam* vocant, persici amygdalam incluseris, & inde enatus coliculus, diligentia foveatur, educeturque ut adolescat, qui cruentos dabit fructus, Eodem modo si vis

Candida in Punico grana nasci,

Palladius, Martialis autoritate docet. Si argillæ & cretæ quartam partem gypsi misceas, & toto triennio hoc genus terræ radicibus ejus adjungas. Si quis optat

Melones sanguinei coloris,

Si melonum semina, priusquam plantentur, in aliquo sanguineo succo maceraveris. triduo vel quatrduo, facile eveniet. Vel si feminis corium paululum aperueris ut succum recipiat rosarum rubearum, garyophyllorum, mororum rubi, vel aliorum, ne sit noxius feminibus: atque ita conijcimus. qui apud nos reperiuntur melones sanguinei, esse effectos. Ex his pendet modus, quo

Inscripta persica nascantur.

Affirmantibus Græcis, persicus scripta nasceretur, si ossa ejus obruas, & post dies septem, ubi patefieri cœperint, apertis his nucleos tollas, & his cinnabari quod libebit, inscribas. mox ligatos simul cum suis ossibus, obruas diligentius adhzrentes. Sed quia à Sole contracta olera colorata, ut diximus, fiunt, nunc ab eo recondendo alba redduntur.

Lactuca quomodo candida fiat,

Florentinus docet. Si vero & bona specie habere velis lactucas, duobus diebus antequam eas ablaturus es, comas ipsarum, hoc est, supremam partem ligato, sic enim albæ & speciosæ erunt. Inalbat enim ipsas arena infusa. Et apud nos

Cardui albi fiunt,

Eodem modo, quem, diximus: Et si vis

Betas albiores reddere.

Radices ipsas fimo bubulo recenti intege : & quemadmodum de porro diximus, germen finde, & lapidem latum, aut testam impone, ex Sotione. Sed

Intuba alba reddere

Columella monet, quum folia fuderunt, summam tenui ligamento vincies, & fictili vasculo hærente super, conduntur, & candorem recipiunt. Alii leviori sumptu contenti terra obruunt. Holiores nostri sabulo obruentes, mirum in modum candida efficiunt. Si quis voluerit

Asparagos albos facere,

Quum primum è terra pulluant, in pertusam harundinem imponas, & quum velis detegas.

CAPUT XV.

Quomodo florum colores itidem mutantur.

IN promiscuo florum coitu, & metamorphosi, adeo versi colores jucundis oblectantur coloribus, ut nil delectabilius oculis occurreret nostris, nunc qui saturata rutilant purpura, in cœruleum commeent, nunc qui lactea, in luteum languescant, viridem, phœniceum, ac diversorum colorum commistū delectent, in quorum contemplatione mentis acies amœno demulcetur fructu, rerumque obruta magnitudine miratur, ut percipiendæ excellentiæ multo inferior conspiciatur. Ob id regulas apponemus, quomodo in floribus etiam colores mutemus. Quod in fructibus fecimus, idem in floribus faciendum censemus. Et primo insitione faciemus, ut

Garyophylli flores purpurei, & albi in cœruleum commeent.

Intubum, vel cyanum, vel buglossum, sed melius intubum erraticum, antiquum, crassum pollicarem excedentem magnitudinem, radice tenui secamus, ac per medium findimus, ut in encentrismo, & sobolem floris radice vulsam insigimus, vimine constringimus, ac terram putri fimo circumaggeramus, sic florem parit, qui cyaneo blan-

blanditur colore, quo nil gratius oculis visitur. Sic spondent amici; nobis tamen, multoties periclitantibus non comprehendit ex voto. Provenit vero halurgus colore, soboles alborum in pastinacam rubram excavatam indita, & terris obruta vindemiis. Poteris flores albos puniceos reddere: si eodem argumento in anchusæ radicem insiges, sic purpureum in puniceum deficientem reddes. Si vis

Jasmes & rosa flavescant.

Quia genistæ flos inter cæteros maxime flavus enitet, nos cum rosa, & jasme æmulari quærimus, per insitionem efficiemus: & si non tam jugabilis societas per infoliationem, hoc modo per terebrationem agemus. Rosam, vel jasminum juxta genistam serimus, eas cum genitali terra transferimus, adeo libentius in sinu parentis, quam novæ adolefcunt, ac terebramus plantam, quumque plagam purgaverimus, rosam undique abrasam inserimus, luto circumlinimus, & ligamus: mox ubi crescentis trunci vi fuerit coercita, à radice separabimus, & supra insitionem truncum rescindimus, sic rosa non illepida venustate deflavescet, & jasme. Hæ plantæ apud nos, adeo hoc eleganti, ementitoque colore relucet, ut oculorum aciem præstringant. Hunc colorem radicibus infundendo alio artificio flores colorabimus. Si placet

Lilia ut rubescant,

Docebimus, & prius docuit Florentinus. Si bulbi diligenter aperiantur, ibique affatim cinnabaris infundatur, vel aliud. maximeque eo satientur intinctu, sedulus tamen esto ne bulbos laucies, & pingui, & stercoreato solo operire, sic purpureos flores dabunt lilia. Simili fere modo Anatolius docet

Lilia purpurea facere,

Dum florent, cauliculos ipsorum acceptos decem, aut duodecim simul colligato, & super fumum suspendito, remittunt enim ex caulibus radículas parvas, similitudine bulborum, ubi igitur plantandi tempus advenit: cauliculos ipsos in facem vini nigri immisos macerato, donec purpurea, & probè tincta apparuerint tibi,

hæc distrahe , dein hoc modo plantato singulis fæce sufficienter affusa, atque lilia sic inde producta purpurea florebunt. Cassianus taliter etiam nritur

Hederam albam producere.

Albos corymbos produceret hedera, si terra alba macerata, & hederæ radicibus infusa per dies octonos. Cultu eadem efficiemus , quæ in fructibus diximus : nam pingui latamine objecto , flores semper magis colorantur , ut nigrescant, ut sæpe garyophyllos nigros fecerimus, contra vero

Rosa, garyophylli, & leucoia exalbescunt ,

Si neglectu utaris, neque irrigando , neque transplantando , fodiendo , aut latamen injiciendo ; hoc enim modo in sylvis oblita, authore Theophrasto, non solum ejusmodi flores , sed omnes fere exalbescunt , sed admodum quoque ab his diverso artificio , rosas , dum aperiri incipiunt, & garyophyllos si sulphure suffumigabis, è vestigio albas habebis , ex Didymo. Rosa alba , si super ciccris rorem conteres, rubra eveniet.

C A P U T XVI.

Fructus & flores quomodo odoratiores fieri possint.

SI coloris lenocinio fructus, & flores placuerunt, nunc odoris fragrantia non erunt spernendi , quod variis modis exequemur, insitione , irrigatione , aliisque artificiiis: Ac exempli causa doceamus

Limonæ odoratos reddere.

Si limonum genus illud minimum, vulgo *limoncillo piccolo* vocatum in citrium inferemus , à subjecto trunco maximum suscipiet odorem , & quanto pluries insitionem supra eundem reiteraveris, eo suavius odorem vibrabis, nobis continua experientia probatum in Neapolitanis hortis. Sic &

Pyra suavius redolentia facere

Data nobis erit facultas , si supra cotoneam inferemus, nam jucundissimum odorem gratius spirabunt. Sed Diophanes

Mala odoratiora fieri

Spondet

Spondet, si inferantur in cotoneam sierique pulcherrima mala, quæ Athenis melimela appellantur. Ex iterata suspicor insitione mali supra cotoneum malum illud provenisse, quod ab insigni cotoneorum odore *malum apium* dicimus, atque hoc modo Claudium Appium repperisse. Eodemque exemplo apud nos sunt magna & rubra, & ferruginei coloris, quæ sunt ejusdem odoris, nec alio potuit artificio consequi. Sic reddidimus

Centifoliam rosam odoratam; reddere

Si tu quæris, rosæ inferere, quam a miro moschati odoris effluvio maschatulam dicunt, sed sæpe insitiones reiterando, sic non minus forma, foliorum numero, quam odore oblectatur. Inoculatione optime apprehendit, & citissime proficit. Paulo longe ab hoc artificio possumus

Vites unguentarias facere.

Sicut docet Paxamus. Si velis regionem bono odore implere, sarmenta dum plantantur, fissa unguento expleto, velut jam antea est dictum. Præstat tamen unguento sarmenta rigare, atque ita inferere aut plantare. Nos leviori artificio furculo inferendo, moscho delinimus, vel aliquantisper in aqua rosacea maceramus, ubi aliquid moschi fuerit dissolutum. Sic etiam

Limones cinnamomi odore fragantes reddere

otuius cinnamomi oleo, vel essentia delibutis furculis inferendis, atque diligentia maxima adjutis: quod genus apud nos usitatum, vocatque vulgus *limoncello incannellato*. Est & aliud artificio, quo semina fructuum odoratos habeamus, & aromaticos. Ut si velimus

Cinaras odoratas reddere,

Ut Cassianus ex Varrone tradit. Semen ipsarum in rosarum, aut liliorum, aut lauri, aut aliquo alio succo per triduum maceratum sic terræ mandaveris. Laureas porro facies cinaras, & accepto lauri fructu, eoque perforato, semen cinaræ in cavernam immiseris, atque sic plantaveris. Palladius ab eo. Item si semina eorum madefeceris per triduum laurino oleo, vel nardino, vel opobalsamo, vel

succo rosæ, vel masticino, & postea siccata deprefferis, ejusmodi saporis orientur, cujus unguentum semina com-
biberint. Facit Florentinus hoc modo

Melopepones rosarum fragrantiam spirare.

Semina eorum cum rosis aridis deponendo, & mista plan-
tando. Nos moschi odorem redolentes reddimus, aperta
parte illa, qua pullulat semen, in rosacea stillatitia aqua,
in qua moschum dissolutum fuerat, maceravimus per bi-
dium, & sic servimus. Sic etiam fecimus

Vt lactuca odorata nascatur.

Lactucæ semen, in citrii semen impositum, & sic satum.
Eodem modo

Garyophyllorum odoratos nasci flores.

Disces, si eorum semina in garyophyllorum pulverem, vel
oleū, vel stillatitiam aquam imponantur, ac plantentur, sic
flores garyophyllorum odorem recipient: atque hoc artis
mangonio vulgares flores in lucem productos existimo,
nam revera & sylvestres, & minimi vulgo passim nascun-
tur in odori; & holitores, vel semine in garyophyllorum
aquis, vel oleo madefacto, vel radicibus garyophyllis
transactis, & plantatis, ejusmodi odorem recepisse. Addi-
mus his modum

Allia ne fœteant,

Si allia ferantur, & extrahantur Luna sub terra existente,
odoris fœditate carebunt, ex Sorione. Et

Rosæ odoratiores reddere

Poteris, si juxta eas allia servueris: ex Theophrasto.

CAPUT XVII.

*Quomodo fructibus suavitatem, & dulcedinem
conciliemus.*

NONNULLÆ sunt arbores, quæ caudicis fissione
mutilationeque aliqua, subito aëris, advenique ca-
loris intrusu pereunt; corruptione enim ad ima descen-
dente contabescunt, & exarescunt illico: sunt præterea
multæ, quæ non solum plagam, sed caudicis fissionem, te-
rebrationemque sustinent, & ex pauciferis, multiferæ
redduntur, uti punica, amygdala, malus, quibus maxime
utimur:

utimur : vulneratæ enim meliorem , suavioremque deferunt fructum ; alimentum enim quantum sufficit caplunt, indeque noxium desudant humorem (ut in animalibus sæpenumero perspicere licet) & reliquum facilius concoquunt, dulciores reddunt, & speciosiores proferunt succos : quum enim tenui vivant compage , discissas , & disjectas partes facile comprimunt, & coagmentant. Nos primo inferendo, mox terebrando , vel scindendo , aliisque modis dulciores fructus reddemus, Insitione

Cerasa laurea facere

Possumus : diximus enim plantarum vitia emendare , & dotes aliquas addere insitione. nam si fructus nimia dulcedine respuitur, inferendo supra arborem amariusculam, ex ea miscella fiet fructus sapidiusculus. Plinius cerasum supra laurum inferi, & inde nasci cerasa laurea dixit. Palladius :

Inferitur lauro cerasus, partuque coacto.

Tingit adoptivus virginis ora pudor

Nostri temporibus Neapoli prodire quæ laureavocantur , non ingrata amaritudinis , nobilissimum genus , & cætera longe superans , magnitudine perspicua , colore sanguineo succosa , inest in maxima dulcedine amariusculus quidam sapor, unde fit ne nimia acerbitate respuantur, nec maxima dulcedine fastidium pariant. Fiunt &

Mala dulcia ex cotonei insitione.

Si malum in cotoneam inserueris, saporem melleum contrahent , apud Athenienses melimela dicta , quasi mellis saporis , ex Diophane. Nunc Agriculturæ ope trademus quomodo fructus dulciores fiant , truncum scilicet perforando , circumscarificando , aliisque castigationibus , ut agricolæ vocare solent , sic noxium humorem & superfluum desudando , dulcescunt. Exemplum erit , si

Amygdale ut dulcem fructum faciant

Vetus . Aristoteles docet : clavum confixum amygdalæ , ut gummi per multum tempus distillet , urbanam reddi .

& per hoc artificium sylvestres arbores fiunt domesticæ. Theophrastus. si quis stipite circumfosso, & ab ima parte perforato mensura dodrantali, undique lachrimam effluentem desfluere sinat, dulcescet: amygdala enim perforata, castigatur, si paxillo deciso humorem influentem abstergas. idque biennio, vel triennio facias dulcem ex amara efficies, Amaror enim ex nimia alimenti copia provenit, humorumque ubertate, quod perforatu castigatur, nam illo liberata humore, in melioris & suavioris fructus fertilitatem transit, reliquus humor facilius concoqui potest. Africanus ex amaris dulces fieri assermat, si circumfosso stipite, quatuor digitis à radice cavernula imprimitur, per quam noxium desudet humorem. Plinius. Amygdalæ ex amaris dulces fiunt, circumfosso stipite, & ab ima parte perforato, desfluens pituita abstergetur. Sed sunt, qui in cavernam illam, ne ociosa interim maneat, mel injiciunt. putant enim per medullam, quasi per sphonem usque ad fructus adduci. Exemplum erit si volumus

Citria dulcia facere.

Pomum id non mandi solitum Theophrasti ætate, nec Athenæi avorum memoria, ut idem refert, nec Plinii tempore: unde Palladius medullas ejus acres in dulces mutare docuit. Cujus verba hæc. Feruntur acres medullas mutare dulcibus, si per triduum aqua mulsæ semina ponenda macerentur, vel ovillo lacte, quod præstat. Aliqui mense Februario truncum obliquo foramine ab imo terebrant, ita ut altera parte non exeat, & ex hoc humorem fluere permittunt, donec poma formentur, tunc foramen luto replent, sic quod est medium fieri dulce confirmant. Id Pontanus in suis Hesperidum hortis.

*Quo non ars penetrat? Palmes cadatur, & ipse
Crassior, in palmumque cavetur, & undique labris
In girum ductis, nec pollice crassius. Illuc
Inser mella liquata, & grandi contege saxo,
Quod Solem avertat. Postquam arida suxerit arbor
Inclusum humorem, & sitiens nova pocula gliscit,
Mella cavo iramersans flarentibus imbue rivis
Rursus, & evacuat Thymbræo nectare cellam*

Disten.

*Diffende, ac latices humano ē corpore suos
Mollibus irrota radicibus. Interea ne
Neglige frondosas toto destipite gemmas
Vellere, morsopius ni qua liquor implet, & ipsa
Labra trabunt dulcem mulsi de fonte liquorem.*

Vt amygdale dulces ex amaris fiant.

Palladius medium truncum terebrat, & ligni cuneum melle oblitum imprimit.

Cucumeres ut dulces fiant.

Si semina maceraveris dulceibus, dum ea combibunt, dulces afferent fructus. Theophrastus dulces cucumeres efficere docet, si semen, prius quam seratur lacte vel melicrato maceretur. Columella: Cucumis tener, & jucundissimus fiet, si antequam seras, semen ejus lacte maceres. Nonnulli etiam quo dulcior existat, aqua mulsa idem faciunt. Ab his Plinius, & Palladius,

Vt dulces proveniant cinare.

Si cardui semina lacte & melle maduerint, & desiccata ponantur, humorum dulcedinem contrahent. Cassianus ex Varrone. Sic

Feniculum dulce proveniet.

Si ejus semina mulso & lacte macerata serantur, dulciores suo tempore fructus proferent. Vel si semen aridis sicibus indatur, & seratur. Itidem

Melones dulciores fieri

Docet Palladius: semina ejus mulso, & lacte per triduum maceranda sunt, & tunc jam siccata ponenda, hinc suaves efficiuntur.

Lactucæ dulcescunt

Si quis vesperi mulso vino rigabit, coque dum satis ebibant, satientur potu per triduum, dulces habebit, quod ex Athenæo Aristoxenus Cyrenæus edocuit. Ut

Radicula dulcis reddatur,

Semina die, ac nocte melle macerabis, aut passo, ex Palladio, & Florentino. Raphani dulces erunt, quorum semen vino mulso, aut uvarum passarum succo fuerit maceratum

ratum. Possumus & cultus mangonio aliter facere, ut fructus dulcescant, si acidi, vel amari fuerint, calidas aquas, stercora, amurcas, & similia radicibus objiciendo. Ut si velimus

Amygdalam amaram dulcem efficere,

Nos acria objicimus radicibus, ut eorum caliditate melius concoquant, & fructum dulciorem proferant. Theophrastus. Si stercoribus nonnullis & validioribus utemur, ceu suillo, amygdalæ ex amaris in dulces transeunt, sed amygdala triennio post mutatur, cultum enim per tantum temporis adhiberi par est. Africanus. Si circa radices aperta urina, vel suillum stercus diffunditur, dulcior efficitur. Quintilii ex Aristotele. Martio mense amygdalarum radicibus suillum stercus imponunt: nam ex amaris faciunt dulces. Et Palladius circa radices suillum stercus affundit. Eodem modo possunt

Punica acria dulcem fructum ferre

Ex acidis, amarisque in dulces transeunt. Docet Aristoteles libro de plantis. Mala granata stercore porcino radicibus injecto, ac frigida aqua dulci rigata meliorescunt, & dulciora fiunt. Theophrastus. Punicarum radicibus ingratatur urina, vel pellium fæces, non tamen multum: earum enim radices remorderi desiderant, idque diutius tertio quoque anno, ut in amygdalis diximus, nam radices punicæ plus temporis persistunt. Causa est peculiaris mollities, quæ radicibus exhibetur. Stercus enim suillum, vel quod vim proximam illi obtinet, radicibus punicarum superinjectum dulcorat succum, quin etiam copia, & frigiditate aquæ mutationem afferri aliquam dicitur. Paxamus radices arboris circumfodi jubet, & stercus suillum injici, ac superinjecta terra hominis urina irrigari. Columella. Si punica acidum, aut minus dulcem fructum ferat, hoc modo emendari jubet. Stercore suillo, & humano, & lotio humano veteri radices rigato, ea res in primitivis annis fructum vinosum, postea vero & dulcem, & apyrenum facit. Plinius ab eis eadem refert.

Malus dulcescit.

Ex Anatolio. Gaudet enim valde malus urina, & hac assidue

due est irriganda. Quidam stercus caprinum apposuerunt, & vini veteris facem radicibus affundunt, dulciorem fructum efficientes. Theophrastus, si malus verna ferventi aqua rigetur, meliorescit, ait. Eadem herbis adhibita dulciores redduntur, exemplo erit

Vt intuba dulcescant.

Multa sunt, quæ falsis aquis rigata suum amarorem depouunt, & dulcedinem adsciscunt, Theophrastus ut intuba aniarorem exuant, falsis aquis rigari jubet, vel falsis locis conseri debere. Idem

Vt brassica suavior reddatur,

Evenit. Et ideo Ægyptii, nitro aqua permisto, brassicam aspergunt, ut dulcior evadat, qua de causa falsis locis facta optima est: acorem enim; & brassicæ insitam falsuginem eluit. Idemque ut

Beta dulcior evadat,

Salsis aquis irrigat, & sic meliorem evadere putat, & ab eo eadem Plinius refert. Tandem

Eruca suavior efficitur,

Si falsis aquis rigatur, & esculentiora promit folia. Alio utuntur cultus artificio, ut olera suaviora esu prodeant, caules recidendo. Ut igitur

Ocimum suavius nascatur.

Caulem recidunt, nam dulciores, suavioresque à regeneratione caules sunt, causamque evidentissimam offert Theophrastus. Eadem ratione

Lactucam suavius regerminare,

Theophrastus etiam post primorum caulium decerptionem, suaviores haberi, qui primo pullulatu prodeunt, priores illos lactuosos, & insuaves esse, utpote minus concoctos, secundi vero suaviores sentiri, quandiu teneri. Eadem ratione

Porrum dulcius evadere

Tradit idem, si consum reconsumque germinaverit: cujus causam libro de causis reddidit, debilis enim prima germinatio existit. Idem de aliis oleribus faciendum censeo,

cenſeo. , nam recifio omnibus fere ſuavitatem ſecundis caulibus affert. Nunc & variis artifiſciis cultus ſuaviora olera reddemus. Credidit Sotior

Allia dulceſcere.

Suavioremque ſaporem contrahere, quorum fractæ ſpicæ ſerantur, vel quæ in pangendo olearum fraces admiferint. Altero ſatis diverſo artifiſcio

Cæpæ ut ſuavitatem recipiant ,

Conſiciemus , ſi conſideraverimus . quod quædam ſunt mutux naturarum diſcordiæ, & amicitix, quæ ſe mutuo adjuvant , & ſe invicem perdunt. Nuceſ ſi cum cæpîs miſtæ ſerventur, diutius aſſervantur , quibus hanc viciffitudinem reddunt, ut ejus acridinem tollant, ex Palladio.

C A P U T XVIII.

Ut creſcentes fructus figuras omnes , vel impreſſiones capiant.

MULTA fortuitus commonſtrat caſus (uti citria sæpe videmus ramorum, foraminum, celatarumque rerum occuſſu variis ſcatere imaginibus, impreſſionibus, & ſigillis) quæ ab ingenio pollentibus non parvo augentur labore , ſactoque frequenter periculo , accommodantur uſui. Unde carmen.

Ipfæ novæ artes, varia experientia rerum,

Et labor oſtendit miſeris uſuſque magiſter.

Et cum pleroſque cauſa lateat, plurimum miraculi conſiderantibus ingerunt , ut præter Naturæ normam eveniſſe cenſeantur : nam ſi teſtacea vaſa creſcentibus pomis accommodaveris, valide adoleſcentes typos replent, & formam induent, quam voles , & ſi qui fuerint pinſiti colores, lociſque debitis coacervati, fructus uti naturales inſiciunt. Unde sæpe viſitur hominiſ caput in chryſomeliſ, eandem dentibus, purpuraſcentibus geniſ, nigreſcentibus oculiſ, ut omni virore omiſſo , humanum imitentur caput. Sed conſiciendi hinc patet Africani

Modus, quo humani capitiſ formam citrium induat imaginem,

Vel equi , vel aliorum animalium , magnitudine perfecti fru-

fructus, argilla, gypso molli, ac sicciscente formabis, & styli acie findito, ut archetypum ejicias, ut iterum possint apte conjungi. Si lignea erit persona sit intus excavata, si ex argilla, ubi torrueris, & fructus validi sunt incrementi, fistilibus typis (aperto loco, quo petiolus intro-mittantur) claudantur, ac fortí ligentur vimine, ne pomi auctu aperiantur, idque ab ipsis eorum incunabulis, & in eam adolescere ubi impetraveris, & ad debitam fructus fuerit restitutus magnitudinem figuras & effigies dabit, quas effingere placuit. Idem supra ex Florentino docuimus. Pontanus eodem artificio.

*Sin forte in varias juvet & deducere formas
Nascentem citrium, mutato & corpore mala:
Tu faciem è ligno, argillæ aut de cespite ductam
Subjice, & infantem tenerum nutricis amato
Conde sinu, paulatim artus formabit, & inde
Ducet inumbratos signatos in corpore vultus,*

*Punica, pyra, malave omnia ut formam
omnem accipiant*

Faciemus, & omnes figuras circumdatas accipient, si eadem cura & diligentia, quas supra diximus digneris: ex eodem authore. In summa hoc dicatur, fructus omnes pomorum in animalium formas exprimendas coget, quisquis in formas exsculptas impositos, & inclusos augescere permittet. Sic &

Cotonea ut animalium formam accipiant

Ex Democrito, si in formas typorum indita augescere in ipsis permiseris. Sed leviori quippe artificio

*Cucumeres in quancunque velis formam
transfigurare*

Poteris, si testacea vasa feceris, eisque parvis adhuc circumposita obligaveris, formas enim, & characteres implebunt. Quare & harundine in longum septa, excavataque, & circumposita, si in eam cucumerem, aut cucurbitam, dum adhuc parva est, immiseris, augescens per omnem longitudinem harundinem explebit. Plinius, crescunt cucumeres qua coguntur forma, plerunque & draconis intorti figura. Cucurbita omni modo fastigia-

stigiatur, vaginis maxime vitilibus, coniecta in eas, post, quam defloruerit. Quod si cucurbitam inter quos discos compressam apposueris, in orbem planum excresecet, & maxime figuras præstat omnes, quibus cogitur. Lagenariæ sient cucurbitæ, sive turbinata pyri forma, si arcte funiculum illigabis in ea parte, quam angustam desiderabis, adultas sices, & inanes, & cum peregre proficisceris, urceorum vice uti poteris, quo te in via à siti vendicare possis. Inde quoque dicimus, qui nam fiat

Amygdala, ut inscripta nascatur.

Amygdalam biduo, vel triduo macerato, inde leviter testam confringito, ne lædatur nucleus, & in eo quicquid libuerit, aliquantulum profunde scribito, inde claudantur papyro, vel lineo devolvantur panno, ac luto circumlito, stercore fœcundato, & adulta inscriptos dabit fructus, ex Africano. Eodemque modo

Persica inscripta nascuntur

Ex Democrito, postquam rhodaceni fructum comederis, ossiculum ad dies duos, sive tres macerato, ac leviter aperito, & apertum intra os amygdalam, sive nucleum accipito, & in ejus cortice stylo æreo inscribito, quicquid tamen libuerit, non profunde, deinde papyro involutum plantato, quicquid sane in amygdala inscripseris, hoc ipsum in fructu reperies. Sed

Ficus inscripta nascetur,

Si quis alterius rei effigiem in ficulneum oculum conscribat, hac specie prodibunt insignita. Vel osseo, vel ligneo stylo in ficulneum oculum, vel primum ficus rudimentum scribat. cumque creverit pomum, dabit iisdem imaginibus insignitum. Nos excocto gypso, ac liquidiore aqua redacto, supra cydonii mali, vel punici cortices notas graphio descripsimus, & cum ad debitam ipsa pervenerunt magnitudinem, graphidis vestigia adhuc extabant, & refricata nobis fuerunt conspicua. Nunc autem superesse video

Mandragoræ fingere

Factitiam illam, quæ sæpe mulierculis ab impostoribus, & circulatoribus venditur. Brionæ radicem habeto ingentem,

gentem, acutaque scalpri acie fœminam, vel virum effingito, adjectis genitalibus, quum absolutam noveris, inguina, vel pilorum loca stylo perforato, ibi milium, vel aliud condito, quo radículas projiciens pilos imitetur, brevique effossa scrobe tandiu ibi finito, quandiu & cortice quodam induta fuerit, & radículas projecit illas.

CAPUT XIX.

Vt fructus omnes teneriores, pulchriores, ac latiori forma reniteant,

TANDEM ne quid omittamus, quamplures conscribemus culturæ modos, circa fructus, & herbas, ut non solum dulciores, majores, teneriores, sapidiore, sed elegantiori forma reniteant, & hilarius coruscent. Et primo

Vt malus meliorescat, & myrtus.

Tradit Theophrastus: Si aqua ferventi rigentur, meliorescunt, ut myrtus etiam interiori nucleo vacua reddatur. Idque fortuito deprehensum, dum juxta balneum neglectæ starent. Si vero vis

Ficus latiores germinent.

Columella demonstrat. ut feraciores arbores, & firmiores sint, ita facito. Quum frondere cœperint cacumina fici, ferro summa prodest amputare, ac semper conveniet, simulatque folia agere cœperit ficus. rubricam amurca dilutam, & cum stercore humano ad radices infundere: & ea res efficit uberiolem fructum, & sœctum fici pleniorrem, ac meliorem. Aquo Plinius, & Palladius. Quum folia incipiunt producere fici, ut fructum multum, & pinguem ferant, in principio germinis cacumina summa decutiamus, vel illud tantum cacumen, quod ex arboris medietate procedit. Palladius

Morum feracem, latioremq; fieri

Aliquos tradidisse scribit, si perforato hinc inde trunco, singulis cuneos inferam foraminibus, terebinthi hinc, inde lentisci. Pollicetur Didymus

Palmas & prunos proceriusadolescere,

Colata

Colata vini veteris fæce, & radicibus affusa. Iuvare quoque aspersa itidem sale. Si vis

Myrtus latiori coma vireat,

Ex Didymo habebis, uberioremque fructum pariet, si ei comes rosa jungatur: & cum myrto consortium iniens rosa, fructuosior emicabit. Sic

Ruta latior & tenerior profiliet,

Si fico inferatur, optimamque fieri tradidit Theophrastus: cortici infixam ferendo, & terra occultando. A quo Plutarchus in Symposiacis, & Plinius: eam solam rutam commendat Dioscorides, quæ prope arborem fici subnascatur. Aristoteles in Problematis causam percontatur. Tandem amicitia tanta est ei cum fico, ut nusquam latior proveniat, quam sub ejus arbore. Si vis

Cinara ne spinis horreant,

Si cacumina feminis hebetaveris ad lapidem detrita, ex Varrone.

Vt lactuca tenera & sessilis fiat,

Palladius teneram fieri pollicetur, si loci, temporis, aut feminis vitio obduruerit, si è terra avellatur, ac denuo ponatur. Vt sessilis fiat, & quodammodo in latitudinem se diffundat. Columella docet. Quum aliquod incrementum lactuca habuerit, exiguum testam media parte accipiat, & eo quasi onere coercita, in latitudinem se diffundit. Plinius, serpetiam radices illitas fimo interest, & repleri ablaqueata humo. Florentinus, translata radix, ubi in palmi altitudinem adoleverit, ablaqueata, bubulo fimo recenti oblinatur, & aggere congesto, rigitur, dumque ad incrementum pervenit, erumpens germen acie ferri præscindatur, demum testa fictilis non picata imponatur. Ut

Intuba teneriora, & latiora evadant

Eodem artificio. Quum aliquod incrementum acceperint exigua testa mediam partem accipiat, eo onere impedita, in latum se diffundunt.

Brassica tenerior evadit

Si salis aquis rigitur, ex Theophrasto. Ægyptii nitro aquæ permixto eam aspergunt, ut tenerior evadat. Et

Vt can-

Vt cucumis tener reddatur ,

Semina antequam serantur , lacte macerentur. Ex Columella.

Porrurum sectivum facere ,

Si velis, densius satum, præceperunt priores, relinqui, & ita quum increverit secari. Alio modo, quum satum convaluerit, defeces duos menses postquam satum fuerit, & maneat in areis suis, sed aqua juventur, & stercore, ex Palladio. Nunc monstificas aggrediemur generationes draconis herbæ, & capæ fissilis. Et primo

Draco herba quomodo generetur.

Vulgata est holitorum opinio, ex semine lini inserto capis, vel scillis in afflatu marino, suo loco non avulsæ, vel raphano, nasci herbam draconem dictam, acetariis famigeratam. Et si ab omnibus factum jactetur, à nobis sapius expertum, lussit experientia. Eadem seminum fatione

Ascalonia quomodo generantur

Docent, scilicet, si quis allii spicas in perforatas capas indiderit, ac plantaverit, in ascalonias capas mutari. Nunc videamus

Apium quomodo crispum nascatur.

Crispari apium pollicetur Theophrastus, si satum pavito solo cylindrum supervolvatur, sub terra enim coercitum, non habet quo se diffundat, Columella. Si crispæ frondis apium fieri maluerint, semen ejus inditum pilæ, & saligneo palo pinsum, expoliatumque similiter, in linteolis ligatum obruet. Potest etiam citra hanc operam fieri, si qualitercunque satum, si quum est natum, ejus incrementum supervoluto cylindro coerceat. Idem ab eo Palladius, & Plinius. Sapius nos

Ocimum capillatum facere

Vidimus. Semen serendo linobanches, sive lini podagræ, quod ubi germinavit, ex se ipso per ocimi ramulos se circumvolvendo, ac crebro volumine se applicando, totum implicat, vel si claviculam ex alibi nato decidimus, & inter ejus ramulos relinquimus idem, efficit pau-
cis

cis diebus, adeo densa cæsarie torum comat, ut nil jucundius spectari possit. Redditur &

Hedera pulchris corymbis decora.

Si quistribus conchiliis ustitis, & contusis cinerem adspersgat, aut alumine corymbos irroret, ex Cassiano. Peculiare quoddam tradit Theophrastus, ut

Cuminum lætius proveniat,

Nam maledici, & imprecari serendo oportet, idemque ab eo refert Plinius, & de ocimo, nam lætius & copiosius provenire dicit, si cum maledictis seratur. Si cordi fuerit

Cucumeres longos, & inaquosos reddere,

Hoc modo facies, si mortarium, aut aliud proprium vas aqua repletum prope ipsos apposueris, distantia quinque, aut sex digitorum, sequenti enim die cucumeres in tantum extenduntur: Si vero aquam non habeat mortarium, retrocedunt & incurvantur, ita gaudent humiditate. Inaquosos cucumeres facies, si ubi scrobem foderis, in quem cucumeres plantaturus es, dimidium altitudinis ejus paleis, aut sarmentis expleas, & aggesta terra; planta, nec riga. Et his omnibus quæ adhuc diximus, potest concinari

Arbor, quæ sola omnium fructus generet,

Quam vidimus, & sæpe joci gratia deliciarum horti arborem dicebamus. Erat enim crassitudinis, & proceritatis non ingrata, apto vase consita, præpingui, riguo, & superstante solo, ut tum plantæ vigore, tum humi ubertate, frugalitateque insitis alimentum suppeditaret. Erat trifurca, in uno uvam vinaceis vacuam, discolorem, & medicatam gerebat, quarum altera soporem, altera alvi dejectionem moliebatur. Affert secundus ramus persicum, ex persico & nucipersico intervallis pluribus æque distinctum, exossem, & ramulo nunc persicum, nunc nucipersicum protuberans. Si aliquando pomum nucleum habebat, dulcem uti amygdala dabat, & nunc hominum, nunc animalium faciem ementiebatur, diversa; demonstrabat lineamenta. Dat alter cerasa exossia, acida, dulciaque, dat mala aurea; Cortex floribus, rosisque confitus, fructus

fructus debitam omnes superantes magnitudinem, dulciores, odoratiores, verno tempore efflorescentes, debitum ultra tempus fructus producentes; diutiusque immorabantur, continuæ fecunditatis orbem perpetuum annum ministrabant, per quosdam gradus poma sibi succedebant: fœtura interpellabatur, brachia ponderibus inclinata procumbebant, & denique sic cœlum favebat, ut pulchriorem non conspexerim.

CAPUT XX.

Varii fructus, & vina medicata ut fiant.

VETERES illi summo studio, diligentiaque enixi sunt, quoniam modo diversis antidotis vinum conderent, usuique, si opus foret, accommodarent: neque hoc injuria factum, ut nil commoditati præstantius: & monstrat, quod eorum pars major multa memoriæ prodidit, & curiosius, quam par fuerit, mirabilia dictu, operatuque facilia, quorum commemorat Theophrastus. Apud Heracliam Arcadiæ sit vinum, quod epotum viros dementat, & mulieres infœundas reddit. Et simile, quod Tracensi agro ab Athenæo comprobatur. Et apud Thrasum vinum sit somniferum, & aliud arte quadam conficitur, quod epotum vigilantiorē facit, variorumque vinorum condituræ, quas apud diligentiores rei Medicos, & Agriculturæ scriptores invenies, nec scitu difficiles, nec iis arduum fore credo, qui simplicium vires novērunt, & conjectura consequitur; ea denique operantur, quæ ex loci eveniunt proprietate, & utilissimum fore puto, ut iis adhibeantur, qui medicamenta timent, & horrescunt, ut prius jucunde absorbeant, quam odisse velint. Sitque primo

Vitis theriaca quomodo fiat.

Pangendum sarmentum, ut docet Florentinus, primo & secundo Georgicorum suorum, radice tenus quatuor digitorum latitudine ima parte fissum, ablati medullis, ipsarum vice veratrum inseratur, ac stricto diligenter vimine, terræ mandetur, uvas hoc modo dabit, quarum esus alium præmolliat, & evacuat. Vel si

efficacius

efficacius vis evacuet, eadem sarmenta antidoto satiata, scillæ bulbo inferendo, terra recondito, semper medicamentum infundendo, assidua affusione & succo satientur imbibendo, ne tam cito vis senescat. Si autem propomata sponte nasci vis, ut Palladius docet, E vitibus ipsa sarmenta ponas in vas aliquod semiplenum portionibus vel conditis absinthiatis vel rosatis, vel violatis, inde terram simul resolvas ad lixivii modum, donec sarmentum oculi ingermen novæ frondis erumpat, tunc sarmenta ea quovis loco, vitium cæterarum more, depones, & tales dabit fructus. Plinius. Fit & vinum veratro circa vitium radices sato. Cato docet. Fit & scammonites, mira vitium natura saporem alienum in se trahendi. Docet & Plinius

Vinum phthorium facere.

Sic & elleborum feritur Thaso, aut cucumis sylvestris, aut scammonia, quod vinum phthorium vocant, quoniam abortus facit. Sed scammonium, vel niger elleborus viti inferatur. Terebra vitem pertundito, & virigineos ramos illos, quos voles, & fiet, sic & diversarum misturarum vires adsciscit, &

Ficus quarum esus alvum levigat,

Fiunt, si radicibus veratrum, cum tithymalo tritum injeceris, vel inferueris, sic dabit ficus poma, alvum quæ levigent. Sed Florentinus theriacam ficum fieri ait, fructu ex antidoto theriaca indito. Eodemque modo

Cucumeres ventri accommodos reddere

Possimus, radices sylvestris cucumeris contusi in aqua potabili biduum, aut triduum macerantur, ex hoc ipso cremore cucumeres per dies quinque irrigantur, atque hoc quinquies fit. Amplius autem commodi alvo fiunt, si postquam germinaverint, radices circumfoderis, & veratri partem ramulis injeceris, & aggesta terra fines. Sic

Cucurbitas purgatorias facere

Eodem modo poteris, si semen per novem dies scammonio maceraveris, ex Quintiliis, sed si somnum & alvi dejectionem moliri affectas, sic efficies

Pruna

Pruna purgatoria & somnifera.

Ramum, vel totam plantam terebra, inde scammonio vel opio impleas, papyro, vel corticibus recte involutam relinquito, cumque matura fuerint poma, ventris dejectionem, & somnum moliantur. Docet & Cato

Vitis quomodo bonam alvum faciat.

Vinum si voles concinnare, ut alvum bonam faciat, secundum vindemiam, ubi vites ablaqueantur, quantum putabis ei rei satis esse vini, tot vites ablaqueato, & signato, earum radices circumfarrito, & purgato, veratri radices in pila contundito, eas radices ponito circum vitem, & his sterus vetus, & veterem cinerem, & duas partes terræ circumaddito, radicibus vitis terram superinjicito, hoc vinum seorsum legito. Si voles servare in vetustatem, ad alvum movendam servato, non commisceas cum cætero vino. De eo vino cyathum sumito, & misceto aqua, & bibito ante cœnam. Sine periculo alvum movebit. Recentiores vitium radices emundant, & purgatorii alvi medicamenti succum imponunt, & irrigant, per dies aliquot repetendo, & præcipue quum gemma tumet, hoc peracto, terram radicibus ingerunt, & ante omnia diligenter cavent, ne spirante Aquilone insepultæ jaceant; nam medicamentum exhaurit: uva nascetur, cujus racemi dejectivi erunt. Fit &

Idem alio modo,

A nobis. Plantam usque ad medullam terebra gallica pertundito: vel intra corticem unguenta posuimus, hinc inde variis in locis per totam trunci circumferentiam, idque tempore inoculationis, quo arbor succo turget: nam ascendens humor antidotum ad fructus feret, eosque insicit, ad pestem, purgationem, partum, mortem, & vitam.

CAPUT XXI.

Quomodo fruges satis amplo fœnore ex satu colligamus & è vineis vinum.

VT luculentam, satisque exoptatam coronidem huic nostro libro imponeremus, docebimus quomodo frumentacea, & leguminea satis amplo fœnore è satu colli-

colligamus & è vineis vinum. Res profecto immensæ utilitatis, ut ex uno modio plus centuplo proveniat. Sed ne quis, quod centuplum plus accipiet, dixerim, putet velim hunc exactum modiorum numerum ex uno sato collecturum: nam anno, cælo, solo, & syderibus re-nuentibus, minor erit collectio, sed non tam minor, quin quincuplo usitatum non superet, at his faventibus, ex uno modio centeni quinquageni reddentur. Sed pollicitatio hæc nostra aliquibus paradoxum videbitur, sed si sanæ mentis essent, maximum profecto videri deberet paradoxum, cur ex sato semodio ducentos modios non recipiamus; quum ex sato, & concepto acino, videamus radicem in multiplices & numerosos culmos fruticare, plus minus quindecim, & in spica sexaginta grana contineri? mitto Byzacii Africæ solum Plinii, quod uno grano quadringenta paucis minus germina miserit, misitque ex eo loco procurator Neroni c c x l. stipulas ex uno grano. Sed causam venemur, unde id accidere possit. Sunt qui dicant id evenire, quod pars majoriacti frumenti ex volucris, talpis, vermibus, aliisque subterraneis animalibus devoretur. Sed id falsum arguitur, quod ex sato lupini modio, non plus minus quindecim recipiuntur, quum lupinum impune jaceat derelictum, ab omnibus animalibus sua ingrata amaritudine tutum, & suis in thecis, vaginulisque plus minus centum grana contineantur. Sunt alii, qui id cælo ascribant, frigorum, calorumque injuriis, vel imbrium frequentiiis, ut nunc torpeant gelu arva, nunc siti infestentur, nunc in herbarum copiam luxurient, nunc macie intabescant. sed hoc falsum congruit argumentum, quod ex maximo cæli favore, neque ex uno tricene redduntur. Sed ne latius evagimur, dicimus non omnia spicæ, & vaginulæ grana nasci; nam alia Deus ad escam animalium, alia ad semen destinavit. Sunt in spicis grana, quasi abortus & degeneres sætus, quæ non sætificant, sed desciscunt in vitium, sunt quæ è glumis in spicis emicant habitiora, quæ ad propagationem producuntur. Præterea nec debito tempore feruntur, destituunturque debito agricolarum opere.

Unde

Unde si his obviabimus : omnia ex voto succedent. Semina enim proluxioribus radicibus implexis, longe lateque sub tellure serpentibus, numerosiores culmos deproment, circummundique spicis vallatis. Sponsa ergo suo viro ducatur, non ex primis, vel ultimis, sed è mediis, quia imbecilles sunt, ac balneo secreta, & unguentis delibuta & pingui depassa caprarum veterum, Vulcano, & Baccho associata, cubile molle, & optimè stratum calefiat, vivifico enim calore in amicam naturam coeunt, & dulcioribus amplexibus stringuntur, & hærent. Sic animata viro semina, non degenerem, sed legitimam prolem donent. Suo fœcundo lumine Luna præsit, nam ferax feracem reddit, id restat præmonendum, uxorem Baccho ducendam, non capillis destitutam, nam suo decore capite destituito spernitur à viro sponsa, neque haberet, quo noxia purgarentur, sed solum cincinnis orbetur, sic enim minus compta, plus suo placebit & viro.

LIBER QUARTUS.

Oeconomia docetur, quæ parva familiaris rei jactura domesticas res parat, & partas conservat.

P R O O E M I U M.

EX animalibus, & plantis ad Oeconomiam transvecti sumus, ibi enim animalia, & fructus invisos, varios, & nostris usibus accommodos paravimus, nunc nil sevisse, ac procreasse visi sumus, nisi qua immensa impensa servimus, & produximus, hic qua ope servari possint, doceremus, & contra argentis, vel aestuantis cæli injurias invictos redderemus, ut suo tempore promi possint. Impii & segnis hominis foret, ut quæ tanto labore, & diligentia paraveris satis incuriose tabescere, & mori cogas:

H

oportet

oportet igitur qualis in generandis solers, talis in conservandis diligens videaris. Et paterfamilias, qui fructus condit, non parvam cibariorum pariem per hyemem habebit: nam pro pulmentario cedunt, inquit M. Varro. nemo enim fructus condit, nisi ut promat, & promit aut quæ sint tucunda, aut utenda aut vendenda. Nos primo majorum nostrorum adinventum narrabimus, quorum studium & cura circabæc non segnus, aut indiligens fuit, sed accurata diligentia, variisque modis multa adinvenierunt, adinventum fideiiter posteritatis memoria mandaverunt. Post, quæ vera novimus, declarabimus, passimque nostra intermiscendo, quæ ad rem præstiora visa sunt, & quorum frequentius periculum fecimus. Adjiciemus præterea nonnullas panis, vini, & olei confectioes, aliæque patri-fam. non parvi momenti, sed maximi emolumenti, ut minimis impensis rei familiari consulat: naturales semper causas intermittendo, ut iis perfecte cognitis, facile quis inveniat, & faciat. Sed negotium aspiciemus.

CAPUT I.

Quomodo fructus in sua arbore servari possint.

VT igitur à fructibus incipiamus, servantur & hi, floresque vel in propria parente, vel ab ea collecti; dicemus primo quomodo in sua quaque arbore servari possint, narrabimusque quæ ab antiquioribus, mox quæ a nobis adinventæ, & expertæ fuerint. Majores nostri quum fructus in arboribus perdurare vellent, eos primum trunco, vel ramis alligabant, ne à tempestatibus concuterentur, affigerenturque. Præterea succum intercipient, qui eis maturitatem afferebat: nam sunt quidam fructus, qui ubi maturitatem conceperint, non immorantur in arbore: sed caduci delabuntur, etsi quoque nemo concusserit, sunt & qui diutius in arbore immanent. Etiam ut à Solis & gelu injuriis vindicarent, munimentis quibusdam eos tegebant, vel ne ab avibus depascerentur. Unde si velimus

Punica in arbore ut diu immanent,

Quid

Quidam pediculos punicorum, sicuti sunt in sua arbore, intorquent, ne pluvius mala rumpantur, & hiantia dispareant, eaque ad majores ramos religant, ut immota permaneant; deinde sparteis restibus arborem cludunt, ne aut corvis, aut cornicibus, aliisque avibus pomum lacere-
tur. Nonnulli vasa fictilia dependentibus malis aptant, & illita luto paleato arboribus hæreere patiuntur. Alii sæno, vel culmo singula involvunt, & insuper luto paleato crasse linunt, atque ita majoribus ramis illigant, ne, ut dixi, vento commoveantur, sed hæc omnia sereno cælo administrari sine rore debent, ex Columella. Sed Beritius hoc modo in sua parente hæreere patitur. Arente flosculo sigillatim involuta mala funiculis obstringunt, ne putrescentia dehiscant in rimas, sic tamen munita relinquunt. Alii singulis fictilibus ollulis singula collocant, & diligenter opertas ita stabiliunt, ut vel caudicis occurso, vel mutuo eorum collisu non possint confringi: ita & uberius & ad-
ulcius semper potentur. M. Varro. Punica immatura, quum hærent in sua virga, si demiseris in ollam sine fundo, eamque conjeceris in terram, & obrues circum ramum, sic ne extrinsecus afflet spiritus ea non modo integra eximi, sed etiam majora, quam in arbore unquam pependerit. Docet etiam Palladius

Citria quomodo in sua arbore servantur.

Et sic propemodum per totum annum custodire poteris, si vasculis quibusdam ea clauferis. At si volumus

Vitæ ut usque ad ver in vite in suo vigore permaneant.

Ita Beritius jubet. Juxta vites in loco valde umbroso scrobem ad cubitos duos effodito, & injecta arena ridicas desige, & sarmenta luxans semel atque iterum una cum racemis diligenter vertito, obtorqueto, indeque ex ridicis devincta contegito, ne quo humore rigentur. Cavendum etiam ne racemi ipsi pavimentum contingant. Quod quum sæpius expertus essem, eventus non recte favit: nam decoloratam, & semiputridam reperimus semper. Columella. Nihil est certius, quam vasa fictilia facere,

quæ singulas uvas laxè recipiant , ea debent quatuor ansas habere , quibus illigata viti dependeant , itemque percula eorum sic formari , ut media divisa sint , ut cum suspensa vasa singulas uvas receperint , ex utroque latere appositi operculi duæ partes cocant. & contegant uvas. Et hæc vasa , & opercula extrinsecus , & intra diligenter picata esse debebunt. Deinde quum contexerunt uvas , luto palato multo adoperiri. Sed uvæ dependentes a matre sic in pultario condi debebunt , ne quæ partes vasa contingant. Tarentinus hoc modo. Racemos , qui primum nati fuerint auferre oportet , rursus enim alii pro ipsis nascuntur. Insuper & plantæ multam curam habeto , iterumque racemos producet , hi vero maturi facti , serotini erunt : eos itaque racemos in vasa fictilia inferne perforata imposito , & supernam partem diligenter contegito , ipsaque vasa ad vitem alligato , quo à ventis immota permaneant. Palladius. Ut uvam serves in vite usque ad veris initia , circa ipsam vitē , quæ fructu plena est , loco umbroso scrobem fodies altitudine trium pedum , latitudine duorum , & mittis sabulonem , & ibi calamos figis , in quibus retorques assidue sarmenta fructibus plena & illæsis botryonibus alligabis , ut solum non contingant , & cooperies , ut imber eo penetrare non possit. Item Græcis docentibus , uvas in vite , aut poma in arbore si diu servare volueris , vasculis clausa fictilibus , ab ima parte pertusis , diligenter à summo recta suspende. Si vis

Uvam usque ad novam servare ut in uno, eodemque palmite utraque spectetur.

Quæ hucusque recitavimus majorum adinventa sunt , quæ difficilis operationis , & commodi parum grati , ut inutilia aspernanda duximus. Nos hujusmodi artificio usque ad Majum & Junium menses adservavimus integram , ut una vetus & recens uva , uno eodemque palmite videretur. Vitium , quæ prope domus consistunt , quum jam vindemiarum tempus recessit , flagellas sarmentave flexilia per fenestram in contactum intorquemus , ac domicilii laquearibus , genistæ juncis , qui lori vicem expleant , diligenter adligamus , ut immotæ permaneant.

sed

fed apte ut fenestæ, & reſerari & claudi poſſint, hoc modo frigoris tyrannidem & ſævitiam antevertendo : ab avibus cuſtodiendo, ne eas depaſcant, quum ven-
ti, & gelicidia ſæviunt, fenestras claudito, tepido, &
ſereno cœlo eas aperito, idque uſque ad ver. Quum
jam vitis nova germina & frondes oſtendit, eam apërto
cœlo crede, & tepidis Solibus apricari ſinito, jam nova
pullulante, utramque eodem palmitè habebis. Nobis etiam
licuit

Idem alio modo facere.

Sed quum multis annis idem facere eodem modo pertæ-
deret, ita melius & mirabilius conſultum oporari ſumus.
Purationis tempore jam adventante, eligito bina ſarmenta
in vite, quæ certam ſpem fructus pariundi ſpondeant,
deſecato cacumina utriuſque, duos vel tres oculos relin-
quendo, ne ramen à ſua matre reſeces, ea per cretacei
vaſculi pertuſum fundum traducito, ac ubi paululum ſu-
pra vaſis ora extabunt, repleto vaſ terra, & ſi certius, ac
citius, quoad fieri poterit, id agere concupieris, æſtate
vaſ aqua plenum ſupra id accommodato, ut per lancam
linguam paulatim, & continuatam in vaſ inſtillet. ſic
radices vegetius injiciet, & induet ſe in frondes & fru-
ctus. A vindemiis ſub vaſe ſarmenta abſcinde, & in con-
tectam domum feras, loco ſiccq, & tempeſtatibus tuto,
videlicet cellis vinariis, fenestras retibus obtegito, ne a-
ves eas devorent, hyeme ſerenis diebus apricari ſinito,
ubi gelicidia horrent, in calidioribus locis adſervato, &
uſque ad Auguſtum ſervabis, ut ſimul uno palmitè, &
nova & vetus uva vigeat, colore, & vigore ſervatis.

C A P U T II.

Quomodo flores in earum planta ſervari poſſint.

E I S D E M fere artificiis etſi difficilius, ſervari tamen
flores poſſunt in ſua planta, ſed non ut fructus per-
ennent, quum durioris ſubſtantia ſint, & flores imbecil-
liores. Ut igitur

Rosa servari possit in sua planta ,

Rosæ servantur calycibus in viridem plantatam harundinem fissam inniissis , & harundine leviter per papyrus obligata , ut perspirare possit , ex Didymo. At Palladius. Rosas nondum patefactas servabis , si in canna viridi stante fissâ , recludas ita ut fissuram coire patiaris , ex eo tempore cannam recidas , quo rosas virides habere volueris. Nos hoc modo experti sumus , & aliquam veritatis partem invenimus. Rosarum calyces nondum dehiscences , sed tumentes in harundinem immisimus , (oportet enim rosæ sint juxta plantatæ) internodia harundinis leviter scindimus , & aperto è latere foramine , constricta vinculis fissura ne hisceret , diu asservavimus. Eodemque modo , ut

Lilia diu in sua planta durent.

Hoc artificio facile usi sumus. Harundinum internodia dissecuimus , & lilia , dum adhuc silerent in sua planta , intrusimus , & altera parte cera oppleta , ex altero nodo intersecto. Idem in garyophyllis effecimus , & diutius habuimus : Quum usui essent , rejectis vaginulis , aliquantisper Soli ostendimus , & dehiscunt.

CAPUT III.

Oporothecæ qualiter fieri debeant , in quibus fructus asserventur.

DICEMUS nunc quomodo ab arbore recisi serventur. Quia fructus à putredinis labe vindicare desideramus , id assequi non poterimus , nisi prius putredinis causas cognoscamus. Referunt Philosophi , quod tanta est syderei caloris inconstantiae vis , ut omnia quæ ambit , & sublunaris complectitur mundus ad finem tendant , nec à motu desistant ; nam aër per cuncta meabilis , agnatione calidae naturæ , quam in pomo repperit. allicit , ut se miserum innata prius frigiditate lacescitum , quam naturalis abrepti caloris exinanitum sentiat , eoque flaccescente , siccescit. Sed non adeo hominum mentes caligant , hebescentque sensus , quin multa fere innoxia evadant faciunt , ut fructus constantes contra tenorem aloris , ætulsive

æstusve reddant, idque variis modis. Et primo oporothecas instituemus, è quibus caloris injurias excludemus. Mox tempora eligemus, in quibus calor minus prævalet: post modum colligendo, ne ex tactu labem contrahant, & ex inde principium putrefactionis; tandem variis in locis condere docebimus, ut maxime à caloris, & humiditatis injuriis se possit vindicare. Ut ergo loca præparemus, unde fructus, qui ad perennitatem destinantur, condantur, quæ frigida, siccaque sint, & ut earum contraria expellamus. Loca sunt universalialia, & particularia. Quædam dicemus peculiarialia mundi loca, ad condendum peroptima. Theophrastus locorum causa aliqua condita diutius durare dixit. Quamobrem Cappadociæ loco quodam Petra vocato, vel quadragenos annos sæcunda, & ad seminem percommoda durare, sexagenos autem, & septuagenos ad usum cibarium servari posse idonea. Locum enim istum cum alias excelsum, tum flatibus esse apertum, & auris ab exortu, occasu, meridiæque editum. Feruntque & in Media, reliquisque excelsis tractibus condita diu perdurare valere. Sed hæc locorum propria sunt. Sed universaliter oporothecas locare oportet cordatorum omnium agriculturalium calculo, ut ad Septentriones fenestras habeant, quas ut sereno die, aut vere persentiant, patere oportet. Austri enim specularibus arceant; quia Austri assilatu prima rugis deturpantur. Videamus ergo

Cotoneis qua loca destinantur.

M. Varro cotoneas loco arido, & frigido servari recte putat. Columella in tabulato frigido, & sicco loco reponit. Palladius in sicco & frigido, a quo ventus excludatur. Si velimus itidem scire

Mala ubi commode servantur.

Columella docet in tabulato frigidissimo, & siccissimo loco, quo neque fumus, neque teter perveniat odor. Palladius in locis obscuris, ubi ventus non sit. Plinius in loco rara componi, ut limites pervii spiritum æqualem accipiant. At

Punica quomodo reponantur;

Columella ex Magone Pœno hæc refert: Punica ex marina prius aqua calefacta, mox argilla illita resiccata frigido loco suspendit. Et Palladius ab eo frigido loco resignat ea. Idem

Zizipha optima condita

In loco sicciore suspensa putat; &

Quo ficus melius perennet,

Ex Columellæ doctrina habemus, qui postquam aruerint, in horreum siccissimum reponit eas, & sic diutius asservari promittit. Etiam

Pruna longiore tempore servari

in Sole per crates loco sicciore disposita. Palladius

Castaneas optime in vetustatem reponi

Afferit, locis siccioribus defossas. Et Bato vidimus

Amygdalas diu incolumes servari,

Per triennium, & quadriennium cum suis putaminibus, Sed sicciori loco repositas. Sed

Triticum ut longius asservetur:

Varro, condi oportere in granaria sublimia, dicit, quæ persciantur vento ab exortu, ac Septentrionum regione, ad quæ nulla aura humida è propinquis locis aspiret. Quidam granaria habent sub terris, uti speluncas, ut in Capadocia, & Thracia, alii ut in Hispania citeriore, puteos. Horum solum paleas substernunt, & curant, ne humor, aut aër tangere possit, nisi quum promitur ad usum, quo enim spiritus non pervenit, ibi non oritur curculio. Sic conditum triticum manet vel annos quinquaginta, milium vero plus annos centum; Theophrastus. Triticum pulverulentum conditum putrescit; causa est calor extraneus, qui in pulvere reperitur, intus enim calor proprius obsidetur, suffocaturque, fervefacit, ac putrescit, & plus caloris exoritur. Florentinus à Varrone. Frumentum probe condi locis supra terram, qui lumen ab oriente habeant: Adspiretur item locus moderate à Borea, & Favonio, avertatur ab Austro, & ejusmodi ventis. Habcat

beat autem denfos, & frequentes canales, per quos & calidus vapor expiret, & aura refrigerans inspiret.

Faba optime conditur

Mediocriter tosta plus ad diuturnitatem facit, sic enim humoris minus relinquitur: servatur indomita apud Apolliniam, & Tarentum ex Theophrasto. Plinius fabam à Pyrrhi Regis ætate in quodam specu Ambraciæ usque ad piraticum Pompeji magni bellum durasse scribit. Idem Theophrastus

Cicer conditur diu

In locis excelsis, perflatisque ut in Media; & faba longe diutius perdurat. Sic etiam

Lupinus longius asservatur

In tabulato, quo fumus perveniet, ex Columella; nam si humor eum invasit, vermes gignit, simulque oscella lupinorum adederit, reliqua pars renasci non potest. Palladius. longe ab humore in horreis custoditur diutissime, maxime si afflaverit fumus assiduus. Sed doceamus, quod omnium difficilimum est,

Carnes & pisces servare.

Vidimus nos frigidissimis in locis ad mensem fere carnes & pisces imputride asservatos, absque ulla arte, nisi loci frigiditate. In subterraneis locis, & frigidissimis, ubi omnis calor, & austrinus ventus exclusus est, ubi perpetua siccitas & frigiditas est, omnia imputrida asservantur. In Parthenii montis cœnobio, prope Neapolim hominum cadavera per multos annos integra asservata vidimus. Quamvis mons fere perpetuo nivibus obsitus. Et montium cacuminibus, ubi nives in foveis asservantur, quæ cum in nive pyra sorba, mala castaneas sylvestres casu collegerant, & una condiderant, absumpta per annum nive, adeo humida, recentia & pulchra repperimus, ac si tunc ex arbore decerpta essent. In summa nil præstabilius ad rerum conservationem, quam loci siccitas, vel frigiditas valet.

CAPUT IV.

De temporis observatione, in quo poma colligi debent, quæ ad vetustatem reponuntur,

P R I M U M, quod in negotio observandum judico, tempus est, quo fructus, qui ad vetustatem reponuntur, colliguntur: nam si calorem, & humorem iustum, qui nostra pomavitiant & putredinis tabem inducunt, excludi volumus, nullo modo congruentius, quam temporis electione, in qua præcipua sydera, quæ ejusmodi qualitates injiciunt, tunc temporis frigida sint, & sicca, vel minus contrariis his qualitatibus laborent. Deficiente igitur Luna, frigida & sicca est: nam cum Luna humore, & calore abundat, colliguntur fructus, qui humore & calore prægnantes facile tabescunt, neq; hominem, qui id nesciat, sanæ mentis puto: ob id omnes Agriculturæ scriptores, deficiente Luna fructus colligendos præcipiunt. Præterea nox & dies, & crepuscula matutina, serotinaque humorem, & siccitatem fructibus impartiuntur. Dies, Solis præsentia, calidus & siccus est, nox ejusdem absentia, frigida & humida. Serotina crepuscula & abscedente Sole calida, ex adventante nocte, humida sunt, matutina, ex noctis discessu frigida, Solis adventu calida, iis transactis duobus, vel tribus diei horis, erit ex pauca Solis mora siccum, ex vicina noctis frigidum, quod tempus optimum prædicant ad fructuum collectionem. Nos ne rebus astrologicis præceptis difficultatem augeamus, exactiori doctrinæ indulgendum ducimus, in quo situ cæteri planetæ reperiantur, ut cælum magis siccum, & frigidum sit, & fructus diutius perennent. Neque prolixitati parentes, experimenta & auctoritates adducimus ad id confirmandum, quum animalia omnia, crescente Luna, citius crescant, & duplo magis, quam ea decrescante. Sed exempla adeamus. Si scire velis

Tempus, quo citria decerpenda sint,

Palladius de citriorum conditura hæc habet. Si velis citria legere atque servare, nocte, Luna latente, debbi-
cum

cum ramis foliatis carpere. Satis eleganter noster Pontanus hoc narrat.

*Si tibi sit cura lecta è frondentibus hortis
 Servare, & viridem teneant arnosa vigorem,
 Hoc age. Carpe manu in tenebris in nocte maligna.
 Frondentem ramum, frondenti & palmitè mala,
 Palmite cum valido frondem retinentia, ramumque,
 Et tibi nulla suas ostendat Luna tenebras:
 Luna soporiferis sub terras abdita bigis.
 Mox illa in latebris unco suspende tenaci,
 Et blandire manu, & ventorum avertè procellas,
 Aut paleis strata, & stipulis arentibus, inde
 Servabunt nitidam propria cum fronde senectam,*

Præfinitum tempus cydonia colligendi.

Nil melius, aut certius experti sumus, inquit Columella, quam ut cydonia maturissima integra, sine macula, sereno cælo, & decrescente Luna legantur. Idemque præmonens

Tempus, quo mala legi debent ad vetustatem,

Ait: Mala dulcissima Augusti tempore mediocriter maturæ eligito. Plinius colligi mala præcipit post æquinoctium autumnale, neque ante quintam decimam Lunam, neque ante primam horam. Docetque Palladius:

Pyra quo die decerpenda, ut diutius perennent.

Placido die, decrescente Luna, à vigesima secunda usque in octavam, manu decerpta, vegeto Solis calore, ab hora secunda in quintam, vel à septima in decimam, dura tunc, & aliquanto viridia. Et quæ cito marcescunt

Cerasa, ut aliquantulum durent, quo tempore colligenda

Jussu Pamphili agricolæ. Ante Solis exortum decerpenda, ac reponenda. Docet & Palladius

Tempus mespilis præfinitum, quo perennent.

Serena die legenda, ac media, nec dum mitia. Declarat etiam Columella

Tempus condendorum punicorum.

Sereno cœlo debere esse. Plinius Sole siccari, ne nocturno rore contingantur. Eligit etiam Didymus

Tempus ad uvarum repositionem ,

Inquiens, uvas, quæ in hyeme duraturæ reponuntur, post plenam Lunam defecare oportet, sereno aëre existente, circa quartam diei horam, rore jam deterfo; oportet enim in vigore existentes uvas refecare, neque crudiores, neque vel parum vigorem prætergressas.

Messis tritici tempus, & condendi.

Tradunt authores, hordeum, sive frumentum unam atque alteram diem, aut omnino unam noctem relinquere oportet, & deportare ante Solis exortum, ut adhuc perfrigeratus fructus in horreum deponatur: hæc enim multum ad diuturnitatem confert. Docet & Columella

Faba quo tempore legitur, conditurque.

Fateturque se expertum. Silente Luna fabam vellito ante lucem, deinde quum in area exaruerit, confestim prius, quam Luna incrementum capiat, excussam, refrigeratamque in granarium conferto: sic condita à curculionibus erit innoxia; eadem ab eo Palladius. Et

Pisum in totius anni usum deponitur.

Si exhausto Solibus humore, & suis valvulis explicitum condatur, sic diutius à putrilaginis labe vindicatur.

CAPUT V.

De modo fructus colligendi, & pediculos medicandi, quo putrefactionis initium arceamus.

PRÆTEREA quum majores nostri viderent tabis principium in pomo provenire à pediculis, vel loco ubi pediculus jungitur: æquum erat enim ex quo vitæ principium & alimentum proveniat, mortis initium oriretur, multifariam, multisque modis caverunt, ne noxa è pediculis nasceretur. Præterea diligenter fructus colligendi sunt, qui custodiri volunt ne simul tundantur, contundanturque; ex contusione enim putrilago exoritur: Opor-

Oportetque ut optimus sit fructuum status, quum decerpuntur, scilicet omnes, antequam omnino maturescant, ut neque omnino acerbi sint, neque ad justam maturitatem perveniant. Sunt etiam qui condituri, sunt fructus diligenter inspiciendi, ut sint integri, sine vitio, & sine vermiculis. Sed exempla adeamus. Primo

*Mala quomodo colligenda, & eorum pediculi
medendi.*

Columella condienda mala dulcissimi saporis mediocriter matura colligit, prædictaque poma ita inter se componit, ut flosculi sursum, pediculi deorsum spectent, quemadmodum in arbore nata sunt, & ne inter se alterum ab altero contingatur; sed poma non matura, sed acerbissima legi debent. Præterea observandum est, unum quodque genus separatim propriis arculis reponatur, nam quum una clausa sunt diversa genera, inter se discordant, & celerius vitiantur. Propter quod etiam consensualium vinearum non tam est firmum vinum, quam si per se sincerum condideris. Palladius, diligenter legenda mala, quæ volumus custodire: ex arbore illæsa sumpta, & pediculis eorum serventi pice mersis, supra tabulatum disponantur. Constat mala sic ponenda, ut pediculorum partes deorsum facias, neque ante quam usui necessaria esse videantur, contingas. Plinius mala in pediculos collocari debere narrat. Apulejus Græcus suadet mala vegeta legi, & observationem desiderant, ut manu decerpantur illæsa, & composita, ne sese ulla ex parte contingant, sed ad id muneri integra, & quæ non senserint vetustatem, & manu lecta. Nec putrescere poma promittit, quorum cacumina virentis satyrii herba fuerint illita. Si velis in vetustatem custodire

Citria, cum suis ramis legenda

Palladius monet; & secreta disponenda sunt, ut supra ex Pontano quoque diximus. Docet & Columella

Pyra quomodo legenda ad perennitatem,

Scilicet mediocriter matura. Palladius manu decerpit,
ne

ne contundantur, & à cadivis diligenter eligit, & integra commendat, dura tunc, & aliquanto viridia, lectaque cum suis tenacibus. Democritus ea pyra servari affirmat, quæ illitis pice furculis, suspendantur. Docebimusque

Sorba pensilia quomodo colligenda

Ex M. Varrone, qui acerba suspendenda jubet, ut lentius maturefcent, & domi maturitatem assequantur: nam mitia condita, citius promi oportet, sic Theophrastus ad hyemem usque suam differre maturitatem. Columella manu lecta jubet. Plinius cum ramis suspendi, Palladius lecta duriora cum pediculis suis suspendit in locis opacis. Eodem modo

Ficus cum suis ramulis reponenda

Sunt, ex Africani doctrina, sed minus maturæ: nam ubi maturitatem conceperint, reliquorum pomorum more non coherant in matre, sed dilabuntur: Sic etiam cum suis pediculis, umbilicisve, hoc est, particula, qua arboribus suis dependent lecta: nam sic lectæ cum petiolis, diutius durant integræ. Palladius recentes, minus maturas, cum pediculis suis lectas recludit. Cato ficulneos ramos cum fructibus servandos ait, sed quæ servanda sunt, sumito paulo acerbiora. Columella: ficus neque nimium victa, nec immatura legi debet. Palladius

Persica bene servari

Præcipit, si umbilicum pomi gutta picis calentis oppleveris. Nos

Pruna cum suis pediculis suspensa

Servavimus, laquearibus appensa, & præcipue quæ purpurea sunt, & Palladius immatura vult, non tamen percruda, integra, & sine vitio, aut vermiculo. Servantur &

Zizipha cum suis ramulis decisa,

Et sua fronde involuta, laquearibus suspensa, ex Palladio. Idem

Mespila semimatura legit ad vetustatem,

Et cum suis pediculis suspensa. Sed quomodo

Punica legenda, & reponenda ut diu servantur,

Ex Beritio, qui poma levi manu colligenda præcipit, ne tactu

tactu asperiore vitientur, aut vulnus sentiant, interlegi debent, nam ea putrilaginis originem afferunt. Columella punica legit cum suis pediculis, & sambuco inserit, quoniam sambucus tam apertam, & laxam medullam habet, ut facile malorum pediculos recipiat. Idem ex Magone. Omne pomum, quod in vetustatem reponitur, cum pediculis suis legendum est, sed si sine arboris noxa fieri possit, etiam cum ramulis: nam ea res plurimum ad perennitatem confert. Palladius punica mala servari dicit, si picatis pediculis ordinata suspendas, sed integra lecta: immo melius ad servanda, si cum ramo longiores tollantur. Plinius mala cum suis furculis decerpit, eosque in medullam sambuci abditos, servat. Cato

Myrtas virgas cum suis baccis servare.

Docet, cum foliis inter se alligatas, sed baccas paulo acerbiores. Docebimus ex Didymo,

Væ quomodo legenda, ut diuturnitatem acquirant.

Curandum, ut omnes acini integri sint, hoc est, fructus particulares sani: ex ea gratta acutissimam falcem habere oportet, qua recisio facile fiat, & non violenter. Oportet etiam in vigore existentes refecare, ut neque crudiores, neque vel parum vigorem prætergressas. Quidam sarmenta cum racemis cædunt, mox putrefactos; aridos, vel immaturos acinos, siqui forte adsint, forcipe præcidunt, ne simul vicinos putrefaciant, mox plagam sarmentorum singulorum racemorum in picem liquidam immergunt. Quidam admonent non ex superna parte, unde racemi deciduntur, sed ex inferna ipsius racemi parte, alligatos botros in superiore domus parte suspendendos esse, quo magis perspirent, ac persilentur, rarefactis, per refractionem acinis. Palladius. Uvas, quas servare volumus legamus illæsas, neque acerbitate rigidas, neque maturitate defluentes, sed quibus est & granum luce penetrabili splendidum, & tactus cum molli jucunditate callosus. Si qua sunt corrupta, vel vitiosa, refecemus nec patiamur

mur interesse, quibus inexpugnabilis acerbitas contra blandimenta ætivi caloris induruerint: tunc incisos botryonum tenaces calida pice oportet amburi, atque ita suspendi.

CAPUT VI.

Quo solo colligi debeant fructus, qui perennitati destinantur.

NON indictum abibit, quod maxime necessarium reor, ut fructus, qui perennitati destinantur, doce-re quo solo, situ, cœlo colligi debeant. Non minimum principium putrefactionis nanciscuntur poma, quæ humido, riguo, concavo, & depresso arvo nascuntur, nec minus quæ loco, pingui lætamine culto: nam quum humore, & calore prædita nascuntur, intus habent putredinis principium. Secus autem in sylvestribus evenit, & iis, qui montium culminibus, siccis, & aridis locis, & Meridiei obversis nascuntur, & omni cultu destitutis, fructus solidi, sicci, humore, & calore orbatî nascuntur. Hesiodus suo de Agricultura opere lætaminis non meminit, non tam necessariæ cultus partis oblitus, sed ne fructus, qui pingui agro nascerentur, putrefactioni, & morbis obnoxii essent: Poma, quæ sylvestribus locis, vento perflatis, & lapillosis nascuntur, sine alio artificio ex se conservantur: unde si alia artificia addantur, quæ conservationi proficiunt, multo perenniora fiunt. Sed videamus num majores ejusmodi rei meminerint, & Theophrastum audiamus; meminit enim

Fructus palme, ex quo loco nati perennent

Palmulæ, quæ condi & reservari possint, in locis arenosis enascantur oportet, ut in Syria cava cognominata, tribus tantum locis arenaceis eas gigni, quæ condi & reservari possint, reliquas autem, quæ cæteris in locis proveniunt, minime durare, sed protinus putrescere. Et paulo post: Recondi autem ex iis fructibus, qui Syriæ nascuntur, illos tantum posse, quos palmaria convallis parturit, narrant. Qui vero in Ægypto, & alibi gignuntur, hos recentes omnes consumi. A quo Plinius. Servantur hi demum, qui nascuntur in salis, atque sabulosis, ut in Judæa, & Cyrenai-

Cyrenaica Africa. Non item in Ægypto, Cypro, Syria & Seleucia Assyriæ. Idem Theophrastus de fabis loquens, docet,

Fabæ ex quo loco nata reponi optime possint.

Inquiens. Differt rus à rure, & cœlum à cœlo ad seminum corruptionem, conservationemque. Itaque apud Apolloniæ maris Jonii fabam nullo pacto corrodi ajunt, ideoque reservandam reponi. Quin & circa Gizicum diu durare potest.

C A P U T VII.

Quomodo concludi debeant fructus, ut aërem excludamus.

DIXIMUS calidum & humidum excludendum, ut fructus diutius asservemus, quæ qualitates in aëre potissimum reperiuntur. Igitur quibus conatibus excludere aërem caverint majores nostri, demonstrabimus; mox nostra inventa. Et primo

Mala incorrupta clausa servare.

Et ab Aristotele incipiemus, qui ut aërem excluderet eternum, in utribus aëre plenis fructus asservari dixit, hoc modo in Problematibus. Cur incorrupta durant, quæ utribus continentur inflatis, aut vasis bene opertis, obturatisque circumquaque fuerint, ut fructus arborum, carnes, & cætera id genus? An quod corrumpi omnia solent, quum moventur, quæ autem plena sunt, immota persistunt, haud enim fieri potest, ut motus sine inani spatio agatur, atque isthæc quæ ita inclusa sunt, plena undique constant, ergo incorrupta servari ratione. Ac si diceret, aër sic conclusus, minus aëris vicissitudines temporarias experiens, plus perdurat. Vel si calidum, humidumque expirare mala possent, ex plenis utribus coercerentur. Sed videamus Agriculturæ magistros quid doceant. Veluti

Citria incorrupta servare occlusa.

Palladius ita ab aëre vindicat citria. Citria vasis singularis sin-

lis singula claudit, & gypso adliniit, & ordinato loco ordinata constituit. Sotion jubet pomum citri subacto luto studiose sublini. ut toto anni curriculo inoffensa integritate incolume ab omni vitio servetur. Videamus & alios, reliqua

Mala quomodo servare occlusa

Conati sint. Columella unumquodque genus propriis arculis reponit. nam quum una diversa genera inter se discordantia reponuntur, celerius vitiantur: verum quum mala diligenter fuerint composita, operculis arcularum contegantur, & luto paleato linantur opercula, ne introire spiritus possit. Palladius singula in vasis fictilibus picatis. atque oblitis claudit, vel argilla involvi. Plinius: Mala generosissima cruttant gypso, vel cera, quæ nisi maturuerint, incremento calicem rumpunt. Alii singulis malis pyrisve singula vasa fictilia assignant, & opercula eorum picata delio iterum includunt. Apulejus mala olla fictili cera interius obducta custodit. Servari quoque fidelis fictilibus alga involuta, cum undique sunt cooperta, ne se invicem tangant, deinde fidelis opercula addantur, & deponantur. Columella

Conclusa cotonea ut perennent

Hoc modo docet. Nonnulli foliis ficulneis illigant, deinde cretam figulinam cum amurca subigunt, & ea linunt mala, hæc eadem in patinas novas sicco gypso ita obruunt, ut altera altera non contingant. Palladius inter binas regulas posita, luto ex omni parte claudit, & in nova patina sicco gypso obruit separata. Democritus foliis integrit, deinde argillosum lutum, aut cretam figularem cum pilis subigit, & ea liniit mala, quæ quum in Sole siccata sunt, reponuntur, quumque postulabit usus, fracto luti regmine, cotonea qualia fuerint indita, invenientur. Sed Plinius quam brevissime docet. Cotoneis interclusis spiramentum omne adimendum. Sic etiam

Omnia optime clausa asservantur.

Mago creta figulari diligenter obruit, & Sole siccata, deinde si quam rimam creta facit, luto liniit, & assiccata custodit.

dit. Vel urceo novo fictili substernunt populneam, vel ligneam scobem, & ita disponit, ut scobs inter se calcari possit: deinde facto primo tabulato, rursus scobem substernit, & similiter mala disponit, donec urceus impleatur: qui quum fuerit repletus, opereculum imponit, & crasso luto diligenter oblnit. Vel intra dolium sic ordinantur, ne se invicem tangant, & dolium rursus operitur, ex Palladio. Docetque Africanus

Occlusæ ficus ut servantur,

Hoc modo, si singulæ intra viridem cucurbitam, loculis unicuique cavatis, claudantur, & item spleniata, quæ secantur tessera conclusis, suspensa in umbroso loco cucurbita, ubi nec ignis nec fumus inspiret, verum cum suis pediculis, hoc est, particula, qua arboribus dependent. Alii calicem vitreum aut aliud quodvis perspicuum poculum super ficus leniter invertunt, & obducto cera spiramento, ita relinquunt: sic manent immarcidæ. A quo Palladius eadem recitat. Quomodo autem

Sorba doliis interclusa tueantur

Docemus, & servantur ad diuturnitatem. Si statim post vindemiam ipsa illæsa & inconcussa in dolio injeceris, ipsiusque doli osculum diligenter obturaveris, & gypso inducto obleveris. Similiter autem & in lutum figulinum probe subactum, & elaboratum, ut mellis crassitudinem habeat, immersa, & suspensa, integra servabuntur usque ad tempus, dein abluunt, quo illitum lutum inhærens decidat. Sic quoque

Zi Zipha fictilibus clausa servantur

Vasis, ut docet Palladius, collecta matura manu, & longis fictilibus clausa, & insuper oblita, & reposita. Idem sic etiam

Mespila & tuberes urceolis clausa asservari

Promittit. Mespila picatis urceolis suspensa, tuberes picatis, & oblitis. Sed Didymus docet

Myrti baccas optime condi,

Sed diutissime virentes collectas, in vase non picato, & diligenter operculato conditas. Alii cum suis pediculis po-

ponere malunt palladius.

Nuces in arcis clausis conservari

Dixit, sed suo ligno factis, inclusas. Idem

Castaneas in virgis fistulis lutatis servari

Monet, sed receptacula ex virgis fagineis facta, ac lutata, ut spiracula non appareant. Etiam

Rosæ occlusæ servantur

Si herbidam adhuc hordei segetem, una cum radicibus avulsam, in dolium non picatum mittunt, & rosas adhuc clusas tegunt, ac conservant. Sic

Lilia conclusa servantur toto anno

Si ipsa auferantur cum ramulis suis non dum aperta, sed adhuc occlusa, imponuntque in vasa fictilia nova non picata, deinde vasa cooperta reponunt, atque sicciscentia totum annum durant. Si autem quando medio tempore uti velit, in Sole exponat, quo calefacta aperiantur. Docēbimus

Vvæ quomodo clausæ perennent.

Ex Didymo. Aliqui in capsulis picatis deponunt cum scobe sicca piceæ, aut abietis, aut populi nigrae, aut cum farina milii: servabis enim ad diuturnitatem, si statim post vindemiam ipsos racemos illæfos, & inconcussos in dolium conjeceris, ipsiusque dolii osculum diligenter obturaveris, & gypso inducto obleveris. Similiter in lutum figulinum probe subactum, & liquidum immersæ, & suspensæ conservantur, dein quum promuntur, abluuntur luto. Columellæ uvas bumastos, vel duracinas, vel purpureas, quum defecueris à vite, continuo pediculos eorum inpicato dura pice, deinde labellum fictile novum impleto paleis quam siccissimis, vibratis, ut sine pulvere sint, & ita uvas suspendito, tum labello altero adoperito, & circumlinito luto paleato. atque ita in tabulato siccissimo composita labra paleis siccis obruito. Quomodo

Triticum conditum incorruptum permaneat.

Intus in speluncas, vel puteos, ut diximus ex Varrone, Cappadoces, & Thraces frumentum in speluncis condunt,

dunt, Hispani in puteos, curantque ne humor, aut aër tangere possit, nisi quum promitur ad usum; quo enim spiritus non pervenit, ibi non oritur curculio, sic conditum quinquaginta annos incorruptum manere. M. Varro

*Fabam, & legumina in vasis condita per diu
incolumia servari*

Dixit, sed in oleariis, & cinere oblita; & ab eo Plinius. Fabam & legumina in oleariis cadis oblita cinere, longo tempore servari, & in specu conditam cxx. annis durasse. Eodemque modo

Lens in vasis oblita diu servatur,

Ut docet Columella, vasis scilicet oleariis, salsamentariis-que, quæ repleta cum statim gypsata sunt, quodocunque in usus prompserimus, integram lentem reperiemus.

C A P U T V I I I.

Quod etiam occlusa vasa dolis fluitantia mittebant.

ET si aërem clausis vasis excludebant, ut omnis putrefactionis auctorem, non ob id è locis excludebant, ubi vasa reponebantur, ad cujus alterationem extimam, scilicet humescens, siccescens, calescens, aut friges- cens, aër intus conclusus alterabatur, & cum eo mala: quamobrem ad has temporis variationes evitandas, oblita vasa variis liquoribus submergebant, neque id absque ratione, & experientia, quippe nos ejusmodi studio invigilantes, animadvertimus, quod si aër uniusmodi foret, occlusi in vitreis vasis fructus immarcescibiles permanerent, & flores, at ubi variaret, illico in pomis situs, & putredinis initium videbatur: ob id immergenda vasa cisternis, puteis, vel subterraneis locis, ut minus variantis aëris motiones sentiantur. Et ut ad experimenta accedamus, docebimus

*Cydonia quomodo occlusa & submersa diu
serventur.*

Ex Democrito. Cydonia in fictile novum indito, & operculato, & picatum in vini dolio claudito, sic tamen
ut

ut fluitent, ita recentia servantur, & vinum, in quo enant, odorem bonum contrahet. Eodem modo

Mala clausa & cisternis indita perennant.

Palladius. ubi mala fictilibus clausuris, iis diligenter picatis, & clausis mala committuntur, nam in cisterna, vel puteo mergunt vasa fictilia. Plinius mala in patinis fictilibus fluitantia mittit, quod genere & vino odorem acquiri putat. Apulejus mala in ollam novam immissa, & olla in dolium vini immersa, ita ut innatet, & dolium oblinatur recentia erunt mala, & vinum odoratum. Sic

Ficus oclusas, in vino fluitantes servari

Promittit Africanus. Missas recentes ficus minus maturas in novo vase fictili, lectas cum pediculis, & à se separatas recludunt, & in dolio vini pleno vas natare permittunt. Nos quoque

Persica clausa cisternis demersa, servari

Experti sumus, & ejusmodi generis multa mala, doliolo scilicet oclusa, atque optime foris picato vase, & sub cisternæ aquis demerso, ponderibus gravato, ne sublevetur, & per multos menses incorruptos habuimus. Paululum diverso ab his modo Palladius

Punica in seriola ad medium aqua plena servari

Admonet, in qua suspensa mala humorem ne tangant, & seria claudatur, ne ventus inspiret. Sunt vero qui non solum aquis immersa vasa imputrescentia promittant mala, sed in terris mersa, & obruta eadem ratione suspicati sunt aëris alterationes cavere. Unde Columella

Sorba clausa, & sub terris posita diutius vivere

Demonstrat. In vindemiis sorba manu lecta curiose, in urceolos picatos adjicito, & opercula picata imposito, & gypso linito, tum scrobibus bipedaneis sicco loco intra tectum factis, urceolos ita collocato, ut oblita eorum ora deorsum spectent, deinde terram congerito, & modice desuper calcato. Melius est autem pluribus scrobiculis pauciora vasa distantia inter se disponere, nam in exemptione eorum, dum unam tollis, si reliqua commoveris, celescit sorba vitiantur. Plinius ex Catone. Sorba in vasis fictilibus picatis servantur in scrobibus, gypsato operculo, duum

duum pedum terra superinducta, in loco aprico, inversis vasis. Ab eis Palladius. Lecta duriora, ac posita, ubi maturescere cœperint, fistilibus usque ad plenum clauduntur urceolis, gypso desuper tectis & bipedanea scrobe, loco sicco, sub sole, mergantur ore perverso, desuper spissius terra calcetur. Idem

Pyra rasis induta & sub terris posita diu servari

Dixit scilicet ea, quæ dura sunt carne, & cute, in acervo posita, ubi se mollire cœperint, in fistile picatum ponuntur, & operculo superveniente gypsantur. Vas brevi scrobe demergitur in eo loco, ubi quotidie Sol tangatur. Alii statim lecta cum tenacibus suis, picatis urceis condiderunt, & oribus vasculorum gypso, vel pice clausis, ipsa sub dio obruta sabulone texerunt. Vel integra electa & prope dura, & aliquantò viridia, in picato vase clauduntur, quod operculo tegitur, & deorsum os ejus inclinatur, atque brevi scrobe obruitur, eo loco, circa quem perennis aqua decurrit. Sic etiam

Mala clausa, & terris obruta perdurant.

Ut Plinius admonet. In scrobe duum pedum altitudinis, harena substrata, & fistili operculo, dein terra operto. Alii hoc idem non patinis fistilibus, aliqui & in scrobe subjecta arena, ita sicca operiunt mox terra. Simile huic artificium est, quo

*Punica in seriolis arena immersa, mox obruta
ervantur.*

Quam diutissime. Si seriola sub dio obruatur, quæ habeat arenas usque ad medium, & mala cum tenacibus lecta imprimantur cannis singulis, vel sambuci virgulis, & ita separata in harenis figantur, ut ipsa quatuor digitis emineat à terra. Hoc & sub tecto in scrobe bipedanea fieri potest. Aliter in seriola ad medium aqua mittatur, suspendantur mala, ne humorem tangant, & seriola claudatur, ne ventus irrumpat. Cato

Avellanas in urceo sub terris condita servare

Jubet & recentes, quas prænestinas vocat, & recentes ad usum postea promuntur. Eodemque modo Palladius

Castaneas etiam hoc modo tueri

In fistilibus vasculis novis conditas, & loco sicciore defossas. Idem

Rosas conclusas & obrutas perennes reddit,

Hoc pacto. Rudi olla conditas, ac bene munitas sub dio obruit, & eas ad usum reservat. Nos autem docemus

Omnia quomodo clausa ad annos ferrentur.

Fructus, uti diximus, in vitreas phialas conditos, ac vitrariorum fornaci, vel tubulo, lumini clausos sub cisternis mergimus, & ad annos incorruptos servamus. Eodem modo clausos flores in oblongo vase, & collo ut diximus ocluso, scilicet per Hermetis sigillum, ut dicunt, & sub aquis mersos, diu, multumque recentes asservavimus. Item mustum in vas figulinum vitreatum clausum, & pondere sub aquis demersum, ad annum, ut posuimus invenimus. Possumus simili huic artificio

Res clausas ad ævum incorruptas habere

Si eas aliqua mistura involvemus, ut aëri transitus omnino denegetur, & si præcipuè ea mistura incorruptibilis sit. Nos probavimus succino, nam molli redacto rem involvimus: & cum perspicuum sit, præbet visui aditum, & incorruptam rem demonstrat. Apes & lacertas ita condimus, & multis ludicre imposuimus, Martialis apes, & lacertas esse. Videmus passim pilos animalium, frondes, & fructus, ejusmodi liquore involutos, æternos redditos. Martialis de ape:

Et latet, & lucet phaetontide condita gutta,

Vt videatur apis nectare clausa suo.

Dignum tantorum pretium tulit illa laborum,

Credibile est ipsam sic voluisse mori.

Idem de vipera electro inclusa:

Flentibus beliadum ramis dum vipera repit,

Fluxit in obstantem succina gemma feram.

Quæ dum miratur pingui se rore teneri,

Concrete riguit cincta repente gelu.

Ne tibi regali placeas Cleopatra sepulchro,

Vipera si tumulo nobiliore jacet.

Quomodo autem mollis reddatur, etsi multis modis, hoc tamen contentus esse poteris, si in effervescentem, & def-

& despumatam ceram projeceris, nam adeo mollis redditur, ut facile digitis tractetur, & singulis usibus accommodari possit. Memento tantum sit recens.

C A P U T IX.

Quomodo & poma melle demersa ad vetustatem servari possint.

VIDENTES etiam antiquiores, res vasis oclusas, & etiam vasis in aquis demersis posse corruptionem vitare. variis liquoribus res & fructus immerferunt, putantes in melle, vino, aceto, muria, & aliis demersos diutius servari, quum his communicata sit potestas putredinem arcendi; melle enim non solum fructus, sed animalium corpora citra putrefactionem custodiuntur, & alibi Alexandri corporis, & hippocentauri, in melle conditorum, meminimus. Simplici aqua non usi sunt, quæ quum sit humida, videbatur putredinem inducere. Sed præ omnibus mellaudarunt, & melle omnia à corruptione rueri posse putarunt. Columella

Cotonæ in melle servari posse imputrida

Dixit, inquires. Nil certius, aut melius experti sumus, quam cydonia in lagena nova, quæ sit patentissimi oris, componantur leviter, & laxè, ne collidi possint, deinde quum ad fauces usque fuerint composita, vinineis surculis sic transversis arctentur, ut modice mala comprimant, nec patiantur ea, quæ liquorem acceperint, sublevari, tum quam optimo & liquidissimo melle vas usque ad summum ita repleatur, ut pomum submersum sit. Hæc ratio non solum ipsa mala custodit, sed etiam liquorem mulsei saporis præbet, qui sine noxa possit interdum dari, sed cavendum, quæ in melle custodire voveris, immatura mala condantur, quoniam cruda si lecta sunt, ita durescunt, ut usui non sint. Hæc ratio adeo quidem certa est, ut etiam si vermiculus inest, non amplius corrumpantur mala, quum prædictum liquorem acceperint: nam ea mellis natura est, ut coerceat vitia, nec serpere ea patiatur, qua ex causa etiam exanimum corpus hominis per annos plurimos, innoxium conser-

vat. Palladius. Cydonia satis matura deliguntur, & in melle sic integra demittuntur, & sic diutius asservantur. Plinius cera illita melle demergit. Apitius cydonia sine vitio cum ramulis condit in vas, suffundens mel & defrutum. Cydonia hoc modo parata melimela, quasi melle parata dicebantur. Unde Martialis:

*Si tibi cecropio saturata cydonia melle
Ponentur, dicas hoc melimela licet.*

Mala in melle servari

Posse Columella dicit, & alia genera malorum, sicuti orbiculata, festiana, melimela, & matiana, sed quia videntur in melle dulciora fieri sic condita, nec proprium saporem servare, alio artificio pro eis servandis usus est. Palladius

Pyra in melle servari possunt,

Dicit, sed quæ se non contingant. Possunt & ex Africani sententia recentes

Ficus in melle diutius custodiri,

Si ita ficus in melle disponant, ut neque se invicem, neque vas tangerent, dein indito operculo sinunt. A quo Palladius. Ficus virides servari possunt; vel in melle ordinatae, ne se invicem tangerent. Docet

Cerasa in melle servari

Florentinus. Si in vas, substrata in fundo satureja, adjicitur nonnihil acidi mellis, aliquantulum dulcescentis. Et

Mespila in melle integra permaneant

Diutius, ex Palladii doctrina: sed oportet minus matura collecta sint. Martialis demonstrat

Nuces in melle per animum virides asservari,

Et se expertum esse. Virides tantum nuces liberas putaminibus suis melle demergi, & ipsum mel ita medicabile fieri, ut ex ea facta potio, arterias curet, & fauces. Palladius

Persica duracina in melle non putrescere

Dixit, si detractis ossibus condiantur, & saporis esse jucundi. Idem etiam oxymelle servari dixit. Et tandem Columella

lumella præcipit, nullum esse pomi genus, quod non possit melle servari. Sed illud in totum præcipiendum existimavit, generatim separata custodiri: nam si commisceas, alterum ab altero genere corrumpitur. Sic etiam

Vva incolumis in melle persistit,

Ex Didymo, asservaturque. Sed nos declarabimus

In melle qui fructus conservantur.

Dum enim huiusmodi negotio operam navaremus, ut fructus excita tabe possent asservari, omnes vitreis in vasis in melle condidi, ut conspiciendi daretur facultas, qui diutius à putrilaginis tabe præservarentur, comperimus aliquos plus, minus aliquos perdurare. Humidiores fructus incorruptum mel corrumpunt, ipsumque corruptum eos à tabis injuria non tuetur. Uvæ, ficus, persica, fluida tabo fiunt, cydonia, mala, pyra diutius incorrupta persiste-runt, sed nuces per annum incorruptæ, & virides per-manserunt.

C A P U T X.

Quomodo in vino sapa, defruto, aceto, & vini facibus fructus demersi perennent.

DE MUM videntes quod vinum omnia conservabat, & uvarum acini, qui vino incidissent, quum doliis inderetur, incorrupti per totum anni curriculum in doliis permanerent, opinati sunt, quæ vino conderentur, ab omni tabe immunia permanfura. Nec solum vino contenti, sed defruto, sapa, aceto, & vini facibus, quod vini substantiam redolerent, usi sunt. At nos cognoscentes ex vini substantia subtilissimum liquorem, & immarcescibilem extrahi, (nam & vinum quandoque pervertitur) ejus ope ad ævum incorruptas res possumus asservare. Sed ut ad exempla deveniamus, Palladius docet

Cotonea vino demersa incorrupta servari:

Nam si ea plenis vino optimo vasculis immitemus, vel vini & defruti æquum corpus efficiatur, cydonia ad multum tempus servabimus. Alii doliis musti mergunt, atque

ita claudunt, quod odoratum reddit & vinum. Democritus lecta coronea dolis multi mergit, atque ita claudit, quod & odoratius vinum reddit. Idem

Mala vino fluitantia servari

Docet, aliqua mala in patinis fictilibus fluitantia mittunt, quo genere & vino odorem acquiri putant. Apulejus. Poma dolis multi merguntur, atque ita clausa perdurant, & a fæce servata vini suavitatem supra modum commendant. Sed in ollam novam immissa, & olla in dolium vini immersa, ita ut innatent, & dolium oblinatur, recentia erunt mala, & vinum odoratum. Possunt &

Ficus in vino mersa diutius asservari,

Ut Africanus docet. Quum vinaria dolia operculantur, in novum fictile non rotundum, sed potius ex arbitrio quadratum, fundoque sultum, missæ recentes ficus minus maturæ cum suis pediculis, umbilicisve, à se sic, ut bene intercedat spatium, secretæ recluduntur, & in dolio vini pleno diligenter operculato natare permittuntur, & nisi vinum contrahat acorem, tali habitu mansisse comperies, quali constabant, quum fuerant injectæ. Palladius ab eo. Alii missas ficus recentes minus maturas in novo vase fictili lectas cum pediculis, & à se separatis recludunt, & in dolio vini pleno, vas natare permittunt. Docet & Beritius

Mora in vino demersa servari

Suo, dummodo demersa, & diligenter operata. Pamphilus

Pruna vino servari

Dixit, scilicet damascena in cadis vino dulci, vel novo nantia, operto diligenter vase. Et

Zizipha vino persusa sine rugis servantur,

Ex doctrina Palladii: nam recenter lecta, atque guttis vini veteris persusa, efficitur. ne ea rogatum deformet attractio. Docebimus ex Didymo

Uve in vino quomodo imputridæ permaneant.

Commodum est enim in dolium musti uvas suspendere, ita ut neque mustum neque se ipsos botri mutuo contingant: permanent enim ita integri, quemadmodum ex vite ab-

te ablati. Quidam vino aqua diluto asservant. Erant usui apud antiquos uvæ in vino asservatæ. Athenæus ex Eubulo in Agglutinato

„*Densus olivas dato*

Crebras uvas in vino servatas rodere cogito.

Et Pherecrates

„*Amygdalas, mala,*

Mirti baccas, apium, ex vino uvas.

Sed Cato

Pyra in sapa condita diu durare

Dixit, & maxime tarentina, mustea, & cucurbitina. Et si M. Varro antiana, & sementina in sapa asservari dixerit. Plinius tarentina, & antiana in passio servari. Palladius in sapa, passio, vel dulci vino demersa custodit, vasis plenis, quod a Democrito descripserat. Sapa quomodo fiat ex musto docet Columella. Sed Palladius

Perseca duracina in sapa condita durare

Memorat: si umbilicum pomi, gutta picis calentis opple-
veris, ut sic sapa innatare cogantur, vase concluso. Columella

Sorba in defruto diu conservari

Retulit, adjecto spissamento aridi fœniculi, quo depri-
mantur ita sorba, ut semper jus supernatet: ac nihilomi-
nus picata opercula diligenter linunt gypso, ne possit spi-
ritus introire. Plinius ait. Caro sorba in sapa condi jubet.
Palladius etiam in sapa diu servari posse dixit. Docet Co-
lumella

Uvas in defruto immarcescibiles servari.

In dolium bene picatum defruti amphoram conjicito,
deinde transversos sultes spisse arctato, ita ut defrutum
non contingant, tum superponito sistiles novas parinas,
& in his sic uvam disponito, ut altera alteram non con-
tingat, tum opercula patinis imponito, & linito, deinde
alterum tabulatum, & tertium, & quandiu magnitudo
patitur dolii similiter instructo, & eadem ratione uvas
componito, deinde picatum operculum dolii defruto lar-
ge linito, & impositum cinere obrurato. Nonnulli ad-
jecto defruto contenti sunt transversas perticas arcta-

re. & ex his uvas ita suspendere, ne defrutum contingant, deinde operculum impositum oblinire. Idem etiam

Pruna in defruto diu asservari

Docet. Circa messem pruna onychina, & sylvestria adhuc sola, nec maturissima legenda sunt, nec tamen nimium cruda, dein tertio die umbra siccanda, tum æquis partibus acetum, & sapa, vel defrutum misceatur, & infundatur. Verum commodius servantur, si dux partes sapa, cum aceti una parte misceantur. Vel pruna purpurea in fictili picata fidelia componuntur, & defruto, aut passio, ita ut omne pomum sit immersum, vas completur, impositoque operculo gypsatur. Possumus &

Cucumeres in vini fece servare,

Ex Quintiliorum placitis. Cucumeres in vini albi facem dulcem & non perversam immittes, & vas explebis, sic manebunt recentes. Scribit Didymus

Olivæ in vinaceis integras manere

Vinacea recentia prius quam exprimantur una cum olivis, vicissim interpositis, in vas condas, & oblines. Hac ratione Columella

Cornu condienda in fece

Præcipit, quibus pro olivis utamur. Ovidius octavo metamorphoseos

Conditaque in liquida corna autumnalia fece.

Vas in vini fece virides manere

Monstrat Columella. Legantur modice maturæ, deinde in cratibus ita ponantur, ne altera alteram collidat, tum demum sub tectum referuntur, & arida, vel vitiosa grana forficibus amputantur, & quum paulum sub umbra refrixerint, ternæ, aut etiam quaternæ pro capacitæ vasorum in ollas demittuntur, & opercula diligenter pice obturantur, ne humorem transmittant, tum vinaceorum pes bene prælo exptessus protrahitur, & modice separatis scipionibus, resolutaque intrita folliculorum in dolio substernitur, & deorsum versus spectantes oliæ componuntur, ita distantes. ut interculcari possint vinacea, quæ cum diligenter conspissata primum tabulatum fecerunt, alie

aliæ ollæ eodem modo componuntur, expleturque secundum tabulatum, deinde similiter dolium completur tabulari ollarum, spisseque vinaceis inculcantur, mox usque ad summum labrum vinacea condensantur, & statim operculo superposito cinere dolium linitur. Sed oportebit, quum ad usum promuntur ollæ, tota singula tabulata detrahi, nam conspissata vinacea, si semel mota sunt, celeriter æcescunt, & uvas corrumpunt.

Cucumeres in aceto recentes conservare

Et in vigore, si in vas parum aceti habens, suspenderis, ita ut acetum non contingant, & vas obleveris, ut non transpiret, hoc modo recentes hyeme habebis, ex Quintiliis. Possunt & aceto omnia servari: sed quia saporem corrumpit, omitemus. Sed ex his nos possumus

Omnia ad ævum stillatitia vino conservare:

Nam & vinum putrescere aliqua de causâ potest, sed pluries distillatum, vel extracta essentia, ab omni tæbe immune est: unde omnia, quæ huic liquori mersa sunt, vase optime clauso, per omne ævum penitus putredini obnoxia non esse. Vidimus Romæ piscem in vitis aqua mersum, & recentem asservatum viginti quinque annis ac si vivus esset, & Florentiæ quadraginta. Vas erat vitreum, sigillo Hermetis clausum, & sic omne puto, quæ huic liquori mersa essent, per omne ævum incolumia perpurare. Quam multa nos asservaverimus, longum esset recensere.

C A P U T X I.

Quod in falsis aquis fructus optime conserventur.

POst vinum falsæ aquæ in usum condendi erant, nam res in eis mersæ imputrescibiles permanebant. Videbant enim omne in sale conditum tibi immune persistere, unde & fructus falsis aquis immersi, contra putrefactionem se tueri posse fatebantur. Homerus salem divinum appellabat, quod contra putredinem valeret, & corpora ad æternitatem conservabat, Plato Dei amicum, ut nulla sacrificia sine falsa mala fierent. Plutarchus, fulmen veteres divinum quoque vocare dixit, quod eo corpora divi-

nitus afflata imputrida permanerent. Etenim astringit sal, siccatur, alligatur. putrescentia corpora ita vendicat, ut ea durent per sæcula, quod Ægyptiorum comprobant instituta, quibus corpora sale condire mos erat, ut Herodotus scribit. Ad exempla igitur devenientes, Beritius narrat

Punica in salsis servari aquis.

Nam ferventem aquam marinam calefacit, aut muriam fervere facit, & in ipsa punica immittit, ac postea in Sole perfrigerata, ac siccata suspendit: ubi vero uti volunt, biduo ante ipsa in aqua macerant. Columella ex Pœni sententia. Præcipit quidem Mago aquam marinam vehementer calefieri, & in eo mala granata, lino spartove alligata paulum dimitti, dum decolorentur, & exempta per triduum in Sole sicari, postea suspendi, & quum res exegerit, una nocte, & postera die, usque in eam horam, qua fuerit utendum, aqua frigida dulci macerari. Plinius ex eo. Punica aqua marina fervente indurari, mox triduo Sole siccata, ita ne nocturno rore contingantur, suspendi, quum libeat uti, aqua dulci perlui. Eadem ad eo Palladius, qui &

Pruna in salsis aquis conservari

Ait, in aqua marina, vel in muria fervente recenter lecta pruna demergunt, & deinde sublata, aut in forno tepido faciunt, aut in Sole sicari. Columella in defruto, sapa & aceto mergit, sed admonet aliquid salis adjicere, ne vermiculus aliudve animal innasci possit. Palladius

Pyra in aquis salsis durare

Dixit, nam quum ceperit undare, calefacta despumant, & ei post jam frigida pyra servanda demergunt. tunc exempta post tempus exiguum condunt urceo, & ejus lito ore conservant. Vel nocte, & die in frigida salsa manere patiuntur, post in aqua pura biduo macerant, dein in sapa, vel passio, vel dulci vino mersa custodiunt. Alii in urceo fistili novo in vino, vel musto demergunt, parum salis habenti, & operculato vase reponunt. Eodem modo

Mespila prius in aqua salsa macerata servari

Cum pediculis lecta semimatura, & salsa aqua per dies quin-

quinque macerata, postea sapz infusa, ut enatent. Suader Didymus

Vras in falsis aquis diutius immorari.

Si in marinam aquam ferventem, aut si hæc non sit, in murum ammisso vino, racemos immergendo, & in paleis hordeaceis deponendo. Quidam cinerem ficulneum, aut vitium aqua fervefaciunt, botrosque in ea rigatos, indeque refrigeratos in prædictis paleis deponunt. Per totum annum durat uva, si dum adhuc paululum asperior est, collectam aqua calida, alumen ammistum habente, rigaveris, statimque inde extraxeris: Antiquirus

Vino salem ad vetustatem adjicere

Mos erat, ut ex Columella habetur. Decoquit mustum ad tertias, quod defrutum vocat, hoc transfertur in vasa ut post annum sit in usu, ejus defruti sextarius in duas urnas musti adjicitur, deinde interposito biduo, quum mustum cum defruto deserbuerit, purgatur & in binas urnas coadjicitur mensura semuncie, bene pleuæ salis criti. Ex Theophrasto & Plinio habetur

Palmas falsis locis natas servari posse.

Videlicet fructus, qui nascuntur in falsis, atque sabulosis, ut in Judæa, & Cyrenaica Africa; nam quia palma falsis alatur, suo sale conditur, & quia in falsioribus locis nata, falsior est, ideo ad servandum paratior. Sine cura

Cicer sua falsedine servatur.

Ciceris natura est gigni cum falsilagine, corruptis leguminibus omnibus animalia propria gignuntur, excepto cicere, id enim solum gignere animal nullum potest, propter amaritudinem, & acredinem succi. Ex Theophrasto. Ejusdem naturæ

Faba falso rigata percrement.

Ex Didymo, nam marina aqua integræ & illasæ permanent. Docet & Plinius

Allia in falsis servari:

Nam si diutius allium, cæpamve inveterari libeat, aqua falsa tepida capita intingenda sunt, ita diuturniora fient, melioraque esui. Sic &

Cucumeres in muria conduntur

Ex Quintiliorum placitis, & in ea compositi permanent. Qui idem de cucurbitis protulere. Dicimus

Mala, & myrti fructus in alga conservari,

Apulejus mala fuco, id est musco marino singula convolvit: sic ut undique cooperiantur, interjecto quoque eodem, ne sese ulla ex parte contingant: si desit succus, arctis condantur. Aristoteles non fructus myrtorum alga conservari ne decidunt, sed folia dixit, quia fructus non decidunt, nisi maturantur, sed algæ vapor prohibet, ne humor fructus immutetur: algæ enim, ut salæ exsiccandi vim habent. Docebimus tandem

Oleas in muria in annum recentes habere.

M. Cato oleas orchites, & posias virides in muria servat, vel lentisco contusas. Columella pausiam, & orchitem, & radiolum contundit, & in muriam injicit, & exemptas de muria exprimit, & in vas cum lentisci, & fœniculi seminibus districtis permiscet, dein recentis musti partes duas, & unam duræ muriæ adjicit, & servat, vel integras in amphoram injicit, inde duram muriam adjicit, ut ad summum amphoræ labrum perveniat, & cum res exigit, de amphora promitur. Nigras Cato ira condit. Orchites, ubi nigræ sunt, & siccæ, sale confricato dies duos, postea salem excutio, in Solem ponito biduum. Eadem ab eo M. Varro. At Columella. Cum olivæ nigruerint, & immaturæ fuerint, sereno cælo manu districtas secernere convenit à vitiosis, deinde in singulos modios olivæ salis integri ternas heminas adjicere, & in vimineos qualos confundere, finito triginta dies confudascere, & amurcam extillare, postea vero in alveum diffunde, spongia salem munda, & in amphoram injice, sapa, vel defruto reple. Colymbades ita facere docet Didymus. Olivas prope maturas, cum pediculis suis lectas, frigida aqua lotas per diem vimineis cratibus assiccato, leviter conterendo, ac in imo vasis, sale immisto, muria congiis quatuor, & aceti hemina

his tribus chœnices viginti mittito. Expletum vas commoveto, ut jus super emineat. Alii in marinam aquam oleas immittunt, post dies septem eximunt, & in vase cum muria coniectas reponunt. Sic Columella, Palladius, & alii.

C A P U T XII.

Quod optime in oleo, & amurca res possint conservari.

OLEUM res maxime conservat, & præcipue amurca, ut non solum ab aëris injuriis eas defendat, sed animalium. Sed ne longioribus verbis immoremur, maximas amurcæ dotes Cato docet. Amurca subigit areas terendis messibus, ne formicæ obsint, etiam

Vt frumentum perennet in horreis.

Eorum pavimenta, ac parietum tectoria luto, ex amurca confecto, linit, sic

Ne vestes à tineis erodantur.

Contra teredines, & noxia animalia amurca aspergit, Sic etiam profusa

*Semina, dum jacent in arvo, ne erodantur
ab animalibus,*

Et ab eis tuta sint, lota etiam, ac cotia omnia, ac calceamina, axesque decocta inungi, atque æramenta contræruginem, colorisque gratia elegantioris; & totam supellectilem ligneam, ac vasa fictilia. Idemque Cato

Virgas myrteas cum bacis servari in amurca

Docet, vel aliud genus quodvis inter se alligato, fasciculos facito, eos in amurcam demittito, superstitet amurca facito, sed ea, quæ dimissurus eris, sumito paulo acerbiora: Vas quo condideris oblinito plane. Et

Rosas in amurca servare.

Didymus ostendit, recentes, & in vigore: si ipsas in amurcam immiseris, ita ut liquor eis supernatet. Si voles

Ramos ficulneos cum fructibus servare in amurca,

Cum suis foliis alligato, & id amurcam demittito, ut diximus de myrto. Sed fici aridæ si voles ut immarcidæ sint,

in vas fictile condito, id amurca decocta inungito. Possunt

Olea in oleo servari:

Nam posæ, quum decolorantur, cum petiolo leguntur, & in oleo servantur, ut post annum repræsentent viridem saporem, ac trito sale aspersas, pro novis apponunt.

CAPUT XIII.

Quomodo in scobe, foliis & paleis obruta poma ad diuturnitatem reponantur.

VARIAS quoque arbores excogitarunt veteres, quarum scobe deversa poma, sua siccitate custodirentur ad diuturnitatem, vel quia arbores imputrescibiles, ut cedrus, cupressus. Præterea suis quoque frondibus, & paleis; conservatur enim res una quæque in cognatis potius, quam extraneis, ut diximus de moris in suo vino, & de olivis in oleo, & de uvis in vino. Quorum exempla erunt. Si velimus

Citria in cedri scobe servari,

Ut docet Palladius, quod à plerisque fastitatum refert. Eodemque modo

Cydonia in scobe multum asservari

Promittit Democritus, & optime custodiri, quippe à scobis ariditate defenduntur, aut in floceis, tomento ve mundo, cistis disposita conduntur. Columella.

Mala abiegna scobe diutius conservari

Docuit, vel populnea interposita. Palladius. Plerique scobem populi, vel abietis inter mala diffundunt. Apulejus servanda poma canistris, vel vimineis cistis componuntur, & mundo tomento obruuntur. Sic

Punica in querna scobe à putredine se inveniuntur

Hoc modo, ex Columella, suffusa prius scobe aceto. compositaque obruunt. Jubeat Mago in urceo novo fictili substernere scobem populneam, vel facto primo tabulato, rursus scobem substernere, & similiter mala disponere, dum urceus impleatur, qui cum fuerit repletus, operculum imponere, & crasso luto diligenter oblaire. Beritius etiam in scobe quercina servat, præinsuso aceto.

Uvas.

Uvas in scobe servari

Docet Columella. Quidam eadem ratione arida populnea, vel abiegna scobe virides uvas custodiunt. Didymus, in picatis capsulis deponunt, ut scobe sicca piceæ, aut populi nigræ, aut farina miliari. Idem ad fructuum perennitatem paleis usi sunt, quæ insita frigiditate nivium rigorem servant illiquefactum, vel genuina siccitate omnia illæsa conservant, vel fere omnium qualitaturn expertes, rem in sua qualitate conservant. Et primo

Citria in paleis servari

Tecta, docet Palladius, vel straminibus minutis. Et Idem

Cidonea in minutis paleis asservari

Dicit, separata demersa. Democritus. Nec secus in straminibus minutis, vel paleis obruta componuntur. Plinius

Mala substratis paleis servari,

Storeis, & stramentis retulit. Palladius in tabulatis suis strata palea disponi, & stramentis de superiore parte cooperiri. Palladius

Pyra obruta inter paleas servari

Posse dixit. Idem nec dispari modo

Mespila in paleis servari

Discretæ, & obruta, si die serena legantur, ac media, separata accommodantur, ne ea vicissim tactus afficiat. Palladius

Punica & paleis asservari

Dixit, si tactu invicem separata paleis obruantur. Beritius

Uvas in paleis substratis servari

Scribit: botros singulos seorsim per pavimentum extendere oportet, ut alter alterum non contingat, paleis substratis, si fieri potest lupinorum. Hæ enim duriores, & sicciores sunt, & mures arcere possunt. Si vero sint paleæ

paleæ lupinorum, secundo loco fuerint fabarum, & ervi, & reliquorum leguminum, ex frumentaceis autem hordeaceæ præstant. Quod si nihil harum sit, fœnum aridissimum in tenues partes concisum substernito. At

Nuces paleis obrutæ servari

Tradit Palladius. Et si amygdalæ difficulter corium dimittent, paleis obrutæ, continuo relaxabunt. Sotio non promittit

Capas in hordeaceis paleis servari imputridas

Ipsas, in aquam calidam injectas assiccato in Sole, & siccitas in paleis, ne se mutuo contingant. Palladius

Castaneas in paleis servari

Hordeacei minutissimis docet obrutas, vel palustri ulva figuratis densioribus sportulis clausas. Possunt & in suis foliis facillime à putredinis labe tueri; ut veteres tradidere, ut pote

Cydonia in foliis ficulneis asservari

Promittit Columella, alligata, & creta cum amurca illia. Democritus foliis integit, ac luto linat. Palladius poma, quæ majora sunt, ficulneis foliis involuta custodit. Palladius

Citria in suis foliis servari

Promittit, si suis locis discreta ponantur. Palladius,

Malis nucum folia substernit ad conservationem,

Docet & Apulejus mala incolumbia servari foliis nucum subter explosis, quo substratu, & odori, & colori perquam belle consulitur. Meliusque ceder, si frondibus nucum non caducis singula convolvantur, servari quoque & talia permanere, qualia inclusa fuerint. Sic &

Pyra juglandis frondibus asservari

Siccatis involuta spondet Democritus, atque post annum viridia inveniri. Plinius

Ficus verbasci servari foliis

Fœminæ dicit involutas, & omnino non putrescere, Palladius ex furno calidas, & impositas foliis suis fictili condit. Cato in muria cum suis foliis condit. Columella, quum

quum aruerint in orcas picatas meridiano tempore calentem ficum condit, calcando, subjecto arido fœniculo, & iterum vasis repletis superposito. Possumus &

Cerasa in satureia foliis conservare & harundinis

Si in vas, substrata in fundo satureja conjiciatur, dein cerasa superponuntur, iterumque alternis satureja adjicitur. Servari itidem interjectis harundinum foliis, & in eundem modum alternatim dispositis in cado. Sic &

Zizipha fronde sua involuta servari

Spondet Palladius, vel decisa cum ramis suis, ac deinde suspensa. Eodem modo

Myrtus cum suis fructibus servatur

Diutissime, vel in vase clauso, vel in amurca, ut diximus. Juber Magò

Punica cum frondibus suis asservari,

Diligenter super ea figularem cretam linunt, & suspendunt. Sic possunt

Nuces in frondibus suis servari

Aridis, ex Palladio. Nunc docebimus ex variis authorum experimentis, ut

Triticum cum herbis asservetur.

Tarentinus absinthii, aut abrotoni arida virgulta imponit, ampliusque folia sempervivi herbarum aridarum. Præstat etiam habere folia mali punicarum aridarum, & cribrata arena præparata, & quum frumentum deponitur, ad singulos frumenti medimnos, chœnicem foliorum inspergere. Utilissimum quoque conyzam semisfrigefactam in pavimentum frumento susternere, & post diffusos decem medimnos rursus conyzam integere, & rursus frumentum super inspergere, donec totum deponatur. Quod enim hoc modo depositum, non solum in multos annos à putredine immune perseverat, verum etiam idem pondus servabit in panificio. Possumus

Ordeum incolume servare lauri foliis

Siccis, sed fertilis, similiter servat hordeum sempervivum

vum herba siccata cum calamintha, & una cum gypso hordeo ammitta. & farinæ incolumes perseverant ad tempus tedis pinguibus contusis, & in ipsa injectis. Quidam cuminum & salem ex æquo terentes, & massas aridas inde facientes, eas in farinam imponunt. Ex Florentino.

CAPUT XIV.

Quomodo diversis in rebus admisti fructus ad diuturnitatem custodiuntur.

SED ne longius sermones protrahamus, exempla majorum adducemus, quibus possimus variis in rebus fructus inmergendo ad diuturnitatem servare: Et primo

Citria in hordeo non putrescere

Promittit Sotion, si in ejus acervis fuerint obruta. Sed miram proditur caldo pane citriis superposito, celerius putredinem concipere. Palladius vero

Cydonia in milio obruta durare

Commonet Putat enim ut milium incorruptum per multos annos perdurare, sic in eo demersa, absconditaque cydonia ad multum tempus posse incolumia conservare. Democritus in hordeo obruit, cogitans ab ejus ariditate & frigiditate conservari, hoc tamen admonendum duximus, cydonia non recondenda, ubi reliqui fugaces fructus, vel alii quique teneri resident, siquidem hos suo acerrimo sapore labefactantia vitiant, sed tamen uvas in vicino situ jacentes marcore conficiunt. In eodem

Milio mala servari

Putat Plinius, obruta, ut diximus de aliis. Apulejus à putrilaginis labe vindicari obruta hordei acervis. Id observandum est, ut unum quodque genus separatim propriis arculis reponatur: nam quum una clausa sunt diversa genera, inter se discordant, & celerius vitiantur. Propter quod etiam conseminalium vinearum non tam est firmitum vinum, quam per se sincerum amineum, vel apianum, aut etiam secinum condideris. Palladius.

Pyra.

Pyra inter frumenta obruta asservari.

Diu promittit, ut eorum siccitate conserventur. Idem.

Tuberes in milio servari

Commonefacit obrutas, ac diu imputridas permanere. Vesuviani, & nos in arena fluminum obruta usque ad aliorum proventum viridia, & vegeta asservamus. Beritius

Punica in tritici cumulo imputrida immorari

Spondet. si in ferventem aquam intincta, in tritici cumulo in umbra dum rugas contraxerint, recondantur. M. Varro in dolio harenæ. M. Cato in doliis harenæ servari jubet. Didymus

Vvas in horreis suspensas servari

Præcipit ad multum tempus, præsertim si frumentum moveatur, etenim pulvis ab ipso exurgens, uvis insidens multum confert ad diuturnitatem. Tarentinus ut

Frumentum diu servetur

Cinerem sarmentorum quercus frumento inspergit, alii bouum sterces aridum. Præstat autem calcem arenariam amurca subigere: hæc enim & bestiolas omnes corrumpit, & frumentum solidius, ac densius facit. Omnibus præstat terram argillosam perfrigeratam interponere. CREDERE autem licet xxx, vel xl. annis incorruptum manere, si quam diximus frumento interpones in horreis, sine ventilatione, aut alio artificio, ac quum eo uti volueris, arcto cribro demendo, eadem semper uti poteris. Florentini artificio

Legumina diu perdurare

Posse ajunt, si lens aceto laseris succum ammistum habente conspersa, putredinis experts permanet.

C A P U T X V.

Quomodo & aliæ res imputrida permaneant:

RECENSEBIMUS & hoc capite, quæ ad alias res conservandas valent, ut à putrefactione se possint tueri: etsi vilia sint, tamen vera. Et ad alia investiganda præbent aditum. Possunt &

Omnia

Omnia in argento vivo servari.

Veluti fructus, & similes: nam sæpius fructus in vas accommodavimus compositos, ut, injecto argento vivo ne possint sursum ferri, eoque imposito per multos dies obritos sic conservavimus illæsos. Sic

Carnes æreo clavo infixæ asservantur

Ex Plutar. si æreus clavus carnibus insignatur, eas à putredine illæsas conservat, stiptica exiccandi facultate. Ex multis, quæ circumferuntur, novimus experimentum, quo

Cadavera diu possint conservari:

Aperto primum latere, exenteretur corpus, ac dissecta calvaria, cerebrum eximitur, subtractis pupillis, testibus & spinali medulla, dein suspendatur ex pedibus corpus, ternis, quaternis horis, secundum corporis crassitiem & pinguedinem, mox lavetur spongiis ex aceto distillato, aqua vitæ, ac desiccari permittito, post exiccationem calce viva, alumine, & sale aspergatur, & per biduum suspensum permittatur fumo herbarum, videlicet myrti, lauri, rorismarini, cupressi, loco siccò, & aperto. Tandem fiat mistura ex calcis vivæ non extinctæ libris quinque, aluminis combusti una, salis optimi binis, aloes, & myrrhæ sesquilibra, ligni aloes selibra, olei spicæ nardi unciiis tribus, cinerum florum rorismarini quinque, viridis æris combusti, & calchanti duobus, theriacæ optimæ quatuor, ferraturæ cupressi selibra, croci siccati uncia, seminum coloquinridis tribus & dimidia, antimonii in pulverem redacti una & dimidia, cineris fæcis vini quinque & dimidia, moschi sesquidrachma, ambaræ duabus, omnibus diligentissime contusis, & commistis aspergatur corpus, & manibus fortè impressione confricetur per triduum, loco ventis aperto, siccissimoque. Id præmonendum duximus, in præpinguibus corporibus abstrahatur adeps abdominis, narium, coxendicum, musculorum tibiarum, & menti, vel ubi aliqua visitur. Sic etiam

Res balsamo conservantur.

Sed quia verum non habemus, & si reperitur, carius valet,

let, multa artificialia ad hunc usum conficiuntur, quæ posteriùs suo loco dicemus.

C A P U T XVI.

Quibus modis varia panis genera confici possint.

DI X I M U S de fructibus, aliisque rebus conservandis, superest ius, quæ servavimus, quomodo uti possimus, doceamus. Inter cætera quæ quotidiano usui maxime necessaria, ut multiplicia panis, vini, aceti, & olei genera demonstrabimus, ut non solum paterfam. parva rei familiaris jactura suæ familiæ consulere possit, sed in caritatis annona in montibus, & solitudinibus ex omnibus fere rebus ejusmodi quæ diximus parvo sibi labore comparare possit: Sed à pane incipiemus, videamusque ex quibus majores nostri in necessitatibus usi fuerint: omitto illa usui familiarissima genera ex zea, & ejus alica, olyra, ex typha, panico, sesamo, & è leguminibus, utpote nota. Sed primo

Panem ex tribulo conficere.

Dioscorides tribuli genus aquis familiare tradit, quod in fluminibus natum semen quoddam affert, castaneæ magnitudine, tricuspdatum, membranofum, alba medulla refertum, gustu castanearum, quod vulgus aquaticam castaneam vocat, utunturque accolæ in cibis, haud secus quam castanea. Qui peregre proficiscuntur, globulos ex iis precarios conficiunt. Thraces, qui ad Strimonem amnem habitant, virenti hoc tribulo equos saginant, & ex eodem semine panem conficiunt, quo vescantur. Adhuc in locis, in quibus apud nos nascuntur, accolæ in annonæ inopia panem ex iis parare solent, ut à Ferrariensibus ex castaneis, & Brutii fructus sub cineribus assatos, pro bellariis edunt. Haud vario discrimine

Panem ex loto conficere

Docet Theophrastus. Nascitur lotus in planis, ubi rura inundantur. Natura fructus similis fabæ, sed minor graci-liorque, qui nascitur in capite, modo, quo faba, multus, ac densus promiscue exit. Sole occidente se comprimit, oriente aperitur, & super aquam assurgit, capitis magnitudo

tudo quanta papaveris, in Euphrate nascens, Ægyptii capita ipsa acervis putrefaciunt, quumque tegumenta putruerint, in flumine lavando, separant fructum, & siccantes, pilsentesque panem faciunt, eoque cibo utuntur. Plinius. Est & lotometra, quæ sit ex loco sara, ex cujus semine simili milio, sunt panes in Ægypto à pastoribus, maxime aqua, vel lacte subacti. Negatur illo pane salubrius quicquam esse, aut levius, dum calet, refrigeratus difficiliter concoquitur, sitque ponderosus. Constat eos, qui illo vivant, nec dysenteria, nec tenasmo, neque alius morbis ventris infestari. Itaque inter remedia eorum habetur. Erat etiam mos antiquitus

Panem ex palmis conficere,

Quod ex Plinio habetur. Palmæ in totum arentes Thebaldes, atque Arabicæ, macro corpore exiles, & assiduo vapore torrentes, crustam verius, quam cutem obducunt. In ipsa quidem Æthiopia friatur hæc, (tanta est siccitas) & farinæ modo spissatur in panem.

Panis ex sycomoro.

Caria & Rhodo magnus est sicus Ægyptiæ, sive sycomori proventus, & convicinis locis parum tritici feracibus. Populi in annonæ penuria pro pane, frumentoque satisfaciunt, tam ejus pomi restibilis ubertas, & copia est. panis ventri quidem amicus, sed minimam præbet alimoniam, quod & nostratibus idem conficere poterimus. Extat apud Agriculturæ scriptores,

Quomodo panem sine fermento faciamus.

Ex Didymo. Quidam nitrum adjiciunt; etenim nitrum panes friabiliores facit, velut etiam carnem. Alii uvas pridè quam panem faciant, in aquam conjiciunt, & sequenti die, ubi panem facere volunt, innatantes tollunt, ac exprimunt, effluenteque humiditate pro fermento utuntur, & panes faciunt jucundiores. Si fermentum per totum annum habere velis, quum in doliis mustum ebullierit, spumofum illud, quod esserbuit, acceptum cum farina milii commisceto, diligenterque tritum in ossas cogito, quas ad solem siccatas in humido loco repones, inde sufficienti accepta quantitate, pro fermento uteris.

CA.

Varia panis genera ex radicibus confecta, & fructibus,

N V N e ad alia panis genera accedemus, nostris temporibus adinventæ, quæ non parvam nobis utilitatem ingerere possunt in annonæ caritate. Et primo

Panis ex ari radice quomodo fiat.

Ari radix est, quæ ob mitiorem acrimoniam estur, & in cibis expetitur. Dioscorides enim decoctam vorari dixit, ut pote minus acrem. Galenus rapi modo mandî, & in quibusdam regionibus acrior quodammodo nascitur. Dum recte parare voles, prioris decoctionis aqua effusa, repente in alteram calidam injicere convenit. Cyrenis contra, quam in nostra regione arum se habet: nam illic minimum medicamentosi, minimumque acrimonix habet, adeo ut vel rapis sit utilius. In annonæ carentia etiam veteres hujus radice utiliter in cibis usi sunt. Cæsar de bello civili. Est etiam genus radicis inventum ab iis, qui fuerant cum Valerio: quod appellatur chara, quod amissum lacte, militem inopia levabat, & similitudinem panis efficiebat. Ejus erat magna copia, ex hoc effectos panes cum in colloquiis Pompejani famem nostris objectarent, vulgo in eos jaciebant, ut spem eorum minuerent. Et paulo post. Exercitus optima valetudine utebatur. Et apud Dioscoridem in spuris simplicium nominibus, aron chara dicebatur antiquitus. Apud nos adeo acris ingenii est, ut vix lingua tolerari possit. Sed rationem aperiemus quomodo ex eo optimus panis confici possit, & si dicere liceret, tritico pulchrior. Emundantur radices magnæ, secanturque in tenues amellas, nam quanto tenuiores fuerint, eo citius dulcescunt & in cortinis ferventi aqua ebulliunt, usquequo aquam videbis acrem, & radicem aliquatenus dulcescentem. Detracta priori aqua, infundatur altera, denuoque ebulliat, usque donec aqua dulcis evadat, & radix commanducata, nil prorsus acredinis respiciat. Tunc ex aqua tollatur, ministreturque in extensis linteis, pendulisque dum exiccetur, trusatilibus molis moliatur,

moliatur, & candidissima farina proveniet, quæ & per se sola, vel ei tertia farinæ triticeæ parte addita, candidissimum, & sapidissimum panem conficiet. Fit & aliis modis citius: cum cum assequeris, profecto effectu lætaberis. Maxima quoque voluptate

Panis ex asphodelo manditur,

Est apud nos adeo bulborum feracissima, ut neque alia numerosior Lxxx. simul coacervatis sæpe bulbis. Præterea montes, & littora ejusdem etiam feracissima, ut verè ad humanum cibum natus videatur. Plinius, Asphodelus manditur ex semine tosto, & bulbo. Sed hoc in cinere tosto, & oleo addito, præterea tustō cum ficis præcipua voluptate, ut videtur Hesiodo. Bulbi napis modicis similes. Sicetiam Galeno. Sed apud nos adeo ingrati, & acris saporis, ut homini in cibum non cædat, sed vix suis rostro effossis vescantur, ne dum in annonæ carentia avidæ gulositati vescendo sit, prisce frugalitatis olus fuerat. Sed elixationibus ejus vis ignavior multo, & servor mitior redditur, ut de aro diximus; is explendæ famis satis erit, ut antiquitus fieri testis est Plinius. Panem ex his cum farina subactis saluberrimum præbuimus, præsertim defectis corporibus, & phthisicis. Etiam

Ex iis napis, & siferibus fit panis.

Ex iis enim incoctis, elixatisque, omnibus etiam recrementis repurgatis potest fieri panis commendatissimus, ut jam fecimus: sed cum farina commista ad tertium, vel ad dimidium, ut paulo inferius dicemus. Et ne longiores simus, de omnibus napis, radicibus, vel bulbis eodem modo vescus panis fieri poterit. Fit quoque

Optimus panis de cucurbitis.

Nam & cucurbitæ vili pretio haberi possunt, panem sapidum cum farina reddunt, & adeo panis molem auget, quum omnium fructuum maximus sit, ut minima farinæ quantitate multos homines in fame explere possimus, eoque non solum in penuriis uti, sed in deliciis haberi poterit: nam & saccharo conditæ, laticatæque ad gulæ blandimenta, & ad febriles æstus sedandos ubique venum aspor-

asportantur. Modus conficiendi talis est. Sumantur cucurbitæ tumentes, rotundæ, & maturatione concoctæ, & in plures taleolas dissectæ, duriores, atque aridiores cute, & medulla cultro mundetur, ferventi aheni immersas aqua ebullire curabis: nam diutina coctione herbaceum virorum, & odoris virus, & saporis fastidium exiit, adipisciturque concinnior odor, gratum sapor, & peculiarem quandam vim alendi, nec minus ut panis duratione perennat. In unguinis formam jam redactam per stamineum incerniculum manibus comprimendo pertranseat, ut si quæ supersint minus incoctæ partes, vel lignosæ aristulæ, arctis staminis foraminulis præpediantur: huic moli tertiam addes farinæ partem, & in panem commisceas, qui quotidiano esu placebit: & copia, & ad saturitatem ingestum non obesse, sed moderate sumptum prodesse novimus. Recens optimus est, vetus minus speciosus, & delicatus. Modum aperuimus in agnatis utendum, nunc solers agere condiscito.

C A P U T XVIII.

Varii panem conficiendi modi ex frumentaceis, & leguminibus.

ANTIQUITUS ex variis frumentaceis, & leguminibus panes conficiebantur, quos recensere supervacaneum iudico, quum ex eorum scriptis reperiri possint, nec eis in conficiendis error fieri potest. Fit in Campania ex milio prædulcis panis. Sarmatum quoque gentes hac maxime pulte aluntur & cruda etiam farina equino lacte, vel sanguine é cruris venis admisso. Æthiopes non aliam frugem, quam milii, hordeique novere. Panico Galliz quædam, præcipue Aquitania utitur. Sed & Circumpadana Italia addita faba, sine qua nihil conficiunt. Ponticæ gentes nullum panico præferunt cibum. Panici farina hodie apud nos usu neglecta, est enim præsicci & levis alimenti. Ex milio panes & placentæ fiunt, sed graves, concoctuque difficiles, & mandendo glutinosæ, nisi mox, quum incoctæ sunt, edantur, vel calentes, aliter compactæ & ponderosæ molis. Ex Indico maiz fit panis gravis

gravis, & minime gratus, præficcus, & terreus, milio proximus, huic affinis panis ex *sorgo* dictus, etiam alimentosi succi expers. Erat & apud Antiquos ornides dictus à semine quodam Æthiopico, tam simili sesamo; ut difficile possit internosci. Fit etiam

Panis ex lupinis

Optimus, etiam Antiquis notus: nam Didymus docet quomodo dulcescat fluviali, aut marina aqua triduo maceratus, & ubi dulcescere cœperit, siccatur, & deponitur, & ejus farina ammissa hordeaceæ, aut frumentaceæ, panificio apta existerat. Nos autem hoc modo. Primo lupini molis teruntur, & vertuntur in farinam: ex qua libræ quinquaginta in cadum ligneum conjiciuntur, quibus superinjecitur clara aqua, ut quatuor digitis super sit, rudicula lignea sæpe agitando, quiescat post, donec clarescat aqua, & farina subsideat, colato aquam diligenter, ne aliquid de farina pereat, ac denuo aqua addatur, agiteturque ut prius, & sic tertio facies, usque donec farina, & aqua dulcescant, quod uno die perficietur, si aqua pluries permuteur. Ubi id factum erit, farina in linteum pannum extensum disgregetur rudicula, ut aquam per lini foramina excolet, & farina facilius in linteï superficie siccescat. Interea duæ oryæ excoquantur libræ, & incoctæ in hac misceantur, massam in duas partes dividemus, quarum una cum fermento, & cum centum libris farinæ triticæ misceatur, ex qua panis conficiatur, altera cum fermento in sequentem diem remittatur, quæ cum triticea farina remissa, optimum panem efficiet, qui lupinos non respiciet. Sed omnis diligentia in factura adhibenda est, nam etsi ex optima farina non feceris, etiam vitiosus panis prodit, in recta igitur præparatione situm est opus: nam quanto ex ignobilioribus frugibus, vel legumentis sit, eo majori industria præparari debet. Hoc modo ex orobis aphacis fieri potest, & aqua sapor mitigatur, & farinæ admistione. Fiunt quoque ex pisib, ciceribus, dolichis, letribus, & fabis, & præcipue glandibus. At non inutilis

Panis

Panis confectio ex herbis.

Si quis herbam lappam minure inciderit, & mola in tenuissimum pulverem redegerit, & cum tantundem vel tertium triticeæ farinæ addiderit, panem conficiet, qui in fame vorari poterit, & aliquibus locis audivimus à pauperibus edi, nec insalubriter, & obsessos per mensem ejusmodi pane pavisse.

C A P U T XIX.

Quomodo pondus pani addatur.

NUNC quomodo panis augeatur, docebimus; res sane mira, utilis, & valde proficua, non solum ad sublevandum inopie caritatem, sed patri familiæ conducit: parva enim farina multos ad saturitatem alere potest. Idque triplici modo: nam res sunt, quæ frumento additæ ipsam panis substantiam augent, aliæ siccæ, glutinosæque natura, quæ refractum elementum in panis substantiam conspissant. Est & ultimus modus, qui sui ardoris anima, vegetat, crescit, ut vivens. Quantum ex furfurum detractione, tantum in molitura, & reliquo artificio aspersa aqua addet. Cæterum ipsa panis assatura decimam & dimidiam ponderis partem aufert. Videamus quomodo majores nostri terra quadam, sive

Creta pondus, & candorem pani conciliare

Potuissent. Alicam docet Plinius albescere quadam creta hoc modo. Alica sit ex zea, quam semen appellavit. Tunditur granum ejus in pilalinea: nam lapidis duritia conteritur, nobilius, ut notum est, pilo victorum pœnali opera. Primori inest pyxis ferrea: excussis inde tunicis, iterum iisdem armamentis nudata conciditur medulla. Ita fiunt alicæ tria genera, minimum, ac secundarium, grandissimum vero aphærema. Nondum habent candorem suum, quo præcellunt; jam tamen Alexandriæ præferuntur, postea (mirum dictu) admiscetur creta, quæ transit in corpus, coloremque, ac teneritatem affert. Invenitur hæc inter Puteolos, & Neapolim, in colle Leucogæo appellato. Extatque divi Augusti decretum, quo annua vicena millia Neapolitanis

pro eo numerari jussit é fisco suo , coloniam deducens Capuam ; adjecitque causam afferendi , quoniam negassent Campani alicam confici sine eo metallo posse. .

Oryza pondus pani addit,

Nec saporem, aut panis bonitatem corrumpit , imo saporem , & bonitatem auget , cogitque in octuplam proportionem, continua enim versatione volentem retinet, unde coagulari videbis, coagulata fermentum addito. Sed frigescat oportet , ne vis coagulationis intercidatur. Accedat ad fugitivum servum ligandum , conglutinandumque triticea substantia, dum satis fuisse videbis, & ad exoptatum pondus excretum videbis. Eodem exemplo ;

Pani milio pondus augere

Possumus satis facile , nam siccum , friabile , & discontinuum est , enervatumque. Sed ligneo pistillo contusum, & incerniculo cribratum , dum cortex abeat , ut Romæ, & Florentiæ vidimus , jejuna hac ariditate plurimum volentem coercemus , tritico tunc associatum , reflectitur aer , & in aliti substantiam convertetur , ut nil saporis, coloris, vel bonitatis demptum, additumque judicabis. Nec injucundum erit videre

Lacte pondus pani addere.

Non contemnendæ utilitatis, & commendationis experimentum : nam & pondus , & albedinem , & friabilitatem addit, succedentis aquæ loco additum, dum calet, nil sapidius , aut tenerius gustavimus , ob singularem dotem lubitum est addere , additis etiam quæ noveramus huic arti necessaria. Sed admirabile est profecto eodem

Tritico pondus tritico augere ,

Sine quavis additione aliqua , nam & si vellemus quamplurimis , & pene infinitis opus exequi poteramus quantalæcunque rei additione: Sed in hoc, ex vera tritici substantia fermentum elicitur, quod secretum, repurgatum, & eidem additum , suam substantiam augendo , vel elementum refrangendo in sui molem peraugebitur. Hoc præmonendo , ne prolificus calor imminuatur , sed conservetur,

servetur, augeaturque, ut hinc omne dependeat. Sed exitium Naturæ opus & mirabilitate plenum, quomodo fieri poterit

Triticum ex se ipso excre scat,

Manifestare, nescio quomodo id renuit animus, ne vilissimæ plebi, & ignaris homunculis prostant, ne tamen ingeniosum defraudemus, illis negamus, huic aperiemus. Antiquis incognitum, argumento, quod nil ejusmodi panificii in eorum scriptis meminerint. Res omnis est, ut farina triticea cum sui ardoris anima pertractetur, cœlestium ignium proles, natura tantæ tenuitatis est, ut suo fervore subvecta, molem adeo turgidam reddat. ut summa vasis æquet ora, postero die in mactram injicies, denoque farinam addes, quæ itidem suo fervore elevata, eodemque reduce, massæ occursans, quasi refluus in refracta elementa coit, & exinde in farinaceos grumos. Id ter, quater efficies, & sic in infinitum rem poteris propagare, idque fiet in hypocausto, ut roridus spiritus foveatur. Duximus quoque præmonendum ne massam saucies, ne genitabiles halitus expiret. & in auras abeant, nam voto frustraberis. Nec desit mox roridus vapor, qui ad æthera subvectus, & stillatitius factus, molem irroret, sic portentoso proventu lætaberis: sed solerti manuum operatione opus est. quæso ne destruas indiligentia quæ solerti periclitantium ingenio adinventæ sunt.

C A P U T XX.

Quomodo famem & sitim diu sufferre possimus.

ERANT apud antiquos quædam compositiones, quæ famem & sitim propulsabant: quæ erant apprimè necessariæ, tum penuriæ tempore, tum bellicis expeditionibus. Plinius ait: Quædam exiguo gustu famem, & sitim sedant, conservantque vires, ut butyrum, hippace, glycyrrhizon. Et alibi. Scythia primam eam, quæ scythice vocatur, circa Bœoriam nascens, prædulcis. Aliam utilissimam ad ea, quæ spasmoda vocant. Magna & ea commendatio, quod in ore eam habentes, famem, sitimque non sentiunt. Idem præstat apud eosdem hippice dicta, quod

in equis quoque eundem effectum habeat. Traduntque his duabus herbis Scythas etiam in duodenos dies durare in fame, & siti: quæ omnia ex Theophrasti primo libro transtulit Dulcis & Scythica, & quidem nonnulli dulcem eam appellant: nascitur apud Mæotim. Inter alia sitim quoque extinguit, si teneatur in ore: qua de causa tum ea, tum equestri vocata Scythas undecim, & duodecim dies sitim tolerare affirmant. Unde apparet hæc Plinium ex Theophrasto transtulisse. Sed puto errasse: nam hippace equinum caseum significat, non herba est, Theodoros equestrem vertit, quasi radix esset glycyrrhizæ ingenio par ad abigendam sitim, famemque. Hippocrates namque ait, Scythæ Nomades comedunt hippacem, id autem est caseus equinus. Et alibi. Scythæ lac equinum in cava vasa lignea infusum concutunt, illud autem dum turbatur, spumescit, pingue, quod butyrum vocant, in superficie consistit, grave deorsum sedit, secretum siccant, siccum hippacem vocant. Ratio est, quia equinum lac magnopere alit, & bubulo proportionè respondet, ex Dioscoride. Utuntur & alia compositione Occidentales Indi

Ad famem, & sitim tolerandam,

Ex tabaco herba vocata, quippe ex ejus succo, & coclearum cinere pilulas componunt, & in umbra exiccant, & in itineribus trium, vel quatuor dierum spatio unam inter inferius labrum, & dentes locant, continuoque sugunt, & suctum glutunt: sic toto illo dierum spatio nec famem, nec sitim, aut lassitudinem sentiunt. Sed aliam edocebimus compositionem, cujus meminit Heron, vocabaturque

Compositio epimenidea ad famem, sitimque tolerandam.

Erat enim medicamentum quoddam valde nutriens, sitimque prohibens, quo vesebantur tum ii, qui civitates obsidebant, tum obsessi, epimenideam compositionem dictam ab epimenidea scilla, in ejus compositionem ingredienti. Fiebatque hoc modo. Decocta scilla, & aqua abluta, & exiccata, ac demum in parvissimas partes dissecta, & post hæc in ipsa sesamo admissio quintæ par. is, paveris

paveris autem quintædecimæ, atque hisce omnibus in ipso melle, tanquam optimo massæque agente, mitigabis : totum dividendum est, veluti in maximas olivas & harum unam quidem circa horam secundam, alteram vero circa horam decimam absumere. & nullum in fame malum patientur. Alia est ejusdem compositio, suscipiens sesami Attici semisextarium, & mellis dimidiæ partem, olei cotilem, & amygdalarum dulcium emundatarum chœnicem, exiccando sesamum, & amygdalas molere, & vibrare oportet, deinde scillas circumcirca decorticando, & radices ac folia abscindendo, & in parvas partes dissecando, ponentes in mortario, contundere opus est, donec maxime levigentur, mox contusarum scillarum æqualem melli partem æquabiliter una cum oleo subigere, atque in ollam infundendo, & super carbones imponenda, rudicula lignea hinc inde agitando sunt, donec omnia miscantur, quum massa solida facta est, ipsam in parvas buccellas dividere operæ pretium erit, atque unam mane, alteram vespere quispiam assumens, nutrimentum sufficiens habebit. Hoc autem pharmacum exercitui conducibile est : nam dulce existens, saturitatem affert, & sitim aufert. Hæc ex quodam manuscripto scholio excerptimus in librum Heronis in Vaticana bibliotheca. Eandem vidimus compositionem apud Philonem, quinto rei bellicæ libro, ubi ejusmodi similia alia describit.

C A P U T XXI.

Ex quibus fructibus vina confici possint.

NU NC fructus recensēbimus, ex quibus vina confici, sed primum ea à majoribus factitata, sed duplici differentia: nam alia ad remedia, quorum Medicorum libri referti sunt, alia ad usum varia & prope infinita sunt genera, pro locorum, & gentium differentiis : nam quod uni datum, alteri negatum est. Primo

Vinum ex palmis.

Plinius in Oriente ex his fieri vinum dixit, palmarum que quinquaginta recenset genera, vinorumque ex his

differentias. Ex his cariotæ maxime celebrantur, succo uberrimæ, ex quibus præcipua vina Orienti, iniqua capiti, unde pomo nomen. Laudatissimæ in Judæa, Hiericunte maxime, quenquam ex Archelaide in pretio & Pheselide, & Libiada gentis ejusdem convallibus. Dos his præcipua succo pingui lactentibus quodam vini gustu in melle prædulcibus. Vinum inebriat, ut fructus largiore cibo. Dioscorides ita docet. Palmulas maturas, quas chydeas vocant, in urceolum imo pertusum & obstruatum picata arundine demittito, lino foramen sit obturatum, & quadragenis sextariis ternos aquæ congios infundito. Quod si ipsum ita dulce non esse libeat, quinque congios infudisse satis est. Post decem dies detracto ab arundine linteo, assumito vinum crassum, & dulce, & reponito. Fit quoque

Vinum ex ficibus.

Sotion hoc modo tradit. Quidam à viridibus ficibus vinum faciunt, explentes ipsis dimidiam vasis partem; ac reliquam aqua pura superfusa complentes, assidueque ex gustu experimentum sumunt, quum enim vinosus apparuerit sapor, excolato utuntur. Fit ex caricis, à Dioscoride edoctum, & catorchites, sive sycites vocatur. Caricæ chelidoniæ, aut phœnicæ, macerantur in urceo cujus fundum perforatum sit, arundine picata, & lino foramen obruretur, quadragenis sextariis, aquæ congios tres infundi convenit. Quod vinum si ita dulce esse non libeat, congios quinque infudisse satis erit. Post decem dies liquor excipitur, atque iterum tertio quoque idem aquæ modius, in qua vinacea maduerint, infunditur, similique modo intercedente spatio, quarto, aut quinto excipitur. Quidam amphoris ejus sex salis sextarios decem adjiciunt, hac ratione ne facile corrumpatur. Alii fœniculum, & thymum imo subjiciunt, & caricæ superponunt, & ita vicissim, donec vas impleverint. Concinatur etiam

Vinum ex pyris,

Quod à Græca pyrorum denominatione apytes dicitur, & a latina pyratum. Palladius hoc modo docet. Contusa & fac-

& sacco rarissimo condita, ponderibus vel praelo comprimuntur, in hyeme durat, sed prima æstate acescit. Dioscorides jubet, ut pyra non magnopere maturescant. Eodem modo fit

Vinum ex punice.

Sotion facit vinum ex granis mali punici, puris expressis: ablatis his, quæ in medio granorum existunt. Palladius. Grana matura purgata diligenter in palmea fiscella mittis, & in coclea exprimis, & lente coques usque ad medietatem, quum refrixerit, picatis, & gypsatis vasculis claudes. Aliqui succum non excoquunt, sed singulis sextariis libras mellis singulas miscent, & in prædictis vasculis ponunt, & custodiunt. Fit

Vinum ex loto arbore.

Est genus lotti sine interiore nucleo, qui in altero genere osseus videtur. Vinum quoque exprimitur illo, simile mulso, quod ultra denos dies negat durare. Idem Nepos ex Plinio. Athenæus ex Polybio. Fit ex loto vinum in aqua macerato, & trito, saporis grati & jucundi, qualis est optimi mulsi. Meram id & sine aqua bibitur, sed ultra decimum diem non perdurat: quæ nobrem paulatim ad usum tam brevi temporis spatio conficiunt. Fit quoque acetum ex eo. Etsi non multum, vel satis commodum, fit tamen

Vinum ex myrto, & cornis.

Ex Sotione, qui ex myrti, & corni recenti fructu molitor, & expresso vinum facit. Nunc vero narrabimus, quomodo poterimus

Ex frugibus vinum concinnare.

Ex frugibus fiunt potus. Ex hordeo Dioscorides docet, cui zycho nomen est, fit etiam ex hordeo potus, quem curmi nominant, eoque sæpe potu pro vino utuntur. Consimilia potus genera ex tritico fieri solent. In Hiberia, quæ Occidentem spectat, & Britannia. A quo Plinius. ex frugibus fiunt & potus: Zythum in Ægypto, cælia & ceria in Hispania, cervisia, & plura genera in Gallia, aliisque provinciis. Aristoteles libro de temulen-

tia, vino ex hordeo confecto, quod *πίνον* vocant, in ter-
 gum temulenti cadunt, reliquis enim potionum generi-
 bus, quæ inebriant, temulenti in omnem partem labuntur,
 dextram, sinistram, proni, supini, at pino poti supini tan-
 rum, & in posteriora reclinantur. Vinum ex hordeo confe-
 ctum brytum vocant. Sophocles in Triptolemo, &
 Aeschylus in Lycurgo. Sed Hellanicus in prædiis brytum
 ex radicibus parari, sed à Thracibus ex frugibus. Hecateus
 Ægyptios hordeum potus conficiendi gratia molere, &
 Pæonas brytum ex hordeo bibere, ac parabiam ex milio,
 & oryza paratam, ex Athenæo. Fit quoque vinum ex ory-
 za. Ælianus enim, elephanto, qui ad bellum cerrat, non
 modo ex vitibus confecti, sed etiam ex oryza factitii vini
 usus indulgetur. Nunc apud Septentrionales ex iisdem
 frugibus paratur potio biera dicta, sed admittis lupuli fo-
 lliculis, quum sine eis parari nequeat, ex hordeo, & tritico
 macerato in eorum decocto. Ex hordeo, & tritico aqua
 maceratis, vidimus vini saporem fieri, immo ex eis opti-
 mam aquam vitæ paravimus. Sed antiquorum hæ potio-
 nes ad medicamenta potius, quam ad vini usum sunt. Nos
 autem potiones aliquas edocebimus, quæ adeo vini sapo-
 rem imitantur, ut vere vinum existimentur. Et Primò

Vinum ex melle.

Assunduntur in novem aquæ doliis duodeviginti libræ
 mellis in æreis cortinis, sive ahenis, stanno oblitis, & diu-
 tissime ferveant, rudiculis ligneis agitando, & scopulis
 tumentes, sive undantes spumas eluendo, decapulentur,
 indanturque vinario vase. Assumantur mox tartari vini
 rubri binæ libræ, & aqua conservecant, donec dissolvantur,
 cui dolii octava pars aceti addatur, ut sapor fastidio-
 se & ingrata mellis dulcedinis pereat, permisceanturque:
 demum bina optimi vini dolia superfundantur, actutum
 resideat: post aliquos dies transmittantur per cilicium
 colum, vel stamen, quo sordes & quiescentiæ eluantur, ex
 his latex emanabit ad parsimoniam, & rei familiaris com-
 pendium, quo in adversa, & secunda valetudine uti po-
 teris, operculator, & utitor. Alium ostendemus modum
 conficiendi

Vinum

Vinum ex uvis passis.

*Æ*neo labro infunduntur septem aquæ dolia, quibus binæ uvarum passarum libræ superaddantur, ferveantque dum in aquam contabescant, & aqua velut mulsæ reddatur; & si lebes tantæ non fuerit capacitatis, iteratis vicibus opus prosequere. Inde sublato ab igne vase ubi refrixit, sensim excolando: excolatum vase vinario recondatur, addaturque rubri acerrimi aceti mensura, ut passarum uvarum dulcorem retundat: tandem novem tartari in tenuissimum pollinem redacti libras simul addito, affusæque quarta optimi vini parte, vas opplent, operculanturque, & post hebdomadam utendum. Trademus & aliud

Vinum ex cotoneis

Musti dolum in æneas cortinas stanno subtilitas indito, additoque circiter quinquaginta sylvestria coronea, scilicet incisuris crispata, & caperata, exemptis seminibus, frustatim rapi modo dissecta, leni igne coquantur, ubi aliquantum efferbuerint, sublato igne frigescent, mala in pila ligneo pistillo tundantur, prælo exprimantur, succum è malis pressum cum musto reponito, & in testaceum vas vitro oblitum, reponatur in annum. In vini penuria, quum eo uti occasio dabitur, indito in dolum quaternas aquæ partes, binas musti, ac unius quartam prædictæ mixturæ, operculato vase dimitte ut bulliat, & ubi claritatem contraxerit, usui præbeto. Unde ex his omnibus amphoram aceti, mellis libram, tantundem tartari contriti, in olla nitro oblita ebullire paulisper finito, & commisceto, & pro singulis aquæ doliis amphoram vini adjicito, & operculato, post viginti dies utitor. Vel mellis libra, tartari rubri vini tantundem, uvæ passæ selibra, & aceti amphoræ binæ ebulliant in olla, adde & ipsis vinum, & erit potabile. Additur & Septentrionalis potio

Vinum meda vocatum,

Pannonica, Polonica, & Anglica potio, suavior, salubrior-

briorque non paucis vinis. Constat boni mellis libris viginti, aquæ centum viginti, bulliant, despumando usque refideant ad libras octuaginta, quibus frige factis, & in vinarium vas inditis, addantur fermenti panis uncie sex, vel quot satis erit excitandæ bullitioni, & defæcationi, & una de licinio suspendantur, merganturque sed ne fundum tangant, cinnanomi, granorum paradisi, piperis, gingiberis, garyophyllorum drachmas binas: florum sambuci quantum quis manu capiat, sinuntur in cella vinaria per hyemem, æstate in Sole maneant quadraginta dies, usque dum asciscant vineum saporem, & exuant ingratitude mellei saporis. Sed si tertiam vini partem addes, gratus reddes.

CAPUT XXII.

Acetum quibus modis, & ex quibus fieri possit.

DIXIMUS de vino, consequens est de aceto dicamus. Primo quomodo à nostris majoribus factum sit, mox à recentiori ætate: vel ut acerrimum reddatur, nec solum patrifam. conducit, sed & multis artibus perneccessarium. Sunt etiam quædam regiones, in quibus vini, ideoque aceti penuria est: Unde in illius varia confectiōe non parum plurimorum insudarunt ingenia. Ut incipiamus, dicamus

De aceto ficulneo faciendo

Ex Columella. Ficus viridis quam maturissima legenda est, utique etiam si jam pluvie inceserunt, & propter imbres in terram decidit, quæ quum sublecta est, in dolium, vel in amphoras conditur, & ibi finitur fermentari, deinde quum exacuit, & remisit liquorem, quicquid est aceti diligenter colatur, & in vasa picata bene solida diffunditur. Hoc primæ notæ acerrimi aceti usum præbet, nec unquam situm, aut mucorem contrahit, si non humido loco positum est. Sunt qui multitudini studentes, aquam ficis permisceant, & subinde maturissimas ficus recentes adjiciant, & patiantur in eo jure tabescere, donec satis acris aceti sapor fiat. postea in juncis fiscellis, vel sparteis faccis percolant, liquatumque acetum in fervesciunt, dum

dum spumam, & omnem spurcitiam eximant; tum torridi salis aliquid adjiciant, quæ res prohibet vermiculos, aliave innasci animalia. Cassianus hoc modo facit. Ficus veteres, & hordeum torrefactum, & citriorum interna in dolium mittes, movebisque diligentius, ac frequentius, & ubi putrefacta, & liquefacta fuerint, excolatis uteris. Apulejus. Ex ficibus, in arboribus commadefactis, in aquam coniectis, computrescentibus, acetum efficiunt. Dioscorides. Maceratarum ficuum liquor non secus acorem contrahit, & aceti præbet usum. Fit quoque

Acetum ex palmis.

Vino palmeo jam dicto aliqui addita aqua iterum capiunt. Et tertio, quarto, quinto, sextove faciunt, quod tandem acore vitatur: ex eodem. Docet facere

Acetum ex melle

Plinius. Vasa mellaria, aut favos lavari aqua præcipiunt. hac decocta fieri saluberrimum acetum. Palladius modum docet conficiendi

Acetum ex pyris,

Pyra sylvestria, vel asperi generis matura in cumulo reservantur per triduum, deinde mittuntur in vasculo, ubi fontana, aut pluvialis aqua misceatur, & opertum vas per triginta dies relinquitur, ac subinde quantum sublatum fuerit aceti ad usum, tantum redditur aquæ ad reparationem. Cassianus conficit

Acetum ex persicis.

Persica mollia, ac delicata in dolium mittito, & hordeum tostum ingerito, ac per diem computrescere sinito, deinde excolatis utitor. Possumus ex Cassiano facere

Acetum citra vinum,

Si gypsum, & aquam marinam coques, indeque aquæ fluviæ misceris, & excolatis uteris. At si vis

Vinum in acetum vertere, & è contra.

Cassianus habet, betæ radicem tusam in vinum indit, & post horas tres acetum erit. Si vero in integrum restituere velit, brassicæ radicem immittit. Si etiam

Idem efficere

Poterimus alio modo, & cito. Projice in vinum sal, piper, & fermentum acidum, simul remissa, & cito in acetum convertetur. Si id citius præstare vis, laterem, aut ignitum chalybem pluries immerge. Præparato quoque ad id immatura mespila, corna, mora, & pruna. Sed ex Sotione habetur

Aceti acris concinnatio ex musto.

Uvæ vinacea ad Solem siccato, & in mustum confectito, adjectis paucis uvis acerbis, & facies acetum acre, quo post septimum diem uteris. Aut pirethrum immite, & acre evadet. Porro si quartam, aut quintam partem aceti ad ignem fervefeceris, & ad reliquum addideris, expofuerisque per dies octo ad Solem, acerrimum, & jucundum vinum habebis. Graminis radices vetustæ, & uvæ passæ, & pyri sylvestris folia contusa, & rubi radix, & lactis serum, glandes ustæ, prunæ ignitæ, & cicerum decoctum, & testæ ignitæ, singula ex his in acetum coniecta, ipsum acre faciunt. Docet Apulejus

Acetum ut duplicetur.

Aceti conspicuam mensuram accipito, veluti metretam, & ad ipsam aquæ marinæ ad dimidiam costæ metretam uvam adjice. & permista in vase reponere. Quidam hordeum macerant, & percolant, & ex cremore metretam ammiscent, & simul coagitant, & salis torrefacti adhuc calentis partem sufficientem superingerunt, quo facto, vasi operculum obdunt, ipsumque ad dies octo relinquunt. Nos autem ita facere solemus

Acetum ex racemis expressis.

Post vindemiam racemos jam expressos in ligneum vas injicimus, & quantitatem aliquam superaddimus, & in acetum post hebdomadam vertitur. Præterea capreolos vitibus decisos, & contusos aquæ addimus, & in acetum vertitur. Hoc etiam modo

Perversum vinum in acetum vertitur,

Expressos torculo racemos in binas ligneas tinas inter se raros composito, & quaternis diebus infervescant permittito,

mittito, deinde perversum vinum, quantum eos cooperire satis sit, superfundito, finito per naturalem diem, mox in aliam tinam excolabis, post totidem horas in aliam repones, & sic donec in acerrimum acetum versum sit, & al-
bum. Et si eisdem racemis aliud facere conquiesieris, supra eosdem racemos aliquantulum acerrimi aceti infundito, & finito dum acerrime acefcant, mox eo exempto perversum vinum super infundito, & eandem operam impendes: postremo prelo racemos exprimes, & amissam primo vini quantitatem recuperabis.

CAPUT XXIII.

Quomodo vini defectus accommodentur, restituanturque.

MAJORES nostri, ne vina perverterentur, plura ad-
invenierunt remedia, nec minus recens ætas insu-
davit: nam facile vinum pervertitur, & multas adfciscit
qualitates. Paxamus inquit: Vinum aut acrescit aut in-
vappam transmutatur circa solstitia, & Plejadum occa-
sum, vel sub Caniculæ æstus, & in summa exuberantia
frigoris, caloris, imbrium, ventorum, & tonitruum. Ad
hæc omnia remedia adhibebimus. Primo prænotiones vi-
norum scribemus ex Africano durabilium, aut perversen-
dorum, ubi vinum in dolio condideris, post aliquod tem-
pus in aliud vas permutato, inspecta diligenter face, ar-
gumentum vini capiemus, per olfactum sumpto experi-
mento, si putrescat, an culices gignantur, quæ signa sunt
vinum corruptum iri. Alii de medio dolio vinum acci-
piunt, fervefaciunt, & refrigeratum gustant, & ex sapore
de vino conjiciunt. Alii ex operculorum odore. Vinosus
sapor optimum signum, aquosus pessimus, austerum se-
curitatis, laxum perversuri. Signa assumenda sunt in his
temporibus, quæ diximus formidanda. Sed ad remedia
accedamus, docebimusque

Vinum debile ut emendetur.

Debile vinum erit, quum vim illam caloris expire coe-
perit, expirata anima, acefcit illico vinum, acetum ca-
daver est vini. Tunc illico occurrere poterimus aquam
vitæ addendo, illo enim animam novam inducere po-
test

potest. Mensura erit quarta libræ pars pro dolio. Aliud erit remedium

Ne vinum effervescat.

In æstivis solstitiis nimis caloribus vinum effervesceit, pervertiturque, tunc argentum vivum in vitream phialam immittes, & rite operculatam in modio doliî suspende, ut in medio pendeat, cujus frigiditas vinum, ne æstuet, facit. Mensura duæ libræ pro magnis doliis: in cœli enim fervoribus extrinsecus calor internum allicit, sic eo exhalato pervertitur. Nos

Ne vinum exhalet.

Hoc utemur remedio. Repleto dolio oleum supra addimus, & operculamus, facit enim oleum ne spiritus evaporet, quod in omnibus liquoribus ne pervertantur, nunc usitatum video. Solent aliquando vina turbida fieri, sed

Vina ut clarescant

Ita faciendum ex Frontone. Albumina tria ovorum in fideliam latam coniecta, agitato, ut spumescant, adjicitoque salem album, ut quam albissima evadant, ac repleto vino vase, in illud diffundito: nam sal, & albumen ovi turbidos liquores omnes splendidos reddunt, sed quot dolia vas continebit, ex tot ovis albumina remisceto, cum tot salis, unciis, sed ligno mistura intus agitanda est, & quatrduo clarescit. Fit etiam

Ne vina putrescant,

Diximus salem prohibere, ne putrescant omnia. Igitur pro singulis doliis aluminis unciam tere, & cum vino injice in vas vinarium, nam ne putrescant, prohibebit. Idem erit si salis communis unciam superaddimus, vel mediam unius, mediam alterius. Prohibet putredinem etiam sulphur; unde si octo unciis aluminis vel salis, quatuor sulphuris addideris, non ingratam operam facies. Ad id prohibendum mos erat antiquis salem, vel marinam aquam vino addere, quod ad vetustatem servabatur. Columella ita docet. Silentibus ventis de alto quam quietissimo mari sumenda est aqua, & in tertiam partem decoquenda, adjectis, si videbitur, ali-

quibus

quibus aromatis. Multa sunt & vulgaria , quæ omittimus.

C A P U T XXIV.

Quomodo ex diversis rebus oleum paratur.

PRÆSTANTISSIMA res est varios olei parandi modos tradere, ut si unquam oleæ desit ubertas, non desit tamen occasio ex infinitis fructibus, seminibusque promere. Quorum ex antiquis aliquos, sed præstantiores & quos nos adinvenimus. Incipiendo igitur dicimus

Oleum ex ricinis fieri, cicinum dictum.

A Dioscoride hoc modo temperatur. Maturi ricini, quales voles quantitate, torrido Sole flaccescant, & cratibus instrati tantisper insolentur, dum vestiens cortex fractus decidat. Caro colligitur, & in pilam coniecta diligenter tunditur, postea in lebetem stanno illitum, qui aquam habeat, demittitur: subjecto igne fervescunt, & ubi insitum prorsus humorem reddiderunt, sublato ab igne vase, innatans oleum concha excipitur, & reconditur. Sed in Ægypto, ubi largior increbuit usus, longe secus fieri solet: nam repurgatos ricinos molæ mandant, & accurate molitos per sportulam torculo exprimunt. Plinius coqui in aqua, & innatans oleum tolli. At in Ægypto ubi abundat, sine igne, & aqua sale aspersum, cibis sædum, lucernis utile. Sed nos septembri mense collegimus, tunc enim tempestivitas ad decerpendum, quum spinoso operculo, & tunica semen integente, quibus ambitur, abscedit; calido aheni facillime mundatur: olei pondus seminis medietatem refert, sed bis tunditur, bisque exprimitur. Docet Palladius quo fiat modo

Oleum ex lentisco.

Grana matura lentisci quam plurima colligis, & una die ac nocte supra se acervata esse patieris: deinde sportam granis eisdem plenam cuicumque vasculo superponis, & calida adjecta calcabis, & exprimes. Tunc ex eo humore, qui defluerit, supernatans oleum lentiscinum capulatur. Memento autem, ne rigore possit astringi, aquam calidam

calidam ſæpe ſuffundere. Hoc enim modo apud nos, & toto etiam Surrentino tractu facere vidimus, Eodem modo ſic

Oleum ex terebintho,

Ut docet Damageron. Terebinthi fructus in mola quemadmodum oliva molitur, & exprimitur, ſic oleum remittit. Nuclei in porcorum cibum veniunt, & ad ignis alimentum ſufficiunt. Simile eſt

Oleum ex lauro.

Laurinas baccas in aquam decoquito, pinguedinem quandam cortices reddunt, evocabitur ea diverberatis manu, tum cremorem in cornua colligito. Palladius fere ut Dioſcorides. Ianuario menſe lauri baccas quamplurimas, & maturitate turgentes in aqua calida bullire facias, & ubi diu ſerbuerint, olei, quod ex ſe dimiſerint, ſuper-natantis undam, pennis leviter cogentibus, in vaſa transfundes. Indi

Ex ſeſama oleum

Facere dicuntur, ſit ut ſuperius fieri diximus, copioſum & optimum oleum remittit. Fit

Oleum ex platano.

Plinius, inopia cogit aliquando luminum cauſa è platani baccis fieri, aqua & ſale maceratis, ſed perpaucum, ut probavimus. Plinius Indos

Oleum ex caſtaneis

Facere dixit, quod mihi difficillimum videtur, quum perparum experienci colligere liceat. Idem

Oleum ex glandibus roborum

Elicere Ciſalpinam Galliam dixit, quo ad lucernarum lumina uteretur; ſed nobis vel minimum evenit. Uſa eſt quoque antiquitas facere

Oleum carynum

Quod ex nucibus juglandibus exprimebat, iners, & ſapore grave: enimvero ſi quid in nucleo putridi fuerit, totus modus perit: nunc Ciſalpina Gallia utitur ad eſum, & ad lumina. Ad lumina, ſecernendo vitioſas ab integris, ſed illaſa ſecundis menſis venit, his ergo ad eſum, illis ad eſuſio-

fusionem, Lumen clarum efficit, nec est inter omnia, quæ copiosius oleum effundat : nam fere tota in oleum vertitur, ut libra una mundatarum nucum, uncias fere olei decem fundat. Sequitur

Amygdalinum oleum

Ex dulcibus amygdalis optimum est ad escam, ex amaris ad medicamenta, & antiquitus maxima diligentia parabatur. Dioscorides conficiendi modum demonstrat. Semo-
dius ex amaris nucibus repurgatis, siccatisque in pila ligneo pistillo leniter tunditur in ossas, aquæ, quæ ferbuerit, sextarius adjicitur, & ubi dimidia hora humorem hauserit, vehementius, quam antea tunditur, mox, tabellis premitur, & quod digitis hæsit, concha excipitur. Pressis nucibus rursus hemina aquæ inspergitur, & postquam ebiberint, idem opus prosequendum. Singulas heminas reddunt singuli modii. Vulgo apud nos eodem extrahitur modo. Hæc sunt antiquorum olea. Nunc nostra prosequemur. Sequitur

Oleum avellane

Quæ copiosum odoratum, & optimum oleum effundit, quo etiam ad cibarium usum uti poterimus, & libra mundatarum octo uncias olei fundit, quod superior ætas ignoravit. Extrahitur

Oleum pistaceorum

Ad escam, & ad remedia. Ex

Fructibus nucis pineæ oleum

Elicitur. Seligunt enim, & ex vitatis, putridisque ad lumina, ex integris ad usum, & ad remedia, plurimumque extrahitur. Ravennæ vidimus. Sed

Ex fago oleum

Omnium optimum & copiosissimum exprimitur, & ad cibarium usum & ad lumina. Lumen clarum efficit, sapor dulcium amygdalarum : totaque glans fere in oleum abit, ut nucis juglandis ; quo vetustior glans, eo copiosius oleum promit, & ex expressis fraces saginandis bubus & suis egregie valent. Parvo compendio colliguntur, mundantur, tunduntur, & comprimuntur. Expressimus quoque

Oleum

Oleum ex pseudosicomoro

Quam vocant, quippe semine copiosissima, & hyeme ejus rami onerati seminibus solis conspiciuntur. Februario mense collegimus, & friavimus. Os in septem, vel sex partes rumpitur, nuclei pyro assimilantur, tunduntur, & concha calefacti, prælo subjecti, oleum remittunt. Claram lucem in lucernis efficiunt, quartamque partem seminis olei effundunt. Extrahitur

Ex sanguinea arbore oleum

Ad lumina. Septembris medietate acini maturi ex corymbis decerpuntur, finito paucis diebus siccescant, tundantur, ac aqua aheni vase per horam ferveant, præloque subjiciantur, oleum viridis coloris habebis, septimam fere partem seminum: hoc utuntur monticolæ. Exprimitur

Ex uvæ acinis oleum,

Quod Græci gigarta vocant. Cisalpina Gallia ex iis contusis, calefactis, & torculari expressis sibi oleum parat, sed perpaucum, luminibus aptum, quia clarissimum lumen reddit. Plurimum in Ægypto

Ex raphani semine oleum

Excuitur, quo utuntur obsonandis cibis una decocto. Sed Cisalpina Gallia ex raphani, raparum semine extrahit. Rapæ Novembri mense solo evelluntur ac fabulo obruuntur cum suis frondibus. Martio mense plantantur, ut Majo semen proferant: nam nisi evellantur; hyemis frigore gelantur. Sed aliud est rapi genus, quod Iulio feritur, sarculatur, vere profilit, Majo reddit semen. Ex quarta modii parte, duodeviginti olei libræ eliciuntur, bonum luminibus, & cibis plebis. Si ejusmodi semine integrum jugerum seminabis, quinque seminum onera colliges, & ex unoquoque ducentas olei libras percipies. Aratur, & sarculatur solum. Etiam

Ex myagri semine oleum

Recipitur ad lumina. Sed Cisalpini ex quodam semine cognato *dradella* dicto, aurei coloris copiosum sibi comparant oleum. Folia sunt ei laciniata sylvestris erucæ, quod

quod inter legumina serunt. Idem de urtica, sinapis, lini, & oryzae semine dicendum.

CAPUT XXV.

Quomodo plura filii genera oeconomus sibi possit comparare.

NUNC plura filii genera dicemus, quia non parum Oeconomo conducere videntur, quum materfamilias continuis necessitatibus eo utatur. Majores lino & cannabe usi sunt. Hoc enim modo faciebant

Filum ex lino.

Et si exemplo opus non habeat, quum sit usitatissimus, dicemus ad sequentium & aliorum inventionem. Plinius. Lini maturitas duobus argumentis intelligitur, intumescere semine, aut colore flavescente; tunc evulsum, & in fasciculos manuales colligatum, siccatur in Sole, pendens conversis superne radicibus uno die: mox quinque aliis, in contrarium inter se versis fascium cacuminibus, ut semen in medium cadat. Deinde post messem triticeam virgae ipsae merguntur in aquam, Solibus repesactam, pondere aliquo depressae, maceratae, iterumque inversae, ut prius, Sole siccantur. Mox arefactae in saxo runduntur stupario malleo. Quod proximum cortici fuit, stupa appellatur, deterioris lini, lucernarum fere luminibus aptior; & ipsa tamen peccitur ferreis hamis, donec omnis membrana decorticetur. Ars depeccendi, digerendique justum est è quinquagenis fascium libris quinas denas carminari. Iterum deinde in filo politur, illisum crebro in silice ex aqua, textumque rursus tunditur clavis, semper injuria melius. Fit quoque

Filum è cannabe.

Utilissima funibus cannabis. Ipsa cannabis vellitur post vindemiam, ac lucubrationibus decorticata purgatur. Tria ejus genera, improbatur cortici proximum, aut medullae, laudatissimum est è medio, quae mesia vocatur. Aliud

Filum ex sparto

Conficitur. Vellitur ab idibus Majis in Junias, hoc maturitatis

tatis tempus. Vulsus fascibus in acervo animatum biduo, tertio resolutum, spargitur in Sole, siccaturque & rursus in fascibus redit sub tecta. Postea maceratur aqua marina optime, sed & dulci, si marina desit. Siccatum Sole iterum rigatur, si repente urgeat desiderium, per usum calida in folio, ac resiccatum stans, compendium operæ faceretur. Hoc autem tunditur, ut fiat utile, præcipue in aquis, marique in victum. In sicco præferunt è cannabifunes; at spartum alitur etiam demersum, veluti natalium sitim pensans. Superior pars Ægypti in Arabiam vergens è gossipio facit linum, Asia è genista facit lina ad retia præcipue in piscando durantia, frutice madefacto decem diebus, & sic unaquæque regio suum habet è variis herbis fruticibusque filum. Nos scimus

Ex urtica filum

Fieri apud Septentrionales tenuissimum, candidissimumque. Fit quoque

Filum ex aloë americana

Durum, candidum, perfectissimumque, nos ut ex eis habuimus, ita describimus. Quia spinis armantur oræ, ne sint nobis impedimento, decutimus, ac frondes in longas tæniolas scindemus per longitudinem, ut commodius intercedens caro possit aboleri; duo inde ligna figuntur terræ, sed in medio decussata, crucis formam habeant, hæc læva manu arte stringuntur, ut firmitus hæreant, dextra tæniolas ex uno capite comprehensas super decussationem trahat, ut caro linis, & ligna carnibus spoliata remaneant, & toties pectuntur, donec candida pura, nervosa, in lyra, vel citharæ fides conspiciantur, mox lavantur, siccantur, reponunturque. Tertiodecimo à satu anno folia fiunt longissima viginti pedum: stipes è medio surgit quadraginta pedum longitudine, mox cacumen floribus comatur, scatetque fructibus. Romæ vidi, nec aliud speciosius me unquam vidisse meminerim. Trademus tandem &

Linum asbestinum.

Inquit Plinius. Inventum est etiam linum, quod ignibus non

non absumeretur. Vivum id vocant, ardentesque in focis conviviorum, ex eo vidimus mappas, sordibus exustis splendescentes igni magis, quam possent aquis. Regum inde funebris tunicæ, corporis favillam ab reliquo separant cinere. Nascitur in desertis, adustisque Sole Indiæ, ubi non cadunt imbres, inter dira serpentes, assuescitque vivere ardendo, rarum inventu, difficile textu propter brevitate. Quum inventum est, æquat pretia excellentium margaritarum. Vocatur Græcis asbestinum ex argumento naturæ. Hæc Plinius, ex quibus verbis arguitur asbestinum lapidem ignorasse. quum dixerit inventu rarum, ac difficile textu propter brevitate; nam peñitur, & netur ab omni muliercula, modo non ignorato, ut Venetiis vidimus, Cypria mulier, & Valentina mihi videndi copiam fecit, in arcis hospitio, vel medici mali. Secretum optimum, perpulcrum, perutile, licet à recentioribus ignoratum, jam gratis dedimus, etsi magno pretio comparari possit.

CAPUT XXVI.

Ovorum exclusio absque gallinæ incubatione.

NUNC docebimus quomodo sine gallinæ incubitu ova excludi possint, aliarumque avium, æstivo, vel hyemali tempore, ut si qui fuerint ægri, qui pullos eo tempore desiderant, eo desiderio non frustrentur. Avium ova excluduntur calore, vel eorundum animalium, vel diversorum generum, ut humano, solari igne, &c. : nam videmus anatum, anserum, & pavonum ova gallinas excubare, & gallinarum columbas, & curruca omnium. Videmusque foeminas inter mammillas, sub alis, & sinu ova fovere, & excludere. Livia Augusta prima sua juventa, Tiberio Cæsare ex Nerone gravida, quum parere virilem sexum admodum cuperet, hoc est usâ puellari augurio, ovum in sinu fovendo, atque quum deponendum haberet, nutrici per sinum tradendo, ne intermitteretur tepor, ex Plinio. Sed Aristoteles ait. Coquuntur & avium ova, & quadrupedum oviperarum suo parentis incubitu: hæc enim omnia in terra pariunt, concoquunturque ova tepore terræ:
nam

nam si quæ quadrupedes oviparæ frequentantes forent, quæ ediderint ova custodia gratia potius id faciunt. Et alibi. Incubitu ova excludi, Naturæ ratio est; non tamen ita solum ova aperiuntur, sed etiam sponte in terra, ut in Ægypto obruta fimo pullitiam procreant. Diodorus Siculus de Ægyptiis. Quædam suo studio adinventa sunt, ut qui aves, aut anseres nutriunt, præter earum, quæ apud alios homines habentur procreandi nomina, ut in numerum dictu mirabilem avium evadant: non enim ova incubant aves, sed ipsi ingenio, & naturali arte educant fœtus. Et Syracusis potator quidam, ovis sub storeis in terra positis, tandiu potabat, donec ova æderent fœtum. In Ægypto, circa Alcaïrum, ova arte excluduntur. Clibanum parant cum multis foraminibus, quibus ova diversa gallinarum, anserum, & aliarum avium imponunt, tum fimo calido integunt clibanum, & si opus fuerit, ignem circumquaque faciunt, sic ova suo quæque tempore maturescunt. Paulus Iovius suarum historiarum libro. Apud Ægyptios magna copia est pullorum gallinaceorum: nam apud illos gallinæ sua ova non incubant, sed ea in clibanis, tepore sensim adhibito ita foventur, ut mirabili arte, compendioque pulli intra paucos dies progignantur simul, & educantur: quos illi non numero, sed mensura venales habent. Modiolum statuunt sine fundo, quem ut compleverint, tollunt. Et in insula Melitea Siciliæ clibanum parant, ubi gallinarum, anserum, diversarumque avium ova imponunt, tum ignem circumquaque faciunt, & ova suo tempore maturescunt. Sed videantur majores nostros quomodo id fecerint. Docet Democritus

Si gallina non incubet, quomodo pullos plures habeas,

Qua die incubanti gallinæ ova subjicis, eadem stercus gallinarum accipias, ipsum contere, cribraque, ac deinde in vas injice ventricosum; pennas illi gallinarum circumpone. Post hæc autem figura recta imposito ova, sic ut pars mucronata superne tendat, ac deinde rursus ex eodem fimo, tandiu illis inspergito, donec undique inducta videantur. At ubi duos, aut tres dies primos sic

sic intacta esse ova permiseris, singulis postea diebus illa convertito, cavens ne contingantur mutuo, ut videlicet ex æquo incalescant. Post vigesimum autem diem, dum sub gallina excludi ova incipiunt, invenies ea, quæ in alveis sunt, circumfracta. Ob quam nimirum causam etiam inscribunt diem, qua supponuntur: ne dierum numerus ignoretur. Vigesima igitur die putamen extrahens, pullos in cophinum conjicito, eos alens delicatissime. Ascisce eis gallinam, quæ moderabitur omnia. Sed hoc à me diligentissime expertum non successit, nec quomodo id succedere possit, conicere possum. Qui clibanum laudant, modum non ostendunt, quo id fieri possit. Sed quæ nos ipsi fecimus, & ab aliis factitatum vidimus, minutissime demonstrabimus, ut parvo labore, & sine gallinis quivis

Ova clibano calido excludere possit.

Fiat ligneum vas, valde simile dolio, rotundum, cujus diameter sit tantæ longitudinis, quantum capiat brachium intromittendum, ut ova componere, & convertere possit, altitudo quatuor pedum. Hoc tribus tabulatis intus, in quatuor partes dividemus. Sit primum sesquipedale, secundum paulo majus pede, tertium pedale, quartum omnium minimum. Habeat unaquæque cellula tabulatis divisa suum ostiolum, latitudine quantum brachium immitti possint, suæque opercula habeat, ut apte claudi, & referari possint. Primum, & secundum tabulatum ex tenuibus tabellulis, vel viminibus contexta sint, tertium sit æneum fornicatum, postremum ligneum, solidumque. Primum & secundum tabulatum in centro foramen habeat, latitudinis trium digitorum, per quod æneus canalis, vel ferreus, stanno sublitus. Is supra secundum tabulatum ad dimidium pedem supereminet, sic & in inferiori, sed in imo patentioris fiat oris, ad modum pyramidis, vel infundibuli, ut concinne calorem, & flammam suppositæ lucernæ excipere possit. In secundo tabulato canalis circa supremum locum perforatus sit, ut inde exhalante calore locus foveatur tepido illius calore, & ova ex superiori parte calecant, ut gallinæ faciunt. Super hæc tria tabulata spargatur scobs lignæ.

lignea, quæ mihi aptissima operi videtur. Scobs circa dolii latera erectior in medio minus, in imo, ubi canalis, depressior, ut ova supra eam incubantia, calorem undique à canali proveniente excipiant. In tertio tabulato ubi canalis terminatur, sit circa latera depressa, in medio circa canalem altior: supra scobem linteus extendatur pannus subtilis, si deturpatur ut denuo lavari possit, & exclusi pulli supra illum ambulare possint. Singulis tabulatis centena ova accommodentur, plus, minus, retusa ovi pars infra, acuta sursum vergat. Parietes dolii supra scobem extantes intra cellulas, & superna pars tabulati, ovillis pellibus contegantur, ut suo tepore calorem retineant. Inferiori cellula sub infundibulo lucerna accommodetur accensa, in initio binis ellychniis in fine tribus, æstatis tempore; sed hyemis initio tribus, postremo quatuor, vel quinque: feriat lumen in medio infundibuli, ut per canalem ascendens calor, æque cellulæ concalescant. Locus, in quo hoc vas steterit, sit tepidus, & solitarius. In inferiori parte, ubi accensa lucerna, non oportet ova accommodare, quia calorem non habet aptum ad ova excludenda. Sed ubi pulli madidi, quamprimum ovis excluduntur, hic claudantur, ut tepido flammæ calore madorem exiccent: bis, terve singulis diebus animadvertendo, si calor remissus, repens, aut intensus sit. Quod ita cognoscemus, ovum è cellula extrahemus, & supra oculum apponendo optime experiemur, nam si offendit, intensus est, si insensibilis, remissus. Intensus calor excoquit ova, remissus irrita reddit. Ob id lucernæ lumen addendo, & minuendo exequatum reddes. Post quartum diem à quo ova fieri ceperint, extrahito è cella, & nulla facta commotione vehementi, sensim contra splendorem Solis, vel candelæ quispam specularitur, si prolificum sit ovum, nec ne. nam si fibrarum aliquid, cruentumque discurrere videtur, prolificum est, si contra perspicuum erit, ceu infœcundum ejiciendum: irriti loco substituaturs aliud. Fœcunda oportet quotidie ad calorem luminis vertere, atque circumcirca movere, ut gallina solet. Nec verendum nobis ne corrumpantur ova, vel si ab aliquo sensim, & per-

commo-

commode pertractentur. Post decimum nonum, vel vigesimum diem ætatis tempore, aut vigesimum quintum, aut 28. hyemis, ova manu capies, ac Soli obversa inspicere, ubi pulli rostrum stererit, ibi crustam rumpito, & per ovi foramen manibus rostellum capiendo pulli caput foras extrahe, ac suo loco reponere, nam ex se ipso foras progredietur, & ovo egressum in inferiori cellula, ut diximus, pone, sed à pavimento lucerna aliquantulum absit, ne pulli lucis splendore allecti, lumen rostellis feriant, & comburantur. At si quæ diximus diligenter operatus fueris, ex tercentis ovis vix decem, aut viginti perdes. Quia vero sine matrice excluduntur, remanet doceamus

Gallus quomodo gallinæ officio fungatur.

Omni enim custodia destituti perirent, sed gallus, aut capo gallinæ munus obibit. Ostendito illi pullos, & blande manibus dorsum pertractando, præbe cibum, ut manibus edere assuescat, & cicur fiat. Mox pectus deplumando, urticis perfrica, nam paucis interjectis horis, ne dicam diebus, adeo optime pullos recipiet, & cibum eis impartiet, ut nunquam gallina tale fecerit.

LIBER QUINTUS

Metallorum transmutationes explicat,
sive chymica experimenta.

P R O O E M I U M.

AM ad ea videor accessisse experimenta (dum inceptum ordinem sequimur:) quæ vulgus vocat chymica, circa quæ non solum magna mortalium pars hæret, sed ejus inextinguibili siti universus aestuat mundus. Unde ut aliqua de his narremus coacte aggredimur: nam non vana spe lucri, ac sub continua voluptatis esca, & illecebris, tam rudes homines, & idiotæ accedunt, ne

L

non

non sine magno huius sæculi opprobrio pertractentur, & huius artis cultores invisos omnibus reddant. Dum enim sophistico auro præparando laborant, uti horum principia penitus ignorantes ubi bona decoxerunt, in perniciem ruunt, vanaque auri spe deluduntur. Ut recte Demetrius Phalareus ait. Quod capere debuerant, non ceperunt, quod autem possidebant, amiserunt, & metamorphosim, quam metallis expectant, in se ipsos experiuntur, tunc (quum hoc unicum solamen inveniant) commentitiis fraudibus alios fallere, & sibi comites efficere nituntur. Et adco artis, & lucri desiderium libros auxit, & mendacia, ut nil fere aliud circumferatur, ac optime Diocletiani jussu sint omnes exusti, & in cinerem versi. Sic optima rei fidem in pejorem usum converterunt, ceu dignioribus sæpe rebus contingere videmus. Est sane res non parvipendenda, sed expetenda maxime, & præcipue ab his, qui Philosophiæ studiis navant operam, & Naturæ arcana perscrutantur: inveniet enim plura, quæ admirari possunt, & quæ ad humanos usus mirum in modum sunt necessaria, dum multas perspicient transmutationes, & effectus, eos vidisse non parum latabuntur, nam ad altiora, nobilioraque aditum referant, quæ pertractare, & investigare, plerosque maxima authoritatis Philosophos non puduit. Hic montes non pollicemur aureos, nec quem homines rentur percelebrem Philosophorum lapidem illum, multis sæculis jactatum, & fortasse aliquibus compertum, nec poculentum aurum, quo homines ab interitu immunes tueantur, nam necesse est mundo hoc vertibili, & alterabili, interitui omnia esse obnoxia, talia namque promittere temerarii prorsus ingenii erit. Sed quæ tradere intendimus hæc sunt, quæso legentes boni consulant, nec eorum insania, & recordia in vos jactent. Hæc nos vidimus, & pertractavimus, & hæc tradere intendimus.

CAPUT I.

De stanno, & quomodo in nobilius metallum commutet.

EST stannum argenti æmulum, simulque multum colore communicant, hærentque. Suapte natura stannum talem sortitur colorem, ut alia maxime dealbet corpora, sed frangit, & friabilia reddit, præter plumbum, quique artificio aliquo commiscere callet, non minimum nanciscitur secretum. Pro viribus igitur argentum imitari conabimur, quod facile præstabitur, si quæ inficiunt infirmitates, abolescimus, ac funditus eruimus, stridorem videlicet, surditatem, livorem, & mollitiem. non enim prius ignitum liquatur, sed igni adhærescens eximie velox fluxum facit. Has impingunt notas, non in meditullio conjunctas, sed uti adventitiis illud spoliare possumus. Et primo docebimus

Stanno stridorem tollere & mollitiem.

In calcem redigito, uti docebimus, & in corpus reducto, & si primam, & secundam post vicem non eveniet, vicissim tertio prosequere, donec voti fies compos, & sic duret, ut prius igne candens videatur, quam solvatur. Sic possumus omnia corpora mollia indurare, ut igniantur, sed manifestius in stanno, quam in aliis metallis. Possumus & stridorem tollere, si septies in urina pueri liquefactum extinguatur, totidemque in oleo avellanarum. In hoc ab eo cognosces stridorem amittere. Modum extrahendi jam diximus. Sed quomodo in argentum transeat, dicemus; si prius tali pacto

Stannum in pulverem vertere

Docuerimus. Igne ferveat stannum, fluxum in pila projecto, & quum gelationi proximum fuerit, ligneo pistillo irrequiete circumvertito, & in tenuissimum pulverem congelabitur, tenui incerniculo succernito, & quod non optime comminutum fuerit, eadem opera comminuatur. Nunc nitetur

Stannum in argentum vertere.

Dejicito in fideliam argillaceam igni contumacem, patientio-

tentioris oris, ut ignescentibus prunis excandeat. ferrea rudicula permiscere indefinenter oportet, donec totum ignescat, & non lique scat, quod si desieris, & in corpus redigitur, eandem operam impendas, id tantisper, donec per diei quadrantem-pulveratum, ignitum stet sine fusione. At si pars ignis æstulique scat, altera remaneat, quæ lique scit, iterum in pulverem vertes, idemque opus obcundum, eodem vase. Post vitrariorum fornaci, vel reverberationis furno, indes, & triduo, vel quatrinduo ignitus diro igni crucietur, donec perfecte ut nix inalbescat, nam quo perfectius in calcem redactum erit, melius fueris operatus. Mox in vas inde cum aceto distillato, ut tribus digitis superemineat, ebulliat tantisper, donec acetum coloretur, ac corpulentius fiat, conquiescat finito, ubi resederit, acetum decapulato, & novum injicito, & cineribus indito, opusque repetas donec in acetum abeat, sin minus, reverberationis igni denuo appone, ut perfectius in calcem reducatur, & in acetum solvatur. Post evaporato aceto, reses pulvis in cineritium vas ponatur, quod *cupellam* vocant & liquefacto plumbo, sublime ibit, ut pessum eat, pilulas ex sapone, & calce confectas injice, vel salnitro, sulphure, aliove pingui, & omne quod à plumbi balneo receptum erit, in argentum mutatur optimum. Sed durus labor. Sic quoque

Stannum in plumbum vertere

Quisque poterit, si sæpius in calcem reduxerit, & præcipue si convenientem in reductione illi ignem adhibueris: nam stridorem amittens, facile in plumbum vertitur.

C A P U T II.

De plumbo.

VOCA NT antiquiores metallici plumbum album stannum, ut stannum nigrum, plumbum, cognata metalla, & quæ facile mutuo transmutentur. Facile igitur possumus

Plumbum in stannum vertere,

Quod simplici evenit lavacro; dum enim sæpius lavatur, ut pars illa terrea aboleatur, in stannum transmutatur, argentum

gentum vivum enim illud , quo in puram reducebatur substantiam, & non foedam, remanet in plumbo, unde facile stridorem adducet, & in stannum converteretur, ex Gebro. Possibile est quoque

Stibium in plumbum transmutare,

Stibium, quod vocant Chymistæ *regulum*, si sæpius coques, & cremabis in plumbum vertes. Quod à Dioscoride adnotatum vidimus, inquitente: Stibium si paulo magis cremetur, in plumbum vertitur. Sed

Plumbum ponderosius reddere

Docet Galenus: nam comprobans plumbum particeps esse aeræ substantiæ, hoc affert experimentum. Omnium quæ novimus unicum plumbum tum mole ipsa, tum pondere augetur, si condatur in ædibus subterraneis, aërem habentibus turbidum, ita ut quæcunque illic ponantur, celeriter situm colligant. Tum etiam plumbea statuarum vincula, quibus earum pedes annectuntur, sæpe numero crevisse visum est, & quædam adeo intumuisse, ut ex lapidibus dependerent crytalli modo verrucæ. Metallum hoc multum argenti vivi habet, argumento quoniam facili magisterio videtur

Ex plumbo argentum vivum extrahere.

Elimetur plumbum in tenuissimum scobem, & binis hujus libris pulveratis, addatur uncia salis tartari, tantundem communis, & tantillum antimonii. Omnia simul terantur, tusa, & incerniculo succreta indantur in vas vitreum obtortum, quod vocant. sed foris paleato luto optime munitum. Vas reverberationis igni accommodetur, cui amplum receptaculum subdatur, aqua frigida semiplenum, & clausis aperturis, incandescat paulatim ignis duabus horis, post augeatur, dein excandescat vas, inde quatuor horis flator suo munere fungatur, & videbis hydrargyron in receptaculum delabi, ignis vi fugatum, & colli lateribus bullatim hærens, paulatim manibus concuties, ut inferius cadat. Et singulis libris fere singulas uncias excusimus, vel amplius, quando diligentius operati sumus. Non parum fuit nobis admirationis

Plumbum in argentum vivum convertere

Videre. Sed hæc fraus in causa est ut omne, quod ad nos deferatur, adulteratum sit, tam facile cum eo currit. Plumbi libra eliquetur fictili vase novo, cui tantundem stannæ *marçifite* quam vocant addas, quibus liquefactis lignea rude permiscebis. illi duplum argenti vivi superinjicias, ad huc alio vase calentis, ne frigidi occurſu diſſiciantur. morula temporis permisceto, & illico in frigidam aquam projicito & non congelabitur, nam totum vivum fluet, hoc habet opprobrii, quod livescit, nec ut verum fluitat, sed lente & caudatum, vitreo vase conde, & reponito; nam quanto diutius permanſerit, fluidius curret.

CAPUT III.

De ære, & illius transmutationibus.

DE ære aliqua adducemus experimenta, quæ quantalacumque fuerint, à nobis non omittentur, ut eorum lectioni cupidus accedat, qua trahitur. Hic ea docentur, quæ metallica colorant corpora, ſucant, & adulterant, non perpetuo, sed paulatim evaneſcentia, nec examinibus expoſita, ſuſtinent ea, non concupiſcenda, nec omnino poſthabenda. Et quia perpauca ſunt libri, qui hujusmodi re non ſcateant, & pleni ſint, multa que circumferantur, ea nos tantum conſcribemus, quæ paratu ſacilia, ac perpu'chra ſpectantur, ut ſplendore, & formæ lenocinio optimatis cenſuræ oculos ſubinde fallant, nec diſcernant vera, an falſa: eo tamen habeantur, quo fuerint pretio. Sed optimi expoſcunt artiſicis manus, qui vero tali defraudantur arte, optimos ſaltem conſulant. ut fruſtrentur. Dealbant æs præcipue arſenicum, argentum vivum, ſublimatum, argenti ſpuma, quam Græci lithargyron vocant: pyrites, tartarum, ſal ammoniacus, communis, quem vocant Arabes alchali, ſalnitrum, & alumen. Si aliquorum horum, vel omnium diſſoluto liquore, æs igne inflammatum extinguitur, vel colliquatum mergatur, aut in tenues ſamellas diductum, iis in pulverem reductis ſuſorio in vaſe viciffim intermiſtum, diutius igne detineatur,

tur, ut fluxum reddatur, vel fuso metallo insparsum cumulatius in frustum (in pulverem vero caveto, ne ignis vi absumatur, & metallum non inficiat) mirum inde semper candorem suscipit, ut merum videatur argentum. Tum vero ut discas, & alia componendi occasio porrigatur, aliqua nunc apponemus exempla, quomodo possimus

as argenti emulum facere.

Facilior est enim ad intellectum per praxim via, ideo quod sermo descripsit, operatio assignet. Incandescat olla fistilis vivis carbonibus exaggerata, plumbum intus conjicito, & quum igne diffusum cernis, tertiam argenti partem inspargito, in pulverem redactam, sed paulatim dum uratur, ac olei instar per ejus superficiem fluat, & partes aliquæ combustæ per fumum volent. Sine quiescant, dum extinctorum carbonum reliqui supersint aliquæ. Vas deinde frange, & concretum oleum in ejus superficie insidens, & cinerulum deradatur, rundito, & infusum æs pondere triplicato paulatim projicito, & exalbescet; nec obest si paulo plus impositum foret. At si argentosum peroptas, ut eximium recipiat candorem, cū æris massula argentum illiquefacito, projicito, & demum eximito, ut minus moræ in ignem proroget, alioqui evanescit: quod in his animadversione dignum est: si enim in igne diutius manet, quam fuerit opus, colorem expirat, & efflata elanguescit, & in pristinum statum revertitur. Quam minus ergo poteris in igne detineatur, sic album æs, & mentitum dabit argentum, sed tempore nigrescit: nam arsenicum semper faciem decolorat, & effuscat. Sed docebimus alio modo

are mentitum argentum representare.

Hoc paulo nobilius erit experimentum. Accipito tartari uncias sex, arsenici crystallini octo, ac dimidiam argenti vivi sublimati unciam, salnitri duas, vitrioli sesquialteram: omnia tundantur, & in tenuissimum pulvisculum redigantur. Sumito mox æris cyprii libras tres, quod vulgus *bandam Mediolanensem* vocat, in tenues

lamellas diductas , & in fictilem ollam vicissim inspergas pulveres , & tenues illas lamellas , donec totam compleas , operculum indes , & paleato luto optime perlito , ferreis filis circumdato , ac strictim religato , ac denuo luto superinducito. Postea excandescat olla vivis carbonibus exaggerata. Sed initio statuatur olla in centro , & pedali longitudine ab ea ignis recedat , post semipedali , & paulatim accedendo , horæ spatio cumuletur tota , & sic sex horis immoretur. Sic carbonibus obruta extinguī finito , quousque frigescat , frigefacta frangatur olla , & lamellæ fragiles reperientur , ut facile digitorum attrectatu in pulverem terantur. Indas in fusorium vas testaceum . durum , & semihora lique scat , paulatim eundem pulverem addendo , quousque totum lique scat , demum in cavum locum projicies , ut in virgas fluat , & metallum . ut glacies , friabile habebis : tunc duas libras æris liquefacies , eas aliquantulum prius purificabis , in ejus faciem projiciendo contritum vitrum , tartarum , salern ammoniacum , & salnitrum vicissim , paulatimque. Mox repurgato adde jam confecti metalli libram unam , eosdem pulveres inspargendo , eodemque modo repurgando , postremo medietas addatur optimi argenti , & in cavum locum projicito , & habebis. Sed ut extima superficies exalbescat , igne candeat . & in aquam projiciatur , in qua sal communis , & tartarum eliquatum fuerit , & plusculum temporis ebullire sinas , & album erit , malleabile , ductile , ut per arcta chalybis foramina trajici possit. Hoc præterea indictum non abibit , quod præcipuum est in colorandis metallis , ut ea sint interius defœcata , elota , ac recrementis omnibus expurgata , & præstantiora erunt. Uti acetos extinctum , in calcem cum sale redactum , ut defœdantes tollantur partes , quousque earum appareant notæ , & profundius fiat commistio. Sit vasis fundum crebris foraminibus laceffitum , & per ea colliquatum metallum descendat , ut recrementa , & spurcicias supra relinquat , nulla que extet scoria , eo que præstantiora erunt , quo minus excrementi in eis fuerit , infra parum dilabatur : cujus tamen meminisse semper oportebit. Habebis sic queque

Alind

Aliud

Cum auripigmento, nec operando inefficax, & si tempore livoris inficiant notæ, abstergere conabimur. Sic auripigmentum optimum, in squamas dehiscens, fissile, aureo micans colore, ter, quater cum elimata æris scobe, tartaro insperso, & cum eo pari pondere descendere facias, ut perpetuo fulgeat, & splendidissimum perduret. Solvatur argentum forti aqua, quæ nullo phlegmate redundet, ac effervescente vase siccetur: donec id septies, vel minus expleveris, simul permisce, ac porphyrite lapide lavigato, guttatim, vel levi imbre tartari oleum inspargendo, vel fixi ammoniaci salis. Ubi vero fervidus Sol illuxerit, ei exponito, & siccetur, plus denuo suggeratur olei, & siccescat tantisper, donec argenti pondus expleat. Sic vitro vase condito, & fimo supponito, quousque solvatur, solum coaguletur, & super illud decem, vel octo æris partes projiciantur, & peculiose dealbat. Si vero quæris

as argenteum reddere manibus perfricando,

Ut pueri, & circulatores sæpe solent, & vasa illico argenti nitorem capiant, consiciendi hæc est ratio. Ammoniacus sal, alumen, & salnitrum pari pondere commisceantur, & modica argenti scobe lima quæsita, igni admoveo, ut infervescant & ubi fumare desierint, respersa pulvere, vel saliva oris madefacta, vel paulatim adjecta digitis fricando tractabis, & argenteum colorem imitari videbis. Nitidius autem albescendi alius hic est modus. Argenti pusillum forti aqua solvatur, tartari tantum mergito, & ammoniaci salis, dum strigmenti crassamentum imitetur, inde in orbiculos digere, & inarescant, si eis æs, vel aliud consimile genus digitorum tractatione crebra, ac salivæ complexu fricaveris, fricanti argenteum videbitur. Nec minus idem evenit argento vivo, mireque dealbat. Serventur hæc argentata, ne ab acribus noxam suscipiant, veluti urina, aceto, limonum succo, & similibus, de facili enim colorem perdunt, deprehenduntur, coarguunturque.

CAPUT IV.

De ferro.

IAM de ferro aliquid dicere commonet ordo: id enim sapientes Indi magnificerunt, quum in se boni multum retineat, facileque in nobilius transmeet metallum, aliquibus vero, quod ægre liquefcatur igni ob fixum sulphur, & maximas partes terreas, ceu inutile rejicitur. Unde si velimus

ferrum in æs commutare

Ut nil ferri prorsus retineat, futorio atramento facile id fieri potest. In Carpato enim monte Pannoniæ Smolinio oppido fertur puteum esse, in quo aqua in tres canales hausta effunditur, ferrum illis impositum vertitur in æs, & si tenuia erunt frustula, in lutum transeunt, quod ignibus excoctum, in purissimum æs transit. Sed sic agiler commutatur. Fusorium in vas ferrum conjicito, dum vehementi occanduerit igne, & fluxum fieri incipiet, vivi sulphuris aspergine saturabis paulatim: remove, & in virgas projice, & teratur, facile enim friatur, forti dein solvatur aqua, ex vitriolo, & alumine confecta, calidis infervescat cineribus, & in vapores soluta evanescat, remanens pulvis in corpus redigatur, & habebis. Si vis

ferrum in albare,

Multipli poteris artificio, hoc tamen contentus esse poteris. Primo scoriis, & rubiginis viru defœcabis, terreum enim magis cæteris est metallis, ideo quoties excoquitur, toties excrementitias ex se sordes gignit. Sæpe forti lixivio, & aceto tenuissimas restingues laminas, ubi communis sal, & alumen ebullierint, donec candicent, ejusque ramenta ex sale in mortario teres, mutato subinde sale, donec nullum nigredinis indicium præbear, ac ferri recrementum eluatur, cujus laminas sic alabis. Ex argento vivo, & plumbo malagma confice; terito, ejusque pulverem testaceo in vase cum laminis interpones, claudatur, & luto muniatur, ne ullum relinquatur spiramentum, in igne per diem perseveret, vehementi demum liquefcatur; malagma enim, candorem, & facilem colliquationem molie-

molietur, denuo in lamellas duces, & denuo inceptum perages, dum candoris satis contraxisse conspicias. Sic quoque si per vasis fundum liquefcens descendat cum plumbo, pyrite, arsenico, & omni, quod in ære diximus. Si argenti partem addideris, ei magis assimilatur, conjungitur enim facile auro, & argento, nec per separationis examen sine magno labore, & industria separari potest.

CAPUT V.

De argento vivo, & ejus operationibus.

IAM hydrargyri operationes aggredi non intempestivum videtur, scilicet, coagulationes aliquas vulgares, quæ ab aliquibus expeti solent, demum quomodo in aquam solvi possit, cupientibus aperiemus. Et primo

argenti vivi coagulatio cum casside ferrea

*vitri-
olo.* Projiciendo cum eo aquam, qua fabri ferrarii ignitum extinguunt ferrum, ac illo duplum immittatur ammoniaci salis, chalcanthi, & æruginis, vehementique igne sinas ebullire, ferrea semper spatula versando, & si absumitur bullitione aqua, calida paretur alia, & projiciatur, ne sinat ebullire, sic diei quadrante congelatum habes: inde linteo sisco, vel corio stricte manibus congelatum exugito, ut exudet quamtuluncunque habet, expressum denuo congeletur, dum omne perficiatur, sic in prælotum fictile dimittatur cum fontana aqua, detractis, quot pessum ierant. sordibus, in eandem fideliam misceto, & confundito, donec lotum, & clarum habeas: sub dio tribus noctibus apponito, & in testæ duritiem crassescit. Est & alia

argenti vivi congelatio cum ancis pilis

Hoc modo. Area duo hemisphæria fabricemus, ut se invicem penetrent, ne expirare possint, intus vivum argentum cum crystallini arsenici æquali portione, & tartari rite contusorum, & cribro succretorum immittantur, luto foras commissuræ perlinantur, ne respirent, sic resiccescant, & carbonibus exaggerabis, & obrues quarta diei parte. Postremo incandescat totum, inde extra-

has & aperias, & totum ærei vasis concavo coalitum inhærescere videbis, malleo percussum decidet, liquato: & projicito, & optimum dabit argenti colorem, difficileque ab eo secernitur. Si æris immisceri placet, cum eliquato æris triplo immisceas, & sine argento optimum ostendet album, dulce & malleabile. Fit &

alio modo

Ex argento, rubro arsenico, & aurichalco vas efformetur in scyphi speciem, quod rite operculum cooperiat, ne respiret. vivo argento reple & juncturæ luto muniantur aliquo, ovi albumine, vel resina pini, ut sit, & in ollam suspendatur lini oleo plenam, & naturalis diei medietate ebullire sinas, extrahe, & exemptum corio, vel stramine exprimito; & si quid incoagulatum fuerit, opus iterato, & coagulari cogito. Si tarde vas coagularet, quantum ponderis amisisse vides, ex aurichalco, & arsenico, argentoque rependas, ex pondere enim dignoscere non possumus: utere: mirum est, argentum vivum argentum ad se trahere ex pila, & vivum argentum intromitti. Nunc docebimus, quod aliquando usui foras erit,

argenti vivi aqua quomodo extrahatur.

Vas fiat ex argilla igni contumaci, ex qua fusoria vasa fiunt, sex pedum longitudinis, pedalis diametri, intus vitro perlitum, pedali spatio relicto circa fundum, digitalis soliditatis, in summo angustius, in imo surgidius, circa collum foramen apertum habeat digitalis capacitatis, ac canaliculo foras extanti, per quem apte vivum argentum intromitti possit. In summo ore pileum vitreum accommodato cum suo canali, ac argilla glutinosa perlinatur, & linea superinducatur, ne transpiret. Ad id opus elibanum parato, in summo sit capacitatis, ut vasis fundum optime recipiat, latitudinis, & profunditatis pedalis. Craticulam, quæ ignem sustinet, eo artificio construas oportet, ut uno è latere, quum opus fuerit, retrahi possit, & ignis cadat parte inferiori. Accommodetur igitur vas furno vacuum; & ignis succendatur paulisper, postremo carbonibus excandescat fundum;

dum; ubi optime ignitum videris, quod cognoscere possumus è summo, per pileum vitreum inspicendum, illico è foramine parato, intus vas decem, aut quindecim argenti vivi libræ projiciantur, & illico injecta argilla, obturetur foramen illud, & subtrahetur craticula, ut ignis, cadat in inferiorem partem, & aqua prorsus extingatur. Videbitur tunc ex pilei nate extillare in subjectum receptaculum argenti vivi aqua, uncialis quantitatis. amove ab igne vas, & evacua argentum vivum, eandemque operam impendas, & semper aquæ unciam manabit, servabis eam ad opera chymica. Ego ad mulierum smegmata omnium optimam expertus sum. Hoc artificium inventum est ad vivum argentum expurgandum. Non omittemus aliud artificium non minus mirum, quam jucundum visu,

ut argentum vivum in arborem excreseat,

Solvatur argentum in aqua forti, solutum diffusetur in tenues auras igni, ut infra subsideat crassamentum, ut unguen, tunc aquam fontanam bis, terve distillabis, & in crassamentum illud immitte, fortiter conquassando, quiescat parumper, & in aliud vas vitreum transfunde limpidissimam aquam, in qua argentum est, adde aquæ libram argenti vivi, intus phialam pellucidam crySTALLINAM, quod ad se argentum illud attrahet. & diei spatio ab imo pullulabit arbor speciosissima, capillacea, veluti ex subtilissimis aristis compacta, totumque vas replebit, ut nil jucundius oculis spectari possit. Fit idem ex auro cum aqua regia.

CAPUT VI.

De argento.

DICEMUS de argento, quomodo illud tingamus, ut perfecti coloris prærogativa aurum æmulari videatur, postmodum in aurum verum convertatur. Et primo

argentum in aurum tingere.

Combure æs ustum ex stibio, & cum argenti medietate colliquatum, perfectum auri colorem dabit, & si auro commisces, meliorem dabit. Æs ita coquimus, nullibi,

bi, quod sciam, traditum, talique expedies pacto. Æs fusorio in vase liquato, cum æquis stibii portionibus, simul colliquatis tantundem superaddito stibii, & super planum marmor projicias, ut in ejus superficie frigescat, ut aptius in lamellas deducatur. Duos mox excavabis lateres, ut intus commodè accommodari possint laminæ; ubi accommodasti, operculentur mutuo, ac ferreis vinculis, & luto stipentur, resiccatos vitrariorum fornaci indito, ibique per hebdomadam immorari finito, ut perfectè comburatur, detrahe, & utitor. Et

argentum in aurum tingere

Dabitur sic facultas. Lixivium primo tale parabis acre. Calx immittatur in ollam, cujus fundum crebris foraminibus sit solutum, tenuibusque pervium; supra lignum, vel tegulam accommodabis, inde pulverem & aquam paulatim infunde calidam, ac per arcta fundi foramina in subjectam fideliâ mundam defluat, ac iterabis, ut acerrimum fiat. In hoc tritum immitas stibium, ut in tenues auras evolare possit, ocioso igni ebullire sinas: nam ubi inferbuerit, purpurascet aqua, tunc per linteam laciniam in purum vas exprimito, in residentes pulveres denuo lixivium immitas, & in prunis suffervesfacias tantisper, donec non amplius cruentata videatur aqua: coloratum lixivium conservesfacito subjectis ignibus, donec evanuerit aqua, residentem vero resiccatum pulverem cum tartari oleo desiccato, & dissoluto. & ex auri, & argenti ponderibus æquis, lamellas fictili fusorio vase vicissim inspargito, carbonibus celato tantisper, & opus innovato, donec perfecti coloris prærogativa aurum æmulari videbitur. Possumus &

aliter idem opus efficere.

Si argenti vivi congelationem, quam cum casside diximus, tertiæ argenti parti remiscebis, argentum aureo colore insignitum reperies, cum æquali auri portione colliquabis, in ollam impones, & per acre acétum fundas, ac per diei quadrantem ebullire sinas, & colore augebitur magis. Hoc autem extremo expone auri examini ex communi scilicet sale, & laterum pulvere, addito tamen chal-

+ *viridulo* DE METALL. TRANSMUT. 255
+ *chalcanto*, aurumque sic purgatum accipies. Possumus &

aurum ex argento extrahere,

Nec tam parum, quin sumptus reficiens, multum non superlucraris. Hæc est ejus conficiendi norma. Tenuis elimata ferri scobs in fusorium vas, & durum igni tandiu incandescat, dum solvatur, inde factitiam chrylocollam, qua auri ferrumini utuntur aurifabri, & rubeum arsenicum paulatim inspargito, & postquam insparseris, æquali argenti pondere injecto, exquisitè purgetur vase è cineribus parato, & forti, jam exclusis sordibus omnibus ferri, in separationis aquam immergito, & aurum deorsum vase fundo procumbit, colliges, nec veridicum magis è multis, & peculiosum, & laboriosum reperimus, laboribus ne parcito, & rite ministrato, ne tempus, & oleum teras. Vel aliter: Tenuis elimata scobs ferri madescat per diem in aqua marina, siccescat, & fusorio in vase igni tandiu incandescat, donec solvatur, deinde æquali argenti pondere injecto, per medietatem æris projiciatur in cavum locum: deinde exquisite purgetur cineritio vase: nam excluso ferro, ejusque sordibus, in aquam separationis mergito, & quod in fundo cadet, colliges, & optimum erit aurum. Peculiosum fortasse erit

cinnabarim fixum reddere.

Cui id cordi fuerit. Ita faciendum censeo. Cinnabaris confractæ partes ad magnitudinem juglandium vitreo in vase capacitatis ejusdem, argenti pondere jam triplicato, vel majori disseminatas condito, & vicissim inspersas luto munias, & resiccare finito, sin minus in Solem ut repetas oportebit, inde cineribus immersum tandiu lento igni decoquas, quousque infractum plumbeo colore livescat, quod si nec quidem, jugem operam impendas, dum ad id pervenerit: inde plumbi duplo eluas, ac elotum examinibus omnibus expositum pertinacius obstabit, majoris ponderis, & virtutis: & quo leniori uteris igne, tanto foelicius res peragetur: Sic vero ut animetur argentum, & amissum resarciatur, tentabimus. Sublimatum vivum argentum ex aceto distillato

Bovace

lato bulliat, inde vivum argentum remiscebis, & vitreo recurvo vase vivum argentum in ignem infervescendum devotet, & in receptaculo dilabatur, & servetur Ponderis, si sapias, parum amississe comperies. Alii ex stibio confecto *regulo* id perficiunt. Aliter sic citius & lucrosius facies. In fractas cinnabaris partes ad tesserarum magnitudinem, in oblongum linteum saccum accommodabis, ollæ lateribus undique distantem: inde lixivium peracerissimum fundas ex alumine, tartari duplo, vivæ calcis quadruplo, & cineris roboris æquali portione confecto uti fieri solet, vel ratione aliqua parandum: per diem ebullire finas, exime, & ebulliat cum oleo, jugem operam impendas, & integram cum nocte diem finito quoque illic esse, & exemptas ex oleo cinnabaris partes, ovi albumine subacto perlinito, ac in tertia parte elimatæ argenti scobis revolvito, in fundo apti vasis substernito, rite singulari creta munito, ut diximus, ignem adhibe diebus tribus, & tam postremo augetur, ut igni cedat, & fere liquefeat, detrahe, & ex fœcibus extremo argenti examine perluito, & ad verum, & naturale deducito. Erit quoque voluptuosum

è fixo cinnabari argenteam barbam elicere.

Si vase eodem accommodabis, igne solum inferius lente admoto, argentum adhuc spirituosum, nec plumbum expertum uti sylva erectum cernes capillamentum, ut nil fuerit visu jucundius.

CAPUT VII.

De operationibus ad usus necessariis.

OPERATIONES aliquas apponere visum est, quæ nostris operibus necessariæ passim visæ sunt, quibus ignoratis non facile votum assequeris, nos, ne alibi quaererentur, hic apposuimus. Primo

è stanno spiritum elicere.

Stanni elimata scobs cum salnitri æquali pondere ollæ inditur, cui superis septem, vel multas pertusas accommodabis ollas, ac spiramenta luto elaudas, & munias,
supra

supra vitreum vas inverso ore accommodabis, vel aperto canali cum subjecta paropside: inde ignem adhibe & incandescentis rumorem audies, evolat in fumo spiritus, & ollarum cameris, & vasis vitrei fundo compactum reperies. Organum si terreum à latere perforabis, commodius paulatim injicies, & obturabis. Sic quoque

è stibio

Extrahere possumus. Stibium, quod seplasariis antimonium dicitur, tenuissime manualibus molis subigitur, & tritatur, inde nova olla carbonibus accensis condita rubescat tota, cui stibium, tartari duplum, salnitri quadruplum optime tusa paulatim injicies, quumque tollitur fumus, operculo claude, ne surgens fumus evolet, tollito demum, & aliud projicito, dum totus comburatur pulvis, igni postea aliquantisper proroga moras, extracta refrigerari finito, & superextantes tollito fæces, & in fundo insidens reperies, quod vocant chymistæ *regulum*, & plumbum præ se fert, facileque in hoc transformatur. Si enim, Dioscorides ait, paulo magis concremetur, in plumbum vertitur. Nunc dicemus, quomodo possit quis nobilius metallum

in cutim trahere,

Ut idiotæ dicunt chymistæ, putant enim partes in medietullo positas se imposturis foras allicere, & extrahere, & internas partes ex solis vilioribus constare, sed à veritate alieni, quia in superficie tantum remissiores ex est partes, & aliquantulum vivum argentum foras allicitur, quod non placet. Res enim corrodunt omnes, quæ medicamentum subintrant, duriores relinquuntur, expoliunt, & dealbant: antiquorum fortasse numismatum fide ducti, intus meracum æs, foras autem simplex argentum conspicientes, sed hæc simul ferruminata sunt. malleis tusa, tum demum typis excussa, id tamen artificio simili sic fieri posse penitus est arduum, nec fieri posse judico. Quæ tamen expoliunt, hæc sunt. Communis sal, alumen, chalcantum, sulphur vivum, tartarum, & pro auro tantum ærugo, & sal ammoniacus. Quum opus obeundum est, eorum partem in pulverem redigunt, & cum metallo

tallo vase aliquo intermittunt : fictili luto circumlito , & operculato, exili pervio spiramine. lento igni accommodant, ac peturi permittunt , & ne metallum liqueatur , ne follibus ignem vexes , quum pulveres perusti resident, quod fumo dignoscunt , laxato obruramento visunt. Sed metallum igni accenditur, donec ignescat , & ignitum iis immergunt. Vel aliter : aceto accommodant , dum strigmentosum fiat , & ubi circumlitum opus lintheaminibus involveris, conjectum in fictile acetum continens diu decoquetur , extractum in urinam conjicies , sale & aceto ebullire finito, donec nullæ profus sordes emergant, & sordæ medicaminum maculæ aboleantur, & si candidissimum nonprehenderis, idem munus rursus obeundum, dum perficitur. Vel aliter seriatim procedas. Opus cum sale, alumine, & tartaro ex aqua in olla sinas ebullire, quum tota superficies inalbuerit finito paulisper , inde sulphuris, salnitri, salis æquis ponderibus ebulliant tribus horis , ut in eorum medio pendeat, nec vasis latera contingat ; eximito, & cum arena perfricabis, dum sulphuris virus evanuerit demum, ut prius ebulliat denuo, & sic inalbescit, ut ab igne se tueatur, nec uti vitiosum improbabitur, utile reperies, si rite peregeris, & gaudebis, nisi in tuam perniciem abusus.

CAPUT VIII.

Quo pacto ponderosius fiat metallum.

SÆPE apud chymistas, eosque, qui hujusmodi studio navant operam, quæritur quonam pacto fieri possit, ut in auri pondus argentum excreseat , & metallum unumquodque suum debitum superet pondus. Potest & id fieri sine celaturæ detrimento aurum, argentumque excreseat, decreseatque, si in aliquod vas efformatum fuerit. Nos qui provinciam hanc assumpsimus, hic ea docere, quæ magnis aliorum conatibus fiunt, facile fieri posse, cape hanc conficiendi normam,

ut aurei vasis pondus excreseat,

Sine celaturæ impedimento , si magnitudo ponderi non respon-

respondet, Aurum fluido argento digitis, manibusve perfricabis, dum illud ebibat, donec quæsitum expleat pondus, superficiæ cohærescens. Dein validum parato lixivium ex sulphure & calce vivis, & cum auro in ollam patientioris oris conjice, lenibus subjectis prunis tandiu indefinenter bulliant, dum suum jam colorem contraxisse perspexeris, sic eximito, & habebis. Vel ex ovorum boletis lithargyro aureo aquam valido igne exugito, & in eo ignitum aurum extingue. Sic etiam habebis

aliud optimum.

Argentum in pulverem reddes, vel forti aqua, vel ex calce, abluitur post calx aqua, ut sales detrahantur, aureum vas, vel bracteam madefacito aqua, vel saliva. ut extremæ superficiæ inhærescat pulveris quantitas quæsitæ, non tamen extremis oris impones, nam facile lydii lapidis affrictu, arguitur dolus. Mox in tenuissimum pulverem teratur salis pars tertia, totidem lateris, vitrioli rubificati partes duæ: laterem habe, & in eo loculum excava quantitatæ vasis in cujus fundo sterne alumen plumæ, inde vicissim pulverem insparges cum tuis operibus, usque donec loculum expleveris, postea tege loculum alio latere, ac ferreo stylo muni, commissuris optime perlitis argilla, permitte exiccari, ac furno reverberationis per diei quadrantem finito, & ubi refrixerit, aperito, atque aurum argenteo colore perfusum reperies, atque majoris ponderis, sine cælaturæ damno. Ut vero pristinum colorem recipiat, sic facito. Sumito viridis æris partes quatuor. salis ammoniaci duas, salnitri dimidiam, lateris tantundem, aluminis quartam, hæc aquis remisceto, ac vas perluito: ferreis forficibus flagrantibus carbonibus superpone, ut satis ignescat, & exemptum urinæ immerge, & colorem recuperabit. Si fulgentissimum niteret, & remissius optas, remedio est, ut urina madefactum in candentem laminam refrigerari sinas. Sic vero chalcantum flagrantissimum reddes. In vas conjectum carbonibus obrutum decoquatur, dum in florentissimum rubicundum colorem permutetur, eximito, & re-

& recondito, nec in malum suscipies usum. Possumus æris ramentis

aliter opus explere,

Argenti vicem gerens, nimiumque ponderis suscipiet. Vel aliter. Æris duplum cum argento colliquetur, inde in tenues ducatur bracteas, & parvulas: parato interea è fortis aquæ facibus pulverem, salnitri scilicet, & chalcanthi, ac forti in vase fusorio, lamella, pulvis inde augendum aurum accommodetur, & præpostero ordine vas explebis. Postremo os luto munito, & igni lento committito per diei medietatem, detrahe, semper idem innovando, dum ad statum pervenerit pondus. Iam pondus augere docuimus, ne calatura, vel rei forma impedimentum accipiat. Nunc vero restat quomodo possint & sine formæ quoque ac calaturæ damno

argentum, vel aurum diminui.

Forti aqua assolent multi, opus autem tuberculis, & depressionibus scabrum reddit; sic autem facies. Sulphuris pulvere asperges opus, & circumundique candelam admoveto, vel sub opere incendes, paulatim exardescens consumitur, malleo decute in adversam partem, & superficies cadet, quantitatis ejusdem cujus volueris, uti sulphure uteris, Nunc docebimus

ab argenteis poculis inauratis quomodo aurum separetur.

Usui enim sæpe venit, ut aurifabri jam facta vasa dissolvant, disjiciantque, & nova denuo faciant, & ignorantes quomodo ab eo argento, aurum sine labore tollant, cum argento colliquant. Ad id separandum hoc utemur artificio. Sumatur sal ammoniacus, sulphuris dimidia pars, conterantur tenuiter, & inaurata pars vasis oleo perlinatur, mox supra pulvis inspergatur, & vas forfice comprehensum igni exponatur, optimeque calefactum concutitur ferro, & decidet pulvis concussus in aquam subjectæ paropsidis, & poculum illæsum remanet. Fit &

alio modo

Cum argento vivo. Infundatur vivum argentum in vas fictile

Stile patentioris oris, & igni excalescat tantum, ut digitus immissus calorem sustinere valeat, in eo argenteum vas inauratum collocetur, & quum auro vivum argentum adhaerit, exemptum ponatur in lancem, in quam refrigeratum aurum una cum vivo argento decedit. Idem opus repetendo, dum non amplius aurum in vase conspiciatur. Mox aurum in vivum argentum in lancem decussum in linteum ponatur, & manibus exprimatur, & argentum vivum excipiat in aliud vas: aurum in linteo remanebit, collectum in carbonem excavatum imponitur, insuffletur, quousque lique scat, ex eo massula fiat, & cum paucis stibio in fictili vase coques, illudque in aliud vas transfunde, ut aurum in fundo resideat, & stibium in superiorem locum se recipiat. Si vero vis

ex vase aneo aurato aurum separare,

Vas illud frigida madefactum, igni imponitur, & ignitum frigida restinguatur aurum postea filis aurichalceis una colligatis abraditur.

C A P U T IX.

De separatione metallorum sine aqua forti.

QUIA ex salibus aquae satis difficile extrahuntur, non sine laboris, temporis, & impensarum jactura, visum est auri ab argento, ære, & argenti ab ære separationes docere, sine aqua forti, sed quibusdam facillimis operationibus, parvo temporis, & æris dispendio, & primo demonstrabitur

auri ab argento separatio.

In fictile vas igni contumax injiciatur auri massa, cum argento remissa, una cum tantundem ponderis antimoni, tali modo. Ubi igni vas flagrans injectam molem liquefecerit, & vi ignis in orbem se verterit, aliquantisper stibii adjiciatur, brevique temporis mora etiam circumferetur, quod ubi videris, reliquum stibium projicito, & vas operculo contegas, misturam coqui sinas, quamdiu quis dominicam orationem obmurmuraverit. Vas forcibus

cibus sustollito, & in alterum ferreum vas projicito pyramidale, calefactum, vulgus *crucibulum* vocat, quod habeat in fundo sepum arietinum, leniter concutiendo, ut gravior pars auri ab argento separata fundum petat. Refrigerato vase decutitur, & in fundo pars hærens aurea erit, superior argentea, & si recte separatum non fuerit, iterum opus peragere ne pigeat, sed minore stibii parte. Repurgetur itaque aurum, stibium vero coquatur, & residet semper in fundo massula quædam auri. Et fæces, quo remanserunt, eodem modo in cineritio catino repurga, & habebis argentum inueniesque nihil amisisse ponderis, quia ambo perfecta corpora, sed aliquantulum de argento deperditur. Si vero vis minor fiat argenti jactura, hoc pacto operaberis. Duabus stibii libris & dimidiæ addantur fæces vini libræ binæ, & una coquantur in vase fictili, & massa residet in fundo, quæ & cinereo vase coquatur, postremo adjectis plumbi frustulis repurgetur vase cinereo, in quo cæteris rebus ab igne consumptis, solum supererit argentum, quod si vini fæcibus stibium non coxeris, ut diximus, pars argenti abolebitur, & cinereum vas argentum ad se alliciet. Fit idem

alio modo.

Assumito sulphuris uncias ternas, misceto cum una olei communis contritas, & in argillaceam patellam vitro oblitam pone ad ignem, primo lentum, mox augetem, usque quo fluxerit, & extra vas resilire videatur, extrahe a igne, & refrigerari permittito, mox in acre acetum projicito, ita oleum ad aceti superficiem feretur, sulphur pessum ibit, projice acetum, & sulphur ad elixandum permittito forti aceto, & videbis acetum colorari. Per penicillum acetum decolabis, in vitreum, vel vitro obductum vas, cui adde iterum sulphur, & iterum elixato, iterumque lixivium excolabis in vas, identidem faciendo, quousque lixivium exhibit turbidum, vel nigri coloris. Resideat per noctem lixivium, denuo per penicillum excolabis, & vasis fundo reperies sulphur fere album, adjice id jam servato, & pone iterum ad bulliendum cum triplo sui aceti distillati, donec acetum in tenues auras solvatur, & exicca

exicca sulphur, præcavendo ne comburatur, exiccatum denuo in acetum distillatum exponito, identidem operando, usque donec ponendo parum de eo super ignitam calidam laminam ferream, lique scat sine flamma, & sine fumo. Tunc projice super massam auri, & argenti, & illico aurum petit fundum. argentum vero superiorem partem obtinebit. Sulphur enim ex lixivio, ita valido, ut ovum injectum sustineat, & innatet, coctum usque dum fumum non emittat, & ardenti carboni impositum lique scat, si in argentum auro remissum liquefactum projiciatur, secer nit aurum ab argento. Est quædam ingeniosa & mirabilis

separatio argenti ab ære,

Cum quibusdam pulveribus. Optimi sunt, qui constant ex plumbo pulverato, vivi sulphuris dimidio, arsenici crudi, & communis salis duplo, halinitri dimidio. Singula separatim triturentur, mox misce. Accipito misturam metallicam cum sesquialtera parte pulveris, & in vase igni duro vicissim inspargito, & completum vas igni trade valido, quousque fundantur, extrahe, & projice in aliud vas supra latum, infra angustum calidum, ut diximus, & sepo arietis purgato, vel suillo perlitum, & refrigerari finito; nam in fundo argentum reperi es, & in superficie supereminebit æs: separa alterum ab altero ferro scalpro, vel lima, vel si libuerit, cineritio alveo argentum poteris repurgare. Sed argentum in tenues bracteolas oportet divisum sit, ut quum pulveribus vicissim inspargitur, undique illud attingere possint, post vas operculo munire, & luto perlinire. Sal etiam decrepitetur, ne resiliat, & sulphur fixum & præparatum. Sed tali modo poterimus

aurum ab ære separare,

Fiat sal ex sequentibus, scilicet vitrioli, aluminis, halinitri, vivi sulphuris, singulorum libra, ammoniaci salis selibra, contrita omnia coquuntur in lixivio facto, ex cineribus parte una, calcis vivæ tantundem, cinere sagineo quadruplo, igni solvantur, decapulentur, & coquan-

coquantur , donec evanescat lixivium , mox siccetur , & loco non humido servetur, ne liquecat, eique comminuti plumbi libra admisceatur , atque hujus pulveris singulæ sexcunciæ , singulis æris libris in fusorio vase calefactis paulatim inspergantur ; ac ferrea rudicula agitentur vehementer. Vase refrigerato , & contuso aurea massula in fundo reperitur, reliqua , ut diximus peragito.

CAPUT X.

*Separatio auri, argenteæ ab aliis metallis cum aqua
forti compendiose.*

NO s vero hoc modo satis compendiose aurum ab argento , & argentum ab aliis metallis separare docebimus, nec parum lucri quis consequetur, si quæ scribimus optime noverit , quum & aliquos viderimus hoc artificio non mediocres opes sibi comparasse. Exemplum sit mistura æris, & argenti, eam in communem fortem aquam dissolvemus , ubi absumpta jam fuerit , projicito in eam fontanam aquam , quo aquæ asperitas diluatur , nec vis amplius rofionis metalli remaneat. Aquam in patentioris oris fideliâ mitte, & æreas lamellas submerge, illis enim argentum in nubis formas adhærebit , æs in aqua relinquitur , aquam in vitream retortam ampullam imponito, & adhibe subtus leviozem ignem , & foras paulatim fontanam aquam extillabit : ubi fontanæ aquæ notam mensuram jam distillasse cognoveris , vel croceus color ampullam tinget , & odor salium nares feriet , amove receptaculum , & aliud vacuum indito, & lutato spiramenta, aucto igne fortem aquam , & ut prius validam recipies, & in fundo ampullæ æs habebis. Aqua fortis ut prius, valida erit : ea pluries uti poteris.

LIBER SEXTUS

Gemmas adulterare nititur.

PROOEMIUM.

EMETALLORUM. ad gemmarum adulterationes transeamus; ejusdem enim sunt rationis, utraq; ars cognata, & ignis utitur artificio: de quibus prisca non parum laudatur aetas. Nec fraus est, inquit Plinius, vita lucrosior, & sic aris desiderium luxuria faciem excitavit, ut sapissime harum censores optimi haud fuerint tuti. Multiplici artificio adulterantur, aut dissectis per medium gemmis, & inditis coloribus, agglutinati, aut integrum crystallum tingendo, vel crystallum fingendo ex rebus pluribus, vel veras gemmas à colore proprio desciscere tentabimus, omnes adeo decenti colorum prerogativa, ut naturales gemmae vi deantur. Postremo quos smaltos vocant effingere docebimus.

CAPUT I.

De quibusdam salibus gemmarum compositiones subingredientibus.

NUNC aliquas operationes præmittamus, quæ gemmis consiciendis valde sunt necessariae, ne easdem sæpius repetere cogamur, & primo

Sal sodæ dictæ quomodo fiat.

Kali herbam in cinerem versam, sodam appellat vulgus. Sodam hanc molis terito, & subterito, & incerniculo in tenuem pulverem subcernito, æneis cortinis imponito, ut aqua diluta coquatur, & mensura erit, pro singulis sodæ libris, singulæ aquæ amphoræ infundantur. Ferveat ad horas quatuor, ut aqua ad tertias redacta sit; mox ex igne deponito, & duodecim horarum spatio interjecta resideat, sæces subsident, omnique exempto sedimine, aqua

M

fiet

fiet nitidissima: inde laneis liciniis stillatim in subjectum vas amplum secernatur, in cortinas novam aquam infundunt, denuo coquitur, ac frigefactam, ut diximus, & omni absterfo inquinamento, lymphidam redditam iterum extillamus, tantundem & tertia vice faciunt, eam curam subinde habendo, ut lingua experimentum assument, si sal non sapit amplius. Tandem excolata aqua sigularem ollam plenam igni apponunt, congerendo prunas, atque subministrando, usque donec jam fere absumpto humore, aqua corpulentior crassescit, & in salem densatur, qui mox ferreo cochleari eximitur, & ex quinque sode libris una salis exprimitur. Eodem fere modo cognoscitur

Sal tartari quomodo fiat.

Eligenda est saxe à vino vetere, & diligenter siccanda, *tartarum* vocatur vulgo, eam in clibanum imposito, eo artificio fabricatum, ut in superioribus cameris flammæ eluctentur, & retrogradiendo maximum æstum efficiant, illuc comburi patiaris, inalbescere videbis, ferreis forficibus revolvendo, ut suprema pars, quæ jam excanduerit, revoluta, dorsum igni exponat, ubi cessarit fumus, exemptam forficibus partem confringito, ecquid niveum colorem omni ex parte conceperit, id enim argumentum est legitimæ ustionis. sit enim sæpenumero, ut summa tantum toga combusta sit, reliqua parte cruda. Ergo proptinus quam calcis colorem contraxerit, eximendum, & ubi refrixerit, terito, & in vas patuli oris madescat per diei quadrantem, ubi exclaruit aqua, penicillo lineo defæcatam in aliud vas decolare opus est, & denuo aquam super sæces infundere, cætera eandem servans, quæ diximus, usque donec salem omnem ademerit aqua, quod tertio, aut quarto eveniet. Aquas jam servatas vitreo vase transfundas: & omnibus paratis, carbones subicias accensos, operi assistendo, quousque, aqua in auras abitura, vi ignis absumatur; absumpta fere aqua, sal in fundo hærebit: ita factum sicco loco seponito, ne in oleum abeat.

CAPUT II.

Quomodo silex, vel crystallus præparentur, & pastilli coquantur.

MATERIA, ex qua gemmæ consciuntur, est vel crystallus, vel silex, ex quo ignis excutitur, & rotundi fluminum calculi, principem enim locum tenent, qui ad Tamesim amnem albi, perspicui, ovi magnitudine, ex his enim concinnantur gemmæ, & omnes idem obeunt munus, non desunt, qui crystallum sibi primas vendicari putent, falsi quod nitida perspicuitate relucent. Cujus faciundæ ratio hæc est. Fluminei calculi fornacibus induntur, loco ubi superioris cameræ curvaturæ æstuant flammæ, ubi exandescences videris, extrahito, & in aquam projicito, collectos resiccato, & mortariis, vel trusatili mola conterito, usque donec in tenuissimum pulvisculum volent, hunc in patentioris oris labellum immitto, quod imbrem contineat, & huc atque illuc manibus agitato, ita enim tenuissima pars summa petet, & terrosa subsidebit, quod supernatet vasi novam mox infundes aquam, denuo pulverem conturbato, ex hoc identidem facito, donec grossus pulvis pondusculo degravatus pefsum non ibit amplius. Aquas jam exemptas residere sinito, & in fundo limosa quædam pars jacebit, pulveres, qui tactum effugiunt, colligito, & recondito. Sed dum conteritur lapis, & pilæ, & molæ conteruntur, & contritus molarum pulvis gemmas descendabit, operæpretium erit eluere. In labellum igitur projicitur, effusa subinde aqua, & agitata, pilæ pulvis sua levitate in sublime attollitur, lapillorum pondere suo in imas partes se recipiet, concha decapuletur, & separetur. Id negotium tantisper secretor obibit, donec arenosus pulvis ille, nigerque in sublime apparuerit, demum aquam exprimito, & resiccatum pulverem reponito. His peractis docere decet

quomodo pastilli coquantur.

nam offas, quæ ex salibus, & pulvere memorato, & aqua fiunt, artifices pastillos vocant. Sumito salis tartari partes quinas, totidem salis soda, horum duplam pulveris

lapidum jam dicti, & in fidelia optime permisceantur, aquæ imbre aspergantur, & humescant, ut manibus compressa, veluti pasta solidetur, & offas efformabis pugni magnitudine, Soli expones, ut quam optime resiccentur: mox in reverberationis fornacem indantur sex horarum spatio, sensim ignem augendo, ut postremo rubescant offæ, sed non liquecant, ob id absit follium flatus. Jam excoctæ refrigerant, & ita duræ efficiuntur, ut fere mallei ictus ferrei effugiant.

CAPUT III.

De fornace, & vasis ad opus necessariis.

NUNC extruenda est fornax, quæ vitrariorum fornaci persimilis erit, sed minor pro faciundæ operæ ratione. Sit igitur fornax alta pedes octo, constet duabus cameris, quarum inferioris testudo sit sesquipalmm crassa. Ipsa camera infra terram habeat ostiolum angustum, ut ligna in ignem, qui in ejus solo est, imponi possint: in summa vero & media ejusdem testudine pedale habeat foramen, ex quo flammæ in secundam cameram penetrare possint, atque supremam testudinem attingant, unde remeantes flammæ magnum excitent æstum. In hac superiore camera paries ipse confoditur ad ipsum usque & sint foramina palmaris latitudinis excisa, ut per eas aperturas ingressuræ, & egressuræ ollulæ, vel catini in solo cameræ collocari possint. Has ollulas, vel catinos opifices *padellas* vocant, fiuntque ex argilla, quæ Valentiis effertur, quæ maxime igni contumax est, quarum crassitudo digitalis, altitudo semipedalis, fundi crassitudo major, ne vi ignis rumpantur. Omnibus jam paratis, ligna conjecta accendantur, & incalescat paulatim fornax, ut ad dici quadrantem ignescat tota, assiduus artifex esse debet, ut suo fungi munere possit: tunc pastilli particulariter infracti ad nucis juglandis magnitudinem è foraminibus ollularum ad id opus extructis in ollulis imponantur ferreis forficibus singulæ singulis, quæ liquecentes in bullas tument, majusque incrementum capefcentes, acutis veruculis interpungi debent, ut evolante incluso spiritu bullæ subsideant, nec extra ollarum labra diffun-

diffundantur, tunc aliæ partes indantur, idemque negotium suscipiendo, dum ollulæ ad summum labrum expleantur, & continuato igne per diem, præcoquatur materies: mox unco ferro in catinos injecto experimentum capiatur, num perfectam pelluciditatem materies contraxerit: qua contracta è vasis eximitur, ferramenti ad id opus aptis, & universa exempta, in clarissimam aquam mergunt, sordes & inquinamenta proposito expurgandi salem; nam quum gemmæ consistæ sunt, repentino occurso, velut expuitur, & erumpit sal, & ut nubecula ofunditur. Summa tamen diligentia opus exequendum, ne dum extrahitur vitrum, fornacis parietes tangat: adhærescit enim, ut viscum, ut difficile sit sine parietum parte divelli, vel ne in catinis cadat: nam difficile separatur & vitri pelluciditas dehonestatur: frigefactum vitrum denuo in ollas reponunt, ut per duos dies incandescent, donec in perfectum vitrum percoquatur. Ubi vitrea mixtura per duos dies incaluit, quidam ut purgatius, & pellucidius vitrum reddant, ne quibusdam veluti vesiculis tumeat (nam vitrum ejusmodi vitio obnoxium est) in catinos tantundem cerussæ addunt, nam rubescit illico mox liquefit cum vitro, & perspicuum redditur. Tunc unco ferro experimentum capiendum erit, nam si vesiculis illis carebit, perfectum erit, & sic perfecta erit gemmarum massa. Nunc colores docebimus, quibus gemmas inficiemus, croceas, virides, vel cœruleas.

CAPUT IV.

Quomodo colores effingantur.

DUM in fornace crystallum incoquitur, eodem igne parantur colores, & primo

crocum ferri conficere

Præcipientur. Delimitæ ferri scobis tres vel quatuor libras sumunt, quas optime lavant, eas in latum vas aquis mergendo, rati. ferrum sui ponderis nucu ad ima descensurum, ligna floccos. & id genus sordium in sublime abiturum, ita sinceram scobem exemptam, & aquis elotam habent. Tunc optime resiccatam in sictile vas vitreatum, &

patientioris oris inditur , cui optimi aceti acerrimi tres , vel quatuor amphoræ affundantur , finito per tres , vel quatuor hebdomadas macerari , quotidie septies , vel pluries ferrea rude periniscendo , agitandoque , sic dato tempore , ut sidat , aceturum in aliud vas decolare opus est : deinde in ferream scobem novum immittant tandiu , usque dum acetum omne ferrum absumpserit . Exceptum acetum in fictilem ollam infunditur , admoveatur igni , & ferveſcat , donec acetum in halitum expiret , & limosa , cœnulentaque pars in fundo remanebit , ignem perseverando , flamma intus ferri pinguedinem quandam corripit , finito comburere , & subsidens reliquus pulvis crocum erit . Alii ferreos clavos rubiginosos abradunt , eos igne candentes aceto quam valido extinguunt , aceto colo incernunt , & resiccata rubiginem denuo igni exponunt , ut ignescat , & denuo aceto respergunt ; idem negotium ter , quater repetunt , acetum demum olla expirant faciunt , & reses crocum è fundo colligitur . Nunc remanet docere

Zaphara vocata quomodo in calcem redigitur.

E fornacis latere fenestella modice exciditur , juxta quam cellula extruitur , committiturque , vel clibanus , præfurnum videlicet , ut pervio foramine introducatur flamma : domuncula foris ostiolum habeat pro ingressura , & egressura artificis manu , dum aliqua huic operi necessaria parabit : Sed cellula sit pedalis longitudinis , & latitudinis . Exponatur *Zaphara* figlinorum supra laterem , & in domicilium introducatur , mox claudatur ostiolum , ut igne rubescat tota , & post sex horas eximitur , effunditurque in aquam & sic in particulas fatiscit , desiccatur , teritur , & incerniculo succreta , ut fere tactum effugiat , servatur . Quod si id pistillo , & mortario non assequeris . affusa in pulverem aqua , manibus conturba , finito paulisper quiescat , decola in vas aliud aquam , novamque in pulverem affunde , id tantisper , donec quod resedit , grossius contritum , sensim contritum , & cribratum per aquam transeat ; resiccatus demum pulvis tenuissimus erit . Habebis & hoc modo

Æs quomodo comburatur.

Quæsitum lima æs cum tantundem salis exponatur in fictilem fideliam igni, scilicet intra clibanum paratum, ac binis, vel ternis horis unco ferreo revolves, ut undique comburatur igni: Sinito ibi excandeat per diem naturalem, demum extrahe, & in duas partes divide, unam reponito, alteram cum sale denuo igni apponito per diem artificialem, idem opus tertio, aut quarto obeas, ut perfectius in calcem vertatur, animadversione adhibita, ut igni excandeat, non liquetur, exusta nigra fiat.

CAPUT V.

Quomodo gemma colorentur.

OMNIBUS jam paratis, nil reliquum facturum arbitror, ut extremam manum gemmis imponamus, nisi cujusque gemmæ colorationem aggredi. Et incipimus,

Sapphirus quomodo tingatur.

Ab eo enim artifices incipiunt: nam ubi tinctus fuerit, nisi citius ab igne sublatus fuerit, diluitur color, & quanto diutius in igne morabitur, nitidiore suffunditur colore. In catinum vitro plenum, momentum *Zaphara* vocata inditur, scilicet ad vitri libram sufficiunt dragmæ binæ, inde unco ferreo irrequiere remiscendum est à summo ad imum. ubi optime remistum videbitur, experimentum capiendum est, tantillum ex ollulis excipiendo, si tinctura voto respondeat; si dilutior, adde *Zapharam*; si meracior, adde vitrum ex alia ollula, ac per sex horas effervesce patiaris. Sic poteris

Cyaneam gemmam colorare,

Quam vulgus *aquam marinam* vocat. speciem sapphiri. Æs combustum in tenuissimum pulvisculum teritur, ut omnem tactum effugiat, sin aliter, rudior gemma proveniet, ac vitro immisceatur. Quantitas determinari nequit: nam & meraciores, & dilutiores fiunt, scilicet pro singulis libris, singulæ drachmæ satis sunt. Sequitur docere

Amethystinus color quomodo fingatur.

Vitri singulis libris singulæ induntur drachmæ *manganesi* vocati, & sic amethystinus color effingitur. Gemma magna futura dilutior fiat, parva meracior, nam ea & pro gemmis anulorum, & pro aliis usibus utuntur. Sic quoque nitemur

Topazii colorem simulare.

Ad singulas vitri libras quarta uncix pars ferrei croci remiscetur, atque additur tantillum minii, ut nitidius rutillet, & ad singulas libras tres minii uncias addemus, sed primo inditur minium post crocum. At si libebit

Chrysolithi colorem ementiri.

Ubi Topazion effeceris, ac chrysolithum quæris; addito plusculum æris, & hoc, ut aliquantisper vireat: nam chrysolithus à topazio non, nisi quod nitidius niteat, differt. Ita solemus

Smaragdum simulare,

Postremus hic erit: nam oportet paululum igne commorari. quum enim æs grave sit, ubi vitro admiscetur, omni parva morula intermixta ima petet ollæ, & gemma semper dilutius renitebit. Ita igitur facies. Quum aquam marinam tinxeris, facile in smaragdum vertes, addendo crocum ferri. sed crocum medietas æris sit, videlicet, si primo quartam æris partem addebamus, nunc octavam croci addemus, & tantundem æris. Notabis post colorem injectum per sex horas simul coquantur, ut materies gemmarum exclareseat, quod colorum injectu nubila contraxerat. Ignis post paululum decreseat, donec fornax refrigeretur, tunc ollulæ detrahantur è fornace, confractæque ementitos pretiosos lapides largientur.

CAPUT VI.

Gemmæ aliter quomodo effingi possint.

MODUS, quem scripsimus, apud nostros peculiaris, & usitatus, sed ab eis etiam occultus habetur. sed alium subdimus, quem apud me semper secretum futurum constitueram, tam tenuibus impensis, brevi tempore, leviori labore multo nitidiores, coloratiore, hilariores

riores parantur, & tandem quod diuturniori temporis tractu sal superficiem, & fulgorem non dehonestabit. Et si quæ Puteolis in dirutis ædificiorum cæmentis, & littoribus antiquitus factitatae reperiuntur, adhuc inter nitentes, & inoffensæ perspicuitatis, ut similes videantur à nostris perfici non posse, nitentur tamen hoc modo non solum similes, sed longe meliores effingere. Arrige igitur aures, ac fido habe pectore. Moles sic effingitur. Crista galli capiat, & intercisa galea, caput, & collum servato, confectam, sicut indicavimus, vas igni duro condito, indito operculo, ne carbones, vel surrigens cum fumo cinis, vel fuligo intra vas prolabatur, & candorem contaminent, ignem succendito, & stridentem audies: carbone conditum, & ignitum forfice comprehendes, & in limpida aquam extingues, siccato, & opus ter iterato, mutans aquam, ne aliquæ sordes compareant, porphyretico marmore teratur tam tenuissime, ut possit efflari, & condito. Philosophorum lapidem inde habeas, igne flagrantissimum, & triplicitate superantem. Qui lapidem ignorat, ex versibus, quos in antiquissimo manuscripto codice reperimus, addisces,

Arctus est hominis, qui constat sex elementis,

Cui. p. si addideris, s. in. m. mutare si bene scis,

Hoc erit as nostrum constans lapis Philosophorum.

Jam materiei consulimus, nunc colori consulendum: docebimusque primo

Topatium fingere.

Indatur moles vasi, & claudatur pertuso operculo, supra quod aliud apratur, & ut exhalare possit, & fuligo eam non turbet, suæ fornaci imponatur ad medias, finito per diem, & sola topatium reddet. Possumus ex hoc

Chrysolithum simulare.

Cibetur gallus, & pro singulis unciis, esui duo grana porrigantur, & dilecti Veneri floris pertractetur, post statum tempus habebis. Si vis

Smaragdum habere.

Iterum gallum cibabis, & pro singulis unciis quatuor fru-

menti grana exhibebis, & nitidissimo colore renidebit. Sed si potius placuerit

Hyacinthum simulare,

Gallo non frumenti, sed sanguinei lapidis grana porriges, nam facile ea arripiet.

CAPUT VII.

De variis crystalli tincturis.

DIXIMUS vitri tincturas non erraticas, & communes, sed paucis cognitās, & laborum impendio conquisitas, expertasque: nunc commemorabimus aliquas crystallum tingendi vias, & præcipue nobiles, & adhuc paucis, ne dicam soli, cognitās, scilicet

Crystallum hyacinthi, vel rubini colore tingere,

Sine illius confractiōe, vel trituratione. Sumito stibii partes senas, auripigmenti quaternas, arsenici crystallini ternas, sulphuris parēs, tutiæ binas, omnia seorsim terimus, & tenui cribello cernimus, ollæ indimus, crystalli frustula vel æneis filis suspensa, vel pulveribus demersa, igni apponimus, ut quaternis, vel quinis horis excandescent, sed sine follium flatu, ne in partes dissiliant, vel liquefiant. Argumentum legitimæ colorationis erit, si exemptum frustum flagrantissimi & fulgentissimi coloris erit: sin minus igni denuo tradatur, & post aliquam moram, eodem more tollatur, diligens autem cura habenda, ne dum ex igne tolluntur, refrigerentur extemplo, nam friantur, & in plures partes dissiliunt. Si hyacinthino colore placebit, cito ab igne tolle. Si saturata reluceat purpura placeat, diutius in igne commorari sustineto, hyacinthum solo auripigmento conficiemus. Possumus igne

Vt cæruleus sapphirus abeat in adamantem.

Hæc gemma, & omnes igni expositæ suum colorem amittunt: nam ignis vis colorem evanescere facit. Multi multis modis id faciunt. Nam alii aurum igni eliquant, in medio sapphirum locant, alii supra ferri laminam ponunt, ac medio furni reverberationis flammæ locant, alii obrutum ferri scobe igniunt. Nos ita tutius facere consuevimus. Testaceum vas viva calce replemus, in cujus medio sapphirum

phirum locamus, ac carbonibus contumulamur, quibus succensis flator, & folles à suo munere desistant, nam si flatu vexas, in plures partes diffiliet. Ubi mutatum putamus, diligenter animadvertendum, ut ignis ex se extinguatur, & igne exemptum considerant, ecquid colorem candidum contraxerit, quod si contingerit, reponunt adulterium, ut cum igne refrigerat, si nondum procedit, iterum obruunt, sæpius revisendo, dum color omnis vi ignis absumatur, & evanescat, quod quinis, senisve horis evenit; si colorem non deperisse cernes, denuo opus aggredere, usque donec inalbescat penitus. Summa diligentia attendendum est, ut sensim incalescat ignis, & sensim refrigerat: nam repentino frigoris occursum, sæpissime accidit, ut congelascit, aut in partes diffiliat. Omnes aliæ gemmæ, ut sapphirus, colorem deperdunt, aliæ citius, aliæ tardius, secundum earum duritiem, amethystus facile levique in eo igne utendum, vehementiori gelasceat, & in calcem vertitur. Hoc artificio utimur dum pretiosos lapides in adamantes vertimus, quibus per medium disseccatis, ac medio coloratis, altera species adulterandarum gemmarum exurgit. Experimento hoc cogito, sic

Vt gemma una ex altera parte candicet, ex altera rubescat, vel cærulea sit.

Vidimus & pretiosas gemmas hoc modo confectas, & in maxima autoritate apud magnates habitas, scilicet, duorum colorum, nam ex altera parte sapphirus, ex altera adamantas, & sic variorum colorum. Quod hoc modo eveniet. Si, exempli gratia, sapphirum volumus ex altera parte candicet, ex altera cæruleo niteat; vel altera parte candicet, ex altera rufescat rubinus, ita efficies. Partem, quam rubeam, vel cæruleam volumus, creta circumlinimus optime, & resiccare curamus: quæ igni exposita, variis modis, ut diximus, colorem amittit, & candescit, ut ignaris rei miraculum Naturæ videatur, quod tam levi artificio confici poterit. Possumus &

Vitrum variis coloribus tingere.

Non omittam rem animadversione dignam narrare, quæ casu,

casu, dum hæc experiremur, acciderat. Calx stanni, colorem perspicuum vitri crySTALLINI tollit, & varie colorat, nam dum vicissim. inspargitur virris crySTALLINIS rota perpolitus, & succenso igni expositus, varie colorat, & tenebricosos reddit, nam pars una lapidescit, altera coloratur varie, ut opalus videatur. Sed oportet sæpius ex igne eximere, & accommodare, usque dum voti compos fias. Stanni calcem ad id opus, ut fieri deceat, jam supra memoravimus. Addemus aliqua, non quidem occulta, aut magnopere necessaria, sed nequid prætermissum à nobis in hoc opere videri possit. Videlicet

Hyacinthum effingere

Satis pulchrum, nec à vero admodum dissimilem. Fictili olla, & dura plumbum immittatur, ac vitrariorum fornaci igni accommodetur, immoreturque per aliquos dies, sic plumbum in vitrum vertitur, & hyacinthinum colorem imitabitur. Eodem fere modo

Smaragdum simulare

Poteris coloremque refert læte virentis segetis. Argentum valida dissolves aqua, projectis, ut diximus, in aquis æris lamellis, hærebit illis. Collectum, & exiccatum, vase fictili vitrariorum fornaci accommodabis, non enim multo dierum interjecto spatio in smaragdum convertitur. Sic de aliis metallis periculum aliis relego, sat erit nobis viam aperuisse, & investigasse, Possumus &

Carbunculos mentiri

Ex auripigmento, & in quibusdam ornamentis uti: friabiles enim sunt, & colore flagrantissimi, multumque suffunduntur cocci rubore, & rutilos ex se radios emittunt. Sumito quatuor auripigmenti uncias, teritò, & in phialam vitream indito, cujus fundum contra vim ignis paleato luto munias, & os lente obturabis: succensis carbonibus fumus in sublime volat, ac levissima, & tenuissima materiæ pars in superiorem locum se confert: & eam circa phialæ parietes, & colli cameram hæreere videbis, corpulentior fit paulatim, ex partium accessione crassior coalescit, ac bullantium aquarum modo, am-

ampullis congeritur, & processu copia crescente, inferius delabitur: quædam collo hærent, color omnibus flagrantissimi rubini, sed fragiles & parvi sunt. Frangendum vas, & acuta cultri acie concretas illas rubentes bullas vitro inhærescentes vellito, & utitor. Si magnam ex pusillis gemmam exoptas: ex compluribus parvulis super vitri frustum liquefactis in unam coalescere sinas, quo nil oculis jucundius spectabitur.

CAPUT VIII.

Vocati smalti quomodo conficiuntur.

POST gemmarum confectioes, *smaltos* quos vocant aggrediemur. Cognatum opus, ex eadem mistura, & coloribus tinguntur, differentia hæc sola intercedit, quod in illis pellucet vitrum, in his sorder, vel solidescit. Antiquitus ex his tessellatum opus fiebat, vel quod *mosaicum* vocant, utunturque eis aurifabri in colorando, exornandoque auro. His corpus, & soliditas stanno inducitur. Sed quid operandum ut

Smaltum lacteum reddere

Possimus? Plumbi cineris uncia binæ, stanni quatuor, cum duplo vitri in corpus crassescat, in pilulas conglobato, & per noctem lento impones igni, præcavendo ne vasis lateribus inhærescat, spatha ferrea permiscendo, & colliquoato auge ignem, & fiet. Si contra vis

Nigrum smaltum tingere.

Ad crystalli libram *manganesi* vocati drachmam unam adjicies, sic enim leonini coloris erit, mox *saphære* alteram addes, & nigra evadet mistura, cape sæpius experimentum, si purpurei obscuri, aut violacei coloris erit, nam corpus addendo, scilicet stanni calcem, nigrior fiet compositio. At

Smaltum croceum meracius colorare

Poteris, singulis crystalli libris, addendo aliquantulum croci ferrei, insuper uncias tres *giallolini* vulgo dicti, quo plastici utuntur, postremo plumbum & stannum. Si autem

Smaltum

Smaltum croceum dilutius habere

Exoptas, loco *giallolini* dicti, addes *gialetto* vocatum, & voti fies compos. Poteris

Smaltum viride simulare

Hoc modo, æs combustum addendo, quod vulgus *raminellam* vocat, scilicet per medium, & sic meracioris coloris erit: si dilutioris, adde ramenta æris, quæ è fabrorum malleis excutuntur, dum æs igne flagrans malleatur. Si

Smaltum rubrum mentiri

Vis, ferri rubiginem addito, sed tenuissime contusam. At exoptans

Smaltum, quod altera tenebricosa, & altera pel-lucida parte niteat.

Ex terra, & vitri duplo pastillos efficies, & per noctem reciprocationis igni apto vase liquetur, ferrea rude permittendo, sic translucas partes, & heberiores parvo ejus orbiculo deprehendes. Erit quoque

Smaltum amethystini coloris.

Quod ex solo *manganese* vocato fit, & si meracioris coloris eveniet, adde plus corporis, id est stannæ calcis, plum-bique. Sic

Ceruleum tingere smaltum

Vales, ex vocata *Zapbara*, plusculum corporis addendo, Ex his

Smaltum veluti pediculosum effingere

Poterimus; nam ex variis punctulis intermixtum enitet, ut videatur ex plurimis pediculis compositum, sed ita jucundum visu. Jam confecto opaco smalto, super marmor sparge, & illico supra crocum, vel pallidum colorem guttatim inspargito, & habebis. Si vis

Duorum colorum smaltum habere

Commistum, primum *smaltum* coloratum supra marmor projicias, ut supra diximus, mox aliud aliter coloratum super imponas, & ferrea rudicula comprimendo unias. At si quæris

Nobi-

Nobilius smaltum conficere,

Quo aurifabri uti solent, singulis catinis duas ossas salis sodæ addes, & harenæ, ex qua vitrum conficitur, & perfectius erit.

CAPUT IX.

De smalto rosei clari coloris conficiendo.

SED peritiores recentiores vitrarii in colorando *smalto* rosei clari coloris vulgus *rosachiero* vocat non parum insudant, videntes majores nostros, quod illud satis artificiose, & pulcherrime confinxerint. Nos & quæ ipsi fecimus, & ab amicis habuimus, recensetimus, quod potuimus, præstitimus, aliis ansam præbendo meliora conficiendi. Hic erit

Modus rosaclerum conficiendi.

Denas crytalli libras in ollam injicito, ubi optime liquefactum noveris, immergito libram minii optimi, dimidiatis vicibus, ferreo veru quam citissime remiscendo, nam sui ponderositate facile in fundum confidet, ubi remistum noveris, ex ollula instrumentis ferreis, ad id aptis, evellito, & in aquam mergito, idque tertio repetere ne pigeat: mox supra æris. in calcem redacti, uncias quinque admisceto, coloris flagrantissimi cinnabarim, & maxime exagitatam tribus horis conquiescere finito. Ubi id feceris, stanni vitri superaddito ternas uncias, sine intermissione remiscendo, & floridissimum rosæ colorem in vitro perspicias, quo exornando auro uti poteris. Hoc tamen modo poteris

Vitrum stanni conficere.

Testaceo vase igni durabili conjicito stanni libram, finito calefiat, & lique scat, & vitrariorum fornaci in æstu flammatum accommodetur ferreis forficibus, triduo, vel quatrinduo, post amoto, & frigefacto vase frangatur, & in superficie vitrum invenies crocei coloris, turbidi, & si diutius in igne steterit, evadet perfectius, nec melius in hoc genere contigisse cognovimus, ex multis, quæ experti sumus. Sed in pulverem rite redactum injici oportet, quod non solum pila, & molis, sed porphy-

phyretico lapide, uti opus erit. Si flagrantius evenerit, vitrum addendo diluemus. Est & alius

Conficiendi modus

Amicis reservatus. Sint novem partes stanni combusti, septem plumbi, binæ cinnabaris, *ferretti* vocati hispanici, & tartari pars & dimidia, lapidis sanguinei simplex, rubri pictorum quarta. Age, ut scis.

C A P U T X.

De foliolis, quæ sub gemmis ponuntur.

SUB gemmis foliola accommodantur metallica: nam quum perspicua sint, faciunt ut meracius & dilutius interniteant, ut cordierit: nam si dilutius splendeant velint, folia subjiciunt nitoris clarioris, sic si meracius, obscurioris. Præterea interminata perspicuitate internitent gemmæ, fundumque anuli referunt: unde suæ bonitatis pretium minuunt. Hoc recentiorum adinventum est, ut folia quædam coloratissimi, splendidissimi, jucundissimi que coloris fiant, ut perspicuitatem earum terminent, & colorem accommodent, refarciant, vel emendent. Nos quum his conficiendis admodum delectati fuerimus, particulatim trademus. Foliola conficiuntur vel ex solo ære, vel ære, auro. & argento mistis; dicemus ea, quæ ex simplici ære concinnantur. Ex ærariis officinis bracteolas mercantur, solidioris papyri soliditate, ut earum attenuatio facilior sit, quas in partes trium digitorum secabimus, & duorum latitudine, ita ut lamellarum binæ libræ in centum triginta partes dividantur, has bifariam dividemus, ut facilius earum malleatio sit, quadraginta ergo illarum accipiemus, ac malleo percutiemus, ut solent artifices, qui aurum in tenuissimas lamellas extenuant. Sit incus plana, expolitaque & malleus, ne validis ictibus res signetur, frangaturque, vicissim opus intermittendo, ut dum igni excoquantur, & calidæ sunt, percutiantur, frigefactæ indantur igni, sin aliter effeceris, dissilient in partes, quas illico e reliquarum consortio amovebis, nam effractæ

fractæ effrangunt alias. Sed ut facilius excoquantur, quum jam extenuari cœperint, hoc utemur adinvento. Duæ parentur lamellæ ferreæ, palmaris longitudinis, latitudinisve, soliditatis papyri, prima replicetur, ut intra suas plicaturas alteram recipiat, ut æreas lamellas in ventre habeant, & omnibus partibus claudant, ut non solum eas relabi sinant, sed obstant, ne cinis, aut sordes aliquæ illis inhæreant. Quum æreas lamellas ita clauseris, igni expones, & succensis carbonibus, ignitas reddes, mox ignem remove, & forficibus ferreis accipias, & undique cinerem excuties, frigesiant finito, ac easdem malleo repetas, ut attenuentur, & in subtiles lamellas reddantur. Sed dum hoc opus peragis, aliæ ferro clausæ ignescant, idem octies repetendo, dum in tenuissimas bractæas extenuaveris, & operi idoneas reddideris, operæpretium erit laminas sæpius revisere, ne ictibus aliquæ rumpantur: nam consociatas frangunt. Sed quia dum malleo extenduntur, nigrescere solent, & deturpari, ut sæpius revisorem fallant. Ob id ollulam paratam habeas oportet, aqua plenam, tartaro addito cum sale pari, & igni infervescat; foliola impone, & continuo versabis, dum bulliendò albescant. Mox igne eximantur, ac in fidelia claræ aquæ plena laventur, donec optime elota sint, post albo linteo tergantur, ac de novo sub malleo contundantur, & ignescant, ut prius, donec in tenuissimas bractæolas extenuatæ sint, ut aurum. Incus & malleus, dum id opus perages, oportet plani, tersi, & ut speculum interniteant: talique artificio parantur. Primo rotæ exponantur, qua cultri expoliuntur, dum exæquentur, explanenturque: mox subtili arena, & pumice expoliantur, dum rotæ politura poliantur, inde plumbea bractæa, & siniri pulvere confricentur; si alio, quam hoc uteris artificio, tempus & operam teres. Binis igitur diebus opus perfectum erit, scilicet octies, vel decies bractæolas igni exponendo, excoquendo, & quater saltem dealbando. Postremo singulæ perquirantur, si integræ fuerint, & ad perfectam tenuitatem redactæ, unde si aliquæ adhuc solidiusculæ fuerint, possunt iterum malleo cædi, & extenuari. Hoc tamen diligenter admonendum, quod quum tenues fuerint, minus igni immoren-

tur;

tur; nam illico liquefcunt, & minus etiam in ollula, quia falibus abroduntur. Demum forficibus refecentur, & in quadratam formam redigantur, ut fint operi accommodatiores.

CAPUT XI.

Quomodo braſteolæ expoliantur.

IAM perfectas, & extenuatas tabellas expollemus: fed instrumenta prius paremus oportet, quibus aptius expoliantur. Sumito Cyprii æris lamellam pedalis longitudinis, latitudinis palmaris, quæ exquisitiffime expoliatur, ut vere speculi lævorem imitetur, hæc manibus aut malleo in curvetur paulatim; ad femichylindri formam redigatur. Inde lignum ad ejus formam torno conformabimus, ut ipfi ex æquo quadret, & conveniat, ut omni ex parte in suum convexum illam recipiat, & quatuor-clavicularis suis angulis affixis, immobilis ligno inhæreat. Lignum hoc super scabellum firmetur, duobus columnis in capitibus affixis pedalibus Nunc ad expoliendum braſteolas accedamus. Lamellas jam prius attenuatas ita expollemus: Cretam paratam habeas tenuiffimam, hoc modo; contritam argillam mundo linteo, & modice raro in label- lum dimittito, quod aquam contineat, ligatam, huc atque illuc aquam agitando, immergito, ut tenuiffima ejus pars effluat, & omne ſedimentum in linteo remaneat: inde novam cretam reponito in linteo agitato, & effundito ut tota per linteum tranſeat, poſtea reſidere ſines aquam, colis incernito, tantisper mutata aqua, & colata, dum groſſiufculi nil ſidat: demum linteo faucibus excepturi vaſis obtento, laxius illigato, colamus, quo certiores ſimul nil niſi tenuius tranſmiſſum poſtea aquam exprimimus, & recondimus. Argillam igitur hoc modo paratam ſuper æs imponimus, atque populneo ligno confricabimus, ut inſtar auri niteat, mox aqua lavamus, infra patuli oris vas jaceat ut injectam aquam recipiat. Hæmatitem lapidem poſtea paratum habeas, quem optime expolies ſuper plumbeam lamellam, impoſito ſmiri pulvere, exquisitiffime lævorem recipiet, æreas igitur lamellas ſuper æs imponimus, ac ſiniſtræ manus pollice diſtendimus, & argillam inducimus inde

inde affusa aqua lavamus, eamque extergimus, ut sola aqua super æs sparsa glutinet eam. Tunc lapidem ligno firmatum manibus apprehendes, eaque expolies, animadvertendo tamen, ne bracteola in rugas replicetur: nam eo modo de ea actum esset, sed quum immobilis non persistit, aquam projiciendo, residet, tantisper aquam projiciendo, expoliendoque, dum omni ex parte exæquatam, splendidamque reddideris, uti speculum. Signum optimæ expolituræ erit, si vestigia transitus lapidis in ea non apparebunt. Ex ligno exemptam in fideliâ aquâ plenâ injicias, dum æque omnes fuerint expolitæ: mox in lintheum mundum explicantur, exiccanturque, & in arculis reponuntur, ut omni ex parte pulvis, vel sordes excludantur, sed curventur filo religatæ in modum semicolumnæ, recipientes in concava sui parte polituram.

CAPUT XII.

De constructione clibani pro gemmis colorandis.

Nunc docebimus quomodo colorentur, sed prius clibanum describamus, quo id opus exequi possit. Construatur igitur furnulus è ferreis lamellis, decentis spissitudinis, cujus altitudo pedalis. & diameter ejusdem longitudinis, à superioribus partibus circulari lamella operiatur: in culminis centro excidatur circulus palmaris, constituaturque alter furnulus ejusdem latitudinis, longitudinisque, & foramen confodiatur ad ipsum usque & commissuræ solidentur. Inferior furnus juxta terram tenui ostiolo perforetur, scilicet palmari, fornice exterius ducta semipedali, veluti præfurnium, eodemque modo cum magno furno connectetur, consolideturque. Tunc altero vase carbones accendantur, dum omnem fumum exhalent, & ferreis forficibus in paratum clibanum injiciantur, ut optime incaleseat, & exterior fornix, sive præfurnium ad medium usque accensis carbonibus repleatur. His optime paratis, tunc colorentur lamellæ: & primo ex

Ianthino colore lamellas colorare

Docebimus. Sumantur lamellæ filo religatæ, ut diximus, accom-

accommodenturque supra forfices ferreas, atque ferreo annulo antèrius inducto, arctantur forfices, ne divelli possint, atque supra foramen superioris furnuli accommodentur, ut optime fumum excipiant, è furno emanantem, eam circumcirca revolvendo, usque donec paulatim janthinum colorem concepisse comperies, sine alio fumo, quam qui ex carbonum calore proficiscitur, quem ubi exacte concepisse cognoveris, remove à fumo, & reconde. Non dissimili modo

Sapphirini coloris bracteam æream tingere

Poterimus, nam assumpta bractea ærea ferreis forficibus, & supra os furnuli præparata, injice in prunas ex parte inferiori sub testudinata fornace illa anseris pennas, quæ in pectore resident, & illico supra illas ferream ignitam rudiculam impones; nam fumus è pennis egestus, atque vi ignium sublatus, per furni caminos lamellas percutiet, & eas æreo colore tingeret, ubi rudicula frigescit, alteram accipito, & imposito. Id tamen summa admiratione dignum est, quod colores, quos recipit ærea lamella, subito mutantur; unde quum colorem ex voto assequeris, ex fornace extrahas; nam alium colorem adsciscit. Sed quæ sapphirino colore vis tingantur, oportet

Bracteis argenteum colorem inducere,

Hoc modo. Sumito tantillum argenti, ac valida aqua dissolvatur, post intus fontana aqua injiciatur, & intra lamellæ æræ summergantur. illico turbabitur aqua, & in formam argentei velleris adhærebit æri: projiciatur aqua, & lavetur argentum, & resiccetur in sole, ubi resiccatum est, porphyretico marmori imponatur, ac tartari uncia addita, tantundem salis communis admisceatur, & denuo trituratur, dum optime permixta sint omnia. Pulvere jam parato, ac supra æs inducto, & digitis confricato, argenteo colore nitebit; folia tunc super lignum, & æs cyprium rotundum extendantur, aqua madescant, pulvis supra inducitur, atque pollicibus confricatur, ut argenteo nitore induantur, aqua mergito. & supra dictum æs hæmatite lapide levigantur, inde fumo exponuntur, & cæruleo colore fulgebunt. Si vis

Sma.

Smaragdi colore bracteam tingere,

Et si difficilior tingitur, atque ex multis vix una optima provenit. Primo foliola aërio nitore fulgebunt, ut supra diximus, deinde illa capies, quæ non recte prædictum colorem conceperint, atque binæ supra foramen furni exponantur, & sub fornice ostii supra ferreas laminas ignitas projicito folia buxi, sic crepitantia ut lauri folia, fumum per superius foramen emittunt, qui foliola tingit. Sed priusquam viridi colore tingantur, per multos transeat colores oportet, veluti æreos, rubros, & croceos; sed diutius immorari debent, dum perfectam viriditatem conceperint. Sic possumus

Foliola rubini colore tingere,

Projiciendo purpuræ, sive scarlati vulgo floccos supra prunas, & accommodando lamellas tenues pro foraminibus: nam insurgens ex illis fumus prædicta foliola colorabit. Sic

Amethystini coloris foliola inficere

Nituntur. Quum sapphirum tingimus, priusquam ad sapphirinum colorem pervenias, per amethystinum transibit, tunc tollito è foramine, & voto potieris.

CAPUT XIII.

Quomodo eadem foliola ex ærea mistura fiant,

ALTERUM modum nunc indicabimus, quo ex mistura metallorum foliola tingantur, quæ difficiliora sunt, sed diutius colores retinebunt. Quæ diximus pauculo labore fiunt, sed facilius colorem amittunt, hæc difficilior, sed firmiorem colorem habebunt. Sumito æris se libram, & fusorio in vase liquefeat, intus projiciatur medietas aurei nummi, ubi optime liquidum erit, & remissum intus tartarum affundito, ut dum refrigescat suprema superficies æqualis, & explanata proveniat, ubi ex se refriguit, reponito. Inde sumatur altera æris se libra, eodemque modo liquefeat, cum octava uncie parte argenti remisceatur, & refrigescat: vase eximitur, ac lima teritur, ut su-

ut suprema superficies æqualis sit : nam si rima aliqua, aut foramine fatisceret, opus impediret; nec intus vero nec extra esse rimam hoc argumento cognoscemus. Ponatur supra ferrum in æquilibrio, ac alio ferro pulsetur si æqualiter sonabit, & tinniet, integrum est, si inæqualiter, extra, vel intus fatiscit. Sit virga digitalis, sub incude malleo percutiatur leniter, ne alicubi frangatur, exponatur igni, & decoquatur, & ubi refrixerit, percutiatur malleo, usque donec in tenues lamellas, ut diximus, perducatur. Si vero hincit, lima tollatur rima, & ubi ter, quater igni inferbuit, ollam paratam habeas, ut prius cum sale, tartaro, & aqua, dealba, ut exquisitius fissuras perquiras. Tunc tingamus

Lamellas rubini coloris.

Perfectis lamellis, si eas in rubini colorem vis tingere, eodem quo diximus modo, ex purpuræ tomento tinges, sed lamellæ sint ex æris & auri mistura. Et ne longiores simus, eodem modo

Sapphirini, vel smaragdini coloris lamellas tingere

Poterimus : ex argento, & ære, sed sapphirinum colorem ex pennis anserum, smaragdinum vero ex foliis buxeis, diutius igni morando. Hæc sunt quæ hoc tempore de gemmis experti sumus.

LIBER SEPTIMUS.

Qui condus est, & promus mirabilium magnetis.

PROOEMIUM.



Gemmis ad lapides pervenimus, quorum princeps. & admirabilis magnes est, in eoque maxime Naturæ majestas resulget, multoque libentius ad id opus accingimur, quod perparum, aut nihil de eo ab an-

ab antiquis memoria mandatum viderimus. Paucis diebus, ne dicam horis alia vestigantibus, alia occurrerunt, ut ducenta fere notatu dignissima collegerimus, ita in suis operibus admirabilis est Deus. Sed quid me doctioribus, & perspicacioribus contingere possit, iudicent omnes. Venetiis eidem studio invigilantem cognovimus R. M. Paulum Venetum, ordinis Servorum tunc provincialem, nunc dignissimum procuratorem, à quo aliqua didicisse non solum fateri non erubescimus, sed gloriamur, quum eo doctiorem, subtilioremque, quotquot adhuc videre contigerit neminem cognoverimus. natum ad Encyclopaediam: Non tantum Veneta urbis, aut Italia, sed orbis splendor, & ornamentum. Ex notioribus incipiemus, ad sublimia transcendendo, ut positi studii, & accurata diligentia haudquaquam pœniteat. Ex his mundi longitudo investigari poterit, haud parvi momenti navigantibus, in quo maxima laborarunt ingenia. Et amico longe absenti, etiam carceribus occluso possimus incumbentia nunciare, quod duobus nauticis pyxidibus, alphabeto circumscriptis, fieri posse non vereor. Pendent ex hoc principia perennis motus, & mirabilia, quæ prætermittenda duximus. Si quæ sunt ab antiquis narrata, interponimus; aliorum mendacia notabimus, non ut eorum vigilias & labores detestemur, sed ne aliquos horum principii innixos errare contingat, & errores in infinitum propagentur. Sed à nomine aspiciemur.

CAPUT I.

Quale sit hujus lapidis nomen, genus, & natale solum.



CRIBIT Plato in Ione lapidem hunc ab Empedocle fuisse *μαγνήτην* vocatum. Lucretius vero à Magnesia regione.

Quem Magneta vocant patrio de nomine Graji, Magnetum quoniam patris in finibus ortus.

Idemque Plato à nonnullis heraclion vocari. Theophrastus libro de lapidibus *ἡρακλῆον* vocat, id est, herculeum, quod ejus inventio circa Heracleam urbem fuerit. Suspicantur alii ab Hercule: nam ut ipse feras omnes, & homines vicit & domuit, sic lapis iste ferrum vincit, & domat,

domat, quod omnia vincit, & domat. Nicander, & ab eo Plinius ab inventore Magnete armentario autumat nomen lapidi inditum, invenisse autem fertur clavis crepidarum, & baculis cuspidē harentibus, quum armenta pasceret. Pastor fuit in Ida. Sed ego puto quod magnes dictus, quasi magnus, mutata litera una, vel interlisa. Sideritum alio nomine appellant à ferro, *σίδηρον* apud Græcos vocatum. Dicitur & à Latinis magnes, heraclius, & siderites. Hesychius sideritem lapidem alium facit ab herculeo: nam alteri colorem ferreum, alteri argenteum tradit. Plinius quinque ejus genera ex Sotaco demonstrat. *Æthiopicum*; *Magnesiacum* è *Magnesia* Macedoniae contermina, *Boebeida* lacum petentibus dextra; tertium in *Echio Ecotia*: quartum circa *Alexandriam Troadero*; quintum in *Magnesia Asiae*. Differentia prima, mas sit, an foemina: proxima in colore: nam qui in Macedonia. & *Magnesia* reperiuntur rufi, nigrique sunt. Boëtius vero rufi coloris plus habet, quam nigri. Is, qui in Troade invenitur, niger est, & foeminei sexus, ideoque sine viribus. Deterrimus autem in *Magnesia Asiae*, candidus, neque attrahens ferrum, similisque pumici. Compertum tanto meliores esse, quanto sunt magis caerulei. *Æthiopico* laus summa datur, pondusque argenteo rependitur. Invenitur hic in *Æthiopie Zimiri*, ita vocatur regio arenosa. *Æthiopici* argumentum est, quod magnetem alium ad se trahit. Alius rursus in eadem *Æthiopia* non procul mons gignit lapidem *Theamedem*, qui ferrum omne abigit, respuitque. *Dioscorides* ita depingit. *Magnes* optimus est, qui ferrum facile trahit, colore ad caeruleum vergente, densus, nec admodum gravis. *Pisaurensis* tria genera facit, unum trahens ferrum, alterum carnem, alterum alliciens, & respuens ferrum; satis inerudite. nam carneus ab hoc diversus, & unus, idemque allicit, & abigit à se ferrum. *Marbodeus* apud *Trogloditas*, & *Indos* nasci dixit. *Olaus magnus* sub Septentrione montes esse, ac tantæ vis attrahendi, ut naves ligneis clavis affixas habeant, ne per magnetinos scopulos pertranseuntēs, è ligno ferrei clavi trahantur. Inter *Corficam*, & *Italiam* insula *Ilua* est, vulgo *Elba*, in qua magne

gnes incidatur, sed effoetæ virtutis. Reperitur in Cantabria Hispaniæ, & Boëmia, & aliis quamplurimis locis.

CAPUT II.

Naturalis ratio attractionis magnetis.

QUIA non desunt, qui de ratione attractionis ferri a magnete integros libros descripserint, ne præter institutum longiores simus, aliorum sententias adducendo, præsertim quum non nisi verbis, & vanis captiunculis innitantur, ut non videantur à Philosophis admitti, prætereundas sane duximus, nostram adducemus, ex quibusdam experimentis ortam, non omitemus tamen Anaxagoræ opinionem ab Aristotele adductam libro de anima, qui per similitudinem quandam animatum lapidem vocat, & ob id ferrum attrahere, & ob alias peculiare vires, quæ proprie ab anima proficisci dicerentur, ut videbimus. Epicurus ejus effectus causam reddere conatur, Galeno, & Lucretio referentibus. Inquiunt enim, Atomi, qui à ferro defluunt, & à magnete figura inter se conveniunt. ita ut facile se amplectentur, hi ergo quum in utraque lapidis, ferrique concreta impingunt, deinde in medium resiliunt, obiter inter se convertuntur, ac ferrum una trahunt. Galenus contra hæc invehitur, haud credere posse, inquit, corpuscula, quæ à lapide resiliunt, cum aliis similibus ferri corpusculis complicari, & complexum tam gravem substantiam trahere. Præterea si pendenti ferto aliud admoveris, etiam quoque hære, & huic aliud, & sic tertio, & quarto, & atomi, qui à lapide fluunt, ubi ferro occurrant, resiliunt, & in causa sunt, ut ferrum pendeat, nec possibile esse atomos per ferrum ingressos per vacuos meatus resilire ad priores, & alios amplectari, quum ipse viderit quinque ferreos stylos continenter sibi appensos. Et si per directum ferri diffunduntur atomi, cur quæ lateribus appendimus etiam hæreant, quippe undique vis illa diffunditur: unde si exiguus magnes multa exigua corpuscula ferri tangit, atque hæc alia, & illa itidem alia, & omnia ea corpuscula implere debet, fere digeretur exiguus lapillus, & in defluvia solvitur. Sed

N

mihi

mihi magnes videtur mistura quædam lapidis, & ferri, quasi ferreus lapis, aut ferrum lapideum. Sed ne puteris velim lapidem adeo in ferrum mutatum, ut suam naturam amiserit, nec ferrum adeo lapidi immersum, quin suum esse tueatur, immo dum alter alterum superare nititur, ex pugna ferri attractio evenit. Est in mole illa plus lapidis, quam ferri, ideo ferrum ne à lapide suppeditetur ferri vires, & consortium exoptat, ut quod solus non potest, alterius auxilio præstet. Omne enim creatum suum esse tuetur. Unde ut amico fruatur auxilio, & ne sua perfectione destituatur, non invito ferrum ad se rapit, vel ultro se ad ferrum confert. Magnes lapides non trahit, quia eis non indiget, quum satis sit lapidis in mole sua, & si magnes magnetem trahit, non trahit ob lapidem, sed ob ferrum lapidi inclusum. Quæ diximus his argumentis innituntur. Magnetis fodinæ sunt, ubi & ferri venæ, hæc ex Galeno, & metallicis describuntur, & in utriusque confiniis lapidis & ferri nascuntur, & magnetes visuntur, in quibus plus lapidis, & in aliis plus ferri. In Germania lapis magnes eruitur, ex quo optimum ferrum elicitur, & magnes dum in ferri scobe excubat, vegetiores vires nanciscitur, & oblitus, vel neglectus eas amittit. Vidimus plerunque non sine magna animi nostri voluptate magnetem accensis carbonibus tumulatum, cœruleam flammam, sulphuream, & ferream eructare, qua dissipata simul cum abeuntis animæ qualitate trahendi beneficium amisisse. Putor ferri, & sulphuris, ut qui ferrum in calcem reducunt, destruunt, vel aliis chymisticis operationibus vacant, facile experiuntur. Eandemque animam alteri inditam, eandem consequi facultatem necessarium iudicavi.

CAPUT III.

Magnetem duos habere oppositos polos, borealem, & australem, & quomodo, dignosci possint.

QUIA magnetis effectus varii, & multiplices sunt, ab ejus effectibus distinctionem exordiemur, ut lectores plus documenti, & emolumente recipiant. Magnetis effectus vel solius lapidis sunt, vel ferri à magnete affricati,

cati, vel utriusque lapidis & ferri. Lapidis simplices effectus sunt, lapidem trahere, cœli vertices ostendere, & similia: sunt & misti, compositique. Dicemus igitur primo lapidi inesse duo puncta, ex opposito constituta, tam magnæ, quam minimæ patri, quæ vocamus polos, quorum unum ad Boream, alterum ad Austrum dirigitur, videlicet si liber lapis relinquatur pendulus, sine sui ponderis impedimento, quod ultro ad Septentrionem dirigitur, & contraria pars ad Austrum. Modus experiendi is erit. Capiatur suberis frustillum, ferulæ, vel alterius levis ligni, atque in cymbæ formam concinnetur, quæ sustinendo lapidis oneri sufficiat, in hoc vas lapis imponatur, ut fundo æquidistet, cymba in vas aquæ plenum ponatur, ut ultro citroque moveri possit, ne à quovis impediatur, sic dimissa, nunquam quiescet cymba, quin punctus lapidis directe Septentrioni opponatur, & oppositus Austro. Quum quieverit per se navicula, bis, terve digito circumvoves, sic iterum à motu quiescente, ad eundem locum redibit, & certior sies borealis lapidis puncti, & sui oppositi. Quamplurimis aliis modis ejusdem rei conscius esse poteris, in æquilibrio eum accommodando, ut in nautica pyxide, nam ubi liber ex se moveri poterit, ultro ad prædictum punctum dirigitur, idemque evenit, si tenui filo suspendatur. Hinc facile discere poterimus

*Quomodo magnes alter altero perfectior
cognoscatur.*


Quod ex ejusdem rei inspectione quis conscius facile esse possit, qualis magnes fuerit effertæ, vel acrioris virtutis, ipse enim, qui citius, expeditiusque naviculam ad punctum suum devolverit, & repertum quieverit, valentioris, potentiorisque virtutis nobis argumento esse poterit, qui vero ægrius suum opus absolverit, scilicet quæ pigre, lenteque ad suum locum redierit, & sæpius hærebit, languidioris, hebetiorisque. Possumus & aliter certiores fieri, quippe qui prædicto puncto dum adherere cupierit, & suo fungi officio majorem ligni molem, vel cymbam circumvolveret, non segniter, & cunctando, sed expedite is plane vivacior existimandus. Et si plures sint modi, hi

tamen contentus esse poteris nunc , aliis locis alios dicturi.

CAPUT IV.

Lapidis vim per rectam lineam à Septentrione in Austrum per suam longitudinem diffundi.

SED duo puncta, quæ diximus, lineam in suis extremis recipiunt. quæ per medium lapidis distenditur à Septentrione in Austrum , hanc si quis fracto lapide lineam scegerit, puncta, quæ scissuræ limites erunt, dissidentis illico proprietatis & virtutis erunt, ex hisque laborabunt discordiis, non sine magno admirationis momento : nam duo hæc puncta quum simul unita essent, eandem vim ad polum se dirigendi sortiebantur, nunc divortio separata, alterum ad Boream, alterum ad Austrum vertitur, eundem situm observantia, quem in suis natalibus locis, vel minera obtinuissent, & quod in magno lapide magnetino, idem & in minimis frustulis evenit.




Sit exempli gratia mons magnetinus ABCD, & sic linea à Septentrione ad Meridiem AB, si è monte lapidem sciderimus

rimus AB, linea ipsa AB, in lapide polarem lineam demonstrabit, ab Aquilone, ad Meridiem. Si vero lapidem frugerimus per latum, unumquodque frustulum suam servabit lineam. Scindatur lapis AB, per suam latitudinem CF, erunt duo lapides ACD, & EFB, aio per lineam CD, abscissos unusquisque per se suos mundi vertices possidebit. In lapide ACD, erit A Septentrio, G, Austr. In lapide EFB, erit H, Septentrio, B, Austr. Id omnem admirationem superabit, quod puncta GH, dum esset lapis unus, erant unum, veluti inito quodam fœdere inter se, easdem vires obtinebant, at divisus lapis, unicuique parti suæ vires hærebunt, valde inter se contrariæ, & dissidentes: nam G, ad Austrum semper vergit, & H, ad Septentrionem, & unumquodque frustulum suos polos possidebit. Et si divisos lapides in suas cymbas aptaveris, A, & H, ad Aquilonem dirigentur, G, & B, ad Meridiem. Idemque eveniet si AG, & HB, in plura frustula divides, & si omnes partes simul postea unies, ut prius steterant, mutua naturarum discordia illico concillabitur. Falsum est igitur, quod à Cardano dicitur, magnetem trahere, ubi cortice tenui est, magisque una parte, quam altera: nam à solo, & stabili puncto trahit, ut steterat prius in minera.

CAPUT V.

Polarem lineam in magnete non esse stabilem, sed incedentem.

SED consimile hoc Naturæ prodigium maxima admiratione non carebit, quod ex multis, quæ rerum parens creavit, insigne & stupore plenum est. ob id neminem latere exoptaverim. Linea hæc polaris, quam diximus, non eodem loco stabilis, vel semper firma permanet, sed mutatur, & in partes diversas abit: id tamen perpetuum habet, quod semper medium in lapide locum sibi vendicat. Principem æmulatur, qui in suo regno in media sibi arcem, vel regiam constituit. In centro enim, à quo congruo ambitu extrema sinuantur, consistens, facile omnibus partibus occurrit, tutaturque suas vires. Sed hæc exemplo fient clariora.




Sit lapis AECE, cujus longitudo per medium discurrens AC, sit eadem, ut diximus, polaris linea, in qua sua virtus residet, quæ ab Arctico ad Antarcticum sternitur, aio si lapis scindatur per AC, lineam, ut pars una AED, altera BCF, si invicem separentur, quod vis illa non AD, lineæ, vel BC, residet extremo margini, sed per medium divisa in medio cujusque lapidis excipitur, & in lapide AED, erit GH, & in BCF, erit IL. Quod sine admiratione non quit fari, inanimato lapidi vim animatam, se motricem inesse. Quotusquisque erit, qui his, nisi periculum sece-rit, fidem præstabit? Unde, sicut in sua minera, linea quæ à Borea ad Austrum distenditur, in medio mineræ manet, sic in millenas partes divisa, vis illa in multiplices tot illas spargitur partes, singulæ in medio suam retinentes. Unde si partem AED, in alias partes diviserimus, & eas minimas parciemur, quota enim quæque erit è suis consiniis dissociata, in sui medio vivacem illam virtutem per longitudinem extensam possidebit; id usque donec in minutissimas arenas dividatur. Sed quod est mirabilius, si partes omnes prius difficæ, ut prius steterant, suis consiniis confociantur, vis omnium una fiet, & in omnium medio se recipiet.

CAPUT VI.

Quod Borea & Austrina vis extremitatibus viget.

SE D quid mirabilius erit? etsi vis in medio sui lapidis se recipiet, non tamen illa in medio, sed ad extrema lineæ se diffundit, in medio consopita quiescit, in extremitatibus expergiscitur, intenditurque & prodit in apertum: quod si quis lapidem fregerit, visu rem exactius noscet. Exemplum apponemus iis, qui scrupulosius, in hujus lapidis singulis effectibus peruestigandis, versantur. Sit lapis herculeus AB, in quo A punctus boreus, B austrinus, aio in A, & B, lapidis extremitatibus vim majorem



intendi, & in medio lineæ ILN, languidius torpere, hebescereque, nisi prorsus ulla sit in dextris, & sinistris CD, incognita, sed quanto Austro, & Boreæ propius adhæserit, plus tanto gliscit, recedens vero languet. Frangatur lapis in C, & G, quo prorsus inconspicua, incognitaque vis latebat, in lucem ædita, con fracto lapide, suas proprietates ostentat, & punctus alter Boream, alter Meridiem

ostendit. Et si hæc supervacua videntur, sunt tamen necessaria, quia dicendorum sunt fundamenta.

CAPUT VII.

Quod aliorum lapidum contactu puncta illa suas vires non mutant.

ET quia diximus non semper magnetem suas vires, æquales possidere, sed alterum altero validiorem in operando existerere, alterum vero languidiorem hebescere, dubitandi nobis manat exordium, utrum validiorum lapidum contactu, & adfricatione, vires illæ mutantur, an stabiles in sedes persistant, ut si magnes polum indicando, ægrius suum munus obeat, validior alter boreali suæ parti borealem partem adfricando possit illi opem ferre, aut si boreali puncto australem alterius adfricabimus, si adfricata borealis pars abit, & australem induet, vel in suis viribus maneat? Ubi nos causæ ratio deficiat, experientia, rei que eventus contrarium indicant. nam si magnes quantuluscunque, quantuluscunque vires possideat, altero acrioris virtutis adfricto, nunquam à sua proprietate desciscit, sed immobilis persistit, liberque in sua pavicula relictus, ultro ad suum polum se vertit, contrariam partem abhorrendo. Et si id causarum aucupio minime assequi possimus, à ratione tamen non alienum videtur. Dicemus lapidis majori magnitudini majores vires inesse ejusdem lapidis speciei, & quum magnes alter alteri adfricatur quosdam pilos relinquit, qui non nisi contritæ sunt lapidum partes minimæ, in pilorum formam hærentes, hique sunt, qui ferro, & reliquis vires præstant attrahendi, & se ad polum vertendi. Si vero lapis qui adfrictum recipit, major sit pilis illis, nunquam esse poterit, ut major virtus à minori vincatur, de eisdem lapidibus loquendo, quum pili ad suam magnitudinem nullam fere habeant proportionem, & ut pili ad lapidis magnitudinem insensibiles sunt, sic impossibile est, ut ejus virtutem in contrariam partem contorqueant.

CAP.

CAPUT VIII.


Quod magnes magnetem trahat, & expellat.

DE altera ejus operatione loquemur, quæ erit attrahendi, expellendique. Hic non minus jucundum, quam admirabile spectaculum oculis, & animo repræsentat, ut pars unius alterius partem tam solícite quærat, alliciat, & trahat, ut amico fruatur consortio, suoque confoveat sinu, altera alterius odio adeo flagret, & mutua naturarum odia exerceat, ut adversis punctis ad motis, adeo adversarii faciem abhorret, ut aliorsum se vertat; videlicet borealis pars unius non indifferenter uniuscujusque alterius partem ad se rapit, sed distinctam, determinatamque, nec unamquamque à se abigit, sed quam naturali seditione abhorret, & veluti à se alienam, & contrariam averfatur. Pars borealis alterius australem subripit, ejusdem borealem à se longe abigit, rejicitque: Et pars hujus austrina alterius borealis tractui non renititur, sed australem averfatur. Id exemplo clarius innotescit.

N 5

Sint

Sint duo lapides ACD, & EBF, in primo lapide punctus A Borea, G, Aufter, in lapide EFB, Borealis pars H, austrina B : aio fi australem partem G, lapidis CAD, admo-
veris auſtrinæ parti B, lapidis EFB, illico à ſe abigit, fu-
garque. Idem etiam eveniet fi borealem A, boreali



G, opposueris ; contra autem si borealem A, austrinam H, vel si austrinam B, boreali A, ostendes, quasi consimili voluptate captus, non invitam ad se rapit partem. Cujus causa non me fugit ; nam quum prius hæsiasset australis pars G, boreali H, post discissæ partes semper eandem unionem quærant, ad ejusdem corporis tutamentum, & conservationem, ut inquiunt Philosophi. Sed si punctum G australe, puncto B australi alterius lapidis adhæserit, fugit illico B, disceditque ab eo, vel si boreale A, boreali H, ostendes, idem eveniet: nam respuunt se ipsa, quia in eorum minera non ita coibant. Hic non insimulandus venit Plinii error, & asseclarum, putantium Æthiopico tantum lapidi hanc virtutem inesse: quum omnibus herculeis lapidibus id commune fuerit, Æthiopici, inquit, argumentum quod integrum quoque alium ad se trahit. Cardanus etiam falso astruit magnetem à magnetē non trahi, sed

trahere, quia ferrum occulte hæret, quod prius combiberat. Summa est, dissimilia puncta, substantiarum similitudine, paribusque desideriis coeunt simul & uniuntur, similia vero dissimili contrarietate inimicitias sortiuntur: id est boreus austrinum quærit, austrinus boreum, sic boreus & austrinus boreum & austrinum respuunt. Id tamen admonendum duximus, quod quum lapides ad experimentum convocamus, non uterque magnus, aut ingens sit, qui suo pondere præpediti sua munia exerceri nequeant, sed sit alter magnus, minimus alter, vel utriusque parvi, ut mutuo respui, & allici possint. Periculum facile erit, si filo appensi, vel naviculis impositi, vel si æquilibrio ponduli accommodentur.

CAPUT IX.

Ludicrum Magnetis.

NON omittemus tamen ludicrum magnetis, quo sæpe amicos exhilaravimus, ut iis consulamus, qui scrupulosius in peruestigandis singulorum rationibus versantur. quomodo brevi temporis intercapedine duo harenarum genera remissa, & in cumulum congesta, alterum ab altero separetur, quod si qui astantes fuerint, qui hujus causæ aucupium potiri nequeant, impossibile erit quin admirentur. Ludicrum tale erit. Teratur magnes in minutissimam harenam, eique albam, vel alio discrimine notabilem aliam adjungemus, permisceantur, & in cumulum redigantur: nam admoto magnete, vel nudo, vel linteis obvoluto (ut ejus dignotio astantes fugiat) illico magnetina harena, veluti scedere quodam conjuncta, in capillos conferta currit, & lapidi tenaciter hærebit, quam decutiendo in aliam partem repones, & nullo accedes, & quæ remansit, curret, usque donec totam separabis. Nec parum ingeret admirationis, quum magnetis contactus miscellæ accedit, cohærentium harenarum divortia fieri. Sed quo facilius magnetem teras, ita facito. Indito in ferream pilam magnetem, supra stragula, vel aliud molle imposito, nam duris ictibus cedens, illico friatur, sin aliter & pilæ fundum, & pistilli lævorem offendes & lancinabis. Hoc etiam evenit in harena quadam, quæ nobis ex Prochyte advehitur ex ferrea minera: nam colorem, &

ferri nitorem refert; nam ex magnetis approximatione, cito ab alia non sine adstantium admiratione separatur. Experimentum fortasse fuerit, quod ab antiquis memoriz proditum est, magnetem ferrum, harenam, oleum, & omne trahere.

CAPUT X.

Majori Magnetis lapidi, majorem vim inesse.

NEc ignorandum est profecto, magnetem, qui magnitudine præcellit, virtutis effluviū eminus jaculari, vibrareque, oppositum magnetem majori violentia allicere, atque rapere: idque in eodem lapidis genere, Videlicet si libralis ponderis magnes erit, & è longinquo visus alter magnes protinus transilit, occurritque trahenti; nos ejus medietatem adimentes, languet vis, atque veluti expirans torpet, & ablatae partis proportionē adimitur vigor. Si quis rei minus fidem præstabit accersetur lapis ad experimentum: nam abstracta parte, abstrahitur & vigor, si abstractam partem adjunxerit, confirmantur vires, vegetioresque fiunt, redeuntque ad pristinum vigorem, ut occurrenti magneti è longinquo transiliat, ut protinus illum amplectatur. Quod argumentum nobis confirmat majori lapidi majorem inesse vim in eadem lapidis specie, nam varios magnetinos lapides, ex diversis orbis partibus adlatos, variis pollere virtutibus conspeximus. Magnetem Romæ uncialis ponderis vidimus, qui binas ferri uncias trahebat, & tractum adeo tenaciter amplexabatur, ut vix abstrahi posset. Vidimus & alios quadraginta librarum, adeo effœtæ virtutis, ut vix uncialem moverent. Sed quo possimus curiosos pleniorē beneficio demereri, in sequentibus modum docebimus, quo vis lapidis ad trutinam expendi possit, & æqua lance librari.

CAPUT XI.

Quod lapidum vis in alium emanet, ut catena interdum lapidum pendula videatur.

ALIA enim dote lapis idem apud nos commendandus venit, nam quum alium lapidem apprehenderit, non solum eum pertinaciter amplectitur, sed in ejus corpus

corpus suarum virium effluviū eructat, expuitque, sed is ubi uberiores vires sibi vendicavit, alium perindē manibus comprehendens facultatem eandem expuit, & diffundit, hic tertius eadem vi illa affectus, undecunque ex proximo, vel longinquo alios rapit, eandemque virtutem jaculatur & vibrat, & hic alios, ut reciproco jaculatu, eadem, qua tenerur, alios teneat, & ex uno quoque quasi jacula virtutis delibuta in alterum prouant, & in altum elevati, quasi concatenati pendere videntur, ut nec facile abstrahi sinant, ut quam maxime demirari contingat, quomodo intestina ea invisibilis vis per omnes mutuo transmittatur, & profluat. Et eo virtus in pluribus elabitur, diffunditurque, quo potentioris erit virtutis. Id tamen duximus præmonendum, ne experimento fallaris, ut lapides ex cognatis partibus sibi cohæreant, non ex adversis, tali enim pacto alter alteri suas virtutes non delegat, sed inimicæ parris occûrsu tanquam ab adversis impeditæ refrenantur & suis muneribus cessant, ut scilicet septentrionalis punctus unius, alterius australi inhæreat, ut diximus, & non è contra: nam australis australi, & borealis boreali, tanquam discordia laboranti contrarius elanguescit facultas, & silens adversario præsentē torpet. Neque id etiam curiosius periclitantibus omittemus, ut lapides ex magnitudine sibi succedant, ut major minorem, minor minusculum trahat, ut pertinacius inhæreant, nec tam facile convellantur.

CAPUT XII.

Quid in magnete confusa sit hirsuties illa

HINC provenit hirsuties illa pilorum, quam supra memoravimus, quæ tam pertinaciter inhæret lapidi, ut vix avelli queat: nam quum alter altero atteritur, vel ictu levi mallei decutitur, minutissimæ partes illæ attritæ, non suo pondere in terram cadunt, sed vi lapidis retinentur, & ut altera alteri hæreere possit, amicam faciem convertendo, non aliter commodē sociæ parti potest inhæreere nec alio modo sibi colligari, nisi in fili, & capilli modum, & si diutius lapidem lapide triveris, congeries harenarum illa adeo crescit, ut pilis totus horridus

tidus, quasi lanugine pubescens, aut aculeorum acervo stipatus videatur. Neque hoc admiratione carebit, ut si aliquis magnetem admoveat alium, vel appropinquet majoris magnitudinis, & virtutis, videbuntur illico converti, & amicas facies objecto lapidi dirigere, & illi aspirare, & si minus id possint, quasi viribus defectas in terram procidere.

CAPUT XIII.

Pars trahens vehementior est, quam expellens.

AL I U D præmonendum est: ut iactis dicendorum fundamentis, ad majora progrediamur. Pars quæ trahit, ferventius trahit, & quæ expellit ignavius. scilicet, quæ adversa: nam si australis lapidis pars alterius septentrionali adhæserit, longiori intervallo, ac valentioris virtutis trahit, contra vero si adversas partes convertes, australes scilicet meridianis, & boreas aquilonaribus, vernacula vis retunditur, & quasi jejuna, & diluta hebescit, ut minus probe suo fungatur officio, & si propinquitatis modus absit, obsessa vis fere nil operatur. Si quis rei periculum exoptabit, filo, vel æquilibrio, aut cymbis pensiles, in attrahendo promptitudo, in expellendo fatua, & ignava mollieties comperietur.

CAPUT XIV.

Contraria lapidum partes sibi mutuo adversantur.


PA R T E S ipsæ, quas memoravimus, si amico consortio conjunctæ fuerint, tanquam sancito quodam inter eas scedere, sibi mutuo opem ferunt, efficaciorum, longeque validiorem virtutem nanciscuntur, contra vero si adversantes fuerint, ita mutua naturarum odia exercent, cæcisque discordiis flagent, ut admotæ ex inimico concursu, tanquam adversario presente, à suis munibus cessant, & viribus destituuntur. Ut si lapides manibus habeas, qui oppositas partes unitas habeant simul aquilonarem, & meridianam, ex alterius lapidis concursu nullus erit utriusque lapidis motus, & honos: nam, neque alliciunt, neque expellunt, præsertim si utriusque
vires

vires pares fuerint : at si alter altero potior fuerit , objectus lapis , ad motum nutabit , & ad recessum , vel accessum se accingit . At si contrarium comitem sustuleris , aut tractum non renititur , aut non invitus refugit , scilicet , aut cum amica parte coibit , aut ab inimica recedet , unde ex argumento cognosces , alterum alteri impedimento esse . Possumus & alio experimento etiam ejusdem rei fieri certiores . Si magnetem magnete attraxeris , eumque in aëre pendulum habueris : si loco , ubi coierint , alterius magnetis inimicam faciem opposueris , ex hoc inimici occursum , utriusque facultas elanguescit , torpetque , & si vegetioris fuerit virtutis , attractum dimittit , ut cadat . Immo & non sine jucunda admiratione conspicietur pendens in aëre multarum magnetis partium catena , cui si tertio , vel quarto illius lapidi adversantem faciem admoverimus , solvitur illico nexus , & à cohæsu pars labitur , & disjuncta cadet , aliæ vero partes , quibus vis illa non pervenit , adhuc mutua concatenatione hærescunt , usque donec inimicam faciem non admoveris .

CAPUT XV.

Quomodo polares puncti in magnete cognoscantur.

ALIO prorsus & certiori modo , quam prius dixeramus , in lapide verticales punctos cognoscemus , qui ad Aquilonem , quique ad Austrum vergat , & præcise punctus indicabitur , ex quo trahendi vis illa emanat , hoc modo . Ille inquam punctus , qui vehementius alterius lapidis australem partem ad se rapier , eique pertinaciter inhærebit , ille idem boreus erit . Et cui alterius borealis pars non invita accedit , austrinus erit . Idem quoque ex expulsionem dignosci poterit . Punctus qui borealem adversam lapidis partem objectu à se longe abigit respuitque , arcticus erit , & qui antarctici partem fugat , antarcticus . Et qui præcisius punctum demonstrari quaesierit , hoc utetur artificio . Magnetis frustulum paulo majus , minusve milii grano lapidi objiciemus & si protinus visus è longinquo , & citius attrahetur , attractusque contumacius divellitur , argumentum veri puncti , unde
vis




Sit lapis AECF, cujus longitudo per medium discurrens AC, sit eadem, ut diximus, polaris linea, in qua sua virtus residet, quæ ab Arctico ad Antarcticum sternitur, aio si lapis scindatur per AC, lineam, ut pars una AED, altera BCF, si invicem separentur, quod vis illa non AD, lineæ, vel BC, residet extremo margini, sed per medium divisa in medio cujusque lapidis excipitur, & in lapide AED, erit GH, & in BCF, erit IL. Quod sine admiratione non quit fari, inanimato lapidi vim animatam, se motricem inesse. Quotusquisque erit, qui his, nisi periculum fecerit, fidem præstabit? Unde, sicut in sua minera, linea quæ à Borea ad Austrum distenditur, in medio mineræ manet, sic in millenas partes divisa, vis illa in multiplices tot illas spargitur partes, singulæ in medio suam retinentes. Unde si partem AED, in alias partes dividerimus, & eas minimas partiemur, quota enim quæque erit è suis confiniis dissociata, in sui medio vivacem illam virtutem per longitudinem extensam possidebit; id usque donec in minutissimas arenas dividatur. Sed quod est mirabilius, si partes omnes prius difficæ, ut prius steterant, suis confiniis confocientur, vis omnium una fiet, & in omnium medio se recipiet.

CAPUT VI.

Quod Borea & Austrina vis extremitatibus viget.

SED quid mirabilius erit? etsi vis in medio sui lapidis se recipiet, non tamen illa in medio, sed ad extrema lineæ se diffundit, in medio consopita quiescit, in extremitatibus expergiscitur, intenditurque & prodit in apertum: quod si quis lapidem fregcrit, visu rem exactius noscet. Exemplum apponemus iis, qui scrupulosius, in hujus lapidis singulis effectibus peruestigandis, versantur. Sit lapis herculeus AB, in quo A punctus boreus, B austrinus, aio in A, & B, lapidis extremitatibus vim majorem



intendi, & in medio lineæ ILN, languidius torpere, hebescereque, nisi prorsus ulla sit in dextris, & sinistris CD, incognita, sed quanto Austro, & Boreæ propius adhæserit, plus tanto gliscit, recedens vero languet. Frangatur lapis in C, & G, quo prorsus inconspicua, incognitaque vis latebat, in lucem ædita, confraçto lapide, suas proprietates ostentat, & punctus alter Boream, alter Meridiem

ostendit. Et si hæc supervacua videntur, sunt tamen necessaria, quia dicendorum sunt fundamenta.

CAPUT VII.

Quod aliorum lapidum contactu puncta illa suas vires non mutant.


ET quia diximus non semper magnetem suas vires, æquales possidere, sed alterum altero validiorem in operando existere, alterum vero languidiorem hebescere, dubitandi nobis manat exordium, utrum validiorum lapidum contactu, & adfricatione, vires illæ mutantur, an stabiles in sedes persistant, ut si magnes polum indicando, ægrius suum munus obeat, validior alter boreali suæ parti borealem partem adfricando possit illi opem ferre, aut si boreali puncto australem alterius adfricabimus, si adfricara borealis pars abit, & australem induet, vel in suis viribus maneat? Ubi nos causæ ratio deficiat, experientia, reique eventus contrarium indicant. nam si magnes quantuluscunque, quantuluscunque vires possideat, altero acrioris virtutis adfrictio, nunquam à sua proprietate defiscit, sed immobilis persistit, liberque in sua pavicula relictus, ultro ad suum polum se vertit, contrariam partem abhorrendo. Et si id causarum aucupio minime assequi possimus, à ratione tamen non alienum videtur. Dicemus lapidis majori magnitudini majores vires inesse ejusdem lapidis speciei, & quum magnes alter alteri adfricatur quosdam pilos relinquit, qui non nisi contriti sunt lapidum partes minimæ, in pilorum formam hærentes, hique sunt, qui ferro, & reliquis vires præstant attrahendi, & se ad polum vertendi. Si vero lapis qui adfrictum recipit, major sit pilis illis, nunquam esse poterit, ut major virtus à minori vincatur, de eisdem lapidibus loquendo, quum pili ad suam magnitudinem nullam fere habeant proportionem, & ut pili ad lapidis magnitudinem insensibiles sunt, sic impossibile est, ut ejus virtutem in contrariam partem contorqueant.

CAPUT VIII.

Quod magnes magnetem trahat, & expellat.

DE altera ejus operatione loquemur, quæ erit attrahendi, expellendique. Hic non minus jucundum, quam admirabile spectaculum oculis, & animo repræsentat, ut pars unius alterius partem tam solícite quarat, alliciat, & trahat, ut amico fruatur consortio, suoque confoveat sinu, altera alterius odio adeo flagret, & mutua naturarum odia exerceat, ut adversis punctis admotis, adeo adversarii faciem abhorret, ut aliorsum se vertat; videlicet borealis pars unius non indifferenter uniuscujusque alterius partem ad se rapit, sed distinctam, determinatamque, nec unamquamque à se abigit, sed quam naturali seditione abhorret, & veluti à se alienam, & contrariam averfatur. Pars borealis alterius australem subripit, ejusdem borealem à se longe abigit, rejicitque: Et pars hujus austrina alterius borealis tractui non renititur, sed australem averfatur. Id exemplo clarius innotescit.

Sint duo lapides ACD, & EBF, in primo lapide punctus A Borea, G, Auster, in lapide EFB, Borealis pars H, austrina B: aio si australem partem G, lapidis CAD, admo-
veris austrinæ parti B, lapidis EFB, illico à se abigit, fu-
gatque. Idem etiam eveniet si borealem A, boreali



G, opposueris; contra autem si borealem A, austrinæ H, vel si austrinam B, boreali A, ostendes, quasi consimili voluptate captus, non invitam ad se rapit partem. Cujus causa non me fugit; nam quum prius hæsiisset australis pars G, boreali H, post discissæ partes semper eandem unionem quærunr, ad ejusdem corporis tutamentum, & conservationem, ut inquit Philosophi. Sed si punctum G australe, puncto B australi alterius lapidis adhæserit, fugit illico B, disceditque ab eo, vel si boreale A, boreali H, ostendes, idem eveniet: nam respuunt se ipsa, quia in eorum minera non ita coibant. Hic non insimulandus venit Plinii error, & assecularum, putantium Æthiopico tantum lapidi hanc virtutem inesse; quum omnibus herculeis lapidibus id commune fuerit, Æthiopici, inquit, argumentum quod integrum quoque alium ad se trahit. Catdanus etiam falso astruit magnetem à magnece non trahi, sed tra-

tra-

trahere, quia ferrum occulte hæret, quod prius combiberat. Summa est, dissimilia puncta, substantiarum similitudine, paribusque desideriis coeunt simul & uniuntur, similia vero dissimili contrarietate inimicitias sortiuntur: id est boreus austrinum quærit, austrinus boreum, sic boreus & austrinus boreum & austrinum respuunt. Id tamen admonendum duximus, quod quum lapides ad experimentum convocamus, non uterque magnus, aut ingens sit, qui suo pondere præpediti sua munia exerceri nequeant, sed sit alter magnus, minimus alter, vel utriusque parvi, ut mutuo respui, & allici possint. Periculum facile erit, si filo appensi, vel naviculis impositi, vel si æquilibrio ponduli accommodentur.

CAPUT IX.

Ludicrum Magnetis.

NON omittemus tamen ludicrum magnetis, quo sæpe amicos exhilaravimus, ut iis consulamus, qui scrupulosius in pervestigandis singulorum rationibus versantur. quomodo brevi temporis intercapedine duo harenarum genera remissa, & in cumulum congesta, alterum ab altero separetur, quod si qui astantes fuerint, qui hujus causæ aucupium potiri nequeant, impossibile erit quin admirentur. Ludicrum tale erit. Teratur magnes in minutissimam harenam, eique albam, vel alio discrimine notabilem aliam adjungemus, permisceantur, & in cumulum redigantur: nam admoto magnete, vel nudo, vel linteis obvoluto (ut ejus dignotio astantes fugiat) illico magnetina harena, veluti scedere quodam conjuncta, in capillos conferta currit, & lapidi tenaciter hærebit, quam decutiendo in aliam partem repones, & nullo accedes, & quæ remansit, curret, usque donec totam separabis. Nec parum ingeret admirationis, quum magnetis contactus miscellæ accedit, cohærentium harenarum divortia fieri. Sed quo facilius magnetem teras, ita facito. Indito in ferream pilam magnetem, supra stragula, vel aliud molle imponito, nam duris ictibus cedens, illico friatur, sin aliter & pilæ fundum, & pistilli lævorem offendes & lancinabis. Hoc etiam evenit in harena quadam, quæ nobis ex Prochyte advehitur ex ferrea minera: nam colorem, &

ferri nitorem refert; nam ex magnetis approximatione, cito ab alia non sine adstantium admiratione separatur. Experimentum fortasse fuerit, quod ab antiquis memoriæ proditum est, magnetem ferrum, harenam, oleum, & omne trahere.

CAPUT X.

Majori Magnetis lapidi, majorem vim inesse.

NEc ignorandum est profecto, magnetem, qui magnitudine præcellit, virtutis effluviū eminus jaculare, vibrareque, oppositum magnetem majori violentia allicere, atque rapere: idque in eodem lapidis genere, Videlicet si libralis ponderis magnes erit, & è longinquo visus alter magnes protinus transilit, occurritque trahenti; nos ejus medietatem adimētes, languet vis, atque veluti expirans torpet, & ablatæ partis proportionē adimitur vigor. Si quis rei minus fidem præstabit accersetur lapis ad experimentum: nam abstracta parte, abstrahitur & vigor, si abstractam partem adjunxerit, confirmantur vires, vegetioresque fiunt, redeuntque ad pristinum vigorem, ut occurrenti magneti è longinquo transiliat, ut protinus illum amplectatur. Quod argumentum nobis confirmat majori lapidi majorem inesse vim in eadem lapidis specie, nam varios magnetinos lapides, ex diversis orbis partibus adlatos, variis pollere virtutibus conspeximus. Magnetem Romæ uncialis ponderis vidimus, qui binas ferri uncias trahebat, & tractum adeo tenaciter amplexabatur, ut vix abstrahi posset. Vidimus & alios quadraginta librarum, adeo effœtæ virtutis, ut vix uncialem moverent. Sed quo possimus curiosos pleniorē beneficio demereri, in sequentibus modum docebimus, quo vis lapidis ad trutinam expendi possit, & æqua lance librari.

CAPUT XI.

Quod lapidum vis in aliū emanet, ut catena interdum lapidum pendula videatur.

ALIA enim dote lapis idem apud nos commendandus venit, nam quum aliū lapidem apprehenderit, non solum eum pertinaciter amplectitur, sed in ejus corpus

corpus suarum virium effluvium eructat, expuitque, sed is ubi uberiores vires sibi vendicavit, alium perinde manibus comprehendens facultatem eandem expuit, & diffundit, hic tertius eadem vi illa affectus, undecunque ex proximo, vel longinquo alios rapit, eandemque virtutem jaculatur & vibrat, & hic alios, ut reciproco jaculatu, eadem, qua tenetur, alios teneat, & ex uno quoque quasi jacula virtutis delibuta in alterum prouant, & in altum elevati, quasi concatenati pendere videntur, ut nec facile abstrahi sinant, ut quam maxime demirari contingat, quomodo intestina ea invisibilis vis per omnes mutuo transmittatur, & profluat. Et eo virtus in pluribus elabitur, diffunditurque, quo potentioris erit virtutis. Id tamen duximus præmonendum, ne experimento fallaris, ut lapides ex cognatis partibus sibi cohæreant, non ex adversis, tali enim pacto alter alteri suas virtutes non delegat, sed inimicæ parris occûrsu tanquam ab adversis impeditæ refrenantur & suis muneribus cessant, ut scilicet septentrionalis punctus unius, alterius australi inhæreat, ut diximus, & non è contra: nam australis australi, & borealis boreali, tanquam discordia laboranti contrarius elanguescit facultas, & silens adversario præsentè torpet. Neque id etiam curiosius periclitantibus omittemus, ut lapides ex magnitudine sibi succedant, ut major minorem, minor minusculum trahat, ut pertinacius inhæreant, nec tam facile convellantur.

CAPUT XII.

Quid in magnete contusa sit hirsuties illa

HINC provenit hirsuties illa pilorum, quam supra memoravimus, quæ tam pertinaciter inhæret lapidi, ut vix avelli queat: nam quum alter altero atteritur, vel ictu levi mallei decutitur, minutissimæ partes illæ attritæ, non suo pondere in terram cadunt, sed vi lapidis retinentur, & ut altera alteri hærrere possit, amicam faciem convertendo, non aliter commode sociæ parti potest inhærrere nec alio modo sibi colligari, nisi in fili, & capilli modum, & si diutius lapidem lapide triveris, congeries harenarum illa adeo crescit, ut pilis rotus horridus

vires pares fuerint: at si alter altero potior fuerit, objectus lapis, ad motum nutabit, & ad recessum, vel accessum se accingit. At si contrarium comitem sustuleris, aut tractum non renititur, aut non invitus refugit, scilicet, aut cum amica parte coibit, aut ab inimica recedet, unde ex argumento cognosces, alterum alteri impedimento esse. Possumus & alio experimento etiam ejusdem rei fieri certiores. Si magnetem magnete attraxeris, eumque in aëre pendulum habueris: si loco, ubi coierint, alterius magnetis inimicam faciem opposueris, ex hoc inimici occursum, utriusque facultas elanguescit, torpetque, & si vegetioris fuerit virtutis, attractum dimittit, ut cadat. Immo & non sine jucunda admiratione conspicietur pendens in aëre multarum magnetis partium catena, cui si tertio, vel quarto illius lapidi adversantem faciem admoverimus, solvitur illico nexus, & à cohæsu pars labitur, & disjuncta cadet, aliæ vero partes, quibus vis illa non pervenit, adhuc mutua concatenatione hærescunt, usque donec inimicam faciem non admoveris.

CAPUT XV.

Quomodo polares puncti in magnete cognoscantur.

ALIO prorsus & certiori modo, quam prius dixeramus, in lapide verticales punctos cognoscemus, qui ad Aquilonem, quique ad Austrum vergat, & præcise punctus indicabitur, ex quo trahendi vis illa emanat, hoc modo. Ille inquam punctus, qui vehementius alterius lapidis australem partem ad se rapier, eique pertinaciter inhærebit, ille idem boreus erit. Et cui alterius borealis pars non invita accedit, austrinus erit. Idem quoque ex expulsionem dignosci poterit. Punctus qui borealem adversam lapidis partem objectu à se longe abigit respuitque, arcticus erit, & qui antarctici partem fugat, antarcticus. Et qui præcisius punctum demonstrari quaesierit, hoc utetur artificio. Magnetis frustulum paulo majus, minusve milii grano lapidi obiciemus & si proptinus visus è longinquo, & citius attrahetur, attractusque contumacius diuellitur, argumentum veri puncti, unde
vis

vis illa effluit, donabit, poteris & circa punctum illud granulum circumagere, periclitando & si ægrius, an si vegetius attrahetur, & quando sponte, vel invito à loco dimovebitur. In summa punctus, qui vehementius trahit, & tractum ægerrime dimittit, vere erit punctus attractionis. Admonendo quod

Punctum in orbem suam vim diffundere

Cognovimus, ut à centro ad circumferentiam. Et sicut lumen candelæ spargitur undecunque, & cubiculum illuminat, & quanto ab ea longius recesserit, eo languidius splendet, & paulo longius deperditur, & quanto propius accesserit, eo vividius lucet. Eodem modo vis illa ex eo puncto emanat, & si propius hæserit, vegetius trahet, & quo longius, remissius; immo & si multum recedet, evanescit, & nulla fit, ob id pro iis, quæ dicendus erit, & signandus, & orbem suæ virtutis vocabimus virium longitudinem.

C A P U T XVI.

Quod vis illa trahendi, abigendique à nullo obice refrenari potest.

SE ò id omnem superat admirationem, ut non tantum admirari queas, quantum deceat, quod vis illa trahendi, pellendique nullis cancellis concludi, nullo obice præpediri, aut refrenari potest, quin invisibilis penetret, & objectos lapides cognatos moveat, agitetque, & suas vires ostendat, ac si nullo intermedio vetaretur: sed intra orbem suæ virtutis. Nempe si supra tabulam ligneam, lapideam, metallicamque pensiles lapides accommodaveris, vel in æquilibrio constitutos, & sub tabula magnetem agitaris, virtutis effluvium ex hujus corpore proruens, quasi spiritu quodam per concretum, solidumque tabulæ corpus prosiliens, lapidem super ea movet, agitatque ad ejus motum; hoc movente, movetur ille, & hoc quiescente, quiescit. At si tabula ex magnetis lapide, vel ferrea fuerit, impeditur virtus, & nulla erit, rationes in suis locis adducemus, ex tot tantisque prodigiosis Naturæ miraculis nullum profecto hoc mirabilius videre contingit.

C A-

CAPUT XVII.

Quomodo harenarum exercitum præliantem videas.

NEc minus jucundum, quam admirabile spectaculum animi causa amicis exhibuimus, qui plana in tabula exercitum in sua cornua divisum ex harena præliantem non sine maxima admiratione conspiciebant, & ignorantibus multis qua ratione moveretur, dæmonum opere fieri imaginabantur. Magnetem in pulverem contundebam, minutissimum aliquem, vel grossiusculum, & alium ex parvis frustillis, ut commodius pedites hastatos, vel equitum turmas repræsentarent atque hinc inde exercitū instituebam, à dextris & sinistris cornua erant, exercitus in medio ex equitum turmis comitatus. Sub tabula læva manu magnetem optimum admovebam, quo ad moto, sinistrum cornu incedebat, ex altera parte dextra alio lapide dextrum cornu, quum propinquius essent, magneti magis adhærendo, harenulæ in horrescebant, ac paulatim se attollentibus, hastas imitabantur, inclinato magnete, inclinabantur & hastæ, quasi præliaturæ mortem, & excidium minarentur, & quo perfectior magnes, eo setæ longius erigebantur, & motis paulatim manibus, exercitus pedetentim movebatur, & propius coherentes lapides, manus committitur præliantum, & simul commiscetur, sic reliqua cornua, & turmæ accedentes prælii simulacrum repræsentant, nunc recedere, nunc progredi videbis, nunc vincere, nunc vinci, nunc hastas erigere, submittere, ut plus minus magnes accedit, & vehementius vis orbem extendit. Sed hoc magis est mirum, quod plana tabula videtur, poterit & ipsum in aëre pendulum fieri, ut præliantes antipodes videantur: nam in sublimi distento papyro, vel tabula, commoti magnetes supra tabulam, illud idem, quod diximus, repræsentant. Sed si quis ingeniosus ministraverit, plura, & majora, quam scribi possint, operabitur.

CA-

CAPUT XVIII.

Situs contrarias lapidum virtutes reddit.

NEc admiratione vacabit, ut ratione, quod situs contrarias vires ostendit, ex omnibus quæ diximus: nam aliud operatur lapis, si supra admoveas, & aliud infra: nam si in æquilibrio lapidem accommodabis, vel in cymba, & supra lapidem admoveas, trahit, respuitque, ut supra memorati sumus, at si infra lapidem admoves, contraria operabitur: nam pars ea, quæ supra trahebat, infra expellit, & infra trahet. quæ supra expellebat, scilicet si supra, & infra ad perpendiculum lapidem locabis. Quibus experimentis clare videri potest situm contraria efficere, & virium vices mutare. Unde in ejus operationibus maxime attendendus est situs, si magnetem supra, vel infra admoveris.

CAPUT XIX.

Quomodo magnetis trahens vis ad libram expendi possit.

POSSUMUS vim attractricem illam, expultricemque magnetis metiri, vel lancibus æquilibrare, quod non parvi erit momenti in sequentibus speculationibus, & præcipue perpetui motus, ac in aëre pendulum ferrum sistendi, ubi æqua, & mensurata vis trahendi à circumferentia ad centrum perquiritur. Artificium erit hujusmodi. Magnetis frustum in lancem ponimus, in alteram tantundem ponderis alterius rei, ut æque pendeant lances: mox ferrum supra tabulam jacens accommodamus, ut magneti in lance appposito hæreat, & secundum eorum amica puncta, ut perfectissime cohæreant. In alteram lancem harenam paulatim injicies: idque donec lanx à ferro separetur. Sic harenæ pondus expendendo, quæsitam magnetinam vim habebimus. Possumus & ferrum in lance affixum accommodare, & magnetem in terra jacentem.

CAPUT XX.

De mutua magnetis & ferri attractione, & expulsionem.

IAM ad alteram nostri tractatus partem devenit, in qua mutua magnetum consortia, & divortia discuti-

tientur, quorum effectus adeo noti, ut per hominum ora volitent, ut nullus fere sit, quin se hujus rei gnarum profiteatur. Operatio hæc est, quod inter ferrum, & magnetem adeo naturalis concordia, & sympathia est, quasi inito inter eos fœdere, ut cum magnes ferro accedit, nutat illico ferrum, & in ejus occursum abit, amplexandum à magnete, illudque in suum amplexum recipit ita pertinaciter, ut vix multis distractionibus hinc inde jactando distrahi patiatur: nec minor est magnetis ad ferrum occursum conciliatio, mutuus amor, & conciliabulum, nemo enim eorū tractui renititur, sed lenior semper ad alterius occursum ultro se confert. Ut apud te hujus rei fides sit, hoc argumento experieris. Vel utrumque filo suspendas, vel naviculis imponas, aut nautica pyxide constituas. Plinius de hoc loquens ait: Quid enim mirabilius? aut qua in parte Naturæ major improbitas? Quid lapidis rigore pigrius? Ecce sensus. manusque tribuit illi. Quid ferri duritia pugnacius? Sed cedit, & patitur moras: trahitur nanque à magnete lapide, domitrixque illa rerum omnium materia ad inane nescio quid currit, atque ut propius venit, affistit, teneturque & complexu hæret. Lucretius causam quærens hujusmodi effectus.

„ Quo fœdere fiat

Naturæ lapis hic ut ferrum ducere possit.

Orpheus in suis carminibus narrat, ita ferrum à magnete trahi, ut sponsa ad amplexus sui sponsi, immo ferrum adeo se maritandi cupidine sollicitatur, adeo ferventi desiderio magneti occurrere nititur, & hære. ut quum suo pondere impeditur, erigit sattigium: quasi manus, ad lapidem nutans, & blande demulcens, impariensque suum gravari stabilimentum, nec se sua sorte contentum fateatur, nisi vel saltem osculo conjungens, veluti refricato desiderio conquiescit Adeoque mutuo amore desflagrante, ut nisi alteri alterum contingendi detur potestas, in aëre pendulum teneatur. Unde satis inscite Albertus pro re mirabili narrat Frederico Imperatori, suum socium ostendisse magnetem, qui ferrum non traxit, sed contra ferrum magnetem contraxerit, quum semper levius ad gravioris occursum se moveat.

CAPUT XXI.

Majorem esse ferri & magnetis amorem, quam magnetis cum magnete.

NEc dissimulandus est maximus ferri & magnetis mutuus amor: efficacior, longeque validior, quam magnetis cum magnete, idque facili argumento patere potest: nam si supra tabulam magnetis & ferri frustula posueris ejusdem ponderis, & paulatim alius magnes accedat. quum ad justum intervallum devenerit, nunc illi co ferrum, & ultro se confert ad magnetem, eumque amplexatur. Ejusdem rei alio argumento certior habebitur fides. Magnes magnetis fructum in amplexu foveat, & ferro paulatim accedat, quum vis orbis ad ferrum pervenerit, abjicit illico magnetem magnes & ferrum amplectitur, ac si ferrum in suum consortium receperit, non quocunque magnetis hæsu à suis complexibus dimovebitur.

CAPUT XXII.

Magnetem non undique, sed statò puncto attrahere.

AT non certe opinandum omni sui parte magnetem ferrum attrahere, sed è statò, constitutoque puncto, quod maximo labore, & rationis indagine perquirendum erit. Hoc modo voti compos sis. Vel ferrum suspendes, vel in stateram supra asserem accommodabis, ex quo illico in amplexum resilire poterit. Tunc undique magnetem circumvoves, & quum ferrum tremere videris, & currere ad contactum, ille ipse est punctus tractionis, & ex eo puncto ad circumferentiam orbis sparguntur radii virtutis, unde quo longius ab eo puncto distabit ferrum, eo imbecillius, & languidius se movebit, in centro enim, ut in suo throno vividior vis nidulatur.

CAPUT XXIII.

Quod idem magnes, qui trahit, ex contraria parte ferrum abigit.

SE ne quis non præmonitus fallatur, existimans alium esse lapidem, qui trahat, alterum vero, qui ferrum respuat, hoc nubilum experimentis discutiemus.

Pli.

Plinius Ferrum ad se trahente magnete lapide, & alio rursus abigente à sese. Et alibi. Alius rursus in eadem Æthiopia non procul mons gignit lapidem Theamedem, qui ferrum omne abigit, respuitque. Idque quum non cognovisset Plinius, turpiter erravit, putans duos fuisse lapides, qui his contrariis effectibus pollerent, quum unus & idem sit, qui ex una parte similitudine, & sympathia quadam ferrum non invitum ad se rapiat, ex contraria & opposita parte dissimilitudine, & mutua naturarum discordia, vel antipathia abigat, respuatque. Idque facili artificio certior redderis: nam ferrum in æquilibrio positum, quod ex una magnetis parte tractum fuerit, si pars altera convertatur, fugit illico ferrum, & in oppositam partem se recipiat, quæ puncta per rectam lineam in ipso lapide sternuntur in medio. Hoc tamen memorato. Ferrum, quod ex una parte magnetis tractum fuerit, vel intra suæ virtutis aliquantisper steterit, acquirit illico virtutem, ut quod ex una parte tractum sit, ex alia fugetur, pellaturque. Hujus tractionis discrimina dilucidius cognosces sequenti experimento.

CAPUT XXIII.

Quomodo ferrum supra tabulam saltet, nullo visibili lapide admoto.

EX hoc ipso consensu, dissensuque lapidis non injucundum spectaculum sæpius amicis exhibere solemus: nam ferro supra tabulam projecto, nullo visibili lapide admoto, & in se revolvi, & saltare per se ipsum videtur, quod non sine omnium ingenti stupore conspici poterit. Spectaculum hoc modo repræsentatur. Dividatur per medium acus, cujus medietas supra tabulam projiciatur, sed prius basis magnetis alteri adfricetur parti. Manum cum magnete clanculum sub tabula appones, & in eo loco, ubi basis acus residet, magnes adheret, illico acus erigitur, & erecta, non sine astantium admiratione, incedit per tabulam, & sequitur motum manus sub tabula se moventis. Ubi paululum ita incessit, illico lapidem revolvendo, contrariam acui magnetis partem oppones, & illico (mirum visu) revolvitur acus, & si basi prius incedebat, nunc cono incedit, & quocumque

cunque manum traxeris, sequitur acus, & post se trahit, & si ter, quater lapidem obvolvis, nunc Austrum, nunc Septentrionem admonendo, terque, quaterque, obvolvitur acus, & nunc basi, nunc vertice recta stat. vel incedit, ut placuerit, & nunc parte, qua in altum steterat, incedit, nunc qua incederat, stabit. Possumus & majori miraculo idem spectaculum offerre amicis, quippe si duas acus partes supra papyrus, vel tabulam posueris, quorum una austrinam, altera borealem partem tetigerit, & lapides accommodabimus, ut una basi, altera vertice incedat, & nunc una obvolvatur, nunc duæ simul, vel eodem tempore utraq;ue, vel ordinate saltent. & ad tibiarum sonum se moveant, non minus ludicrum, quam admirabile spectaculum admirantibus offers amicis.

CAPUT XXV.

Quod magnetis virtus per ferri frustula transmittatur.

HÆc eadem virtus, quæ ferro à magnete impressa est, non in eo solo ferro permanet, & persistit, sed in aliud, atque aliud transmittitur, & propagatur. Nam si ferream acum magnetis contactu traxeris, atque ex alia parte attracti ferri aliam acum tetigeris, pars illa acum trahet, amplexaturque, & in aëre suspensam rapit, & si eam partem alteri ferro admoveris, etiam illud rapiet, & in aëre suspensum tenebit.

Idemque opus aliis repetes, quousque magnetis vis orbis distendantur, ut languescens illico raptam relinquat, tanquam non sufficiens acus oneri, ut longa acuum series in aëre pendula concatenata videatur. Hanc vim novit Plato, quippe in Ione dicit. Qui lapis non solum ferreos annulos trahit, sed vim etiam annulis ipsis infundit, qua hoc idem efficere possint, ac perinde ut lapis alios annulos trahere. Unde longa plerunque concatenatio ferri, & annulorum invicem pendet, & omnibus his ex illo lapide vis attrahitur. Lucretius etiam hanc vim novit.

Nunc homines lapidem mirantur: quippe catenam

Sape ex anellis reddit pendentibus ex se,

Quinque etenim licet interdum, pluresque videre

Ordine

Ordine demisso levibus jactariet hamis.

Vnus ubi ex uno dependet subter adhærens.

Ex alioque alius lapidis vim, vinclaque nescit,

Vsq̃ue adeo permanant, & vis prævalet ejus.

Plinius de eadem virtute loquens, ait. Sola hæc materies vires ab alio lapide capit, retinetque longo tempore, aliud apprehendens ferrum, ut anulorum catena spectetur interdum, quod imperitum vulgus vivum ferrum appellat. Galenus. In heraclio lapide videre est, quem magnetem nominant, ferrum enim quod tetigerit, ei adhæret, vel nullo adhibito vinculo, deinde si aliud id, quod primo tactum fuerit, tetigerit, similiter ut primum illi hærebit, postea tertium secundo. Augustinus de civitate Dei de hoc spectaculo loquens, dixit. Magnetem lapidem novimus mirabilem ferri raptorem, quod quum primum vidi, vehementer inhorruī. Quippe cernebam a lapide ferreum anulum raptum, atque suspensum, vim dedisse suam, communemque fecisse, idem annuius ad mortus alteri est, eumque suspendit, atque ut ille prior lapidi, sic alter annulus priori annulo cohærebat. Accessit eodem modo tertius, accessit & quartus. Iamque sibi per mutuo connexis circulis non implicatorum intrinsecus, sed extrinsecus adhærentium, quasi catena pependerat anulorum. Quis istam vim lapidis non stuperet? quæ illi non solum inerat, verum etiam per tot suspensa transibat, & invisibilibus ea vinculis subligabat? Sed quanto acrioris erit virtutis magnes, eo plures acus, anulis suspendet, nos librari lapide decem acus suspendimus. Sed qui plures attrahere velit acus, ex foraminis parte magneti adfricet solum, inde ex ordine ex cono omnes basim trahant.

CAPUT XXVI.

Magnes intra suæ virtutis orbem sine contactu eam diffundit.

NEc solum adhæsu magnes ferro suam virtutem diffundit, sed quod mirum est, intra suæ virtutis radios sola præsentia virtutem ferro conciliat, aliud ferrum attrahendi: nam si magnetem ferro appropinquaveris, ut illud intra suæ virtutis orbem circumfusum habeat, & ferrum

ferrum aliud eidem ferro appropinquare, rapietur ab eo, & si aliud attractum tetigerit, etiam rapiatur, ut etiam longe à magnete catena in aëre annulorum, vel acuum pendere videatur. Sed ubi ita catenati permanent, si paululum magnes elongabitur, cadet ultimus annulus, & si aliquantisper etiam, & postremus, donec omnes cadent, ex quo clare perspicitur absque contactu etiam suam virtutem ferro posse conciliare.

CAPUT XXVII.

Quomodo magnes ferrum in aëre suspendat.

FERRUM in aëre pendulum sine ullo magnetis contactu, nec ab inferiori parte ligatum: diu, multumque laboravimus facere, unde fieri posse fere impossibile iudicamus nunc. Plinius inquit: Dinocrates Architectus Arfinoes templum concamerare inchoaverat ex magnete, ut in eo simulacrum ejus è ferro pendere in aëre videretur; intercessit mors & ipsius, & Ptolomæi, qui id forori suæ jusserat fieri, unde quod inchoaverat, non perfecit. Græci in Serapidis Dei templi fornicibus Alexandriæ magnetem esse fixum, qui æneam pendulam statuam tenebat, ut quæ ferrum haberet in capite. Quod Mahometi arca etiam in templi fornicibus pendeat, falsum est. Petrus Pellegrinus dicit alio opere docuisse, quomodo id fieri possit, sed opus nusquam est. Cur mihi difficillimum videatur, inferius dicemus. Nunc autem fieri posse dicimus, quia nos jam fecimus, à superioriparte in aëre suspensum invisibili nexu tenere, dummodo ab inferiori parte, tenui filo cogatur, ne sursum ascendat, & dum hære superiori lapidi aspirat, unde in aëre suspensum nutans, & tremens videbitur.

CAPUT XXVIII.

Magnetis vires ab intermedio muro, vel tabula intercipi non posse.

VT I jam de magnete diximus, ejus & ferri virtus nullo intermedio corpore intercipi, vel cohiberi potest, quin suo munere fungatur. nam dum magnes sub tabula lignea, lapidea, vel metallica (excepto ferro)

move-

moveatur , ferrum nauticæ pyxidis movetur supra , ac si nullo intermedio corpore disterneretur. Novit hoc experimentum Divus Augustinus libro de civitate Dei , eodem loco. Sed est multo mirabilius quod audivi, quod si quis tenuerit sub argento magnetem , ferrumque super argentum posuerit, deinde sicut subter movebat manum, qua lapidem tenebat , ita ferrum desuper movebatur , atque argento medio nihilque patiente, concitatissimo cursu, ac recurso , ut lapis ab homine supra ferrum rapiebatur.

CAPUT XXIX.

Quomodo ligneus homo naviculam moveat, & alia ludicra.

NE c leves hinc eveniunt doli , ut sæpe videant mulieres ligneum hominem cæream naviculam amplo in cratere aquæ pleno remis agitantem , singentes , ut impostores, hydromantiæ speciem. Dolus sic orditur. Crater aqua repleatur, & in eo navicula cerea imponatur vel lignea , in medio homunculus ligneus accommodetur , suilla seta per medium infixus , ita in æquilibrio positus, ut levi quocunque motu, se facile movere possit; habeat in manibus remos , sub pedibus fersi frustillum. In crateris circuitu alphabetum sit exaratum. Mulieri igitur de dubiis rebus responsa petenti, quasi vera responsurus ligneus homunculus , manibus cymbam agitans ad eas literas navigabit, quæ responsum significare possunt. Nam qui sub tabula magnetem in manu habuerit , quo placuerit cymbam ducet , & sic combinatis elementis, responsa reddet. Vel ferulaceum puerulum in phiala accommodabis , circa acum in æquilibrio positam se vertentem, & circum phialam alphabetum accommodetur , ut , se circumvolvendo, responsa præbere possit. Sed non parvam admirationem amicis ingessimus , dum

*Papryum per murum ascendere , &
descendere per se*

Demonstravimus : nam ferrum ex adverso papyri conglutinavimus , atque amicis dedimus , ut eam muro appropinquarent , sed retro puer magnetem habebat, re-

liſta ibi papyro, immobilis perſiſtebat, præcipiens amicus, ut ad duos pedes aſcenderet, puer audiens quæ præceperat, movens ex adverſo magnetem, movebatur & papyrus ad præmonitum locum, ſic deorſum, & ad latus: quod cauſam ignorantibus omnino miraculum videbatur. Sed quod omni admiratione plenum eſt, dum magnetem per cubiculi fornicem ligneam ſupra caput moveret, rapiebat ſecum papyrus, unde videmus pendulam papyrus ſupra caput moveri, quod non erat, qui videret, quin dæmonum arte factum crederet.

CAPUT XXX.

Magnes ſupra ferream lamellam ferrum non movet.

DI X I M U S magnetis vires nullo intermedio impediri, niſi ferreo: unde ſi ſupra ferream lamellam acus ponatur, & ſupra, vel infra magnetem movebis, exoleſcit virtus, & magnes ſua munia non obibit, nec ratione caret. Nam conſentaneum eſt, ſi ferrum ſupra ferrum eſt, unum & idem ſiunt, & ratio partis erit totius, & cum lamella, & ferrea ramenta majoris ſint ponderis, quam à magnetis vi moveri poſſint, immobiles permanent. Unde ſi ferrea arena, vel magnetina ſupra ferri laminam ſteterit, & ſub ea manus magnetem moverit, non hinc inde movebitur arena, ſed ſupra ferrum immobilis erit. Nec ſi ferrum, vel magnes ſupra ferream tabulam fuerint, admoto lapide ad magnetis contactum venient, ſed ut conſopiti quieſcent, velut omni virtute orbati, vel natura mutati. Immo magneti oppoſitum planum ferrum, ſi ex altera parte ferrum in æquilibrio fuerit, non movebitur, nec nutabit ad ejus occurſum, quaſi tota magnetis virtus in illius complexu impedita hæreret. Lucretius non ferro, ſed ære intermedio id evenire tradidit, quod ex auditu potius ſcripſiſſe exiſtimo, quam ex viſu, ſi quæ ſcribit, percipimus.

*Exultare etiam Samothracia ferrea vidi,
Et ramenta ſimul ferri furere intus ahenis
In ſcaphiis, lapis hic magnes cum ſubditus eſſet,
Uſque adeo ſugere à ſaxo gèſtire videtur,
Ære interpoſito diſcordia tanta creatur.*

CAP.

CAPUT XXXI.

Situs ferri vires permutat.

QUOD solus magnes operabatur, idem & ferrum à magnete contactum operabitur. Diximus magnetem in æquilibrio positum ex superiori parte admoto magnete australi, septentrionalem trahi, & borea boream expelli, ex inferiori vero parte mutata natura, quod prius trahebat, renui, & quod prius renuebat trahi. Idem & de ferro magnete contacto judicandum censemus, nam ferrum in nautica pyxide pars ea magnetis, quæ trahit, & fugat ex superiori parte, inferius admovendo, quam prius trahebat, expellit, & expulsam trahet, quod inter ejus admirabiles proprietates non omittendum duxi, situm tam dissimilia operari. Ex quo conjicere licet, ut quemadmodum lapis arcticum, & antarcticum polum habet, consequens est habeat item occidentem, orientemque & superiorem, & inferiorem sui partem cum cælo, & ubi ex superiori parte borealis pars, & inferior, trahebat ferri australem, & inferiorem nunc mutato situ superior lapidis pars inferiorem trahat ferri, est consonum rationi.

CAPUT XXXII.

Ferrum magnetis septentrionali puncto adfrictum ad Austrum se vertit, & australi ad Boream.

TRANSEUNDUM ad tertiam partem, scilicet tractandum de ferro à magnete contacto, quæ omnia sua admirabilitate non carebunt. Dicimus igitur postquam borealem lapidis punctum noverimus, & cum eo ferri alteram adfricaverimus, si in æquilibrio positum, vel filo suspensum, vel cymba impositum in libera sui potestate reliquerimus, quod ultro ad Austrum volvitur. Neque id sine ratione, quia magnes ferro suam vim conciliat. Erat enim congenita vis magnetis, ut, in æquilibrio positus borealem sui partem ad Boream verteret, & australis ad Austrum. Sed dum ferro adfricatur, superior pars magnetis ferro affigitur, inferior vicina referatur, unde si ferro borealem partem adfricaveris, quæ ferro inhæret, & supremam ferri superficiem tangit, borealis

erit, quæ discooperta est, & visitur austrina, austrina hæc libera ad Septentrionem volvitur. Contra si austrinam ferro contriveris, affigitur austrina ferro, aperitur foris borealis, quæ ad Boream vertitur. Falsum est igitur, quod à Cardano dicitur, ferrum quod à borea parte tangitur, ad Boream dirigit, & quæ australem contrigit, ad Austrum vergat, quod contrarium visitur. Quanquam ex una parte ferrum tangi oporteat, vel australi, vel boreali, nam si pars una ad Boream vergit, altera ex se ad Austrum tendit. Cuius commoditate, & usu tam vasta sulcantur æquora, eo iter ostendente. Siquidem majores nostri Solem interdum, noctu sydera observantes navigabant; non enim aliter medio oberrantes pelago mundi plagas conspicere poterant, nec solum mundi plagas, sed sub aqua scopulos latentes, evitare possumus, & nubilo die, & obscuris noctibus omni momento mundi cardines innotescunt. Cujus inventio Itali fuit Amalphi oriundi nostra Campania, ut à Flavio traditur. Qui nauticam rotam ignorans, acum paleæ, vel ligno insigebat per transversum, & in laneæ aqua pleno mergebat acus, ut natarent libere, dein magnetem circum ducendo, acus eum sequebantur, quo subtracto, quasi quodam naturali motu cuspides acum polo arctico vertebantur, eoque invento quiescebant. Præcognito igitur loco ad sua vota iter dirigebant. Nunc rota nautica circumscripta, & ferro magnetem contacto illi concinnato, ex poli dignotione illico reliquæ cœli partes notæ fiunt. Firmatur rota ex otichalceo umbilico, supra ejusdem metalli cuspidem, ut libera sit ei se circumvolvendi potestas. Unde ex solo unius puncti contactu, ferrum non solum illius prædicti virtutes fortitur, sed ex altera parte alterius etiam invitum: nam si septentrionali lapidis parti adfrices, volvitur pars illa ad Austrum illico, & pars ferri opposita ad Septentrionem, nec vis una sine altera tribui potest. Sic contactum ex australi lapidis parte ferrum, volvitur ad Boream altera ad Austrum: unde semper contacta ferri pars dissimilem lapidis vim recipit.

CAPUT XXXIII.

Ferrum à magnete contactum vim alteri ferro conciliare.

FERRUM magnete contactum, ex eo contactu vim eandem magnetis suscipit, ut fere idem fiat in trahendo, pollendo, seque ad polum vertendo. Sic ferrum liberum positum, fricetur australi lapidis parte, ultro se ad Septentrionem recipiet, si mox eandem australem lapidis partem ostenderis, vertitur illico ad Austrum. At si eo ferri contactu aliud ferrum tetigeris, se ad Austrum recipiet, ostensioque eodem ferri puncto, ad Septentrionem volvitur. Nec solum vis hæc in secundum ferrum transmittitur, sed in aliud, & aliud ex proportionem virium magnetis, nam si præpollentis erit virtutis, usque ad octavum, & decimum ferrum transmittitur.

CAPUT XXXIV.

Vis in ferro recepta ex præpollentiori diluitur.

ID quoque tamen præmonendum duximus, vim in ferro receptam, non illam stabilem, perpetuamque opinabere, sed præpollentiori exui, & indui hac nova. Ut ferrum ex septentrionali ignavi magnetis parte contactum, si eandem ferri partem australi valentioris adfricueris, evanescit, obtunditurque vis pristina illa se ad Austrum vertendi, sed australem adsumet, nec invito Septentrioni obvertitur. At si magnetum vires æqua lance librata fuerint, inebriantur, offuscanturque adeo, ut neque utramque recipiant, vel neutram habeant.

CAPUT XXXV.

Quomodo in lapide australe punctum, vel septentrionale cognoscatur.

INTER alios, quos supra memoravimus, modos, hunc quoque docebimus, & fortasse cæteris præstantiorem, quomodo vere arcticum, antarcticumque punctum cognoscemus. Ex gemmarum rotis magnetinus lapis rotundetur in sphaeram, expoliaturque, concinnetur mox ferrum gracile, cujus longitudo par sit pilæ axi, idque

supra lapidem imponatur : nam se recipiet & insinuabitur super transeuntem lineam per austrialia , & borealia puncta. Signato lineæ situm super lapidem , levi tinctura : ex altera lapidis parte eadem operaberis , & ubi quieverit supra pilam , eandem lineam ducito , idem tertio , & quarto operaberis , in umbilico , ubi lineæ signatæ se decussabunt , coierintque , ea erunt puncta polaria. Poterimus & hoc artificio eandem invenire. Frange acum tenuem , partemque minorem supra eandem pilam ponito , & moveto eam , nam ubi ad præcisum punctum septentrionale pervenerit , erigitur illico acus non sine adstantium admiratione , & perpendicularis stabit super illud , & quousque non attolletur , eam moveri huc illuc ne pertædescat , nam ubi illud inveneris , invenisse non parum lætaberis .

CAPUT XXXVI.

Quomodo ferreus obelus nautica pyxidis confricetur.

SCIO nonnullos anxios torqueri , modum expectando , quo ferreus obelus in nautica pyxide magneti confricetur , ut se ad septentrionalem polum convertendi vim suscipiat. Quod fiet hoc pacto. Ubi puncta in lapide invenerimus , ut paulo ante diximus , levi mallei ictu puncta percutiuntur , & tunc pilis loca rigeant , quibus si ferream acum perfricabis , illico virtutem nanciscitur se ad polos vertendi. Id tamen admonendum , quod si ferrum ad Boream verti desiderabis , australem lapidis partem admovendam esse , sed si ad Austrum , borealem adhibe : nam ubi liberum in æquilibrio steterit , ad prædictas cœli facies se convertet. Sed ut vehementius rem peragat , & præcisius suo fungatur officio , aliquas regulas adjungemus , quas docuisse non erit inopportunum. Si utramque lapidis partem malleo percutis , ut utraque ex parte pili inhorrescant , ut utrique ferrei obeli parti inhærescat , ferrum citius sua munera obibit. Præterea maxima est diligentia attendendum , postquam ferrum magneti adfricatum pilos receperit , nullo alio ferro vel magnete tangatur , imo ab his longe custodiatur , sed capsula claudatur , nam aliorum contracta inebriatur ferrum obfuscatque virtus , ut nunquam optime cœli partes ostendat :
ferrum.

ferrum enim intra orbem virtutis alterius magnetis, illius virtutem recipere jam diximus. Sit etiam obelus lapidi proportionalis, nam si magnes parvus, ferrum vero magnum, non magnam utique poterit virtutem recipere, nec polum ostendere, contra nec parvum ferri corpus capax magnæ virtutis esse poterit; ingenti enim vi magnetis absumitur. Præterea cuspis polum ostensura non acuta, sed planiuscula sit oportet, ut optime magnetis particulas illas recipiat, teneatque, in cuspide enim præacuta vix pars aliqua inhærebit. Ferrum quo defæciatius fuerit, eo tenacius virtutem recipiet, difficile enim sordido, & rubiginoso se immiscuerit, ex hoc nautæ ex puro chalybe conficiunt, quum chalybs sit ex purgato ferro. Si hæc observaveris, semel adfricatum ferrum, vim etiam per centum annos retinebit, & perspicue sine falso per id tempus certissimas cœli facies demonstrabit.

CAPUT XXXVII.

De variis nauticarum pyxidum usibus.

NEc solum ad polos demonstrandos nautico usui suam præstat opem ferreus obelus in pyxide, sed ferre ad infinitos, quos per hominum ora volitare nemo non cognoscit, nos aliquos principes attingemus. Maxime cognitus est usus magnetis in ferreis obelis in sciotericis horologiis. nam eis quiescentibus, stratum linam ostendit illico à Septentrione ad Austrum, unde à gnomone cadentes umbræ diurnas horas demonstrabunt. Utuntur & magnetino indice metallici in venarum extensionibus; nam subterraneis in specubus, in quo situ index, qui magnetem tetigerit, steterit, ab ea cœli parte extendantur metallorum venæ, cognoscunt. Præterea iis, qui ædificiorum ichnographias, immo civitatum, immo regionum describunt, mirificum ministrat usum, dum situs anguli capiuntur, & in papyrum transferuntur. Utimur præterea in aquis ducendis, in aquæductibus, qui sub terra excavantur, in antris perforandis. In excavandis cuniculis, in quibus immissis tormentarii pulveris cumulis, & obstructis spiramentis, ad excidendas ab imo arces, rupes, & mœnia ingeniosissime utuntur: iter ostendente pyxide.

Tandem dirigendis bellici tormenti ictibus, noctu, diuque strenuam præstat opem, & alia quæ longum esset recensere.

CAPUT XXXVIII.

Quomodo mundi longitudo magnetis ope possit vestigari.

NON ramen omitemus inter præcipuos magnetis usus, posse mundi longitudinem ejus ope pervestigare, quod insigne facinus multorum, & præstantissimorum virorum ingenia divexavit: Animadversum jam diu à nostris est, ferream cuspidem magneti adfrictam, non semper super meridianam lineam conquirere, sed Orientem versus novem gradibus ab ea linea declinare, nec ubique locorum eundem situm servare, sed variis diversisque in locis varias ostendere declinationes. Sed is error hunc ordinem sequi videtur, quod quanto propinquior Orienti fuerit, tanto magis versus Orientem ab ipsa meridianam lineam deviet, & quanto Occidentem versus porrexeris, eo ad Occidentem ferrea cuspis verget. Nam meridianam lineam inveniundo: ut Ptolemæus & alii Geometræ docent, & in ea cuspidem erigendo, ut super umbilicum ferreus obelus libere versetur, in Italia à linea meridianam per novem gradus Orientem versus declinat, ex iis, quibus quarta circuli nonaginta constat, ut in sciotericis horologiis, quæ ex Germania deferuntur, jam adnotatum, & descriptum est. Traditur præterea à viris peregrinationibus insignibus, in Fortunatis insulis unam esse, quæ Assoras dicitur, in qua ferrum pyxidi impositum, vere super meridianam lineam quiescit. Observant etiam navigantes versus occidentales Indias cuspidem in pyxide versus Occidentem nutare. His igitur pro veris constitutis, facile possumus Mundi longitudinem cognoscere: nam si pyxidem inusitatæ magnitudinis faciemus, circiter decem pedum diametri, & gradus, & minuta in subtiliores partes subdividemus, & sub æquatore navigando præcipuos motus ubeli observabimus, & declinationes, & ad itinerum proportionem accommodabimus, facile longitudinem Mundi à Fortunatis insulis incipientem cognoscemus, unde illico & latitudo, & longitudo

tudo & nocte intempeſta, & maximis cœli tempeſtatibus facile nobis innotescunt. Falſum eſt igitur, quod a Cardano traditur, ferrum in pyxide à meridiana linea declinare, quia ad ſtellam polarem inclinatur à cauda urſæ, quum inclinatio ferri novem gradibus declinet, nec polaris inclinatio tanta eſt.

CAPUT XXXIX.

Navigatoria pyxide manente, & lapide ſe movente, aut contra in contrarias partes ſe moveri.

SI magnes ſuper tabulam ſteterit, ac borealem ferri partem navigatoriæ pyxididis admoveris aſtrali lapidis parti, idque ad dextram movendo circundabis, ferreus ad ſiniſtram trahetur, at movendo pyxidem ad ſiniſtram, retrocedet ferrum ad dextram, & tandiu elongatur, uſque donec medium ſitum nanciſcatur inter oppoſita illa duo puncta. Idem eveniet umbratili horologio: ſi eo manente, ac magnete circumducto, nam ſi ad dextram declinabis, ferrum eandem ſequetur partem, ſi ad ſiniſtram itidem. Hinc patet ferrum pyxididis à ſeptentrionali polo trahi: nam Orientem verſus iter facientes, ad Orientem vertitur, ſic contra ad Occidentem, ad idem cœli punctum nutabit: & ſi magnes circumvolvatur, & ferrum circumvolvatur, ut circinus circa ſuum centrum.

CAPUT XL.

Magnetem contrariam vim ſuo ferro tribuere.

NUNC de ferro à magnete conſpecto ſermonem habebimus, & de miris ejus operationibus. Quarum prima hæc, quod ubi ferro à ſeptentrionali magnetis parte conſpectum fuerit, & in æquilibrio poſitum, ſi eandem admoveris partem, quæ ei vires conciliavit, horret, expellit, & deturbat eam, contrariamque & oppoſitam partem ad ſe trahit, videlicet aſtrinam, cujus rationem jam ſupra diximus. Idem evenit, ſi ferrum ex aſtrina parte tetigeris magnetis: nam ſi eam ipſam illico opponas, reſpuit à ſe illam, & attrahet æquilonarem: unde ſimiles facies inimicæ & adverſantes reſpiciuntur,

diffimiles amico consortio conciliantur. Clarum est igitur magnetem contrariam vim suæ faciei ferro tribuere. Et ferrum secum vim recipit non contactæ faciei magnetis. Idque tali argumento innotescit. Duas acus accipito, & naviculis accommodato, vel filis pendentibus si magnetem contactæ liberæ relinquantur, sibi mutuo contrariantur, amplexanturque iis partibus, quæ ex contrariis magnetis contactæ fuerant, & horrebunt similes.

CAPUT XLI.

Binae acus magneti hærentes, contrarias vires nanciscuntur.

NARRABIMUS & rem admiratione dignam, etsi ratio à suis principiis non longe abeat. Si binas acus lapidi admoveas simul, & unitæ parti, alix partes propendentes à magnetem, se invicem horrent, & fugiunt, & si manibus coire coges, ubi reliqueris, illico ad sua loca redibunt, se elongando quantum potuerint. Cujus ratio est. Quod si binæ uno magnetis puncto septentrionali adhæserint verticibus suis, australem virtutem recepisse censendum est, & cum similes facies sint, se ultro horrebunt, & quia magneti alligatæ aufugere nequeunt, majori vi coactæ, at partes ferri oppositæ, quia utraque similes sunt boreales necesse est se mutuo fugiant, & quia liberiores sunt, altera ab altera dissociabitur. Immo dum ita pendulæ sunt, si australem partem alterius magnetis admoveris, illico fugiunt, & ita elongari satagunt, ut interdum avelantur à magnetem ab invisibili spiritu propulsæ.

CAPUT XLII.

Quod facies trahentis ferri ferrum propellat ex situ diversitate.

QUOD de solo magnetem diximus, de ferro à magnetem contacto dicendum venit: nam si acum magnetem contactam in naviculam posuerimus, in aqua natantem, vel filo suspensam, aut in æquilibrio: si supra ferrum magnetem contactum posuerimus, illud trahemus, eademque pars, quæ supra ferrum accersivit, si infra admoveas, illud fugabit. & pars quæ supra fugaverat, infra ad se trahet, ubi adnotandum contraria situm operari.

CAP.

CAPUT XLIII.

*Ferrum ex una parte à magnete contactum vim non
semper ex utraque parte recipit.*

SI ferrum in uno extremo à magnete tangetur, in ea parte vim recipit, & in altero extremo contrariam. Sed id non absolute intelligendum, sed in eo ferro, quod proportionatæ fuerit longitudinis: nam si longiusculum fuerit, vis ad alterum extremum non perveniet, sed si scire percipimus quousque virtus illa pervenerit, sciendum quousque orbis pervenerit, ut diximus. Unde si orbis ille radiorum pedalis fuerit, ad pedem vis illa protenditur in ferro. Quod si hujus rei periculum facere volueris: Tangatur magnete longiusculum ferrum trium pedum ex una parte, si ex altera ferrum tetigeris, tactum ferrum non movebitur à suo loco, sed si ad pedem tetigerimus, vel ad duos, videlicet quousque virtus orbis nota pertigerit, & ferrum tetigerimus, illico, rapietur, & movebitur.

CAPUT XLIV.

*Ferrum in medio à magnete tactum, vim per
extrema diffundit.*

SI ferrum justo longius aliquantulum fuerit, illudque in medio sui lapide contingemus, lapidis partis vires ad extrema diffunduntur, sed obscuriusculæ, nam utra sit ignorabitur, ac si paulo remotiuscule à medio contactus fuerit, propinquior pars tangentis partis vires fortietur, borealis, vel australis.

CAPUT XLV.

*Ferreum anulum à magnete contactum utrasque
vires surripere,*

AT si ferreum anulum ex una parte magneti adfricabimus, tunc contacta pars magnetis vires partis contrahet, & adversa contrariat, & ob id ferrei anuli medietas, non nisi dimidiatæ virtutis illius capax erit, ac si rectum fuisset, at si stylum in anuli formam efformabimus, & pars commissuris opposita magneti adfricetur, & ad-

friſta in rectum extendatur, extrema eandem virtutem recipient, aut ſeptentrionalem, aut australem. Sed paulatim virtus illa languescens, paulo post temporis ſiet ſeptentrionalis, & altera australis, aut plus receptæ virtutis accipiet, fortasse ubi longius à puncto tetigerit. At si ex his ferrea anulorum catena in aëre vis suspendatur, postquam unus anulus, ex una partē magneti contactus in oppositam partem vim recipit, poterimus anulorum catenam in aëre pendulam ostentare, ut lapidum. Unde si ex ordine anuli supra tabulam accommodentur; ut se invicem tangerant, etsi inter eos nullus adsit nexus, admoto magnetē non solum primus trahetur, sed alter, & tertius, ut anulorum catena pendere videatur. Nec solum si magnes primum tangeret, reliqui sequuntur, sed si lapis propius adsit, idem operabitur sine contactu.

CAPUT XLVI.

Ferrea lamina in medio contacta, vim ad extrema diffundit.

QUOD de ferro longiusculo diximus, idem de ferrea lamina dicendum, nam si eam in medio tetigeris, quemadmodum à centro ad circumferentiam Solis radii, vel candelæ diffunduntur, ita ex contactus puncto virtus ad extrema diffatur. At si ferream pilam tetigerimus, quum virtus languescat, circa contactum in superficie sparsam vim sentiret aliquis, sed in extremis languescentem.

CAPUT XLVII.

Scobs ferrea quomodo vim recipiat.

FERREAM scobem si in papyrum convolutam posuerimus, quomodo seplasiarii efformare solent in conum, magnetem ei propius admoverimus, tota simul universa scobs eandem vim recipit, ac longum trahit ferrum, eique vim conciliat, ut integro ferro, at si scobem agitas, & iterum papyro impones, vis illa confunditur, & disperditur, & nil operatur, ac si contactum non fuerit ex multorum acinorum discrepantia.

CAP.

CAPUT XLVIII.

Utrum magnetis virtus allio impediatur.

NUNC ad alias magnetis proprietates pertranseundum, & primo utrum magnes in attrahendo impedimentum aliquod recipiat. Plutarchus inquit. Maximus illi cum magnete dissensus, quem vocant antipathiam, tantumque inter has res furdas, & sensu carentes odium, ut ferrum abigat à sese. si fricetur allio lapis. Idem confirmat Ptolemæus magnetem non trahere ferrum, si linatur allio, sicut succinum non allicit amplius ad se paleas, nec levissima quæque, si prius oleo macerentur. Vulgata est sententia inter nautas, quod cæpæ, & allia adversentur magneti, & qui tali muneri incumbunt, scilicet navigatoriæ cartæ & pyxidi, ab esu cæparum, alliorumque arcantur, ne index poli inebrietur. Sed quum hæc omnia experirer, falsa reperi: nam non solum flatus, & ructus alliorum magnetem a suo trahendi munere non distrahebant, sed totus allii succo perunctus, ita priores functiones obibat, ac si nunquam allio perunctus fuisset, & fere nulla, ne dicam minima differentia notabatur, ne videremur antiquorum conatus tam irritos reddere. Deinde quum famam percontarer, utrum ab observatione pyxididis, qui cæpas & allia ederint, expellerentur, responderunt, aniles fabellas & ridicula relata esse, & quod ejusmodi homines prius fere vita, quam ab esu allii, & cæpæ se possent abstinere.

CAPUT XLIX.

Quomodo ebrius magnes ad suum officium redeat.

SI ebrius magnes fuerit, & à sui officii functione longius abibit, non, ut diximus, allii & cæpæ flatu, sed potius ex aliis partibus magnetis contractus, & obsoleta, languidaque virtus evanuisse, hoc modo vegetam, & pristinam virtutem reddi cogemus, sepeliendo illud in ferrea scobe per multos dies, quousque ex ferri consortio, vel halitu recte suo fungatur munere.

CA-

QUAMPLURIMI sunt, & disertissimi viri, qui magnetis vires augere tentarunt, idque variis modis, ut vegetiores virtutes nactus, maximis usibus utiles esse posset. Alexander Aphrodiseus in suorum problematum principio quærit, qua de causa lapis, qui magnes vocatus est, ferrum solum attrahit, ferrique ramentis nutritur, vel juvatur, quasi diceret, magnes ferrum trahit, quia illis nutritur, & res quanto plus nutritur, eo vegetior redditur, ob id ferri ramentis fieri, ut validior reddatur. Sed quum ego id experiri vellem, magnetinum lapidem constituti ponderis accepi, eumque in ferream scobem non ignoti ponderis consepelivi, dumque ibi per multos menses reliquisset, lapidem majoris ponderis, scobem minoris reperiri, sed differentia tam exigua erat, ut etiam sim dubius veritatis, quum magni esset ponderis lapis, & ferri scobs, ut in libra insensibilem declinationem facerent. Paracelsus alio modo id efficere conatus est, distillationis artis non ignarus. dicit enim: Si quis ignitum lapidem in ferri oleum pluries extingueret, paulatim vires resumere, ac in tantum excrecere, ut clavum parieti infixum facile eveleret, quæ res quum mihi arrideret, in ferri oleo ignitum extinxi & cognovi, non solum vires non assumpsisse, sed prorsus suas amisisse, & veritus, ne opus optime exequutus essem, pluries expertus, novi falsitatem, & detestandam descripsisse, nam ignitus magnes vires amittit, ut posterius dicemus.

CAPUT LI.

Ut magnes vires amittat.

EGO ipse hunc modum solum verissimum inveni ex multis, qui à scriptoribus traduntur, magnetem flagrantibus carbonibus cumulando: nam ignitus illico vim amittit, visiturque spiritus cœrulei nigri coloris, ceu sulphurei, tetri odoris, ceu carbonum, & quum vapor ipse, & flamma exhalare desierit, ex igne exemptus vim omnem expiravit, ac animam illam semper causam existimavi ferri atra-

ri attractionis, quum ferrum imperfecti sulphuris constet, ut ex Gebro, & aliis, qui de metallicis scribunt, causa inquam sit, ut tam rapide ad illud currat, & tantopere eo frui gaudeat. & eo vapore expirato, omni tunc prorsus vigore denudatus est, & ubi semel virtutem illam amiserit, jam cadaver, frustra tentatur denuo vivificari.

CAPUT LII.

Quomodo ferrum magnete contactum vires amittat.

EODEM hoc ipso modo, quo magnes, ita & ferrum suas vires amittit: nam & si optime vires à magnete receperit, ubi ignitum ipsum fuerit, virtutem etiam amittit. Nec ratio deest: nam, sicut diximus, pars illa magnetis ferro adhærens, quum igne vires deperdit, ferrum ea spoliatum, etiam suas vires amittit. Unde in pyxide nautica, vel aliis usibus, quum ferrum aliorum contactibus inebriatum est, nec legitimas vires possidet, ut illud ab hac imperfectiōe liberemus, igni adhibemus. Hinc multorum error proditur, qui quando ferream acum in pyxide accommodant, ipsam prius ignescunt, & calefaciunt, & post magneti adfricant, putantes vim magnetis sic vehementius attrahere, sed non solum contraria faciunt, sed adeo magnetem irritum reddunt: ut ne suo muneri fungendo quidem valeat, sed vis ea è ferro igne exterminatur, remanet faciei virtus, quam prius ante magnetis contactum habuerat. Unde quotiescunque vis ea igne exterminatur, possumus novo contactu eandem virtutem ei conciliare.

CAPUT LIII.

Falsum esse adamantem magnetis vires impedire.

DIXIMUS fabulosum, ac falsum esse perunctum alio magnetem vires amittere: sed longe falsissimum est, vires ejus adamantis præsentia torpescere, ac hebetari. Inquiunt enim inter magnetem, & adamantem adeo dissidentes, & contrarias qualitates, sive dissimilitudines esse, & ita mutua naturarum odia exercere, cæcæque flagrare discordia, ut admoto adamante, vires tanquam ab inimi-

inimico impeditæ, quasi suis muneribus defunctæ essent, inimicoque hoc concursu elanguescere, ut silens torpeat. Plinius. Adamas dissidet cum magnete in tantum, ut juxta positum ferrum non patiatur abstrahi, aut si magnes apprehenderit, rapiat, atque auferat. Divus Augustinus. Quid de isto magnete legerim, dicam. Quomodo juxta eum ponitur adamas, non rapit ferrum, & si jam rapuerit, ut ei appropinquaverit, mox remittitur. Marbodeus de adamante.

Omnibus æqua tamen vis est adducere ferrum,

Quod facit & magnes absente potens adamante.

Nam præsens adamas, magneti. quod rapit aufert.

Quod ego quum pluries expertus essem, vanum repperi, nec tantillum veritatis respiciebat. Sed multi sunt literatores, apud me ignari, ineptique semper habiti, semper antiquos scriptores conciliare nitentes, & mendacia excusare, nec prævident, quam magnum Reipublicæ literariæ damnum ingerant: nam recentiores horum fundamentis innixi, vera illa putantes, addunt, commentantur, aliaque ex his deducunt experimenta, & quum falsis principiis innixa sint. falsissima depromunt, cæcus cæcum ducit, & ambo in foveam cadunt. Veritas ab omnibus investiganda, diligenda, & profitenda est, nec antiquorum, aut doctorum autoritas homines avertere debet, quin veritatem ubique fateantur. Sed redeamus, unde conciliantium istorum ignavia me distraxerat. Experiendo frustulum magnetis accepi, quod vix quatuor grana pendebat, ferri scobem ei tenacissime affixi, inde adamantem admovi, qui utriusque magnitudinem ter, quater superabat; cujus præsentia magnes ferrum non abjecit, ferream scobem mox ab eo distraxi, ac justo intervallo disjunxi, & etiam adamante præserte ad se rapuit, hæc ideo dixi, ne putarent isti me in ejus exploratione falsum esse, ac magnetem viginti, aut triginta librarum accepisse, ac unciale ferrum adhæsisse, deinde pusillum adamantem appropinquasse, dum hujus rei periculum facerem.

CAPUT LIV:

Hircinum sanguinem magnetem non liberare ab adamantis beneficio.

DIXIMUS ex falsis principiis falsissima provenire, superius jam dictum est magnetem allio perunctum, vim ferrum trahendi amittere, & præsentem adamantem, raptum ferrum deponere, aut non rapere, sed quia hircinum sanguinem adamantem frangere dicunt, ob id magnetem ejusmodi sanguine illitum vim recuperare. Cassianus in Geoponicis Græcis. Magnes lapis ferrum ad se trahit, rursusque abigit à sese, si allio confricetur, sed ut extincta fere vis reviviscat, ac recreetur, hircino sanguine proluitur. Rhennius Dionisii interpres.

Quem minime valeat ferrum superare, nec ignis,

Frangitur hircino maceratus sanguine tantum,

Sed tepido, fractis multis incudibus ante,

Hic juxta positus magnetem viribus arcet,

Occlusus raptum ferri, vel tractibus ante

Admotum inde trahit descendens robore miro,

Marbodeus de eodem.

Cujus durities solidissima cedere nescit,

Ferrum contemnens, nulloque domabilis igne,

Hæc tamen hircino calefacta cruore fatiscit,

Incudis damno percussorumque labore.

Quum igitur antipathia sit inter magnetem & adamantem & eandem inter adamantem & sanguinem hircinum & magnetem sympathia est, ex hoc igitur argumento devenit, ut quum virtus magnetis hebescit, aut adamantis præsentia, aut allii foetore, si hircino sanguine proluatur, vires pristinas & vegetiores recuperare, quæ omnia explorata falsissima sunt; nam nec adamantis ea est durities, quæ prædicatur, cum ferro, & igni etiam modico cedat, nec hircino sanguine mollescit, ac camelino, aut asinino, & gemmarum nostri hæc fabulosa, & ridicula habent. nec deperdita magnetis virtus hirci sanguine recuperatur, hæc omnia diximus, ut ostenderemus ex falsis principiis falsas consequentias nasci.

CAPUT LV.

Ferrum adamante tactum volvitur ad septentrionem.

SED hoc verissimum est, quod casu ad invenimus, dum periclitaremur an adamanti vires essent, magnetem suo occursum debilitandi, ut diximus; nam si supra adamantem ferream acum adfricaverimus, dein in cymbula, vel paleam infixum, vel filo suspensum accommodaverimus, illico ad Septentrionem volvitur, ut fere ferrum à magnete contactum, vel aliquantulum languidius. Immo quod est notatu dignum, obversa pars, ut magnes ipse, ad Meridiem ferrum abigit, & quum id in quampluribus obelis ferreis experiremur in aquis immisissis, omnes sibi æquidistantes mutuo Aquilonem ostendebant. Quod si, qui magnetem adamantis facie debilitari scripserunt, hæc scripsissent, veriora pronunciaissent; nam acum adamanti adfricatum, & paleam infixum, aquis inditum, ut libere verti possit, circumvolutum digito, ubi quieverit, ad Aquilonem se recipit, vertice suo illud demonstrans.

CAPUT LVI.

Vires, & remedia magnetis.

EX hac magnetis mirabili attrahendi operatione, multa commentati sunt majores nostri, multaque remedia deduxerunt, quæ non admodum inscite, nec sine ratione notata. Ex vi hac mirabili inquam raptrice, & allectrice ferri, & magnetis, ut se mutuo raptant, Veneris ei intellectum tribuerunt, ac alter alterum amore prosequi, nec insanus amor discutitur, nisi alter alterius complexibus frueretur: dein cum terga obvertunt, se odio prosequi, horrore expellique se invicem viderent, etiam in co-semina odii contineri. Ex his Marbodeus.

Conciliare potest uxoribus ipsa maritos,

Et vice conversa nuptas revocare maritis:

Nam qui scire cupit sua num sit adultera conjux,

Suppositum capiti lapidis stertentis adaptet.

Mox quæ casta mæmet, petit amplexura maritum,

Non

Non tamen exiguus, cadit omnis adultera lecto,

Tanquam pulsa manu, subito fœtore coacta,

Quem lapis emittit celati criminis index.

Et ob id majores ad id innuendum Venerem sæpius in magnete insculpebant, ac magnetino lapide figurabant. Unde Claudianus.

„Venerem magnetica gemma figurat.

Memini præterea plerosque antiquorum dixisse, si magnes tritus fuerit, & super prunas ardentes per domus angulos aspersus, ut fumus in altum evolet, protinus fugient morantes in ea, nam domus corruere videtur, hisque phantasmatibus territi, relictis omnibus, domo fugiunt, & hoc artificio fures omnia subripere possunt. Marbo-deus.

Si fur claustra domus spoliis, gazisque referta,

Ingrediens prunas ardentes per loca ponat,

Et supra ponat magnetis fragmina prunis,

Vt per tetragonum fumi vapor alta vaporet,

Mentibus everfis veluti impendenter ruina,

Diffugiunt omnes in ea quicunque manebunt,

Et fur securus rapiet, quacunque libebit.

Cujus ratio est. quod magnes melancholicus est, ut ex colore conjicitur, cujus vapores hausti, & ad cerebrum delati, dormientibus terribilia, & melancholica phantasmata inducunt, idem efficere solent carbones. Ponderis davis cum sepo serpentis, & succo urticæ, si alicui datum fuerit ad potandum, dementes reddit, eumque ex gente, patria, habitatione, ac regione sua fugat, hæc operatur, atram melancholiam exaggerando. Vel qui ore habuerint eum, lunaticos & melancholicos efficiet. Et ferri abstractione Medici opinati sunt ad extrahendum sagittæ ferrum ex humano corpore magnetem valere.

Utimur autem magnete in vitro conficiendo. Plinius. Post vitri originem ut est astuta, & ingeniosa solertia, non fuit contenta nitrum miscuisse, cœptus addi & magnes lapis, quoniam in se liquorem vitri quoque in ferrum trahere creditur. Hinc vero in conficiendo vitro adjicitur magnetis particula, certe singularis illa vis nostris etiam

etiam temporibus æque ac priscis, ita in se liquorem vitri trahere creditur, ut ad se ferrum allicit, tractum autem purgat, & ex viridi, vel luteo candidum facit, sed magnetem postea ignis consumit, ex Agricola. Legimus & capiti admotum magnetem dolores omnes auferre. Galenus purgatorias vires habere dicit. propter quod hydro-picis in potu datur, & omnem humorem e ventre educit. Non omitteremus tandem Hadriani in suis quæstionibus errorem de magnete. inquit enim, ferrum sua gravitate nihil magneti ponderis adjicere: nam ferunt naturales, si magnes aliquis fortis in libra appensus fuerit, & post ad se attraxerit ferrum, nil ultra ponderis, quam antea ex solo magnete, jam ex ferro & magnete simul erit. ita quasi absorpta, & ab effectu movendi gravitas ferri virtute magnetis impedita erit. Quod falsum repperimus. Simile irridetur ab Aristophane de villico supra asellum sedente, aratrum super humeros gestante, dicente, asellum aratri gravitatem non sentire, quum vis ejus animæ pondus illud sustineret.

LIBER OCTAVUS,

Experimenta continet medica.

P R O O E M I U M.



ONSTITVERAMVS omittere sequentia hæc medica experimenta, quum de iis affutim universo Phytognomonicorum opere pertractatum esset, nec omisimus, quod certi, & occulti de re illa haberemus. nisi quedam, quæ ad eam normam redigi non poterant. Et si alia quoque distillationis libro describentur, ne tandem hic locus Medicinæ vacuus relinqueretur, sententiam mutare, & aliqua huc asferre decrevimus.

CAPUT I.

De soporiferis medicamentis.

VT ordinate, quæ diximus, describamus experimenta, a morbis, qui capiti occurrunt, incipere constituimus. & primo a somno: nam satis anxie inter arcana hypnotica secreta requiruntur, maximæque apud Medicos sunt existimationis, ludificando per somnum aliquorum dolores. Nec minus apud Duces, & Imperatores militum, quum hostibus stratagemata moluntur. Soporifera hæc medicamenta ex maxime frigidis, & humidis constant. Plutarchus in Sympotiacis somnum a frigiditate fieri dicit, & ob id hypnotica pharmaca plurimam habere vim *ψυκτικόν*. Docebimus primo

Mandragora somnum inducere.

Dioscorides eos homines procinus dormituros eo habitu dicit, quo mandragoram hauserunt, ereptis omnibus sensibus in ternas, quaternasque, à quo potionati sunt, horas, & hac uti Medicos quum urere, aut secare quem volunt. Et mandragoram produnt viri periti viribus adnatam, transmittere in illas potestatem somnificam, ut vinum ex eis bibentes facilius, procliviusque in soporem collabatur. Hic mandragoræ historias relatu non injucundas referemus ex authoribus stratagematum. Iulius Frontinus refert. Annibal missus à Carthaginensibus adversus rebellantes Afros, quum sciret gentem esse avidam vini, magnū eis modum mandragoræ permiscuit, cujus inter venenum & soporem media vis est, tunc prælio levi commissio, ex industria cessit, nocte deinde intempesta, relictis intra castra quibusdam sarcinis, & omni vino infecto sugam simulavit, quumque Barbari occupatis castris in gaudium effusi medicatum merū avide hausissent, ac in defunctorum modū strati jacerent, reversus cepit eos, ac trucidavit. Polyænus idem. Et Caesar versus Nicomediam navigans juxta Maleam à latronibus Cilicibus captus est, qui quum magnam mercedem pro ejus liberatione peterent, ille dupli-

duplicem summam promisit. Appulerunt ad Miletum, homines extra mœnia accurrebant. Cæsar Epicratem Milesium servum mittit ad Milesios, rogans, ut sibi pecunias mutuo darent, qui eas confestim miserunt. Epicrates mandatum habens à Cæsare, ut cum pecuniis magnum convivii apparatus, & hydriam plenam ensibus, vinumque mandragoræ mistum. Cæsar duplicatam latronibus pecuniæ summam numeravit, eisque convivium apposuit: illi exultantes pecuniarum multitudine, largiter genio indulgebant, & vinum infectum bibentes, in soporem incidebant. Cæsar dormientes interficere jussit, statimque pecunias Milesiis reddidit. Demosthenes demonstrare volens, quod, qui velut aspide somniculosa icti, minus desides sunt, ac quodammodo à sensu diffiti, ut excitari non queant, ait, consimiles hominibus videntur, qui mandragoram biberint. Plinius folia olfactu somnum asferre dixit. Possumus idem

Somnificum medicamentum ex solano

Conficere, nam hypnoticon ob effectum cognominant, cujus cortex in vino potus drachmæ pondere somnificam vim obtinet, sed blandam, & mitem. Solanum vero manicum ignorare videtur recens ætas, quippe in ejus descriptione Dioscorides sibi constare non videtur: sed meo judicio (ut alibi diximus) duas eo loco plantas describit stramonium Fuchsi, & herbam vulgo vocatam *bella donna*, quarum vires mire somnificæ sunt; nam & aquas sine odore, & sapore conficiunt, somnum inducentes, ut dolus detegi nequeat, nam parva ex eo quantitas exhiberi debet: quum ego aquam modo quodam parassem, & amico imposuissem in quibusdam usibus non nisi drachmam exhiberet, ille unciam propinavit, jacuit potor, quatr duo sine cibo, & motu, ut ab omnibus mortuus judicaretur, nec ullis conatibus expergisci poterat, digestis vaporibus experrectus est, etsi mortem ex immodico usu Dioscorides minetur. Modum iniquis celamus, probis apparet. Fit quoque

Somniferum ex papavere,

Ex eo eclegma fit soporiferum. Inciduntur capita decussando

sando tenui manus libramento, ne penetret intus plaga, erumpentem lachrimam subjectus unguis in mytulam corripit, & digressi haud multo post redeunt, quod fluxit è vulnere coalitum inventuri. Sed Thebaicum optimum. Idem de hyoscyamo dicendum, & de cicuta. Ex his omnibus possumus

Pomum somnificum conficere.

Constat enim opio, mandragora, cicuta succo, hyoscyami seminibus, hisque moschum additur, ut odore illicitum olitorem feriat, in pilam conglobato, quantum pugno quis comprehendat, hoc sæpius odorando lumina somno demulcet, ac ligat. Tandem mirus tradetur

Modus, quo quis dormiens soporiferum medicamentum hauriat.

Sed quæ diximus facile quis cognoscet post somnum se à medicamento male mulctatum, & secum suspicionem asferunt. Sed ex quampluribus dictorum quinta essentia extrahitur somniferis menstruis. hoc plumbeis vasculis clauditur, sed optime operculatis, ne minimam auram expirent, nam evanesceret medicamentum. Utendi tempore amoto operculo, dormienti naribus admoventur, subtilissimamque vim halitus haurit olfactu, itaque sensus arcem obsidet, ut profundissimo demergatur somno, non nisi maximo conatu experrecturus. Post somnum nulla capitis gravedo remanet, nec doli suspicio. Hæc solerti medico clara sunt, impio obscura.

C A P U T I I.

Quomodo homines per diem dementari possint.

POST soporifera medicamenta dicemus, quæ homines mente alienatos reddant, cognata res: eadem enim plantæ quæ somnum inducunt, si paulo plus propinentur, dementant, sed non quæ id perpetuo operentur, docebimus. sed quæ nos jucundo spectaculo per diem demulceri possint, & post ludum nulla remanet noxa, & incipiemus à

Man-

Mandragora mentem alienare

Quomodo possit. Diximus ex parva sapor, & plusculo infania, sed largo ex potu mors contrahitur. Morion si drachma propinetur infatuare dicit Dioscorides. Nos id faciliter fecimus vino: quod his constat. Mandragoræ radices accipito, in mustum adhuc fervens, & in bullas tumens demittito, operculum indito, aptoque loco servetur binis mensibus, quum eo indigueris, potui dabis, qui id hauserit, ubi multum profundo fuerit demersus somno, mente capitur, ut per diem non parum deliret, ac post somnum solvitur dementia, nec damnum affert, multumque fuerit voluptuosum videre: periclitamini. Poterimus eodem modo

Solano manico dementare.

Stramonium diximus, cujus semina jam arida macerata in vino per noctem, ac drachma propinata in cyatho vini, sed rite data, ne hominem offendant, post aliquas horas dementat, ut mirabiles visiones potori ostendat, jucundas, horribiles, & varias, ut vis: solvitur dementia post somnum, nec mali aliquid infert, si, ut diximus, recte administratum fuerit. Possumus & ejus semine in pulverem redacto, obsonia condire, subtiliter super ea spargendo, quantum tribus digitis prehendere poteris. Per diem satis jucunde insanire facit. Sed venefica vis tollitur soluta post somnum, vel tactis temporibus, & pulsibus aceto, ac limonum succo. Possumus & aliter

Aliena solani specie idem efficere,

Quam herbam vulgo *bella donna* nuncupari diximus; hæc omnino pessima, cujus radice sicca drachma inter alia hoc habet speciminis, quod homines dementat innoxie, ut nil jucundius sit tale spectaculum videre, tam deliras ineptias, & visiones, quæ etiam solvitur post somnum, sed interdum cibum capere recusant. Hoc tamen præmonemus has omnes radices assumptas, vel semina, ut diximus, jucundas imagines obversari bibentibus facit, & si aliquid pluscum propinaveris, excessum hunc mentis in triduum retinebit, sed quadruplicatum mortem quoque afferet. Unde caute cum his pro-

procedendum. Erat amicus, qui quoties libuisset, aliis spectantibus poterat

*Hominem reddere, ut sibi persuaderet in
avem mutari*

Quamcunque, vel animal, & insanias ad libitum producebat: nam potionato quodam medicamento, nunc videbatur ipsum se in piscem mutatum, atque jactis brachiis in solo natabat, & nunc resilire, nunc vero submergi videbatur; alterum vero in anserem conversum, & ore herbas convellebat, ac dentibus terram percutiebat, ut anser, nunc vero canebat, nitebaturque alas movere. Hoc autem faciebat supra dictis plantis, nec ab his hyoscyamum secludebat, extractis per sua menstrua essentiis, admiscebatque iis, de eorum artubus, corde, cerebro, & aliis. Memini dum illa juvenis experiret in contubernaliis, eorum insania versabatur circa ea, quæ prius comederant, & ex cibi qualitate imagines obversabantur. Unus qui bovinam carnem multam ingurgitaverat, non nisi boves in imaginibus obversantes videbat, ab eis cornibus impeti, & alia ejusmodi. Potionato etiam quodam medicamento vir in terra projicitur, atque ut submersurus brachia & pedes movebat, nitebaturque à morte eripere: ubi autem vis medicamenti obsolescit, quasi qui è mari evaserit, naufragus capillum & vestimenta comprimebat, ut inde aquam exprimeret, anhelabatque quasi maximo sui labore à maximo periculo evasisset, hæc & complura visu jucundiora facit curiosus investigator; sat fuerit modum attigisse.

C A P U T III.

Somnia clara, obscura, jucunda, meticulosaque inducere.

NUNC quomodo insomnia læta, vel tristia, & vera induci possint, docere tentabimus. Sed ut rem certius efficere sciamus, non obfuerit causas prius cognoscere. Cibus ex concoctione (quod pro explorato haberi debet) tabescit, & in vaporem solvitur, quem caliditate juncta, in leve desciscere par est, quumque natura in

P

sublim

sub ime feratur , aliquatenus attolli , & in cerebrum per venas redundare, ubi cerebrum perpetuo obrigens frigore , ad instar nubium generationis , ut in majori mundo visitur, sic humilem , & nebulascentem , sic intestina reciprocatione denuo ad cor defertur , principis sensus domicilium: interim caput opplet, gravedinosum reddit, ut profundo demergatur somno. Unde imagines descendentes, aliorum vaporum occursum, interpolantur , ut præposteræ monstruosæque videantur, idque in noctis conticinio. Si vero in matutino, ubi excrementitius, sæculentusque sanguis à puro & frugi discretus , & ipse refrigit , & deferbit , meracæ absolutæque visiones demonstrantur , & gratæ. Non ergo irrationabile duximus, quum immoderato tumefacta potu virtus sopita langueat, tum ex natura edulii vapores attolluntur, tum ex iis, quæ corpore abundant : in somno exultari, & immoderate jactari, ut diversa incendia, tenebræ, grandines, putredines ex flava, atraque bili , frigido , putridoque humore. Sic aliquem trucidari, vel impie cruentari, sanguinis abundantiam habere , immo temperiei ejusdem præfiguram elici posse , Hippocrati & Galeno placet, unde cibis vescentes flatuosis, eorum vi salebrosæ imagines monstruosæque , quæ iidem attolluntur : si tenuis, modicæque exhalationis, gratis animam exhilarant simulacris. Sic etiam extrinsecus applicando simplicia , secum illius rei phantasmata infecta sensuum principi deferent. Arteriæ enim nostri corporis , inquit Galenus , ad se intus quodcunque trahunt , proxime circumdant eas, dum continuo dilatantur. Confer & jecur perungere : nam à ventriculo sursum evaporando permeat sanguis ad jecur , à jecinore ad cor subito, sic reciprocantes tinguntur vapores, ejusdem coloris imagines referentes. Ut non minus pervigiles , quam soporantes lætemur, en-

Somnia hilaria excitandi ratio.

Cœnæ summo , quum cubitum pergimus , si mandimus , melissophyllon , quam alii citraginem vocant , consopiti variis illudimur imaginibus, quibus lætiores non percu- peret animus, agros, viridaria, arbores , flores , prata , ac deni-

denique terram omnem in virorem conversam , umbro-
sis operculis opacatam , ac denique oculos circumlu-
strando , vernat undique mundus, & arridet. Facit eos-
dem buglosson , ac seriola , populneæ frondes idem ope-
rantur , unde unguentum populneum his succedit. At si
querimus

Somnia obscura, & tumultuosa,

Fabas edimus , & ideo à Pythagoreis abominantur , quæ
talita pariant insomnia. Phaseli , quos præcipue smilaces
hortenses vocant , tales pariunt ; lentes, capæ, allia, por-
ra, sic smilax lævis, doryenium, pienocomum, vinum ru-
brum novum , hæc insomnia ingerunt , in quibus phan-
tasmata deluxata, laceffita, tortuosa, & turbida. Sic per
aëra delatus, maria, fluentaque transare videbit, casus,
mortem, tempestatum sævitiam, imbres decidere, & nu-
bilos dies videre, Solis fulgorem infuscari, cælum hye-
mare, ac non nisi meticulosa omnia demonstrari. Sic præ-
dicta loca illinendo fuligine, vel omni adusto, oleoque
(quod ideo addimus, ut penetrandi vim medicamentum
adsciscit) ignes, incendia, fulgetra, coruscationes, & o-
mnia tenebris involuta. Hæc sufficere videntur, quia quo-
modo vera fieri possint libro Phytognomonicorum decla-
ravimus.

C A P U T IV.

Aliqua ad oculos præstantissima remedia.

QUUM oculis olim nos laboraremus, & jam visus usque
privati, & à præstantissimis medicis habitis dereli-
cti, accessit empyricus quidam, qui aquam hanc oculis
imponendo, eodem die, ne dicam hora, sanitati restituit.
Muneribus, precibus, dolo, ære nacti sumus secretum.
Hic tradere non pigebit, ut quisque ex voto uti possit.
Usus ad inflammationes, lippitudines, nebulas, fistulas,
& hujusmodi, & si non eodem, altero saltem die persanat.
Si omnes, quos integræ sanitati restituerimus, recensere
velimus, nimis prolixiores essemus. Sumito igitur vini
græci vulgo dicti phialas duas, rosarum albarum aquæ di-
tillatæ selibram, aquæ chelidoniz uncias binas, scænicu-

lorum, euphragiæ, & rutæ tantundem, tutiæ sexunciam, garyophyllorum indicorum tantundem, sacchari candi rosati drachmam, caphuræ sesquidrachmam, aloes tantundem. Tutia hoc modo præparatur. Igniatur, & sexies extinguitur in aqua rosacea cum vino græco remissa, sed aqua postremo ejiciatur: terenda terantur tenuissime, & cum aquis remisceantur. Aloe hoc modo aquis concorporatur, quum inhabilis sit pulverationi, indatur mortario cum aliquantulo aquæ jam descriptæ, seduloque agitetur, quatenus in aquam abeat, & strigmenti modo coeat, idque donec aquæ remisceatur, reliquis addatur. In vitreum vas indatur, operculatum, & lutatum ne exhalet, sub dio Solibus, & roribus exponito diebus quadraginta, ter, quater in die remiscendo, agitandoque, sic demum insolata reponitur, promenda usu. Utemur hoc modo

Ad inflammationes, lippitudines & fistulas.

Jaceat in lecto æger supinus, & injecta intra apertos oculos aquæ lachryma, vel gutta, claudat, referetque oculos infirmus, ut per oculorum cavitates intrusa aqua, per oculum diffundatur: Id bis, terve in die, & curabitur. Hoc vero modo utemur ad

Oculorum nebulas

Si nebulæ fuerint supra, vel infra corneam, conficito pulverem ex saccharo cado rosato, alumine combusto, & sepiæ osse: sed tenuissime contusum, & succretum incerniculo, ut tactum effugiat, & quum cubitum pergit, supra oculum pauxillum hujus pulveris asperges, mox aquæ guttam extillabis, oculos claudito, & dormito, nam citissime diluetur.

C A P U T V.

Ad dentes confirmandos.

NI tandem præstantius in universa medicinali sylva hoc ad dentes remedio reperire potuimus, aqua enim per gingivarum fissuras penetrans, usque ad dentium nervulos pervenit, eosque roborat, & confirmat, insuper & si exesi fuerint, carne replet, & convestit eos. Præterea

terea albidos, nitidos, & ut uniones dentes splendentes reddit. Seio virum hoc solo remedio quam plurimas sibi opes comparasse. Sumito igitur, salviæ, urticæ, rorismarini, malvæ, & corticum radicum juglandis bene lotorum, contusorumque manipulos tres, itidem florum salviæ rorismarini, olivæ, & plantaginis foliorum tantundem, hypocistidis, marrubii, & summitatum rubi manipulos duos, florum myrti libram, seminum dimidiam, rosarum nondum dehiscensium cum suis stipitibus manipulos duos, sandalorum, coriannorum præparatorum, corticum citri drachmas duas, pulveris cinnamomi tres, nuceş cupressi decem, pineas virides quinque, boli armeni orientalis, & mastichis duas drachmas. Terantur omnia, & vino nigro austero infundantur, triduo macerentur, & leviter expresso vino in vitreum alembicum imponantur, lentoque igne extillet aqua, quæ cum duabus unciiis aluminis ebulliat, ore cooperto, dum in aqua dissolvatur. Ubi ea utilibuerit, suge plusculum aquæ, ac in ore agitato, & volutato, quousque vertatur in salivam, projice tunc, & lintheo perfrica dentes: nam quæ spondimus, perficiet, scilicet dentes roborat, & circumscarsificatas gingivas carne convestiet. Nunc alia trademus experimenta

Ad dentes stabiliendos.

Macerentur lentisfei frondes, rorismarini, salviæ, & rubi in vino græco vocato, mox levi igne per retortam extillabis, cujus haustus per os revolutus, quousque in salivam abeat, dentes corroborat, & gingivas carne replet, & in albat. Tollit dolorem dentium pyrethri radix contusa, & dentibus indita, idemque præstat & hyoscyami. Ad dentium *αιμωδιαν* experti sumus portulacam, sæpius decantatam.

Ad tumentes gingivas

Contunduntur radices & frondes plantaginis, & admoventur supra tumores, quam cubitum pergis, mane exicatas reperies.

CAPUT VI.

Ad humani corporis aliquas infirmitates tollendas.

CONGEREMUS hoc capite remedia aliqua, non prætereunda, quæ continuo periculo facta, vera novimus, et si usitata aliqua, tamen vera. Et primo

Ad capitis dolorem.

Extrahitur è rosis quoddam esse sanguinei coloris, sed miri odoris, & strenuæ potentix. Madescant lintea ejus liquore, fronti, & temporibus imponantur, continuo experimento nobis comprobatum, & si diurnos non tollit aliquando, lenit tam. Si resiccescant, & adhuc dolor viget, iterum humectare ne tædeat. Multoties quoque opihitem lapidem, vulgo *serpentinum*, capiti admovimus, & tolli, & leniri novimus. Vertiginem aboleri vidimus admoto alces ungue, & anulo in manu gestato in perperuum tolli. Valent

Ad labiorum scissuras

Hyoscyami semina, nam flagrantibus prunis injecta, si furrigens vapor per infundibulum papyraceum labiorum fissuris excipiatur, adeo calens, ut vix sufferre valeat, sedatur illico tumor, glutinanturque scissuræ, nunquam amplius redivivæ. Nunc trademus

Ad digitorum reduvias

Mirabile experimentum, quod à Paracelso didicimus, verum ex multiplici experimento cognitum, tollit enim illico tumorem, dolorem, & unguem curat. Tollite terrestrem lumbricum, qui è terris erumpit, præcipue assidua stilla madentibus, si ibi enim rimeris effodiasque, facile invenies, sed vivum, & eo digitum circumdabis, tantisper tenendo, donec moriatur, quod intra horam succedit, & sedatur illico dolor, pus exiccatur, & brevissime sanatur, nec mirabilius ex tot, tantisque remediis cognovi. Nec minus potens remedium

Ad pleuritidem

Inveni, quod foliis florum sylvestris papaveris conficitur. Colliguntur flores papaveris dicti Majo mense, ante Solis ortum, priusquam hiscant, nam tenuia folia quum sint, vel

vel facillime levi vi caloris exiccantur, labunturque, in umbra siccantur; reponunturque ad usum. Vel stillentur flores, & servetur aqua. Unde si quis ex vino sumpserit pulverem drachmæ pondere, vel quantum argenteum numum contumulare poterit, cum sua aqua, aut per se sola aqua, aut emplastrum ex pulvere loco applicabis, sedatur illico dolor, non sine altantium stupore. Idem operatur scobs ligni quercini visci ex vino pota. Assertur quoque ex India occidentali lapis hispanice *della hijada* dictus, ut smaragdi plasma, qui brachio gestatus ex argento, amuletum huius morbi prædicatur. Vidimus.

Ad colicum dolorem

Maxime præstare *Zibetum* dictum: nam umbilico litum, ciceris quantitatis, & supra lituram panis, ex clibano calens detractus appositus, & supra eum incubando, prius quam frigesceret panis, dolor sedatur. Maxime salutaris

Ad scroti tineas

Pulvis est, qui ex strigilibus excidit, dum equisones equorum, & id genus jumentorum sordes expoliunt; abraduntque, nam sanat sine dolore. Vel lithargyri pulvis, aloes, thuris, æruginis, confusa & remissa omnia cum oleo lentiscino, & inuncta. Inter omnes hydrargyri præcipitanti pulvis impositus præstantissimus. Hæc potissima cognovimus.

Ad deturbandos calculos.

Ex saxifragia hircina, adianto, helxine, petrapio, bibinella, & cetarach aquam ex balneo stillabis, & intercalatis diebus calculoso propinabis, nam calculos, quamvis magnos, exedet corroditque, quotidiana experientia videbis in urina harenulas, & exesa lapidis fragmenta. Præterea mori fructus & folia ante Solem collecta, distillata, vel in umbra exiccata, si ex vino, vel propria aqua bibantur mane, mire ad deturbandos calculos valet. Fungos ex lapi natos in pulverem redigimus, vel umbra exiccatos, vel repenti clibano, & mane ex vino haustos mirum in modum ad calculos valere novimus. Si tundantur semina, quæ in persici osse concluduntur, & macerentur bi-

duo in aqua distillata per balneum siliquarum fabæ , ac mox denuo distillantur, potu calculos deſiciunt. Troglo- dyten passerem Aëtii , maxime valere novimus adversus vesicæ , & renum calculos. Ea avicularum omnium minima est , juxta sepes versatur, caudam fert erectam, in summo alarum lineamenta cinerei coloris habet , volatus brevis , tandem regulo similis , vim supra omnia sortitus est contra calculum , ut crudus, excoctusque cibo exceptus, vel exiccatus, aut sale conditus, vel quocunque modo assumptus, etiam in pulverem redactus, ollis clausus, operculatus , & litus ne spiritum exhalet , ignique impositus. Aquam etiam experti sumus contra hunc morbum ex quadam vena à Vitruvio descripta, quam quum curiosius conquissemus & reperissemus, valde lætati sumus, Verba Vitruvii sunt. Idem sunt nonnullæ acidæ venæ fontium, uti Lyncesto , & in Italia virena Campana Theano , aliisque locis pluribus, quæ hanc habent virtutem , uti calculos in vesicis , qui nascuntur in corporibus hominum positionibus discutiant. Fieri autem hoc naturaliter ita ideo videtur, quod acer, & acidus succus subest in ea terra, per quam egredientes venæ intinguntur acritudine , & ita quum in corpus inierunt , dissipant quæ ex aquarum subsidencia in corporibus, & concreſcentia offenderunt. Quare autem discutiantur ex acidis hæc res, sic possumus animadvertere. Omni in aceto si ovum diutius positum fuerit, cortex ejus mollescet , & dissolvetur. Item plumbum quod est lentissimum , & gravissimum , si in vase collocatum fuerit, & in eo acetum suffusum, id autem opertum, & oblitum si erit , efficitur uti plumbum dissolvatur , & fiat cerussa. Eisdem rationibus æs , quod etiam solidiore est natura , similiter curatum si fuerit , dissipabitur & fiet ærugo. Item margaritæ , non minus saxo siliciæ , quas neque ferrum, neque ignis potest per se dissolvere, quum ab igni sunt percalefacta, aceto sparso dissiliunt, & dissolvuntur. Ergo quum has res ante oculos ita fieri videamus , ratiocinemur iisdem rationibus ex acidis propter acritudinem succi, etiam calculosos natura rerum similiter posse curari. Hactenus Vitruvius. Locus ubi vena est , hodie dicitur vulgo *Francolise* , à Theano miliare distans ,

stans , decurrit per viam , qua itur Romam. Nec omittimus oleum

Ad confirmandum stomachum

Mirabile , auget concoctionem , & nauseabundum sedat. Oleum ita paratur. Semisextarium olei perfectissimi affunditur in vas æneum , stanno sublitum , patuli oris , mox contunduntur in marmorea pila ligneo pistillo , Romanæ menthæ libræ quindecim , sed vehementer , usque donec ad unguinis formam deventum sit , tantundem adde menthæ , & absinthii , & in oleum indito , rude miscero , versatoque , sed vase operculato , ne sordes externæ aliquæ adjiciantur , triduo , ut commadeant. finito , mox lento igni decoquas quotidie quinque horis , idque quindenis diebus repetendum . usque adeo quo subjecta olei natura infusarum herbarum vim in se trahat : herbas mox , & oleum per lineum pannum percolato , prælo , vel manibus , ut purum oleum exprimas. In oleum primo expressum alias herbas recenter concisas addimus , denuo coquimus , subindeque premimus , eademque observari in tertiam molitionem etiam conveniet , & quotiens id innovamus , semper eandem operam impendemus , dum oleum viridem colorem contraxerit : Sed separare succum ab oleo magna cura oportet . enim vero si quid in eo vel minimum substiterit , & oleum effœtæ erit operationis , & totus modus deperit , argumentum optimæ decoctionis , & absorptionis humiditatis erit , si gutta super ignitam laminam instillata , non stridet. Tandem libram cinnamomi , sexlibram niticum myristicarum , tantundem mastiches , & spicæ nardi , & tertiam garyophyllorum partem separatim contrēs , & per incerniculum trajectas in oleum remiscebis . lignea rudicula remiscendo . Omne igitur in vas testaceum vitro sublitum condito , sed longo præditum collo , ut recte claudi , & operculari possit , capacitatis tantæ , ut tertia pars vasis inanis relinquatur. Quindecim diebus in sole contineatur , ter , quater in die remiscendo , agitandoque , demum ad usum reponito.

CAPUT VII.

Ut mulier concipiat.

MULTA circumferuntur remedia, quia maxime à magnatibus expetuntur, ut quæ diu steterat sterilis mulier, concipiat. Antiqui ad conceptionem salviæ prædicabant, & in Copto Ægyptii post sævas pestilentias, ab his, qui superfuert, ad eum succum bibendum mulieres coactas fuisse, ut conciperent pluries, & fœtus ederent. Sal etiam optime genituræ consulit, nam non solum Venerem titillat, sed fœcunditatem præstat. Ægyptii suos canes ad coitum inertes salsamentis alacriores ad Venerem reddunt. Argumento est quoque fœcunditatis, quod naves maritimæ, Plutarcho teste, tam immensa murium prole, & fœcunditate onerantur, nec desunt qui feminas mures absque masculi coitu, solo salisinctu concipere affirmant. Et salsamentariz mulieres incontinenter pruriunt, & spectatz sunt fœcunditatis. Ob id Poëtæ Venerem ἀλυσὴν ex sale, vel mari natam finxerunt, Ægyptique sacerdotes, eodem Plutarcho authore, à sale, & salis eduliis religiose se abstinere, quum illa tentiginem, & libidinem excitent. Nos vero tale probavimus, & optimum reperimus.

Remedium ad concipiendum.

Ubi menstrua fluere desierint, tollito recens natum ovum, coquito, moschum remisceto pondere grani frumentacei, quum cubitum pergit, absorbeat. Mane vero novæ ollæ veteres fabas, saltem quinquennales inditæ, & aqua diu bulliant, & cubili surgens mulier fumum recipiat, veluti per infundibulum in muliebribus, per horæ spatium: mox haustis duobus ovis sorbilibus, in lectum redeat, ac calidis linteis madorem exiccet, & abigat, & cum suo viro coeat, quiescat, deinde duo ovorum albumina cum bolo armeno, ac draconis sanguine permisceat, ac lini stupam in eis madefaciat, & renibus applicet, & quia difficile hæret, fasciis constringenda est libertas decidendi, mox surgat è cubili, noctu vero idem emplastrum innover.

Quum.

Quum vero somnus irrepit, in ore zingiber versat. Idque novem diebus exequatur.

CAPUT VIII.

Ad contagiosam veneream luem remedia.

QUUM ejusmodi morbus adeo sæviter in humanum genus grassaretur, multa ingenio, & experientia conquisita sunt præstantissima remedia, ut huic morbo occurramus. Et quum multa à multis describantur, hoc tamen nos uno solo contenti erimus, quod non in hoc tantum morbo, sed fere omnibus uti poterimus, & quamplurima ex eo vidimus experimenta. Facile paratur, facileque ab ægro assumitur. Sumo guaiaci ligni scobis libram unam, falsæ parillæ tenuiter tussæ dimidiam, senæ frondium, & folliculorum uncias quinque, agrimonix & equiseti manipulum unum, cinnamomi drachmam, tantundem garyophyllorum, nucem myristicam unam: terantur omnia, & in doliolum conjiciantur, quod viginti amphoras vini *graci* vocati optimi capiat macerentur per diem, illoq; in prandio & cœna utatur æger ad libitum: nam sensim purgando omne malum curat, præter veneream luem. Si expurgatione debilitatur æger, aliquos dies intercalabit. Ætatis tempore ab impositione cinnamomi abstinebit, & myristicæ nucis. Nos ad diuturnos capitis dolores, aurium surditatem, vocis hebetudinem, & infinitos alios morbos usi sumus. Est quædam

Præservatio à Venerea contagione,

Qua quis post infelices congressus uti poterit. Sumito aristolochiæ, & gentianæ drachmam unam, sandalorum ligni aloes scrupulos duos, pulveris corallorum, spodii, cornu cervini usti semidrachmam, foliorum sonchi scordii, betonicæ, scabiosæ, tormentillæ manipulum unum, rosarum tantundem, scobis guaiaci duas, squamæ æris duas, hydrargyri præcipitati sesquidrachmam, vini malvatici libram, aquarum sonchi, scabiosæ duas. Misceto vinum & aquas, & in eis imposito guajaci scobem per diem, mox reliqua, & decoquito usque ad consumptionem medietatis, coletur, decoctum exprimatur, & in eo

liquore madefcat per noctem linteum, sicceturque in umbra: idque ter repetat, post coitum ablue glandem, imposito frustulum lintei, ac præputium integito.

CAPUT IX.

Adversus venena antidota.

VULGATUM est Medicorum dogma, herbas, lapides, aliave serpentum faucibus injecta, quæ eos trucidant, antidorum esse contra eorum venenum. Præcipue apud Dioscoridem legimus de anchusa onochilo, quæ valde efficax adversus serpentes constat, manducata si inspauatur, mori serpentem. Unde nos semidrachmam theriacæ, vel mithridatii cum aqua vitæ remissa in os viperæ ingessimus, & semihora expiravit, hanc eandem aquaticum serpentem, quem vulgo *cervonem* vocant, ingurgitare coegimus, etsi aliquantulum stupidus jacuisset, nil tandem mali passus est. Igitur oleum ex seminibus citrii, & arancii, vel limonis expressimus, & in serpentis faucibus instillavimus, & quamprimum interit. Præterea drachma succi radice angelicæ intra horam occidit. Balsamum, quod vocant ex occidentalibus Indiis allatum, præcipue contra eos valet, nam quum eo fauces, & os livissemus, dimidix horæ spatio interierunt. Orientale datum delibutorio veneno, aut ictui serpentum præsentem esse remedio Aetius inquit. In Arabia ubi nascitur, omnis veneni timor abest, neque morsu quispiam extinguitur, sed tanquam pretiosissimum unguentum pastis serpentibus, læthalis veneni noxa in mitiorem conditionem se convertit. Sed nil præstantius invenimus, quam terram insulæ Melitæ: nam tantillum pulveris in os injectum, citissime interficit. Ejusdem fere virtutis experti sumus lithoxylon, quo Medici utuntur pro vermibus infantum. Sed est borax, sive chelonites, Galli crapodinam vocant, quem inveniri ajunt in capite bufonis senis, & magni, quem si quis, eo vivo, detraxerit, contra venena valere dicunt. Ajunt eximi viventibus puniceo in panno, cujus colore plurimum oblectantur, atque dum ipsi feriando relaxant se, capitis onus deponunt, id mox in subjectam cistam è medio

medio foramine collabitur, alioquin eum resorbet. Sed qui eum extraxerit, neminem veridicum reperi, nec cum multos dilaniassem, reperire unquam potui. Id tamen pro vero affirmo, quos è rubetis extractos, dicunt, minerales esse, memini enim Romæ vidisse lapidis frustum magnum, quod ex multis aliis lapillis constabat, adhærebatque dorso, ut lepades scopulis, diversæ quantitatis parvi, & magni. Sed virtus vera est, si quis eum cum veneno glutierit innoxium ab ea servat, circuit enim cum veneno, ejusque vires hebetat, inefficaces reddit, & irritas. Sed perfectissimum trademus

Oleum contra omne venenum,

Et ad retundendam eorum violentiam pluries expertum. Accipito vetustissimi olei libras tres, in eo florum hyperici duos manipulos macerandos imposito per mensem in Sole, dein expressis foliis, exemptisque in oleum denovo effunduntur unciz binz florum ejusdem herbæ, & per diei quadrantem, balneo tepentis aquæ ebullire sinas, exemptum vas bene obstitant, ne sit qua interspiret, & ad insolandum quindecim diebus expones. Iulio mense ternas seminis uncias contunde leniter, & mergito in phialas duas optimi vini albi, cum gentianæ, tormentillæ, dictami albi, zedoariæ, carlinæ Augusto mense collectarum. sandalorum rubeorum, aristolochiæ longæ ex æquo drachmis duabus: hæc omnia triduo macerari finito in eo, exempta in oleum imposito & senis horis decoquatur leniter in balneo, mox per torculum premantur: Oleo addatur unica croci, myrrhæ, aloes epaticæ, spicæ nardi, rhabbarbari, omnia bene contusa, ut per diem cum oleo ebulliant in balneo: Tandem adde theriacæ, mithridatii ex æquo uncias binas, & senis etiam horis balneo ebulliant, tandem quadraginta diebus in Sole contineantur. Ufus ejus hujusmodi. Pestis tempore, aut suspecti veneni, unge stomachum, & pulsus, & locum supra cor, sorbe tres guttas ex mero, & mira operabitur.

CAPUT X.

Adversus pestem præcautiones & antidota.

DI X I M U S de venenis, nunc de peste, cognata re, & cui eisdem remediis fere occurri possit. Describemus tantum illa, quæ nostris temporibus à Bruciis experta sunt, Siculis & Venetis (dum his locis pestis grassaretur) pestilentiz populatim grassantis contagiis unice adversarii, & corpora ab lue vindicare. Describenda est primum

Confectio garyophyllorum florum adversus pestem.

Et mira ejus operatio. Majo Mense garyophylli flores colligantur, rubicundi & flagrantissimi coloris, quia vehementioris virtutis sunt, à viridi calice eximito folia, & forficibus unguis rescindito, & marmoreo mortario, ligneoque pistillo tandiu contundes, quoad tactum effugiant, interea saccharum decoquatur, pro singulis frondium libris, ternæ sacchari indantur in pelvim æneam, liquescant, & bulliant paucissima aqua, quam fieri poterit è floribus aranciorum stillatitia, ut cito absumatur, donec ad debitam coctionem deducatur, albuminis ovi agitati justum modum, quod & bullitioni, & despumationi suffecturum sit, affundunt, agitando, & scopulis tumidas albuminis spumas detergendo, donec sordes omnes despumando sint exemptæ, tunc affusis foliorum contusorum ponderibus, ligneo rutabulo agitentur, donec sanguineum colorem assequantur. Quum coctioni propinqui sumus, addantur garyophyllorum Indicorum in tenuissimum pulverem contusorum, cum pauxillo moscho drachmæ duæ, quæ amica societate odorem & gratiam florum addant, & exuscitent, inde fistilibus vasculis indantur, serventurque, si aliquas limonum succi guttas addes, vividior sanguineo colore placebunt. Possumus & supra frigidum marmor projiciendo misturam in rhombos, vel rotundas placentulas efformare. Si quis id præstantiori modo efficere voluerit, extrahatur aqua florum color, eoque diluto saccharum decoquatur, nam fragrantius spirabit.

bit. Sunt qui florum folia non contendant, sed forficibus in tenuissimos capillos secant & saccharo condiant, sed gustus gratiam non ineunt. Hæc confectio maximam cum palato inicit gratiam, maximeque fragrantissimo garyophyllorum odore placebit. Vires, quas experti sumus, hæc sunt. Præstat ad omnes cordis affectus, scilicet animi deliquium, & cordis tremorem, ad vertigines, ad venena, & venenosorum animalium ictus, & præcipue adversus pestilentiæ contagia. Fit ex eis acetum, & dilutum, quo si quis nares mane fricaverit, utilis contagiosæ auræ arcendæ, nocturnis distillationibus, & melancholicis effectibus. Valet & hoc remedium

Contra pestem,

Menſe Majo corymbos hederæ legas, & sylvestria papavera ante Solis ortum, ne dehiscant, Aprili galegam, sive rutam caprariam, umbra exiccentur, & convertantur in pulverem, cujus drachma ex vino hausta contra morbi contagia valet. Lapis bezoar ex Indiis occidentalibus adlatus, appensus collo, ut pendeat juxta cor, vel pulvis ex vino propinatus pondere quatuor granorum, & contra pestis, & pestilentialium febrium contagia prævalet, ut novimus: & sincopem tollit, & cordi hilaritatem conciliat. Aqua, vel oleum extractum ex citri seminibus vehementissimum antidotum contra pestem. Expertum quoque est Apparitii Hispani oleum adversus pestem præstantissimum.

C A P I T U L U M XI.

Ad vulnera, & plagas remedia.

SUPER SUNT aliqua ad vulnera & plagas remedia, quæ non omittentur, quum aliqua miræ operationis ex eis expertus fuerim. Primo ad vulnera, & quamplurima alia remedia describemus

Oleum Hispani.

Sumito novæ ceræ libras binas, salviæ uncias quaternas, seminis lini totidem, florum rorismarini, & seminis lauri binas, totidem betonicæ, florum chamæmeli,
vel

vel olei ternas, cinnamomi sesquiunciam, hiperici, vel ejus olei totidem, olei veteris binas. Exsiccentur flores & herbx in umbra, & ubi obaruerint, tundantur. & cribro tusa incernantur. Liquefcat igni cera, dein oleum affunditur, mox pulveres, semper rudicula permiscendo; tandem supra marmor projicito, & in parva frustra secato, & vitreo vase obrorto, & luto paleato munito, igni accommodetur cum suo receptaculo, commissuras obstipa, adempto interclusis omni spiramento. ne vis deolet, evanescatque. Primo lento igne aqua excipitur, mox aucto, oleum rubrum separatis vasis recipies, & operculatis reconde ad usus. Vis ejus excalesfactoria, collum, quod frigidityte obriguerit, proluendo sanat, vulnera illitu consolidat, nervorum contractionibus ex frigido succurrit, frigidas podagras lenit, manuum tremores tollit, ad ischiadas propinatur, haustum ex vino anginx fert opem, pubem & renes perungendo, vel aquam, & oleum ex vino haustum calculos frangit, & deturbat. & hebetat venenum. Aurium surditati, inditur auribus lana peruncta, illinuntur renes, & venter in eorum doloribus, ex aceto haustum comitialibus, & deperditæ memoriæ præstat, mulierum verenda linendo cit menstrua, vel ex vino aliquas guttas hauriendo, eodem modo cibi appetentiam provocat; summo mane sumendo, contra scorpionum morsus: quando quis cubitum pergit, aut quam primum surgit hauriens, cui anima foetet, præstat opem. Præterea

Ad frigidos dolores

Omnes compescendos, tollendosque, utpote; podagricos ischiadicos, nervorum morbos, convulsiones, arthriticos, frigidas defluxiones, aliosque morbos humidos, frigidosque præstantissimum est oleum ardenarum avium, olim Diomedearum. In Diomedeis enim insulis, quæ hodie vulgo *Termiti* vocantur, in Adriatico mari aves quædam sunt, vulgo *ardene* dictæ, nascuntur ibi, versanturque, nec alibi reperiri dicuntur, ex anatum specie, piscibus viventes, quos noctu venantur, carnes in cibum non veniunt, quum piscium virus oleant, immodice pinguescunt.

cunt. Aves interficiuntur, mox deplumatae, eviscerataeque pedibus suspenduntur, emittunt oleum quoddam crocei nigri coloris, sed odoris gravissimi, infestis, piscosique. Perunctum oleum, quantum quis sufferre valet, operatur, quae diximus & majora. Sed calidos effectus maxime laedit. Extat aqua

Ad veteres plagas.

Vivam calcem si aqua madefacies, & in eam dissolves, ter, quater in die remiscendo, post ubi resederit, & exclaruerit, decolabis, & servabis; in ea si lintea madescant, & plagis apponantur, curantur. Non omittemus, quas experti sumus,

virtutes tabaci herbae

Ocatæ, ex multis, quæ circumferuntur. Ex eorum seminibus exprimitur oleum, scilicet ex libra ternæ unciae proveniunt, quo diros podagræ cruciatus levavimus. Succus deputatus, excoctus in syrupum, mane ingestus, vocem concinnam, claram, & sonoram reddit, maxime iis commodus, qui phonaeco dant operam. Si frondes conterantur, extrahaturque ex eis succus, & eo puerorum capita perungantur, illico pediculi deperduntur. Ad crurum marcidas plagas, & ulcera manantia, sola apposita valent. Pulmones marini, vulgo *pilei* crystallini, pellucidi, si casu natantium scrotum tetigerint, intolerabili dolore excruciant, succus hujus herbae perlinitus, dolorem sedat, & citissime tollit.

C A P U T XII.

De secreto quidam ad vulnera remedio.

EXTANT quædam portiones, vulnerariæ dictæ: nam solo potu sanant, immo in eis mirabile quiddam apparet, quod portiones videntur per vulnera illabi. Sunt hæc autem

Potiones vulnerariae.

Sumito pirolæ, consolidæ aureæ, aristolochiæ, & parthenii manipulum unum æque ex omnibus, sed agrimoniam duos. Decoquantur omnia in optimo vino, & recenti: digerantur sub fimo equino. Vel pirolæ manipulos duos

duos, cyclaminis, & saniculæ unum, alchimillæ dimidium. Coquantur in duabus mensuris vini ex more, & mane & vespere in potu propinentur. herbas, quas elixasti, super vulnera ligabis, admitto pauco sale; & intesim aliis medicamentis ne utaris. Nec omittemus

Unguentum armarium,

Græcis ὀπόμεον dictum, olim à Paracelso Maximiliano Cæsari datum, & ab eodem expertum, maxime carum. ab eo habitum quamdiu vixit, ejus aulæ nobilis mihi communicavit. Si adlatum fuerit ferrum, quod sauciavit, aut lignum ejusdem sanguine madefactum, sanabitur æger, etiam si longe aberit. Cape usneæ, sive musci concreti in calvaria aëri derelicta, uncias binas, adipis humani totidem, mumia, sanguinis humani semiunciam, olei lini, terebinthinæ, boli armeni unciam, omnia simul mortario cetantur: in urna oblonga & angusta servantur. Immerge ferrum in unguentum, & ita relinquatur: æger mane sui ipsius urina eluat vulnus, nulloque addito deligetur, & sine dolore aliquo sanabitur.

C A P U T XIII.

Quomodo infirmitates simulari possint.

NON parum profuit aliquibus infirmitates simulasse, ut hostium manus aufugerent, aut parvo pretio redimerentur, aut tormentorum pœnas caverent, ab antiquis factitata, a recentioribus usu recepta. Docebimus

Sanguineum fluxum quomodo mentiatur.

Amphiretus Acantius captus à piratis, in Lemnum deductus, in vinculis conservabatur, prædonibus magnam pecuniarum vim redemptitiâ sperantibus. Ille à cibo abstinens, minium aqua salsa commistum bibit. Quum igitur alvum vacuaret, prædones existimantes in sanguinis fluxum incidisse, vinculis solverunt, ne ob morbum è vita decederet, atque ita ipsius speratæ pecuniæ perirent. Ille solutus, noctu aufugit, conscensaque navi piscatoria, Acantum pervenit. Ex Polixno. Indicæ ficus fructus, qui
moro-

mororum modo maturi manus inficiunt si comederis, sanguineam urinam reddunt, id quod multis terrorem incussit, credentes se illico esse perituros. Mororum fructus, vel sanguis porcinus coctus, & esus, stercus cruore tingit. Rubia tinctorum esu urinam cruentam exigit: ex Dioscoride. Legitur etiam, si quis manu eam habuerit diutius, urinam tingere. Docebimus etiam

Color pallidus quomodo inducatur.

Cuminum livorem, palloremque bibentibus gignit. Ita certe ferunt Portii Latronis clari inter magistros dicendi adsectatores similitudinem coloris studii contracti imitatos. Et paulo ante Iulium Vindicem adfertorem illum è Nerone libertatis, captione testamenti sic lenocinatum. Cumino etiam suffiuntur, qui facies suas exterminant, ut sanctitatem, & corporis macerationem adsimulent. Extat quoque experimentum, quo facile quis scire poterit

Plagæ quomodo inducantur.

Extat clematis, & flammula, intolerabilis acrimoniæ, ut merito flammulæ nomen sibi adsciverit. Contusæ & emplastratæ brevi temporis spatio exulcerant, & pustulas inducunt. Sunt & cantharides contusæ cum aqua forti remistæ, ampullas ciunt aqua plenas: his etiam herniæ inducuntur.

C A P U T XIV.

De fascinatione, & fascinationis amuleta:

IAM de fascinatione est differendum, quique effascinatores fuerint, nec silentio prætereundum: nam si nobis priscorum monumenta percurrere libeat, compariemus ejusmodi multa posteritati prodita jam esse, quum nova recentioris ævi eventa antiquæ famæ non prorsus vanæ suffragentur; nec historiis fidem derogare opus esse censui, si rei veras causas validis rationibus artare nequimus, præterea quum pleraque sint per investigationem penitus submoventia, quod autem ipse ex aliis opinionibus senserim, in medium explicandum duxi.

duxi, Multa apud Theocritum, & Virgilium reperies.
Unde

Nescio quis teneros oculus mihi fascinat agnos.

Isigonus, & Memphodorus in Africâ terra familias quasdam prædunt, voce & ligna effascinantes, quæ si impensius forte, quam liceat, admiratæ fuerint, vel laudarent pulchras arbores, lætiores segetes, infantes pleniores, egregios equos, pecudes pastu, vel cultu opimas, arescant, & emoriantur repente: hæc omnia nulli alii causæ obnoxia, quod Solinus quoque scriptum reliquit. Idem Isigonus Triballis, & Illyriis ejusdem generis esse, quæ pupillas binas in oculis habeant, atque visu exitialem effascinationem faciant, & interimant quos diutius intueantur, iratis præcipue oculis, tam nocenti sunt visu, & impuberes maxime noxam sentiunt. Hujusmodi foeminas in Scythia esse, quæ vocantur Bithiæ, tradit Apollonides. Philarchus in ponto Thibiorum genus alterum, multosque alios ejusdem naturæ, quorum notas dicit in oculo altero pupillam geminam, in altero vero equi effigiem esse, quorum meminit quoque Didymus. Nec dissimilis generis Damon prodidit pharmacum in Æthiopia, cujus sudor tabem contactis corporibus afferat, ac foeminas quoque omnes visu effascinare patet, quæ duplices pupillas habeant. Cicero quoque de iis scribit, sic Plutarchus, & Philarchus effascinatores gentes Palethebeorum Pontum incolentes, non pusionibus modo, quorum sit imbecillis natura, sed adultis, qui solido concretiori que constant corpore, pestilentes esse, & intuitu, soloque habitu in morbos languere quos perimant, & in tabem resolvant. Nec solum qui continuo, sed hospites, & qui eorum commercio alienissimi concutiuntur, tanta oculis vis, & fascinum, quanquam per contactum, & miscellam iniatur sæpe, per oculos tamen perficitur: ut sit exterminatio quædam spiritus per oculos ad fascinati cor deveniens, totumque insciens. Sic enim evenit, ut adolescens subtrili, claro, calido, dulci que sanguine præditus, tales de spiritus, quum à cordis calore à puriori sanguine exoriantur: quia levissimi in altiori corporis parte perveniunt, & per oculos procidunt, & jaculatur, qui maxi-

me

me foraminosi, venulenti sunt, omniumque partium nigrissimi, & cum spiritu ipso una vis quædam ignea radiis emittitur, ut rubentes oculos, & lippos spectantes obvios, simili cogantur laborare morbo: mihi que accidens detrimentum attulit: insicit enim aërem, qui infectus alium insicit, sic oculis proximus una secum vaporem corrupti sanguinis deferens, cujus contagione spectantis oculi rubore simili afficiuntur. Sic adimit lupus vocem, sic regulus vitam, qui aspectu venenum excitat, & radiis virulentos insigit ictus, cum speculo autem reciproco jaculatu in sui authorem retorquentur. Sic immundæ mulieris intuitum reformidat politum speculum, ut assert Aristoteles, ejusque aspectu sordescit, & fulgor hebetatur, quod evenit quia sanguineus vapor in speculi superficiem propter tersitudinem in unitatem coit, ut quadam eluviecula operiatur, & clare demonstretur, immo si novitium ægerrime elues, quod ideo in panno, vel saxo non evenit, quia in illo serpit, & in profundo descendit, in hoc vero ex partium inconcinnitate dissipatur. At speculum quia pertinax obstat, quia tersum, infractum reservat, quia frigidum coacto aëre guttulas gignit. Tali ferme pacto si in clarum vitrum respices, facies salivæ roris aspergine rigatur, atque una coiens in salivam relabitur, sic ex oculis radiorum profluvium, qui spirituum vehicula ad occurrentis oculos perveniens, transverberat, & percussi hominis interiora afficit, propriam quærens regionem, quum è corde exoriantur, sic ipsi in cordis marginibus coguntur in sanguinem, peregrinus hic sanguis, ab effascinati viri natura discordans, reliquum tabe conficit, unde ægrotat, eatenus contagione ipsa permanente, quatenus vis calidi sanguinis in membris viget, & quum sanguinis affectio sit, ex nunquam interpolari affligitur febris, quæ si in bili, vel pituita esset, per intervalla fortasse sedaretur.

Ut autem distinctius patecant omnia, id primo sciendum, duplicem apud authores fascinum reperiri, alterum amoris, invidiæ & malevolentiz alterum. Si vero pulchri desiderio, formæque concinnitatis fuerit desiderio irritum, quanquam eminus jaculetur, per oculos venenum hauri-

hauritur, & venustæ spectrum formæ amantis cordi refidet, igniculos succendit, unde semper affligi solet: Et quia ibi mollissimus amati sanguis vagatur, vultus repræsentat, sui que ipsius sanguine relucet, in se non quiescit, & sic ab eo trahitur, ut vulnerati sanguis in vulnerantem labitur. Recte hoc sic innuit Lucretius:

*Idque petit corpus, mens unde est fancia amore,
Namque omnes plerunque cadunt in vulnus: & illam
Emicat in partem sanguis, unde icimur ictu:
Et si cominus est, os tum ruber occupat humor.*

Si verò invidiæ, & malevolentia fuerit, quem tale virus infecerit, effascinatio noxia admodum, maximeque in vetulis reperitur. Nec valet aliquis inficiari, quin animo affecto male habeat corpus, animusque affectus corporis vires firmat, & potiores reddit, nec solum immutat corpus proprium, sed alienum reddit, & tanto id, quanto ardores interiores vindictæ, vel cupiditatis in corde cient. Nonne avaritia, mœror, vel amor, colores & habitus immutat? Invidia nonne corpus pallore insigni, & extrema induit macie? Nonne prægnantis aviditas inficit tenerum fœtum rei agnatæ nota? Sic ubi flagrant invidia oculos, & truces deflexerit, & perniciose nocendi cupido acius micat ex oculis, & intestinus ardor profiscitur ab eis, astantium corporibus, maxime speciosis malum inferunt, oculorum acies, uti telum transverberat, præcordia perurit, & maciei præbet causam, si cholericus, & sanguinei præsertim fuerint: nam pororum apertura, & humorum subtilitate facile depascitur morbus. Nec solum ex passione tale fit corpus, sed venenum humano reperiri posse corpore facile est, quod probat Avicenna: plerique tali sunt natura præditi, quod mirum videri non debet, si arte fieri posse sæpius visum est. Mittitur Alexandro ab Indorum Regina insignis speciei puella, serpentium veneno delibuta, & depasta, ut Aristoteles tradit, & Avicenna Ruffi testimonio scribit. Galenus autem alteram fuisse, quæ hyoscyamum impune sumeret, alia vero aconitum, ut nec gallina appropinquaret. Et frequenti ejus usu (ut ex antiquorum monumentis accipi-

cepimus) usque adeo innoxium præbuit se veneno Mithridates Ponti Rex, ut quum vellet veneno sibi mortem consciscere, ne se Romanis dederet, nullam ex assumpto veneno perceperit noxam. Gallinas anguim, & laceratorum carnibus obesas, vel tritico eorum jure decocto si accipitri glutindas dabis, accelerat pennarum defluuium; multaue præterea fiunt, quæ longum esset recensere. Sic plerique viri suapte natura sunt, qui tactu infirmitates aliquas curant, multi araneum, & oleandrum comedentes, serpentumque morsus floccifaciunt, nec rabem sentiunt, si similem sortiuntur naturam, quorum obtutus, vel emanans spiratio non homines solum, sed plantulas, herbas, cæteraque emaciat, ut exarescant penitus: & sæpe ubi ejusmodi animalia resident, arentes segetes, veneni participes factæ exiccata cernuntur, non nisi oculorum vi, & auræ cujusdam eructatione. Nonne mulieres mensium tempore cucumeres, & pepones tactu, visuque inficiunt, ut marcescant? nonne pueri innocentius viris, quam mulieribus tractantur? & plures fœminas, quam viros effascinatrices reperies, complexionis ratione, fortiori enim lapsu à temperamento decedunt, plurimisque noxiis vescuntur, ut singulis mensibus superfluitatibus expleantur, & sanguis ebulliat melancholicus. Unde vapores orti, sursum elati per oculos prolabantur, & astantibus venenum expirant & tali corpus explent. Unde sanguinei, ex parte quadam cholericæ, & qui oculos habent amplos, nitentes & glaucos, & caste vivunt (ne frequentî coitu humorum succus exhauriatur) qui frequentissimo intuitu, diutissima imaginatione, aciem aciei dirigat, radii radiis, & lumina luminibus jungantur, fortasse amorem accendere poterit. Sed cur ejus fascino, non aliorum detineatur, ex superiori, & ex hac videtur ratione. Evenit enim ex fascinantæ intentione, qui quidem per spiritus, siue vapores transmittitur ad maleficium, & spiritu illo affectus, ei similis afficitur: existente enim maxime in passione illa, & imaginativa virtute circa rem valde fixa, habitus diu permanens, spirituum habet obedientiam, & sanguinis: tunc exoptata re potest à virtutibus devinci, & inflammari.

mari. Quamquam animus (ut Avicennæ ascribitur, neque ab hac sententia illius abhorret autoritas) solo affectu, & imperio tales producere potest affectiones. Placet Musæo, quod amoris fundamenta oculus jaciatur, & præcipue ad amandum illicites sint: & ex aspectu amorem nasci dicit Diogenianus, ubi incognitam amari non posse dicit. Et tanquam prodigii loco Juvenalis de amante refert:

Qui nunquam visa flagrabat amore puella,

Nitidus enim oculorum obtutus visam ad insaniam compellit, amorisque allicitur per oculos rudimentum. Reliqua vero membra non sere dant causam, sed concitant, ut formæ lenocinio cernentem remorentur visis rebus lectum, & immorantem obtutu seriant, & ibi Cupidinem excubantem ajunt sua mittere tela, ut emissus ex oculis aculeus, in astantis oculos confugiat, ac præcordia perurat. Apulejus. Illi enim tui oculi per meos oculos ad intima delapsi, acerrimum meis medullis commovent incendium. Jam non parvam tribuimus quærentibus radicem, ni penitus, malæque mentis compos extiteris, multis corroborare poteris. Quod si aliquibus fortasse mirum fuerit, morbis perpensis, qui ex contagione eveniunt, uti pruritus, scabiem, lippitudinem, epidimiam, si tactu, visu, loquela, astantem inficiat, faciliq; tabem contrahat, cur amatoria contagio, morborum omnium gravissima pestis, non illico homines invadat, ac penitus consumat? Nec in aliis solum, sed in ipsos quoque relabatur, immissumque fascinum ipsi alliciunt. Veterum quoque scriptis proditur de Eutelida, qui refluxionibus, aquis, speculo, vel fonte resiliens, in videntem imaginem retorquentibus, sibi fascini perniciem intulit.

Author

*Ευτελί δ' αὖ ἀγ' Βηκαίρεν ἰδὼν ὀλόφρις αἴνης
Διὶ ἐνὶ ποταμῷ ἄδ' αὐπὶγα νοῦσος ἀδίκης.*

Adeo sibi pulcher visus est, ut eodem, quo alii ipse fascino deciderit, sic pristinum corporis habitum deperdidit, peculiarisque morbi pœnas dedit. Sic se proprio

pueri

pueri vitiant fascinatu, parentes vero veneficis, & fascinatoribus causam ascribunt. Nunc autem cape

Amoris alexiteria remedia,

Multa enim sunt, quæ prudens instituit vetustas. Si amoris fascinum amoliri conaberis, sic averruncabis: visum abstrahas, ne tuis aciem oculis adigat, neve lumina luminibus corpulentur, unde enim affici solet, inde causam amove, consuetudinem interpollatim remove, otium repelle, gravibus animum adhibe curis, sanguinem, sudorem, & excrementa omnino large ejicito, ut una noxia ejiciatur aura. Et contraria primis extant quoque. Nunc autem cape


Invidia fascini amuletum.

Si invidorum fuerit maleficio, illud sic nosces. Colorem deperdet, difficulter oculos elevat, semper inclinat, crebra jactat suspiria, cor angustiis cohibetur, nec signum conspicitur mali alicujus, lachrymas effundit falsas, & amaras. Ad ipsum exfascinandum: quia aer contagiosus, & contaminatus est, odorata suffimenta substituantur, ut aerem instaurent, nec minus aquis irrorando, cinnamomum, garyophyllos, ciperum, xilaloen, moschum, & ambarum. Ideo prisca ad hoc usque nostrum ævum se propagavit consuetudo, retinentque hoc mulieres, si noxam pueros contraxisse vident, ad expiandos thure eos suffumigant, & circumvolvunt: claro servantur aëre, ii pendeant è collo lapides, carbunculus, jacinthus, saphirus. Alissum in domo suspensum, rhamnum, & phu opiferum putat amuletum Dioscorides: hyssopum, & lilium odorato, anulus deferatur ex onagri, vel asini domestici ungula, satyrion, quæ orchis & fœmina dicitur. Rutam suo odore probat Aristoteles. Hæc omnia veneficiorum vires hebetant.

LIBER NONUS.


Qui mulieres fucat, & mangonizat.

P R O O E M I U M.

 U M Medicinam cosmetica consequatur, post illam de fucis, muliebribus ornamentis, à capite usque ad pedes quamplurima prosequemur. Sed ne aliquibus superracuum videretur his libris ea interponere, quæ ad mulierum decorem pertinent; optarem considerarent, non hæc nos scripsisse, ut genio & luxuria indulgerent, sed quum author universitatis Deus rerum naturas singulas perpetuo subsistere quæreret, masculum & sæminam procreavit, ut sæcunda propagatione nunquam desisteret futura soboles, & ut ad generationis actus mas compelleretur, sæminam mollem, delicatam, & pulchram formarit, ut harum illiciis, quasi coactus sollicitaretur. Nos igitur, ut conjuges suis viris placeant, & ne conjugum deformitate offensi, ad alienum cubile divertantur, mulieribus consulimus, quomodo formæ lenocinio, & mangonio, si nigras, squamosas, sædas, & deformes esse pudeat, albæ, læves, flavæ, & pulcherrimæ efficerentur. Aliqua, quæ ex antiquorum scriptis meliora videbantur, experti sumus, & huc adduximus, præstantiora nostra, & neotericorum inventa, nondum literis mandata, postremo addemus. Et primo à capillis incipiemus.

C A P U T I.

Flavi, vel aurei capelli quomodo tingantur.

 U M singulare mulierum studium sit capillos ornare, mox faciem; primo capillos, mox faciem decorabimus. Capillum enim maximum humani corporis ornamentum existimant, ut si ipsum tollatur, tota pulchritudo flaccescat, eoque præstantiorem existimant, quo flaventio-
tentio-

rentiorem, fulgoreque radiantiorē, consideranda sunt ad id opus, quæ maxime flava, & quæ capiti non obſint, ut pleraque ſunt, immo eligenda quæ conferunt. Sed ante quam tingas,

Præparatio capillorum

Docenda eſt, ut habiles ſint ad tincturam recipiendam. Albi vini ſœcibus tantum mellis adjectum ſit, quatenus tenerescant, & ſtrigmenti modo coeant; hoc illine capillum, illitum à vespere uſque ad mane eluitur. Radicum chelidonii, & rubiæ majoris pares portiones contunde, contuſas in oleo, in quo cuminum, buxi raſura, & parum croci concocta ſint, diligenter remiſceas, caput unge, & unctum maneat die, ac nocte, poſt cum lixivio lava, ex cineribus caulium, & hordei paleæ confecto. Sed palea ex ſecale optima, nam frequenti mulierum experimento flavum & nitidum efficit capillum. Sed ita conficies

Lixivium ad flavos capillos.

In testaceum vas ampli oris subſternito hordeaceam paleam, ſœnum græcum, & cuminum ſylveſtre, intermiſtis calce, & *tabacco* vocato, in pulverem redactis, mox paleæ jam memoratæ ſuperponantur, & iterum pulveres inſpargantur, alterno videlicet inſtratu, donec totum vas impleatur, & ubi arctatæ ſunt, poſt aquæ frigidæ effuſionem per diem immorari ſinito, poſt inferiori foramine reſerato, lixivium effluat, & cum ſapone ad capillos uteris. Docēbimus &

Aliud

Ad quinque fontanæ aquæ phialas, adjectis aluminis ſæcis uncia, & ſaponis tribus, hordeacæ paleæ manipulo, ſiftilibus ollis, quo ad tertium ſubſideat, efferveſcant; poſt reſidere ſines, aquam cum cineribus colis incernito, & ſingulis aquæ phialis mellis crudi addita uncia, recondito ad uſum. Ad capillos ſic parabis

Unguen.

Tumulata vini ſæx in ſcrobem, more ſolito peruratur, ſcilicet ut ignis ambitus locum ſcobis comprehendat; peruſtum tundito, & incernito, hanc oleo bene permiſceas

fecas, linat ea caput mulier, quum it cubitum, & quum dies illuxerit, abluat lixivio in quo quam amarissimi lupini efferbuerint. Aliæ mulieres sic

Flavos capillos reddere

Conantur. Communi lixivio, citrii, mali aurei, cotonei cortices, hordeaceam paleam, lupinos siccos, fœnum græcum, flores genistæ, ac tartari in calcem redacti plusculum addant, & sesquimensse extabescere sinant, quo capillos abluant. Aliæ sunt, quæ duabus *saponis* ad unam mellis partem additis, bovini fellis mediam, quibus cumini sativi, & croci sylvestris duodecima parte additis, & insolatis per sesquimenssem quotidie rude lignea versando, utuntur. Ex aceto, & lithargyro aureo fit decoctum valde præstans ad aureos capillos reddendos. Sunt quæ validam aquam igne eliciunt ex halinitro, chalcantio, sale ammoniaco & cinabari, qua capilli tincti illico aureo colore flagrant. Sed capilli comburi solent; quæ temperare eam sciunt, optimos effectus vident. Sed hæc mediocria sunt, longe celeberrimum remedium

Ad aureos capillos reddendos

Apponemus. Extrahatur oleum ex melle distillationis arte, ut docebimus, primo limpida exhibit aqua, mox crocea, post aurea, hac utemur capillos spongia perlinendo, sed ne cutem tangat, nam crocea tingitur, nec facile color eluitur. Id præ cæteris nobile habet, quod per multos dies tinctura durat, & canos etiam inficiat. quod paucis datum est. Vellixivium quercus cinere parato, additoque rhabarbari quantitatem fabæ, *tabacci*, vocati tantundem, fœni græci, & hordeaceæ paleæ manipulum, mali aurei cortices, guajaci ligni scobem, croci sylvestris, & liquiritiæ plusculum, fistili indita hæc omnia bulliant, donec tribus digitis subsideat aqua, ex ea optime laventur crines. Soli expones, deinde sulphure super prunas imposito, capillos suffumigabis, & dum uritur, tenui per fundum spiramento halitum recipiat, undique etiam veste circumtectâ, ne fumus dilabatur.

C A P.

CAPUT II.

Quomodo crines rufo colore tingantur.

QUIA permultæ sunt mulieres, & viri rufæ carnis, & crinium capitis, & barbæ, quos si aureos redderent, carnis colore discordarent, ut eis quoque consuleremus, his remediis occurrendum esse jubemus. Antiquitus loti arboris ramentis decoctis, quam nos *melo fiocco* vocamus, capillum rufabant. vel cremata veteris vini face, modo quo diximus, addebant lentiscinum oleum, quod hoc modo parabant ad id opus. Maturas lentisci baccas aliquot diebus cumulas sinebant, donec contabescerent, affusa aqua æreis cortinis, tandiu eas ebulliebant, ut dehiscerent, faccis imponebant, & prælo oleum exprimebant, hoc unguine tota nocte capillos illitos habebant, & eos rufos reddebant. Sed quo modo nos possimus

Capillos rufos reddere

Docebimus. Ex Africa nobis pulvis affertur, quem vulgo *alchena* dicunt, si lixivio eum ebulliemus, donec coloretur, & capillos perungamus, rufo colore tingit, ad multos dies indelebili: sed dum eum pertractabis, cave ne ungues eo madefiant, nam tinguntur adeo, ut non facile mundaturus sis. Sic etiam alborum equorum jubas, & caudam tingimus rufi coloris. Sed nos facile mellis oleo voto satisfacimus, nam extracta limpida aqua & crocea, exaucto igne rubicundum manat oleum. Hoc præstantissimum est ad capillos rufandos, & canos etiam tingit in multos dies, & quum tinctura diluitur, aureo colore capilli fulgebunt. Sed dum lixivium capiti perlinimus, madefactam spongiam forficibus capiemus, ne manus, aut capitis cutis inficiatur.

*Fæmina canitiem germanis inficit herbis,
Et melior vero quaritur arte color.*

CAPUT III.

Quomodo capilli nigro colore tingantur.

OPERÆPRETIUM est his, qui erubescunt senes esse, succurrere, si suos canos inficere volunt, tanquam annos detracturi sint hoc nomine ætati: & si mulieribus adolescentulis providimus, matronis consulamus oportet, præcipue si quandoque acciderit, ut importuna canicies quæntocius caput dealbet. Antiquitus parabatur ex salvie foliorum decocto, corticum juglandium viridium, rhoe, fructuum myrti, rubi, cupressi, corticum radicis ilicis, & similium. Iligneæ enim radicis cortex coctus dum mollicus intabescit, & tota nocte illitus, capillos denigrat, prius cimolia terra purgatos. Disce igitur,

Canus capillus quomodo tingatur niger.

Sanguisugis, quæ nigerrimo vino computruerint sexaginta diebus, capillos sole illinas, & nigerrimi sunt; vel æteri sextariis duobus, sanguisugarum sextarium in vase se plumbeo totidem diebus putrescere finito, & ut diximus capillis exhibe. Plinius tantam vim tingendi habere dixit, ut nisi oleum in ore habeant, qui tingunt, dentes quoque eorum denigret. Si vis vero;

Longi, & nigri capilli ut fiant.

Accipe lacertam viridem, & amoris capite & cauda, decoque in oleo communi, & tali inunge caput. Habebis quoque &

Aliud.

Hoc tamen commodè ringes modo barbam, & capillos, si cui canescunt. Argentea spuma, combustum xs. fortis lixivii quadruplo permiscetur, dumque levibus prunis in bullas erumpit, lavabis, & resiccatos calida perlues aqua. Nos hoc usi sumus ex antiquorum voto: Ex quercus cinere, & calce viva lixivium fecimus, quod vulgus *capitellum* vocat, in eo decoquimus lithargyrum argenteum, inde alba lana experimentum capimus: nam si nigro tingitur colore ex voto, exime ab igne: sin minus, coque. Si lanam exedit, addito aquam, sin minus tingit, adde

adde lithargyrum. Hoc capillum, vel barbam lavabis & nitido, & nigro colore canos tingit, nec detegitur fraus: nam quanto diutius laveris, nitidius nigricat.

CAPUT IV.

Vt locus pilis glaber fiat.

QUIA sæpe accidit, ut locus pilorum multitudine deturpetur, vel nuditate; docebimus quomodo glaber, & pilis densus locus pilosus, & psilothris glaber fiat. Hoc est

Psilothrum vulgare.

Quo passim in thermis utuntur. Constat viræ calcis partibus quatuor, redactis in pulveris modum, auripigmenti singulari, & decoque. Experimentum erit penna gallinæ, quæ quum depilatur; coctum erit, cave ne nimis coquatur, aut nimis supra cutem moretur, nam urit. Quod si ex unguento uri cutem acciderit, populneo ex oleo rosaceo, vel violaceo injuncto, cessat dolor. Id in balneis faciendum, quod si defecerint, supra candentes lapides, vel regula insparfa, recipiat mulier, bene pannis circumdata, fumum, ut sudet, post sudorem abluat se calida, & abstergat, post se totam inungat, nam perlita loca glabrescunt illico. & partes omnes hoc modo pube immunes fervari possunt. Antiquiores his utebantur. Ut Sæferna, referente Varrone, in libris de Agricultura docet. Si quem glabrum, inquit, facere velis, ranam luridam conjicito in aquam usque quo ad tertiam partem decoxeris, eaque inungito corpus. Sed pro rana lurida rubeta intelligenda est, nam rana tali facultate orbata est. Salamandra in oleo liquefacta pilos evellit, ex Dioscoride. Sed potior erit virtus, si in oleo macerata, & liquefacta fuerit. Salamandræ sanie, quæ lactea ore vomitur, quacunque corporis parte contacta, totius desluunt pili. Dioscorides scolopendram marinam oleo decoctam, & illitam, capillos evellere dicit. Sed

Ad pilos retardandos.

Si oleum ex hyoscyamo expresseris, scilicet è seminibus prelo, vel succo illeveris loca depilata sæpius, tarde re-

nascentur. Idem fieri contingit ex cicutz succo. Vel ut pilorum fiat ablatio. Formicarum ovis rubeum auripigmentum, & hederæ gummi cum aceto addebant, & depilatum locum fricabant. Olim hyacinthi radice adfricata puerorum pubi, pilos nasci prohibebant: Ob id mangoniis vānalitiis pulchre nota, quæ in vino dulci illita pubertatem coerces, nec patitur erumpere. At si velis

Pilos amplius non renasci.

In quo profecto non parum insudavimus, tum pleraque experti sumus quæ falsa reperimus. Locus calida aqua prius fovendus, ac singulatim mulierum forficibus evelendi pili: inde salnitrum aqua solvendum, ac pilorum foramina perlinenda. Melius fiet sulphuris oleo, & optime chalcanti, sic nunquam nascentur, vel si post annum saltem molliculi: quod si idem opus peregeris, glabra loca perpetuo manebunt. Sic mulierum frontes latiores effecimus, & loca etiam calidiora depilavimus.

C A P U T V.

Quomodo pili renascantur.

CONTRA vero pilis loca convestire optantibus, hæc remedia prompte in auxilium veniunt. Solent aliquando mulierum tempora nuditate deturpari; docebimus quomodo

Cadentes ante senilem atatem capilli retineantur:

Et, si qui forte ceciderint, reparentur. Melanthion super carbones torrebis, tostum teres, cribrabis, & cum aqua commisto caput illines. Antiquiores his rebus capillos increescere faciebant, herinaceo terrestri, combustarum apium, vel muscarum cinere, vel arefactarum pulvere, murium stercore etiam cremato, & molli illito, quibus rite addebant, avellanæ, juglandis, castaneæ & dactylorum, & reliquarum fabalium cinerem: ex omnibus enim simul remistis, vel solis nascuntur pili. Sed si vis

Ut cito nascantur pili.

Nos autem ex mellis aqua, scilicet quæ prima ex admoto igne

igne distillaverit, cito multos nasci pilos scimus, sæpius locum lavando, vel madefactis linteis locum humectando, non detergendo, sed semper madescat. Poterunt & nobilissimæ matronæ hoc uti.

Vt molliores pili nascantur,

Augustus solitus erat crura combuere nuce ardenti, quo mollior pilus surgeret. Sed

Vt longi & cito fiant capilli,

Teratur radix altheæ cum axungia porcina, & diu bulliat in vino, postea adde cuminum bene tritum, masticem, & vitella ovorum bene cocta, parum miscendo, & postquam cocta, fiat colatura per pannum lineum, & dimittatur donec sedetur, dein supernatans pinguedo accipiat, & ablutum caput ungetur. Ut vero cito crescant. Accipe panem hordeaceum cum sale, & adipe ursino, combure panem & tali mistura unge locum. Sunt qui ex adipe cervicis equinæ oblitam vitro ollam perungunt, & fluviale anguillam in frustra secatam pinguem incoquere sinunt, quousque solvatur in oleum, & loca perungunt.

C A P U T X.

Vt tineæ, quæ capillos secant tollantur.

EST quædam capillorum pestis, quæ epos invadens, atterit, secat, ut eis caput viduet: remedia, quibus ea tollatur, protinus jungam. Salutare erit circa hos effectus amara medicamenta adjungere, ut tineæ, vel sirenes dicti trucidentur. Accipe flores myrti, genistæ, & gallitrici, coquantur in aceto, usque ad aceti consummationem, & inde extrema capillorum assidue fricentur. Item lupini amari in tenuem pollinem redigantur, aceto bulliant, & inde intra manus capilli fricentur: hoc enim sirenes occidit, expellitque. Nos tamen usi sumus pane calidissimo. ut ex furno extracto per medium diviso, & apposis in medio capillis, usque donec refrigerentur.

CAPUT VII.

Quomodo capilli fiant crispi.

NON parum decoris, & ornamenti capillus crispus capiti addere videtur, & mulieres, quæ fucui indulgent, non parum satagunt, ut eis crispetur capillus. Si scire igitur vis

Capilli crispi ut fiant.

Adiantum coquatur cum semine apii in vino, adjecto copiose oleo, nam crispum, densumque facit capillum, ex Plinio. Præterea si raso capiti asphodeli radices in vino iteres, & hoc frequenter infundes, crispiozem capillum fieri idem tradit. Vel teratur radix ebuli cum oleo, inde caput ungatur, & cum eisdem foliis superligetur caput. Cameli fimi cinere crispari capillum dicunt. Vel cornuarietis cinis cum oleo conteratur, atque deinde derafum caput frequenter ungatur. Sic etiam castanearum, & echinorum cinis derafo capiti ex melle litus.

CAPUT VIII.

De calliblepharis.

PRIVSQUAM à crinium narratione manum amoveamus, quomodo nigrum præparare debeamus ad supercilia tingenda, subjungemus: quoniam non segnior mulierum cura in his, quam in reliquis fuerit. Græci calliblephara vocant, quasi pulchra cilia. Antiquitus ergo

Ad tingenda supercilia

Ampelite terra utebantur, quæ bitumini simillima est, torretur, & optime nigerrimum colorem servat, additur in calliblepharis tingendis, inficiendisque capillis. Vel medulla bubula ex dextro crure priore trita cum fuligine, pilis, & palpebrarum vitiis, angulorumque occurrit. Fuligo etiam in hoc usu temperatur, optime ellychniopapyraceo. oleoque sesamino, fuligine in novo vase penitis deterfa. Nuclei palmarum cremati in fictili novo, cinere loto spodii vicem efficiunt, miscenturque collyriis, & calliblephara faciunt addito nardo. Et si non recte videantur combusti, denuo torrentur, Rosarum quoque
folia

folia recte ad idem utuntur. Præterea supercilia sic curabis. Ladanum cum vino teri facias, & oleum myrteum admiscebis, & ut pinguiſſimo linimento admiscebis. Vel folia nigræ myrti cum quaſſatarum gallarum duplo in oleo infundes, & uteris. Nos hoc utimur. Friguntur oleo gallæ, eas ſalis ammoniaci puſſillo tritabis, inde aceto immiscebis, quo mori, & rubi cortices ebullierint, illinantur ſupercilia & per noctem immoretur, inde ex aqua lavabis. Si vero

Oculorum colorem permutare

Pueris velis, ſic id aſſequeris. Putaminum coryli nucis cinere ex oleo ſinciput illinatur, puerorum albos oculos denigrari contingit, operatione iterata. Pleraque extant experimenta albos & glaucos oculos nigrefaciendi, & varios inducendi colores. Sed hæc miſſa faciam, quum non tam leviter egentes oculis periculum capiant, nec experientia, uti quaeruntur, reſpondent.

C A P U T I X.

Quomodo alba reddatur facies.

DO C U I M U S olim in Phytognomonicis, ex albis, nitidis, & argenteis herbis, conchiliis lapidibusque albam, nitidam, & argenteam faciem reddi. Afferamus nunc aliqua exempla, ex quibus alia imaginari queas. Dicemus primo ſimplicia, mox composita. Simplicia, quæ alba ſunt, albificant faciem. Intaminati candoris liliū eſt: capacei ejus bulbi in aqua decocti, vel ſtillatitia ex eis aqua ſi matutinis, & vespertinis horis virginum facies illinantur, albæ reddentur, Helxine ciſſampelos florem non diſſimilem fert lilio, nullo odore, vel crocis intus, candorem tantum referens, ac veluti Naturæ rudimentum lilia facere condiſcentis. Stillatitia ex floribus aqua, mire faciei candorem exauget. Poſſumus & eboris decocto eburneam faciem reddere. Melanthion puram faciem reddit, ex Dioſcoride: ſed hoc modo paratum ſuam præſtantiam oſtendit. Ipſum conterere, & incerniculo exime ſubtiliorem partem, extrahito à limonibus ſuccum, quo madefcat melanthii farina per diem naturalem, exime, &

exiccari permittito, contere mox ovum cum corticibus suis, & remisce, iterum in umbra exiccecur, iterumque per incerniculum transeat. Mane quum cubili exurgit mulier, imposita farina in mundo linteo, modice raro, aqua, aut saliva humefcat, & linteo faciem abstergat, ut cremor solum, non farina faciem tangat. Si vis

Facies ut albefcat,

Efficitur enim lactea multis modis, & præcipuè sequuturis. Argentei lithargyri semunciam forti aceto in olla vitro perlita fervere curato, usque donec pars tenuis vertatur in auras, & recondito. In aliam mox ollulam ebulliat sexcuncia claræ aquæ, utramque demum aquam remisceto, & agitato, & in lac vertetur & ima petet, ubi resederit, depleto, aqua copiose affusa, & dimissam, tempore, ut consistat, denuo foras colato, novam injicito, agitato, & spatium, ut confidat, relinquito, quod confidit Soli exponito & ubi ut strigmenta rigeant, formata in orbiculos recondito, quibus ad faciei dealbationē uti poteris ex aqua. Vel lithargyrii argentei terito uncias octo tenuiter, pulveri superfundito fortissimi acetilibras quinque, distilla, & ad usum recondito. Accipe mox aluminis plumæ, salis gemmæ drachmam unam, thuris sesquiunciam, caphuræ drachmas duas, olei tartari uncias sex, aquæ rosacæ libram, tere terenda & infunde: distilla aquam chymisticeis vasis, & reconde. Quum uti libuerit, utriusque aquæ aliquantulum in palma manus remisce, & lac evadet, faciei adfrica, & evadet alba. Vel limones, citrigeri generis, circiter viginti decorticato, cortices in libram vini, præsertim generosi, & sesquilibræ rosacæ aquæ macerabis, senis diebus, mox lilii albi, & malvæ radicum unciam unam addes, totidemque diebus immorari finito: tandem terebinthinæ resinæ uncias quatuor vivi argenti sublimati duas, boracis semunciam, dena ovi albumina igni durata addes, & simul permiscebis, servantur nocte una: postridie imposito supra vas pileo, & agglutinatissimum quidem in eo opere foraminibus, & munitis, ne halitum expirent, latex in subjectam paropsidem stillatim excipiat. Ad usum recondito. Nos hoc utimur, quum parata facile,

facile, & optimum producat effectum. Sumito albumen ovi, ferro exagitabis tandiu, donec in spumam exalbescat, finito quiescat, ut in aquam vertatur. Sumito mox semunciam optimi mellis, & cum aqua illa exagitato, & remisceto, quousque una coëant, iis admisceto quantum duo grana tritici, argenti vivi sublimati, & optime contriti, quum ibis cubitum, aquam in palmis excipito, & faciem perlinito, & resiccati curato, ne linteis adhærescat, mane fontana aqua eluaz, & invenies faciem albam, nitidamque.

CAPUT X.

Quomodo faciem puram reddere debeant mulieres, ac mangonium optime recipiat.

QUOD præponi debuerat, erat, quod priusquam faciei smegmata indantur, ut pura reddatur, concineturque, ut ad recipienda peraccommoda reddatur: nam plerumque accidit, ut mulieres, & optimas aquas, & remedia recipiant, sed nil operentur. Summa igitur rei erit, ut primo præparetur facies. Hæc est optima

Preparatio faciei.

Demittantur in ollam aquæ pleram fursures ex hordeacea farina linteolo deligati, & bulliant usque donec tertia pars supersit, & cremor, quo facilius excidat, exprimitur, hoc decocto ablue faciem, & resiccati permittito, mox myrrham conterunt, eamque ovi albumine remiscant, ac super calentes bacillos, vel ignitas tegulas perurunt, fumum per infundibulum excipiant, cujus arctior pars faciem respiciat, lata ignem, caput linteo operiunt, ne fumus evolet & ubi suffumigii satis receperint, lineo panno faciem adfricant, absterguntque, mox mangoniis illinunt. Dicemus &

Aliud potentius.

Quum cutis emundanda, vel albicanda est, oportet quasdam pelliculas faciei emundare, quæ ne smegmata adhæreant, impediunt, hydrargyri sublimati unciam con-

conterito inevissum pulvisculum, ollæ indito, vitro oblitæ, injicito in ea sex ovorum albumina, adeo exagitata, ut in aquam conversa sint calidis cineribus infervefcant, quoad spiffentur, lineo panno laxioris texturæ inde, & manuum pressu aquam exprime, qua faciem ablues, mox mellis, ovorum albuminum, aquæ jam supra memoratæ æquas partes commisceto, palmæ indito, & locum, five faciem, quam mundare expetis, palmis adfricato, tandem zeam, quàm *speltam* vocant, ebullias ubi jam erit excocta, per infundibulum fumum accipiet, postremo faciem linteo rudi abstergat. Alii faciem aqua lavant, in qua similia excocta sit.

CAPUT XI.

Quomodo facies mollicella reddatur.

SE C U N D A faciei dos, five præstantia, mollities erat & manuum quoque, quæ pinguibus rebus paratur, & præcipue lacte, maxime asinino: nam cutem erugat, candori confert, & molliculam facit. Ideo non temere Poppea Sabina Neronis uxor quingentas semper secum asinas ducebat, ac balnearum folio lacte illo corpus totum macerabat. Ob id si vis reddatur

Facies mollis, & nitida.

In serum, vel lac panis micas macerato, mox extillabis, ejusque aqua faciem penicillabis, mirum enim in modum ad eam dealbandam, & cuti nitorem conciliandum valet. Vel accipito lactis sex phialas, in eo panis micas macerabis quinque horis: cape limones decem, emunda corticem, & corpus in tenues taleolas seca: mox decem ovorum albumina exagita, caphuræ unciam, aluminis saccharini duas contere, remisce omnia, & distilla, & vitreo vase optime operculato, insolato, & reposito ad usum. En aliud valens

Ad idem.

Binos vitulinos pedes mundos coquito in aqua, quousque medietas aboleatur, injice oryzzæ libram, & coqui curato: madescant panis micæ in lacte asinino, vel caprino, & decem ovi albumina cum corticibus contusa, omnia
lento.

to igni distilla : aquæ pusillum caphuræ , boracis voca-
adde. In vitreum vas duos pipiones nudos & exente-
os pone, & tantum lactis indes , ut operiantur , adde-
e boracis unciam , terebinthinæ tres , caphuræ unam ,
umina ovorum quinque , & indito operculo distilla :
pinguibus enim rebus faciei mollities conciliatur. Re-
ua dicemus , quum de manibus loquemur dealbandis ,
mollibus reddendis : una eademque ratio erit utrius-
e rei.

CAPUT XII.

Quomodo nitida , vel argentea facies reddatur.

EDITUR non solum nitida , sed argentea facies.
Ex iis quæ diximus , quæ argenteum colorem præse-
unt , etsi non vere argentea , sed veluti argenteo nitore
ulgent. Est herba vulgo *argentaria* dicta, sive *argentina*,
us folia superne virent , averfa argenteo splendent ni-
re. Stillatitiam hanc aquam ad faciei maculas & ad ar-
iteum nitorem inducendum mulieres faciei propinant.
chleæ , quæ humidis locis reperiuntur , & incedendo
incessus vestigia argentea relinquunt (Dioscorides vi-
in facie emendare dixit) mire à mulieribus expetuun-
: nam eis stillatorio vasi coniectis , elicitur aqua , quæ
ime cutem expolit , contrahit , ut argenteo nitore ful-
e videatur. Et auris marina, cujus testa intus argentei,
unionum coloris est, & permulæ cochlearum species,
e in aceto maceratæ exuta superiore crusta nitida eva-
 , & splendens modo cochleæ margaritifere. Sunt &
ichæ , quas unionum matres nuncupamus , quæ inter-
parte argentei coloris , & splendentis sunt unionum
do , quas omnes in suos fucos mulieres usurpant: nam
enteo splendore lævigatam faciem nitere faciunt. Sed
ime inter res omnes id præstant uniones , quum acri-
succis dissolutæ , & putri fimo maceratæ, oleum luci-
n quoddam remittunt, præcipuum ad faciem mango-
andam, ut alibi fusius docebimus. Ad eisdem usus ac-
situr lapis specularis , etiam argenteo colore refulgens.
I nulla aqua præstantior paratur, quam ex talco, vel ar-
ito vivo, ut in sequenti dicemus.

CAPUT XIII.

Ad mulierum smegmata quomodo talcum solvatur.

ET si operi huic dicato, quomodo talcum in aquam, vel oleum solvatur, latius loquemur, hic solum, ut ad usum mulierum concinnemus, docebimus. Ex modis, qui circumferuntur, quos utiliores experti sumus, apponemus. Talcum metallica pila contundito, inde in ollam accommodabis robustissimæ argillæ, & operculo induto ferreis filis circumligato, atque circumluto luto, spiramenta munienda sunt, ne expiret, & Soli resiccandam tradito: postea in fornace lapidem locato, ubi elutantur flammæ, vel alibi, dummodo violentissimus sit ignis. Ubi fornax ardere desierit, eximito, & vas frange, si in calcem jam redactum optime noveris: sin minus, iterum efficere ne pigeat, & parem operam impendere, donec apparuerit, qui calcis quæritur candor. Quum vero perfecte inalbuerit calx, porphyretico marmore terito, in sacculum accommodato, vel in marmore humidissimo in loco, præalto puteo, vel cisterna, diuque immorari finito, & nimia humiditate stillatim effluere cernes. Facilius enim, & perfectius in aquam solvitur, si diutius combustum fuerit, & in calcem versum: nam in calcem redactæ partes, & vir ignis arefactæ, aquam trahunt. Fit &

Alio modo

Nec inutili. Talcum in calcem reducito, & ollæ inditum vitrariorum fornaci, ubi maxime sævit ignis, per sex dies immorari finito. Talcum tali modo in calcem redactum, cucurbitæ indes, quam primo evacuabis, infra parvo foramine perviam reddes ac supposita paropside extrillantem humorem recipias loco humido, & calx in aquam effluet, hanc in phialam vitream indes, & balneo aquam expirare finito, exempto sedimine uteris. Nos

Alio modo

Etiam usi sumus. Cochleas in fictili vase sub dio ponito, ut triduo fame laborent, & inedia tabescant, purgenturque inde magnetem argenteum, siue *talcum* in pollinem sub-

utilissimum redactum, cum ovi albumine permisceto, unguen parabis: eo testaceum vas perline, & cochleas eo posito: nam *talcum* vorabunt, ubi totum absumserint, & egerint excrementa, cochleas cum suis te-
is contere, & recurvo vase impositis, levi igne aquam strahes, elabens humor mire ad faciei nitorem conciliandum valet.

CAPUT XIV.

Argenti vivi sublimati preparatio.

DIXIMUS nullam rem ad mulierum smegmata, scilicet & abstergendum, & ad conciliandum nitorem præstantiorem reperiri, quam argentum vivum: eo quamplures modos illud præparandi apponemus, iis pro voto fruaris. Sumito sesquunciam argenti vivi legitimi, & non adulterati plumbo: nam si plumbum restitum fuerit, oleum, & operam perdes. Quomodo purgetur, cognoscaturque alibi diximus. Hoc in siliam argenti-vivi sublimati commisceto, & in marmorea pila imponito, ac ligneo pistillo novo in orbem circumterendo exagitabis. Primo nigrescit, sex horis infes-
cescit, si atterere non desieris. Tunc salis albi sesquunciam addito, pistillo semper circumterendo, nam quamdiutius contriveris, eo perfectius reddes: ubi optime attritum erit, lavari oportet. Ferventem limpidam aquam in pilam inspergito, & conturbato, ac immorantantisper, dum limosa pars subsideat, & sordes, sæ leviores sunt, & superius ierant, vas in latum inclin-
do, sensim aquam projicito, & aliam super infundito: hoc quinquies, aut sexies identidem facito, donec citus, & merus pulvis, sordium expers remaneat, colles in pastillos, & Soli resiccati curato. Sunt qui dum interunt, aquam irrorant, ne attritu adeo leviter pulvis reddatur, ut in auras evolare possit. Summa rei est, optime repurgatum, & exagitatum sit, ne excolatio-
turbetur, quod pessum ierat, & ipsius pars depereat. Sunt qui in ventre ollæ foramen aperiant, ut ibi referat, referato foramine, aqua cum sordibus foras prolabatur.

labatur. Alii argento vivo sublimato tertiam argenti vivi partem addunt, & lignea pila conterunt: interim grana quatuor mastiches ore versant, & sputum, quod ore lèntescit, in pilam projiciunt, dum, ut diximus, albicer, mox in radicis brionix extillatæ aquæ libram, & cum eo ebullire facias usque ad consumptionem, inde obtento linteo excepturo ori vasis, excolant, & Soli exponunt, pulverem ex gummi tragacanthæ in trochiscos formant. Alii argento vivo sublimato sextam partem vivi addunt circumterendo, & post caphuram, *boracem* vocatam, & cerussæ dimidium addunt, simul omnia permiscendo. Summa rei est, dum conteritur optimum erit. aquam irrotare, ne attritu adeo levi pulvis reddatur, ut in auras evolare possit, dein aqua affusa, quicquid sordium est, in sublime feratur, & facilius effluat, tunc quando elotum est argentum sublimatum, ut confidat, relinquitur, mox aqua priore effusa, novam immittunt. lavantque, idque sæpius, dum satis esse lavantibus videatur, & nigrizia non supernatet. Sed nulla præstantior, ut diximus,

Argenti vivi aqua.

Sunt, quæ sublimatum argentum vivum non sustinent, ob noxam, quam dentibus inferre solet, sed aqua utuntur. Sed equidem nulla præstantior paratur aqua, quam quæ ex argento vivo extrahitur, clara, & pellucida: nam ea facie perlita, nitet, albet, & argenteo splendore fulget. cutem contrahit, & mollem illico reddit, nec alteram præstantiorem videre contigit. Extrahendi modus jam patuit.

C A P U T X V.

Cerussæ ad faciem quomodo præparentur.

Quia sublimatum argentum vivum noxium est valde, adopertum est id opus exequi cerussa, sed non usitato modo, ut sine cutis & dentium damno voti compotes mulieres fiant. Tandem ad cerussas negotium deventum est. Sumito pinguedinis suillæ bene lotæ, & purgatæ communi aqua, saltem decies, in lixivium dulcis aquæ im-

imponito, & post quindecim dies in urceum, aut fictile abellum latioris, aceto quam acerrimo infuso, adipem summergeito, ut acetum tribus digitis superemineat: laminam deinde plumbeam super fictilis spiraculum firmato, agglutinatiss lintheis in commissuris, ne halitum expiret acetum. Quindenis singulis diebus laxato obturamento visitur, si resolutum plumbum fuerit, & derafo, ceu situ imposito, inditoque operculo, circumlinito, & tantundem temporis dimittito, & reliqua, ut supra diximus, exequantur, quousque plumbum totum in cerussam solutum fuerit. Cerussam ita lavari oportet. Aquam in labellum affundito, cerussam immergito, huc, atque illuc dimoveto, ut sordes si quæ fuerint, summa perant: cerussa quia gravis ima petit: transfundito quæ supernant vasi, & novam aquam injicito, & identidem facito, donec mera cerussa sordium expers inveniatur, & siccatam recondito. Si facere libuerit

Alio modo.

Hordei mundi plenas manus assumito, clara aqua per noctem macerari curabis, mox Soli substrato lintheo rescicari curato. Exiccata marmorea pila contundito, contusa in labellum dimittito vitro sublitum, quod acetum contineat, & cum eo quatuor ova integra cum suis corticibus superponantur, deinde plumbea lamella, præsertim concamerata, vel minus plana, obstruatur vas, nullumque habeat spiramentum, atque arena semiobrutum apricari finito, post decimum diem exempto, quo vas obturaveris operculo, insidens cerussa penna decutitur, abraditurque, mox ova exime, nova addito, paremque operam impendas. & totidem post dies raditur, quousque absumatur tabella. Cerussam jam decussam, lintheo mundo ligatam, modice raro, in vas aqua plenum demittito, & huc, atque illuc fasciculum deferens agitato, quousque limosa ejus pars effluat, & sedimentum in lintheo remaneat, & residere sines aquam, & colis incernens agitato, & effundito, mutata tantisper aqua, dum sordium nil residueat, demum aquam excolato, & siccatum pulverem condito. Hæc cum
aqua

aqua fontana faciem sola dealbat cum ovi albumine , & etiam renitentem reddet. Sunt qui

Alio modo

Cerussam diluunt , & puram reddunt. Cannabinam stupam in ovorum albumina optime perturbata remisceas , in cujus medio cerussam locabis , & convolves , & revoluta linteo in fictili novo compositam coquito per horam , addita aqua , ebulliendo spumam eximito , mox amove ab igne , & si quid plumbi confederit , projicito. Post gummi tragacanthæ in trochiscos formabis , ut aptius serventur. Vel cerussam optime contritam pergamento , & desuper linteo ab ansula fictilis religato , coqui jubent aqua liliorum alborum. Modus coquendi quem primo reddidimus : tandem in fictilem patinam transfundito , & humore omni ociose percolato , siccato in Sole quindecim diebus , & servato.

C A P U T XVI.

Smegmata mulierum præstantissima.

DI X I M U S separatim quomodo albedinem , nitorem , & mollitem faciebus conciliaremus , nunc autem aquas ex his compositas trademus , quæ eodem tempore tersam

Faciem albam , nitidam , rubidam , & molliculam facere

Possunt , scilicet quæ diximus simul componendo , & distillando. Accipito cerussæ jam lotæ unciam , dimidiam argenti vivi sublimati , gummi tragacanthæ totidem , tartari unam , quæ omnia pulverabis , & in lotum & exenteratum pipionem ingeres , & consues . in ollam novam indito aquæ plenam , ex cucurbita distillatam , coque quousque ossa à carne separentur , post distilla ; quum cubitum pergis , ablue faciem , mox mane fontana per-lue aqua , sic albam , nitidam , mollem , & coloratam habebis. Fit &

Alio modo

Siliquarum fabarum corticum tres libras contundito , addito duas mellis , & unam terebinthinæ resinæ , pone in

in vase, & claudito, ne respirent, & sub fimo octo diebus macerari finito. mox quatuor libras asinini lactis addes, & suo vase igni elicias oleum, vesperi, mane, aqua nititor. Si vis

Alio modo

Fiet. Sambuci flores, rosarum sylvestrium, genistæ, periclymeni, polygonati, & bryoniæ radices, uva acerba, & sarcocolla, singula seorsum distilla, singulorum æquas partes remisce, vel iterum distilla, & Soli expones, hæc optima erit. Aliam apponemus

Ad idem,

Gallinam sine aqua deplumabis, exenterabis, & in frustra secabis, per noctem in albo vino macerari permittes, mane ablue in eo, comprime manibus, ne quid vini reliquum sit, & duobus mox additis cyathis vini albi, chymistico vase distillabis, post flores cissampelos, citri, mali aurei simul distillabis, & aquam seorsum serva. Limones postea aperies, & ex eis aquam excipies, itidem de floribus sabæ, mox sex cyathos lactis asinini, & vaccini totidem destillabis, idem facies de aqua cucurbitarum, & de lacte recocto, de floribus sambuci, & de terebinthina resina. Tandem vitreum vas habe, in eo inde caphuræ binas drachmas, quartam libræ partem cerussæ in pulverem redactæ, cum aquis jam memoratis commisce, & vase obturato sub dio Soli, & Lunæ quindecim diebus, obtento, si ea uti volueris, linteo ex eis madefacto, line faciem.

C A P U T XVII.

Roseum faciei colorem quomodo conciliemus.

ALBA M faciem reddidimus, nunc rubicundum colorem conciliabimus, ut omni ex parte reddatur uxor formosa viro suo. Et primo

Ad purpurandam faciem pallidulam,

Et decolorem venustandam, hoc utemur remedio. Accipito acetum bis distillatum, & in eo santali rubri rasuram conjicito, quantum voles, igne lento coques adjecto aluminis momento, & habebis colorem rubeum
tin-

tingendi faciem perfectissimum : quam si etiam odoratam velis, adjice tantillum moschi, ziberthi, garyophyllorum, aut quorumvis aromatum. En

Aliud.

Sumantur garyophylli flores, terantur extrema frondium, & succus extrahatur, si adeo maturi sunt, ut nigrescant, adde limonum succum, ut dilutiori rubore niteant, quo faciem penicillabis, genisque roseum colorem sine fœtore conciliabis. Vel succo limonum frondes garyophyllorum florum madefacito, & Soli exponito, veteres removendo, & novos addendo, quousque ad libitum coloratior efficiatur : succum resiccati curato, & color flagrantissimus residet. Sed nos ex garyophyllis floribus, rosis, & amarantis ardenti aqua quintum, quod dicunt, esse detraximus, post additis alumine, & citrii succo, optimum colorem paravimus ad faciem mangonizandam. Accipe

Aliud.

Si optimo vino decimam mellis partem addes, & thuris unciam, mox extillabis, & in aqua rasuram sandali rubri macerabis usque donec coloretur ad votum, si ea faciem ablueris, evadet alba, & colorata. Fit &

Fucus, qui detegi non potest.

Omnisque artificiosa simulatione deludet : nam clara aqua puniceas reddet genas, diu, multumque perdurante colore, eoque rutilantior fuerit locus, quo magis aqua laveris, & panno perfricueris. Ex cardamomi granis, quæ pharmacopolæ paradisi grana dicunt, cubebis, garyophyllis indicis, brasili rasura, & ardenti aqua sæpius extillata, ubi aliquantulum fuerint immorata, vel igni lento, vel putri fimo aquam elicies, qua sæpe facies madeat. Sunt & experimenta

Ad colorandum corpus.

Si urticam ebullies aqua, eaque corpus laveris, roseo colore insignitum reddet, si id continuabis. Si fraga distillabis, & aqua te laveris, rubrum faciei colorem conciliabit. Sed antiqui variis coloribus corpora tingeant, partim ad ornatum, partim ad terrorem, ut de Britannis prælia-

præliaturis scribit Cæsar, qui se glasto herba inficiebant, a Theophrasto isatis dicta, à nobis *guado*. Et apud Græcos, mulieres se glasto tingebant, auctore Xenophonte, & temporibus nostris Indi occidentales Anchusæ radices messibus sanguineum succum plorant, quod mulieribus non incognitum, quæ jucundo colore vitia palloris occultant, ut nimium faciei candorem hoc fuco mentiantur.

CAPUT XVIII.

An nimium faciei ruborem diluendum.

DIXIMUS quomodo coloretur facies, nunc vero quomodo decoloretur, quum scilicet nimius rubor corpus occupat, idque à valde rubicundis mulieribus expetitur. Accipe modum, quo

Nimium faciei ruborem diluere

Possimus. Accipe uncias quatuor nucleorum persicorum, & seminum cucurbitæ mundatorum uncias duas, tere, ac fortiter exprime, ut oleaginosum liquorem elicias, quo mane, ac vesperti faciei carbunculos, ac rubores tanges, & paulatim disparebunt, & emendabuntur. Accipe

Aliud.

Violæ purpureæ, cortices ovorum, vitri spuma, caphura, cum aqua remittæ distillantur, aquam sub dio servato, & in rubore lavato. Præterea liliorum alborum stillatitiam aquam ruborem extinguere novimus.

CAPUT XIX.

A sole exustam faciem quomodo albam reddas,

QUUM mulieres sub dio spatiantur, & æstate itinera conficiunt, ex unius diei contracto Sole inducitur in cute nigredo, quæ ægettime discutitur. Nos ad id hoc adinvenimus

Experimentum.

Albumina ovorum circiter decem diverberato, quousque in aquam abeant, quibus adde sacchari cadi unciam vase vitro oblito, & quum cubitum pergis, line faciem, mane ablue fontana aqua. Tradit & Plinius

Aliud

Aliud,

Candido ovorum ipsa facies illita Sole non adurit. Apud nos mulieres, quæ faciem ab æstu solis defendere fatagunt, ne fusca fiat, antequam sub Sole ambulent, illam ovorum albumine cum tantillo amyli agitatæ, & remistis loricant, & peractò itinere aqua hordei eluunt rectorium illud opus. Sunt qui idem efficiant

Alio modo,

Ex melonum corticibus sordidam cutem defricando, macuias à Sole, & alias in superficie cutis factas facile absterges. Semen etiam contusum, & perfricatum efficacius peraget. Liquor etiam, qui in folliculis ulmi reperitur in prima germinum eruptione cuti illitus nitorem ducit, faciemque splendidiorẽ præstat, & maculas à Sole contractas tollit.

CAPUT XX.

Quomodo à facie maculæ aboleantur.

INHONESTANT sæpissime pulchrarum mulierum facies maculæ, hujusmodi inhonestamento ita est occurrendum, scilicet abstergentibus; ut detergentibus in dealbandis faciebus. igitur

Ad tollendum maculas ab ore,

Linito maculas tartari oleo, & resicari permittito locumque ab omni lotionẽ protege, idque decem diebus, mox ablue locum lixivio, & maculas amplius non videbis. Si non adhuc expolitus locus, parem operam impendere ne pigeat. Si hoc tibi non placuerit, accipe

Aliud.

Vivam calcem in calidam aquam immergito, remisce-to, & agitato per diem decies, post biduum claram aquam transfunde in aliud vas æreum, post salem ammoniacum summis digitis cape, & fundo vasis tantisper adfricabis, quousque aquam colorari cyaneo colore videbis, & quanto plus adfricaveris, eo plus colorabitur, mutabiturque in cœruleum & halurgum colorem, quo nil jucundius oculis spectari possit; hac aqua madefac linthea, & appone supra maculas, donec siccescant, & ite-

iterum madefaciendo , quousque aboleantur. En

Aliud.

ebinthinæ resinæ cape uncias binas , cerussæ totidem , misceantur cum albumine ovi , & agitando , lintea eis ine , & cum abis cubitum , maculis adhærescant finito ; de abluito locum , nec reiterare portædescat , donec maderet maculis locus. Si vis, ecce .

Aliud.

acitita pimpinellæ aqua cum caphura mista faciei ad-
ta , mulieribus eleganti forma placere studentibus ,
m nitidam , aspectu jucundam conciliat ; & maculas
rgit. Mororum frondes extillabis , aquam apricari
nitte decem diebus , huic adde argenti vivi sublimati ,
dis æris , chrysocollæ factitiæ , quam *boracem* dicunt ,
inarum concharum optime contusarum plusculum
eris addes. Soli totidem diebus exponito , & tandem
or. Si vis

Genarum livorem abstergere ,

oteris , præcipue mulieribus , tempore quo menstruis
ntur. Locus illinatur cerussâ ; fabarum pulvere aceto
sto , vel ovorum boletis melle mistis . Idem quoque
et farina fabæ , & fœni græci cum melle lita. At vero

Sugillata, ac liventia

abstergemus. Ex succo foliorum , & radicum thapsiæ ,
li in pastillos coacto , si sugillata illeveris , una nocte
es absterget. Nero Cæsar claritatem ei dedit noctur-
graffationibus , converberatam faciem illinens cum
 , ceraque : sequenti diæ contra famam cutem since-
circumferens : vel oleum ex seminibus egressum ,
orum turbidum mire præstat. Vel radix æquis thu-
ceræ portionibus commista. (sed non plus binis ho-
lhærere patiaris) deinde marina calida aqua locum
us. Juglandes etiam contusæ , illitæve livores com-
ant. Acetum , vel mel litum sugillata delent. Idem
n adfricatum & liventia ad colorem reducit , vel
ati cinis illitus ex melle. Valet ad idem illitus sina-
cus in nocte , vel illinitur cum melle , aut adipe , aut
cerato.

cerato. Si excavetur bryoniæ radix, ibique oleum immittatur, & coquatur calidis cineribus, illitu delet sugillata. Maculæ, quæ corpori signatæ sunt, & impressæ à mulieribus uterum gerentibus, dum maxime suo de siderio rapiuntur, hac via abolentur. Comedat prius decarne, aut fructu illo ad satietatem, deinde carnem, aut fructum loco superligabit vivum, aut virens, donec moriatur aut putrescat, & abolebitur. Vel aqua forti, aut regia locum madesfaciat, & cutis valde nigrescit, sic auferetur, opus iterato.

Ad maculas, & pulchritudinem

Non omittemus Aïiani experimentum de leone, locustæ specie, in membranis enim, quibusdam testibus colligatis, sub quibus subjectæ sunt molles carunculæ, & teneræ, quæ leonis adeps appellantur. Id ad hoc ipsos homines adjuvant, ut squalidam, atque horridam faciem ad nitorem adducat. Rosaceo delibutus, & in unguentum conformatus, formæ pulchritudinem conciliat, & candorem enitere facit.

C A P U T XXI.

Quomodo lentigines delere debeamus.

QUIA lentigines faciem deturpare solent, & præsertim albissimam, ideo ad eas extirpandas, eliminandasque his utemur experimentis. Nos sæpe

Ad lentigines

Usi sumus papyraceo oleo, scilicet illud extrahendo ex combustis papyris, modum, ne seriem interturbemus, suo loco docebimus, ubi de aquarum, & oleorum extractione loquemur. Id igitur supra lentigines perungendo, brevi tempore eas delebit. Valent

Ad idem

Ova sorbilia, circiter viginti cocta, donec dura, per medium fissa, & extractis boletis, cava albuminum repleta amygdalino oleo, & terebinthina resina, vitreo vase liquore extracto, propinata ad usum. Docebimus &

Aliud.

Duo simul ova conturbato, & agito, adjungito tantundem limo.

monum succi, & tantillum argenti vivi sublimati, & in-
plato utitor. Aliud dicemus

Ad faciem expoliendam.

Cyclamineæ radices partes ternas, hordei mundi senas,
tartari in calcem redacti simplicem, radices cucumeris syl-
vestris pulveratæ binas, furfuris triticei, quantum mani-
bus capi possit, ebulliant in aqua omnia, usque ad tertiæ
partis consumptionem, post faciem lava.

C A P U T XXII.

*Quomodo impetigines à facie, vel alia corporis parte
tollantur.*

IM P E T I G I N E S & faciem deturpant adeo, ut nil tur-
pius, nil foedius conspici possit, aliquando corporis par-
tes invadunt, ut alas, & fœmina, aquam extillant fœtidam,
& deturpantem vestimenta: Contra has invenimus

Ad impetigines.

Ex oxylapathi radicibus extrahatur aqua stillatim, & sin-
gulis harum libris melopeponum, & halinitri semunciam,
& *tartari* vini albi duas uncias addes. Sinito per dies ali-
quot madescant, mox extillabis, qua mane faciem ablues,
& vesperi perline *tartari* oleo, & amygdalino simul remi-
stis. Nec ad has explodendas inutile erit ovorum oleum
perlutum. Sed aliquando adeo feræ impetigines sunt, ut
nullo valeant medicamento sanari. nos apponemus

Aliud,

Quo sæpissime mirabili successu usi sumus, etiam in inve-
teratis. In phialam vivi rubri austeri decoquito drach-
mam argenti vivi sublimati, mox fero ablue locum, & ma-
ne, permitte ut siccescat ex se, id ter, quater repetendum,
abolerenturque impetigines, nunquam, & nusquam rever-
suræ. Habebis &

Aliud.

Accipe halinitri uncias tres, olei amygdalarum amararū li-
bras duas, scillæ selibram, carniū limonū unam, misce, &
triduo rabeſcant sinito, mox chymisticis organis extrahe
oleum, quo perlinito impetigines, & abolerentur, etiam si
in lepram converti minentur.

CAPUT XXIII.

Quomodo verruca deleri possint.

ASSOLENT frontem, nasum, manus, & alia aperta loca occupare verrucæ, calli, & aliæ ejusmodi cutis foeditates: nec parum mulieres eas abhorrere solent. Nos contra hæc cutis vitia hæc adinvenimus remedia. Primo

Contra verrucas,

Antiqui helioscopio majore usi sunt, cujus succus cum sale, illitus eas tollit: unde & verrucariam herbam appellavere. Est & cichorii species, ab effectu verrucaria dicta: nam qui in acetariis semel tantum vorarint, verrucæ omnes abolentur à quacunque corporis parte, vel si seminum drachma devoretur. Sed nos

Aliud

Apponemus, eoque contenti sumus. Genus est scarabei, quod ætate, pulverulentis itinerum arenis invenitur oleosum. Si illud verrucis adfricaveris, abolentur illico, ut ne vestigia quidem earum remaneant, possunt perquiri, & adservari pro necessitatibus.

CAPUT XXIV.

Ad derugandas corporis partes.

SOLENT & rugæ corrugare quamplurimas corporis partes, scilicet faciem, manus, ventrem post partum, & similes, ad pellem igitur contrahendam his utitor. Sed

Ad frontem caperatam

Valet olei lini sax, seu amurca, addito gummi arabici, tragacantæ, mastiches, ac caphuræ momento, valetque etiam ad flaccida ubera. Sed hoc

Ad faciem corrugatam.

Ubi ova tandiu aqua excoxeris, quoad obduruerint, per medium sindito, loculos, ubi insidebant vitella, reple myrrha pulverata, inde alia medietate cooperito, & filo ligato, ne divellantur, mox fideliam lati oris vitream habe, & in ea transversos bacillos loca, ut ova fundo suspensa

spensa eis infideant. Scissura ovorum fundum aspiciat, fideliam in cistam vimineam accommoda, & intra puteum demitte, & ab aqua pede distet, cujus humiditate myrrha in oleum, sive aquam solvatur, qua faciem perlines. Succus conorum viridum pinearum, sed aqua stillatitia infirmius, linteola in eis madefacta faciei applicentur, & rugas optime à facie delet. Habes &

Aliud.

Macerentur phaseli in vino cretico per diem, post nigrum, unde germinat eximis, qui cum limonibus, ac melle distillantur. Cape vaccinz carnis veteris quantitatem, & eam quoque extillabis, misce aquas, & creto in vase sub dio Soli expone quindecim diebus, & manè & sero ablue faciem. Si vis

Aliud,

Decerpantur mane verbasci flores, ac vino aminxo, sive *graco* vocato, macerentur, una cum radicibus polygonati, inde aquam vitreis organis stillatitiam excipies, qua, si à lecto surgentis mulieris faciem laveris, maximum nitorem conciliabit. At si eadem aqua faciem vis erugare, stillatitiam limonum addes, & lætaberis effectu. Sed hæc optima est

Aqua dealbens, erugans, & nitorem inducens.

Radiceis polygonati, dracunculi majoris, minorisque, asparagorum, bryoniæ, & liliorum alborum quantum vis. æquas singulorum partes contere paulisper, & in fideliam ampli oris injicito, vitro sublitam, vinum vericum superfunde, vel aminxum, quoad omnia cooperiat: adde his limonum succi quartam partem, dena ova sorbilia cum corticibus contusa, ac terrestres cochleas sine corticibus, finito macerentur paulisper, mox lento igne distilla, & primam aquam serva seorsum, post aucto igne serva secundam, quæ validior erit: nam lentigines & maculas omnes à facie abstergit. Sunt qui hinc admisceant florum fabarum, sambuci, papaverum, periclymeni, & similia aquam, sic rugas, & maculas à Sole contractas, & cæteras abolebis. Sic autem poteris

Ventris rugas à partu abstergere.

Diu aqua immatura coquantur sorba, his ovi albumina emisceas, nec desit aqua, in qua Arabum gummi sit solutum, tali aqua lintheum madeat, & ventri accommodetur. Vel combustum cervinum cornu, amiantus lapis, sal ammoniacus, myrrha, olibanum, mastiche in pulverem redacta omnia cum melle permisceantur, & omne erugat.

CAPUT XXV.

De dentifriciis.

INTER mulierum mangonia sunt dentifricia, nil enim turpius in foeminis putant, ut quum rideant, vel loquantur, scabros dentes, ferrugineos, & maculis obliros demonstrent: nam omnes ferè ob usum argenti vivi sublimati nigros, & croceos habent, & quia Soli exponuntur, dum capillos flavos reddere volunt, infirmantur dentes, moventur, ut sæpè excidant, docebimus primo nigros quomodo albos, veluti uniones nitentes reddamus, mox quæ imbecilles, & gingivis nudos, carne convestiamus, & robustos reddamus. Sed antiquitus parabantur

Dentifricia

Ex purpurarum, & buccinarum testis crematis. Arabicus lapis maculoso ebori similis est, crematus dentifriciis accommodatur. Ex pumice quoque utilissima parabantur dentifricia, ex Plinio. Pulvere etiam eboris adfricato eburnei dentes reddebantur. Ovidius:

Quid, si præcipiam, ne suscet inertia dentes,

Oraque suscepta mane laventur aqua?

Dabimus nos

Aliud,

Quo utimur. Combustæ hordeacei panis micæ asperso sale, & melle non solum candorem dentibus, sed suavitatem oris faciunt. Sic corallis rubeis, sepiarum testis, cervino cornu, & iis similibus, quorum unumquodque per se rite dentes expolit, & abstergit, & etiam cocci granulis. Fit quoque aluminis, & salis aqua extillata, quæ maxime dentes dealbat, & confirmat, omnium tamen melius

lius expolit sulphuris oleum, nam lævigat, & maculas extergit omnes: & si vehemens aliquibus videtur, illud aqua florum myrti hebetare poterimus. Accommodetur dentifcalpium ad dentis formam, atque oleo perfuso perfricantur maculæ (sed diligenter, ne gingivas tangat, nam eas dealbat, uritque) tandiu abstergendo, quoadusque nitidissimos feceris. Perfectissimam jam descripsimus in medicis.

CAPUT XXVI.

Mammillarum incrementa quomodo prohibeantur.

INTER mulierum ornamenta, maxime hoc præstans est, mamillas parvas, rotundas, solidas non laxas, aut rugosas à partu habere. Sic possumus

Mammillarum incrementa prohibere,

Si volumus. Contundatur cicuta, ejusque magmata cum aceto virginum uberibus imponantur & sic coercent, ut crescere non patiantur, præcipue hoc in virginitate; quamquam solito denegat lac tempore. At si vis

Molles & relaxatas coercere.

Alba argilla, ovi albumen, omphacitis galla, mistiche, thus, terantur, calidoque aceto immisceantur, & illinantur mammæ, & integra nocte commorentur & illic essentur. Si parum fuerit efficax, opus innovato. Juvant & ad hoc mespili ossa, immatura sorba, sylvestria pruna, acacia, malicorium, balaustium, immaturæ nuces pineæ, sylvestria pyra, & plantago, si aceto ebulliant omnia, & mammis apponantur, aut horum aliqua. Antiquitus ad id laudabatur cos naxia, quam nos acuendo ferro deterimus, ad virginum mammas cohibendas, nec increfcere patiebatur, ex Dioscoride. Galenus autem non solum mammarum incrementum prohibere dixit, sed pueris testes crescere non pati. Nos autem ex alchimillæ herbæ succo extracto, & linteis in eo madefactis, & mammis impositis, & renovatis utimur, nam non solum virginum mammas increfcere non patitur, sed matronarum laxa cohibet, & solidas efficit. Efficacius si ejus herbæ decocto utamur.

mur, & si aliqua ex his, quæ supra memoravimus, adjunxeris, videlicet hipocistidem, malicorium, & similia. Sic etiam aqua ex viridibus conis pincis extracta stillatoriis vasis, relaxatas retrahit, & virginum more rotundas duras, & solidas reddit.

CAPUT XXVII.

Quomodo manus albescent.

NEc sunt spernendæ manus, quin eis reddatur albedo, lævitas, & mollities, quæ expectenda sunt manus ornamenta. Sed lævitas, & albedo quomodo conciliari possint, jam diximus, remanet mollities, quæ non nisi pinguibus datur.

Vt lactescent manus

Quæ lactea sunt sumito, scilicet amygdalas, pineolos, semina melopum, & cucurbitarum, similiumque. Amaras amygdalas igitur, pineorum conorum fructus, & micas panis conteres, post aqua hordei, in qua maduerint gummi tragacanthæ, & pastillos efformabis, his *saponis* vice, uti poteris, quum abluendæ sunt manus, nam abstergunt, & albedinem inducunt. Nos

Ad idem

Hoc sæpe usi sumus. Amararum amygdalarum selibram fume, calida fovebis aqua, qua corticibus denudentur, inde marmorea pila contunde. Sume postea dracunculi minoris uncias binas, *saponis* cervini, & mellis tantundem, omnia in ampli oris fidelia remisce, & igni appone, leviter revolvendo lignea rude, ut optime permisceantur, & pyxidibus ad usum recondito. Si vis

Vt molliculæ fiant manus.

Recens butyrum novies dulci aqua proluatur, postremo vero rosacea, & odorata, ut dirus odor diluatur, & ut nix alba proveniat, admisce deinde albam ceram, & plusculum olei amygdalarum dulcium. Inde chirothecas vino *græco* vocato lavabis ex more, & supra memoratam misturam perline, his manus induimus, quum cubitum pergitur,

mus, ut tota nocte manus pinguium rerum beneficio remollescant. Accipito deinde seminum persicorum, suis corticibus spoliatorum, seminum cucurbitarum, melonum, & papaveris albi, hordeaceæ farinæ singulorum sesquiunciam, succum duorum limonum, sub cineribus decoctorum, his tantum admisceto mellis, dum in unguinis formam crassescant, & ut aliquantulum bene oleant, tantillum moschi, vel zibethi addere poterimus, quum cubitum pergimus, mane vero fontana aqua proluemus, & fæces nucum olei bene expressarum, vel amygdalarum pro *sapone* habebimus. Alii hoc linimento contenti sunt. Ex limonum seminibus cremor exprimitur, scilicet è duabus, uncis, olei *tartari* uno tantumdem olei amygdalarum, remisceantur omnia. Sero quum dormitum pergimus fontana aqua manus abluantur, resiccentur, & hoc linimento perungantur, & chirothecis tegantur. Accipito &

Aliud.

Ossium bouum medullas per hebdomadam frigida aqua macerabis, sed quater, aut quinquies in die mutabis aquam, & pro singulis medullarum libris accipito sex mala appia, quæ per medium sindito, & semina ejicito; inde marmorea pila tenuissime conterito, & nova pila indito, ut suavius oleat, addito aliquantulum garyophyllorum, cinnamomi, & spicæ nardi, & aqua rosacea ebulliant, ubi optime liquida erunt omnia, exime, & per colum trajicito, & iterum acre lixivium addito, & lento igne ebullire finito, quoad tota aqua absorbeatur: inde vitreo vase ad usum recondito, vel in ossas efformato. Sequens valet

Ad idem.

In limone foramen excavato, atque indito saccharum candidum, & butyrum, & operculo indito, cannabina stupa revolvito madefacta, & sub calidis cineribus incoqui finito, & coctum remollescet, quum cubitum pergis, perline manum ac chirothecis conde.

CAPUT XXVIII.

Alarum tadia quomodo emendare possimus.

NON parum odibiles mulieres reddit alarum foetor, præsertim pinguium, & carnosarum: ad illum abolendum ejusmodi experimentis uti poterimus: Antiquitus adversus alarum tadia liquido alumine cum myrrha illinebantur, vel arentium foliorum myrri farina inspargebantur foemina, & alæ. Carduorum radix illita graveolentiam non solum alarum, sed totius corporis quoque emendabat. Xenocrates promittit experimento, vitium ex alis per urinam effluere, emedullatæ radicis uncia, in vini salerni heminis tribus decocta ad tertias, & a balneo jejuno, vel post cibum cyathis singulis pota: Nos vero tali contenti sumus. Alumen aqua dissolvimus, ac eo alas & pedes perlinimus, ac siccescant curamus, sic plusculis diebus graveolentiam eorum locorum emendabimus. Sed id valentius operabitur. Lithargyrum aureum, vel argentum conterito, & aceto ebullito, quo si ea loca perfricabis, & adfricare curabis, diutius eas partes a foetore immunes servabis, nec hoc præstantius adinveneris remedium.

CAPUT XXIX.

Quomodo natura ostium ex partu relaxatum coarctetur.

TRADIT Trotula, de restrictione amplitudinis vulvæ propter honestam causam licet tractare, quum per hanc impediatur aliquando conceptio, unde necesse est tali impedimento subvenire. Ex partu enim amplo hiatus aliquibus hiscere solet, & si id viro suo displicuerit, ne ipsam abhorreat, ita refarcit idem: Sanguinis draconis, boli armeni, corticis mali granati, albuminis, mastichis, gallarum æque unciam unam in pulverem redige. & omnia cum aqua calida conficiantur, de hac confectioe pone in foramen transiens in matricem. Vel gallarum, sumachi, plantaginis, consolidæ majoris, aluminis, chamælex accipe partes æquas, easque decoque in aqua pluviali, & foveantur pudenda. Vel omphacidites gallas terito subtilissime, quibus garyophyllorum pulveris parum admi-

admisceatur: vino rubro austero ebulliant, quo pannus madeat, & loco applicetur. Vel sic popularium, & meretricum restringes, & coarctabis. Gallis, gummi, albumine, draconis sanguine, acacia, plantagine, hipocistide, balauftiis, lentisco, cupressi nucibus, uvarum acinis, glandium calycibus, vel cavo illo, quo glans prorumpit, & dehiscens nucleum ostendit, mastiche, & lemnia terra, si hæc omnia rubro vino, vel aceto decocta sint, & sæpe madeat vulva, coarctatur, & supprimitur valde; vel hæc in pulverem redacta, intro per harundinem trajiciantur, vel iis suffimenta substituantur. Symphitum ad id peroptimum erit, nam carnes cum eo decoctæ, coalescunt: & alterum quoque si coquatur peroptime recentia vulnera conglutinat. Alchimillæ decoctum, vel succus, saltem stillatitia aqua in vulvam indita, adeo stringit, & coarctat, ut meretrices vix à virginibus dignosci possint, vel si in ejus decocto insideant, præsertim si cum eo alia adstringentia adduntur, & fœmineos locos perlinamus. Stillatitiæ aquæ asteris Artici in vulvam diutina injectione, corruptæ ab incorruptis vix dignosci possunt. Sed si vis

*Vt deflorata mulier integra virginitati
restituatur,*

Tali pilulas conficies pacto. Alumen combustum, mastiche adjecto chalcanthi, & auripigmenti momento, in tenuissimum redigantur pulvisculum, ut fere tactum effugiant, pluviali aqua pilulas ubi coegeris, digitis comprimito, & tenuem resiccati curato, ac naturalium ostio, hymenei loco accommodentur, ubi prius rupta fuit, senis quibusque horis immutando: pluviali, vel cisternina aqua semper fovendo, idque per naturalem diem, & hinc inde vesiculas inducet, quæ contactæ sanguinis effluvium emittunt, ut fere à virgine dignosci nequeat. Obstetrices, quæ id curant, alio modo idem præstant. Prædictarum rerum decocto constringunt, mox hirudine locum mordicus capi curant, si crustulas inducunt, quibus confricatis sanguis emanat. Aliæ ubi locum coarctarint, exiccatum leporinum, vel columbinum sanguinem intus injiciunt, qui humiditate matricis humefactus, in sanguinem vivum vertitur.

titur. Nos hoc nobile adinvenimus. Terimus lithargyrum in tenuissimum pulverem, & aceto incoquimus, dum acetum turbidum reddatur, excolamus, & aliud injicimus, quoad iterum coloretur: tandem excolamus acetum levi igne, & in fumum solvimus.

CAPUT XXX.

Adversus mulieres ludicra.

HUICUSQUE mulierum smegmata docuimus, & multum ad eas decorandas operam impendimus, nunc post seria ludamus, & contra earum ornamenta moliamur aliqua. Si alicui hoc tale placuerit specimen,

Vt facies fucata palleſcat,

Si dignoscere quæſieris faciem mangonizatam, sic fiat. Crocum dentibus commanducato, & ore propius mulieri inter loquendum apposito, flatus deturpat faciem, & subcroceam reddit, si autem nullo fuerit circumlita fuco, innoxia remanet. Vel loco ubi manet, sulphur comburito, fumus enim, si in facie cerussa, aut sublimatum argentum vivum fuerit, faciem fuscā, & nigram reddit. Fucatae mulieres in Phlegæis montibus Puteolorum ambulantes, nigra redduntur illico, ut argentea numismata in sacculis clausa. Poterimus & hoc etiam modo

Fucum dignoscere purpurei coloris.

Commanducato grana cumini, vel allii nucleolo demorso propius adloquitor, nam si natus, permanet, si cerussatus, vel hydrargyro concinnatus, statim obsolescit. Si vis

Vt lentiginosa mulier evadat.

Fit è stellione malum medicamentum, nam cum mortuus est in vino, faciem eorum, qui biberint, lentigine obducit, ob hoc in unguento necant eum insidiantes pellicum formæ. Remedium est ovi luteum, mel, ac vitrum, ex Plinio. Si placet

Facies virescat.

Retulit Avicenna. Sparſo chamæleontis decocto in
aquam

aquam balnei, viridi colore infici illum, qui immoratur in balneo illo aliquantisper, & deinde paulatim pristinum colorem recuperare. Possumus quoque facere

Vt defluant pili, & capilli.

Salamandræ sanie, quæ lactea ore vomitur, quacun- que humani corporis contacta parte, totius corporis defluunt pili, idque quod contactum est, in vitiliginem mutat, ex Plinio.

LIBER DECIMUS

Distillat, distillata ad fastigia virium
sustollit.

P R O O E M I U M.

IAM ad artes devenit, & à distillatione duximus sumendum initium, neotericorum inventum, res mira, ultra mortalem sortem laudanda, non quæ à sciolis, & vulgaribus usurpari solet, nam verum esse corrumpunt, destruuntque, sed à causarum gnaris pertractata. Docet enim hac ars admirabilis, ut gravia corpora fiant spiritus, & subliment, & spiritus crafcescant, ac corpora evadant. Rerum vires, quæ mole obruta, conculcata, suis veluti in oculis delitescunt, puriores, tenuiores, & absque ulla impurioris materia accessione è plantis, metallicis, lapidibus, & gemmis elicere, easque veluti non sua sorte contentas, nobiliores in sublime educere, ac veluti in cælum sustollere, poterimus chymisticis organis plantarum virtutes investigare, & melius quam veteres gustu. Quid igitur majus poterit excogitari? Natura est res producere, ac viribus dotare; artis est productas nobilitare, ac multiplicibus viribus ditare. Accedat lector φιλομαθής, ac Naturæ secretorum perscrutator, nam distillationes haudquaquam inglorius tractabit. Primo aquas, & olea extrahemus, mox esse, tincturas, elixires, sales & ejusmodi similia. Mistum quodammodo in elementa dissolvere, ac
sin-

singula puriora reddere, varias, & adversantes, suas facultates separare, & elicere, ut ex voto uti possimus, aliaque qua scisse, & norisse non pœnitebit.

CAPUT I.

Distillatio quid, quotiuplex, & quid per eam intendamus.

VTRUM distillatio eruditæ vetustati cognita fuerit, decernere nihil moror, alio tamen artificio, quam nunc utimur, apud Dioscoridem fas est legere. Inquit. E pice oleum, quod picinum appellatur, separata parte aquosa, innatat hæc, ut in lacte serum. Excipitur, dum coquitur pix velleribus puris, super halitum ejus expansis, & quum illa permaduerint, expressis in vas, atque hoc fit, quamdiu pix excoquitur. Geber ita definit eam. Distillatio est vaporum aqueorum in suo vase elevatio: verum vera diffinitio alibi dicitur. Triplicem statuit diffinitionem per ascensum, per descensum, & per laciniam. Sed id simulare non possum, inter distillationum species laciniam interponi. Nos dicimus per ascensum, descensum, & per inclinationem, scilicet inter utrumque medium: quæ valde necessaria est: dum enim res ascensionem contumax, ut ascendere discat, inclinamus paulatim elevando, dum tenuior, & scansilis evadat. Distillandi dogma tale erit. Vas primo paretur vitreum, vel æneum, plerunque turbinatum in pyri formam, & cucurbitæ instar utero turgescens, supra yas accommodetur pilei instar, in uterò subjecti vasis collum recipiens, pileum infra circumambit canalis, ex quo rostrum foras eminet. Huic aliud vas subditur, ab recipiendo injecto latice receptaculum dictum. Obstipantur spiramenta luto paleato, vel linteis, ne materies flatuosa, vel halituosa, reddita, in auras diffletur. Subjecto vasi igne, vi caloris materies in rorulentum vaporem solvitur, & in æthera sustollitur, qui frigidis pilei fornicibus occurfans, inibi residens, frigore densatus, in bullas tumet, sic cameras, & parietes irrorat, mox coit
in

in guttas, ac stillatitius factus refluit, & in humorem abit, & per canalem, & rostrum in receptaculum illabitur. Sed vas, & receptaculum pro rei distillandæ ratione subduntur: nam si res vaporosæ, aut flatulentæ fuerint, organa ampla, humiliæque, & receptaculum turgidius flagitant, nam dum vi ignis flatuosa excitantur, atque angustas corporum cavitates pervadentes, ibidem constipari, alioqui flagrantia vasa disrumpunt, magnumque in bombum, & crepitum abeunt, nec sine astantium periculo frustilla prosiliunt, sic flatus ex angustis elisus à noxa se vindicabit. Si vero res calidæ, tenuesque fuerint, collo longo & subtili, & sic mediæ media quærent, hæc industrius artifex ex iis, quæ Natura adumbravit, ediscere potuerit. Animalis iracundo, & in iram præcipiti, utpote urso, & leoni tumens corpus, brevique longitudinis tractu colla contraxit, quasi ex ampliõris alvi vasculo flatulentum ingenium explodi possit, crassioresque partes subsiderent, rursus autem cervus, struthiocamelus, & camelopardalis, *δολιχόεγχυλον* mitia, & tenuis spiritus animalia, & graciles alvos, & longa retinuerunt colla, ut meatu multo angustiori, longiorique tenues, & subtiles spiritus in sublimem eventilarent. Id tamen præcipuum non ignorandum duximus, triplicem in stirpibus humiditatem posse exhauriri, alimentariam, qua vivit, eaque exiccata caret, hæc à fontana, vel puteali aqua parum fere differt, consistentiæ alteram, ex qua mistum conglutinatur, & hæc durioris virtutis, tertiam humidi radicalis, pinguem, & oleosam, in qua vires delitescunt. Nec silentio prætereundum tanquam artis principia, quæ ex pluribus experiendo cognovi, mista aliqua primo tenues, ac calidos vapores exhalare, post humidiores, crassioresque, contra aliqua terrenos & phlegmaticos, post igneos, calidosque, qui materiei gremio sidentes, vi colluctantis ignis profugantur, quod quum nulla stabilis, aut perpetua regula statui possit, pleraque nos annotabimus, pleraque solertiori Minerva te observasse ne pœniteat.

CAPUT II.

De aquarum extractione, & præcipue bene olentium.

AQUARUM extractiones quia vulgares sunt, brevibus expediemus. Si odoratas extrahere cordi fuerit, ex calidis stirpibus, terrosiss, & quæ internis sinubus tota mole odores retinent, hæc sine artificio in vasa coniecta, ac subiecto igne, suos odores reddunt, ut ex

Rosis, floribus aurantii mali, myrti, & lavendulae odoratas aquas

Extrahere licebit, ut diximus, & iis similibus, cum cineribus, tum balneo ex voto uti, sensim tamen ignem adhibendo ne comburantur. Sunt & in stirpibus olentes frondes, ut myrti, lavendulae, citri, & similibus, quas si cum floribus remiscas, odorem florum non obtundunt, immo & gratiam quandam aquis conciliant. Et locis ejusmodi floribus carentibus ex turionibus earum optime olentes aquas extractas vidimus, præsertim si hæc prius vase clausa plusculis diebus Soli apricanda tribuamus. Jucundi quidem, & haudquaquam spernendi odoris ex basilici frondibus aqua exugitur, præsertim citrati, vel gariophyllati, si levis balnei calor, sensimque adhibitus eam prolester, & educat, atque Soli insolanda credatur. Ex azadara floribus, sive pseudosicomori suaveolens elicitur aqua, tenuis & spirabilis. Argumentum deprehendendi utrum odores in tota mole, aut in superficie, aut alibi sparsa sident, hoc erit, digitis frondes, aut flores conterantur, qui mox olfacti eundem servant odorem, aut suavius halant, in tota mole latent odores. Contra vero si quos digitis triveris, non solum nativo odore orbantur, sed gravius olent, id in superficie tantum summis oris resident odores, qui mox aliis partibus male olentibus remissi, non solum obtunduntur, sed inolidi fiunt, in his alio distillandi utemur artificio. Exemplum erit

E gariophyllis, rosis moschatulis, violis, & jasmunis, & liliis odoratam aquam exugere.

Quomodo fieri debeat. Ex sylvestribus moschatulis rosis levi

levi balnei calore primus exugatur vapor, & iis que amoris, aliæ superingerantur: nam si diutius coxeris, non qui tenuis, & superficie sparsus educitur, sed qui ex interno corporis torpet, & minus halat. In hac aqua aliæ rosæ macerentur aliquibus horis, ac abstrahantur novæ superingerendæ, & quanto id frequentius feceris, fragrantius olet. Sed vase bene clauso, ne tenuis ille odor diffletur, & pereat cum aura, & sic ex rosarum moschi odore suavissime olentem aquam habebis. Idem de jasmunis, gario-phyllis, liliis, narcissis, jacinthis, & aliis faciendum jubemus. Et si in eorum propria aqua macerare pertædescit, in rosacea idem præstabit, hoc modo hujus artis admirantibus artificibus, nec infimæ notæ ex his floribus maximo odore fragrant aquas exhibuimus. At quia sæpe solet evenire, ut turpis cremati nidor aquas inficiat, quum assidentis diligentia torpet, docebimus

Quomodo cremati nidor emendetur.

Quia quæ fundo vasi hærent plus caloris experiuntur, quam quæ in summo, unde & prius, quam hæ calorem perspicuum sentiant, illæ comburuntur, sæpissime & aqua infesti nidoris graveolentæ, nares oblædit: eandem aquam in balneo distillabis levi igne, ut pura aqua ascendat, & in imo sæces subsideant cum oleo, gravi odoris causa. Si vis scire

Quomodo plus aqua ex distillatione recipiamus.

Circa pileum plumbeum, vel stanneum ferreæ lamellæ, vel stannæ adglutinantur erectæ, ejusdemque altitudinis, in imo epistomion imponendum. Quum fervet vas igni, & expulsi vapores in pilei fornicibus coarctantur, si calet pileus, denuo in subjectum vas descendunt, ægrius in bullas vapores cogit, si friger, illico in aquam densat, ob id frigida aqua imponenda, ut vapores cogendo, largiores rivuli in subjectam paropsidem decurrant. Ubi aqua cum pileo efferbuerit imposita, recluditur epistomium ut calida effluat, & nova frigida inditur. Sic aqua, ut perpetuo rigeat sæpius interfusa, ac epistomio

stomio relaxato ejiciunt calidam, majorem nobis aquæ copiam parabimus.

CAPUT II.

De aqua vitæ extrahenda.

AQUA, quam vitæ dicimus, ita extrahitur. Accipiatur vinum validum, & generosum, ex locis siccis natum, veluti ex monte Veservo, vulgus *græcum* vocat, vel protropon, sive *lachrymam*. Hoc obtorto vase vitreo, balneo, vel cineribus, vel longo collo extillabis, cujus tertiā partem excipies, reliquum servato, nam in perfectum, & acre acetum convertitur, est enim vini cadaver, nam anima, subtilis pars exempta est. Extillatum denuo distilla, & hoc iterum, semper tertiā partem adsumendo. Inde vas longioris, & angustioris colli paretur, scilicet tricubitale, vulgus *mataraxxo* vocant: & hoc iterum extilletur, tandem summo vasis ori superimponatur, & pergamenō operiatur, & pileus indatur, ac succenso igne, tenuissimus vini spiritus omnia pervadens in subjectam paropsidem dilabitur; phlegma, cui transitus denegatur, in fundo residet. Argumentum perfectæ purgationis à phlegmate erit, si in ea linteam madefiat, & accensum comburatur totum, vel si in plana tabula projiciatur, accensa flamma, nil madoris in ea. immo nec vestigium relinquat. Sed totum negotium hinc pender, ut extrema vasis ora exacte constipentur, glutinenturque, ne subtilissimi spiritus tenui quovis spiramento evadant, & in auras resolvantur. Res glutinationi aptior nulla erit, nisi boum vesica vel aliorū, nam in latiusculas teniolas dissecta, & madefacta si ubi vasum ora coeunt, obvolvatur, ligeturq; expirantes vapores sola coërcere potest. Id in ejus distillatione observabis. Excālescentibus prunis vas fervet, & per vasis collum ardentissimus vini spiritus ascendit, infra fervet, supra friget, usque donec in pileum ascenderit, tunc frigiditatis occurso, in aquam abit, & per narem in receptaculum refluit, & quod quidem diu ascendendo steterat, tunc brevī temporis intervallo refluxus in conceptaculum regurgitabit. inde à summo frigescentis pileus, per collum vasis usque in alvum descendit rigor, donec denuo

denuo spiritus à phlegmate separatus eandem operationem efficiat. Nos eousque vinum ascendere patiemur, donec invisibilis spiritus in receptaculum labitur. nam ubi phlegma ascenderit, apparent in pileo bullæ, & rivuli, & per nares in aquam relabuntur, tunc vini cadaver tollito, & vinum superfunde, dum eodem modo spiritum exuxerimus. Possumus &

Idem compendiose facere.

Sed qui id brevioris temporis intercapedine exequi concupierint, vas æneum fabricant, capacitatis vulgaris dolii, in cucurbitæ formam, sed pilei nasum quindecim, aut viginti pedum vitreum, aut æneum conficiunt, sed flexuosa ambage vel per mutuos anfractus recurrentem, ac veluti anguineos flexus mentiantur, quem vase ligneo, frigida aqua pleno, excipiunt: ut per eum elabens in receptorium recipiatur. nam ubi ternis horis tertiam vini partem extillaverit, distillatum denuo in vas ponunt, ejecto quod subsidet, & iterum tertiam partem extillant, eodem die, idem tertio peragunt, demum longioris colli vase expurgant omni phlegmate. Sunt qui pileum tricipitem, aut quadricipitem faciant, nam unumquodque caput pervium habet, & unum alterum in alveo excipit, postremum in pervium: unicuique sua rostra, & suas pendentes paropsides, pilei imponuntur, longioris colli vasi coaptantur, ligantur & superlutantur ne expirent, quod è postremo aliori delabatur, tenuius perfectiusque ex postremo humiliori imperfectius, ac seorsum servantur, nam diversæ notæ aquas extillabit, summum omni phlegmate orbatum, ultimum omni redundans, sic mediæ notæ habebunt. Non omittam

Ex musto aquam vitæ excipere,

Magno carbonum. & lignorum compendio; nempe spiritus ille ἀπυρόσπικλον dici meretur, neque id doctorum artificum manum exposcit, sed ignari rustici, & mulierculæ: educitur enim spiritus ex vehementi Naturæ impulsu, sese emittentis, sola attentione qualicunque adhibita. Quum vinum è torculari in vegetes, & dolia trans-


transfunditur, & jamjam exhalaturum effervesceit, supra doli orificium, ligneum, vel fictile collum bicubitale imponitur, suprapileus accommodetur, & commissuras, ne respirent, luto fidelissime agglutinato, rostro receptorium subdatur, & recipiat; si quid ex eo dimanat aquæ. Sic ex effervescentibus musti spiritibus extolluntur tenuissimæ exhalationes, quæ in aquam coeunt: quæ quum solius Naturæ actu sine igne gignatur, peculiares suas quasdam proprietates habet, in opere suo loco dicendas, nunc reticemus.

CAPUT IV.

Quomodo Sole distillare debemus.

POSSUMUS non ignis tantum, sed vi Solis, & fimi distillare. Sed fimum distillata terra odoris sœditate inficit. Sol vero optimam aquam, multisque remediis conducibilem elicit. Vis ignis rerum esse commutat, & calidas, adurentesque qualitates conciliat, unde oculariibus remediis aquas in Sole prolektas propinare debemus: nam ex igne oculos vellicant, & lancinant, solares miriores, dulcioresque. Plus aquæ in Sole excipitur: nam illico in vapores solutæ descendunt, secus in ignem, dum ascensui impelluntur vi ignis, lateribus vasis hærent, ac reflux in fæces descendunt. Aliæ quoque adsunt dotes, suis locis explicandæ. Præterea familiari rei consultitur, nam absque lignis, & carbonibus, ac artificis assistentia res perficitur, quippe rebus repletis vasis, ac Soli oppositis, omni labore levantur. Ut rem igitur paucis perstringamus; scamnum paretur trium pedum altitudinis, duum latitudinis, longitudinis tantæ, quo distillandarum rerum operi respondeat, scilicet si multum distillare volueris, longius parabis, sin minus brevius, ea pars scamni Soli obex futura, tabulis claudatur, ne Sol receptoria excalefaciens iterum aquam ascendere cogat. In medio longitudinis tabulæ foramina excaventur capacia, vasum colla-exceptura. Ubi Sol jam Gêminos emensus fuerit (nam solo æstivo tempore hoc commodo frui poterimus) scamnum sub dio Soli opposito, mane ante So-
lis

lis ortum herbæ demetantur, ac immunda sordium eluvie demundentur, ex insidenti pulvere pedum spurcorum conculcatione, vel reptilium, vel quadrupedum animalium urinis, & stercoreibus, & id genus impuritatibus inquinatis, & conspurcatis: Inde ne aquam deturpent, obnubilentque, partim excutiendo, partim panis detergendo, tandem non illotis manibus aqua ablundo, ut purius, limpidiusque fieri poterit, in umbra siccentur, exiccatis ampla receptacula repleantur, ori orichalceæ fides cithararum in unum conglomeratæ, compressæque immittuntur, ut diuissæ relaxentur, ut dum obvertuntur, herbas ne infra dilabi sinant: collum parato foramini immittitur, infra alia receptacula locantur, quæ in suum sinum superiorum colla excipiant, ac linteis fasciis agglutinabis commissuras, ne expirent, hæc in latas fideliæ aquæ plenas impone, ut citius vapores in aquam crassescant. Optime omnia jam parata, obverte ad intensissimum solarium radiorum æstus; nam exemplo in vapores soluuntur, & guttatim in subiecta vasa stillabunt. Vespero post Solis occasum remove, ac novis herbis reple. Herba polygonum, sive *lingua passerina* vulgo vocato, concisa, extillataque, maxime oculorum inflammationibus præstat, aliisque morbis. Ex hyperico elicitur aqua omnem spasmus profligatura, si dolens membra ea abluerit: & alia, quæ longum esset recensere. Modus distillandi pictura prostat.



CAPUT V.

De oleo, per expressionem extrahendo.

DI X I M U S de aquis, nunc dicemus de oleis, dicturi post de essentiis. Hæc ingeniosissimi exquirunt artificis industriad : nam quamplurimæ rerum præstantissimæ essentiæ in oleis consistunt, velut humido radicali, adeo reconditæ, ut non nisi maximis arte, ingenio, conatu, & solertia in lucem veniant, ut hic tota distillationis ars pendeat. Prima ratio ex torculari pendet, etsi à distillationis arte segregetur, quia his necessaria multum, non fuerit inopportunum de hac paucula præfari. Fere communis omnium modus hic erit. Semina, ex quibus oleum extracturi sumus, oportet prius ex pelliculis repurgata, deglubitaque, quæ vel diverberatis manu evocantur,

cantur, vel unguibus sollicitentur, donec folliculi, quibus ambiuntur, abscedant, emundata in mortarium marmoreum collata, ligneo pistillo diligenter contundantur, post vihi rore leniter irrorata, ac in lebetem plumbatum lati oris relata, igne subfervefacito, lignea ridicula versando: ubi pingue quid reddere inceperint, ignem subtrahito, & duas ferreas lamellas paratas habeto digitalis soliditatis, & pedalis latitudinis, longitudinisque, ex altera parte explanatas, lævigatasque, quæ modico igne calefiant, ut digitorum tactus vix ferat, vel si mavis frigida inspersa, paulisper pertrepent, inter has laminas offæ linteis madefactis involutæ torcularibus premantur, excipiaturque cremor. Rursus in id, quod pressum est, iterum vinum irrorato, spatiolo, ut combibat interposito, iterum igni agitur, iterumque exprimatur forma, qua prius, donec prorsus omne oleum ita reddiderint. Alii ubi contusa, & fervefacta sunt, in sacculum firmum includunt, atque vehementi duorum lignorum retorsione utrumque in contrarium retorquent: oleum ex reposita materia exugitur, unde si

*Oleum ex mystica nuce liquidum
elicerè*

Quærimus, nucibus in mortarium diligenter confusis, ac in lebetem versatis, & fervefactis machinamentis oleum exugitur, quod mox exuctum gelascit; ut fluens reddatur, & maiorem penetrationis vim adsciscat, pluries distillabis vase retorto, quod quinto, aut sexto eveniet, vel ignitam harenam in oleum injicito, & versato, atque offellas formato, quibus per retortæ collum trajectis, ac succenso igne prima vice liquidum manebit, Sic etiam

Oleum ex citri semine exugere

Poterimus suis pelliculis purgato emundatoque, eadem opera oleum manat aurei coloris, & quartam sui partem reddit. In eludendis venenis, ac pernecabili voto privandis efficax antidotum. Præterea ad extrahendos odores ex mo'cho, ambara, & zibetho optimum menstruum.
& ad

& ad unguenta paranda præstat, quod tarde rancescat.
Extrahitur

Oleum ex semine papaveris.

Et tertiam dat suæ molis partem, aurei coloris ad soporifera medicamenta. Itidem

Oleum ex colocynthidis seminibus

Plenioribus extorquetur aureum, & sexta pars sui. Vermes profligat, & puerorum alvo exigit, ventris ori superillitum. Extractum

Oleum ex semine anonymi,

Ex suis folliculis repurgato, sexcuntia ex libra, ad aureum nitorem mulierum crinibus conciliandum præstantissimum. Fit & differenti artificio.

Oleum ovorum.

Assumito quinquaginta, vel sexaginta ova, elixato quoad durefcent, & crustis denudato, boleta è medio elcito, & in lebetem stanno perlitum calefcentibus prunis superponatur, ac lignea spatha remisceto, dum omnem humiditatem exhalent, ac succenso mox violentius igne, irrequiete versanda sunt, ne comburantur. Et sic videbis oleum exudare, ubi vero oleum omne reddiderunt, ignem subtrahito, & oleum quod manat, decapulato, vel ubi oleum exudare ceperit, ut diximus, prælo subjiciantur, & vehementi pressu oleum extrudes copiosum, sed non ita perfectum.

C A P U T VI.

Quomodo oleum aqua extrahatur.

NU NC modum exponemus, quo absque torcularis ope oleum extrahatur, & primo ex aromatibus, seminibus, frondibus, lignis, & quibuscumque. Oleum quia non nisi ignium violentia exugitur, & quum pingue, non nisi difficillime in sublime ascendat, & semina aromatica tenuia, subtilia, & delicatula sunt. quæ si plusculum ignis experiantur, illico cremati nidore insiciuntur, ut igitur vehementiorem ignem sustineant, &
ab

ab adustione tuta sint, non nisi aquæ medio opus assequimur. Constant, inquam, semina ejusmodi spiritali essentia eximie tenui, volatili, & Naturæ ingenita proprietate in sublime evchuntur, unde in distillatione aqua comite, facile sursum educuntur, & eveci in pileum oleaginei, & aquei vapores una in receptaculum derivantur. Modus erit ejusmodi. Eligantur semina perfectam maturitatem assequuta, non recentia, nec nimium vieta, sed ætatis vegetæ, contundantur, & contusa in maceratione cum sui ponderis quadruplo aquæ repones, vel aqua quatuor pollicum transversorum altitudinem superet: demum æneo vase indita, ut vim ingentis caloris sustinere possint, ignem vehementem succendito, ut aqua & oleum promiscue ascendant & defluant, aquam ab oleo separato, uti poteris. Ad exempla accedamus. Quomodo

Oleum ex cinnamomo extrahere

Possimus. Si fontanam aquam bis, terve primo distillabimus, plus olei nanciscemur, nam subtilior reddita, ac penetrantior vim parta ex loculis, ubi cinnamomi oleum in sua massa residet, pervadit ac violentius educit, aquæ igitur cxxxv libræ distillantur in cucurbita vitrea, ubi xl effluxerint, iterum distillabis has, usque donec xv recipiemus, ejectis cæteris ex xv solis, v. contenti erimus, singulis quinis aquæ libris, singulæ cinnamomi libræ macerentur, retorto vase, vel cucurbita distillabis, primo lactuosa aqua cum oleo emanat, post aquam excipito, oleum sub aqua mergito, separato ut docebimus. Ex libra cinnamomi vix drachma excipietur. Et docebimus

*Quomodo plus olei ex cinnamomo
exugatur.*

Nos ita facere soliti sumus ad præstantissimæ, & subtilissimæ artis ostentum: Habeto vas descensorium ex balneo (cujus paulo post constructionem ostensuri sumus) & in retorto vitreo vase ponatur cinnamomum leniter confRACTUM: accommodato in suo loco, & aqua apposita in balneo ignis tepore paulatim, sensimque aquam

ex cinnamomo eliciemus paucam, & plusculis diebus, quam maxima excipies diligentia, & supra cinnamomum refundes, ut iterum suam aquam combibat, & maneat sic paulisper, in igne post succensa, aquam & tantillum olei recipies. Sic tertio, & quarto facies, & quantitatem vix credibilem excipies, in aliis idem experieris. Eodem modo

Oleum garyophyllorum extrudere

Valemus. Singulis garyophyllorum libris denæ adjiciantur aquæ: extillabis more prædicto: nam aquam & oleum habebis. Ex libra duodecimam partem exuges. Oleum 2d remedia, ad esculenta condimenta aquam habebis. Sic quoque

Oleum liquidum ex myristica nuce habere,

Si contractam cum aqua vasi impones, & eandem operam distillando impendes, sextam sui partem colliges. Minus, sed longe validius

Oleum ex mace, & pipere

Excipies. Extrahemus etiam

Oleum ex aniso.

Ex libra anisorum una, unciam olei excipiemus: hyemis tempore gelascit, in caphuræ, aut nivis formam: æstate liquefcit. Sed saltem decem diebus maceranda semina cum aqua immorentur: immo quo diutius maceraveris, eo plus olei recipies. Eodem modo exugitur

Oleum ex fœniculo.

Et eadem quantitas olei excipitur. Ubi maturitate absoluta fuerint semina, & recentia, olei plus habetur: nam duplum condonat. Sic etiam

Oleum ox corianno.

Sed parva excipitur pars, & difficillimæ est distillationis. Ex libra vix drachma elicitur, sed recentia plusculum donant, & ne longiores simus, eodem modo ex angelicæ, majoranæ, dauci, rutæ, rorismarini, petroselini, selini, anethi, & similium seminibus extrahetur. Simili etiam modo elicitur

Oleum

*Oleum ex floribus lavendulae, rorismarini,
& aliorum*

Qui siccescentes oleum non expirant. Flores in receptaculum indantur, & optime clausum Soli ferventi exponito per mensem, qui in humorem soluti, ac ad vasis latera sublimantes, iterumque in se ipsos relabentes macerentur, si his post tempus opportunum aquam addes, & eandem operam navabis, oleum cum aquis exuges optimum, odoratumque. Possumus eodem artificio

Oleum ex lignis cupressi, & juniperi emungere.

Lignorum eliminata scobs si per mensem in sua aqua, vel fontana maceretur, eodemque vase, eandem operam impendas: aquam cum oleo guttatim excipies vehementissimi odoris, & commendatissimæ dotis. Hæc nos experti sumus, de aliis experimentum tibi delegamus.

CAPUT VII.

Quomodo oleum ex aquis separemus.

QUUM oleum extrahimus, una cum aquis in receptorium derivant, diligenter sunt invicem segreganda, ne oleum phlegmate aliquo redundans suas vires effeceret, unde depurgari oportet, ut suas vires præstantissimas exercere possit, idque distillatione, & separatione efficiemus: nam remistum illud in vas retortum, vel latum, & bene repositum, placido balnei tepore aquam extillabit, & superstes humor, oleum erit. Operosa est enim hujus administrationis separatio. Vasa ad id opus satis artificiosa vestigata sunt, quorum ope, omni aqua, vel phlegmate exhaustis, purum oleum residet. Vas igitur vitreum paretur: supra hiet, sensim se restringendo, usque donec in angustam formam redigatur, ad modum infundibuli. In eo super infusa stillatitia aqua, quæ ex phlegmate aquoso, & oleo promiscue effluxit, paulisper immoretur, oleum supernabit, aqua in fundo se recipiet, sed osculum digito concludimus, digitum recludendo, aqua præcedit, oleum paulatim recedit, ubi in angustias se receperit, ut proximum digito fuerit oleum, denuo claude, atque semiaperto osculo, guttatim aqua profluat, usque donec tota exhausta


hausta sit : tunc oleum in aliud vas parum transfundes. Aliud separatorium vas ad idem ingeniosissime excogitatum est , tumet venter vasis, collum angustum est , cujus medio rostellum affixum est. Transfundatur in vas oleum aqua remissum , occupat aqua fundum, oleum supra collum : guttatim aquam addes , donec oleum ascendat ad rostellum, eo pervento, inclinato vase, descendet purissimum oleum, & purgatum, ubi aliquid evacuasti, sensim aquam addendo, ascendit oleum ad canaliculum , eoque iterum inclinato , reliquum transfundas. Si vero oleum subsidet , aqua superaddatur, ut multoties eveniet , in latram fideliā, vel quodcunque vas impositum , gossipino licinio adaptato , aqua foras transmeabit , oleum purissimum quod superest, in fundo residabit.

CAPUT VIII.

Quomodo vas paratur ad oleum extrahendum, sine combustionis timore, & plus olei eliciatur.

POSSUMUS & vasis diversimode effigiatis , diversas oleorum, & aquarum extractiones in usum expromere, inter ea unum invenimus, quo igne quantumvis vehementi sine combustionis discrimine possumus oleum exugere, & majori, quam quovis alio, quantitate , & diversis quoque usibus accommodandum. Concinnetur igitur vas æneum in ovi formam, cujus capacitas sit medietatis vulgaris dolii , in fastigio os apertum habeat tantæ latitudinis, quod ingressuro, & egressuro brachio sit percommodum, si quando lavari opus sit, aut alternatis distillandarum rerum ordinibus repleturi sumus. Sit intus stanno perlitum. Vasi dehinc pileus æneus pedem altus imponitur, in imo foramen collo inferioris ahæni recipiendo commodum habeat, ejusque os extremo orarum suarum ambitu exacte includat. In pilei summo æneus canalis excurrat, quindecim, aut viginti pedum, per flexuosas ambages in se recurrens, ut commodius feratur, & minus occupet loci , qui in alterius vasis utero insigitur. hoc alveo turgens , non tantæ capacitatis ac primum , summa pars ejus in angustum collum extenuetur, cui alter canalis insideat, ejusdem longitudinis, eosdemque anguineos flexus retineat,

retineat, cujus postremum osculum, alium canalem rectum subintrat, qui dolium per medium penetrans, tandem in receptaculum labatur. Hoc autem pacto ad usum veniet. Minutatim concisa folia, caules, aut semina in ahænum imponentur, aqua fontana limpida superfusa, donec super eadem palmari, aut quinque latorum pollicum altitudine excreseat, dein supra pileus imponitur, & optime commissuræ coaptentur, extrema canalıs pars in aliud vas inditur, ora rite committantur, deinde altero pileo immisso canalıs retorti extremum, in rectum aliud intromittitur, qui per vegetem transiens in receptaculum se recipit. Commissuræ, si qua ex parte hient, arcte stupa infarciantur, deinde farina triticea, & ovi albumine glutinentur, superinductis vesicæ teniolis, atque stricte religatis, nam quum vi ignis urgentur vapores, adeo attenuantur, ut per rimas, & tenuissimas quasque commissuras perumpant, ut eos retinendi, omnem fere conatum subterfugiant. Dolium frigida aqua repleatur, & si tempore calefcit, recluso inferiori epistomio, foras evacuetur, & frigida superfundatur, ut novæ aquæ affusione, perpetuo canalıs rigeat. Ignis tandem, ut contenta in ahæno vase fervescencia ebulliant, excitetur, principio lentus, paulatim crescens, adeoque vehementer excreseat, ut urgentis vi ignis per retortos anfractus pertranseuntes vapores, quasi vas disrupturi perstreperent. Sic inferiori vase aqua ex phlegmate deposita, per retortos canales in sublime feruntur, & per frigidum canalem pertranseuntes, in liquorem coacti, in receptaculum regurgitabunt. Si aqua ex continua bullitione destituantur, vas habeat ahænum è latere canaliculum cum suo epistomio, per quem calida aqua superinfusa restituatur, epistomio optime concluso, ne respiret: oleum postea per separatorium ab aqua segregetur, & alio vase depurari, & sublimari poterit. Ex omnibus, quæ adhuc videre contigit, nullum vas copiosius oleum exugens, & minori labore, & industria vidimus. Sic ex floribus, foliis, aromatibus, resinis, lignis sine combustionis metu validissimo igne oleum elicere poterimus, ut ex granis juniperi, & lauri.




CAPUT IX.

*Vas descensorium per balneum describitur, quo
oleago descendendo paretur.*

CONTINERE me non possum, quin hoc loco priva-
tim quibusdam meis experiētiis inventum vas pro-
dam,

dam, haud parum, ut spero, ingeniosis profuturum, qui omni sublato uisionis timore, ex tenuissimis quibusque rebus oleum extrudere possint. Sunt enim quamplurimi flores tenuissimi, oleaginei, ut rosmarini, juniperi, aliorum, moschum, ambara, zibethum, succini, & ejusmodi, ex quibus oleum elicitur odoratissimum & medicis usibus commendatissimum: sed adeo tenuis essentiae & consistentiae sunt, ut infirum in modum vi ignis urgeri pertimescant, quum illico comburantur, & quum sine ignis violentia nec pingua ascendere, nec oleum extrudi potest, ut iis incommodis occurramus, vas constituemus, quo absque ulla uisionis labe, & labore oleum descender. Formetur igitur vas æneum oviforme, duum pedum altitudinis, ejusdemque latitudinis, circa fastigium divisum, illud pro operculo usui sit, & intra suum sinum recipiatur, & commissurae adeo quadrent, ut apte concludi, & constipari possint. In inferiori vase circa medium, spatio ab ore semipedis, quasi septum transversum lamina ærea accommodetur, ut apte imponi, & extrahi possit, in cujus rotunditate tria foramina excaventur, exceptura trium vasorum retortorum ima, reliquum laminae spatium totum pervium sit, ut effervens aqua, efferventissimique spiritus supra possint efferr. E vasis lateribus aptentur foramina tria, per quæ retortorum vasorum colla immitti possint, cum suis canaliculis agglutinata, ut apte stupa farciri, & vasis obligari possint, ne tantillum auræ, ne dicam aquæ expiret. Quum operi accingimur: repleantur retorta vasa vitrea rebus extillandis, colla per canalicula foris pendencia immittantur, ima foraminibus septi insideant parum elevata, spatium inane, si quid hiet intra collum & canaliculum, stupa repleatur, constipeturque, & supra vesicæ teniolis obligentur, repleatur aqua vas, ut à septo subsideat trium latorum pollicum intercapedine. Tandem operculato vase, & commissuris optime subfarctis, perlinitis, obligatisque, ne assurgentium vaporum violentia operculum in sublime extollat, & astantium facies fervore excarnificet, succenso igne paulatim incalcescat, usque donec vehementissimus: suffervet aqua, & confluentes spiritus inter se perstreperunt, ut terrorem incutiant, extil-



Exempla ex his aliqua , quæ experti sumus , apponemus ,
veluti eximere

Oleum ex floribus rorismarini.

Repleantur obtorta vasa floribus & frondibus rorisma-
ri. & vasi accommodentur: igne succenso primo aquam,
post aureum oleum exudat, vehementissimi, & ferventis-
simi odoris, cujus perpaucis guttis ad immensas ægritudi-
nes, & diros cruciatus profligandos usi sumus. Citius ex-
trahes si prius in sua, vel fontana aqua per hebdomadam
commaceraveris. Eodem modo extrahitur

Oleum ex corticibus citri,

Quum citria perfectam maturitatem adepta sint, ejus
cortex elimetur rudi cribro ferreo, scobs in vase impo-
nitur

nitur, & sub fimo denis diebus maceranda ponatur, optime obturata, inde æneo vasi accommodabis, & succenso igne, oleum cum aqua extillabis, odoris hilari amœnitate jucundissimi. Idem ex aurantii, & limonum corticibus eveniet, locis, quæ fructibus, floribusque orbantur, decutiuntur ramorum cacumina, & turionum, quæ in taleolas trientales diffecata, vasi induntur ad distillationem. Sic

Oleum ex rosarum, & citriorum floribus

Optimum, & præstantissimum elicitur, admirandique odoris, si, ut diximus, vasi indantur, & distillentur. At quia vix oleum ab aqua internoscitur, transfunditur aqua in vas longi, & angusti colli, & bene operculata Soli exponitur, & supra aquam paulatim oleum ascendit perfectissimum, reclinato vase excipitur, vel penna summatim colligitur. Truditur

Ex lasere odoratum oleum.

Vasi inditur vitreo, & æneo accommodatur, & sine combustionis timore exaucto igne, fragrantissimum oleum extillabit, quo ad pretiosa unguenta utimur, sic de styra-ce liquido, & calamite, ladano, & aliis gummis. Si vis

Oleum ex moscho, ambara, & zibeto :

Nullo commodius vase, artificio, & ope exuges è moscho, ambara, & zibeto pretiosissimum oleum, quam supra dictis, nam adeo sunt tenuissimæ essentia, ut vix tantillum caloris sustinere possint, quin totam molem scedissimo, teterrimoque combustionis nidore inficiant : hoc tamen artificio placidissime educitur. Nil vetat quin supra narratis aromatibus hoc etiam vase perbelle olea extrahi possint.

C A P U T X.

Quomodo oleum ex resinis extrahatur.

EST resinarum extractio olei peculiaris, quæ etsi fere eandem cum prædictis ineunt rationem, scilicet cum aquis remiscendo, ac macerando per multos dies, ut demum æneo vase vehementi igne urgente cum aqua simul oleum extrudatur : parva tamen sui exugitur quantitate, & præ-

& præcipui odoris, & sine combustionis nidore, ut ex opoponaco, galbano, styrace, & aliis communiter agitur: sed alio item modo per cineres distillantur. Sed hoc modo artificis assistentiam exigunt, singularem quandam solertiam, & providæ dexteritatis artificium, ut ingeniosa potius, quam operosa administratio dici mereatur. Nos exemplum apponemus, quomodo possimus

Oleum ex lasere extrahere.

Maceretur laser in aqua rosacea, vel absque ea in obtortam vitream imponatur, minimæ ascensionis, artifices *lento* vocant: deinde vas indatur ollæ cum arena, sed spatium inter ollæ latera, & vasis alvum arena intercedat: collum immittatur in receptaculum humidioris uteri: succendatur paulatim ignis, sed omni festinatione & ignis violentia omissis, sedula tantum opera, extillabit aquam: mox aucto igne, ut oleum manet, nec tum valido, qui ustionis vitium minetur, sed medium inter utrumque observando, oleaginei vapores totum receptaculum replebunt, inde in quoddam crassamentum versi, in glomusculos velleribus similes abibunt, ac vasis lateribus, & medio inhærentes, ut nil speciosius videri possit, mox in bullas, & oleum convertuntur, & ad ima delabuntur, eodem servato tenoris igne, quousque fæces exiccentur: & ignem amovebis, nam periculum combustionis imminet. Extruditur eodem modo

Oleum ex styrace.

Si vero liquet, lento igne facillime fluit, & vehementissimi odoris, ut nil acutius spiret. Calamitis vero vegetiori calore, quo in lasere usus fuisti, sedula attentione: nam plusculo igne comburitur. Simili modo exudat

Oleum ex ladano.

Teratur ladanum, & quindenis diebus cum aqua vitæ maceretur, vel vino *græco* vocato, saltem denis, nam quanto diutius maceraveris citius oleum præstabit: lento igne exuge, nam guttatim post aquam extillabit. Sic etiam manabit

Oleum ex terebinthina resina.

Id faciliter parabitur; nam lento igne elicitur, sed caute operandum, ne fumus alibi expiret; nam illico, ut magnes flammam attrahit, vel ignem concipit, & in vas illabens, ægre satis extinguitur, ut evenit extrahendo

Oleum ex olivis & lino.

Si commune oleum extilletur, difficillime transibit, exausto igne senis saltem horis prodibit, summa tamen diligentia, ne cineres ignescant, & vas; nam flammam intus concipiendo vasa frangit, & in sublime extollitur, ut ægerime extingui possit, immo flammam tam longe jaculatur, ut ad laquearia perveniat, ideo in testudinatis cubiculis extrahendum est oleum. Ex hoc edocti sunt artifices ignium, miscere in eis compositionibus, quum vehementem flammam concipiat, & satis difficile restinguatur.

C A P U T XI.,

Quomodo diversis artificiis olea ex rebus parentur.

QUIA & diversæ distillandarum rerum naturæ sunt, ideo variis artificiis olea ex iis distrahenda sunt, aliæ enim, quum igne urgentur, sublimant, neque in liquorem solvuntur: aliæ vim ignis sufferre nequeunt, quin subito comburantur, unde ex variis rerum discriminibus varia comparandorum oleorum artificia comperta sunt. Aliqua ex his afferemus exempla, ut solertes distillatores nunquam se ex re quavis oleum extrahere posse desperent. Hoc modo paratur

Oleum ex melle.

Satis difficile ex melle oleum truditur: nam minimo qualicunque calore tumet: inde consurgit in bullas, ut pervasis collum quamvis longum in pileum ascendat, & integrum in receptaculum regurgitet, priusquam in liquorem, vel oleum solvatur. Ad id multa excogitata sunt artificia. Sumito vitreum, vel vitratum vas latioris colli, breviorisque in eo mel injicias, supra stupam manibus accommodabis, ut undique optime superinsideat duum digitorum altitudine, sic infervescente melle, ac tumente, stupa illud infra reprimis, ac subsidere facit: stillabit prius claram

claram aquam , ubi colorari ceperit , amove receptaculum , & aliud appone . & utrunque seorsim servabis . Vel mel in quodvis vas injice , quod supra fundum quatuor latiorum pollicum latitudine ascendat , operculato ex more : mox scrobem in pavimento excavabis , atque vasis fundum humo sepelias , quod mel occuparat : inde supra terram quatuor digitorum altitudine vas luto crustabis , & munies , & resiccare curato , accendatur carbo circumcirca , ac paulatim vasi adhærendo , fervet mel , & quia calor supra illud in sublime est , prohibet intumescere , & facillime extillabit aquam , post oleum , primo aureum , mox rubicundum , usque donec mel in carbones vertatur . Poterit & alio modo quævis muliercula opus exequi . Infundatur mel in fictile vasculum novum , & cooperculo imposito sub dio effossa scrobe sepeliatur , ut sub soli superficie per cubitum lateat , finito putrescat denis diebus , mox eximes , & aquam crystallinam super extantem decolato in aliud vas . & operculato vase eodem modo inhumato . Post hebdomadam iterum revideto vas , & supernatantem aquam transfundito , sic tertio , & quarto , donec totum mel in aquam abierit , quod laxato obturamento visitur , servatam aquam ex more extillato , & satis facile aquam & oleum tibi præbebit . Diverso ab hoc artificio habetur

Oleum ex caphura ,

Contundatur minutim caphura , & in aquam fortem communem ex halinitro & chalcantho distillatam , & claram redditam immerge vas : repenti balneo , vel hypocausto per diei medietatem immoretur , & in summo aquæ oleum clarum , & limpidum superfluitabit : sensim inclinato vase transfundas , & repurgabis per retortam , & pulcherrimum oleum habebis , tenuissimum , & odoratissimum . Varia quoque sedulitate paratur

Oleum ex papyro & linteis ,

Et satis ingeniose . Revolvatur papyrus in modum pyramidis , pharmacopæorum more , quum aliqua aut reponi , aut longius ferri fuerit opus , æquentur forficibus sum-

summa ora, ac tenacibus verticem apprehendendo candelæ accendantur extrema, accensam invertendo supra patinam planam per semidigitum à fundo distantem teneas, ut vis fumus perspiret, infra manum deprimendo, ut ignis papyrus consumit, ut semper eadem mensura à fundo distet. Ubi absumpta fuerit meta, supra fundum patinæ oleum fluitabit croceum, & combustionem renidens: collige, valet ad detergendas, & profligandas à mulierum faciebus lentigines illitu. Simili fere modo truditur.

Oleum è frumento.

Supra inversum marmoreæ pilæ fundum complanatur frumentum, supra ferventem & fere ignitam laminam appone, & comprime: nam ex lateribus oratum croceum, & combustionis vicio male olens oleum excipies, ad eodem usus, ad spiritus refocillandos labantes alio paratur modo.

CAPUT XII.

Quomodo extrahatur oleum per descensum.

Modus est communis, & apud omnes vulgaris, nam ex rerum ustulatione extruditur, sed odoris infestissimi, nec eo nisi in medicamentis uti possumus, extrinsecus adhibendo: nam intra corpus absumi nequeunt. Modus ejusmodi erit. Ex tenaci creta, & igni contumaci paretur olla, intus vitrata, ut liquores ei commissos continere possit, absque transmissionis suspitione, cujus fundum foraminibus interceptum. Ollæ aliud fictile subditur, quod orificii amplitudine supra dicta fundum intro recipere possit, & commissuræ circumludentur: olla ex lignorum taleolis repletur, & cooperculum inditur, & superlutatur. Mox scrobem defodito, & olla cum fictili sub terra reconditur, & terræ quicquid effossum est, in circumvacuum spatium reingeritur, ac pedibus concalcatur, & arena superinspargitur altitudine sextantis: supra igitur ollam pauca carbonum strues accenditur, gradatim postea augetur, donec diei spatium olla ferbeat: post hæc igne amoto, & fervore dimisso, olla effoditur & in subjecto ollæ vase oleum excolatum reperitur, quod ut à for-

fordibus depurgetur, per retortam iterum distillabis. Nos, ut aliquid novi vetustis rebus addamus, ita faciemus. Fabricetur ligneus tripes, cujus pedes duorum pedum longitudinis. In summa tabula medium perforetur, ad excipiendum collum distillationum vasis, supra lignum ærea concha concinnetur ne lignum uritur, atque ferreis filis firmetur. In medio pedum longitudinis, adapretur tabella, supra quam receptaculum collocetur, quod apte inversi vasis collum intra se recipere possit. repleto vase distillandorum, circum accenditur ignis. Si quis igitur extrahere quæsierit

Oleum ex guajaco.

Replent vas vitreum ligni guajaci scobe, ac alvus superlutatur luto paleato, ac duplici, triplicive crusta munitur, ubi Sole resiccatum fuerit, intra collum fides orichalceæ indantur, invertatur vas, & per foramen trajecto collo accommodetur receptarium, & linantur spiramenta. Supra concham, circa vitrum accendatur ignis, primo largiuscule, mox viciniore contactu vehementius incalcescat, sed non candeat, donec omnia combusta putabis: post amoto igne, requiescere finito, donec frigescat, & reperies in inferiori paropside oleum nigrum, combustum, inolidum. Hoc modo ex junipero, cupresso, & aloë oleum extruditur, sed in aloë majori solertia, & diligentia utendum est, ac levi vi ignis, quum unguenta subintret.

C A P U T XIII.

De quinta essentia extractione.

VARIAS oleorum extractiones tradidimus, nunc ad quintam essentiam deventum est, quam declaremus oportet, ac quomodo extrahatur. Quintam essentiam Paracelsici definiunt formam esse, sive spiritum, sive virtutem, aut animam ab omni impuritate, & elementari sui corporis conditione separatam. Diximus animam, quia ex animalium ossibus, carne, medulla, sanguine, & aliis membris extrahi nequit, quia spiritu carentia, carent eadem ipsa quinta essentia. Diximus ab omni elementorum impuritate separatam. nam extracta è rebus essentia

quin-

quinta remanet moles solum elementorum, viribus omnibus orbata: vis enim, virtus, & medicina non ex elementis habetur, sed sua proprietate ipsa tamen elementum est, elementorumque vires in se eminenter continet, & ab elementis; eorumque sorte longe semota. è rudiori corpore educitur, & spiritualis efficitur. dum suæ moli inhæret, hebescit spiritus: quum ab ejus societate divellitur, suas vires fortius exerit, intenditque. Minima est mole, ingens operatione. Vires, quibus una quinta essentia alteram superat, non ex qualitatibus, sed operationum gradibus æstimandæ: nam quæ radicitus, & citius morbum profligat, summos gradus attingit. Quinta juniperi essentia, lepram tollit, sanguinem solum purgando: ideo primus ei in operatione gradus assignatur. Ambaræ, venenum morbi tollit, cor, pulmonem, & membra purgando: ob id ei secundus. Antimonium, præter prædictas vires, etiam corpus purgat, ob id ei tertius gradus. Sed aurum ex se solo operationes omnes exercet, & corpus innovat: ob id ei quartus gradus, & valentior virtus contribuenda. Sed quintæ essentia quomodo extrahendæ sint, hoc opus, hic labor: quum esse possint oleum, liquor, & sal, & variæ multiplicisque: ideo variis, multiplicibusque viis extrahendæ veniunt. aliquæ per sublimationem, aliæ per in calcem reductionem, acetum, vinum, aquas corrosivas, & similia: sic varia paranda sunt menstrua, pro cujusque ratione, & natura. In eligendis menstruis regulas aliquas addemus. Quod menstrua ex rebus illis convenientibus fiant, & quoad simplicia fieri possint: nam quinta essentia simplex esse debet, nullis inquinata, aut permixta, sed simplex, & immaculata. Et si necessario aliqua sint addenda, post illius separationem illico segreganda veniunt. Si per corrosiva metallorum essentia educitur, post extractionem, sal ab aquis segregetur, & ii sales saltem adhibeantur, qui facile abolentur, vitriolum, & alumen ob terrosam substantiam satis difficile separantur. Præterea aquosum menstruum ad aquosam essentiam non assumatur, nec oleosum ad oleaginosam, nam difficile similia invicem separantur, sed ad oleosa aquosis utendum, oleosis ad aquo-

aquosa. Exempla in herbis carnibus oleosis, & variis rebus exponemus, ut ex te in aliis uti discas. Infinitæ sunt rerum essentia, modique, quibus extrahi possunt. Sed doceamus

Moscho, ambara, Zibetho, & aromatibus quintam essentiam extrahere.

Assumito oleum ben, vel amygdalinum, & moschum, ambaram, vel cinnamomum, zedoariam optime confusa commisceto, & vitro imposita, vel Soli credito, vel balneo denis diebus foveantur, tempore hoc elapso à suis facibus exprimantur, & sic quinta essentia rei in oleum abit. nunc autem, ut ab oleo separetur, ita facito. Accipito aquam vitæ, & si corpus odoratum est, aquam fontanam, ter, quater distillatam, & cum oleo prædicto remisceatur, agiteturque, & in digestionem sex diebus relinquatur, post per cineres distilletur, & ascendet aqua ardens cum essentia sua, remanet oleum in fundo sine odore, & essentiam post aquam vitæ per balneum leniter extillabis, ut evanescat aqua vitæ, & quinta essentia in olei formam in fundo remaneat separata. Si ex aqua vitæ sola: Concidantur radices zedoariæ & contundantur, & in vase vitreo aqua superfundatur vitæ, ut trium digitorum altitudine superemineat, vasculum in digestionem denis diebus detineatur, exempto vase supra cineres, aut arenam distilletur: usque dum nihil præter humorem distillet, vitata tamen combustionis labe: quod distillatione extractum est, in balneum traducatur, levique igne aqua vitæ evanescet, & quinta essentia zedoariæ in fundo residebit, quæ liquoralis erit. Possumus

Ex carnibus quintum esse extrahere

Veluti ex caponibus, ex tribus enim caponibus sæpissime quintam essentiam extraximus quantitate parvam, sed viribus, & nutritione præstantissimam, qua infirmis triduana inedia enectis, ac stomacho derelictis, robur, & vitam restituiimus: optimum præbens nutrimentum. Accipiantur pulli, aut gallinæ, caponesve optime deplu-

deplumati, & interaneis ejectis, eos in parva frustilla concidemus & in vas vitreum tradimus, optime operculatum calidis cineribus ebullire permittimus per diem, vel quousque ossa caro, & tota substantia in aquam sit dissoluta, referato vase, aquam decoctā in aliud vas, & per pannum lineum faeces omnes exprimito: nam carnis ossa, quæ remanent, adeo omni carnis substantia, odore, & qualitate orbata sunt, ut canibus objecta, nec olfacere dignantur, quod erit argumentum optimæ extractionis, liquorem in vas vitreum transfunde, ac levi balnei calore aquam solvimus in vaporem, in fundo remanet essentia quinta dura, aut mollis, ut placuerit, ut unguinis crassamentum imitetur: admirandæ prorsus, nec unquam sati laudatæ naturæ. Possumus

Ex salibus essentiam quintam extrahere.

Sales accipiantur, qui more solito in calcem reddantur, & si volatiles fuerint, comburantur, hos minutim terito, & qui inde attritus pulvis super marmor distendatur, atque in humidam cellam statuatur, subiecto vasculo, ut quod in liquorem solvitur, in illud influat. vas hoc in putrefactione per mensem imponitur, balneo exemptum accommodetur, & levi igne dulcis aqua extilleretur, & abjiciatur, quod subsidet vero, in putrefactionem ponito per alium mensem, & ut prius dulcem aquam extilla: idque donec in aqua dulcedo ulla percipiatur, in igne usque ad consumptionem humiditatis foveatur, quod in fundo residet, quinta erit salis essentia, & libra vix binæ unciz supererunt. Eodem fere modo


Ex herbis quintam essentiam elicere licet.

Coniunde herbas, & in vas vitreum pone aptum, quod sub fimo per mensem putrescat, & imposito pileo distilla per balneum, iterum per hebdomadam sub fimo pone, & rursus per balneum distilla, & sic putrefacies, quousque aquam distillabit, aquam distillatam iterum supra herbas superfundes, & per circulum sex diebus distillabis, & colore vegetior fiet, hanc per balneum extrahes; quinta essentia in fundo remanens per torcular exprimatur, in
fimo

fimo digeratur quinis diebus; & perfectam in odore, colore, & viribus plantæ habebis. Si velimus

Quintam essentiam aquæ vitæ educere,

A multis jactatam, sed ex millibus, qui domi confluunt, nec uni quidem expertam. Ejus descriptionem non sumus præterituri, quam cum amico multorum experimentorum gnaro contulimus, Lullio monstrante viam. Vinum paretur vetus, nobile, & generosum, quale diximus, in ampla receptacula dividatur, eaque optime conglutinata, ne tantillum quidem expirent, sub fimo tumultentur binis mensibus. Opus ex hoc pendere videtur; nam si id omis- sum foret, opera, & impensa perire: elapso tempore, no- tis vasis distilletur, spiritus seorsum reponitur; sæces, vi- ni reliquæ recondantur, spiritus ex more purgetur, quo- ad fieri possit, bifariam dividatur. sæces distillentur, quo- usque ut mel, aut pix resideat, superimponitur phlegma, & laventur, reponanturque, in lapillos reversuræ, qui in distillatam aquam ponuntur. Fæces iterum desiccatas in siglina, vel vitrariorum fornace igni ferventissimo prosti- tuito, ut in cineres albicantes exurantur: aqua paulatim imbuantur, & in tepidario sui clibani reponantur, ut in- salem convertantur. Argumentum optimæ operationis exactum erit, si super ignitam laminam projicias, lique- scat, & in auras solvatur; sin minus, rectius operator: hic aqua remiscetur, ac vitreo vase oblongi colli imponi- tur, indito subere, & pergameno. & pileo accommodato, qui ubi vim ignis senserit, omnia penetrans in pilei came- ris, quasi situs contractus visitur: aqua, nisi prius ipse ascenderit, immota manet, ille optime aquis remissus in perpetuæ circumgyrationis orbem indatur, ut in se ipsum frequenter repetitis vicibus educatur. sic suæ substantiæ crassitiem omnem eximat, & deponat, & vim tenuiorem, longeque subtiliorem recipiat.



CAPUT XIV.

Magisteria quæ sint, & quomodo extrahantur.

DI X I M U S, quintas essentias proprietatum, naturam sequi mistorum, contra autem magisterium, elementorum qualitates sequi, ut neque spiritum, neque tincturâ extrahunt, sed quoddam medium inter utrumque: magisterium igitur est, quod præter separationem elementorum à rebus extrahi potest. Essentia quintæ sæpissime colores, tincturæ semper, ac magisteria colores non sequuntur. Extrahendorum magisteriorum ratio diversa est ex diversitate rerum naturarum. Exemplum apponemus, extrahendo

Magi-

Magisterium gemmarum, coralli, & unionum.

Contere gemmas, & reverberationis igni vehementissimo appone, ut in calcem redigantur, comitem ei adde salnitrum, sed æquis ponderibus, calcem solve in aqua vitæ, & quod in aquam abit, transfunde. reses pulvis iterum igni exponatur, & in calcem melius redactus, aquæ indatur, idque donec totum in aquam abeat; aquam calenti furno appone, ut in auras solvatur, quod in fundo residet, est magisterium gemmæ. Uniones in aceto dissolvendi sunt, & si possint quoque limonum succo, acetum validum fieri potest, rebus illud roborantibus, ut in aqua vitæ diximus, ut pote suis salibus, dissolutos in balneo, aut fimo per mensem putrefieri finito, mox distilla menstruum, & in fundo magisterium perlatum residet. Possumus quoque elicere

Ex charabe magisterium.

Apponimus modum nos quo extrahere soliti sumus. Paracelsici aut celant, aut ignorant; quicquid erit ostendimus. Tundatur succinum minutissime, tustum in aquam vitæ inspergito, ut illud solvat, solutum transfunde, & novum injice, quousque quod solvi potest, solvatur, per mensem immorando, aquis omnibus in unum collatis, igni solvantur in auras, in fundo reses oleum magisterium est succini. Hoc ex sequenti magisterio cicatrices in facie delevimus, & vertigines fugavimus. Apponemus modum extrahendi

Magisterium ex guajaco.

Optimum profecto veneræ luis contagii remedium, nos primum prodimus. Ex guajaco ligno sumantur rassuræ, vel scobes torno quæsitæ, nam si lima quærantur, ex africationis calore nobilissimi spiritus exhauriuntur, in aquam vitæ repurgatam injiciantur per diem, ubi colorem rubicundum contraxerit, scilicet ejus oleositatem, & substantiam, excolato, & novam affundito, agitato semper, & conturbato, dum denuo coloretur aqua, colata, tantisper addes, & excolabis, quousque aqua non colorabitur amplius, scobem eandem prælo exprime, succum liciniis distillabis, distillatum in vas ebulliet,

liet, ut transpiret aqua, & oleum, sive resina, aut magisterium succini colore nitens odoratissimum recipe, quale nunquam putares in ligno contineri. Possumus idem, sed non tantundem brevioris temporis momento exequi, scobem guajaci in distillatam fontanam aquam injice, ebullias per diei medietatem, excola, per licinium trans mitte aquam, & per ignem in auras solvatur, nam eandem resinam in fundo dimittet. Eligendum est lignum satis resinosum, quod candelæ expositum, oleum, vel pingue quoddam exudat. Eodem artificio nobilissimum extrahimus

Magisterium ex aloë.

Eodem modo torno quæsitum lignum in aquam vitæ injicitur, & coloratam, excolatam in tenuem vaporem solvimus igni, & in imo vasis collegimus odoratissimū oleum aloës, præstantissimum ad unguenta. Possumus sic

Magisterium vini

Exhibere, nos spiritum vini dicimus; apponemus Paracelsi modum, postmodum nostrum, quum suo nostris regionibus uti nequimus. Vinum optimum, validum, & generosum in vitreum vas infunde, ut tertiam inanem relinquat, claudito os, aut Hermetis sigillo, aut validissimo glutina, ut dicemus; sub fimo tribus quatuorve mensibus teneatur, nunquam calore intermisso. Quum hyeme frigora sæviunt, his per mensem exponatur, & congelabitur, sed spiritus, vel magisterium in centro se recipit, quia sua tenuitate congelari nequit; rumpe vas, congelatum abjice fluens recipe, quod in pellicano per mensem circulari finito, & habebis. Nos vinum jam dictum in vitreum vas ponimus rotundum & putrefactum sub fimo, glaciæ vi, ut dicemus, congelamus, & glaciamus, disrupto vase, liquidum recipitur, & maximam in eo vim cognoscemus, si per circulationem perfectius reddes, & melius erit.

C A P U T X V.

Quomodo rerum tincturæ extrahenda.

TINCTURA est coloratæ rei purior, efficaciorque pars extracta; nobilissimaque sui compositi, extrahitur

hitur vero ex gemmis, lapidibus, plantarum floribus, radicibus, seminibus, & cæteris: in hoc ab essentiis diffidet, quia præcipue materiei, ex qua extrahitur, colores adsciscit, artificiose à suo misto segregatur, solertia, & diligenti manus ministerio potius, quam labore, distillatione segregatur, pinguedinis, & materiei expers, sub pellucidi coloris facie colorem solvendo gemmæ, vel florum mentitur, ab aliorum elementorum mistione libera, solum aërem puritate, & perspicuitate æmulatur, absque ulla impurioris materiæ accessione, sed purissima substantia, ut multorum annorum spatio nil fæcium in sui vasis fundo deponat, sed perpetua perspicuitate, sublimitate, & virtute perennet, artificiose saphyri mistura separatur, remanet excolorata materies, & inutilis, ut & aliis rebus. Exempla apponemus aliqua, quibus è metallis, & floribus, aliisque rebus extrahatur, & primo docebimus

Tincturam ab auro extrahere.

Si commendatissimas dotes homines scirent, quas humano corpori affert hoc nunquam satis laudatum metallum, aurum, fortasse pleniori obsequio persequerentur, quam ad vitæ commoda. Rerum Naturæ solertissimi vestigatores, quum in auro perspicuitatem, fulgorem, virtutem quandam attractivam, & ut ita dicam, magneticam (ut vix conspectum, illico oculos ad ejus majestatem, & pulchritudinem contemplandam, manus ad contrectationem, ac denique humanum nostrum spiritum ad ejus concupiscentiam invitat: & infantes pueri illud aspiciendo lætantur, risu & plausu manus extendunt, ad se rapiunt, nec ab eo divelli possunt) animadvertenter, conjectarunt non minimas opes in eo reperi ad humani corporis incolumitatem. Astrologi respicientes illud Solem radiis, fulgore, & nitore æmulari, ac inter metalla, ut Solem inter astra, prærogativa quadam ac majestate pollere: ob id prodesse cordi, tollere melancholiam, & ejus alumnos censent. Metallici inquirunt in ejus mistione elementa adeo proportionata harmonia convenire, adeo purgata, compactaque esse, quod

temperatissimum indicent, & longe à corruptione alienum: cui nil desit nihilque superlit: atque ita densum, compactumque, quod diutissime in igne permanens, non solum non consumatur, sed quotidie longe nobilius, ac fulgentius reddatur, & ob id sepultum, per annorum millia, rubiginem non contrahere, nec manibus contrectatum, ut reliqua metalla, manus deturpare, nec in eo aliquid turpis odoris, aut saporis reperiri. Præterea plagas hoc metallo inflictas, illico sanari, & combustiones ex ignito ferro factas, vestigia ustionis non relinquere. Ob has res, inquiunt, in corpus adsumptum, non posse nisi nostri corporis elementa, & humores ad temperiem reducere, superfluos ad æqualitatem reducere, & diminutos reficere, putrefactiones omnes tollere, atque amica unione calorem reficere, sanguinem expurgare, augereque, nec solum ægritudines sanare, sed valetudinarios longævos, & fere immortales reddere. Dotes, quæ ab Rainaldo, & Raimundo, cæterisque nobilioris notæ Medicis auro attribuuntur, sunt primo, cordis vires augere, illudque robustum reddere, fæces exiccare, demerere sanguinis superfluitates, ac suo splendore, & claritate exhilarare, & illuminare spiritus, sua soliditate confortare, suo temperamento temperare, & ab omnibus morbis præservare, sua gravitate ad expulsionem loca superfluitates deprimere: unde confirmat juventutem, restaurat virilitatem, ac senectam remoratur confortat principalium viscerum virtutes, urinæ difficultates, & infarctos meatus aperit, sanat comitiales, liberat ab insania, elephantiasi (legimus Osiandrum Theologum auream catenam collo gestare solitum, ne lepra infestaretur) & melancholia: & præcipue contra venena, & pestis contagia valere. Nunc autem examinandum, nunquid veteres, aut neoterici Medici, recte illud præparare noverint, ut præstantissima hæc opera præstet. Nicander miris laudibus aquam contra venena profequitur, in qua aurum restinctum sit, putans fortasse suam virtutem aliquam in aquam imprimere. id etiam Dioscorides, Paulus Ægineta, & Aetius. Avicenna ait, suam climatam scorbem melancholiæ prodesse & ita sub.

subingredi medicinas alopecie, & in pharmacis poculentis, & in suum alcohol redactum, ocularibus medicamentis prodesse, cordis doloribus, tremoribus, aliisque animæ passionibus. Plinius combusto utitur, triplicato salis pondere siccilibus vasis, & ita suas vires communicare, ipsum incorruptum, & intactum remanens, atque etiam cum melle decoqui. Marsilius Ficinus magnæ substantiæ esse dicit, sed subtiliari illud oportet, ut corpus penetraret. Sed ignorat modum, tandem in tenuissima folia redactum cum aquis cordialibus exhiberi, ita enim futurum, ut aqua vires ex eo exhauriat; aut in vino extinguendo. Alii sunt, qui Plinii verbis edocti, inquirunt, in liquefacto membra gallinæ injici, & illud in se absumi, nam membra gallinæ auri sunt venenum. Ob id Ficinus in jure caponum miscet auri folia. Hactenus Græci, Latini, & Arabes de extrahendis ex auro virtutibus, sed longe à veritate abierunt. nam satis inepte volunt, aquis restinctum suam illis virtutem conciliare, & si in poculentum liquorem converterent, posse illud ab humano calore confici, quod vehementissimi ignis viribus non cedit, immo indomitum contra illud manet. Experti sumus trium mensium spatio vehementissimo igni expositum aliquantum stetit, & postremo nec tantillum sui ponderis amisisse, sed exauctum repertum colore, & bonitate, & ignis, qui omnia consumit, id perfectius reddit. Quomodo igitur ab humano calore id coquetur, qui vix panem concoquere potest. Et quomodo restinctum aquis vires suas conciliare potest, si neque aqua vitæ repurgata, vel aliis validis aquis vix sapor, & color immutari possunt. Nos quæ vidimus describemus. Recentiores doctissimi, & solertissimi Naturæ investigatores in auri tinctura, suum arcanum, magisterium, quintam essentiam, & omnia, consistere dixerunt, ut vis, potentia, anima, & auri energia sit ipse color auri. Qui ejus tincturam elicere noverit, non minimum nanciscitur secretum. Sed hoc opus, hic labor. Qui de extrahenda auri tinctura loquuntur, adeo concise, perplexe loquuti sunt, ut potius occultasse, aut nescisse videantur, quam aliquid docere voluisse. Scito non posse suam tincturam

T

exhau-

exhauriri, nisi validissima aqua perfectissime solvatur: nec aquis fortibus, aut regiis solvitur, opus erit, quia in aqua sales corrosivi non perfecte, aut absolute in aquam solvuntur, sed tantū in distillatione phlegma remittunt. Discant igitur diutina solutione, & immittance ita distillare, ut rota salis substantia solvatur, quod pluribus vicibus eveniet, ex salibus ii distillandi, ut diximus, qui possint mox apte separari, diximus qui separentur. Post optime solutum, aqua, vel menstruum injiciatur, coloris, vel essentiz extractivum, quod pluries memoravimus. Vidimus enim nos ipsi menstruum colorem aureum, croceum, vel rubrum ad se trahere, & albam calcem in vasis fundo desiderare: non sine maximo animi gaudio: separetur sal separabilis ab menstruo: solvatur: menstruum in auras evolet, & hoc vere poculentum aurum, vera tinctura, & hoc maximum Philosophorum arcanum, multiplici ægminate celatum, hæc adeo tenuissima est, ut & corpus pervadere, & mirabilia efficere, quæ antiqui spondere. Simile erit

E rosis tincturam extrahere.

Rosarum folia, præsertim rubearum in capillares, & minutissimas partes forficibus dissecemus, divisas in aquam vitæ projicimus, & illico sanguineo colore tingetur, post tres horas illas tollamus, & alias projiciemus, quousque aqua coloratissima fiat, aquam transfundimus, & igni evaporamus, ut in aërem resolvamus, subsidet in fundo tinctura sanguinis. Idem ex garyophyllis faciemus. Possumus & idem alio modo facere, & perfectior erit, nec menstruum aquæ vitæ respiciet. Phiala lati oris frondibus rosarum rubearum repleatur, hæc intra alembicum plumbeum immittatur, atque rosis aliis repleatur, indito pileo succenditur ignis, vapores rosacei phialam subintrantes, sanguineo colore tinguntur, & hic novus erit extrahendi modus tincturam, quo in aliis coloratis floribus uti poterimus. Possumus

*E calthæ, violarum, buglossæ, & seridum floribus
tincturam extrahere.*

Si eo, quo diximus modo operatus fueris, tinctura calthæ
crocea

crocea erit, at buglossæ, violarum, & seridum floribus rubra, quia eorum florum tinctura adeo tenuis, & superficialis est, ut tenuissimo calore expiret, infra rubea erit. Sic facies

Ex floribus aranciorum colorem extrahere,

Et simul cum colore admirandum odorem. Arancii flores forficibus etiam dissecantur, & in aquam vitæ imponuntur, ubi crocea jam reddita est, & flores odorem remiserint, immutantur, donec aqua multum, retineat coloris, & odoris, vel aqua crassamentum quoddam habeat, tunc excolatur, & igne expiratur in auras, sic colorem, odorem, & vires ex floribus extrahes omnes. Sic autem poteris

E corallis colorem habere.

Contere eos, & vehementi igne in salem vertes, comes ei addatur halinitrum, & æquis ponderibus: mox ex aqua vitæ salem elicies, & suum colorem trahet mirificæ virtutis, ut dicemus.

CAPUT XVI.

Sales quomodo ex rebus extrahendi.

NON minima virtutis pars in sale residet, quo non solum in ægrotorum condimentis utemur, sed aliis modis, quum penetrandi vim maximam adsciscat. Diu ab antiquis quæsitum, utrum sales vires rerum retineant, an ex igne alias amittant, alias acquirant: innumeris periculis factis, rerum vires, ex quibus extracti sunt, conservant, & plerunque acutiores. Exempla apponemus, quæ vidimus: & primo

E limonibus salem conficere.

Extillentur limones cum corticibus, & acredine, servetur aqua, & cætera exiccentur, aut umbra, si tempus permittit, vel clibano. Indantur vase optime lutato, & igne reverberationis exponantur, in calcem vertantur. Calcem in aqua solves, & bullire facies, ut lixivium perfecte conficias, mox penicillo extillabis, ut si quid sæcium resideat, depuretur, mox aquam in auram solves, & in fundo sal remanet. Ad frangendum in vesica calculum optimum adinvenimus, Extrahitur quoque

Sal ex imperatoria.

Exiccetur autem radix vase cooperto, & lutato, & in fornace tribus diebus semper cremetur, donec in cineres albicantes redigatur, superinfusa ejus aqua, distilletur, & distillatum iterum in calcem injicies tertio dein penicillo optime expurgetur, fistili vitreato imponitur, ut ebulliar, albumine ovi projecto, ut sal depuretur, tandem sal candens, & granosus apparebit. Sic etiam fit

Sal ex cumino.

Radix, herba, floresque in vas injiciuntur, optime luratur, & resiccatur, & fornaci laterariæ inditur, ut cineres exurantur. Interèa radicem, herbam, & flores distilla vel si mavis decoque, & hac aqua lixivium peracre facias, quod ubi per lieinia ter, quater mundissime defæcaveris, vase vitreo coquendo, in sal redigitur, si purius, & nitidius quæsieris, sal supra porphyreticum marmor extends, & humido loco depones, aptato infra vasculo, ut quod resolvitur humiditate, in vasculum labatur, semper defæcando, si quid sordium inhæserit, id tertio facies, donec crystallino colore renidens videatur, ita condito. Hoc modo alchali vocant. Extrahitur

Sal ex saxifragia

Eodem modo, quem diximus: si eo cibos condias, à cibi, aut panis venenati noxa immune præstat, tuerurque à contagio, & infectione pestilentis aëris. fit idem ex aliis rebus contra venena præstantibus, quibus Principes loco communis salis in cibis uti possent, quum sapore vix discernatur. Ex thapsia sal conficitur ad renum calculos, & vesicæ deturbandos. & tartarum, sive viscositate induratos solvens, lumbricos interficit, & sanguinem expurgat: crebro sumptum sudorem provocat: mire in curatione morbi gallici proficiens. Extracto à bibinella si quis tri-duo vescatur, tertio quoque mense, pro vitæ tempore toto securus deget ab hydropè, phthisi, & apoplexia. Corpus ab aëre pestifero grassantis contagii efficaciter præservat. Prodest sumptus etiam ventriculo, si languescantibus viribus cibos ingestos concoquere nequit. Sed in hoc, & in aliis animadvertendum est, non quotidie his salibus

vescen-

vescendum , ne his Stomachus assuetus pro alimento fam-
 iliari arripiat. Ex eliminata etiam guajaci scobe sal efficiat-
 ur , qui mirum in modum in lue venerea prævalet , eo-
 dem, quo diximus modo, assumptus. Reliquos tuo more
 jam parare edidicisti.

CAPUT XVII.

De elixiribus.

SUNT elixires præservativi corporum , in eo quidem
 statu, quo ipsum inveniunt conservant, vis eorum est
 à corruptione tueri , non emendando , sed præservando
 etsi per accidens sua renuitate tollat aliquando morbos.
 Duplex ejus vis , præservando à morbis , & conservando
 corpus in eo statu, quo invenit, nec solum humanum, sed
 plantarum balsami vires æmulatur, cor potissimum inva-
 dit, cerebrum , eaque membra, in quibus potissimum vi-
 get spiritus. Elixir trium est specierum , metallicum ,
 gemmeum , & plantarium , utpote è radicibus , herbis ,
 floribus, seminibus, lignis, resinis, & similibus: dissidet ab
 essentiis, tincturis & ab omnibus , quæ diximus. Quia ex
 pluribus fit, ideo tincturæ nō servantur, quia pinguedinis
 multa expertia subingrediuntur : ob id non oleum . quia
 perspicuitate , & pelluciditate destituitur , nec essentia
 esse possunt, sed medium quoddam inter omnia, ac habi-
 tu potius liquorem quendam, quam aliquid aliud repræ-
 sentat, hinc sibi nomen elixir vendicat. Exemplum erit

E bibinella elixir componere.

Radix suo tempore defodiatur , & maceretur in sua aqua
 & impositis ponderibus putrescat , donec flores suum vi-
 gorem consequuti fuerint , qui tunc temporis decerpi ,
 eodem modo macerandi , sed peculiari vasculo : idem de
 semine faciendum , imponitur in alembico eliciendo
 phlegma , & oleum , donec siccæ faeces remaneant, segre-
 gatum in pellicano imponitur , & per duos menses circula-
 tur, tandem excipitur, servaturque. Nunc aliud descri-
 bemus ,

Elixir ex multis rebus.

T 3

Multæ

Multæ circumferuntur elixiris compositiones, quas mendosas, & varias cognovimus, præterea in extractione olei, & aquarum, adeo difficilis operis, ut potius tempus, & impensæ terantur, quam aliquid boni speraremus, & potius ad pompam, & magnificentiam à Principibus factitatum, quàm ad beneficium aliquod hominibus inferendum, multoties experti sumus, nec ea præstabant, quæ promittebant, ne illo modo confici posse videbatur: hoc autem majora, quam promittit, vidimus, & experti sumus. Accipe igitur florum salvix, origani, saturejæ, artemisiæ, sambuci, foliorum salvix, mentæ albæ, rorismarini, basilici, mari, pulegii, & rosarum incompletarum, deinde radicum pyrethri, tormentillæ, bistortæ, betonicæ, carlinæ, aristolochiæ, & sambuci, dictami albi Cretensis. Uvæ passæ corinthiæ, fructuum pinus, pulparum dactylorum, corticum citri sesquiunciam ex omnibus. Inde garyophyllorum, nucis myristicæ, gingiberis, zedoariæ, galangæ, piperis longi, & albi, seminis juniperi, spicæ nardi, macis, cubebis, seminis apii, cardamomi, cinnamomi, stæchados, chamædrios, amomi, granorum paradisi, doronicorum, ammoniaci, opopanax, schœnanthi, spodii, bdellii, sagapini, mumix, caphuræ, mastichis, thuris, aloes succotrinæ, scobis eboris, boli armeni, galliæ moschatæ, Theriacæ, Mithridatii, ligni aloes, & croci æque omnium drachmas ternas, sacchari repurgati libras tredecim, mellis duas. Nos uniones, jacinthos, rubinos, smaragdos, saphyros, & auri folia ex compositione, rejecimus, quod ratione alibi demonstraverimus nil operari, præsertim hoc modo: & non nisi imperitorum Medicorum est in pharmacis talia exhibere. Hæc omnia in tenuissimum pulverem redigantur, ac in pellicano, vel alembico cæco repnantur, quibus aquæ vitæ libras duodecim affundito, optime repurgatæ, ut hinc omne dependeat: per mensem in balneo circulari finito, croceum oleum sive quintam omnium essentiam argenteo cocleari excipito, vel paulatim decolato, moschi orientalis, & ambaræ drachmam addito, & vitreo vase optime obturato claude, ad usum premedum. Quod residet, distillabis, & claram aquam habebis, & aliquantulum croceam, oleum sine nidoris sceditate.

ditate non habebis. Nos satis curiose confecimus oleum ex resinis, radicibus, & seminibus ex prædictis & simul commiscuimus, & rem maximam operati sumus. Operationes multæ sunt contra venena, pestilentes contagiones, & præsertim animam agentibus, nam naso perlito, vel gutta gulæ injecta, animum vivificat, ut sex horis saltem omni suo iudicio vivat.

CAPUT XVIII.

Quid clissus, & quomodo fiat.

NE quid omittamus, & clissus quid sit, quomodove efficiatur docebimus. Clissus est extractio subtilitatis omnium plantæ partium in unum esse commune coiens. Est in planta radix, herba, flos, fructus, & semen, & partium illarum cuilibet peculiaris natura inest. Confectio talis erit. Radix colligitur quando maturitate absoluta est, folia quum præsupponimus iusto tempore collecta, ac decerpra, flores quum jam diffunduntur, sic fructus, & semina, ex his omnibus subtilitates, sive essentiæ extrahantur, distillando, putrificando, calcinandoque, vel quovis alio jam modo edocto. Ubi vero à singulis separatim altera in olei formam, altera salis, vel liquoris eductæ fuerint, tunc omnes in unum conjunguntur, ut congressu, & societate mutua unitæ, in unum corpus cœcant, sive sal, sive oleum, sive liquor fuerit, tum clissum rei habebimus. Sunt qui vasis ad id paratis distillando uniant hoc modo, tribus cucurbitis æqualis amplitudinis, longitudinisque liquorem, oleum & sal injiciunt, tria colla in unum colligata, in pileum immittunt, & qui fideliter colla omnium recipiat, & concludat, & probe lutatis, ignis subjicitur, qui ex singularum contentis tenuiorem essentiam sustollit, & in pileo cœunt, & per orificium in subjectum vasculum excludit, quod excipitur, reponiturque. Hic ex multis virtutibus unitus occultos corporis meatus rimatur, & insignem in medicando usum præstat.

Multæ circumferuntur elixiris compositiones, quas mendosas, & varias cognovimus, præterea in extractione olei, & aquarum, adeo difficilis operis, ut potius tempus, & impensæ terantur, quam aliquid boni speraremus, & potius ad pompam, & magnificentiam à Principibus factitatum, quàm ad beneficium aliquod hominibus inferendum, multoties experti sumus, nec ea præstabant, quæ promittebant, ne illo modo confici possè videbatur: hoc autem majora, quam promittit, vidimus, & experti sumus. Accipe igitur florum salviæ, origani, satirejæ, artemisiæ, sambuci, foliorum salviæ, mentæ albr, rorismarini, basilici, mari, pulegii, & rosarum incompletarum, deinde radicum pyrethri, tormentillæ, bistortæ, betonicæ, carlinæ, aristolochiæ, & sambuci, dictami albi Cretenfis. Uvæ passæ corinthiæ, fructuum pinus, pulparum dactylorum, corticum citri sesquiunciam ex omnibus. Inde garyophyllorum, nucis myristicæ, gingiberis, zedoariæ, galangæ, piperis longi, & albi, seminis juniperi, spicæ nardi, macis, cubebis, seminis apii, cardamomi, cinnamomi, stæchados, chamædrios, amomi, granorum paradisi, doronicorum, ammoniaci, opopanax, schœnanthi, spodii, bdellii, sagapini, mumix, caphuræ, mastichis, thuris, aloes succotrinæ, scobis eboris, boli armeni, galliæ moschatæ, Theriacæ, Mithridatii, ligni aloes, & croci æque omnium drachmas ternas, sacchari repurgati libras tredecim, mellis duas. Nos uniones, jacinthos, rubinos, smaragdos, saphyros, & auri folia ex compositione, rejecimus, quod ratione alibi demonstraverimus nil operari, præsertim hoc modo, & non nisi imperitorum Medicorum est in pharmacis talia exhibere. Hæc omnia in tenuissimum pulverem redigantur, ac in pellicano, vel alembico cæco reponantur, quibus aquæ vitæ libras duodecim affundito, optime repurgatæ, ut hinc omne dependeat: per mensem in balneo circulari finito, croceum oleum sive quintam omnium essentiam argenteo cocleari excipito, vel paulatim decolato, moschi orientalis, & ambaræ drachmam addito, & vitreo vase optime obturato claude, ad usum promendum. Quod residet, distillabis, & claram aquam habebis, & aliquantulum croceam, oleum sine nidoris fœditare

ditate non habebis. Nos satis curiose confecimus oleum ex resinis, radicibus, & seminibus ex prædictis & simul commiscuimus, & rem maximam operati sumus. Operationes multæ sunt contra venena, pestilentes contagiones, & præsertim animam agentibus, nam naso perlito, vel gutta gulæ injecta, animum vivificat, ut sex horis saltem omni suo iudicio vivat.

CAPUT XVIII.

Quid clissus, & quomodo fiat.

NE quid omittamus, & clissus quid sit, quomodo efficiatur docebimus. Clissus est extractio subtilitatis omnium plantæ partium in unum esse commune coiens. Est in planta radix, herba, flos, fructus, & semen, & partium illarum cuilibet peculiaris natura inest. Confectio talis erit. Radix colligitur quando maturitate absoluta est, folia quum præsupponimus justo tempore collecta, ac decerpra, flores quum jam diffunduntur, sic fructus, & semina, ex his omnibus subtilitates, sive essentiæ extrahantur, distillando, putrificando, calcinandoque, vel quovis alio jam modo edocto. Ubi vero à singulis separatim altera in olei formam, altera salis, vel liquoris eductæ fuerint, tunc omnes in unum conjunguntur, ut congressu, & societate mutua unitæ, in unum corpus cocant, sive sal, sive oleum, sive liquor fuerit, tum clissum rei habebimus. Sunt qui vasis ad id paratis distillando uniant hoc modo, tribus cucurbitis æqualis amplitudinis, longitudinisque liquorem, oleum & sal injiciunt, tria colla in unum colligata, in pileum immittunt, & qui fideliter colla omnium recipiat, & concludat, & probe lutatis, ignis subjicitur, qui ex singularum contentis tenuiorem essentiam sustollit, & in pileo cocunt, & per orificium in subjectum vasculum excludit, quod excipitur, reponiturque. Hic ex multis virtutibus unitus occultos corporis meatus rimatur, & insignem in medicando usum præstat.

Quomodo oleum ex salibus paratur.

DIXIMUS multos olei extrahendi modos, nunc autem quomodo ex salibus extrahantur, ut potentius, tenuius, & penetrantius operentur. Præterea nec alio modo confici poterant. Videntur aliquid pinguedinis habere, tamen nec ardent, nec aliud olei habere videntur, scilicet ut medium quoddam. Primo

Oleum ex tartaro extrahere.

Comburatur, & in salem redigatur, uodiximus, post supra marmoream tabellam exponatur loco humido, nam paucis diebus in oleum abit, excolatque in subjectam paropsidem. At si quæris, hoc modo facillime parabis. Contundatur tartarum in pulverem, cui tantundem halinitri admisceas, ac in ferrea pila, ubi contusa simul sunt, ignem admoveas, quousque totum comburatur, fæces reliquæ triturentur, & in lixivio liquefacta penicillo excolato, igne lixivium in æthera dissolvatur, subsidet sal, mox ova decoques, tollito boleta, & vacua repleto sale, & paucio temporis intervallo in oleum abibunt. Hoc eodem modo extrahimus

Oleum ex soda,

Exustum salem è soda, in aquam dissolvemus, per lici-niam excolamus, ut eum purgemus, mox exiccatum, supra marmor dispargimus, & loco humido abit in oleum, & ex marmore defluet in fideliâ. Docemus & famigeratum

Oleum talci.

Etsi vi sola ignis vehementi ex solo talco exugitur oleum, ignoravimus ad quid utile mox foret. Sed ad mulierum mangonia ita fecimus. Contundatur in tenuem pulverem ferrea pila, mox in ollulam imponitur crassitudinis, & roboris nimii, operculo inducto operi, & ferreis filis munito, ac figulari creta ubi illeveris, Soli triduo resiccetur, postea in fornace vitrariorum tradito, loco, ubi eluctentur flammæ, vel alibi, dummodo vehementissimus sit ignis, post triduum, aut quatrimum eximito, vas frange, &

ge, & si in calcem jam redactum optime conjicies, serva, si minus, idem repetere ne pigeat, & parem operam impendere, quum perfecte inalbuerit calx, supra marmor accommodato porphyriticum, & humidissimo loco relinque, vel excavatis foveis, vel puteo: diuque immorari finito, & nimia humiditate effluere cernes, colligito, & vitreo vase recondito. Pari fere modo fit

Oleum ex sulphure rubicundissimum.

Res ita se habet. Sulphur vivum in tenuem pulverem terito, & commisceto cum aqua portione olei tartari jam descripti postea in vitro coquitur tribus horis, & resolutum in liquorem transit, per liciniam lineam traducito, ut expurgetur, in aliud vitreum vas indito, & lento ignis calore resiccato in sanguinem, veluti grumosum, massa hæc minutim teritur, & inde confectus pulvis super marmor sternitur in humida cella. Sic in humorem solvitur, qui fluit ex marmore in subjectam fideliam, hic per tenues pannicellos transfusum in vitreum vas calido cinere soveatur, usque ad humiditatis consumptionem, & tandem oleum superstes erit rubicundissimum. Extrahitur à mulieribus sic

Myrrhæ oleum.

Ubi ova elixatione obduruerint, per medium dissecato, vitella eximito, in eorum loculis inspargito pulverem contusæ myrrhæ, & cribro succretæ, in fictili fidelia extendantur supra longiusculos asseres, ne ova iterum oleum combibant, & humida cella claudantur, & in fideliam elapsum oleum reperiēs.

CAPUT XX.

De aquis fortibus.

NUc distillationes eas percurremus, quæ neque aquam, neque oleum eliciunt, sed veluti medium quoddam: nam vehementissima vi ignis gravissimæ terrestres partes ascendunt, & in aquas transeunt. Unde ex igne calx tantam comburendi vim acquirit, ut erodat, & valentissime comburat. Hæ non nisi reverbera-

T,

tionis

tionis igne exiguntur, & maximis labore, & attentione. Primo quo modo possibile fuerit

Aquam, vel oleum ex sale elicere,

A paucis cognitum. Salem mineralem assumito. in obtortam vitream indito, luto triplici loricatam, ac bene exiccatam, & reverberationis furno accommodato, loco ubi optime, & exquisitè flammæ elucentur, & parvam humiditatem primo colliges; frange vas, quod subsidet, in aliud transvasa, & aqua jam extracta irrorata, & iterum distilla, plus secundo colliges, iterum excipe, & eandem operam impendes, & tandem post decimam extractionem, vel citius sal omnis abit in liquorem. serva, ut rem pretiosam, nec laboribus graveris. Alii in liquidum salem ignitos lateres extinguunt, & lateres postea vehementissimo igne distillant, ut in oleo lateritio. Sequitur

Aqua separationis argenti.

Accipito halinitri, & aluminis totidem partes, pila tundantur, & in obtortam vitream imponantur, sed alveus vasis triplici luto muniatur, & optime exiccatum imposito circulationis igni, scilicet qui supra & infra reverberetur, spiramenta rite perlinantur, & supponatur amplum receptaculum, ne validissimi vi ignis spiritus in angustiis vasis collecti, magno cum impetu vas rumpant & elidant, & nostros conatus frustrentur, senis horis aquam elicies. Si prius alumen calcinabis, aqua validior erit. Simili modo extruditur

Aqua separationis auri.

Æquis halinitri, & aluminis partibus tantundem vitrioli addes, ac vase conditis, ut diximus, aquam elicies validiorem, ut fere aurum attenuatum corrodat. Si vero valentius vis operetur, novem libris prædictorum salium in aquam versorum binas uncias salis ammoniaci addes, & ubi in aquam abierint, biduo sub fimo detineas, & ex cineribus iterum aquam extillabis, quæ aurum corrodet. Si aquas supra fæces affundes, macerabis, & iterum distillabis, vehementer erodit. Sed non operabuntur, si graveris.

Quomodo à phlegmate aquæ purgentur.

In pauxillum hujus aquæ parum argenti injicies, quod non erodet, quum multum phlegmate redundet. Sed igni paulatim incalescat, & erodet, hanc aquam totam perfundes in aliud vas, rejectis sæcibus, quæ in imo subsederant, & purgata erit aqua. Sed diutius, & valentius eximitur, ut exugas

Oleum vitrioli.

In lati oris fideliam fictilem injicitur vitriolum, paucò igne liquefcit, expiret phlegma facito, mox aucto igne comburito, ut totum rubescat, ex quatuor partibus, una absumatur, rubificatum in obtortam vitream inditur, & multiplici luto loricatam, & resiccata reverberationis igni accommodabis, paulatim augendo ignem, supereductus per tres dies continetur, & liquabitur vas, & oleum, si ve aqua paulatim guttas extillabit, ex singulis tribus libris, singulæ liquoris uncia prodibunt, extractum in vase vitreo calidis cineribus exponetur, ut exudet, si quid humiditatis in oleo fuerit, sic validioris erit operationis. Argumentum optimæ extractionis, si injecto ligno, fumum excitabit, ac si combureret. Ejusdem operationis erit exugere

Oleum ex sulphure.

Hæc peculiaris ratio est extrahendi à sulphure oleum, si ve aquam. Vas vitreum habeto oris ampli, concavum in campanæ formam, quæ ferreo suspendatur filo. Infra amplum receptaculum locato, ut è campana extillans oleum excipiat. In cujus medio terreum vas suspendatur, & sulphure repleantur, ignem accendito, ut sulphur ardeat, & dum comburitur, fumus per campanæ fornices, & corporascens, & reciprocans per ejus ora abeat in oleum. Si sulphur absumitur, superaddatur, donec olei quæsitam quantitatem nactus fueris. Possumus & alio modo uberiorem quantitatem extrahere. Magnum vitreum receptaculum fiat, quale in olei vitrioli, & aquarum fortium extractione exposuimus, per medium secetur smiri lapide, ora in dentes efformentur, ex quibus fumus foras elabatur,

batur, hoc supra labrum fictile accommodabimus, in cuius medio sulphur incensum evaporet. Supra hoc vas aliud indatur majoris capacitatis, ut palmari longitudine à primo distet, ora profundioribus laciniis secentur, ut fumus è primo dilabens, per secundum circumvolvens, ex utroque vase extillet, sic poterimus tertium, & quartum vas supra accommodare: oleum hoc in aliud vas transfundes, & calidis cineribus phlegma extillet, nam adeo validum reddetur, ut argentum erodat, nec verear aurum dicere, si optime operatus fueris. Fumus sulphuris in sal ammoniacum congelatur, ut in Phlegmatis montibus excerpimus, & in salem coëgimus. nil ab orientali differentem, & sic ammoniacus sal, qui hucusque ignotus delituit, nostris regionibus habetur, scilicet sulphuris sal, & oleum hoc aqua est salis sulphuris, sive ammoniaci. Optarem scire, solertioris investigationis viros, si hoc meum inventum comprobant. Excerptimus enim ora, ex quibus sulphuris fumus exhalabat, in aquam calidam dissolvimus, & per pendente[m] liciniam purgavimus. mox aquam in auram solvendo, salem habuimus ascendente[m], & nil (ut spero) ab ammoniaco diversum.

CAPUT XXI.

De separatione elementorum.

IN misto quatuor insunt elementa, sed unum sæpe prædominans, alia, ut inutilia, hebescent, unde cum elementa separari misti dicimus, plerumque hoc unum intendimus segregare. In nimphæa aquæ elementum prædominatur, aër, terra, & ignis pauca sunt, unde siccitatis, caloris pauca, vel nulla quantitas, sed aqua obtundit omnia: sic de aliis intelligendum. Sed quia elementa separamus, ne putetis omnia invicem separari, ut aërem ab aqua, & hanc ab igne, & terra absolute separari, sed per similitudinem quandam, ut quod ignem dicimus, reliquis calidius existat, quod humidius aqua. Lapidés plus terræ habebunt, ligna ignis, herbæ aquæ; aërea dicimus, quæ quum vasa, & receptaculum repleverint, facile rumpunt illa, & evolat aër. Elementa quum hoc modo separata erunt, poterunt & ea ipsa purgari, attenuarique.

Modus

Modus extrahendi variat, secundum rerum varietates; nam alia calcinantur, alia sublimantur, distillantur alia. Sed exempla adæamus, volumus

Metalli elementa separare.

In aquam fortem, ut diximus, omnium spargitur, ut solvatur, hanc abstrahes balneo, & iterum affunde supra, sic toties donec in oleum verratur, sed spadicei coloris aut rubei: huic oleo duas partes affundes aquæ fortis, & vitro clausa macerabis fimo per mensem, post cinere distillabis totam aquam, hanc balneo iterum stillabis, quoad ascendet, & habebis duo elementa. Ex balneo aër elevatur, in fundo aqua, & terra, ignis in fundo manet altius vasis, quia ejus substantia ex igne est, hoc per naturam, aquam affusam, & per balneum distillando iterum in oleum reducatur, & ignis rectificatus, & perfectus erit. Alia pones in cineribus, & urgeat ignis, leniter primo elevabitur aqua, post terra. In Luna primum oleum erit cæruleum, in separatione pura in fundo vasis remanet, elevatur aqua, & in balneo elementa ignis. & terræ: nam frigida, & humida est substantia ejus, in balneo remanent elementa ignis & terræ, primo exhibit terra, postmodum elevatur ignis. E stanno primum oleum erit flavum, ex balneo manet aër in fundo, ignis vero, terra, & aqua elevantur, in solo enim stanno, aër corpus exhibet, & quæ primo ascendunt è balneo, aqua, post ignis, postremo terra. Ex ferro rubeum, valde obscurum oleum fit. Ex argento vivo oleum album, manet ignis in fundo, & terra, & aqua sursum elevantur, & sic de cæteris. Sequenti exemplo docebitur

Herbarum elementa separare.

In omnibus herbis aliquod elementum dominium sibi arripit. Accipito salviæ folia. & conterito, sub fimo in vase putrescant, post distillabis, primo ascendet ignis, tandiu donec immutantur colores, & aquæ spissitudo, terræ succedit pars, & altera in fundo remanet, quæ fixa est. Soli exponito aquam sex diebus, postea per balneum, primum ascendit aqua, post variatur color, & ignis

ignis ascendit, donec gustus alteretur, tandem terræ pars elevatur, alia cum aëre remissa in fundo manet. In aquaticis primum aër, post aqua, & ignis.

Quomodo virtutes vestigandæ plantarum.

Nulla igitur melior methodus investigandarum plantarum virtutis, quam oculis & manibus, non autem ex gustu: ex distillatione enim, si calidior pars exhalabit prior, scito calidam, ac tenuium partium esse: & sic de cæteris, ex elementorum segregatione cognosces, si plus ignis, terræ, aut aquæ constabit, nam prius plantam librando, post aquæ extractionem, & olei, fæces ponderantur, & eorum omnium proportionem conjicies gradus qualitatis. Sed libri angustia non patitur longius progredi, alio opere, quod privatim meditamur, Deo dante, largius loquimur.

Quomodo gummi ex plantis extrahatur.

Possumus ex aliquibus plantis gummi extrahere: diximus aliquibus, nam multæ sunt, quæ carent, & nemo dare potest, quæ non habet. Potest dare fœniculum, & fœniculacea omnia, panaces, & ejusmodi similes. Modus extrahendi à Natura edocetur, nam quemadmodum maximo Solis æstu, quum turgent succo caules, propter quotidiana succi incrementa, in rimulas quasdam dehiscunt, instar gravidæ mulieris futuro partui se accingentis, atque liquor ille nobilis extillat, & profluit planta ingenta proprietate lentescit, inspissatur, ac in duriusculam massam digeritur. Unde si velimus

Gummi ex panace extrahere;

In æstivo solstitio panacis radix nocturno tempore, ne radiorum solarium calor humiditatem ejus hauriat, elevatur, & secundum longitudinem concisa, in fictile vitro incrustatum conjicitur, & inversum in fornacem descensoriam immittitur, eique receptorium stillanti humori excipiendo subditum, lento igne è suprema vasis parte urgente, nobile gummi elicitur, quod aliis organis purgatur, & nobilius stillatione secernitur. Idem de ferula facere possumus, caulis eodem tempore interius vulneratur, & vasi impositus tepido igne urgente, subjecto vasculo,

10, liquorem stillat glutinosum, qui ut defœcatus fuerit, instar gummi induratur, & ad usum medicum adhibetur. Eodem modo possumus

Gummi sæniculorum extrahere.

Caules sæniculi in suo vigore, & medio florum pullulatu existentis, circa plenilunium, quia turgidior, in virgulas, vel taleolas palmares dissecantur, & in tubum vitreum immittuntur, cujus amplitudo palmaris, longitudo sesquipalmaris, donec ejus tota cavitates expleatur. Inde subditur infundibulum tubi fundo foraminulento, ut illud complexu suo optime recipiat, inferiori orificio receptorium vitreum accommodatur. Mox circa tubum, solares radios imitando, qui circumcirca caules verberat, levis ignis accenditur, spatio à tubo palmi unius, tubo hoc modo incalescente, guttulæ quædam exudant, quæ dum urgentem ignem aufugiunt, per fundum crebris foraminibus lacescitum, in infundibulum labuntur, atque in receptorium decidunt, & in gummi coeunt qualitatibus sæniculi æmulum, virtutis non spernendæ.

LIBER UNDECIMUS.

Qui omni ex parte longe jucundissimos
spirat odores.

PROŒMIUM.

DE unguentis & odoribus post distillationem disse-
rendum; cognata ars, & affinis, iis enim ex rebus
odores sibi comparat, componit, & admiscet un-
guenta, ut longe, lateque fragrantissimos odores vi-
brent. Principibus, & magnatibus gratissima
ars, & nobilis. Docet enim aquas, olea, pulverem, pastam,
fumos, & pelles odoratas conficere, quæ odores diutius, aut
longo tempore teneantur, & quæ vel minimo are parari possint,
non vulgata, & popularia, sed quæ multum cara, & paucissi-
mis cognita.

G. A. P.

CAPUT I.

Quomodo odorata aquæ conficiantur.

DIXIMUS superiori libro quomodo odoratæ aquæ distillantur, è floribus, aliisve rebus, uti locus, qui distillationi dicatus, exposcebat; hîc nunc aquas componere, & flores, ut suavem halitum eructent edocebimus.

Ut si velimus

Odoratissimam aquam conficere,

Sumito damascenæ rosæ libras tres, totidem moschatulæ, & rubæ, florum narantii duas, myrti totidem, loti odorati selibram, garyophyllorum sesquiunciam, nuces myristicas tres, lilia decem, indito hæc omnia alembico in cuius nare fasciculum accommodabis, moschi partes tres, ambaræ unam, *Zibethi* vocati mediam continentem, narem in receptaculum indes, & linteo glutinabis, farina, & ovi albumine remittis, ignem lentum admovebis, quoad omne distillabit. Addeur &

Alia.

In rosaceæ aquæ libras binas, *lavendulæ* mediam, vini Cretici cyathum, flores rosæ, garyophyllorum, torismarini, jasmes, foliorum mari, serpilli, satireiæ, fœniculi, ocimi selibram addes, corticum mali medici unciam, cinnamomi, laseris, styracis, nucis myristicæ drachmam, omnia remiscendo vitreum vas reple, & Soli per quatuor dies opponantur, post distillentur lento igne, & nisi moschum in alembici nare posueris, in fasciculum conde, & filo in aquam suspende, donec insoleatur per mensem. Soli expones, ut exoleseat teter distillationis odor, si forte susceperit. Hæc est

Aqua nansa vocata, quæ recipit

Rosarum aquæ libras quatuor, florum arantiorum duas, myrti unam, trifolii odorati uncias tres, *lavendulæ* unam: his adjicies laseris uncias duas, styracis unam, ladanum sabæ magnitudine, tantundem macis, & garyophyllorum, sed cinnamomi, sandalorum, & ligni aloes partem octavam uncia, spicæ nardi unam, crasse hæc omnia

omnia contusa, in ollula, vitro sublita ebulliant per horam lento igne, frigesceꝛe finito, & linteo excolato, & in vas vitreum optime operculatum reconde. Sed garyophylli, cinnamomum, & lignum aloes, & sandalum in linteum mundum ligato, modice rarum, & sic in ollam demittito, ubi, ut diximus, ebulliant, post fasciculum eximes; nam post aquæ colaturam, reses pulvis in pilulas efformabitur, ut placentulæ formam suscipiant, quibus utemur in suffitibus, ut dicemus. Hæc aqua variis modis sit, sed optimam diximus, at quia ebullitione colorata provenit, & ruffa, & sudariolâ, vel alba lintea si ea madescunt, inquinantur. licet mira odoris jucunditate ea commendet, multi sunt, qui ipsa abstinent. Ob id si velimus

Aqua nanfa vocata clara fiat:

Predicta in obtortum vitreum vas reconde, & balneo merge, ignem lentum adhibe: nam clara aqua exibat, ejusdem fere odoris, sed paulo remissioris; servabis aquam, reliqua subsidentia ad placentulas odoratas repones.

C A P U T II.

Aqua per immersiones odorata quomodo fiat.

NUnc odoratos liquores efficere docebimus, & qui sint, qui odores suscipere possint: nam aqua ad conservandum odorem inepta est, oleum præstat, & vinum (causam ex Theophrasto assignare posse videmur: aqua enim tenuissima, omni odore, saporeque vidua, nitidaque, nullum potest odorem contrahere) & quæ crassa, sapida, olida recipere possint. Vinum, etsi non sit odoratum, juxta positum odorem quemvis ad se potest allicere, quod calorem in se contineat, qui attrahendi naturam habet, aqua suapte natura frigida nihil attrahere potest, neque excipere, tuerique odorem, tam tenuis, simplex, ac exilis noscitur, ut odor in ea susceptus, elaboratur, atque effusus evanescat, quasi sedimentum insit nullum, quo figi, & coherere valeat odor. Etenim densius tantum corpusculum, callosiusq, odoris tenax intelligitur, quod & vinum, & oleum habet. Oleum odore omnium maxime

maxime & servare, & tueri valet, quod incommutabile permanet quapropter institores unguentarij odora-
menta in oleo mergunt, ut eorum suavitatem combibat. Vino
igitur utemur ad extrahendos florum odores, & præci-
pue aqua vitæ, nam vinum odore suo aquam inficiet, mi-
nus distillatum. Unde sic parabitur

Aqua moschata.

Hæc aqua omnes alias commendat, & nobiliores reddit,
ideo est ipsa prius paranda. Aquam vitæ optimam habe-
to, in hac aliqua *moschi* grana conjicito, sic etiam *ambu-
ra*, & *Zibethi*, & Soli æstivo insolentur per aliquot dies,
sed vase optime operculato, & perlinito, nam id maxi-
me ad fragrantiam confert. Cujus gutta instillata in om-
nem aquam, illico tota jucundissimum moschi odorem
eructabit. Poteris idem & rosacea aqua, vel fontana plu-
ries extillata efficere, ut tenuitatem igne, & caliditatem
fuscipiat, quæ necessaria sunt ad essentias extrahendas,
ut diximus. Eodem modo extrahitur

*Aqua iasmes, rosæ moschatulæ, garyophyllorum,
florum, violarum, & liliorum.*

Ili enim flores odorem exilem spirant, nam vernaculi
odoris inopia, quum in superficie tantum sit sparsus, si
diutius in igne, vel menstruo manserint, ex virosæ cor-
poris partis admittance, & inolidæ, diluitur odor, & a
pristina gratia degenerat. Igitur in optimam aquam vitæ
frondes solum odoratas ponemus, scilicet liliorum jas-
mes, rosæ moschatulæ, & reliquorum, sed filo suspendes,
ut quum odorem aquam excerptisse agnoveris, extrahere
possis, nam quum odor in superficie tantum sit sparsus, si
diutius in aqua vitæ permanserit, intrus penetrans, ex in-
testinis partibus odorem extrahens, non solum pristinus
diluitur odor, sed tetrum fœtorem elicit, qui internas
partes comitatur, post extractas frondes, alias substitui-
tues novas, dum perfectissime omnem odorem recepisse
cognosces. Sed garyophyllos, & violas celerius tolles, ne
aquam colorent. Aqua hac aliis remissa teter vini odor
aboletur. Fit &.

Aqua

Aqua odorata composita.

Sume receptaculum vitreum magnum, & in eo aquam vitæ pone, ut vix tertia ipsius pars repleatur, & in eo flores lavendulæ, narantii, mali medici, jasmæ, rosæ, & aliorum; inde, radicem ireos, cyperi sandalum, cinnamomum, styracem, ladanum, garyophyllos, nucem myristicam, calamum aromaticum, simul aliquid moschi, ambaræ, & zibethi adde, vas expleto, & optime obturato. Sed ubi vas repleveris floribus, paulo post conflagrescunt, & postquam resederint, alia appone. Soli ferventissimo expone, vel in balneo, dum odorem remittant omnē. Post excolato aquam, & gutta hujus aquæ in rosaceam, vel ex myrti floribus, omnes suavissimo odore inficiet.

CAPUT III.

Oleum quomodo odoratum reddatur.

QUOMODO oleum ex odoratis, & aromatibus extraheretur, diximus in superioribus, nunc odorem alliciendo è rebus edocebimus, vel, ut paulo antè recensuimus, veluti basis oleum constituitur, in quo odores allekti resideant, & diutius immorentur, idque vel oleum odoribus inficiendo, vel amygdalas, ex quibus oleum postea exprimamus. Excipe igitur

Oleum citraben dictum quomodo fiat.

Id præ cæteris odoratissimum est, quo Ligures utuntur. Constat olei ben uncia, octava parte ambaræ, tantundem moschi, media zibethi, condantur in phialam vitream, quam operculatam Solibus expones viginti diebus; post utaris. Sed operculum optime claudatur: nam quum flacilis sit odorum conditio, & fugax, celeriter evanescit, odoris gratiam exuit, halatque ignaviter. Alio modo

Oleum ex floribus odoratum

Ita conficies, etsi vulgaris sit modus, unguentariis utilis, & eo ad alia uti poteris, & qui id recte administrare novit, & concinne, ad multa sibi conducens oleum parabit. Remundentur amygdalæ, & in partes frangantur, alterno stratu cum floribus remisce: ubi flores odorem remi-

remiserint, & conflagrescunt, remoueto. & novos, recentesque substitutes, idque donec viruerint, ubi apparere desierint, oleum torculari elicies, & odoratissimum erit. Immo ex his floribus oleum habebis, ex quibus vix odoratam aquam elicies. Oleum ex jasme, rosa moschatula, viola, lilio, jacintho, garyophyllis, rosis, & floribus arantii, & aliorum odoratissimum hoc ritu habebis. Hoc eodem modo ex moscho, ambara, & zibertho elicere poterimus. Amygdalæ repurgatæ in senas, vel octonas partes à summo ad imum cultro scindantur, & pixide plumbea per sex dies cum odoribus his claudito, donec optime odorem recipiant, quas si prælo presseris, odoratissimum oleum exprimes, & fortasse non multa moschi deterioratione.

CAPUT IV.

Quomodo ex odoratis gummis aquam, & oleum per immersionem extrahamus.

POSSUMUS & alio, quam superius diximus, artificio, odoratas aquas ex gummis extrahere per macerationem, & expressionem. Exemplum

Aqua ex styrice lasere, & ladano odoratissima

Sic extrahetur, & quæ longe suavissimum vibret odorem. Cum styrace, vel lasere contusis rosacæ aquam admisces, ut duobus digitis supernatet, in balneo, vel repenti loco per hebdomadam maceretur, mox per balneum exstillabis, & odoratam aquam recipies. extractam aquam Soli meridiano permitte, ut si quid fumi odoris in aqua remanserit, aboleatur. Poterimus & vitreis vasis gummi indere, & lentissimo igne uti: nam aquam pauculam exudabit, longe suavissimi odoris, & vasis fundo remanet gummi, quod aliis usibus utile erit. Hoc eodem modo

Oleum è styrace, lasere, & cæteris extrahere

Poterimus, si amygdalarum oleum, vel ex balano myrepica, cum his gummis contriveris, & commiscueris, ac balneo per mensem maceraveris, post oleum per retortam, vel, quod tutius fuerit, prælo exprimatur;

nam

nam jucundissimo odore fragrabit, ut fere non dignoscatur, si ex ipso gummi extraheretur retortis. Balanus myrepfica, glans unguentaria Latinis, hac in pretiosa unguenta olei vice utimur. Plinius myrobalanum appellat: ita & Martialis:

Quod nec Virgilius, nec carmine dixit Homerus,

Hoc ex unguento constat, & ex balano.

Omni odore caret, ob id ad suscipiendos odores commendata, & quos ceperit odores diutius retinet, nec ut cætera rancescit, ob id unguentis nasci dixerunt.

CAPUT V.

Quomodo pelles odoratae conficiantur.

NUNC quomodo pelles odoratae conficiantur, differemus, quod pluribus modis docetur, vel odoratis aquis, vel oleis perungendo, vel floribus tumulando, ut eorum odorem asciscant. Docebimus odoratis aquis, & primo

Pelles quomodo laventur,

Ut ingratum animalium, vel carniū odorem exuant. Modus est talis. Laventur primo vino *græco* vocato scilicet, ut aliquibus horis madescant, post resiccentur, & si adhuc teter odor infestat nares, iterum opus iterare ne tædeat. Abluto fœtore, odoratis aquis laventur. Rosa-cæ aquæ partes quatuor parentur, myrti tres, naraniorum florum binæ, loti odorati una, lavendulæ dimidia, commisceas, & in fideliā patuli oris indes, & in eis pelles madescant per diem, post eximes, & suspensæ exiccantur in umbra, sed quum resiccationi propinquæ fuerint, ne corrugentur, manibus pertractabis, & agitabis, denuo id ter repetas, donec aquarum suavitatem redoleant, nec ullum prorsus pellium odorem perspirent. Sequitur dicamus

Pelles quomodo florum odorem asciscant.

Oportet prius oleo perungantur, diximus enim basim esse odoramentorum, ut & odorem allicere, & retinere in re pingui possit. Quod fiet oleo communi, sed melius ex myrobalano, ut diximus, quia inolidum est, sed qui rem optime

opprime peragere quærunt, ovorum oleum perlinunt, quo modo fieret jam diximus. Modus hic erit. Chirothecas vel pelles interiori parte spongia perlinemus, & præcipue ubi futuræ, ubi id recte perfeceris, hoc modo facies florum odorem alliciant. Primo violæ emicant vere, & leucoia, mane flores colligendo, cum pellibus floribus invicem substratis per diem immorentur, quum resiccescunt, aut citius, aut tardius eos projicies, novos impones, ter, quater in die removendo, & accommodando, ne rore madefcentes pelles situm contrahant. Ubi florere desierint, flores narantiorum, & rosarum eodem modo impones, tandem postremus jasmes erit, qui usque ad hyemem perdurabit, scilicet urbanus, nam mensibus binis, ternisve floret: sic pelles, vel chirothecæ odoratissimæ permanebunt, sed uno anni curriculo: brevi temporis momento evanescit odor, halitusque hebescit, sed si idem secundo feceris, odor diutius permanebit, & jucunditatis gratiam custodiunt. Maxime fragrantiam conservant, magnumque in odore momentum habebunt, sic servantur loco clauso, ut arculis ligneis, vel plumbeis: at si inter lintea servabuntur, eorum odor absorbetur, & ignave hebescit. Ecce nunc

Pelles quomodo odoratæ fiant.

Si prædictis pellibus moschum, ambarum, & zibetum addes, suavius, jucundiusque redolebunt. Vel sumito occidentalis balsami quatuor partes, addatur una moschi, tantundem ambræ, & spongia chirothecas perline, & suavissimum halitum vibrabunt. Aliam addemus suavissimam compositionem. Accipe ireos partes octo, sandalorum unam, laseris duas, pulveris rosarum quatuor, agallochi unam & dimidiam, cinnamomi mediam, aut si mavis minus, remollitis omnibus aqua rosacea, & tragacanthæ gummi, super porphyreticum marmor triturbabis, ac spongia chirothecas perline, mox cape moschi granaria, ambarum duo, zibethi unam, remisce, & pelles perlinito. At si pœnituerit odore chirothecas perlinisse, & volumus

Echi-

E chirothecis odorem extrahere,

Vel si aliquem ludificare velimus, ferveat aliquantisper rosacea aqua, aut vitæ, & dum adhuc calet, chirothecas impone, parumper immorando. nam ab eo odorem omnem aufert, absorbetque, & si hac alias chirothecas madefacies, & resiccare curabis, totum sibi odorem absorbent.

CAPUT VI.

Odorati pulvres quomodo conficiantur.

AD pulvres deveniendum, qui odorati fiunt simplices, & compositi ex his replentur pulvilli, uti-
murque in pellibus, & misturis. Accipe igitur,

Pulvis cyprius quomodo fiat.

Musculus quernus, qui moschi odorem spirat, colligatur sincerus, colligendi tempus Decembri, Ianuario, & Februario mensibus, dulci aqua quinquies, sexiesve abluitur, ut rite perlatus sit, post Sole exponatur, mox rosacea aqua biduo madefcat, & iterum Sole resicceatur, idque pluries iterabis, nam quo pluries laveris, eo fragrantius odorem spirabit, resiccatus ærea pila in tenuem pulverem conteratur, incernaturque. Tandem supra incerniculum spargatur, & suo opertorio cooperiatur, infra accendantur carbones, & supra ebulliant liquores, vel placentulæ, vel odorati fumi exhalent, ut dicemus, & id quanto crebrius feceris, eo majorem odorem combibet, & diutius retinebit. At ubi odorem satis concepisse noveris, hujus pulveris libram sume, moschi, ac zibethi pulverati parum, sandalorum, & rosarum sufficientem partem. Conteratur in ærea pila moschum, inde paulatim pulverem inspargendo, in pila conteratur, misceaturque. Pulverem tandem in phialam reconde operculatam, ne transpiret, nam hebesceret & exolesceret odor. Hujus pulveris variae sunt compositiones, quas recensere longum esset. Fiunt albi, nigri, fusci, variorumque colorum. Alba ex gypso crudo conficitur, prius rosacea, vel odorata aqua eluitur, addendo moschum, ambaram, zibethum, & alia, sic longe suum odorem exultabit.

CAPUT VII.

Quomodo mistura odorata fiant.

FIUNT & variaz odorataz misturaz, ex quibus globuli precarii fieri solent ad preces numerandas, & vestes exornandas, fiunt & smegmata *sapones* vulgo dicti ad eluendas, detergendas, ac odore manus commendandas. Unde si velimus

Globulos odoratos conficere

Pauco ære, ut pretium, & maximum odorem præ se ferant, hoc facito. Cape Cyprii pulveris, & laseris unciam unam, orientalis misturaz, quæ ex Turcia affertur, vulgo *pastadi livante*, & garyophyllorum dimidiam unciam, ireos illyricæ quantum sufficit, lique scat primo gummi tragacanthæ in rosacea aqua, fac massam, & compone globulos, utrinque perfora, & singulis singulos pattillos indes, ac supra tabulam figes: mox sumo quatuor moschi grana, ea in aqua rosacea remollito, & penicillo extremam eorum superficiem illine, & resiccati curato, id ter, quater faciendo, sic longe, lateque jucundum vibrabit odorem, nec tam cito odoris jacturam facient. Si vis majoris pretii, & odoris, sic fiet

Alio modo.

Accipito styracis unciam, ambarz dimidiam, ladani purgati partem quartam, pulveris agallochi, & cinnamomi drachmam, moschi partem octavam, ærea pila, & ferreo pistillo calidis conteruntur gummi, styrax, ambara, & optime remistis addantur alii pulveres, dum simul omnia permisceantur. Postremo adde moschum, & prius, quam refrigerat, effinge quod optas, Additur &

Alia mistura,

Quæ etiam pestis tempore utilis erit, nec solum cerebrum suo odore recreabit, sed pestis contagia irrita reddet. Ladani cape uncias tres, totidem styracis, laseris unam, garyophyllorum sesquiunciam, sandalorum unciam, caphuræ tres, ligni aloes, calami aromatici, succi valerianæ unam, moschi, & ambarz drachmam: quæ omnia

omnia melissæ succo, & aquæ rosaceæ, & liquido styraci permiscebis. Sed pro extergendis facie, & manibus docebitur nobilior

Smegmatis compositio, nos saponem moschatum vocamus.

Adeps hircinus purgetur hoc modo. Bulliat lixivium in ahæno super ignem cum corticibus citriorum. in eo adeps elixetur per horam, excola per linteum in frigidam, & purgabitur. Lixiviū fiat ex cineris cerri duabus partibus, calcis una, aluminis catini dimidia, misce. & ligneum catinum reple, infra sint duo foramina, paleis operta, adhibe aquam, ut tribus digitis superemineat, & per inferiora foramina excoletur, exceptam aquam denuo adde, idem opus repetes, sic, ter quater, donec falsi laginem recipiet aqua. has omnes separatim adservato, & primæ secundam, & tertiam tantisper adde, donec in ea recens ovum supernatet: nam si subsidet & pessum ibit, lenta erit, tunc de prima adde, si supernatat, & extremam superficiem aquam æquabit, adde de secunda, & tertia, donec descendat, ut vix suprema ejus superficies appareat. Vicenæ hujus aquæ libræ serveant ahæno, addes adipis duas, mox excolabis in conchas lati fundi, & æstivo Soli expone, quotidie sæpissime remiscendo. Ubi induruerit, ex ea pastillos effinge, & servato, odores ita addendo. Smegmatis libras binas in labellum inde, rosacea aqua remiscendo lignea rude, ut tenerescat, ubi quiescendo induruerit, novam aquam affunde, & Soli appone, idque denis diebus facies, mox cape moschi semidrachmam, zibethi minus, cinnamomi tantundem optime contusi, & remisceto, & si rosæ pulverem addideris, jucundius halat. Post nares consule, si segnius halat, odores adde, si acutius, saponem. Si cordi fuerit

Saponem multiplicare,

Ita facies: nam postquam in saponis narrationem incidimus, id non indistinctum abibit. Habeto saponem Gactæ, & in minutissimam scobem deducito, igni expone æream cortinam lixivio plenam, sed mediocris vigo-

ris, scilicet ut trecentis aquæ libris octuaginta saponis exponatur, ubi aqua in bullas effervere ceperit, lignea rude remisceto, & si lixivium calore deficit, novum superinfunde. Ubi absorpta fuerit in vapores aqua, amove cortinam ab igne, & intus salis communis optime tusi sex librasingere, & ferreo cocleari in terram exposito, & per noctem refrigerescere finito. Interea muriam præpara adeo acrem, ut ovum sublime ferat, mane saponem in frusta secato, accommoda intra vas patulum, & projice supra muriam, & finito ibi esse per diei quadrantem, & durissimam inventies. Si in lixivio salem alcali posueris, durissimum facies.

CAPUT VIII.

Odoris suffitus quomodo componantur.

RELIQUUM superesse video de suffitibus loqui: nam & iis conciliandis odoribus, pellibus, linteis, pulveribus utiles, & necessarii sunt, & hyeme nobilium cubicula fragranti halitu complent, fiuntque ex aquis, & pulveribus. Docebimus

Suffitus ex aquis quomodo fiant.

Accipito styracis partes quatuor, laseris tres, ladani, agallochi, & cinnamomi unam, garyophyllorum octavam partem, ambaræ, & moschi paululum, conterantur omnia grossiuscule, & æneæ ollulæ indantur, cum aqua rosacea, unius cyathi quantitatibus. Superponatur ollula prunis, aut cineribus calidis, ut ferveat, sed non bulliat, & jucundum halabit odorem, si aqua deficiet, novam superaddere poterimus. Poterimus ea superaddere, quæ ex aquæ nante confectione conservavimus, nam jucundum odorem spirabunt. Fit &

Alio modo.

Garyophyllorum partes tres, laseris duæ, ligni agallochi una, tantundem cinnamomi, & corticum narancii, & sandalorum, octava nucis myristicæ pars: indantur ollæ omnia contusa, supersunditurque aqua florum narancii, lavendulæ, aut myrti, & ferveat. Vel

Aliter

Aliter

Extrahatur, & coletur succus limonum, in quo addes styracem, agallochum caphuram, & moschi vesicas vacuas, quæ omnia balneo macerentur per hebdomadam in phiala vitrea optime clausa. Quum cubiculum odoratum quærimus, in æneam ollulam rosaceæ aquæ plenam, stillam hujus liquoris injiciemus, & fervere patiemur calidis cineribus, & suavissime halabit. Sic vero parantur

Pastilli ad suffitus optimi.

Ex aquæ nanzæ decoctione, si auferemus agallochum santalum, cinnamomum, & garyophyllos; ex his, qui remanent pulveres, misturam conficiemus, ex qua placentulas efformabimus, quas quum calidis cineribus comburemus, suavissimum odorem halabunt, cinnamomum, & lignosa excipimus, quia dum comburuntur, terræ fumi nidorem eructant. Fiunt &

Alio modo.

Carbones salicæ subtilissime conterantur, incernanturque, quorum sesquilibra, ladani unciz quatuor, styracis drachmæ tres, laseris duæ, agallochi una etiam tenuiter terantur: Sed styrax, laser, & ladanum in arca pila ferreo pistillo calido misceantur: addatur his styracis liquida semiuncia, post solvatur in aqua rosacea gummi *tragacantha* dictum, stillatim in pilam injicies, ubi cæteri pulveres paulatim remisceantur in unguinis formam, aviculas efformabis ex mistura, aut quod quæsieris, & in umbra siccabis, supra penicillo aliquid moschi, aut ambæ perlinas. quum incenduntur jucundissimum fumus nidorem exhalabit. Nec insuavis quoque erit

Suffitus,

Si citri cortices, aut limonis minimo zibethæ perlinas, post garyophyllis indicis, & cinnamomi pas illis transfigas, & in aqua rosacea ebullire sinas, suffitus maxima jucunditate cubiculum replebit.

CAPUT IX.

Moschum quomodo adulteretur.

QUIA sæpiissime hæc odoramenta ab impostoribus adulterantur, ut adulteria cognosci possint, & caveri declarabimus. Nam folliculis integris non statim fides adhibenda est: nam non desunt impostores, qui variis rebus repletos, moschum interponunt, donec ejus odorem recipiant. Niger moschus ad subrubrum colorem accedens, hædino sanguine modice asso adulteratur, vel pane asso: ita ut tres, vel quatuor partes contritæ ad unam moschi adjiciantur, ut vix dignoscantur. Adulterium cognoscitur, quod panis assus friabilem reddit, sanguis hircinus frangenti lucidus & clarus, interius apparet. Ab aliis hoc modo inficitur. Nucis moschatæ, macis, cinnamomi, garyophyllorum, spicæ nardi, singulorum pugillus unus contundantur, tusa omnia diligentissime, & cribro excreta, cum sanguine recenti columbæ subigantur, & ad Solem siccentur, mox trita, hæc rosacea aqua, & moschata irrigentur, & duratâ terantur, & irrigentur multoties, tandem sinceri moschi quartam partem addes & remiscebis, & rursus moschatam rosaceam aquam adjicies, massam in aliquas partes divides, arque hædinis pilis, qui sub cauda inveniuntur, involves. Fit &

Aliter.

Syracem, ladanum, scobem ligni aloes miscent, compositioni moschum, vel zibethum addunt, omniaque cum rosacea permiscent. Deprehenditur adulterium, quod celeriter aqua mollescat, differtque odore, & colore. Alii moschum augent addendo radicem angelicæ herbæ, quam moschi odorem repræsentare videtur. Sic quoque nituntur

Zibethum adulterare.

Felle bubulo, ac styrace liquida elota, vel melle cretico. Si vero moschum, vel ambara odorem expirant, sic faciendum

Ut moschum odorem exhalatum recipiat.

In fœtoribus, & latrinis pendulum accommodant: nam dum copra fœtorem eluëtatur, suas in se odoris partes recipit, & reviviscit, & amissum odorem recuperat.

LIBER DUODECIMUS

Portentosas ignium exitialium machinationes molitur.

P R O O E M I U M.

ANTEQUAM à Vulcano stylum amoveamus, de exitiali igne illo mirabilium operum machinatore loquemur, quem vulgus artificialem vocat, quo in diversis artificiis, & portentosis inventis exercituum Duces, & Imperatores ad mœnia, & urbes ab imo excidendas, & navalibus præliis cum ingenti mortalium ruina summississime uterentur, & sæpissime infestas hostium vires frustrarentur. Res valde utilis, admirandaque, quæ nulla alia plus hominum animos absterreat, & perterrefaciat. Deus venturus est judicare sæculum per ignem. Describamus majorum nostrorum incendiarios ignes, quibus in obsidionibus usi fuerint, subnectemus & recentiorum, longe illos superantes, mox nostra inventa. Habes tormentarii pulveris terribilis, & demum muti compositiones, tubas ignivomas, & letales, ignes inextinguibiles, sub aquis furentes, immo in imis ipsis, quasi cuniculis effosis maxima obluſantium flammarum violentia, maria dehiscere, in astra extolli, ut portentoso absorptu mergantur navigia. Volantes pilas corusco igne equitum turmas terrentes, prosternentesque, usque adeo ut ad perennes deveniamus.

CAPUT I.

Quomodo diversa ignaria parentur.

FORTUITO evenisse narrat Vitruvius, quod diversæ arbores, crebræque ventis, & tempestatibus exagitatae, attritu valido ramos terrentes, collisis inter se partibus, & rarefactis calorem evocaverint, & ignem excitarint, unde magna successit flamma. Efferati, & agrestes homines inde perterriti terga fugæ dedere. Sic jam sopita flamma, propius quum accessissent, & magnam inde humanis corporibus perpendissent accedere commoditatem, ignem conservabant, sic urbanitatis, consuetudinis, & sermonis causas præbuisse. Plinius ait militum & pastorum fuisse inventum. Exploratorum hoc usus in castris, pastorumque repperit, quoniam ad excutiendum ignem non semper lapidis occasio est. Docet Theophrastus quænam ligna sint usui accommodata: & quanquam cerebrum, & conceptaculum ex eodem fieri nonnunquam eveniat, tamen ex uno, quod agat, atque efficiendi vim retineat, ex altero vero, quod patiat, ex molli unum, ex forti alterum faciendum censet. Exemplo

Ligna, quæ attritu ignem concipiant,

Sunt quæ maxime calida, uti laurus, rhamnus, ilex & tilia, Mnestor vero morum addit, & conjiciunt quod ascias illico retundant, & hebetent, ex his omnibus cerebrum faciunt, ut attritu acius resistent, & pertinacius opus expediant, conceptaculum vero ex molli, uti hedera, atragena, sive sylvestri vite, & similibus arefactis, & penitus humore omni exinanitis. Olea ut inepta rejicitur, pinguiori materia, & immodico humore referta. Ad summum ea deteriora ad ignarium usum veniunt, rejiciunturque quæ umbrosis, coniectisque locis assurgunt. Ab eo Plinius. Teritur lignum ligno, ignemque concipit attritu, excipiente materia aridi fomitis, fungi, vel foliorum facillime conceptum. Sed nihil hedera præstantius, quæ teratur lauro, laurumque terat. Probatur, & vitis syl.

sylvestris alia, quam labrusca, & ipsa hederæ modo arborē scandens. Nos autem sic commodius expedimus. Teratur laurus lauro, vehementerque moveatur: nam illico fumum elevabit, adjecto minuti sulphuris momento, fomitem admoveas, vel arida nutrimenta, quæ ex materia parabis aridi fungi, foliorum excocti velleris, circa tussilaginis radices reperti, ocius enim ignem concipiunt, retinentque. Idem è hederæ ligno cortice emundato & sicco confecimus. & ferulam ferula confricando, vel quod præstantius est, sunc super eam celeriter moto. Indi occidentales bina ligna sicca simul ligant, in fissuram virgam imponunt, quam manibus, contrario motu commotis circumvolvunt, & sic ignem accendunt. At quum hominum mens raro in eisdem repertis subsistat, sed novis reperendis altius viam investiget, ejus industria repertus est

Lapis ignem humido quovis excitans.

Hujusmodi faciendi ratio hæc est. Vivi sulphuris, halinitri repurgati par pondus, caphuræ duplum vivæ calci addantur, ac omnia mortario conterantur, usque adeo tenuia, ut in auras evolare possint, simul stricte linteolo deligata convolvantur, testaceo vase clausa, super illitâ argilla paleata ferventi Sole desicceatur, sigulorum imponatur fornaci, quumque siglinum vas fuerit excoctum, in lapidis duritiem coeunt, & rediguntur, extracta sicco loco utenda reponantur. Hæc cursim conscientem lussit experientia, ab amicis factitatum haud dubie novimus. Sed oportet olla ne respiret, nam comburitur omne. Vidimus tamen sparsam aquam super vivam calcem, & sulphure admoto flammam excitasse, & pyrium pulverem inflammasse. Unde fides præstari potest.

C A P U T II.

De igneis compositionibus, quibus majores nostri usi fuerint.

PRIMUM QUAM ad nostras ignium compositiones deveniamus, eas recensebimus, quibus majores nostri in navalibus præliis, in expugnandis, & defendendis urbibus

bibus usi fuerint. Ex Thucydide habetur, oppugnantibus Platæenses, quum nil machinæ proficerent, ad ignes confugerunt, quippe materiæ fascies circa muros conjicientes, injectisque igne, sulphure, ac pice materiem incenderunt: unde tantum flammæ exortum est, quantum nemo unquam ad tempus illud inspexerit. Heron docet in comburendis mœnibus post perforationem ligna tardè supponi debere, & sicca pice, sulphure tigno, una cum liquida pice, sive oleo peruncta succendi. Et alibi per urnam comburere docet. Fit fictilis urna, sed laminis ferreis ex parte exteriori colligata, minutisque carbonibus plena, fundum versus forata, ubi follis immittebatur: nam quum ignes carbones susceperunt, comburunt, atque aceto, urina, aut aliorum acrium superfusione muri confringuntur. Vegetius in navalibus præliis combustibilia docet, utiturque oleo incendiario, stupa, sulphure, & bitumine, ardentes sagittæ, per balistas in hosticarum navium alveis insiguntur, inunctasque cera, pice, & resina tabulas tot ignium fomentis repente succendunt, Subnectemus

Ignifera missilia, quibus utebantur veteres.

Malleoli describuntur ab Ammiano Marcellino reli genus quod hac specie figuratur. Sagitta est cannea, inter spiculum, & harundinem multifido ferro coagmentata, quæ in muliebris coli formam, qua nentur lintea stamina, concavatur, ventre subtiliter, & plurisariam patens, atque in alveo ipso ignem cum aliquo suscipit alimento, & sic emissæ lentius arco invalido, arcus enim rapidiore ictu extinguitur æstus incendiorum, nec remedio ullo, quam superinjecto pulvere, vel amurca consopitur. Livius. Alii cum ardentibus facibus, alii stupam, picemque & malleolos ferentes, tota collucente flammis acie, advenere. In hujusmodi autem malleoli concavo glurinum, ignisque fomentum est inextinguibile, ex colophonia, sulphure, sale, quem nitrum appellant, omnibus in lauri oleo liquefactis. Secundum alios, oleo, petroleo, adipe anatis, medulla cannæ ferulæ, sulphure, & ut aliis visum est, ex oleo, sepo, colophonia, caphura, resina, stupa: hæc veteres

veteres bellatores compositionem incendiariam appellabant. Lucanus de navium incensione ait.

Quam pelago diversa lues, nam pinguibus ignis

Affixus tadis, & tecto sulphure varax

Spargitur, ac faciles præbent alimenta carina,

Nunc pice, nunc liquida raptare incendia cera.

Et alibi,

„ picco jubet unguine tinctas

Lampadas immitti junctis in vela carinis,

Nec piger ignis erat per stuppea vincula, perque

Manantes cera tabulas; & tempore eodem

Transtraque nantarum summiq; arsere Cherusci.

Sed missilibus compositionibus, ut vehementius arderent, additis liquenti vernice, oleo librario, petroleo, terbinthina, aceto quam acri confectis, compressis, & ad Solem desiccatis, ac stupa involutis, cum acutis ferris munientibus, glomeris instar, funiculo contexti, quæ omnia denique sint uno foramine prætermisso colophonia, & sulphure, in sequentem modum oblita. At Græcorum calliditate inventus est

Ignis, qui dicitur Græcus.

In compendiosa navium expugnatione sit bullitio saligni carbonis, salis, ardentis aquæ vitæ, sulphuris, picis, thurisque cum mollis Æthiopum lanæ filo, & caphura, quæ, dictu mirabile, sola ardet in aqua materiem omnem adurens. Callimachus Architectus ab Helepoli fugiens, id Romanos docuit primum, & eo sane Imperatores multi postea in hostes usi sunt. Contra civitatem Constantinopolis navigantes Orientales in dromonibus mille octingentis, Imperator Leo hoc ignis genere omnes combussit. Idem paulo post quatuorcentum hostium naves. itemque tercentum quinquaginta eodem igne absumpsit. Ignem in ferula asservari per annum Prometheus reperit. De his proinde Martialis.

In vita nimium pueris, grataque magistris,

Clara Prometheo munere ligna sumus.

CAPUT III.

De varia tormentarii pulveris compositione.

MALE nobiscum actum videretur, de ignis compositionibus loquuturis, de miro illo, & mirabilium omnium autore tormentario pulvere si prius verba non fecerimus, quum ipse misturas omnes subingredietur, & hinc omne dependeat, non quod de eo pertractare cordi sit, quum res vulgaris admodum, sed solum de iis, quæ aliquid novi, vel occulti habeant. Constat igitur quatuor halinitri partibus sulphuris singulari, singularique carbonis salicis. Sed oportet halinitrum repurgatum sit ex sale communi, pinguedine, & terrosi partibus: nam id cæterorum fundamentum & basis est. Omnia enim oportet sint bene contusa, optime incerniculo succreta, & quam optime simul remissa. Unde si queritur

Pyrius pulvis vehementis strepitus, & operationis;

Addito halinitri plures partes, sc. singularibus carbonis, & sulphuris sex, vel octo halinitri, sed optime repurgati, & remissi. Plus enim operantur quatuor halinitri partes optime repurgati, remissi que, quam decem sæculenti, impermistique. Ex halinitro vis, flammæ rumor, ex sulphure incensio, ex carbone cita incensio proveniunt. Contra vero si queritur

Pulvis pyrius sine strepitu pilam projiciens.

Oportet halinitrum debilitare, sed pingui aliquo, quod præstat auri glutinum, & butyrum, secundum notam, debitamve proportionem admiscendo, & remiscendo, sic sine rumore, vel paucissimo, ut vix ipse audias, pilam emittit, & si non tam vehementi impetu, profecto paulo minus. Modum non declaramus, ne ansam impiis male operandi præbeamus.

CAPUT IV.

Quomodo tubæ ignem jaculantes conficiantur.

IDEM Heron jubet milites mœnia conscensuros, adversus facies urbem defendentium convertibilia manualia

nualia tormenta ignem longius jaculantia obijcere; nam mœnibus assistentes portentosis his machinamentis, longe igneos globos jaculantibus, ac furētibz flammis adeo perterrefaciunt, ut ne aspectum quidem eorum sustinere possint, ne dum militum muros aggredientium, quam celeriter subterfugiant. Præterea in navalibus præliis, & equitum turmis maxime utuntur recentiores, terrentur enim igne equi, ut elephantes, ut facile terga vertentes ordinem conturbent. Quum ab Antipatro Megarenses circumfederentur, acerrimeque Mædones incumbērent, primo in suæ pice oblitos incendium Megarei excitarunt, deinde sic incensos in hostes immiserunt: ii furore inflammati, quum in elephātorum agmina incurrerent, tum clamantes, nempe igne flagrantēs, quasi quibusdam furiis elephātos incitarunt, & graviter perturbarunt. Sed describantur

Tuba longe ignem ejaculantes.

Tripedale lignum foris rotundetur, intus excavetur toro, foramen medium palmaris diametri lignum digitalis soliditatis, sed intus ferrea subtili bractea muniatur, foris ferreis circulis, ore, medio, & calce, & intercapedines ferreis filis solidentur, coarctenturque, ne violentia obluſtantium intus flammarum in partes machina dissiliat, & amicos offēdat. Cavum hac mistura replebis. Tormētarii pulveris partes ternas, colophoniz, tutiz, sulphuris dimidiam, sed sulphur, & colophoniam solidiuscule conteres, nec iis olei lini aspergo desit, ac manibus contrectabis. Inde periculum sumes ecquid mistura remissius, an acrius ardeat, harundinis internodium repleto pulvere; ignem adhibe, si vehementer ardet, ut harundinem frangat, adde colophoniam, & sulphur, si ignave, plus pulveris tunc tubæ immitte, vicissim hasta comprimendo, repletæ os linteo, cera, & pice munito, obtege, ne pulvis decidat, & linteum perforando, ellychnium bombicinum misturæ unias, ut quum necessitas urget, ignem concipere possit: ellychnium conficere paulo post addisces. Hæc simplex tuba dicitur: nunc

Tuba armata quomodo fiat.

Hæc perpetua igneorum globorum emissione, ac plumbeorum glandium, ferreorum scloporum dispiatione astantium ora transverberabit. Ex terebinthina resina, pice liquida, vernice, thure, & caphura pares portiones, vivi sulphuris sexquicertia pars, halinitri repurgati duplum, ardentis aquæ triplum, totidemque olei naphthæ, & pyrii pulveris triturentur, & conficiantur ignei globuli, quos tubæ cavum capiat late. Immittatur in cavum prima mistura altitudine trium digitorum, & deprimitur, mox simplicis pulveris tormentarii uncialis ponderis. suum globulum jam confectum, iterum deinde primum pulverem, & id alternata stratorum serie usque donec tota plena sit. & os, ut diximus, muniatur. Sunt qui non globulos sed stupam ferreis tesseris involutam sternant, & adeo lentam, ut superior mistura tormentarium pulverem accendere possit. Sunt qui in stupa vitrum rudiusculum contusum ingerant, alii salem, & plumbi scobem: nam globuli si armis, vel vestibus adherent, non extinguuntur aqua, aut oleo, nisi consumantur. Sunt etiam, qui foris tubam æneis, aut ferreis sclopiis circudent, ac pervio tubæ cortice, immisso pyrii pulvere, quum illuc ignis pervenerit, horribili bombo, & alternato plumbeas glandes in astantium ora dispiodant. Vidimus tubam inusitatæ magnitudinis, scilicet decempedalis longitudinis, capacitatis humani capitis, repletam globulis igneis, lapidibus, & rebus aliis, ac totam sclopiis armatam, in imo antennis navigii alligatam, quæ funibus hinc inde ad præliantium votum dirigebatur, & navalibus præliis in hostiles triremes directam, fere totas desolasse. Non omittemus tamen

*Vt æneum tormentum semel accensum decem
ictus dispiodat.*

Recentiorum inventum est, ut æneum majus tormentum, vel manualis sclopus decem plus minus pilas emitat, sine intermissione. Fiat pulvis lentus, quo in præcedentibus usi sumus, & hoc modo replebis, mittito primo tormentarium pulverem ad mensuram, quo immissa pila dispiodi possit, mox pila immittatur, sed minuscula, ut aliquanto
laxius

laxius se recipiat, ut supra immixtus pulvis pyrium contingat, deinde lentum pulverem injicies, duum vel trium digitorum altitudine, mox verum pyrium pulverem immittes, & pilam, & sic alterno stratu quousque tormentum repletum appareat fere usque ad fauces, postremo lentum injice pulverem. Ubi vero ad præfixum locum machinam direxeris, ori ignem admoveo, nam pilas jaculabit, & vicissim ignem tanto temporis momento, quanto quis manualet scloputum diversis ictibus dirigeret, atque uno tormento æneo plures ictus infliges.

CAPUT V.

Quomodo ignea pila fiant, quæ æneis tormentis projiciuntur.

NUNC aliquas ollarum compositiones, sive ignearum pilarum, quæ æneis tormentis projiciuntur variis usibus, vel cremandis navigiis, vel noctu aliquibus illuminandis, etiam festivis diebus per aëra projiciendis, ut instar cadentes stellæ discurrere videantur. Nunc docebimus quomodo ejusmodi fiant

pilæ per aëra discurrentes,

Quod festivis diebus fieri contingit. Teratur libra tormentarii pulveris, tertia halinitri pars, sulphuris uncia binæ, toridem colophonix, his in unum coeuntibus, loculis ex densiore linteo consues in pilæ formam, indunturque cavis hemicyclis ligno impressis, ac ligneo malleo percutiuntur, ut in lapidis modum durescant, mox funiculis circumvolvuntur, ac in liquidam picem merguntur, ter, quater, ut laricentur, ne tormenti ænei violentia explosæ in partes resiliant, postremo ligneo stylo ter per centrum trajiciantur, ac pyrio pulvere repleantur, siccanturque in altum trahendæ. Quum eis uti quæres; Eleventur ænea tormenta, vel commodius tormentorum caudæ: & pila forficibus ferreis capiatur, & ignis foraminibus admoveatur, ut accendatur, ubi rite accensam noveris, dextra in cavum tormenti injicies, & la-

& læva ignem inferiori tormenti foraminulo admoveto, accensa resilit, & vi ignis sublata per aera accensa discurre videtur, ut sæpius Romæ vidimus, & præparavimus. Fiunt &

Alio modo.

Picis navalis partes tres, terebinthinæ resinæ duas, sulphuris totidem, hircini adipis unam, terenda tere, & liquefacienda liquecant ahæno, addito simul, & lignea rude remisceto: injicito mox canabinam, aut lineam stupam tantæ quantitatis, ut misturam omnem absorbeat, tunc amove ab igne ahænum, & manibus pilas conficies quantitatis quæsitæ, ut per ænea tormenta trajici possint, & priusquam durecant, ligneis verulis pilam utrinque trajicias parvis foraminulis, mox pyrium pulverem cum sulphure tritum indes, & supra tabulam tormentario pulvere aspersam circumvoves, & per foraminula ellychnios bombiceos infiges, pulvere obvolutos, ut dicemus, hæc siccata in Sole durecant. Modus, quo æneo tormento trajiciantur, hic erit. Eligantur, quæ vulgo *petreri* vocant, ad hunc usum paratiora, pondus pyrii pulveris imponendum in vase, erit ipsius pilæ pars quinta, paulo plus, minusve, nam multum si apposueris, aut nimia ictus violentia disjiciuntur, aut extinguuntur in cursu, nec voto respondent. Imposito in vase pulvere, supra nec stupam, nec canabim impones, sed supra pulverem pila accommodetur, ut ipse incensus pilam incendat, & transmittat. Nobiliorem habebis compositionem hoc

Alio modo.

Accipito tormentarii pulveris partes quinas, halinitri ex fordibus repurgati ternas, sulphuris binas, colophoniz dimidiam, vitri contusi, salis communis, olei kitram, & lini, aquæ vitæ repurgatæ, tantundem, conterere conterenda, & arcto cribro incernito, mox nova testa illiquefacito, carbonibus flagrantibus absque flamma, ne scintillent, & mistura ignem concipiat, post pulveres injicito, ut se rite concorporent. Tunc loculos rotundos effinge ex linteis, ut diximus, pyrio simplici pulvere reple, & ob-

volve

volve funiculis, mox stupam in misturam convolve, & pilam effingito, usque donec quæsitam magnitudinem expleat, ac si aëneo tormento projicere quæris, spissius funiculis illigabis. Tandem pilam pluribus locis ligneis hastulis perforabis, ut pulverem in meditullio residentem pertingant, inde bombiceos ellychnios transfige, quibus ignis conservetur, dum per aëra tanto impetu volat. Alia testa lique scat pini lachryma, pulvis pyrius, & sulphur, pilam eo liquore summerge, ut loriceretur, extractæ bombiceos ellychnios stylo sublevabis, & pyrio pulvere insperges. Hæc pila strepitu, fragore, ac postremo ictu hostes male multabit, ignis inextinguibilis, arma, vestes, & omnia comburet, usque donec totus absumatur, nam arma ita flagrantia reddit, ut nisi detrahantur, hominem comburant.

CAPUT VI.

De misturis in aquis ardentibus.

PERSCRUTANTES Philologi rationem aquarum supra & sub terris latentium, perpetuoque ferventium dicunt bitumen ejus rei causam esse, quod semel accensum sua proprietate non solum non extinguitur, sed inspersis aquis ferventius accenditur. Scribit Plinius. Flagrat in Phaselide mons Chimæra, & quidem immortalibus diebus, ac noctibus flamma: ignem ejus accendi aqua, extinguere vero terra, aut fœno Gnidius Cresias tradit. Eadem in Lycia Hephæstii montes tæda flammante tacti flagrant adeo, ut lapides quoque rivorum, & harenæ in ipsis aquis ardeant, aliturque ille ignis pluviis. Nympei crater dira Apoloniatis suis portendit, ut Theopompus tradit, augetur imbribus, egeritque bitumen temperandum fonte illo ingustabili, alias omni bitumine dilutius. Nunc bituminis genera investiganda. Primum liquidum, naphtha dictum, nostris *oglia petroglia*, quod saxis manet, & kitram. Huic magna ignium cognatio, transiliuntque protinus in eam undecunque visam. Ita ferunt à Medea pellicem crematam, postquam sacrificatura ad aras accesserat, corona igne rapta. Alterum
genus

genus in Comagenis urbe. Samosata stagnum est, emittens limum (maltham vocant) flagrantem; quum quid attingit solidum adhæret, præterea tactus sequitur fugientem. Sic defendere muros oppugnante Lucullo, flagrabatque miles armis suis: aquis enim accenditur, tantum terra restringi dœuere experientia. Ejus species caphura est: ut bitumen ignem allicit, & ardet. Pissasphaltum bitumen durius, sunt & succini, & gagatis species, sed hæc lentius, & minus in aquis ardent. Præterea secundum, quod in aquis ardet, sulphur est, nil enim pinguius è terra eruitur. Ad hunc ignem fovendum per se solum, neque aquis ardet, neque aquis extinguitur, neque diu perdurat, sed bitumini additum perpetuat ignes, ut in Phlegrazis Puteolanis visitur montibus, & quemadmodum igni, si oleum inspergatur, accenditur, ita bitumini accenso insparfa aqua vehementius auget flammam. His ergo in ignibus, qui in aquis, & sub aquis ardeat, usuri sumus. Sed aliqua proferamus exempla: quomodo fiat

Pila, quæ sub aquis ardeat.

Pulvis primo paretur pyrius: nam hic mistiones omnes subintrat, & vim præbet reliquis vehementer comburendi; hic si granulatus fuerit, optime teratur, & incerniculo secernatur, septem hujus partibus dux addantur colophonix, tres halinitri, una sulphuris, omnia conterantur, permisceanturque non sine naphthæ aspergine, sive liquidæ picis kitran; tamdiu humectando, donec pugno constrictus pulvis per se maneat. Ex his optime permixtis periculum sumunt: nam si valentius urit, colophonix, halinitri, & sulphuris plus addunt, si ignavius, pyrii pulveris. Hæc mistura in stramentis, vel linteis obvolvatur, vel oculis indatur ex dictis rebus confectis, & strictius quam possit funiculis, & ligamentis obvolvatur, ut arctius constringatur. Ferventi immergatur pici, & resicari curetur, ac denuo straminibus induentes pice illinunt, ut ab aquæ humiditate tuta sit, neque ignis violentia dirumpatur. Ubi autem rite fuerit resiccata, parvo foramine pervia, pulvis indatur pyrius, & ignis immittatur, & quum ardere inceperit, parva mœrula in aquis projiciatur,

tur. Ipsa suo pondere fundum petit, flammis aquas oblu-
 tantibus, longeque à se recedere faciens, supra fervere
 videtur, & nigro fumo obscuratur, ut Puteolanas sul-
 phureas aquas ferventes videre putes, levior inde facta,
 per flexuosos gyros, & ambages, maximo jucundo spe-
 ctaculo ad aquæ superficiem ascendere videbitur, ut a-
 quam ardere credas, & duo contraria elementa inter se
 pugnantia amico consortio coire videbis, usque donec
 materia absumatur. Alii simplicem pyrium pulverem,
 quantum manu capere poterunt, linteis obvolvunt, &
 funiculis stringunt, inde ferventi pice immergunt, hanc
 optime constrictam, & pluribus linteolis loricatam parvo
 foramine perviam faciunt, & in centro pilæ jam dictæ
 locant, ut cum in superficie aquæ supervenerit, in inte-
 riorem pulverem ignis concipiens, pilam in partes disji-
 cit, & astantibus ora ingenti bombo fauciabit. Sunt qui
 faciunt

Idem, alio modo.

Misturam ex sulphure, colophonia, halinitro, vernice con-
 ficiunt, & his quadruplum pyrii pulveris admiscunt, ad-
 duntque terebinthinam resinam veteram, oleum vernicis
 liquidæ, kitram, oleum lini, & aquam vitæ optime repur-
 gatam, his pulveres siccos humefaciunt, & irrorant, hanc
 ardentius ignem concepisse vidimus, & flammæ longius
 jaculari. Ac faciendum

Idem.

Assumito mastiches partem unam, thuris duas, grano-
 rum vernicis, sulphuris, caphuræ; pyrii pulveris, singu-
 lorum tres, colophonix sex, halinitri repurgati novem,
 contere omnia, & per cribrum succernito, at caphuram
 cum sale mistam contundes: nam sola inhabilis con-
 tusioni, omnia in fictilem amplioris fideliam expansa
 irrorato liquida naphtha, aut vernicis, aut lini oleo, &
 manibus commisceto. Exemptam pulveris partem in
 excavatam harundinem mittito, & experimentum qua-
 rito, ecquid ardendo tibi satisfaciât, quod si contigerit
 lentius ardere, plusculum pyrii pulveris suggerito, si
 vche-

vehementius, colophonix, semper probando, si spei respondeat nec ne: nam his compositionibus eadem addimus, ad retundendam halinitri, vel pyrii pulveris vehementem ustionem. Post loculos effinge ex cannabino panno in pilæ formam, quos mistura repleas, & optime infarcias, post funiculis circumcinge, tandem sulphur liquato, nec desit in eo pyrii pulveris pars quarta, lignea virga remiscendo, & pilam eo liquore circumlutabis, ut rite munita, loricateque sit. Jam confectæ veru foramen fige usque ad centrum, eoque extracto reple pulvere, ex quo ignem injicias, & sub aquis ardebit, poterit & æneis tormentis projici. Nec reticebimus quomodo fiant

Pile, olleque navibus projiciendæ.

Hanc ignium compositionem scripsere majores Alexandrum Magnum reperisse, ad pontes, ostia, navigia, & ejusmodi similia comburenda, nunc vehementius operabitur, propter pyrii pulveris additamentum. Pulveris pyrii, halinitri, sulphuris, picis, lachrymæ pini, granorum vernicis, thuris partes æquales, caphuræ dimidium, hæc omnia remisceantur contusa, mox olei kitram, vernicis liquidæ, terebinthinæ resinæ etiam partes æquales liquefacies, & simul omnibus remistis ollas replebis: inter hostes, & naves injiciendas. Vel si ex his pilam confeceris, & circa caput mallei religabis, cujus dens pedalis acutus, manubrium trium pedum. in navali conspectu si quis levi cymba hostilium navium alveo confixerit uno ictu, magnum incendium excitabit, non aquis, non aliis rebus extinguendum.

CAPUT VII.

Quomodo pile metallicæ fiant, quæ ignem, & ferreas tesseras jaculantur.

DOCEBIMUS metallicas pilas conficere fragiles, quæ pyrio pulvere repletæ, obstructis undique spiramentis, violentia oblustantis intus flammæ in plures partes dissiliant, ac obviantium corpora transverberent, & utrinque non in armatos, sed loricateos trajiciant, quibus in urbium expugnationibus uti possumus, in multitu-

titudinem projectæ quamplurimos sauciant , periculum visitur in pecudum gregibus. Fiant igitur

Pilæ tesseras ferreas éminus projicientes.

Fiat igitur pila metallica palmaris diametri , semidigitalis soliditatis ex metallo , metallum constat tribus partibus æris , una stanni , ut adeo fragile proveniat , ut vi ignis confracta , in minutas partes dissiliat. Pila ut facilius construatur , ex duobus hemicyclis fiat, nam minori impensarum jactura conficitur , atque simul uniantur in pyxidis modum , aut cochleatim circum volvendo pars una alteram intret. Æqualis sit spissitudinis, ut æqualiter omni ex parte frangatur : inde clavo per medium adacto tenacius constringatur, digitalis crassitudinis, ut omni alia parte prius, quam in commissuris rumpatur. Inde canaliculus efficiatur digitalis magnitudinis , & palmaris longitudinis , ut in centro pilæ perveniat ; & foris extra superficiem emineat , in pyramidis formam , foris basis, intus conus, atque in pila solideretur, glutineturque. Clavo, ut diximus, utrinque superanti superficiem, annectantur ferrea fila , qui transfixos habeant ferreos taxillos , lato foramine pervios , ut singula fila , tricenos habeant , ut dum vi ignis frangitur pila, & fila ferrea rumpuntur, ferrei taxilli disjiciantur, & éminus jaculentur tanto impetu , ut sclopis , aut balistis explosi videantur. Postremo pila simplici , & optimo tormentario pulvere repleantur, sed canaliculus ex ea mistura, quæ lentius ardet, ut quum ei ignis admotus fuerit, tandiu in manu teneatur , quandiu lenta illa mistura ad centrum appropinquaverit , & illico in hostes projiciatur, nam in mille dissilit partes, & fila ferrea, & taxilli, & pilæ partes éminus jaculantur, tam valido ictu , ut intra tabulas, aut murum palmum subintrent, hæ in urbium expugnationibus, militum assultibus projiciuntur, nam ducentos viros sauciare poterunt , & tunc temporis pejus ferire , quam occidere erit , ut experientia constat bellica. Sed quum canaliculos vis replere, unum sine pila in manu habeas, mistura plenum, & periculum sumas quanto temporis intervallo consumitur,

tur, ut tempus projiciendi eas addiscas, ne te & amicos interimas. Iisdem pilis docebimus,

Quomodo equitum turma turbentur.

Fiunt & ejusmodi pilæ majores, scilicet pedalis magnitudinis, iisdem filis religatæ, sed numerosioribus ferreis taxillis repletæ, videlicet millenis. Hæ in medium equitum turmæ, aut civitatum obsessarum, aut navigiorum projiciuntur. catapultis, aut æneis tormentis, quæ *petræ* vocant, variisque modis: nam si ferreis tesseriis armatæ erunt, in earum fracturis adeo ignis violentia dispioduntur, ut armatos homines trajiciant, & equos. & ingenti bombo adeo equos perterrefaciant, ut impossibile sit calcari, aut habenæ pateant, quin ordinem conturbent. Fiunt quatuor foraminibus perviæ, atque jam dicta mixtura repletæ, ac incensæ in medio turmarum projectæ, adeo eminus flammam projiciunt, strepitu, & fragore, ut tonitrus, & fulgura corusca flamma imitari videantur.

CAPUT VIII.

Quomodo in planis, & sub aquis cuniculi citissime suffodiantur.

CUNICULIS conficiendis, qui ad evertendas urbes, & arces suffodiuntur. longo tempore, & labore, & impensis opus est, nec incio hoste vix fieri possunt, nos in hostium conspectu, in eo plano, in quo hostium utrinque futurus congressus, effodere docebimus, parvo labore, & temporis momento. Igitur

In plano ubi futurus congressus cuniculos effodere

Si optabis in hostium conspectu (nam quid facias ignorant) nos primi doceamus, paulo ante noctem, vel in crepusculis, ubi futurus congressus, aut transitus, aut statio, serobes excaventur tripedalis profunditatis, ut altera ab altera circiter decem pedibus distet, ibi pilas accommodabis magnitudinis pedalis, aut plus minus, ut totum planum repleas, mox ex una ad alteram cuniculos aut sulcos effodies, ut per eos bombicea ellychnia tuto incendant intra tubos sictiles, aut harundines excavatas, sed
pila

pilæ tribus, aut quatuor partibus accendantur, mox sepelies, & humum complanabis, relicto loco ex quo omnibus ignis immitti possit. Sic belli tempore, ubi hostis supra locum stabit, aut sponte, aut fuga simulata, inlecto spiraculo igne, totum planum conflagrabit illico, dira, immani, cruentaque hominum strage, nam artus per aëra volare, transfixos cadere, horribili ignium flagrore combustos videbis, ut vix unus supersit. Ellychnia ita conficies. Nova testa aqua vitæ optima caleseat cum pyrio pulvere, quousque crassamentum recipiat, ut strigmenti formam habeat, intus ellychnios immittes, ac mistura circumvoves: amove ab igne testam, & ellychnium pulveris pyrii aspergine saturabis, ac Soli exponito, ut resiccetur: hoc intra excavatam harundinem mittes, ac vacuum pulvere repleas. Vel cape halinitri repurgati partem, sulphuris dimidium, atque ex oleo lini nova olla ebullire curabis, immitte ellychnia, ut omni ex parte eo liquore madescant, amove, & resiccato Sole. Si vis vero

Cuniculos aquis facere.

Hoc pulcherrimo uteris invento. Loco ubi hostium triremes, aut naves aquatum venient, cuniculos parabis, Plures trabes decussatim transfixos, vel retis modo in plano ordinabis, quantitatis quæ sitæ in decussationibus ligneas áreas accommodabis. & affiges, pyrio pulvere plenas, trabes pertusæ, ac ellychniis, & pulvere repletæ, ut arcis ignem admoveere possint, magna animi diligentia, & solertia arcas, & trabes pice obline, & lorica pluries, ne aquæ transitus pateat, & pulvis humescat (nam oleum, & operam perderes) relicto etiam loco, ex quo ignis immitti possit, machinamentum sub aquis deprimes ponderibus, & lapidibus, luto, & algis cooperies, paulo ante adventus hostium. Adsit explorator, qui quum naves, aut triremes supra insidias steterint, admoto igne, hiascit mare, expelliturque usque ad æthera, naves aut submerget, aut in mille partes confringet, ut nil visu aut factu mirabilius sit, sub aquis, & lacubus periculum fecimus, & supra cogitatum suum fortitum est finem.

CAPUT IX.

At extinguendum ignem quâ profint.

DIXIMUS de accendendis ignibus, nunc de restinguendis, & obiter res, quæ ignibus obnoxie permanent. Sed prius quid de ejusmodi negotio nostri majores dixerint, referamus. Vitruvius lignum laricis ignitionem non recipere, nec per se ardere dixit, ut saxum in fornace, nec carbonem remittere, sed tardissime comburi. Rationem affinat esse in ea minimum aëris, & ignis, & multum humoris, & terræ, multaque soliditate consistare nec habere spatia foraminum, quibus ignis possit penetrare. Quomodo hoc cognitum sit, narrat. Cæsar quum imperasset municipibus circa Alpes sibi com meatum præstari, qui castello ligneo muniti erant, imperio parere recusarunt. Cæsar fasciculos ex virgis alligatos congerere circa castellum, & faces ardentes accendere jussit. ut quum materia ignem comprehendiſſet, ad cælum sublata flamma, putabat molem concidere, sed quum exusta esset, turris intacta apparuit. Ex quò Plinius. Larix nec carbonem facit, nec alio modo vi ignis consumitur, quam lapides. Sed hoc falsissimum est: nam quum resinifera sit, & oleosa, illico ignem concipit, & ardet, immo conceptus ignis ægerrime extinguitur. Unde admiror errorem maxime propagatum, & latignum oppidum, ex arboris copia nuncupatum, ignibus obvallatum superfuissè citrà nocumentum. Præterea alumen liquidum contra ignem valere antiquitus memoratum legimus. Ligna enim alumine illita, & viridi ære, sive postes, sive lacunaria fuerint, dummodo crusta aliqua obducantur, invicta ignibus manere. Cujus rei experimentum dedit Archelaus Mithridatis præfectus in lignea turri contra Syllam, quam frustra comburere conatus est, quod à Quadrigario adnotatum, in annalibus reperimus. Sed hoc alumen liquidum adhuc ignotum plerisque doctioribus: alumen hoc nostrum tali notâ, & experimento caret. Sed acerum contra ignem valere multi sunt, qui comprobent, Plutarchus nullum ignis extinctorium aceto efficacius

ficacius esse dicit, nam omnium maxime flammam suppressit, ob frigoris excellentiam. Polyænus refert. Athenocles ab hostibus oppugnatus contra admotas testudines liquefactum plumbum æreis vasis desuper effundebat, quo testudines dissolvébantur sed hostes supra acetum effundebant, quo plumbum, & quæcunque alia cadentia de muris restinguebant, etenim ad extinguendum ignem acetum aptissimum sunt experti, & optimum experimentum inunctum. Plinius ad extinguendum ovi candidum laudat, inquit: Ovi candido vis tanta est, ut lignum ovo perfusum non ardeat, nec vestis quidem contacta aduratur. Hieron in operiendis testudinibus utitur coriis recenter occisorum animalium, tanquam iis, quæ igni resistere poterunt, & connexiones lignorum muniebant creta, aut cinere cum sanguine admisto, vel argilla cum capillo subacta, vel paleis, & algis aceto maceratis, nam sic contra incendiorum impetum tuebantur. Carahedonius coriis bubulis recentibus vineas, & arietes primus integere docuit. Audivimus à fide dignis in ædium incendiis, etiam tabularum injecto menstruato panno mulieris primi menstrui, illico incendium restingui, sua peculiari proprietate. Succis spissi, & mucilaginosi contra ignem valent, ut althææ. Ob id non satis absurde ab Alberto scriptum est, si quis succo althææ, albumine ovi, alumine ex aceto obliner

Manus posse ignem sine læsione pertractare;

Et multum veritatis retinet. Sed ego puto argentum vivum, aceto, & albumine restinctum, & oblitum rem ab igne tueri posse.

C A P U T X.

De variis ignium compositionibus.

VARIAS ignium compositiones, variis usibus utendas dicemus. Sed hujus inventionem M. Graccho referunt. Ut fieri possit

Igneæ mixtura, quam Sol incendere possit.

Ex his constat. Oleum terebinthinæ resinæ, vivi sulphuris

ris

ris (alio modo , quam in distillationibus ostendimus) juniperi , naphthæ , lini , & colophoniz. caphuræ , pix , halinitrum , atque anatis pinguedo , omnium duplum , aquæ vitæ , omni à phlegmate repurgatæ , tusa omnia , & remissa , vitreo vase condita duobus mensibus sub limo fermententur , simum semper innovando , & simul remiscendo. Post dictum tempus , in retorta ponitur , & distilletur : liquor pyrio pulvere , vel stercore columbaceo tenuiter cribrato , inspissetur , ut strigmenti formam recipiat : hac mistura ligna oblita , & æstivis solibus opposita , ex se ipsis accenduntur. Vim facile ignem concipiendi obtinet solaribus radiis stercus columbaceum. Refert Galenus in Mysia , quæ est Asiæ pars , sic domum conflagrasse. Erat projectum columbaceum stercus , in propinquo fenestram tangebatur , ut jam cõtingeret ejus ligna , quæ nuper illita resina fuerant , cui jam purri , & excalescenti , & vaporem edenti , media æstate , quum Sol plurimus incidisset , accendit resinam , & fenestram , hinc fores aliæ resina quoque illitæ , ignem concipere , & ad tectum usque submittere incipiunt : ubi autem à tecto semel est accensa flamma , celeriter in totam grassata est domus , quod maximam haberet vim inflammandi. Anatis pinguedo ad incendiarios ignes maxime potens , certatim à medicis laudatur , quod maxime subtilis , penetrans & calidissima sit , præbet vim penetrandi aliis rebus , & ut subtilis , & calidissima vehementissime ignem concipit , & ardet. Docebimus & distillare

Oleum flagrantissimum.

Dum præstantissimas olei comburentis compositiones parare vellem , commune oleum distillavi retorto vase , sed magno labore , sed distillatum tenue , accendibile , & flagrans evenit , ut fere accensum inextinguibile fuerit eminusque flammam alliciens , & ægre deponens , sed covalentius est oleum lini , nam si sæpius distillaveris , adeo mirabilẽ vim incendendi retinet , ut vix vase claudi possit , quin ignem ad se alliciat , & referato vase , adeo tenue est , ut aëra spiritibus repleat , quod si lumen candelæ , aut
ignis

Ignis tetigerit, accenditur aer, & ex eo oleum accensum flammam eminus jaculatur, & vehementem ut impossibile fere sit extinguere. Sed maxima solertia distillatur, ne calefacto nimium vase ignem intus concipiat. Præterea

Ignis, qui oleo extinguitur, aqua accenditur,

Sic fiet. Diximus naphtham in aquis ardere, & ejus speciem caphuram, unde si sulphur admiscueris, aliave, ut ignem retinentia, si oleum injeceris, vel cœnum, extinguatur, reviviscit enim, & majorem concipit ignem, aqua infusa. Narrat Livius vetulas quasdam in earum ludis, accensis facibus, ex his confectis, Tyberim transisse, ut miraculum expectantibus, & cernentibus ostentarent. Proprium enim bituminis diximus aquis accendi, oleo restingui. Dioscorides Thracium lapidem nasci in quodam flumine Scythiæ scribit, cui Ponto nomen est: vis ei gagatis, traditur aqua succendi, oleo restingui, quod in bitumine accidit. Nicander hujus lapidis meminit hunc in modum.

*Si lapis uratur candenti Thracius igne,
Post madefiat aqua, flagrabit totus, & idem
Mox oleo affuso protinus restinguitur, adfert
Thracius hunc ad nos pastor de flumine nomen,
Cui pontus.*

Faces, qua ventis non extinguantur

Fiunt sulphure, difficile enim extinguatur, ubi flammam concepit: unde faces ex sulphure, & cera vicissim oblitæ confectæ, ventis, & tempestatibus innoxie feruntur. Producentis exercitiis, vel necessariis in rebus. Alii talibus utuntur. Facum ellychnium halinitro ebulliunt, & aqua, & exiccatum sulphure, & ardenti aqua madefaciunt, inde candelas hac mistura efficiunt, sulphure, inde caphuræ, & terebinthinæ resinæ medietate, colophonis duplo, ceræ triplo; quatuor efficiunt candelas, simul componunt, in medii vacuo vivum sulphur injiciunt, & pertinacius omnibus resistunt. Veltali modo. Cannabina ellychnia, sive bombicea ebullias aqua ex halinitro, exempta resiccati curato, mox sulphuris,

phuris, tormentarii pulveris, & ceræ partes æquas liquefacies ahenò, liquefactis ellychnium impone, ut mixturæ partem absorbeat, exime, & ahenò adde pyrii pulveris. sulphuris, terebinthinæ resinæ residuo æquas partes, ex qua mixtura faces compones, & compaginabis. Fit quoq;

Funis, qui incensus, neque fumum, neque odorem faciat.

In diurnis, nocturnisque clandestinis congressibus assueti sunt milites, vel venatores funem concinnare, qui incensus neque odorem, prope aut longe, neque fumum conficit, nam ferè accensi funis odore expulsæ in summo montium se colligunt. Sumito novam ollam, & in ea funem novum accommodato ita diligenter, ut tota repleatur, ita spiratim coarctatum, ut nil amplius capere possit, operculato, & lutato optime ter, quater, ut ne respiret, nam hinc omne dependet. Ignem postea in gyrum accendito paulatim, ut primo caleseat, mox ferveat, tandem ignescat, & si interdum fumus spirabit, argilla continuo obturato, tandem carbonibus tumulata frigateat ex se, & aperta olla, funem reperies nigrum, veluti carbonem, qui incensus neque fumum, neque foetorem dabit.

CAPUT XI.

Ignæ compositiones pro festivis diebus.

DIXIMUS terribiles, horrificos, & incendiarios ignes, æquum est aliquos docere pro festivis diebus, nec tam pro usibus ipsis docentur, quam quod ansam præbent altiora excogitandi. Conficiendi modum igitur ostendamus,

Ut aliquo cubiculum ingrediente totus aer igniatur,
Sumatur quantitas magna aquæ vitæ optimæ repurgatæ, & in ea projiciatur caphura particulatim concisa, nam brevi spatio in ea dissolvetur, jam dissoluta fenestræ, & fores cubiculi claudantur, ne exhalans vapor foras expiraret. Vas ubi aqua plenum est, sine flamma carbonibus subjectis ferveat, ut tota aqua in fumum solvatur, qui cubiculum expleat, & adeo tenuissimus erit, ut vix conspici pos-

possit. Cogatur aliquis accensa in manu candela cubiculum ingredi, nam per visa candela totius accenditur, & cubiculum totum inflammatur, ut fornax accensa videatur, maximumque terrorem introeunti incutit. Si in aqua moschum, aut minimum ambaræ dissolvatur, post flammam maximus odor sequetur. Fit &

Aqua ardentissima.

Hoc modo. Vetus validum, & nigrum vinum habeas, intus vivam calcem immittes, tartarum, sal, vivumque sulphur, retorta vitrea aquam exugito. Hæc mire ardet nec ardere desinet, donec tota consumatur. Si in patentioris oris vas pones, & flammam admoveas, illico ignem arripit, si in murum projeceris accensam, vel noctu è fenestra, innumeris scintillis, & igniculis accensum aerem videbis. Ardet in manibus detenta, nec comburit multum, si iterum distillabis, minus ardet. At si æquas partes calcis, & salis accipies, ac communi oleo permisces, pilulas efficies & per collum retortæ in uterum trajicies, mox vehementi igne oleum exuges, & oleum iterum remisce sali, & calci, & iterum distillabis, idque quater feceris, oleum prodibit miræ accensionis, ut merito infernale oleum ab aliquibus nominetur. Pro scenis festivus ignis componitur. Si caphura in aqua vitæ dissoluta fuerit, & ex ea perlinantur teniolæ chartæ pergamenæ, & resiccatæ accendantur, atque ex alto cadant, per aera incensæ & serpentes non sine jucunditate conspiciuntur. Sed si

Flammam eminus projicere

Quæsieris, ita facies. Colophoniam, thus, vel succinum subtiliter contunde, & in palma manus statues, & inter digitos candela accensa statuatur, & dum pulverem in altum projicis, transeat per candelæ flammam, nam in altum se extollit flamma. Si vis multæ

Candela celeriter accendantur.

In festivis diebus, ut audio, apud Turcas fieri solitum. Sulphur & auripigmentum cum oleo coques, & in eis filum ebullire finito, resiccatum per candelatum ellychnia ligetur, transeatque, nam ex uno capite accenso,

eurret per omnes flamma, & incendet. Aliqui Hermetis unguentum vocant. Poterit quisque

In tenebris comedens ex ore scintillas diffundere

Non sine iucunditate conspicientium, quod eveniet, si quis saccharum cadum edat, nam dentibus confringens, videbuntur ex ore scintillæ moveri, ac quis titionem perfecerit.

C A P U T X I.

De aliquibus ignium experimentis.

AL IQVA subdemus experimenta, extra reliquorum classem, quæ satius reticuisse constitueram, Dicemus ut altiora excogitandi non desit occasio. Si vis

Aeneorum tormentorum pila profundius penetrent

In præfixum lignum, vel murum, id levi artificio facile poteris experiri. Pila in cavum potius arcte, quam late subintret, sed ante immissionem oleo madeat, & in cavum injice, hæc vi ignis displosa, duplo plus intus penetrabit. Ratio prompta est; oleum enim facit ut aeri transpirandi tollatur occasio: nam omni obstructo spiramento majori violentia oblucentes intus flammæ pilam explodunt, ut latius dicemus. Sic etiam pilæ tormentorum æneorum majori violentia penetrabunt, & larido perunctis sclopi pilis gravis armaturæ equites transjiciuntur. Possumus & solerti quodam artificio

Hominem confodere pila, sine introitus vel exitus pila vestigio.

Adeo humana mens attollitur, ut invenerit hominem utrinque pila trajicere, ut neque vestigium vulneris reperiri possit, etsi interna viscera omnia contundantur, & transverberentur. Cogitato, quæ gravia, solida sint, & adeo subtilia, ut penetrando transitus vestigia non relinquunt, & idem efficiant, etsi unita, ac si dissociata fuerint, & unaquæque pars per se sola agat, quæ unita factu-

ra erat, diximus ut ignaris, & impiis tollatur peccandi occasio. Vidimus

Sclopo plures ictus inferre, sine nova pulveris repletione.

Est à præclaris militibus usitatum non solum majori æneo tormento, sed manuali sclopo. Res ita fiet. Circa virgam, quæ in cavum os sclopi immittitur, papyrus ter, quater obvolvatur, & extracta virga cavum illud pulvere reple, & pila, hinc inde pilæ obturentur, & glutinentur, ne scissura ulla chartæ appareat, primo immittatur in sclopum, sed laxè, ut pulvis supra immixtus ad spiraculum inferius pervenire possit, mox pulvis indatur ad mensuram supra, & pila calcetur, indito ad spiraculum pyrio pulvere, & igne admoto, explodetur superior pila ex suo pulvere, mox ex spiraculo stylo immisso perforatur charta, & pulvere cibetur, & iterum ignis admoveatur, nam paëvo temporis intervallo duos ictus infliget. Poterimus.

Fumo oculos octacare.

Quod in civitatem insultibus, & congressibus hostiam valde proficere poterit. Sed primo considerandus erit ventus, ut terga nostrorum feriat, & in vultibus inimicorum fumum deferat. Conficiuntur modioli, sicut lanternæ, capacitatis, qua in os tormenti ænei subintrent, repleantur pulvere enforbii, piperis, calcis vivæ, cineris sarmentorum, & arsenici sublimati, & in cavum immittantur post pyrium pulverem: nam vi ignis, rumpuntur modioli papyracei, & fumus pulveris si oculos hostium terigerit, adeo infestabit, ut abjectis armis vix saluti oculorum consulere possint.

C A P U T XIII.

Quomodo fieri poterit, ut candela perpetuo ardeat.

TANDEM priusquam huic libro finem imponamus, discurrere libet ecquid fieri possit, ut semel accensa candela nunquam extinguì possit, quod maxime repugnare videtur rerum mundi corruptibilium ra-

X ;

tioni

tioni, & fidem superare videtur. Sed videamus primum ab antiquis sit tentatum, aut factum. Legitur Romanis in historiis, Romæ in templo Deæ Vestæ, atque Athenis Minervæ templo, atque Apollinis Delphis, perpetuum accensum ignem extitisse. Sed hoc falsum mihi videtur: nam quamplurimis authoribus legere memini, ignem continuo accensum Vestales virginēs curasse, ne unquam extingueretur, ut ex Plutarcho in vita Numæ habetur, & tandem tempore civilium bellorum, & Mithridatis extinctum. Et Delphis à viduis custodiebatur, curabantque continua olei additione, ne unquam extingueretur, etiam defecisse quum Medi templum illud concremarunt. Ejusmodi erat ignis in sacris literis descriptus à Deo, Moyse institutus. Ignis in altari meo semper ardebit, quem nutriet sacerdos, subjiciens ligna per singulos dies. Non igitur in Deorum gentilium templis perpetuus ignis erat. Sed legimus juxta oppidum Ateste in agro Patavino repertam fictilem, intra quam erat altera urnula, intra quam reperta est lucernula adhuc ardens, quæ per imprudentum manus, rustice profundentum rupta est, & statim flamma extincta. Et nostris temporibus circiter annum MDL, in Néside insula, in Neapolitano cratere sita, sepulchrum marmoreum repertum esse cujusdam Romani, quo recluso, phiala intus reperta est, in qua lucerna adhuc ardebat, rupta, & viso aere extincta est, quæ ante Servatoris nostri adventum clausa fuit. Aliæ quoque ab amicis narratæ sunt, repertæ, & oculis cognitæ. Unde colligimus hoc fieri posse, & à majoribus factitatum. Videamus an & nos idem conficere possimus. Sunt qui dicant oleum metallorum diutius, & quasi perpetuo durare posse. Sed hoc falsum est, quum metallorum oleum non ardeat. Alii dicunt oleum juniperi ex ligno multum durare, quod ejusdem ligni carbones sub cineribus per annum ardentes contineantur, sed hoc falsissimum est, quod carbo à me sub cineribus detentus, neque per biduum, neque per diem contentus est, & oleum ex ligno vehementissime ardet, & citius quam commune oleum absumitur. Sunt qui ex amianto lapide oleum exuxisse jactent, putantes absumi flam-

ma

nia non posse, quum ex eo ellychnium confectum nunquam comburatur, etsi perpetuo ardeat; si oleum perpetuo ei addatur: Sed si verum est ellychnium non absumi igne, non ob id sequitur, ex eo extractum oleum perpetuo ardere sine sui consumptione, & nemo adhuc repertus est, qui oleum ex amianto extraxerit, quod ardeat. Alii putant ex sale communi oleum exuctum perpetuo durare, nam si sale in oleum injicias, efficit, ut duplo amplius in lucerna oleum duret, ne consumatur, quod verum esse testamur; unde si oleum distilletur, futurum, ut perpetuo ardeat, sine sui consumptione: non sequitur tamen oleum ex sale extractum perpetuo ardere, & oleum ex eo distillatum non magis ardet, ac lapis, aut aqua fortis separationis argenti & auri, quarum species est. Sed rudis ingenii est posse imaginari, oleum reperti posse, quod continua flagratione non absumatur. Sed aliud imaginandum est: Sunt qui dicant, (nec est eorum imaginatio fatua) ignem in phiala non semper ardere, sed in phiala conditam esse misturam quandam, quæ ubi aërem videt, illico accenditur, & ardere videtur, eo solum tempore, quum nunquam antea exarserit. Hoc verum esse posset, quod multoties res chymicas operanti, vitrea vasa optime clausa post earum rerum combustionem oblita, multis mensibus, ne dicam annis derelicta, reserata tandem flammam concipere, ardere, & fumum emittere videre contigerit, eorum, quæ combusseram, oblitus sum, sed ejusmodi esse poterant, quæ ab amico audiui, cui idem acciderat: nam quum lithargyrum, tartarum, calcem, & cinnabarim ex aceto ebullisset, usque donec in fumum evanesceret, inde operato, & lutato vase vehementi igne excoctum, reposuit, quousque frigeret, post aliquos menses, quum referare vellet, ut suum opus reviseret, repente flamma è vase exiit, ut cilia combusserit, quum ipse nil tale putaret, quod & multis etiam accidit. Præterea quum lini oleum coquerem ad prælum, ubi flamma concepisset intus, pannis ollam operui, ut exstingueretur. post aliquod tempus vas recludendo, oleum visò aere iterum flammam concepit, & denuo reaccensum est. Sed huic opinioni

repugnat experientia; nam qui viderunt lucernam vitro vase clausam, optime flammam retinere, & lucem emittere conspexere. Putabant enim veteres ut cineres in sepulchro, ita perpetuo animam ibi quiescere, & ne in tenebris jacerent, maximo studio enixi sunt hoc lumen invenire, ut eorum animæ perpetua luce fruerentur. Aliud ergo imaginandum est, & tentandum experimentum. Sed hoc pro rato & firmo in Naturæ officina habendum est, mirabilium causam esse vacuum non dari, & potius mundi machinam disrumpi, & omnia retrocedi, quam illud admiti possit: Unde si flamma vitro clausa fuerit, spiramentis omnibus interclusis & si momento duraverit, perpetuo duraturam, nec extinguere possibile esse. Multa hoc in libro mirabilia declarata, multaque declarabuntur, quæ non aliam causam habent. Sed quomodo accendatur intus flamma, hoc opus, hic labor est, liquor subtilissimæ substantiæ sit oportet, & minimæ evaporationis, unde & si clausa vitro introducitur, permanebit, quod speculis, igne, industria, & solertia facile fieri potest: non extinguetur, quum nullibi aer immitti possit, repleturus inane phialæ: pabulum continuo solvitur in fumum, hic quum solvi non possit in aerem, abit in oleum, & denno accenditur, sic perpetuo fluxu pabulum ministrabit. Principia audistis, scrutamini, operamini, periclitamini.

LIBER TERTIUS DECIMUS.

In quo de re ferraria agitur.

P R O O E M I V M

UAM monstruosos ignes edocuimus, & primamquam ab eis discedamus, de re ferraria dicemus, ignibus enim agitur, non quod eius artem tractare velimus, sed selectiora quædam secreta, non minus humanis usibus necessaria iis, quæ hucusque recensuimus, præter ea, quæ in Chymicis tra-

tractata sunt. Fiant ex eo optima, pessimaque viâ instrumenta, inquit Plinius, si quidem ad Agricultura opera, & adsum, constructiones eo utimur, eodemque ad bella, & cades, non cominus solum, sed missili, volucrique: nam ut ocus mors perveniret ad hominem, alitem illam fecit ipse: & pennas ferro dedist. Nos diversas ferri temperaturas edocebimus, & quomodo molle fiat, & durum, ut non solum ferrum, aliaque durissima secet, sed porphyreticum marmor ipsum insculpat. Est in summa ferro vis verum omnium domitrix.

CAPUT I.

Ferrum temperatura durius posse fieri.

CLARISSIMO, notissimoque experimento constat temperatura ferrum durari, idemque remollescere, & quum diutius perquisissemus, an calidis, siccis, frigidis, vel humidis, durum, aut molle evaderet, comperimus calida & durum, & molle reddere, sic frigida sic alias qualitates. Aliud igitur excogitandum est, unde causas venemur, invenimus contrariis durum evadere; amicis molle, tandem ad antipathiam, & sympathiam est devenum. Veteres putabant religione quadam id fieri, & extare ferream catenam apud Euphratem amnem, in urbe, quæ Zeugma appellatur, qua Alexander Magnus ibi vinxerat pontem, cujus annulos, qui refecti sunt, rubigine infestari, carentibus ea prioribus, Plinio, cæterisque videtur hoc negotium ex aliquarum differentiis nasci, fortasse succos, aut mineras aliquas subterlabentes earum semina ferre, qua ferrum aut molle, aut durum reddi possit. Inquit. Summa autem differentia in aqua est, cui subinde candens immergitur. Hæc alibi, atque alibi utilior nobilitavit loca gloria ferri, sicut Bilbilin in Hispania, & Turiaßonem, Commun in Italia, quum ferraria metalla in his locis non sint. Ex omnibus autem generibus palma Serico ferro est. Seres hoc cum vestibus suis, pellibusque mittunt. Secunda Parthico, neque alia genera ferri ex mera acie temperantur,

cæteris enim admiscetur. Narrat Justinus historicus, in Gallecia Hispaniæ præcipua ferri materia, sed aqua ipso ferro violentior, quippe temperamento ejus ferrum acrius redditur, nec ullum apud eos telum probatur, quod non aut Bilbili fluvio, aut chalybe tingatur. Unde etiam chalybes fluvii hujus finitimi appellari, ferroque cæteris præstare dicuntur. Et si Strabo chalybes in Ponto juxta Thermodontem fluvium fuisse dicat. Virgilius,

Et Chalybes nudi ferrum.

Tandem communiter, ut Plinius dicit, oleo remollitur, duratur aqua. Tenuiora ferramenta oleo restingui & mos est, ne aqua in fragilitatem durentur. Nulla res nos ad altiora investigandum impulit, quam certum hoc experimentum, posse ferrum oleo adeo ignavum fatiscere, ut manibus contorqueri, & frangi possit, & aqua adeo durum evadere, & contumax, ut alios ferreos cultros tanquam plumbum incidere videatur.

CAPUT II.

Ferrum quomodo remollescat.

DICEMUS primo ferrum quomodo remollescat, & tractabile fiat, unde & chalybem in ferrum, & ferrum uti plumbum molle reddemus. durum remollescit pinguibus, ut diximus, & sine pingui solo igne, inquit Plinius. Ferrum accensum igni, nisi duretur ictibus, corrumpitur, quasi diceret, quod chalybs ex se ipso remollescit, si sæpius excandescat, & ex se ipso in igne refrigescat, & ferrum eo modo mollius evadet. Possumus, & variis modis facere item

Vt ferrum remollescat.

Perunctum oleo ferrum, cera, & asa fœtida, & supra lutatum, paleatum, & stercoratum, & resiccatum, accensis carbonibus incandescat per noctem, mox ex se frigefactum, molle, & tractabile reperies. Vel tres partes sulphuris tollito, quadruplum argillæ pulveratæ, cum oleo reinisceto, ut mollis fiat, inde ferrum lorica tum, & resiccatum minuetur vivis carbonibus, & ut diximus eodem modo uti poteris sepo, & butyro. *Fila ferrea ignita*

ignita si per se refrigerant, adeo ductilia, & mollia evadunt, ut lini vice uti possimus. Sunt & molles herbarum succi, pinguesque, ut malvæ, corticum fabæ, & ejusmodi similes, qui possunt & ferrum remollire, sed oportet calidi sint, quando ferrum restinguitur, & succi, non aquæ distillatæ, nam quibuscumque aquis frigidis durius evadit ferrum, & oleo liquido.

CAPUT III.

Ferri temperatura in mollibus ferris extendenda.

DI X I M - U S - ferrum quomodo mollius fieret, nunc temperaturas demonstrabimus, quomodo acius incidat. Sed pro diversis usibus diversæ sunt temperaturæ, nam aliam exposcit ferrum, panem, lignum, lapidem, aut ferrum incisurum temperaturam, id est, diversorum liquorum, & diversam quoque ignitionem, & tempus extinctionis in liquoribus, ut hinc res pendeat. Quum ferrum ignibus flagrantissimum excandet, ut magis igniri non possit, ut scintillet, argentum vocant, & tunc non extinguitur, quia consumeretur. Si vero croceo colore tingitur, aut rubro, aurum dicitur, aut rosem, & tunc liquoribus extinctum durius efficitur, hic color extinctionem exposcit, Sed animadvertendum si totum ferrum temperatur, ut color cæruleus sit, vel violaceus, & ensis, aut acies aut scalpri, aut styli, in his quia reliquum ferrum suo calore iterum distemperat ferrum, tunc attendendi secundi colores, ut potè quum ferrum extinguitur, & tunc immersum durum efficit, postremus cineris color est, & hinc extinctum minus omnium durum efficitur. Si ad exempla accedemus. Sic habetur

Cultri temperatura pro incidendo pane.

Vidi non paucos ingeniosos pro ejusmodi temperatura laborasse, qui quum cultro ad omnia durissima incidenda paratos haberent, satis difficile in mensis panem incidebant. Nos tali remperatura voti compotes reddimus. Ut panem igitur cædat, chalybs molliter temperetur hoc modo. Chalybem, qui confractum corpus ex minimis granulis congestitum ostendit, & optime à

ferro repurgatum, leviter calefacimus, & malleo percutimus, ut in cultrum efformemus, mox lima quærimus, & in cultri formam accommodamus, rotaque perpolimus, tandem igni imponimus, usque donec violæ color appareat: sapone perlinitur, ut conspectius color ex igne cognoscatur, tunc ab igne amotum linteo olivæ oleo madido perlinimus aciem, usque donec refrigerat, sic chalybis duritiem olei, & paucæ excalefactionis blanditiæ delinimus. Paulo ab hac diversa erit

Ferri temperatura pro ligno.

Paulo durior temperatura erit pro ligno incidendo, sed etiam blanda, ideo ferrum ad eundem violæ colorem deveniat, & tunc mergatur aquis, detrahitur, & ubi cineritius advenerit, projiciatur in aquam frigidam. Non admodum diversè temperatur.

Ferrum pro phlebotomia.

In oleo restinguitur, & durum evadit, quia delicatum, & subtile si in aquis extingueretur, distorqueretur, & rumperetur.

Ferri temperatura pro falce herbaria.

Post ferri in falcem concinnationem, excandescat in auri colorem, & tunc oleo mergatur, vel sepo perungatur, quia subtile ferrum est, & si aquis extinguitur, aut friatur, aut contorquetur.

CAPUT III.

Quomodo quibusque miseriis ferrum durissime temperetur.

NUNC quasdam res demonstrabimus, quarum proprietas erit ferrum durissimum reddere: nam ferrum illud, quo pro instrumento utendum erit ad aliud ferrum malleandum, perpoliendum, & accommodandum, multo eo valentius esse est opus, unde declaranda

Ferri temperatura pro limis.

Nam ex perfectissimo chalybe oportet sit, optimeque & acriter temperatum, ut aliud recte expoliat, & concinnet. Sumantur ungulæ boum, & furno ad exiccandum indantur, ut in pulverem rite verti possint, cujus

pars

pars cum tantundem salis communis, vitri confracti, & fuliginis camini optime remisceatur; conteraturque, ac ligneo vase fumo suspensa recondito ad usum, nam sal quavis aeris, aut loci humiditate liquefcit: parato pulvere, concinnetur ferrum in limæ formam, mox cancellatim, decussatimque acuta scalpri acie incidito, dum ferrum tenerum, ac molle reddideris, ut diximus, mox arcula ferrea efficiatur, quæ condendis limis sufficiat, limæ intus condantur, vicissim pulveribus insparfis, ut undique immersæ sint, inde cooperculum inditur, & fissuræ luto paleato obducuntur, ne pulveris fumus exhallet, & succensis carbonibus cumuletur, ut per horam plus, minus conflagret, ubi absumptum, combustumque pulverem conjeceris, exime è carbonibus, ferreis forficibus, arculam, & limæ in aquam frigidissimam mergantur, & sic vehementissime durescunt. Hæc usitata est limæ temperatura, quia non timemus si lima aquis frigidis distorqueatur. Nos autem ita optime

Alio modo temperare

Docebimus. Ex hircorum cornibus detrahatur medulla, deficcetur, & in pulverem convertatur, inde limas in arcula conditas cum hoc pulvere insperfas reconde, & idem opus exequere. Hoc tamen addendum, ut duæ limæ addantur supernumerariæ, eo artificio, ut extrahi ex arcula possint ad libitum, postquam vero tumultatam carbonibus arculam pulveris vim hausisse putabis, extrahe unam ex supernumerariis, eamque temperato, & frangito, & si optime intus undique granulatam, & purum chalybem inveneris, & ex voto successisse, amove ab igne arculam, eodemque modo temperato, sin minus diutius immorari finito, & aliqua intermissa morula, ex supernumeraria alia experimentum cape, usque dum perfectissimam habeas. Eodem modo poterimus

Cultros durissime temperare.

Accipito recentem bovis ungulam, eam calefacies, & malleo ex latere percities, nam resiliet foris medulla, furno reficcetur, & ut diximus accommodentur in olula, semper duos supernumerarios addendo, qui eximi possint;

possint, experimentum capiendo optimæ versionis in chalybem, & eandem operam impendendo durissimi fiunt. Docebimus

Lorica quomodo temperari debeat.

Requirito lorica ferream mollem, & vilis pretii, quæ in ollam indatur, vicissim sparsis pulveribus supra memoratis, & operculatæ, & superlutatæ, ne expiret, sufficientem adhibeas ignem, mox suo tempore ollam ferreis forficibus apprehendito, & malleo olla percussa, ignitam totam lorica in aqua præ narrata extingues: nam ita durissima efficitur, ut facile pugionum ictibus obsistat. Mensura pulveris erit, si lorica decem, aut duodecim libras æquabit, duas, & dimidiam libras pulveris appone. Ut undique adhæreat pulvis, madefacito lorica aqua, mox in pulverem revolves, & alterna stratura in ollam accomoda. At quia durissima effecta est, ne vehementi ictu frangantur anuli, & in partes dissiliant, oportet duritiei nervum addere, operarii *revenire* dicunt. Ex aqua exempta in dolio exagitetur ex aceto, ut poliatur, & color perspicui possit. Inde lata lamina ferrea igniatur, & lorica pars, vel rota supra distendatur: ubi color cineritius, operarii *berotinum* dicunt, apparuerit, denuo in aquam projicito, & retunditur ea durities, & facilius ictui cedit, & sic ex vilissima lorica omni ictui repugnantem habebis. Acrium temperatura durities ferro conciliatur, & cum eo fragilitas, sed nisi nervus addatur, levi ictu in partes dissilit, ob id necessarium est, ut nervum conciliare perfectissime addiscant.

CAPUT V.

Liquores ferrum durissime temperantes.

DI X I M U S antipathia ferrum constringi, sympathia dilatari, pinguium amico consortio fruitur, & aperiuntur pori, unde mollities; contra, astringentia, frigidaque constipantia poros, inimica contrarietate durissimum reddunt, ob id facere videntur, non omitendo tamen, quæ sui proprietate id agant. Si optaretur

Serram temperare, quæ ferrum fecet.

Serra ex optimo chalybe fiat, & suo armamento accommo

mo

modetur, ne extinctione intorqueatur. Inde canalem ligneum parato, longitudine ferri ferræ, qui contineat liquorem ex aqua, alumine, & urina, flagrans ferrum immerge, & amove, & expecta colores, ubi violaceus venerit, totum immerge, donec frigescat. Non omitteremus tandem æreo filo id posse fieri in arcum tenso, smiri pulvere, & oleo, nam ferrum, ut lignum secabis. Temperantur etiam.

Hami piscatorii, ut fiant durissimi.

Pars venationis piscium hamus erit: nam parvus & fortis sit oportet, si magnus, à piscibus videtur, nec deglutitur, si parvus ingenti pondere, & agitatione rumpitur, si mollis, dirigitur, evaditque piscis, ut igitur validi, subtiles, nec ore dirigi possint, hoc pacto temperabis. Ex messoriis falcibus fiant ferrea fila, vel ex optimo chalybe, & formentur hami, subtiles, & parvi. Igni non excandescant, nam eos exest; Sed ignitæ laminæ ferreæ superponantur, ubi rufescunt, in aquam projiciantur, refrigerati capiuntur, resiccanturque: mox denno lamina calida reddatur, & hami denno imponantur, ubi vero cineritius color, aut *berotinus* vulgo apparuerit, denno in aquam immergantur, ut nervosi fiant, nam fragiles essent. Sic habes

Cultri ut durissimi fiant.

Albertus, à quo cæteri, ferrum acrius fieri dicit, si temperetur succo raphani, & aqua lumbricorum terrestrium, ter, quater, quod nos quum sæpius & succo raphani, & armoraciæ, & lumbricorum temperaverimus, semper mollius, ut plumbum evenit, & falsum reperimus, ut cætera sua. Sed hoc modo chalybem durissimum efficiamus, ut eo solo sine temperatura, durissimos cultros efficias. Divides chalybem in parva frustilla, veluti lusorias tesseras, atque consigna superligentur virgæ ferreæ, ferro filo religando, igni imponantur, ut excandescant, & scintillent saltem quindicies, merganturque his pulveribus, qui constat boracis nigre parte una, corticum cochlearum, ossis sepis duabus, mox malleo contundende, ut simul uniantur, & cultros, aut quævis alia es-

forma.

formabis; nam durissima erunt. Est enim species chalybis excellentissima: quæ solum aquis temperata durissima efficitur. Est & altera minus bona, quæ nisi optime temperetur, semper pejor evadit. Hæc est

*Scalpri temperatura ad incidenda
marmora.*

Ex optima chalybe formetur scalprum, igni excandeat, ubi rosens color, vel rubeus fuerit, aquis intinge, mox remove, & secundus color attendatur, ubi aureus apparuerit, in aquam projicito. Simili fere modo fit

Scalprum ad ferrum secandum.

Ubi idem rubeus rosæ color apparuerit, mergatur in aquam, vel acrem liquorem, quem docebimus, & attendendus secundus erit fulvus, vel frumentaceus, & illico in aquam projice. Hæ sunt optimæ

Ensim temperatura.

Oportet enses nervosos esse, ne, dum punctim ferimus, rumpantur, oportet etiam acutam aciem habeant, ut cum cæsim ferimus obtruncant, secantque: hic erit modus. Oleo, & butyro corpus temperabis, ut nervum habeant, acribus aciem, ut cæfionis robur recipiant. Idque vel canalibus faciunt ligneis, vel laneis pannis madidis liquore: utere ingenio, & solertia.

CAPUT VI.

*De scalpri temperatura, quod porphyreticum marmor
incidat.*

VALDE familiaris majoribus nostris fuit scalpri temperatura, quo tam facile porphyreticum marmor incidebant, ut infinita testantur opera, quæ ad nos perverunt, sed modus à nemine traditus, ac penitus ignotus, non sine maximo nostri temporis opprobrio, quod pulcherrimas, & utiles inventiones negligit, & parvipendit. Nos ut ab hac noxa immunes essemus, anxietate, laboribus & impensis quæcumque ad manus venerant, vel in mentem, experti sumus variis methodis, variisque experientiis dirigendo, ut id assequi possemus; tandem, favente numine, multo nobis latior apparuit aditus
ad

ad hæc & majora assequenda. Nec pigebit recensere quæ, dum id tentaremus, casu invenimus. Negotium inter has difficultates versabatur. Si temperatura nimis acris & robusta erat scalpri, vehementissimo mallei ictu in partes dissiliebat, si vero mollis, replicatur, nec marmor signat, ob id durissima, & nervosa futura, ut nec ictui cedat, nec dissiliat. Præterea succos, vel aquam, in quibus ferrum temperandum, claram, & lymphidam oportet esse. nam si turbida fuerit, colores ex calore provenientes non videntur, unde tempora immergendi ignorabuntur, unde omne dependet. clari igitur, & repurgati succi, tempus temperaturæ ostendunt. Colores maxime attendendi sunt, nam tempus mergendi, tollendiq; ostendunt, & quia durissimum ferrum evadat oportet, & nervosum, ideo color erit medius inter argentum, & aurum, & hoc calore adventante, tota mergatur scalpri acies in liquorem, & tantillo temporis elapso, removeatur, & ubi violacens apparuerit, iterum in liquorem mergatur, ne calore adhuc in scalpro perdurante, denuo temperaturam pervertat. Est tamen etiam maxime attendendum, ut liquores, in quibus scalprum temperatur, sint frigidissimi, nam si calidi fuerint, minus operabuntur, nec eo liquore, in quo semel est extinctum ferrum, denuo aliud immergas; nam quum calidum sit, nil operabitur, sed in alium recentem & frigidum, & hunc interea in vitreo vasculo aliquo frigida aqua innatare cogat, ut cito refrigeret, & operi frigidissimum habeas. Hæc tamen sunt

Durissima ferri temperatura.

Si ferrum ignitum aceto distillato immerges, durum eveniet, idem eveniet in urinam distillatam, ob salem, quem in se continet. Si in rorem temperabis, qui Majomense supra ciceris folia reperitur, durissimum eveniet; nam supra cogitatum falsum est, ut ex Theophrasto alibi docuimus. Acetum, in quo sal ammoniacus dissolutus erit, vehementissimæ erit temperaturæ, ac si ex sale urinæ, & halinitro, in aqua dissolutis, ferrum temperabis, durissimum fiet. Vel si halinitrum, & salem ammonia-

njacum pulverabis in vitreo vase longioris colli clausum sub fimo, aut locis humidis pones, usque donec vertatur in aquam, in aquam extandescens ferrum immergatur, melius operatus fueris. Præterea in liquorem calcis vivæ, & salis sodæ penicillo purgatum immersum ferrum, durissimum quoque evadet. Hæc omnia optima sunt, & opus exequentur. Hæc tamen longe meliora ponemus

Ferrum temperare ad porphyreticum marmor incidendum.

Fugitivum servum jam receptum, & postea exaltatum cape & vitreo vase claude, donec extabescat, aqua, vel igne, scalprum ita obdurabit, ut facile compos fias voti, sed si nimia duritie fragile eveniet, addito plus liquoris, sin minus, corporis; hoc tamen tantisper curato, dum operis mensuram adinveneris, nam & forte, & nervosum ferrum evadet. Idem & optime eveniet pythonis serpentis elavie, & extabescencia, sal enim fortitudinem, pinguedo nervum dabit, & hæc sunt optima, & meliora, quæ in hoc genere experti sumus.

CAPUT VII.

Quomodo porphyreticum marmor sine scalprio salare possimus.

SUNT tamen alii qui idem agere sine scalprio conati sunt, sed valida, vehementi aqua, eosque hoc argumentum impulit: videntes enim acetum, & acres succos supra marmor impositos in bullas extumescere, & illud corrodere, opinati sunt, si vehementem, & validissimum liquorem ex acribus, & corrodentibus elicerent futurum ut sine labore opus idem exequi possent: tandem hoc modo operam exequenti sunt. Accipe argentum vivum sublimatum, & salis ammoniaci parum, hæc, ut docuimus, distilla per vitrea organa, mox cape viridis æris, stanni in calcem redacti, ac pyritis lapidis parum, contere omnia cum sale geminæ, & communi, & ammoniaco, & distilla, & distillatum liquorem super fæces asfunde, & iterum distilla, & hoc iterum tertio facito, tandem serva liquorem vase bene operculato. Quum opus aggredieris, porphyreticum marmor hircino sepo delinito

nito, solas eas partes intactas relinquito, quas excavare desideras, spondam accommodabis, ut dum liquorem supra affundas, ne hinc inde diffuat, & liquor impositus validissime exedit, ubi ab opere cessarit, projice & novam indito, id semper repetendo, donec excavaveris quousque volueris, & tuum opus peregeris.

CAPUT VIII.

Quomodo ferrum coquitur, operibus ut sit tractabile.

QUAM PLURIMI sunt, qui diligentissime observant, perquiruntque quomodo secreta quadam arte adeo ferrum temperari possit, ut ne rumpatur, vel tormentorum sclopis ne perforetur. Sed hi, quæ in manibus habent, non curant, quod non habent perquirant: nam si dum coquitur ferrum, considerarent, fortasse quod tanto studio quærunt, ante oculos haberent. Dicimus igitur, quod ratio, cur enses rumpantur, & in partes disfiliant, & pectora ferrea sclopetorum ictibus trajiciantur, est, quia in ferro rimæ sunt, diversisque in partibus hincit, & partes satis male consolidatæ, & quia vix visu percipiuntur squamulæ, causa est, ut quum incurvantur, vel percutiuntur, rumpantur: nam si solemter animadvertes, ubi enses, vel cultri in partes exiliant, semper ejusmodi fissuras, & rimas invenies, & solidæ partes infractæ semper, & curvaturæ resistunt. Sed quum rimarum causam perquirerem, tandem comperi in ferrariis officinis ubi ferrum percoquitur, supra ferrum cumulant carbones, & carbonum quisquiliis, dicentes ferrum contumacius coqui, nisi quisquiliis, & carbonis pulvere tumuletur, & cum pulvere semper commixtus lapillus, creta, variae sordes, laterum fragmenta, aliaque assularim congesta, quæ quum in igni liquecant, in superficie bullosas quasdam congeries, vel intus inanitates, & fissuras causantur, ut minus partes cum partibus coire possint. Unde & si res vilissima, parvæque considerationis, tamen in causa est, ut hæc inconvenientia succedant; ut igitur hoc impedimentum amoliamur, id censuimus faciendum. In ligneam tinam aquæ plenam carbones projicimus, nam & ipsi in superficiem feruntur (lapides

des vero, sordes, & lateres deorsum suo nutu procumbunt) natantes excipiuntur, & exiccantur, atque his in operibus usi, pro Dii boni quam utile inventum nacti sunt, nam enses, cultros, clypeos, loricas, & alia ejusmodi armamenta adeo perfecta fecerint, ut longissimum, & rædiosum sit recensere: nam ferrea pectora, quæ vix duodecim libras transcenderent, scloporum ictibus impervia vidimus. Unde si temperaturam his addemus, longe meliores consequentur effectus.

CAPUT IX.

Quomodo Damasceni cultri effingi possint.

NUNC operationes aliquas apponemus non injunctandas, scilicet quomodo Damasceni cultri jam abolitas maculas redivivas faciamus, & easdem maculas aliis cultris inducamus. Si velimus igitur

Obliteratas damasceni cultri undas redivivas facere.

Expoliatur pugio, ensis, vel culter optime, smiri pulvere, & oleo, & calce demum purgetur, ut nulla parte obtenebratus, sed undique claro nitore corasceret, tunc citrii succo, & remisto cum aqua coriariorum, quæ ex chalcantho conficitur, madescat totus: nam quum siccescit, illico maculæ suis locis redibunt, ut undis fluitare videantur. Et si velis

Maculas in cultris Damascenis effingere.

Idque satis optime, ut vix à Damascenis interposcantur. Perpoliatur culter satis optime, ut diximus, ac calce detergatur, tunc calcem cum aqua remistam manibus agitabis, ac digitis contingendo, ferri aciem postea perpolitam contingas, & maculas ex libitu induces, & effinges, ut quæsieris, igni, vel Soli resiccati curato, aquam paratam habeas, in qua chalcanthum sit dissolutum, & supra perlinito, nam ubi calx abfuerit, tinget nigro colore, mora temporis interjecta, aquis madefacito, & ablue, ubi calx adfuit, sine tinctura erit, & lætaberis effectum. Poteris calce linearum discursus undulatim effingere. Si quis affectabit

Damascenum chalybem in opus ducere,

Hoc

Hoc modo poterit: nam impertractabile est sine arte, nimio calore in partes friatur, frigidum contumax, sed arte ex ruptis ensibus perbelle cultri efficiuntur, & rotulæ, & tabellæ, quibus fila aurea, argentea trajiciuntur, & complanantur, ut in textile opus duci possint. Admove sensim igni, ut excandescat usque ad aurum, sed igni pro cinere gypsum excoctum subicias, & aqua tabefactum: nam absque gypso, malleando, in bullas extumescit, & resilit, & abit in scorias, vel scobes.

CAPUT X.

Ferrum perpolitum quomodo à rubigine vindicetur.

ADIO utile est ferrum à rubigine vindicare, ut quamplurimi fuerint, qui vestigando laborarint, quomodo id facile possit fieri. Plinius dicit: Ferrum à rubigine vindicatur, cerussa, & gypso & liquida pice. Sed quomodo cerussa fieri possit, non explicat. Tamen qui oleum ex cerussa conficere sciunt, sine aceto, perlito ferro facile à rubigine vindicatur. Sunt qui sepo cervino perunctum ferrum rubigini immune servarunt, nos autem usi sumus pingui unguinum beum.

LIBER DECIMUS QUARTUS.

Selecta quædam coquinariæ artis exponens.

PRO OE M I V M.

HABET & coquinaria ars selecta quedam secreta, quæ lausitsem in convivis, & admirationem quandam adferre possint, quæ decrevimus manifestare, non quod ganeones & parasitos hac ad luxum convocemus, sed quod parvo rei familiaris impendio, artis ostenta demonstrare possimus, & ansam aliis majora excogitandi demus. Versatur ars circa esum, & potum: dicturi de cibis primo, mox de potu, nec omitemus interea ludicra quedam, quibus convivas ne dum epulis, sed risu & jocis exhalavimus.

CA.

CAPUT I.

Carnes quomodo tenerescant.

CARNIBUS incipiemus, docebimusque quomodo tenerescant, à gulosis multum exoptatum, quod & multis modis præstabimus, primo qui ex mortis genere eveniunt; mox qui ex occultis rerum proprietatibus, & adeo teneræ evadant, ut fere in jus resolvantur: deinde qui existentibus adhuc vivis animalibus tenerescant, aliisque modis. Pro exemplo sit

Ovis carnes quomodo tenerescant.

Animalium à suis inimicis occisorum, præcipue quæ odio, & horrore habent, carnes satis valde tenerescunt, Zoroaster in Geoponicis ait, occisæ à lupo, & adestæ carnes teneriores fiunt, & proinde suaviores. Cujus causam Plurarchus in Symposiasticis reddit. Caro, inquit, ovis à lupo adestæ dulcior fieri videtur, quod lupus suo morsu, carnem flaccidam, teneramque reddat. Est enim lupi spiritus adeo calidus, ut ossa etiam durissima in ventriculo suo tabefaciât, & liquet, atque hanc ob causam facilius etiam putrescere, quæ à lupis tacta fuerint. Atqui variis modis animalia, quæ jugulantur, affici, argumento sunt venatores, & coqui; horum enim aliquos scimus unico ictu, animalia prostravisse, ita ut icta statim immota jacerent. Alios vero vix multis tandem ictibus confecisse. Et quod magis mireris, aliquos ex vulnere ferri talem in animante jugulato vim reliquisse, ut mox putreficeret, & neque uno die integra duraret, alios vero non tardius illis interemisse, sed nullam in carnibus jugulatorum hujuscemodi qualitatem relictam, & aliquandiu eas permansisse. Porro quod vis quædam, quam jugulantur, aut moriuntur animalia, ad pelles etiam, pilosque & ungues pertingat, nec Homerum quidem latuit, qui de pellibus, & loris scribens; lorum bovis, inquit, per vim occisi. validior enim, & tenacior pellis illorum est animalium, quæ non morbo aut senectute, sed jugulata obierint. Contra quæ morfu animalium intescent,

rereunt, illis ungues nigrescunt, desinunt pili, & pelles marcidæ, flaccidæ fiunt. Hucusque Plutarchus. Sed hæc falsumputo, nam quomodo ex spiritu lupi caro ovis tenerescat, non fat intelligo: nam & animalia alia, quæ à suis inimicis occisa sunt, & contrariæ naturæ etiam carnes tenerescunt, quæ non calidi sunt spiritus. Sed sanguinis absentiam carnes in animali teneras reddere conjicio, his argumentis. Coturnices, & phasiani à falconibus vel accipitribus occisi, tenerrimi fiunt: sed cor in eo reperitur sanguinosum, & durum. Cervi, & apri à canibus occisi teneriores, à sclopis vero duriores, & circa cor partes durissimæ, ut vix coqui possint; mortis metu sanguinem ad cor amandant, reliquæ partes exangues, quod & sequentibus experimentis clarius innotescit. Veluti

Anseres, anates, phasiani, coturnices, aliaque aves tenerrimæ quomodo evadant,

Facile præstabimus, si accipitribus, aliisque rapacibus avibus objiciemus; dum enim præliantur, aufugiunt, & aliquantisper accipitrum unguibus detinentur, variisque ictibus confodiuntur, adeo tenerescunt, ut mirum sit dictu; unde data opera altiles aves, quando eas edere volumus, accipitribus objiciemus, & ab eis occisæ teneriores coctu fient. Sic enim

Bubula carnes ut tenerescant.

Præsertim veterum boum, nam sicæ, & duræ sunt, & concoctu difficiles, lanii canibus venatorum objiciunt, eisque in prædam condonant, qui se cornibus defendentes aliquibus horis, canum multitudine post obruti, dilaniatis auriculis, ac moribus excoriati concidunt, his in macellum adductis, & dilaniatis, carnes plus solito teneræ evadunt. Cum urbis aperto Marte congregientes, & aliquando devicti, si aliquid corporis supererit, ita tenellum evadit; ut ore liquecat. Possumus idem consequi, si animalia aliquantisper in mortis metu detinebimus, & quo diutius, eo teneriora fiunt. nam

Gallina ut tenerescant,

Eas ex altis turribus deturbamus, sic indicas, & pavones,

nes, quod quum se alis minime sustinere valeant, corporis pondere, in mortis periculo, summo labore, & nisu alas agitant, ne tam rapide, & violenter terræ allidantur. Sic in eo mortis periculo occisæ maxime tenerescunt. Præterea veteres columbæ, quæ casu in præaltos puteos deciderant, quum diu supra aquas alis percutiendo laborassent, ne submergerentur, mortis metu, & labore, supra fidem tenellæ evaserunt. Quo casu nos edocti, quando maximæ teneritatis exoptamus, data opera deturbamus. Eodem fere modo docet Horatius in sermonibus

Quomodo gallus tenerescat,

Si ex improvise tuis amicis exponere eum velis, nec aliter possis,

Si vespertinus subito te oppresserit hospes,

Ne gallina malum responset dura palato,

Doctus eris vivam misto mersare falerno,

Hoc teneram facit.

Nos indicas gallinas equitantium sellis è naribus vivas suspendimus, & quum nimio dolore, mortisque metangerentur, & agitentur, confecto itinere, mortuæ, tenellæ inventæ sunt.

CAPUT II.

Carnes quomodo occulta proprietate tenerescant.

SVNT & quædam res, quæ ex occulta proprietate carnes teneras reddunt. Vnde duo memorabimus prodigiolæ Naturæ miracula. Vnum, qui fico pependerit,

Galli carnes tenerescunt,

Et adeo fragiles fiunt, ut mirum sit dictu; alterum gallos quamlibet indomitos ficui alligatos cicurari, & immobiles conquiescere. Gallorum victimas, quæ fico pependerit, quam celerrime tenerescere, & fragiles fieri, rationem innuit Plutarchus in Symposiis, quum inter obsonia Aristionis coquus immolatum Herculi gallinaceum gallum recenter, tenerum, & pene friabilem obtulisset, tam citam teneritudinem acceptam referebat Aristio fico, contendens jugulatas carnes etiam præ-

præduras teneritatem contrahere, quæ pensiles adhæ-
sere fico. Quod auram, halitumque vehementem, &
validum expiret ficus, visus satis testatur. Fidem quoque
facit, quod vulgo de tauris proditur, ferocissimos quos-
que huic alligatos arbori mitescere, tangique manu, ac
subigi tolerant, & efflant iram, animumque veluti flac-
cescentem deponunt, tantis viribus pollet ea spiritus acri-
monia, ut ruat licet, sæviatque taurus. imperet furori.
Si quidem arbor fici plus cæteris lacte copioso prægnans
est, sicut lignum, ramum, pomum, eo plane refarciatur,
quapropter quum amburitur, fumus, quem eructat, &
maxime mordet; & vellicat, lixivium quoque cremato-
rum maxime deterget, purgatque, quum & cogitur ca-
seus ficulneo lacte, quod emittit arbor, si virentem fan-
cies corticem. Cæterum munere caloris evenire volunt,
ut injecto succo lac coeat, qui humoris concremenum,
& aquosum colliquet, proinde calidam, acremque au-
ram, ac digerentem ficus exhalat, quæ carnes alitum de-
ficcet, ac concoquat, sicut friabiles reddantur. Eodem
modo

Caro bubula ut tenerescat

Faciemus. Caules caprifici si addantur ollæ, in qua bu-
bulæ carnes excoquuntur, magno ligni compendio eli-
xantur, ex Plinio. Cujus rationem jam ex antipathia red-
didimus. Ad id alludentes Ægyptii hominem novissima
calamitate castigatum designaturi, taurum pingunt capri-
fico illigatum: nam quum mugit, si de caprifico ligetur,
redditur mansuetus. Si volumus

Vt legumina tenerescant.

Quia videmus maximam antipathiam inter legumina, &
orobanchem, quæ ea depascit, & strangulat (hæc ab aliis
leonina herba dicitur: nam ut leo impie, & odiose oves,
& pecora strangulat, ita orobanche legumina.) Ob id
hæc eadem herba leguminibus addita, dum coquuntur,
facit, ut facilius percoquantur. Faciunt

Vt edulia percoquantur

Omnia lapathi genera, quamvis arida & exsucca fuerint,
sic etiam & carnes, ut tenerescant, esuique aptæ red-
dantur.

dantur. Ob id veteres eis continuo vefcebantur, ut in ftomacho cibos etiam percoquerent; ac alvum emol- lirent. Sylveftris etiam urticæ radix fimul cum carne co- cta, eam teneram facit, ex Plinio.

CAPUT III.

Quomodo aliis modis carnes tenerefcant.

SUNT & alii teneram carnem reddendi modi. Primus fi occifa animalia afferventur fub dio, nam tenerefcunt, fcilicet putrefieri incipientes, fed non tam immo- rari debent, ut vere putrefiant. Unde oportet fcire eo- rum qualitatem, quæ plus, minusve affervari debent. Unde ad exemplum venient

Pavones, perdices, & phafiani, ut teneriores fiant.

Occifus pavo, ex Ifac authoritate, duobus diebus, hye- me tribus affervatur, ut durities carnis remittatur. Ha- liabas per tres dies fufpenfos relinquit, lapidibus ad eo- rum pedes alligatis. Savonarola per decem dies fufpen- fos fine pondere. Perdices recenter mactatas non effe edendas monet Simeon Sethi, fed poft diem, aut alterum comedi, ut amittant quod eft durum. Pha- fiani æftate biduo, hyeme triduo fufpenfi, & jugulati fervari debent priusquam coquantur ad cibum, ex Ar- noldo; & ne longiores fimus, idem de aliis intelligen- dum iudico. Simile erit

Vt aves tenerefcant,

Si noctu mactatas Lunæ radiis expones, coctuque tene- riores evadent, nam Luna ad carniū teneritatem plu- rimum confert, quæ nihil aliud eft, quam putrefactio quædam. Hinc ligna ad lumen Lunæ cæfa, citius putre- fcunt. & fructus celerius maturefcunt, ut Daphnis Me- dicus apud Athenæum.

CAPUT IV.

Cruftata animalia quomodo teneriora evadant.

PRIVS QUAM fermonem abfolvamus carnes tene- riores reddendi, non erit ab re caneros teneriores reddere,

reddere, & alio modo quam in superioribus diximus. Quomodo fieri debeant

Cancrī, ut teneram crustam efficiant.

Romæ ita efficiuntur, & dulce & optimum obsonium magnarum mensis apponetur, de iis loquimur, qui in dulcibus aquis nascuntur: nam Venetiis edimus sponte mari aquis nascentes molles, quos vulgò *mollecæ* vocant, sed non ita dulces, ut Romæ factitatur, qui pro singulis Iulium aliquando exposcunt. Modus hic erit. Iunio, Iulio, Augusto, Septembri mensibus cancrī solent cortices immutare, & senectutem exuere, eo tempore piscatores per fluminum ripas exquirentes, ubi foramina, & eorum cavernulas semiobertas vident, signum habent tempus adventasse corticem eximendi, nam quanto magis cortex tenerescit, eo altius foraminum ostiola claudunt. Teneritas à pedibus incipit, & paulatim corpus occupat, captos domi afferunt, singulos singulis fictilibus ollulis claudunt, & aquam imponunt, ut ad altitudinem medii corporis pertingat, sic octo, aut decem diebus immorari permittunt, singulis diebus aquam permutando, & quotidie cortex magis tenerescit. Vbi totus remollitus, ut veluti crySTALLUS transpareat, butyro, & lacte friguntur, & mensis apponuntur. Eodem modo

Squilla tenerescant

Efficiemus: nam ut cancrī etiam crusta exuuntur, eandem operam impendendo, quod à Natura consulto factum est, nam crusta densiore reddita, ad motum pondere segniores redduntur, unde excrementis, quæ in eam abibant, in novam interiorem absumptis, superior jam facta, rumpitur, & decedit.

CAPUT V.

Animalia ut pinguiora, & sapidiora fiant.

SEQUAMUR quomodo pinguiora, & sapidiora animalia fiant, ut sapidiores cibos convivis apponamus. Circa quæ non segnis antiquorum cura fuit. Unde plures modi non solum apud coquinariorum, sed apud rei rusticæ scriptores reperiuntur. Animalia saginare liguritores invenere, quo unctius, ac lautius devorarent.

rent, hinc altilia dicta, quod sagina alta, & enutrita sint. Aviaria dicebantur, ubi omnia avium genera segregata farcirentur. M. Lelius Strabo primus instituit, hisque farctores, qui rem curarent, addidit, descriptis quid cuique avi ad farcturam apponendum esset. Hyeme melius, quàm æstate saginatio fiet, quia aves eo anni tempore meliores, quia tunc minus foetu exhaustiuntur, pulli melius masculi, quam foemellæ, & qui nondum coiere, aut ovum peperere: æstate dum matura, & adhuc de vite omphacium pender, tum meliores sunt. Doceamus igitur.

Gallina, & cætera aves quomodo farciantur.

Locus eligatur calidus & obscurus, claudantur singulæ spatiis ita coarctatæ, ne versari possint, habeantque ex utraque parte foramina, unum, quo caput exeratur, alterum, quo cauda, ut & cibos capere possint, & digestos edere; substernatur molle fœnum, nam durè cubantes non pinguescunt, pluma omnis è capite, clunibus & sub alis detergatur, illic ne pediculum creet, hic ne stercore exulceretur. In cibo præbeantur offæ ex hordeacea farina, ex aqua conspersa, & subacta, primis diebus parcius, mox tantum præbendum, quantum digerere possint, neque ante recens admovenda est, quam tentato gutture apparuerit nil veteris escæ remansisse; quum satiata est avis, paululum dimittatur, ut ne vagetur, sed si quid est, quod eam stimulet, rostro persequatur. Opimandi tempus quintam, aut vigesimam Lunam ne superveniat. Columbæ steriles, vel pulli facilius sub matribus pinguescunt, si paucas subtrahas pennas, & obteras crura, ut suo loco quiescant, & copiosum cibum parentibus præbeas, quo se & pullos abundè alant. Turtures æstate farciuntur, nil aliud quam obijciatur esca, & præcipuè milium, quia hoc semine maxime delectantur, ac hyeme anferes: quatuor mensium farcturæ destinantur; præter polentam, & pollinem ter die, nil sane aliud dari necesse est, dummodo large potestas bibendi fiat, sed ne vagandi facultas; hoc modo duobus mensibus pinguescunt, sed tenera pullities sæpe quadraginta diebus redditur opima. Anates omni largio-

re alimento pinguescunt, præsertim frumento, milio, hordeo, & aquaticis squillis, locustis, & palustribus animalibus. Ex Columella. Phasianis, perdices, & attagenæ, ac numidicæ gallinæ pinguescunt inclusæ; ita ut prima die accipiant cibos, sequenti vero aqua multa, aut vinum potens apponatur: cibus sit cruda hordeacea farina, aqua subacta, paulatim apponendo, dein faba fresa molita, & ptisana, & milium integrum, semen lini coctum, & siccum cruda hordeacea farina mistum, his oleum addere potes, massasque ex his facere, & cibo offerre, ut iis saturentur; pinguescantque ut plurimum diebus sexaginta. Sequitur, doceamus

Quadrupedes ut pinguescant.

Sus facillime omnium ad pinguedinem proficit: nam sexaginta diebus pinguescit, same præfatigata triduo, ut cætera quæque omnia. Hordeo; milio, glande, fico, pyro, cucumere, quiete, immotioneque pinguescit. Cæterum sues pinguiore redduntur, quum in luto se volutant. Opimant præcipue ficis, & cicer, gaudentque pabuli mutatione. Varro. Sus alitur faba, hordeo, & cætero frumento, quæ res non modo pinguedinem efficiunt, sed etiam carnis jucundum saporem. Opimant pecus olea, oleaster, aphaca, palea, herba, quæ omnia efficaciora sunt ex salugine respersa, sed plenius præfatigatum triduo inedia, ex Aristotele. Fabæ siliquæ, & caules gratissimo sunt pabulo, præbito sale fastidio cibi occurritur, quod vel ad pabuli condimentum per æstatem canalibus ligneis impositum lambunt, atque eo sapore cupidinem bibendi, pascendique concipiunt, ex Columella. Boves pinguescunt fruge & herba, ervo, faba fresa, & ipsa fabarum herba. Ad hæc hordeo, vel integro, vel pinsito, & à gluma separato: & dulcibus, sicu passa, vino, frondibus ulmi, & lotionem aquæ calidæ: ex Aristotele. Nos Surrento domi alimus, eique ciborum reliquias præbemus, vel duobus matribus vitulos submittemus, sic copioso lacte alti, vix sustinent pinguedine ambulare. Præterea in præsepis salis lapides sternimus, ut lambendo sitiant & bibant, & sic inusitatæ pinguedinis, & teneritatis efficiamus.

CAPUT VI.

Quomodo dulciores animalium carnes efficiantur.

NUNC quibusdam cibus, & artificiis non solum animalium partes, sed ea integra, & pingua, tenera dulcioraque efficiemus, & primo

Quomodo anserum jecur saginetur.

Nostri sapientiores, inquit Plinius, qui anseris jecoris bonitatem novere: fartilibus in magnam amplitudinem crescit: exemptum quoque lacte mulso augetur. Nec sine causa in quaestione est, quis primus tantum bonum invenerit, Scipio Metellus vir consularis, an Mar. Sejus eadem ætate eques Romanus. Modus à Palladio docetur. Peractis triginta diebus à sagina, si ut jecur his renerefcatur, optabis, tunsas caricas, & aqua maceratas in offas voluntabis exiguas, & per dies viginti continuos ministrabis anseribus. Quintilii vero. Ubi adoluerint, ischadas aridas in tenues partes comminues & cum aqua lævigans, curriculo viginti dierum in potu exhibe. Quidam ut magnum faciant hepar, fiatque ipse anser pinguis, sic nutriunt. Incluso nimirum frumentum maceratum obijciunt, aut hordeum eodem modo, frumentum enim cito pinguefacit, hordeum vero carnem albam facit. Pascatur autem ex prædictis speciebus. singulatim aut etiam utrisque ad dies viginti quinque, bis per diem oblati collyriis inde factis, ita ut septem collyria singulis primis quinque diebus offerantur, consequenterque paulatim numerus augeatur, usque ad dies viginti quinque, ut sint dies ex toto triginta, quibus impletis, malvas fervefacies, & decocto ejus adhuc calido fermentum madefactum exhibebis, atque id facies quatrimum: iisdem etiam diebus aquam mulsam offeres. ter singulis diebus ipsam permutaus, & non eadem utens, & sic in sequentibus, usque ad sexaginta, diebus, aridis ficis contusis cum prædicto fermento uteris in eorum alimentum. contingerque tibi post dies sexaginta & ipso anser, & hepate ejus, tenero, ac albo uti. Quod sane exentum, in vas amplum mittendum est, in quo calida sit aqua, quæ etiam iterum, atque iterum est permutanda. Præstant autem

autem foeminarum tum corpora, tum jecinora. Sint vero anseres non anniculi, sed duorum annorum usque in quatuor. Horatius in sermonibus hujus meminit:

Pinguibus & fisis pastam jecur anseris albi.

Et Juvenalis Satyra quinta.

Anseris ante ipsum magnum jecur, anseribus par

Altis

Et Martialis:

Aspice quam tumeat magno jecur anseris majus

Miratus dices, hoc rogo crevit ubi?

Athenæus hoc magno pretio Romæ fuisse scribit. Anserem occiso jecur scite eximitur, in frigidam imposito, ut solidum sit, deinde in adipe anserino in sartagine frige, & aromatibus condito, cibus est Principum, & à multis celebratus. Eodem modo

Jecur suis sagineatur.

Plinius. Adhibetur & ars jecori suum, sicut anserini. Inventum M. Apicii, fico carica sagineatis, à satietatē necatis repente mulsi potu dato, Apicius. In siccum (hoc est jecinore suis fico sagineatæ) cœnogarum, piper, thymum, lignisticum liquamen, vini modicum, & oleum adhibeto. Aëtius, si quis, inquit, animal id arida fico paverit, jecur suillum præfertur omnibus. Diximus ex Aristotele suem præcipue alunt, & opimant fœcus, & cicer. Galemus, quemadmodum in suis, dum adhuc vivunt, hepar ex caricarum pastu ficatum ad voluptatem præparatur, ita in anseribus video eorum alimenta lacte imbui, ut non modo eorum jecur sit jucundissimum, sed potenter nutriat, & sit optimi cibi. Si vis vero sint

Pecora cibo jucundiora.

LasERPITIO pecora vesci solita, primoque purgari, mos pinguescere, carnem mirabilem in modum jucundam habent. Plinius. Unde laser multis jam annis in Cyrenaica provincia non invenitur, quoniam publicani, qui pascua conducunt, majus ita lucrum sentientes, depopulantur pecudum pabulo. Præterea in India, & maxime in Prasiorum regione liquido melle pluit: quod in

herbas, & palustrium harundinum comas decidens, mirificas pastiones ovillo, & bubulo pecori præstat: quod quidem ipsum à pastoribus eo, ubi dulcis plus rosis de cælo lapsum est, agitur, & sic illis pastionibus, tanquam epulis jucunde accipitur: pastoresque vicissim prolixo epulo compensat, nam ex pecore suavissimum lac exprimunt, neque sicuti Græci faciunt, mel miscere, & temperare necesse habent, ex Æliano. Sed quomodo fiant

Pulli albi, teneri, & suavissimi,

Quales amicis exhibere solemus, hic est modus. Per duas hebdomadas cubiculo, vel caveis concludo, eisque partinam micis lacte madefactis plenam propono, & aliquando melle: hoc cibo alti, pingues, ut ficedulæ ficus tempore, evadunt, & teneri, ut ore liquecant, & sapore longe phasianos, attagenas, & turdos superant. Idque videtur antiquis innotuisse. inquit enim Plinius. Quum gallina altilis antiquis cœnarum interdictis excepta esset, inventum diverticulum est, gallinaceos pascendi lacte madidis cibus, multo ita gratiores apponuntur. Et Columella. Illa, qui volunt non solum opimas, sed etiam teneras aves efficere, mulsea recente aqua prædicti generis farinam conspergunt, & ita farciunt. Nonnullis tribus aquæ partibus unam boni vini miscent, madefactoque triticeo pane obefant avem, quæ prima Luna saginari cœpta, vigesima pergliscit.

CAPUT VII.

Quomodo amara, & spernenda fiant animalium carnes.

CONTRA vero, si volumus carnes amaritudine aut viru rejiciantur, contraria quæ diximus, efficiemus, aut si laborem vitare volumus, ea tempora expectanda, in quibus animalia tali pabulo vescantur, quod id efficiat, unde & quandoque venenosa evadunt. Veluti si velimus

Cervorum carnes Venenosa fiant.

Inquit Simeon Sethi, cervorum carnes, qui æstate capiuntur, quod videlicet eo tempore viperis; ac serpentibus vescantur, venenosæ sunt, ex tali esu siticulosi sunt.

Et

Et hoc suapte natura norunt, quod si aquam ante illorum concoctionem hanferint, intereant, propterea sitim tolerant, eaque incenduntur. Cervorum igitur carnes eo anni tempore sumptæ, venenosæ sunt, ac valde noxiæ. Sunt &

aliquando perdices pessima.

Scilicet quum alliis vescuntur. Cyrrhæi perdicum spernunt carnes propter pabulum, quia degustatis alliis, earum caro minime esculenta, & foetet, ut ne ab aucupe quidem in cibo usurpetur. Sic etiam

Coturnices, & sturni spernendi,

Eo anni tempore quando veratri semen gratissimus eis cibis. Unde quando coturnices pascuntur elleboro, eos, à quibus comestæ fuerint, in tantum vitæ discrimen agunt, ut distendantur, convellanturque cen correpti à vertigine: ob id cum illis milium elixandum est. Sunt etiam

Avicula spernenda quando

Taxi baceæ maturæ sunt: nam pennæ denigrantur, & homines, qui easdem ediderint, alvi profluvio corripiuntur, ex Dioscoride. Ova

Barbi piscis rejiciuntur

Mense Majo, quia perniciofa sunt, nec per se ipsa ova perniciofa sunt, & ea mala pariunt, præterea non semper id efficiunt, nam sæpe illis innoxie vesci licet, sed tunc solum noxia sunt, quum falicis flores in aquis delapsos gustaverint. Eodem modo

Cochlea rejicienda.

Quum vepribus hærent, frutetisque glutinatæ: nam ventrem & stomachum turbant, & vomitiones excitant, ex Dioscoride. Nec solum animalia ipsa hæc damna inferunt, sed ejus excrementa, ut lac, mel, & similia. Nam

Lac spernendum, quando

E viridi pabulo capræ & oves pascuntur: quia alvum magis emollit, sed alvum minus tentat caprinum, quoniam hoc pecus astringentibus pabulis vescitur, rebo-

re, lentisco, oleaginea fronde, & terebintho. Quibus in locis pecora scammonium, veratrum, clematidem, aut mercurialem vorant, lac omne ventrem & stomachum subvertit, quale in Justinis montibus esse dictum est: si quidem caprae; quibus traditum veratrum pabulo fuerit primo foliorum partu, evomunt, & eorum lac haustum nauseam creat, & stomachum, & vomitiones effundit, ex Dioscoride. Reperitur etiam

Mel venenatum,

Quod in Sardinia gignitur, quoniam ibi apes absinthio vescuntur. Heracliae in Ponto quibusdam anni temporibus propria quadam florum dote mel conflatur, quod qui ederint, mente abalienantur, ac sudore diffluunt, ex Dioscoride. Nascuntur

Ova foetida

Quando neque fructus neque herbae apparent, nam stercorebus vescuntur gallinae, aliaeve oviparae aves, sed tunc sapidiora, quae ex pinguibus, & quae tritico, milio, & panico vescantur: sed earum, quae absinthium edunt, amariuscula ova fiunt.

CAPUT VIII.

Quomodo animalia cocta simul, assa, & elixa sint.

JAM palato consulimus, nunc convivae quomodo aliqua jucunditate delectentur, doceamus. Videlicet

Porcus assus, elixus simul quomodo fiat.

Athenæus libro Dipnosophistarum nono, [multo elegantius Dalachampius vertit] ejusmodi porci meminit. Inquiens. Allatus est nobis porcus, dimidia parte assus diligenter, dimidia tanquam ex aqua molliter elixus, mira etiam coqui industria paratus, ut qua parte jugulatus esset, non appareret: erat enim ab humero parvo vulnere mactatus, ac sanguine evacuat, intestinis omnibus vino diligenter collatis; ac pedibus suspensum, rursus vino perfusum elixavit, cum multo pipere, dimidiam porci partem multa polenta, vino, hordeoque subacta circumquaque replevit, & in clibanum subjecta cinea mensa imposuit, curavitque ea moderatione assandam, ut neque

ut neque adureretur, nec auferretur crudus : nam quum pellis jam aridiuscula appareret, reliqua etiam satis jam tosta esse coniecit. Polenta remota apposuit mensæ. Eodem modo fit

Capo elixus & tostus.

Caponem optimè depilatum, & exenteratum in argenteam patinam imponemus, & inde usque sui dimidium jure replebimus, & in furnum indemus : nam supera pars furni calore torrebatur, infera elixabitur. Nec minus erit visu jucunda

Murena eodem tempore frixa; & elixa, tostaque.

Mürenam antequam coquas exossabis, ut gravior sit, quum ejus carnes spinis impeditæ sint, quod binis bacillis utraque manu comprehensis, eam in medio astringendo, detergendoque exdorsuabis, mox capite, & extrema cauda, circa quam, ob exossationem congestæ sunt spinæ, abscissis, & interaneis detractis, veru infigas, & elixas, & frixas quasvis partes, ter, quater lineis obvolvas teniolis, insperso in uno pipere, in elixo petroselino, croco, mentha, fœniculo, & passo contusis, aqua, & sale, vel jusculo madeant, frixas oleo, & ad ignem volvi jubeas, fasciculi aspergine origani semper humectando : ubi pars jam fuerit torrefacta, remove, & optimum erit obsonium ; epulaturis præbeto.

CAPUT IX

De vario pullorum apparatus.

VARIOS his annectemus pullorum apparatus, qui non parvæ jucunditatis convivis esse possunt. Sicut

Ut pavo coctus vivus videatur.

Necatur pavo, aut penna superius in cerebrum demissa, aut juguletur, ut hœduli solent, quo sanguis exeat, à gutture deinde usque ad caudam pellis leniter scinditur. scissaque cum propriis pennis à toto corpore ad caput trahitur, quo abscisso, cum pelle reservato, cunabulisque. Pavonem ipsam aromatibus, ac odoriferis herbis refertum vern assabis, infixis prius per pectus garyophyllis, involutoque collo linteo albo, continuè a-

qua humectato , ne omnino desiccet : coctum pavonem , & veru exemptum , propria pelle integes , & ut pedibus stare videatur , virgulas ferreas infixas tabulæ ad hoc fabrefactas per crura (ne cernantur) per corpus ad caput , & caudam adiges. Sunt qui caphuram ori iudant , ignemque ubi ad mensam fertur , injiciant. Idem fieri de phasianis , anseribus , capis , & cæteris avibus , docet Platina , quæ nostris his conviviiis observamus. Sed præstantius erit spectaculum , si convivis apponatur :

Anser jam vivus excoctus.

Paulo ante nostra tempora Aragonum Regum mensis apponebatur sæpius anser vivus , & coctus , ut ex fide dignis senibus accepimus , & quum id experiremur , ex festinantia sociorum prius quam ad finem coctionis perventum esset , voravimus. Erat vivus & summa crustæ pars optime cocta , Cape conficiendi normam. Sit anas , vel anser , vel aliud vivacius animal , sed in hoc anser omnibus antestat , capite , colloque relictis , toto corpore sit implumis. Sit hinc inde obvallatus igne , & circumscriptus : non arctè , ne suffocetur fumo , neve igne torreatur citius , non large , ne impunis evadat. Intus passim pocilla , & ollulas aquæ plenas , quibus sal , & mei odjicias. Ipse totus liquamine obductus , & laridatus , ut esculentior sit , & facilius decoquatur : ignem admove , festinare nolit ; ubi calore effervere cœperit , circumambulando , & fugiendo præsepit ignis , & iter includit. Sic improbus aquam absorbendo compescitur , cor cæteraque membra refrigerando. Medicamenti vis laxat alvum , & abstergit , & exinanitur , & ubi inferbueris , interiora decoquet. Spongia continuo cerebrum & cor humectato. Ubi vero insania ferri , & cespitare conspexeris , (deficit cordi humidum) remove , convivis appone evulsis semper partibus vociferantem , ut fere prius comestatus , quam mortuus videatur. Si optabis , ut mensæ apponatur

Pipio exossatus.

Ita exossabis. In pipionem exinanitum , & bene lotum ,
per

per diem , ac noctem in acri aceto fines , lotum deinde , ac repletum aromatibus , & herbis , elixum pro libidine , aut assum facies , quovismodo sine ossibus invenies . Apponebatur antiquitus mensis

Porcus Trojanus .

Gulæ veteres architecti commenti sunt : ut bos , aut camelus totus apponeretur , & varia animantium genera . Hinc & porcus Trojanus invenit in populo fabulam , cui hoc nomen inditum est , quod ita varias animantium species utero tegeret , quemadmodum Durinus equus texit armatos viros . Macrobius libro Saturnalium tertio refert , Cincium in oratione , qua suavitatem legem Fanitiam de moderandis sumptibus , objecisse suo sæculo , quod porcum Trojanum mensis inferrent . Callum aprugnum , & porcus Trojanus sumptuaria lege prohibebatur . Porcus sub humero parvo [vide Dalachampii versionem] vulnere mactabatur : deinde copioso sanguine evacuo , intestina omnia cum aphæresi eximantur , & postquam vino sæpius , ac diligenter collutus fuerit , & à pedibus suspensus , & rursus vino perfusus , elixatur cum multo pipere , tam prædictis delitiis scilicet turdis , vulvis , ficedulis plurimis , ovis superinfusis , ostreis , pectinibus , per os ventri intrusis , copioso , & optimo jure perfunditur , & dimidiam porci partem multa polenta (farina & hordeo) vino , oleoque subacta circumquaque repletur , & in clibanum , subjecta ænea mensa , imponitur , curatumque ea moderatione assandum , ut neque adureretur , nec auferretur crudus : nam quum pellis aridiuscula apparet , reliqua etiam satis jam tosta esse conspiciuntur , & polenta removetur . Post hæc insertur discus argenteus non modica crassitudine inauratus tantum , ut porcum assum capere possit , qui supinus in eo positus , eminente ventre , variis bonis referto , apponitur , ex Athenæo libro Diphnosopistarum nono . At vero

Ovum , ut hominis caput magnitudine superet ,

Reddere tam ingens si vis , extat artificium , quo etiam in utero alia animalium ova tegat , nec à naturali dignoscitur . Quinquaginta , aut plura boleta , & albumina in-

vicem

vicem separabis: boleta leniter commisceto, & in vesicam immittito, rotundamque ligando imitaberis figuram: in ollam aquæ plenam immittas, & quum bullis intumescere cernis, vel quum duritiem traxerint, exime & albumina addito, accommodando, ut in medio infideant, & iterum coqui sinas, sic corticibus enudatum habebis, quos sic effinges. Ovorum cortices albos & elatos conteres, ut in tenuissimum pulvisculum volent, forti aceto, vel distillato emacerari finito, dum mollescant: nam si ovum in aceto diutius positum fuerit, cortex ejus dissolvitur, & tenerescit, ut facile per strictum os phialæ possit immitti, ubi fuerit immissum, clara aqua in pristinam redit duritiem, ut demirari contingat. Cortices quum unguenti formam præ se tulerint dissoluti, penicillo aliquo super excoctum ovum corticem inducas, & clara dure scat aqua: tunc verum, & naturale habebis ovum.

CAPUT. X.

Quomodo esculenta in locis parentur, in quibus nulla adsit coquendi facultas.

ACCIDIT aliquando casu, ut homines aliquibus locis reperiantur, in quibus quam plurima desint, quæ ad cœnæ apparatus sunt opportuna. sed ubi abest commoditas, profit ingenium, hæc sunt excogitata. Si desit frixorium, scies

Quomodo pisces carta frignantur.

Es simplici carta frixorium vas efformato, ubi oleum & pisces imponantur, post ardentibus prunis sine flamma superpones & citius, & commodius expedies. At si vis

Pullus excoquatur sine igne,

Ut dum iter absolvimus, pulli excoquantur. Chalybis frustulum igni imponatur, tum in deplumatum, & exinanitum pullum injiciatur, & optime pannis tegatur, ne calor evanescat, & si tetto odore inficietur, pro cibo tamen bonus erit. Si desint servi, qui veru convertant, & vis

Vt avis se ipsam torreat.

Hoc uteris artificio: nam avis se ipsam movebit. Scribit

bit Albertus, regulum avem, quæ omnium avium minima est, columno veru infiges; & subjectis prunis dimovetur, ut se ipsa movere videatur. Quod ex ligni proprietate evenit, non ex ave, & falsa sunt, quæ Philosophus dixit: nam si columnæ virgæ ignem subicias, distorquetur, ut ea ipsa videatur moveri, & quamcumque carnem, sed modici ponderis, infiges, omnis movebitur circumvolvendo. Sic

Ova coquuntur sine igne.

Ova vivæ calci obruta, & aqua aspersa, coquuntur, adeo enim calx fervet, ut ignem superare videatur. Babylonii suum commentum habent, si in solitudine deprehenduntur, & ova percoquendi non adsit occasio, cruda ova fundæ imponunt, & assidua verigine rotata coquuntur. At vero

Si sal deerit.

In obsoniis, rhois semen inspersum cum silphio, sapida quæcunque faciet, ex Plinio. Si etiam deerit sal, & vis

Caro servetur sine sale.

Carnes qualescunque volueris recentes melle tegantur, sed vas, in quo continentur, pendeas, hyeme diutius, æstate minus. Si vis

Caro salsa dulcis reddatur.

Salsam carnem prius in lacte, postea aqua decoquas, & dulcis evadet, ex Apicio. Disces hoc modo

Mantilis macula quomodo abluantur.

Si deerit sapor; nam vinum rubrum ita maculabit, ut vix sine eo aboleantur. Sed quum ceciderit, & deturpabit, tunc injicito supra salem, & maculas absorber. Si defuerint

Aphya quomodo fingantur.

Nicomedi Bithyniorum Regi, authore Suida, quum aphyarum edendarum desiderio teneretur, proculque à mari abesset, Apicius ille gulosus pisciculorum figuram imitatus, ita aphyas veras apposuit. Erat autem ejusmodi earum apparatus. Rapum fœminam in longiuscula, & tenuia frustra specie aphyarum secuit, quæ
in oleo

in oleo cocta, sale & pepavere asperfit, sicque hac enim cupiditate liberavit. Ut Athenæus ex Euphrono comico habet. Si ignis defuerit, jam docuimus diversa ignaria parandi rationem.

CAPUT XI.

De varia vinorum confectione.

AD potum accedendum, quum affatim de cibo discessisse visi sumus, & varias vini confectiones docebimus, ut suave, odoratum, & ejusmodi fiat, nam quibus modis sine cura fieri possit, jam diximus. Si vis

Vinum ut moschum spiret.

Accipies vitream ampullam, atque ea repurgata, aqua vitæ repleatur, parumque intus moschi indito, os diligenter obturato, ne exhalet, æstivis solibus exponatur per duas hebdomadas aquam semper exagitando, movendoque. Cujus usus erit, si in amphoram vini lachrymam hujus injicies: moschum omne vinum redolet. Sic etiam de cinnamomo, & aliis aromatibus. Sic concinnatur.

Vinum Hippocraticum.

Accipe vinum dulcissimum, apud nos vulgo *mangiaguerra* dictum, & in quatuor phiolas eo plenas pone duas libras sacchari contusi, uncias quatuor cinnamomi, piperis, & granorum paradisi sesquiuunciam, per diem immorentur, inde per colum trajiciantur, adde in extremo ligulæ moschi momentum, & optimum erit vinum. Vel in tritum saccharum addimus parum aquæ vitæ, in qua cinnamomum, piper, & grana paradisi, moschumque maderit, ut diximus, & illico paratum habebis: nam quintam essentiam extrahit. Docebimus quomodo faciendum

Vt vinum in phialis gelaſcat.

Quia præcipuum, quod in conviviis expetitur, est gelata vini potio, & maxime æstivis diebus: docebimus ut vinum illico, non solum frigeſcat, sed gelaſcat, ut non nisi sugendo, & halitu calefaciendo bibi possit. Vinum in phialam indito, & aliquantulum aquæ addito, ut citius

tius in glaciem convertatur, inde in catinum ligneum nivem injice, habeatque inspersum supra salnitrum contusum, vel salnitri purgamentum, quod vulgo *salax* dicitur, phialam per nivem convertemus, & paulatim congelabitur. Qui nivem in æstate conservant, ut perennet: ferveat aqua in æneis cortinis, mox in tinis affundatur, & argenti cœlo exponatur: nam glaciatur, & nive durior erit, & diutius conservabitur.

CAPUT XII.

Homines ebrios, & abstemios reddere.

POSTQUAM in vini sermonem incidimus, primum ab eo styllum promoveamus, docebimus, quomodo convivas inebriare possimus, ebrietas enim in conviviis voluptatem auget, & quomodo eos ab ebrietate reddamus tutos, quum sæpissime & potandi certamine provocentur. Possumus his fructibus

Ebrios reddere.

Arbuti fructibus, & loti comestis, ebrietatem repræsentari volunt, dactyli etiam largiore cibo inebriant, capitisque dolorem afferunt, cyclaminus ebrietatem facit addita vino. Ambara, vel moschum in vinum additum ebrietatem exasperat. Sordes aurium canis in vino mistæ inebriant, ut inquit Albertus, sed Rhases, ex quo ipse excepit, vinum, inquit, in quo fuerint infusi ricini, si propines alicui, inebriabit. Spuma cameli cum aqua pota ab homine ebrio, reddit eum dæmoniacum. Hæc sufficiant, nam plura in Phytognomonicis diximus. Contra autem hæc habemus

Ad tollendas ebrietates.

Quia cicuta veneno vinum mors est, excogitatum, & verum repertum ut aliis cicuta vita sit. Plinius id innuere videtur. Bibendi causa etiam venena conficiuntur, aliis cicutam præsummentibus, ut bibere mors cogat. Si vino largius sumpto, corpori noxam sentiet, sic potator discutiet. Cato docet, initio, ac cœnæ summo crudæ brassicæ quatuor, vel quinque cymas esto, & crapulam sedat, vini noxam restinguit, & reddet quasi nil ede-

ris.

ris, biberisque. Ægyptii ante omnem cibam brassicam elixam comesse, & ad compotationes ita se præparare. Multi ut ab ebrietate vindicentur, præsumunt brassicæ semen. Sibaritæ, inquit Timæus, antequam potarent, brassicarum esu se muniebant. Alexis.

Hæc bibisti plus satis : nunc grave caput

Sentis, medendum est huic malo, jejuniis :

Deinde brassicæ tibi dabit quispiam.

Elixam.

Sic & Amphis :

Nallum remedium est ebriis paratum ;

Quam si molesti quidpiam forte accidat

Subito, etenim mirum in modum illud dissipat

Ejusmodi nugas raphanus, ut non magis

Ad id valeat.

Aliud id amethystino vasculo facere consuevere ante compotationem, quo impune vino indulgere possent, ex Athenæo. Si aliter vini noxam inhibere velis, maxime dilutiusculi : nam citius crapulam sentiunt, quam qui meracius hauserint. Africanus docet. Si multum potatus eris, in cibatu præmittas tres vel quatuor amaras amygdalas, exiccantes, & humiditates absumentes, & vinolentiam propulsabunt. Narrat Plutarchus apud Drusum Medicum fuisse, qui quum prins quinas, senasve amaras amygdalas esitaret, in bibendi certamine victor semper evasit. Idem efficit pumicis farina, si potor initio præsumat eam : affert Theophrastus periclitari, nisi universo potu repleatur. Sic Eudemum in vigesimas secundas vices durasse, demum balneum ingressum nil rejecisse, ac ita cœnasse, uti si non bibisset : vi siccifica absumente, & in cadum musti bullientem coniecta, statim in totum vini fervor sedatur. Fiunt & altera priscorum patrum cura, ut crapulosa extinguerentur, ut cœnæ sine lactucis vescerentur, quum insitam frigiditatem maximam habeant, nunc autem initio cœnæ utimur, ad conciliandam appetentiam. Unde Martialis

Claudere quæ cœnas lactuca solebat arorum,

Dic mihi cur nostras inchoat illa dapas ?

Diosco.

Dioscorides tanquam acrepulam nuncupare videtur: quod ebrietatem prohibeat. Porrum ebrietatem discutit. Et crocum qui præsumpserit, non sentiet ebrietatem. Herbæ, & flores sunt etiam qui intorti, & concinnati in corollam, sedant ebrietatem, ut violæ, rosæ, & hederæ corymbi. Hirundinis rostri cinis cum myrrhatritus, & in vino, quod bibitur, inspersus, securos præstabit à temulentia. Invenit hoc Horus Assyriorum Rex, ex Plinio. Diximus temulentia quomodo propulsetur, nunc quomodo oporteat

Vinosos abstemios facere.

Multi sunt, qui quum vinum liberalius hauriant, & nil eis perniciosius sit, in morbos, & denique in mortem incidant, at illud aspernari, & abhorrescere si voles, & Clitorius fons longe abest: anguillas tres, vel quatuor vino immersas finito dum emoriantur, ebrioso vinum propinato, & pertædescet, semperque oderit, nec amplius bibet, vel quam minime, modestius degens. Alio modo testadinem vino bono ablue justo tempore, datoque clam bibendum mensura dimidii calicis mane jejuno tribus diebus, & videbis divinam vim, ex Myrpsio. Quem quidam apud Indorum Regem conquereretur, filios quidem sibi nasci, sed quum parum bibere vinum cepissent, omnes mori: Sic respondit Iarchas, Melius illis agitur, quod moriantur, si enim superstites essent, omnes evasuros insanos, quod ex femine minus calido procreati essent. Vino igitur abstinentum est filiis vestris, ita ut ne cupiditate ipsius quidem moveantur. Si qui igitur filii posthac nascentur, observare oportet, ubi noctua nidum faciat, & illius ova medicriter elixata, infanti comedenda præbere, si enim illa comederit, prius quam vinum biberit, vinum oderit, & modestius deget, quia temperatior fiet naturalis calor, ex Philostrato in Apollonii vita. Vini desideria Democritus aboleri dixit, sanie, quæ putatis vitibus, emanat inscio temulento potui adjecta.

CAPUT XLII.

Quomodo à mensis magnatum parasiti, & gnatonæ arceantur.

HAUD levi artificio à nostris mensis & magnatum, cœnipetas, & gnatonæ fugabimus, nec parum propterea gaudii, & alacritatis nostris convivis adjicietur, si ejusmodi hominum genus elusum, & illudum cunctis existimabitur. Ad mensam igitur sessuro

Vt manus linteæ detergenti nigrescant,

Chalcanthum, & gallæ pila conterantur, arctiori cribro supradicta imponimus, quo facilius tenuissimus pulvisculus excidat, extergemusque mantile, deinde agitabimus, quo facilius quod non hæsit, excidat, deinde manibus superterimus, & adfricamus, usque dum optime adhæsisse conjiciemus: detergo demum, atque excusso, quod non insedit, quum cœnipeta manus & faciem jam madefactas habuerit, mantile, quo extergat, projiciemus, quod ubi aquam senserit, facies, & manus nigerri-
mo atramenti colore inficientur, qui ægre, difficillimeque multis loturis eluetur. Iam lotus, & extersus.

Vt assumptos gulo cibos glutire nequeat.

Quod majori dolore afficiemus, præsertim si paulo delicatiores fuerint. Scriptum reperimus, si acu, qua mortui sæpe linteis obvoluti confarciuntur, clam cœnæ initio sub mensa figas, prohibet convivis esam, ut accumbentes potius cœnæ tædeat, quam edendi voluntas insit. Sed hoc falsum, & superstitiosum redarguit experientia. Florentinus ocimum fœminis adversari tradit, tantaque cum eis discordia pugnare, ut si pultario, infamia muliere, subjectam sit, futurum ut nunquam manus cibo admoliat, priusquam subductum sit; sed tam insigni mendacium ferre nequeo: nam cum eo & fortuna tanta intercedit familiaritas, ut non solum pensilibus in hortulis maxima serant & excolant diligentia, sed frequentissimo usu in obsoniis, & aceterariis habeant. Nos ita sæpissime facere consuevimus. Herbar, bella demum vocatæ, radicis drachmam unam leniter confusam vini

vinī phialæ immergimus, ac intermissis duodecim horis, aut paulo pluribus, elutriatum vinum, mane cyathi mensura, secum cœnatura propinabis, tum trium horarum spatio detineatur, mox ad mensam accersito: nam assumptum bolum nulla diligentia, conatu, aut labore deglutire poterit, sine faucium læsione, aut dolore; ut vix potum admittat. Si vis prandeat, bibatque, lactis, aut aceti plusculum, & gargarizatum absorbeat, reddet eum ac si nil unquam passus fuerit. Si volumus

Parasitos à mensis magnatum arcere,

Sic etiam facile poterimus. Si aridi arisari tenuissimum pulvisculum delicatioribus cibus, instar cinnamomi, ac piperis pulveris inspargemus, ubi bolum absorberit, tantopere palatum, ac fauces comburit & acri mordacitate lancinat, ut palati, & linguæ summæ tunicæ divellantur, & diducto rictu, hiantequæ ore ridiculum, sed non injucundum spectaculum repræsentet: nec prius cessabit dolor, quin prius lacte, & butyro fauces perlinierit. Præterea si colocasiæ frondes minutatim incisas acetariis permiscebimus, qui eas vorarint, palatum, & linguam adeo salivoso lentore quodam inficiet, ut edere non possint, quin abluerint. Nec minus nobis injucundum præbebit spectaculum, si mensis infestus fuerit, ut

Omnia quæ gnato ediderit, amara videantur,

Si cultri aciem, mantilia, quibus os abstergitur, colocynthidis carne, sive medulla perliverimus, & ei appoverimus: nam quum panem cultro secabit, & alia quæcunque, & mantilibus labia pertingeret, adeo viroso, horrendoque amarore ea inficiet, ut quicquid tetigerit, vel gustaverit, vel perlinxerit, teterrimi saporis infectum videbitur, & quo frequentius labia absterferit, ut infelix amaror diluatur, eo fauces, palatum, & lingua infestissime torquebuntur, ut cibos relinquere cogatur. Poterimus eum etiam diludere

*Vt bibendo cyathum ori adhereat, ut vix
avelli queat.*

Ex ficus lacte, & gummi tragacanthæ dissolutis, cyathi
ora

ora oblinantur, nam ubi resiccata fuerint, etiam pellucida erunt, quum vero bibendo cyathus labiis adhæserit, ita agglutinetur, ut quum finem bibendi fecerit, vix ab eis divellatur. Ita etiam faciemus

Caro ut sanguinosa, & verminosa rejiciatur

A parasitis: leporinum sanguinem excoctum exiccatum, & in pulverem redactum super coctas carnes expulverabimus, qui calore, & humiditate carniū eliquescent, ut sanguinolentæ videantur, & nauseabundi rejiciant: rejectas sine nausea quisque comedere poterit. Si lyræ chordas minutim concisas calidis carnibus insperferis, calore distorquebuntur, & ut vermes moveri videbuntur.

LIBER DECIMUS QUINTUS

Animalia manu capere & necare ostendit.

PROOEMIUM.

DE aucupio loquemur, cui maxima mortalium pars, & præcipue magnatum hæret. Finis animalia capere, vi, & dolo. Sed dolo alliciuntur, morte multantur. Sed qua ratione id assequi possit, ex Philosophia docetur, quæ animalium naturas, & peculiare mores ostendit. Facile enim cognitæ naturis, eorumque moribus, conjiciuntur & doli, quibus allici, & capi possint. Primo quo modo alliciantur docebitur: esca, sonus, lumen, suffitus, amor, & aliis doliis, allectos, vel temulentos manu capimus, vel venenis occidimus. Sed exempla proponamus.

CA-

CAPUT I.

Quibus escis variæ quæque animalia alliciuntur.

NULLA res magis animalia stimulat, quam esca, & luxuria, vel amor, ex his igitur exordiendum duximus. Ad escam necessitate coguntur: nam nisi occidi velint fame, escam venientur oportet. Sed variorum animalium variæ sunt escæ, peculiæres aliquorum dicemus, ut tuo Marte reliquas conjicias. Hæc est

Esca pro Siluri captura.

Pulmone tauri affo alliciuntur siluri, appensus lineæ pulmo, ubi hamus, & in mari projectus, odore siluri sensum movet, qui escam appetens, statim devorat, & hamo transfixus, trahitur bobus ad littus; ut ex Æliano habemus.

Esca pro fargis.

Miro amore fargi capellas prosequuntur, ut dicemus, maximeque ejus odore gaudent. Piscator igitur farinam caprino jure madefactam in eam maris partem abjicit, ubi habitare solent fargi, quibus tanquam philtro quoddam odoris allekti accedunt, ac hamo capiuntur; præterea si ad hamum muris piscis conditi escam accommodent, eam in mari demissam leniter moveant, fargi escæ illecebra allekti, in hamum congregantur, ac cibi aviditate facile capiuntur.

Thymali esca.

Ticianus Italiæ fluvius thymalum piscem procreat, non quidem hamatis escarum aliarum illecebris, sed solo culice, bestia homini infesta, quod hac sola delectetur, comprehenditur. Hæc est

Aulopii esca.

Aulopios coracini alliciunt, ubi esculentam talem illecebram animadverterunt, maximo plausu accedunt. Et

Pelamidum esca.

Ex purpuræ pisce confecta est, hæc enim stricte religatur lineæ, hujus illecebra delinitæ in hamos innatant quam

opus sunt, sed amorum illecebris eas hac ratione expiscamus, ut sepiam fœminam trahant, quam ut vel longissime mas viderit, statim cupide in eam fertur, & amicam flexibilibus nodis etiam atque etiam diligenter circumplectitur, atque interea in hac implicatione piscatorum insidiis subtrahuntur.

Capitonis captura.

Acutæ faciei capito in sinu Achaico, ut tradit Ælianus (sed ego in mari Hadriatico vidi) amoris furore capitur. Fœminam piscator alligat, aut longa harundine, aut longo sparto, sed formosa sit oportet, id est, pinguis: nam macilentam spernit, sic in littore salientem trahit, alius retia subsequens affert, observans quando accurrendum sit, dum igitur agitur fœmina, mares in eam feruntur libidinis furore exagitati, ille retia dejicit, & capit.

Scari captura.

Scarus piscium omnium ad Venerem inflammatissimus, causa capturæ est cupiditas inexplibilis in fœminam, ea non ignorantes rei piscatoriæ peritissimi, hoc modo ei insidias ponunt, ut comprehensæ fœminæ summum os ad tenuem funiculum alligent, eamque vivam per mare trahant loco, in quem congregari solent, mares ad conspectam amatam libidinis furore feruntur, & contingere gaudent, osculum, vellicationem, aut aliud quodpiam furtum amatorium aucupantes, quum proxime ad nassam accesserunt, piscator fœminam in nassam detrahit, quo simul influentes mares capiuntur, Oppianus.

Elephantorum captura.

Elephantis paratur fovea, ad eos alliciendos quatuor fœminæ concluduntur, unde mares concurrentes, foveam intrant, insidiantes pontem detrahentes, elephantos conclusos capiunt, ex Æliano.

Luscinia captura.

Luscinia fœmina in cavea conclusa, aucupes voce simulata illudunt, voce mas accersitur, ea conspecta circumvolat, & insidiis retium cadit.

CAPUT III.

Amatis rebus etiam animalia convocantur.

SUNT & animalia, quæ sympathia quadam ab aliquarum rerum amore, aut animalium detrahuntur, quod aucupes animadvertentes iis, pro illorum cibis utuntur, ut dum ab amatis trahuntur, in manus venatorum incident. Unde si quis scire cupit,

Sargi quomodo capiantur.

Infana quidem captura est, Sargi capras perditæ amant, immo tanta insania feruntur, ut quum caprarum proxime littus pascentium unius, aut alterius umbra in littore apparuerit, protinus gaudio exilientes, summo studio adnacent, ac saltu, non admodum ad saltandum idonei, capras contingere affectent, itaque voluptate gestientes, ad eas accedere student. Ex iis igitur capiuntur, quæ tantopere desiderant. Unde piscator caprinam pellem extractam cum cornibus induens, insidias parat, Sole à tergo relicto; atque farinam caprino jure madefactam, in eam maris partem spargit, ubi conversari solent sargi, quibus tanquam philtro allekti accedunt, pellis assimilata capræ conspectu permulcentur, farina vescuntur. Unde piscator multos capit; ex *Æliano*. *Oppianus* ita elegantissime describit:

Irradit sargos caprarum mira cupido.

Et paulo post:

Astolida prædo tectis sub tegmine capre,

Temporibus summis duo cornua longa coaptat.

Viscere caprino, simul & nidore farinam

Commistam tumidas ponti demittit in undas:

Gratus odor, pastor gratus: simulata capella

Istos decipiunt, &c.

Perdices ut capiantur,

Perdices vehementer cervos amant, & eorum pelle decipiuntur, hoc modo. Si quis pelle cervi indutus, cornua capiti imponat, & furtim accedat, illæ verum cervum esse ratæ, suscipiunt, coluntque eum, & accedente gaudent adeo, ut discedere ab eo nolint, ac familia-

rem

rem aliquem, & coætaneum adolescentem è longa peregrinatione reversum viderent, hac benevolentia nihil quam laqueos, ac retia lucrantur.

Otidum aucupium.

Otides ex avibus equorum studiosissimæ censentur, argumentum quod cætera animalia aspernantur, equum vero ubi aspexerint, magno statim gaudio ad ipsum advolantes appropinquare pergunt. Si quis equinam pellem induerit, quotquot volet, venabitur: nam equorum studio captæ eo accedunt. Eadem fere est

Polyporum captura.

Delectantur polypi olea arbore, cujus truncum brachiis amplexi sæpe comperiuntur. Deprehensi sunt etiam aliquando ficum arborem ad mare natam complexi, & ficos edentes, ut scribit Clearchus. Ob id piscatores oleæ ramum in mari demittunt, quo loco versantur polypi, brevi mora & citra laborem polypos ramum amplexos trahet quotquot voluerit. Oppianus ita festiviter canit.

Palladiis gaudet ramis felicitis olivæ

Polypus, & glaucis foliis (mirabile dictu)

Corripitur. Deinde:

Talis amor frondis, vel tam furiosa cupido

Hunc capit, & tali piscator fraude peritus

In medium jactat plumbum, quod fronde revincit

Palladia, at piscis ramos non temnit olivæ,

Sed sociam prendit frondem, nec deserit unquam.

In navem tractus rami non vincla relaxat:

Non odit viridem jam jam moriturus olivam.

CAPUT IV.

Quibus sonis animalia alliciuntur.

NEC solum amore, sed etiam sonitu, & musica alliciuntur, & unumquodque animal suo gaudet peculiari sono. Et primo

Delphinus citharâ allicitur.

Cujus symphonia maxime mulcetur, sicut etiam hydrauli sono. Hinc ab Herodoto primum, & ab aliis de-

inde celebratur historia, Arionem delphino infidentem ad Tenaron evectum fuisse: nam quum à Corinthiis in mare deturbaretur, impetravit, ut sumpta cithara, & carmine decantato in mare dejiceretur, sed à delphino exceptum fuisse in Tenaron transvectum, ut ex Oppiano habetur.

Lupus tibia mulcetur.

Pythiocharis tibicen quum ad tibiam magna contentione incitatos numeros caneret, luporum impetum repressisse refert Ælianus.

Equi musica tibia capiuntur.

Libycæ equæ tibix cantu eousque capiuntur, ut hujus blandimentis ad homines mansuescant, & ululare desinant. Pastores pastoritiam fistulam ex Rhododaphne excavant, cujus sonoro inflatu adeo equos demulcent, ut eos sequantur, & quum ille insistat, à progrediendo se sustinent, ut lachrymas tenere non possint. Euripides dicit pastores fistula ad Venerem equas incitare, & equos ad ineundas fœminas incendere.

Cervi, & apri tibia capiuntur.

Tyrrenorum sermone pervagatum est, apros & cervos apud eos multo maxime musicæ adjumento capi, quod quidem ipsum ita evenit. Circumjectis retibus, & cæteris instrumentis accommodatis, ad faciendas bestiis insidias collocatis, homo ad tibiam canendi peritus, cantus contentionem remittit, & relaxat, sensumque progrediens in montium vertices & convalles, & omnia lustra ferarum, &c. deinde quum maxima voluptate aures tenentur, tum nullo negotio comprehenduntur, nam cantus suavitate permulsi, in domesticarum sedium oblivionem veniunt: sic igitur tanquam suadæ illecebra, & cantu perstrictæ, in laqueos sese inferunt, & illaqueatæ comprehenduntur. Ex Æliano.

Pastinaca saltatione, & musica illaqueatur.

Quum pastinacam subnatantem piscator fuerit intuitus, ridiculum quiddam in piscatoria cymba saltat, & ad tibiam canere incipit, ea ex re pastinaca magnam lætitiā capit, & hac permulsiōe illecta, ad summam aquam

quam effertur, alter quispiam piscatorio capta imprudentem subducit.

Paguri musica in terram ducuntur.

Pagnros musicæ illecebræ machinatione piscatores capiunt, quorum alii se occultant, alii modulari incipiunt instrumento: quod cum audierint Paguri, statim tanquam amatorio quodam ad exeundum è latebra non modo inducuntur, verum etiam voluptate allecti, extra mare egrediuntur: hi quidem retro ad tibiam canentes cedunt, illi insequentes in arido comprehenduntur.

CAPUT V.

Lumine pisces noctu allici.

INTER varias animalium decipiendi artes, lumen est, noctu enim quum pisces aliqui quiescunt, lumen supra cymbas piscatores ferentes, pisces ad se allectos, aut tridente feriunt, aut capiunt vivos; quod non fuit ignotum Oppiano.

*Quum Phæbus cælo meta distabit utraq;
Vel caput occiduis promus quum mergit in undis,
Tum domitant pisces, vel primo tempore noctis
Accensa impellunt thèda per marmora cymbam:
Occulto perimunt fato sub nocte quietos
Pisces, qui flamma leti, vel lumine claro:
Dum circa cymbam collecta examina lumen
Exit inde vident, pereunt macrone tridentis.*

Diu multorum torfit angor animos, quomodo ignis, vel lumen sub aqua ferri possit, ut pisces eo longinque conspecto, illi occurrerent. Nos id hoc modo præstitimus. Pilam æream, vel plumbeam confecimus, trium, vel quatuor pedum diametri, infra acuta erat, vel pyramidalis, ut aptius in imo demergi posset, ferreis circulis obvallatam, ut pondere depressa sub aquis trahi posset. Supra canalem opposuimus longitudine quindecim, aut viginti pedum, latitudine unius. Pilæ venter multis fenestris aperiatur, quinis, aut senis, quibus vitrea specula perpolita accommodentur, & commissuræ piscato glutine sarciantur, ne aquæ pateat aditus. Quæsito

loco pondere depressa pila demergatur, sed canalís os supra aquam saltem binis pedibus superemineat. Lucernam mox accensam per canalem funiculo in pilæ ventrem demittamus, eo modo & arte elaboratam, ut quocunque motu moveatur, semper ad perpendicularum erectum lumen restet. Lumen per fenestras, & specula inter aquas transibit, & reverberatione facta sub aquis magnum lumen satis longe conspicabitur, ad cuius splendorem maxima piscium caterva accurrit; tum retibus circumvenire poteris.

CAPUT VI.

Speculis etiam animalia conveniri.

ET si fœminæ defuerint, poterunt specula propriam imaginem reflectere, unde animalia delusa sua eorum forma, alliciuntur, poterunt & liquores speculorum vicem subire. Ut

Sepia speculo capitur.

Specula nimirum in lignum incisa, ex chorda appensa, in aquam piscatores demittunt, & sensim fluitantia trahunt, sepia ad sui simulachrum sese jaculatur, ac suis flagellis lignum complicans, dum sese apparentem in speculo amatorie intuetur, interea reticulo circumventa subducitur.

Monedula speculo capitur.

Monedula se ipsas amant, auceps eas venaturus, talia machinatur, nam in quem locum congregantur asperit, ibi pelvès, olei plenas disponit, curiosa avicula eo profecta, in vasis labro confidet, & simul sese inclinans, suam ipsius umbram despicit, & quod existimet aliam se monedulam videre, ad eam ipsam festinat descendere, eo-que ut est delapsa, olei crassitudine circumfusa, sine laqueis, sine retibus constricta tenetur. Ut

Coturnices speculo capiantur.

Clearchus scribit perdices, passerès, & coturnices non modo quum vident fœminas semen emittere, sed etiam quum earum vocem audiunt: causam esse animo impressionem, quod ipsum coitus tempore cognoscēs, si

con-

contra eas speculum posueris, & ante hoc ipsum tendicularum insidias, nam ad imaginem suam, quæ inaniter in speculo repræsentatur, accurrentes excipiuntur, ex Athenæo, & Eustathio.

CAPUT VII.

Quomodo odoribus animalia congregantur.

VARIIS sunt odores, vel aliæ occultæ proprietates, quæ animalia congregant in unum, ex peculiari rerum, vel animalium natura; dicimus odoramenta, & alimenta quædam ab eis valde expetita, Veluti

Monoceros odore allicitur.

Monoceros adeo virgines puellas venerari scribit Tzerzes, ut ipsis mansuescat, & aliquando juxta eas in somnum delapsus capiatnr, ligerurque: juvenem aliquem robustum venatores puellæ instar vestiunt, & aromatibus aspersum statunt è regione loci, in quo monoceros fuerit, ut odoris suavis auræ flatu ad beluam derivari possit, ipsi interea occultantur, fera odore illecta ad juvenem accedit, ille manicis amplis, & odoratis feram obvelat, venatores accurrunt, & cornu rescant,

Ad congregandum mustelas.

Fel stellionum in aqua tritum mustelas congregare dicit Plinius. Immo chamæleontis felle in aquam coniecto mustelas contrahi scribunt Magi Pliniani.

Ad congregandum mures.

Si amurcam spissam patinæ infuderis, & in domo recte posueris, adhærebunt, ex Palladio. Si amurcam, inquit Anatolius, in æneam pelvim infuderis, eamque in mediæ domus parte reliqueris, noctu mures congregaveris omnes.

Vt convenient pulices.

Ericii falsi, & in aqua ferventi innatans collecta pinguedo si illinatur baculo, & is in domo, vel sub lecto ponatur, conveniunt ad eum omnes pulices. ex Rhasi

Ranas congregare.

Fel capræ in terra, in vase aliquo repositum ad se dicitur ranas congregare, si gratum aliquod in eo reperiant.

CAPUT VIII.

Quomodo animalia ebria manibus capi possint.

DIXIMUS illicia, nunc inebriationes, quamplurima enim sunt simplicia, quæ inebriant, ut manna capi possint consopita, & quia ex animalium varietate varia sunt, quæ hunc effectum præstent, ideo seriatim singula trademus. Et primo

Canes quomodo inebrientur.

Athenæns corvos, & canes inebriari ænuthra herba dicit. Sed Theophrastus, à quo excepit, radix ænothera data ex vino, mitiores, hilarioresque mores reddit, unde ænuthra vocabulum corruptum est: est autem Theophrasti ænothera, ut diximus, rhododaphne. Sic quoque

Asini inebriantur,

Et consopiti non solum capiantur, sed si excoriantur vix sentiant, ne dum expergiscantur, quod eveniet cicuta: nam eam depasti tam gravi somno premuntur, ut stupidi, sensuque privati videantur. Sic etiam

Equi stupidi redduntur.

Hyoscyami semine, si illud in hordeo eis præbueris, & adeo veterino obducuntur, ut semimortui jaceant per dimidium diem: sycophanta quidam quum nummi deficerent enim in itinere, quibusdam ambulonibus ejusmodi semen objecit, qui quum fere extincti obdoriniscerent, & omnes gravi dolore afficerentur, accepta stipe, remedium finxit: nares aceto perungendo vivos reddidit, & sic coëptum iter prosequenti sunt. Eodem modo

Pardi inebriantur.

Docet Oppianus modum, & quomodo ebrii capiantur. In Libya, ubi primum fontem animadverterunt, & unde pardales prima luce bibere solent, eo venatores noctu permultas amphoras succo vini plenas offerunt, & inde non procul stragulis lecti sedent: ex autem ardentem sitientes ad fontem accedunt, & simul ac vino, cujus portione studiosè sunt, sitim explerunt, primo salutatione ludunt, deinde obdormientes humi sternuntur, itaque graviter dormientes, nullo negotio comprehenduntur. Si scire aves quomodo

Simia.

Simia ebria capiantur.

Athenæus refert, vinum etiam bibere, & inebriatas aliquando capi. Simias & quadrupedes quibus digiri sunt, negat crescere, assuetas meri potu, Plinius. Nec aliter

Sues insaniunt

Hyoscyamo devorato. Inquit Ælianus, hujus herbæ pastu resolvuntur & convelluntur apri, natura vini, id eo mentem, caputque infestans. Fiunt etiam

Elephantes ebrii.

Athenæus refert ex Aristotelis libro de ebrietate, elephantes inebriari vino. Et Ælianus elephanto, qui ad bellum certat, vinum præbent ex vitibus, & factitium ex oryza, ut audaciores efficiantur. Nunc docebimus quomodo consopitæ aves manibus capiantur. Unde si scire aves

Aves ut manibus capiantur.

Allium nasci in arvis tradit Plinius, alium hoc vocant quod adversus improbitatem alitum depascentium semina coctum, ne renasci possit abjicitur, statimque quæ devoravere aves stupentes manibus capiuntur, etsi paulum commoravere consopitæ. Si vis autem

Perdices ebrias venari.

Boetius ita docet. Perdices facile venaberis, si farinam vino madefactam objeceris, omnis enim avicula facile corripitur. Si vinum aqua dilutum, vinosius tamen in vasculis apposueris, ubi enim vel parum inde ebiberint, soporantur, & obstupescunt. Docet idem

Anates quomodo manu capiantur.

Si quis locum observet, ex quo anates potum sumant, & eversa aqua vinum nigrum immittunt, ubi id hauserint, cadent, ut prehendi facile possint. Idem & vini saxe præstat. Capiuntur

Anates, & alie aves ebriæ

Quibusdam escis, quales sunt lappæ semina in locum sparsa, ubi aves frequentant, quibus ingestis ita afficiuntur vertigine, ut manibus capi possint. Alia esca. Tormentilla in vino bono coquatur, tum in eodem cocta frumenti, aut hordei semina projicito in spatium

avibus capiendis destinatum, sic enim tormentillæ frustula cum seminibus devorabunt, & inebriatæ quum volare nequeant, manibus capientur. Hoc autem commodius fiet, quum cœlum præfrigidum & nix profunda fuerit. Vel per locum avibus frequentari solitum, hordei grana disperge, deinde ex farina hordeacea, felle bubulo, & seminibus hyoscyami medicamentum instar pultis parato, quod in tabella eis expone, eo gustato aves adeo gravantur, ut volare nequeant, & manibus capiuntur. Vel hordeum, fungos, quod à muscis denominant, cum seminibus hyoscyami misce, & puliculam inde factam in tabella expone, ut supra. Ut possis

Cornices manu capere,

inter carnem nucem vomicam tritam immisce. Possumus identidem pisces inebriare. Oppianus docet aliqua. Unde si volumus

Pisces inebriare,

Cyclamino eveniet. Diximus enim cyclamino ebrietatem augeri hominibus. Inquit enim:

*Atque duos miscent panes radice sub acta,
Quam cyclaminon dicunt, candore perunctam
Et pinguem pisces vastum labuntur in aquor,
Retia prosiliunt, curvos male olentia circum
Pharmaca colliniunt scopulos, temerantque latebras,
Et maculant fluctus, & post ad littora cursum
Cum cymba revocant, latebras dispersa per omnes
Pharmaca mortiferas diffundunt longius auras,
Et caput atque oculi caligant, membra venenis
Nutant, hi scopulis duris, latebrisque parentes
Prosiliunt, infecta magis sunt aquora lata.
Pharmakon aquoreas late penetravit in undas.
Hi veluti vino pressi vincuntur odore, &c.*

CAPUT IX

Peculiaris animalium venena de clarore.

NE putes velim venenum unum animalia cuncta interficere posse, sed unumquodque suum venenum.

num habet, immo quod uni venenum, alteri salutare, quod nec qualitatis ratione eveniet, sed peculiaris naturæ. Ut si numerare velimus

Venena, quibus canes occiduntur.

Dioscorides chamæleontem album cum polenta subactum canes, sues, & mures occidere dicit, aqua, vel oleo madefactum. Theophrastus canes & sues cum hordeacea farina subactum aqua & oleo: sed cum brassica sues. Nux vomica, quam ab effectu caninam dicunt, si lima teratur, ejus tenuius eliminata scobs carne, butyro, vel pingui aliquo cani glutienda datur, trium horarum spatio eos necat, obstupet illico, cadit, & sine voce moritur, sed recens sit oportet, ut solnm videatur hanc nucem ad canum mortem à Natura productam. Abstinere fraxini fructu, quod dolorem vertebræ coxarum incurrant, licet sues eo saginentur. Sic apocynum. Chrysippus docet canes occidi, si in aqua eis detur asparagus decoctus. Canina brassica, sive sylvestris si detur ex carne, sic plumbi fumus. Immo ex Aristotele in mirabilibus circa Scythorum, & Medorum regionem hordeum esse, quo homines vescantur, sed sues & canes excrementa hominum, qui panem ex hordeo illo comederint, avergantur, tanquam mortis periculum, omitto aconitum cynoctonon dictum à Dioscoride. Dicemus & idem

De lupario veneno.

Aconitum lupos, & plerasque alias feras occidit, lycoctonon, sive luparia nomen ab effectu. Agyrtæ ita præparant venenum. Lupariæ uncias duas, foliorum taxi unam, corticis fagi, vitri, calcis vivæ, arsenici citrini singulorum sesquiunciam amygdalarum dulcium tres, mollis, quantum sufficit. Fiant globuli magnitudine avellanæ, larido inungendi. Alii lupariam, arsenicum citrinum, & taxi folia æqualiter miscent. Sunt & aliæ lupicidæ herbæ, quas omittimus, ne longiores simus. Proxime Nilum, narrat Ælianus, herba, quæ lycoctonos appellatur, nascitur, lupus eam calcans, convulsionibus moritur. Propterea Ægyptii in terras suas ejusmodi herbam importari prohibent, quod hoc animal veretur. Sunt &

Muricida herba

Aconitum, quod myoetnon appellarunt, procul & è longinquo mures necat, ex Dioscoride, & Nicandro. Staphisagria easdem fere vires obtinet, cujus à radice, aut semine pollinem cum farina in butyro frixum mures edendo occidit. Asphodeli radice fugantur, caverna præclusa moriuntur: Agrestis cucumeris, & colocynthidis suffusio mures necat, tithymalum in tenues partes incisum, mistumque cum polline, & œnomelite, si gustaverint mures, occæbuntur. Sic chamæleon, miacanthus, realgar, scilicet ex sulphure, calce vivis, & auripigmento. At inter

Pantherarum venena

Connumeratur aconitum pardalianches, cujus radice trita, & in carnibus objecta, extinguuntur. Asperguntur carnes aconito, necantque gustu earum pantheras. Occupat illico fauces angor, ob id pardalianches dictum. Necantur ex apocyno, quam etiam in suis nomenclaturis pradalianchem dicunt. Vocant

Leonum venenum

Leontophonon, animalculum quoddam, non alibi nascens, quam ubi leo. Captum exurit, ac illius cineris aspergine carnes pollutæ, jactæque per compita concurrentium semitarum, leones necant. Et pardalianches aconitum, leones ut pantheras occidit. Est

Bovum venenum.

Chamæleontis nigri succus juvenas necat, anginae modo, quare à quibusdam ulophono vocantur, boves elleborum nigrum cavent, quum candido vescantur.

Capricida

Herba est, ab exitio jumentorum quidem, sed præcipue caprarum appellatur ægoethros, hujus flores concipiunt noxium virus aquoso vere marcescentes, ita fit, ut non omnibus annis sentiatur hoc malum. Est &

Cervi venenum.

Pisces quidam venenati in Armenia reperiuntur, horum farina fucus conspersas in ea loca, quæ maxime abundant feris, disseminant, bestiarum primum ut eas atti-

gerunt, statim moriuntur, atque ea fraude cervi, & apri necantur, ex Æliano.

Equi venena.

Sunt aconitum, veratrum, & sandaracha. At

Mustelærum venenum.

Sal ammoniacum, frumentumque humore aliquo dilatum: circa loca, quæ frequentant mustelæ, miscellam ipsam aspergito: aut enim ubi massam vorarint, interibunt, aut illinc aufugient.

Ovium venenum.

Oves necat nerion, ex Dioscoride. Pecus & capræ si aquam biberint, in qua folia rhododendri maduerint, mori dicuntur, ex Plinio. Ononymus, & coniza oves & capras perdit, sabina item.

Columba venenum.

Serapio scribit columbas perimi devoratis frugibus, aut fabis madefactis aqua, in qua elleborus albus fuerit maceratus.

Gallina venenum.

Gallinæ sparthi semine depasto moriuntur.

Vespertilionis venenum.

Hederæ suffitu moriuntur, ex Zoroaste in Geoponicis,

Vultures

Animalia quædam ab his, quæ nobis suavissime olent, perimuntur, vultures ab unguentis, & canthari rosis. Idem evenit si quis vel inunxerit, vel cibum unguento illitum eis obtulerit, ex Aristotele mirabilium libro.

Scorpionum

Theliphonum dictum aconitum à scorpionum morte. Torpescent scorpiones ejus tactu, stupentque pallentes, & vinci se consentunt. Symphyto interimuntur aquila, ibis felle hyenæ, sturnus allii semine, charadrius sulphure, herinacius potamogitone. Circus, larius, turtur, merula, vultur & scopes punici mali grano pereunt, atricapilla flore amerinæ, corvus erucæ femine, fearabens unguento, upupa adipe feræ capræ, cornix carnis reliquiis à lupo comestis, alanda sinapis semine, grus vitis lachryma.

C A-

CAPUT X.

De piscium venenis.

SOLENT & infici aquæ fluminum & maris quibusdam herbis, aliisve simplicibus, quibus natantes pisces inebriantur, & moriuntur, sed quia peculiares sunt quorumcunque piscium, peculiares trademus & universales, ut iis edoctus piscator, reliqua ex se imaginetur, Hac igitur herba.

Pisces necantur.

Plinius piscatores Campaniæ radicem eam aristolochiæ quæ rotunda est, venenum terræ vocant, coramque nobis contusam, immista calce in mari sparsere, advolant pisces cupidine mira, statimque exanimati fluitant. Dioscorides tithymalorum platiphyllum tritum, ac aquæ sparsam pisces necare dixit. Nos nunc ejus radicibus contusis, ac imo fluminis pondere depressis, aquas inficimus, unde pisces protinus necantur. Sed hoc modo citius enecabimus in mari. Gallarum orientalium quarta uncia pars, casei uncia, farinæ fabaceæ uncia tres, misceantur hæc omnia aqua vitæ; ex ea mistura fiant globuli, ut ciceres. Mane antequam aurora illucescat, in mari projiciantur, mox tribus horis elapsis redi ad locum, nam omnes qui escam acceperint, aut mortuos, aut ebrios reperies, vel in sublimi, vel in imo maris resplendere, quos hamato conto accipies. Aqua vitæ additur, quia celeriter ad caput fertur, gallæ orientales veneficum, eos stupidos reddens, fabacea farina illex, esca suo sapore invitatur, caseus odore longe congregat.

CAPUT XI.

De aliis venationum experimentis.

NUNC aliqua addemus, quæ superesse videbantur experimenta, ut pro necessitatibus & ex voto uti possis. Primo

Ut canis color mutetur.

Quoniam plerumque canes albi venationi minus idonei, quia longius videntur, modus adinventus est, quo ejus

CO-

color mutari possit. Id eveniet si vivam calcem cum lithargyrio bulliemus, & canem depinxerimus, nam niger evadet. Alios modos docuimus quum modum tingendi capillos descripsimus. Si vis

Vt canis à te non aufugiat.

Democritus canem à te non aufugere dicit, si butyro à capite usque ad caudam illines, lingendumque butyrum dabis. Sequetur etiam te canis, si alterius canis secundam panniculò alligatam ipsi olfaciendam obtuleris. Etiam si optas

Canis non latret.

Membranam ex secundis canis habentem, vel leporis pilos, ut finum tenentem, aut qui peristereon herbam habeant. Lapis in Nilo niger fabæ similis reperitur, quo viso canes non latrant, linguam canis in calceo subditam pollici portabis, vel si cor canis siccum tecum portabis, ex Sexto, leporis pilos, vel finum, ex Plinio vel mustelæ juvenis caudam abscissam in pede portabis, vel ranam ei in offam dabis, hæc omnia ad evadendos canum latratus. Nigidius canes tota die fugere conspectum ejus, dicit, qui è sue ricinum evellit, & aliquantulum gestaverit. Oppianus:

Quod si pauxillum rescissum pellis byænae

Gestes, extemplo catulosque canesque feroces

Terrore attonitos arcebis, nec tibi post hæc

Incedenti adlatrabunt, licet ante latrarint.

Vt canis currere non possit.

Alas si oleo illeveris, nam in cursu impiedetur, hoc modo eveniet

Vt accipiter sit animosus.

Avem adversus prædam animabis, ut aves magnas aggrediatur, escam, qua tempore venationis utitur, vino madefacito, aut si astur sit, aceti parum dato, quando vis volet, da tres offas carnis vino madefactas, aut pullo columbæ vinum ex rostro infunde, deinde volare facias. Sic

Perdices pugnaciores efficies.

Si

Si adianti ramulos eis in cibum dabis, ex Plinio, &

Gallinacei pugnaciores sunt,

Allium in cibis dando mox pugnaturis, ex quo facetissime in veteri comœdia *ἐν γαργυρίῳ* id est, allio pastus pro vehementi, ac nimis in pugnam proclivi.

Ne avis in altum volet

Erue pennas caudas, quæ sursum dirigunt cursum, sic in gyrum infra volabit. Si vis

Ut avis volare non possit,

Incide nervos superos, inferosque alæ, & sine noxa remanet, avis non volabit, & hoc modo in aviariis non aufugiunt.

LIBER DECIMUS SEXTUS.

In quo clandestinæ & imperpicuæ notæ
pertractantur.

PROOEMIUM.

FURTIVARUM notarum, quas vulgus ziferas vocas, duplicem statuimus modum, visibilium unum, & per se dignum tractatu studium habet: delitescentium vero alterum, de quo presenti hoc volumine aliqua commentari aggressi sumus, & quæ hæc consequuntur, magnatum, & principum rebus consulentes, dum absentia curant, & commenti illius gnarè conscribunt. Nos paucula oculis subjiciemus exempla: sed hæc, & quæ ex his eveniant fido pectore contegenda sunt, ne passim per manus ignari & gregarii hominis perveniuntia, vilescant. Quæ promulganda duximus, hæc sunt,

CAPUT I.

Quomodo diversis liquoribus immersum scriptum legi possit.



MULTI & pene infiniti sunt scribendi modi, quum necessaria descripta habeant, notæ inconspicuæ sunt, nec unquam visibiles fiunt, nisi aquis immersæ, aut igni expositæ, vel pulveribus tactæ, aut adfricatæ fuerint. Incipiemus ab iis, quæ liquoribus immersæ legantur. Si igitur

Literæ delitescentes conspiciantur, & conspicuæ delitescant

Optabis: Fariscat vitriolum ardenti aqua, solum tantisper penicillo colabis, quousque clarescat aqua, eo liquore papyro literas dnces, quibus siccescentibus, celantur. Porro combustam paleam ex aceto trituras, & quæ sumus scripturi in priorum interstitio versuum late describito. Omphacitis inde galla albo vino decoquatur, madeat eo liquore spongia, & quum necesse erit, leniter super papyrum detergendo, eoque literas madefaciendo, donec vernaculus nobis color ater oblitteratus delitescit, pristinus vero invisibilis refricatus nobis fiet conspicuus. Nunc subjungemus, quibus

Liquoribus chartam immergendo literæ conspicuæ fiant.

Ut diximus chalcanthum in aqua solvatur: mox contrito tenuiter gallas, & aquis immergito, & sic immerentur per diem naturalem: extilla per linteum, vel penicillum, ut clarescat aqua, & ejusmodi supra papyrum literas exara quicquid occultatum velis, & mitte absenti, quum eas conspicuas velis, primo liquore immerge, & illico literæ conspicuæ fient. Ut

Aqua linteum immergendo notæ apparent.

Solvatur in aqua alumen, & hac literas exarato super album linteum interulas, sudariolum, & similia, nam ubi resiccatae fuerint, penitus evanescent. Ubi eas visibiles fieri velis, aquis mergito, & linteum obscurari videbi-

debitur, nisi ubi alumen delineatum fuerit: unde literæ adeo conspicuæ fiunt, ut optime legi possint, nam ubi alumen, chalcantum, aut omnia adstringentia soluta fuerint, tardius aquam admittunt. Sic

Literæ lacteæ fiunt aquis.

Lithargyrum primo teritur, & in fictile aquam continens cum aceto conjicies, decoquitur, & decoctum per colum trajicito, & servato, inde limonis succo citriferi generis, literas exarato, jam siccescentibus adduntur. Si servato liquore immerferis, lacteas, & conspicuas videbis. Si mulieris ubera, vel manus ea madeant, & prædicto liquore sparseris lacte resudabant: utitor, si inops aliquando eorum fueris. Si vis

Lapis aceto mersus literas demonstrat.

Hirci adipe supra lapidem literas exarabis, resiccatae inconspicuæ prorsus. Si lapis aceto demergatur, prodeunt, illico, & foris quasi superextantes eminebunt. Si autem absoluta aqua scribendo literas nigrescere jubes, ut navius, expeditisque itineribus accingaris. Gallas & chalcantum subtiliter pinfito, inde pulverem chartæ inspergito, panno fricato, recteque expolito. Ut sic chartæ concolor, & pertinacius inhæreat, contundito juniperi gummi, quod scriptoribus vernigo dicitur, addaturque reliquis, quum usu venerit, aqua, vel saliva scribito, & nigrescunt, iisque simillimæ eveniunt technæ, quas per longum esset narrare.

CAPUT II.

Quomodo igne literæ visibiles fiant.

DICEMUS modos, quibus literæ non nisi igne visibiles fiant, vel non nisi lumine interposito, aut combustæ legi possint. At reddere

Literas igne visibiles.

Sic possumus, & literas in carminum intercapedinibus, & syllabarum coagmentis & distantiis protrahere. Conrincat epistola inane quidpiam, ut incondite putent positas literas, & si intercepta fuerit epistola, ægerrime legatur. Si citrii, medici mali, cæpæ, aut omnium fere acrimum succo descripseris, si igni infervescit, eorum acrimonia

monia illico detegitur. Sunt enim indigesti succi, quum ignis calore deteguntur, eos colores ostendunt, quos maturi ostensuri erant. Si acerba uva, quæ nigra futura erat, vel sorbo scripseris, quum igni admovebis, concoquuntur, eumque colorem dabunt, quem suo tempore maturi in arbore laturos erant. Succus cerasiorum si calamo adhibeatur viridi colore, si cyclamino, ruffo literas designabit, sic varii fructuum succi, varios quoque igne colores indicabunt. Hæc ratione acceptis, remissisque amatoriiis tabellis puellæ amantes sæpe parentum custodiam frustrantur. Est & salis genus quod ammoniacum vocant, hoc contusum & aquæ immixtum, literas quidem scribenti albas reddit, quæque cum papyri colore vix internoscantur, verum si admoveantur igni, nigræ apparebunt. Fiunt &

*Litera qua non nisi combusta papyro
legi possint.*

Nam mixtura alba erit, & nil videbitur, quum vero comburitur, combusta papyrus nigra erit, characteres vero albicabunt. Accipe acetum acerrimum, & ovi albumen, in quibus dilue, & exagita hydrargyrum, eaque miscellanea supra papyrum literas exara, igni comburatur papyrus, at literæ incombustæ remanebunt. Vel literæ gummi, vel quovis salis genere, vel calce in papyro producantur, quæ quum per ignem apparere nequeant, combusta, denigrataque statim papyro, characteres albicabunt. Verum si libuerit conscribantur

Litera, qua non nisi interposito igne videantur.

In hunc modum fiet. Cernissa, aliisque color albus tragacanthæ liquefactæ immisceatur, ex eaque mixtione materia chartæ concolor parabitur, ut nil ab ea discernatur, vel conjici possit, tunc oculo & lumine interjecta syderis, vel candelæ, ubi descriptæ fuerint literæ ocularibus radiis penetrari non sinunt, sic obscuriusculæ conspiciuntur. Fit n. ratione optica, nam ea pars ex materia densa dum opposita externo lumini impedit, quo minus ulterius radii ad intuitum nostrum perveniant, & conspiciam nobis lineamentorum umbram efficiant.

CAPUT III.

Quomodo confricata pulvere litera legi possint.

NUNC alio utemur artificio, ut pulvere confricatae literae conspicue legi possint, quae antea inconspicuae erant, quod & antiquis factitatum legimus. Sic igitur faciendum

Ut resfricata litera polline legi possint.

Ut in charta, sic in aliqua conspicua corporis parte inscriptae notae delitescant, & quum opus fuerit, intelligantur, super brachium, vel dorsum, aliave membra acetum vel urina clanculum fiat inscriptio, eaque exiccetur, ut ne vestigia quidem appareant, ut vero scriptum exponatur, fuligine, vel combusta papyro exteratur, sic enim literae internitebunt. Vel

Aliter

Si adipe, sepo, aliove pingui, vel gummi, vel lacte ficulneo delineentur characteres, & carbonis inde, vel combustae chartae polline conspergantur, apparebunt. Hoc fortasse astu, ut Polyænus Græcus ait, Attalus victimæ inscriptione impressâ usus est. Hic enim, ut suos milites ad fortiter agendum cum Gallis hostibus, qui multo plures erant, impelleret, non parum referre arbitratus, si eorum animis indubitatæ victoriæ fiduciam proponeret, indicam rem, alioqui utilem, huiusmodi cum sacrificaturo vate comminiscitur. Ante conflictus diem victoriâ parat; nam Sudinus vates sacra faciens, Deos precatus libat, & victimam dissecat, at Rex contrito gummi, Regis victoria, inscriptionem hanc à dextris ad sinistra producens, quumque viscera extraherentur, manum in calidiorem, ac fungosum locum supponit, abstergitque inscriptionem. Sed vates reliquas partes permutans, & sua munera obiens, convertit particulam, qua inscriptio continebatur ejusmodi: Regis victoria. hæc res vulgata, ingenti commilitum gaudio, plausuque excepta est, ut alacriores, promptioresque ad pugnam animos indicarent, sic quasi non dubiæ spe victoriæ adducti, ac pollicito numine freti, acriter pugnantes.

gnantes, Gallos superarunt. Sed ad rem redeamus. Idem præstabit lac ficulneum, si ea alba charta inscribatur, & postmodum ab amico scriptum carbonis polline insperso confricetur, & detergatur, fit enim ut literæ statim nigrescant. Ad idem confert, ut Plinius refert, tithymalli lac, ad designandas notas, & super illud inspersus cinis ad detergendas, eoque modo mulieres, ut ille testatur, adulteris alloqui maluerunt, quam codicillis. Confirmat hoc Ovidius admonens puellas in arte amandi, quemadmodum cum amantibus tuto per scriptum colloquantur :

Tuta quoque est, fallitque oculos è lacte recentis

Littera, carbonis polline tange, leges.

Fallit & humiduli que fiet acumine lini,

Et feret occultas, pura tabella notas.

Est & inopinabilis techna supra crystallum describere, nam quum undique diaphanum sit, nullum afferet doli suspicionem, & literæ intus latentes esse possunt. Sic fiet igitur

Vt supra crystallum insperso polline litera appareant.

Dissolvatur gummi Arabum in aquam, vel tragacanthæ, ut clara sit, & ubi optime solutum fuerit, nequaquam crystallum defœdabit, supra illud describens, siue cyathum, siue phialam, ubi literæ resiccescunt, inconspiciuæ fiunt. Nemo dolum suspicari poterit, si carceribus detento, cyathus immittatur, aut phiala vino plena, ubi literas visibiles voluerit, combustam papyrum, vel paleam super illud adfrica, & literæ illico apparebunt visibiles. Addemus tandem secretum

*Vt litera in charta non igne, non aqua, aut aliquo,
sed solum pulvere legi possint,*

Profecto dignum habendum. Solvatur adeps hircinus cum pauculo terebinthinæ resinæ, liquore chartam adfrica, & servato: quum amico nunciare vis aliquid, apposita papyro delinita adipe supra tabellam, quam amico mittendam destinaveris, ferreo stylo supra calcabis, & imprimuntur notæ adipis tabellæ, mitto, quæ intercepta, neque aqua visibiles fiunt, aut alio

ar-

artificio, nisi tantum terreno pulvere insparso. Fieri etiam potest

Vt nigra papyro alba litera videantur.

Cujus hæc est ratio. Ovi luteum albumenque commisceantur, ut instar scriptorii atramenti liquecat: eo liquore literarum figuræ in papyro protrahantur, & exsiccentur, tum super exiccatam chartam colorater inducitur, eaque iterum exiccata mittitur. Verum ut literæ conspici possint, lato ferro chartæ superficies eradatur: sic enim fiet, ut sublato inde atramento, ubi literæ erant, earum albi coloris signa conspiciantur.

CAPUT IV.

Quomodo in ovo scribi possit.

QUONIAM carceribus occlusis, vel pontificalium suffragiorum comitiis ova non intercipiuntur, nec aliquid fraudis in eis suspicatur, monstrabimus quomodo & summo cortice, & in albumine literarum characteres inscribi possint. Exemplum

Vt litera in ovi cortice scribi possint.

Cera ovum circumlinito, in eaque stylo ferreo lineæ delineentur usque ad corticem, sed eum non lædant: nam si ferro, vel stylo, cultrove corticem læseris, periculum imminet, ne dolus detegatur. Submerge ovum per noctem forti aqua separationis auri ab argento, mane amove ceram, & decortica ovum, & corticem intra lumen & oculum pone: nam pervium corticem, & pellucidæ literæ conspiciabuntur. Idem eveniet si limonum succo ovum pinxeris, nam corticem emollit, ut ne fœdet corticem, & ex voto fruaris. Si vis autem

Vt litera supra albumen videantur

Croceæ, & rectius ubi ovum excoctum fuerit. Coque ovum donec durescat, & cera obline, & insculpe ceræ literas stylo, ut lituræ dehiscant, imponatur in humore, id est, ex gallis cum alumine tritis. Inde acri aceto impones, & eæ fient penetrabiles, quas cortice detecto, videbis in albumine ovi, Africanus ita docet. Gallas & alumen cum aceto terito, donec atramenti spissitudinem habeant, ex hoc quicquid libuerit ovo inscribito,

scribito, & postquam scriptum Sole desiccatum fuerit, ovum in muriam acrem demittito, & resiccatum coquito, & decorticato, & reperiēs inscriptionem. Ego in acetum imposui, & nihil evenit, si per muriam non intelligat acre lixivium, vulgo *capitello* dictum. Cujus causa hæc est: quia ovi cortex porosus est, & laxis meatibus hiat, argumento quod recens igni appositum ovum sudat, & foris extillat aqua, & contra lumen inspiciendo clarus apparet, & quum acetum subtile sit, per eos penetrat, & tenerum corticem efficit: quumque remissum sit cum albumine, & galla, secum eorum substantiam deferret, & albumini ovi imprimit, illudque in frigida aqua immergens, condensat, & in pristinum statum reducit. Sed animadvertendum, non esse immorandum in aceto, nam totum corticem erodit, ovum nudum, & sola cuticula contextum reddit, & si tale aquæ immergeris, cortex non restituitur. Si vis scire

Quomodo litera aqua in ovo visibiles fiant.

Solve chalcantum in aquam, & scribe supra corticem, & resiccescens nil conspicietur. Si vis legantur, gallas vino coque, & in eo ovum summerge: Aut supra ovum aqua calcis scribe, & lixivio immerge, ubi maceratum erit brasiliū, sic literæ halurgæ videbuntur. Aut scribe sepo supra corticem, & vitrioli aqua summerge, post exiccationem abraide seponem, & nil apparebit, ubi prædicto vino mox immerferis: albæ literæ in nigro cortice candicabunt. Docebimus

Litera quomodo igne supra ovum visibiles fiant.

Citrionum succo supra ovum exarentur notæ, cæparum, aut ficus lacte, quod quum igni admoveris, croceas literas videbis. Idque in crudo ovo fieri poterit, nam coquendo literæ apparebunt. Ut

Litera supra corticem ovi pulvere videantur.

Supra corticem, aceto, adipe, lacte ficus, tithymali, vel gummi notas delineabis, quas ubi conspicuas velis, carbonis polline, aut combustæ papyri, aut paleæ, videbuntur nigræ. Extat modus, quo

Epistola intra ovum immitti possint.

Episto-

Epistola, quæ scribitur, sit angusta & longa, ut medii digiti latitudinem vix superet, brevibus verbis, ac subtilibus characteribus tuæ mentis conceptum expone; dein cultri acie in ovo rimam excavato, ac internam pelli- culam rumpito, & ex uno capite schedulam immitte paulatim, nam facile recipiet, etiam decem palmorum. Inde calce & gummi remistis scissuram obtura, ne videatur, cernissa & gummi tragacanthæ: nam impossibile est ut videatur. At si vis hoc subtilius eveniat. Ovum acri aceto expone, ternis, quaternisve horis, & ubi reperis remolliri, cultri acie corticem aperi, papyraceam schedulam impone, mox aquæ frigidæ merge, & macerari curato, & cortex pristinæ duritiæ reddetur.

CAPUT V.

Quomodo diversis in locis scribi possit, ut legentes eludat.

SCRIPSIMUS invisibiles scribendi modos: nunc ii se offerunt, qui variis in rebus literas exarando, etsi visibiles, lectores tamen & interceptores occulta simulatione eludent. Primo

Quomodo tenui filo scribere possimus.

Sed videamus id quomodo majores nostri præstiterint; narrat Gellius noctium Atticarum libris, Lacedæmonas quum ad Imperatores suos scriberent, ut literæ interceptæ occulta hostibus consilia indicarent, hoc scripti genus ex industria excogitasse, quamvis ejus rei commentum referant Archimedi. Surculi duo teretes longiusculi, & torno perpoliti æquabantur, ut par utrique longitudo, & latitudo esset, eorum alter Imperatori ad bellum proficiscenti dabatur, alter domi penes magistratus diligenter servabatur. quoties itaque usus necessitas incidebat, pagina, quanta rei satis erat, surculo circumvoluta, ut rotundum volumen efficeret, & oræ bene adjunctæ in modum lori apte ligno cohærent, ne rimæ interponerentur, tum inclusam sic circumvolutam literæ à summo capite per transversum ad imum in eo loco inscribebantur. Perscriptum inde eorum surculo prolixum & angustum eximebatur, & ad Imperatorem dabatur, existimabant enim si in hostium manus illud forte

forte interceptum incidisset, truncatas literas, syllabas, dictionesque, & eorum parte longe distractas intuentes scriptum nequaquam percepturos, nec spem frustrabatur eventus. quoties enim illud in hostes incidebat, nil in loro scriptum poterant conjectari, sed veluti in condite, & frustra scriptum dimittebant, is vero, cui illud destinabatur, applicato loro, in eumque modum circumvoluto, quo antea fuerat, quum inscriberetur, ita ut continuata scripti series sequeretur, nuncium agnoscebat. Huiusmodi scriptum *θυγαλιν* græce appellabatur. In hunc modum scriptam epistolam Lyfandro ad Hellepontum allatam Plutarchus author est. Nos autem filo ita scribere adinvenimus. Duo conficiuntur tennes furculi, æqualis magnitudinis, & rotunditatis, unum damus longe eunti amico, alterum domi retinemus, simul hæere faciamus, ut continuum sit, & ligni nihil appareat. filo ita accommodato per longitudinem baculi literas exarabimus, inscribemusque quicquid cordi fuerit. Si furculi latiores fuerint, plures versus capient. Si prius filum aquæ immerges, in qua sit solutum alumen, atramentum non diducetur, sed restrictum, nitidius characteres continebit. Mox filum à bacillo revolutum in glomerulum accommodato. Vel ut occultissimum sit, interularum, & sudariorum ora revolvimus, amico absenti mittimus. Nil enim in filo curiosior interceptor, nisi quædam puncta disseminata conspiciet. Amicus eodem bacillo filum revolvendo, curandoque ut puncta ex superiori parte veniant, & cohæreant apte, amici conceptum facile percipiet. Docēbimus

Pergameno quomodo scribendum, ut literæ non videantur.

Ubi in pergamento scripseris, candelæ lumini, aut igni admoveto, nam totum in se convolvitur, crispabiturque, ut pristini vestigii vix quicquam retineat, quod si quis aspexerit, prorsus nullius doli capax existimabit, at quum legere illud quæsierit quid in eo contineatur,

A a

locis

locis humidis exponat, vel leniter aquis irroret, & dilatabitur, rugæ evanescent, & in pristinum statum redibit, ut impressi characteres sine impedimento legi possint. Nunc modum aperiemus

Quomodo in librorum sectionibus occultentur characteres.

Quum liber optime adligatus, & recisus erit, & nigro colore tinctus, si aperiemus eum, & chartas revolvemus, ut incurvatæ sint, & in obliquum diductæ, poterimus in chartæ extremitatibus scribere, & nostræ mentis conceptum exarare, ubi vero remissus erit, & chartæ suo loco redierint, nil videtur, aut imaginari poterit in eis scriptum, at qui eas literas legere voluerit, in jam dictum modum librum accommodando, literæ fient visibiles. Eodem modo in muscariis scribere poterimus, scilicet quæ in rugas contrahuntur, & mox diducuntur. Si necesse fuerit, poterimus

Lusoriis chartis idem efficere.

Ibi enim optime scribi potest, præsertim lusoriis, si rito ordine eas accommodaveris, ut altera alteram sequatur, & rectæ, inversæque sint inter eas. Ubi eas simul composueris, & accommodaveris, in cæsuris omnia scribere poterimus, ubi eas postmodum permiscueris, & invertes, nil prorsus pristini scripti retinebit, sed solum inordinata puncta curiosius spectanti videbuntur. At qui eas legere concupierit, in ordinem redigendo, puncta & literæ coibunt, & omnia optime legentur. Possumus & in alarum pennis columbarum, aliarumque albarum avium describere, eas sursum invertendo: nam ubi ad solum locum redierint, nil ostendent. Sed si ad pristinum modum diductæ, literas perleges, quod non parum utilitatis afferre poterit iis, qui pro internunciis eis utentur. Extat modus

Ut quis in ligno characteres abscondat.

Poterit quisque inopinabilis fraude in ligno characteres imprimere, qui non conspiciantur, nisi quum voluerimus. Sit lignum carnosum & molle, populneum, tiliaceum, vel hujusmodi: & ferreis typis illis, quibus typogra-

pographi, quum in macribus æneis literas imprimunt, vulgo *ponzones* vocantur: literas supra lignum imprimemus semidigitali profunditate: mox doletur lignum dolabra fabrorum lignariorum ad profunditatem impressorum characterum, at ubi omnia explanata, & exæquata fuerint, amico mittes baculum, aut tabulam rei gnaro, qui lignum aquis immergens, tumens lignum foras eminebit, quod ictu fuerat contractum, & literæ conspicuæ fient exterius prominentes. Id enim vasis ligneis torno expolitis exequi poterimus, si ubi circum tornati fuerint, literas imprimemus, ac lenuo torno reddemus: expolitum, & amico missum, si aquis immerget, &c.

CAPUT VI.

Quibus locis epistola occludi possint.

DE epistolis sermo erit, quibus locis occludi possint, ne suspicionem fraudis inducant, de tabellariis postremo dicturi: exempla adducemus, quæ in veterum historiis legimus, & quid boni ex illis addiscere licuit. Primo

Quomodo epistola in ligno celari possint.

Occurrit Theophrasti sententia, in qua is admonet, inciso viridis & adhuc virentis ligni cortice, & intus tantum evacuato, quantum epistolas capere possint, & postmodum alligato, illud justis temporis lapsu natura cum literis occlusum remanere. In hunc modum ille religiosus ex hominum industria præceptionibus ligno inclusis, admiratos populos trahi posse meminit. Sed hoc ex Theophrasto potius ad rei similitudinem induxi, quam ut ad præsens remedium facere posse admonerem, diurni siquidem temporis, ad id, successionem opus esset. Potest hoc tamen recte in sicco ligno, velut abiete quilibet in hunc modum non incommode imitari, communi albo glutine rimis coalescentibus. Etiam

In bellariis epistolas celare

Consuevere majores nostri. Polycrates forminx astum commemorabimus, ea siquidem dum in Milesiorum castris patrium, & solemne festum ageretur, omnibus fo-

nino, vinoque oppressis, nocta temporis opportunitatem, ut id fratribus nunciaret, id perfecit. Diognerum Erythræorum Ducem rogavit, ut sibi aliquam bellariorum partem liceret ad fratres transmittere, quo permittente, plumbeo libello in placentam coniecto, mandavit ferenti, fratribus suo nomine diceret, ut eam ipsi soli comederent, quod quum ille retulisset, fratres aperta placenta, libellum, qui erat inclusus, repperunt, & quod in ea scriptum erat exequuti sunt. armis per noctem hostes festo inebriatos, & sine cura confopitos adorti, & vori compotes effecti. Soliti sunt etiam majores

Epistolas animalibus includere.

Harpagus, ut Herodotus ait, literas in exenterato lepore inclusas, simulato pastoris, venata ad Cyrum misit. Idem fere effecit

Epistolas vestibus occludere.

Commoditatemque præstabant indumentorum latebræ, ut suspicio eviteretur, & in sinu, & pedum soleis furtim gestentur. In hoc propositum Ovidius sic in arte amandi.

*Conscia quem possit scriptas portare tabellas,
Quas tegat in tepido fascia lata sinis.
Quum possit solea chartas celare ligatas,
Et vincto blandas sub pede ferre notas?*

Epistolas baltheo celare

Campani consueverunt, dum aliqua Pœnis nunciare quærerent, & undique à Romanis, à quibus obsessi erant, custodiæ agerentur, ornatum quendam virum pro transfuga miserunt, qui occultam baltheo epistolam habens, simulata fugiendi occasione, ad Pœnos pertulit. Alii vero aliter interioribus vaginarum inscriptis nuncios destinaverunt, & rem indetecto dolo indicarunt. Nos autem solemus hac tempestate

Animalium visceribus epistolas occultare,

Nempe aliquo esculento involatas, cani, vel alteri animali glutiendas præbemus, ut ex ejus postmodum intercepti visceribus nuncius exigatur, nec quicquam de-

manus

munum præteritur, quod eam cautionem facere possit. Hujusmodi itaque Harpagi factum occurrit. Is, Herodoto authore, Cyro occultum animi consilium proditurus, quum hoc impeditis itineribus aliter non posset, fidissimo domestico, venatoris habitum mentito, & leporem habenti, in quo exenterato tabellæ includebantur, in Persidem perferendas tradidit. Solemus etiam hoc tempore

Epistolas lapidi includere.

Silicei lapides æneis pilis tenuissime tunduntur, & incerniculo cribrantur, mox æneo lebere liquefactæ, colophonix, scilicet singulis lapidis libris binæ uncix colophonix, pulvis addatur, & remisceantur, epistolas in plumbeis lamellis clausas in medio mixturæ condas, & offam in sacculo lineo inde, & constringe, ut in pilam conglobetur, post in frigidam aquam immerge, & durefcet, & filex videbitur.

CAPUT VII.

Quibus clandestinis nunciis uti possimus.

EADEM majorum cura in tabellariis dolum perquisivit, scilicet & hominibus aliorum habitum mentitis, & animalibus usi sunt. Siquidem

Canum habitum mentiri

Vasrum Iosippi consilium fuit, cujus jussu internuntii velleribus contexti; custodum & excubantium manus, neglecti, loca præteribant, ut si quando conspici possent, canum similitudinem mentirentur, quod factitatum est; donec eam fraudem vigiles persenserunt, vallemque cinxerunt. Nec satis hoc humanæ curiositati fuit, nisi etiam sibi de itineribus consuleret, ne nuntii in custodum, & interceptorum manus pervenirent. Quare terrestri relicto itinere, suam etiam flumina viam præbuerunt. Sed ne interim scriptum aquis posset aboleri, Frontino authore, plumbeis lamellis in scriptis ad brachia alligatis milites Saltellam amnem tranantes, usi sunt. Lucullus vero, ut idem Frontinus refert, ut Cyzicenis à Mithridate obsessis suum adventum indicaret, impeditis hostium præsidio faucibus, quæ modico pon-

te continenti jungebantur, maritimum iter quæsit. Gregarius siquidem miles ad id destinatus, inflatus duobus utribus insidens, ubi literæ includebantur, duabus regulis inclusis, simulata marinæ beluæ specie, per septem milia flumine trajecto, Ducis adventum nunciavit. Sic etiam

Sagittis pro tabellariis uti

Soliti sunt. Sed ne id quidem satis esse visum est, verita enim hominis solertia, ne aut dolo, aut casu aliquo nuncius intercipi possit, & veritas sponte proderetur, aut res tormentis ageretur, ut ea possit extorqueri, viam etiam in aere quæsit interdum, & sagittis nonnunquam, quibus tabellariorum vicariis usa est, ut ea adversus interceptores per cælum securitatem præstaret. in eum modum, ut Herodotus ait, ab Artabazo, & Timoxeno factum est, quoties alter alteri quicquam vellet nunciare, charta siquidem pedi sagittæ complicata, aptatis insuper pennis, ad constitutum locum cum sagitta mittebatur. Huc pertinet Cleonymi Lacedæmoniorum Regis exemplum. Hic Trœzenem urbem obsidens, ad multas urbis partes undique expeditos jaculatores dispositos mittere sagittas iussit, eis inscribens: Venio, ut civitatem in libertatem asseram. Unde evenit, ut appositis scalis conscendens exercitus mœnia, civitatem everteret, & diriperet. Cæsar vero audiens Ciceronem à Gallis obsessum oppugnationem ferre diutius non posse, militem misit, qui noctu epistolam jaculo alligatam supra murum emitteret, quod quum is fecisset, repertam epistolam cum sagitta ad Ciceronem custodes attulerint. In eâ hæc verba notabantur: Cæsar Ciceroni fiduciam optat, expecta auxilium. Sic repente Cæsar venit, & intercisâ oppugnatione hostes reppulit. Nos tutius, & commodius hoc tempore tormentorum sclopis faciemus. Si res nuncianda paucis verbis continebitur, poterimus manualium tormentorum sclopis emittere, scilicet complicatam papyrum in loculum inmissam, ubi plumbeæ pilæ formantur, supra plumbum liquefactum, sed non adurens, mittimus & convolu.

volutam papyrum plúmbo , pyrio pulvere per aera mittimus. Sed quia parvæ sunt , die multas emittere poterimus. Modum solvendi pilam , vel paucò igne , vel in hydrargyrum immisâ , paucò temporis curriculo solvetur , & papyrus intacta manet. Docebimus tandem

Columbis internunciis uti.

Et nuncios per aves præstabimus , & ad ejusmodi munus hirundines , columbas , coturnices , & alias aves pro internunciis habere possumus. hæ siquidem alio , quæries necesse sit , translatae , suspensis collo literis , vel pedibus annexis , internuntiæ revertuntur : & his nunciis , quum celeriter aliquid significandum erat , interdum vernitas nra est. Hircius consul , Frontino teste , ad Decimum Brutum , qui Mutinæ ab Antonio obsidebatur , columbas diu tenebris inclusas , fameque affectas è propinquiore , quatenus poterat , mœnibus loco emittebat , illæ lucis , & cibi avidæ , altissimis ædificiorum partibus evolantes insidebant , easque Brutus excipiebat , sicque de rebus gestis certior fiebat , quare disposito semper locis iisdem cibo revocabat eas. Hinc Plinius: Nihil valitum , & vigil obsidio , atque retia amne prætenta profuere Antonio , per cælum ente nuncio. Ea ratione uno eodemque die ex Olympia Æginæ Taurosthenis victoria ipsius parenti nunciata est , quamvis alii perspectum effectum asserant , alii etiam aliter Taurosthenem quum proficisceretur columbam à pullis adhuc madidis , & involucris abduxisse , eamque quum vicisset , purpura amictam remisisse , quæ summa cum festinatione ad pullos properans , eodem die è Pisa in Æginam advolavit , cujus rei Ælianus author est. Nec desunt qui id hirundinibus quæsierunt , ut è nidis abductas , pullis relictis , ad domesticas remitterent. Asserunt etiam nonnulli trans mare ad ortum columbas esse , quæ per medios hostes , interclusa via , nunciorum officio fungentes , dominorum literas sub alis brevi tempore longissime deportent. Quod fortasse Juvenalis sensit , quum diceret:

„Tanquam è diversis partibus orbis

Anxia præcipiti venisset epistola penna.

Memoriæ etiam in vetustissimis historiarum monumentis proditum est, Ægyptium Regem fuisse Marrhem nomine, qui cornicem mitem, ac omnino cicurem educaverat, qua pterophori & cursoris vice, quoties aliquid nunciandum erat, utebatur. ea siquidem, ceu plane rationis compos epistolam gestans, quo opus erat transvolabat, callide noscens, quo dirigendus impetus, ubi insidendum, & interdum quiescendum foret. Hæc humanum ingenium ad cavenda pericula sibi solertius quæsit, sed eadem ingenii calliditate, quasi suis semet telis confodiendis irritatur. Oppugnante Christiano exercitu Ptolemaidem, quum in hunc modum nunciam columbam obsessis Saladinus destinasset, hortatus ut firmo animo forent, sperata sui adventus festinatione, cū à nostris intercepta est, contrario alligato nuncio dimissa, unde evenit, ut desperato illi auxilio, nihil amplius expectarent, sui deditiōem facerent, ut nullo modo in rebus humanis securitatem, sed fraudem esse posse existimarent. Themistius ait, inter animalia columbæ memoria valent, ut quibus purgata, & absoluta mens sit: ob id etsi omnia alia animalia ad suos filios confugiant ab eis abstracta, nemo tamen si longius exportetur, memoria falsum, reverti possit. De columbis experimentum vidimus. Quum fere è villa revertetur famulus, pipiones à matribus abstractos, & pallio obvelutos mecum domi attulit, & quum noctu domum pervenissemus, in domicilio clausi, die orto, è fenestris evolarunt, atque è longinquo rus conspicati, arrepto volatu, uno oculi ictu ad suum locum se receperunt. Ob id in Genesi Noe columbam misit, & rediit, corvus non redit: corvus enim caret memoria. Dignum relatu ex Plutarchi monumentis me legisse memini, per columbam ex arca missam in diluvio Deucalioneo præbuisse subsidentiā aquarum cessantis hyemis. Idem præstant animalia recenter enixa.

CAPUT VIII.

*Quomodo nuncii mittendi, qui neque se epistolas ferre
sciant, nec in eis reperiri possint.*

FUIT & alia imperscrutabilis techna Majorum nostrorum, barbarico astu excogitata, cujus Herodotus sub persona Hestiaz authoris meminit. Is imperante Dario in terra Asia, non ignobili loco natus, quum in Perside apud Regem ageret, & Aristagoræ, ut ab eo deficeret, vellet furtivo scripto nunciare, veritus ne, si non accurate nuncium misisset, res prodita maximum sibi periculum afferret, hujusmodi astum comminiscitur. Servo suo din oculorum ægitudine laboranti, capillum ex capite, tanquam medicari voluisset, deradit, & ejus capiti atramento levi literarum formas impressit, quibus id ipsum, quod nunciare in animum induxerat, scriptum erat: secum deinde donec capilli renascerentur, domi retinet, quod ubi factum est, illum ad Aristagoram dimisit, jubens, quum ad eum venisset, illum admoneret, ut quemadmodum ille nuper fecerat, sibi caput deraderet: servus quum Miletum ad Aristagoram venisset, domini jussus memor, Aristagoræ rem significat; ille rem frustra non fore, ut erat, ratus, commissum exequitur, sic nuncium percepit. Hæc prisca commenta ad mittendos nuncios adinveneruat, sed neque illud satis tutum esse potest, ut derasis capillis capiti inscribantur literæ; siquidem sudore, cui caput est obnoxium, facile possunt aboleri. Quod si acu etiam cutis perferetur, ne hoc quidem satis ad suspicionem sufficiet, si is, qui inscriptionem gerit, intercipitur: tum enim diligentissima sit inquisitio, metus & necessitas vigilantiam præstant, nec prius satis sibi factum putant, quam cuncta penitus, quibus veritas eruatur, exquisierint. Nunc sollicitationibus quærentur illicia, nunc minis terror incutitur, quod si hæc parum profint, supplicii, & tormentis res agitur: at si ne hoc quidem prodest, ne interim literæ furtim perferantur, non solum caligæ & soles perquiri solent, vestes eximi, & futuræ dissolvi, sed ne à visceribus quidem perscrutandis abstinetur, tantum abest, ut illi ab inquisitione intactum caput relinquatur.

Sed nos possumus epistolas mittere, & scribere loco etiam, ut non possit ab aliis, nisi iis, quibus literæ destinantur, intelligi, & qui eas fert ad quamcunque distantiam, & si nuncius in via comprehensus fuerit, & interrogatus per tormenta, nil possit fateri, quia nihil ei penitus constat, & epistola semper manebit occulta. Nec tempus, aut itineris labor characteres abolebit, nec refert, si lator per mare, flumina transeat, pluviiis, aut ab ipso sudore aboleri. Quanti id referat Principibus cogitandum relinquimus, quum ii præcipue necesse habeant, qui obsessis amicis aliqua nunciare velint, quum plerumque ex uno nuncio victoria pendeat civitatis, vel exercitus. Sed priscorum inventio partim bona, partim mala fuit, literas capiti impresserunt, quas ipse legere non poterat, nec aqua, aut sudore ablui poterant, quia impressæ erant capiti, & capillorum excretionem erant inconspicuæ. Et ut nesciret nuncius quid capiti inscriberetur, occasionem ceperunt, quod oculis laboraret, remedium aliquod facere, quod ei salutem laturum esset, ne conscium doli redderent. Sed dolus haud securus videtur, poterat enim aliquid doli suspectus capillos deradere, & fraudem detegere. Præterea si cito nuncius esset mittendus, quomodo fieri poterat, ut per mensem dum capilli ex crescerent, expectandum esset, & quum puncturis literæ imprimerentur, quo modo ex dolore fraudis conscius, non reddebatur? Sed videamus quomodo poterat Histæus

Literas capiti indelebiles facere,

Cutem vulnerando acu punctim, aut novacula cutem aperiendo, injecto combustæ colophonix pulvere, ita enim solemus mancipiis dominorum suorum literas faciebatur indelebiles imprimere, quæ tempore virides apparent. Fiunt &

Litera intercutanea, & indelebiles membro quovis.

Sic cito expedit. Cantharides naturalis diei curriculo, valida aqua, vel citius auri separationis madeant, inde graphio, vel apto stylo in summa cute brachii, vel alterius membri characteres effigiabis, læsa humore caro infla-

inflatas surgit in vesiculas, exulceraturque, sic acris vestigia aquæ vi albas cicatrices perpetuo emarginat ævo, & nunquam evanescentibus literis membrum insignitur. Et id melius Histiaei secreto, nam & sub capillis legi non possunt, quum albæ & lacteæ conspiciantur. At si velimus ut non perpetuo inhæreant, sed per aliquos dies immorentur, multis modis efficiemus. Aqua fortis si argentum, vel æs exederit, & eo literas in cute exarabis, per multos dies conspicuæ erunt. Eodem modo eveniet mellis oleo. Docebimus tandem

Quomodo quis literas ferat indelebiles & inconspicuas, quas non ferre sciat, & visibiles quum opus fuerit.

Id eveniet si dorso tabellarii literæ describantur, quod ipse ignoret, idque præstabimus, somnifero aliquo, ut ipse profundo detineatur somno, dum scribantur, & resiccentur: somniferis liber scaret, resiccatae literæ penitus inconspicuæ fiunt. Quod etiam antiquis notum fuit, Ovidius:

Caverit hoc custos, pro charta conscia tergum.

Præbeat, inque suo corpore verba ferat.

Sed videamus num aliquo liquore scribi possit super carnes, ut per aquas flumina tranando, pluviis, & sudore indelebiles persistant, & mox inspargendo pulverem, aut liquorem literæ fiant conspicuæ. Fit in dorso scriptura, quæ per loturam cujusdam humoris duntaxat visibilis, quam penetrare nemo poterit, nisi qui secretum penitus cognoverit. Vitriolo aqua dissoluta ubi scriptum sit, ex decocto gallarum fit visibilis. Si acnatur, penetrabit cutem, & fient indelebiles literæ, uti possumus ejus oleo. Sal ammoniacus cum calce, sive sapone cæruleum colorem inducit. Si lithargyrii oleo detergantur, lacteæ videbuntur, cum vitæ aqua, vel ejus compare aceto distillato, & aqua salis.

CAPUT IX.

Quomodo characteres fieri possint, qui constitutis diebus è papyro evanescant.

TENTABIMUS investigare quomodo literæ in papyro, vel aliis locis fiant, quæ statim diebus evanescant,

& aliæ invisibiles, quæ statis diebus appareant, quibus non solum pro furtivis notis, sed aliis usibus nostræ vitæ necessariis uti poterimus. Sed evanescentes literæ duobus modis evenire possunt, vel forti aqua papyrum corrorente, vel liquoribus evanescentibus, ut levi quocunque tactu cadant, ut locum, in quo steterant, etiam immaculatum relinquant. Sed doceamus.

Quomodo fiant characteres papyrum corrodentes.

Si oleum vitrioli nostro atramento immiscemus, vel cum alio colore nigro, paucis diebus papyrum erodendo, vel atramentum ipsum, evanescunt illico literæ, vel mensis tempore, si plus, vel minus olei ingesseris, quod antequam scriptum mittas, periculum facere poteris; si lentius operabitur, plusculum addes olei; si citius, imminues, vel aqua diluito. Idem eveniet si lixivium fortissimum, quod *capitellum* vulgus vocat, atramento immiscueris, nam primo crocæ fiunt: mox evanescunt. Idem oleum *tartari* vocati faciet, vel salis kali, & sodæ, idemque fortis aqua separationis auri faciet, nam literas, & papyrum corrodunt, ut ne vestigia literarum appareant. Si scire aves

Quomodo fiant characteres cito evanescentes.

Aqua vitæ paratur subtilissima, vel caphuræ, & combustis paleis utaris; nam quum tempore expirent, evanescantque literæ, tinctura glutino evanescente decideret. Pulvis è lydio lapide subtilissimo paratur, nam harenaeus facilius separatur à charta, ut ne vestigium lituræ remaneat. Fiunt &

Alio modo.

Demersetur tenuis elimatus chalybs in separationis aquam, pondere jam triplicato, quibus liquidæ picis, vel terebinthinæ resinæ fuligo addatur, ut nigrior fiat, & dolum cooperies, porphyrite teratur, scribe, & consenescentes decident. Hoc silentio prætereundum non putavi, quod maxime præcipuum, & tanquam rei caput est, periculum frequenter capere, ut si diutius in charta commoratur, fortis aquæ plusculum suggerant, & si fueris sedulus, scripturæ non remanebunt vestigia. Sic aliud.

aliud consimile genus habebis. Si sic mentiri satius fuerit. Chrysocolla, ammoniacus sal, & alumen æquali pondere certent inter se, rufa omnia fictili condantur, & acre ex calce parato lixivium, & faucibus excepturi vasis lineo panno obtento, colato, sic igitur parum ebulliat, atramento immisce, & ubi incolumes aliquantulum durabant, jam flaccescente sunt caducæ. Ad usum recondito. Contra vero si vis

*Ut invisibiles literæ post aliquod tempus
visibiles fiant,*

Et ex se ipsis se prodant, aliqua exempla dabimus, ut ex te aliqua possis excogitare. Si succo citriorum, vel aranciorum descripseris supra æs cyprium, vel commune, ac circiter viginti diebus reliqueris, supra locum virides literæ videntur. Idemque multis aliis modis fieri poterit, scilicet sale ammoniaco, si aqua dissolveris, & super æs scripseris, citius locus æruginè vestietur.

CAPUT X.

Quomodo descriptas literas à papyro abstergere possimus.

SI inter ea evenerit, ut è chartis literas abstergere velimus, vel quæ jam deletæ iterum appareant, hoc utemur artificio. Scilicet si velimus

E papyro literas abstergere

Videlicet è pergameno. Accipe aquam fortem, id est separationis auri ab argento, & aliquantulum penicillo supra literas absterge, illico literas abstergit, quæ ex vitriolo & gallis conscriptæ sunt. Si uteris aqua forti, in qua sal ammoniacus liquatus fuerit, citius opus expediet. Sed literas prælo impressas ægrius delebis, quoniam nec chalcantho, nec gallis constet. Vel è sale alchali & sulphure parvis conglobatis orbiculis perfrica, sic erodet, ut ne vestigium remaneat. Sed si aliquid in absterfo loco scribere concupieris, locum prius aqua madefacito, in qua alumen sit dissolutum, sic atramentum non diffunditur. Si

Evanidas literas renovare

Optabis, vel si evanescentes legere quæsieris, gallas vi-

na

no ebullias, ac spongia super eas perline : nam confestim literæ videbuntur , ubi humorem senserint, colorabuntur , & pristinae integritati restituentur.

CAPUT XI.

Quomodo sigillum , & scriptura mentiantur.

IN urbium obsidionibus , & exercitiis , & magnatum negotiis maximo usui esse possunt , literas Ducis manu obsignatas , ac sigillo proprio munitas referare , scire quid contineatur , ac resignare , alias contrarii tenoris scribere , & similia , docebimus quomodo possimus

Sigillum mentiri.

Lique scat sulphur , & in liquidum projice cernissam pulveratam , misturam hanc supra sigillum impone, sed circummunias vel papyro , vel cera , aut creta, & comprime frigefactum amove, & in eo typum sigilli habebis. Idem etiam præstabis alio modo. Repleatur olla fictilis aceto , intro vitriolum conjicito, & plusculum æruginis, ac in bullas efferves cere finito , intus laminas ferreas immerge , paululo temporis elapso tolle , & ab superficie cultro abra de situm quendam , quem contrahit, quasi lutulentum , & in subjectam patinam serva , summerge iterum in ollam, alteram cape, eodemque modo abra de , & sic quousque hujus crassamenti aliquam partem habueris : in hoc argentum vivum projice , & malagma confice , quod dum molle , & tenerum est, supra sigillum comprime , & sub dio finito , nam adeo dure scit , ut facillime literas sigillo imprimere possis , ut fere metallum evadat. Possimus & alio modo idem efficere. Recipe chalybis scobem , & fictili vase igne duro appone , adderes , quæ fusionem accelerant , & liquefactum projice in cavum locum , ænea pila terito , quia facile fiet , & sic ter , quater facito , mox pulverato , & argentum vivum cum eo remisceto , & in olla vitro sublita bulliat per diei quadrantem , usque donec sit optime remistum , tandem imprime in eo sigillum & refrigerari finito , & durissimum evadet. Possibile erit :

Magnum sigillum coarctare.

Si evenierit aliquando , ut minori sigillo indigeamus, hoc modo faciendum. Sumito icthiocollam , solve in aquam , perline typum oleo , ne glutino adhærescat, cera sigillum circunda , ne diffuat materia , icthiocollam igni appone , & liquefacito , projice supra typum , post tres horas ubi refrixerit, amove, & resiccati curato, nam sigillum quum siccescit , in minorem formam contrahitur mepsurate. Si vis

Scribentis formam imitari

Ita facito , aperi epistolam supra speculum vitreum, cui desit bracteola , supra epistolam pone albam chartam , sub vitro lumen , atramentum tempera ad similitudinem scripti , & supra apparentes characterum ductus lineas ducito. Possimus

Epistolas referare, & claudere sine suspitione.

Nostro more clauduntur epistolæ, supra inducta papyro, quæ ex una parte literam penetrat , ex alia supra transitum inducitur cera , & sigillo comprimitur. Ita epistolam referabis , rumpe partem illam papyri superinductæ loco , ubi pertransit epistolam , & perforatur, illico referatur epistola , legito ac denuo claudito, & papyrum præruptam suo foramine accommoda , linita prius fissura ex gummi *tragacanthæ* in aqua soluto , nam adeo charta glutinatur , ut fortior eo loco sit, quam aliis, pondusculo comprime , dum siccescat , fraus detegi non potest , quia gluten album est, nec à chartæ colore dignoscitur.

CAPUT XII.

Quomodo longe loqui possis.

MULTI sunt modi , quibus etiam longissime cum amicis absentibus loqui possimus , aut carceribus occlusis , aut urbibus tuto , & sine aliqua suspitione , ut dicemus : nunc duo declarantur , aut voce in apertum reflexa , aut per tubum. Possimus

Voce in apertum delata significare con-

sciis aliqua,

Mirum profecto dictu , ut sicut lumen , ita etiam vocem ad

ad parem angulum reflecti, quomodo id speculo fieri possit dicemus: quo vero modo per muros rectos, aut circulares loqui possimus fere vulgare est. Vox ex ore prolata per aera incedit, si circa murum uniformem, incorrupta incedit, si libera, obicemuro reflectitur & auditur, ut in echo apparet. Nos per circulare ædificium satis longum, & lævigatum amico longe audienti verba circa parietem protulimus, quæ incorrupta ad amici aures pervenerunt, ut qui in medio steterant, nec labiorum motus perceperant, & audiebamus quæ amicus dicebat. Mane cum per oras littoris ambularem, audiebam quæ plus miliare distantes amici in cymbula loquebantur, placidum erat mare, & fere immotum, & verba per planam superficiem aperta progrediebantur. Audio Mantuæ, aliisque locis aulam ex ædificatam, ut qui quidem angulo loquitur, auditur à rei conscio existenti in altero, nil percipientibus iis, qui in medio steterant. Sed tutius & clarius

Per tubum amicis omnia significare.

Poterimus. sit tubus fictilis, sed melior plumbeus, vel ex aliqua materia optime clausus, ne vox longitudine exinaniatur. nam quicquid loqueris ex una parte, vox incorrupta integra, ut ex ore loquentis prodiit, ita ad alterius aures pervenit, quod etiam per aliquot miliaria fieri posse non dubito. Vox non divulsa, non dissipata per longissimum intervallum fertur integra. Nos per bis centum passus experti sumus, quum alia commoditas non daretur, & verba ita aperta & clara exaudiebantur, ut per os loquentis prolata erant. Ex hoc in animum induxi, verba in itinere prolata tubis plumbeis intercipere, & sic, quousque placuerit, conclusa tenere, ut quum foramen aperiretur, verba exilirent. Videmus enim tempore ferri sonitus, & per tubum delatos concludi in medio posse: & si tubus longissimus commoditatem tolleretur, per reflexos ductus parvo loco multos canales concludere. Legimus ab Alberto fictile caput fabricatum, quod suo tempore loqueretur, sed hoc artificio idem efficere sperarem, sed de his periculum non fecimus.

mus, nisi quod diximus: audivimus autem ab amicis, amantes diu clam simul allocutos per plumbenum tubum, ex eorum ædibus longe distantibus.

CAPUT XIII.

Noctu igne, interdiu vero pulvere posse significare.

RESTAT ut modum indicemus ecquid noctu igne, & interdiu pulvere rerum nostrarum edere significationem possimus. Id autem duplici ratione potest evenire, vel igne aliquid ex improvviso amicis consciis demonstramus, vel quoties libuerit facum numeris, literas ad res denotandas opportunas ostendimus, ut longe videntes, motus & numeros annotantes sentiant. De primo modo legitur Medeam si Peliam occidisset, Argonautis promississe è specula se noctu igne, die vero fumo illud nunciaturam. Res itaque quum ex voto successisset, Lunæ votum persolvere simulantem igne facto, accensis lampadibus sub dio, è fastigio, ut erat pollicita, significationem dedisse, talique nuncio excepto Argonautas regiam invalisse, occisisque custodibus, voti illam compotem effectam. Legitur & Magam occupato Paretonio ut facem amicam sub vespere, atque iterum summo mane eandem tollerent, cum speculatoribus composuisse, eaque ratione significationem factam esse, ut nuncius eo usque, ubi Clius est, processerit. Amicis etiam extra civitatem degentibus reditus, & annonæ qualitas prodente igne potest nunciari. Constat hac arte Annibalem, ut à Polybio proditum, quum Agrigentini à Romanis obsiderentur, multis, crebrisque per noctem ignibus, intolerabilem exercitus famem indicasse, eaque de causa multos ex sociis annonæ penuria ad hostes defecisse. Cum Sinone etiam Argivi pepigerunt, noctu, Trojanis semino solutis, ad Trojam accedentes signum daturum, ut qui laxatis claustris inclusos milites exponeret. Unde Maro:

„*Flammas, cum regia puppis
Extulcrat, fatisque Deum defensus iniquis
Inclusos utero Danaos, & pinea furtim
Laxat claustra Sinon.*

Possunt

Possunt & facum indicio literæ demonstrari, quod à Polybio codice manuscripto est traditum. Edendi signa vel turrium fastigia, aliave editiora hujusmodi loca, ut faces prospici possint, commodum præstabunt. Literæ bifariam, seu trifariam dividantur, ut undenæ, vel septenæ cujusque partes sint. Si erunt septenæ, primæ singulis, alteræ binis, tertiæ ternis facibus demonstrantur. Potest & quadrifariam numerus dividi, verum in earum ostensione, motus varietatem attendere debemus: nam una semel erecta, vel ostensa A demonstrabit, eadem bis B. ter C. sic septies postremam primi ordinis G. Postmodum binæ semel H. totidem bis I. ter L. indicabunt, sic & de reliquis ejusdem ordinis. Tum Q ternis semel, R iisdem bis, demum S. ter totidem intimabitur, sic & de quatuor dicendum. In hunc modum mulier è specula ternis luminibus quinquies ostensis, mox binis bis, tum ternis bis. Rursus vero uno semel, eodem quater, postmodum quinquies ternis, deinde ter, totidem quater, *vir adest*, significabit. Possunt & lumina variè colorata ostendi, si amici propinqui fuerint. Possumus & fumo inimicorum adventum significare, vel aliud quippiam. Unde factum est, ut Amilcaris dolo Arigentini inter inimicos persequendum longius ab urbe distracti, in insidiaria loca contextis hostibus, incensæque sylva magnam cladem paterentur; ii siquidem fumo, quem à mœnibus surgere existimabant, rati se à domesticis revocari, quum se converso cursu ad urbem reciperent, Amilcare Duce, insequentibus Pœnis, qui prius fugerant, trucidati sunt.

LIBER.

LIBER DECIMUS SEPTIMUS.

In quo uistoria specula, & mirabiles eorum uisiones proponuntur.

P R O O E M I U M.

NAM ad mathematicas scientias deuentum est, exigit locus, ut catoptrica tradantur experimenta: renident enim inter Geometrica, ingeniositate, mirabilitate, utilitateque. Quid enim ingeniosius excogitari potuit, ut imaginariis animi conceptionibus certissima experimenta subsequerentur? & mathematicarum demonstrationum vera fides etiam ocularibus experimentis comprobaretur? Quid mirabilius uideri poterit, quam ut reciprocis reflexionum ictibus extrorsum imagines in aere pendula uiderentur, at nec uisile, nec speculum spectentur? ut non speculorum re-percussus, sed spectra, & praestigia uideri possint? Uistoria specula non in radiorum coincidentia, sed in longissima distantia, non uisiones, sed terrificos ignes & fulgura jaculari. In bellicis expeditionibus ne dicam aliis in rebus utilissima. Legitur Archimede[m] Syracusis comburentibus speculis Romanorum vires frustra-
se, & Ptolemaeum Regem in Pharo turrim construxisse, in qua speculum constituerat, ut per sexcenta millia passuum hostium naves, quae suas regiones invaderent, & depraedarentur conspexisset. Addemus & specilla, quibus lusciosi longe etiam remotissimo intervallo perfectissime omnino contueantur. Et si multa & magna veneranda antiquitas excogitasse uisa est, nos maiora, angustiora, illustrimaeque trademus, nec parum ad opticam scientiam aspirantibus profutura, ut sublimiora ingenia in infinitum ea possint propagare. Tandem crystallina, & metallica specula effingere, & perpolire demonstrabimus.

C A.

CAPUT I.

Speculi plani varia apparitiones.

A PLANIS speculis incipiemus, simpliciora enim sunt, & minus operosæ speculationes, etsi ejus apparitiones fere vulgares, sunt enim sequentibus usui futuræ, & secretas admiscebimus. Apparentium imaginum varietas, vel ex materia, vel forma speculi eveniet. Crystallum enim clarum, perspicuum esse oportet, & utrinque exacte explanatum; quod si alterum, vel utrumque defuerit, spectra varia, deformia repræsentabunt visui. A materia igitur exordiemur, docebimusque.

Quomodo spectra pallida, crocea, & varie colorata spectanti videantur.

Vitrum in fornace fervens quantulacunque coloris parte defœdatur, si croceum injeceris, spectantis imago iëterica videbitur: si nigrum, lurida deformi pallore spernenda: si plusculum addideris, Æthiopis: si rubrum, ebriosi, excandescentsque, & tandem cujusvis coloris simulachra reddiderit: colores admiscendos in gemmis retulimus. Sæpiissime ejusmodi speculis spectatissimæ formæ mulieribus illusimus, quum inspecta forma non responderet. Sed ex forma quamplurimæ oriuntur variationes, scilicet.

Ut spectantis facies per medium divisa appareat.

Sit superficies illa speculi, quæ oculis objectatur plana exacteque ad libellam explanata, altera retrorsum in ipsius medio retusum angulum explicet, ut in medio elatior pars, in extremis acuta, & depressa, inde bractecola inducatur. Visui igitur procidens imago, ubi lineæ in angulum coeunt, bifida videbitur. Si vis

Ut spectantis facies asinina, canina, vel suilla formam habeat.

Ex loci variatione anguli, & formæ spectata imago varia

tia videbitur. Si pars ea speculi, quæ è regione oris fuerit posita, retro in torulum, vel retusum umbonem prominebit, videbitur os extrorsum porrigi, velut asininum, vel suillum rostrum, si è regione oculorum tumebit, oculi ita extra mitti videntur, ut squillarum appareant, si angulus per speculi longitudinem distenditur, frons nasus & mentum acuti videbuntur, ut caninus rictus. Tandem

Vt tota facies varia & deformis spectetur

Si vis: planum speculum à sua planitie, & rectitudine deficiat, quod ut fiat, ubi speculum jam explanatum fuerit, denno in fornacem redeat, & docta artificum manu volutetur, ut rectitudinem amittat, inde bracteola inducatur. Inde imago ex cava parte speculi cavam partem illam oppositam reddit, sic procidentem, contortam, & introrsum, & extrorsum tumentem porriget. Tandem si in speculi fricatione ex una parte fiat fricatio, specie longa, lataque demonstrabitur, oportet igitur quaquaversum fiant ductus, ut undequaque absolutam faciem ostendat. Doebeimus quoque

Imaginosum speculum construere,

Ut plures imagines, unam post alteram, & varie coloratam ostendat. Speculi corpus solidum ex vitro conficitur, semididigitalis crassitudinis; explaneturque eo modo, ut ex una parte crassities intacta, ex altera vero utriusque superficiei lineæ concurrant, veluti cultri acies acuta. Fiat & altera speculi tabella eodem modo, vel plures, ultimæ bractea stannea inducatur, & unum supra alterum accommodetur, ut tenuior pars unius supra alterius solidiorem accommodetur: sic intuentis facies geminata videbitur, una pone alteram, & infima semper obscuriori coloris. Sic si & tres tabellulas speculi eodem artificio accommodabis, trigemina videbitur imago, & quanto longius spectantis facies à speculo distabit, eo facierum imagines longius separabuntur, sed proprius accedendo, fere in unam concidunt. Si accensam candelam objeceris, multæ simul spectabuntur, quod eveniet ex mutua visus & speculorum recipro-

catio-

catione. Et si speculorum explanatores præsto ad manus non sint, possumus ex vulgaribus speculis idem conficere, unum supra alterum accommodando, sed alternis partibus alterum ab altero distet, inde capsulæ includantur, ne patescat artificium. Nec omittam

Vt literæ parieti longe remoto legenda jaculentur.

Quod eodem plano speculo præstabimus, & amantes longius distracti, clanculo loqui poterunt. In superficie plani speculi nigro atramento, vel cera literæ solidiuscule figurentur, ita ut speculi fulgor intercipiatur, obnubileturque, speculum claro solis lumini objectetur, taliter ut reflexi è speculo procidentes radii in cubiculi opposito pariete jaculentur, non dubium sane est, quin fulgor, & literæ in pariete conspiciantur, Solis illuminatione pars, characterum minus spectata, ut clare nuntiata conspiciantur.

C A P U T II.

Alia plani speculi illusiones.

Nunc alias subdimus plani speculi operationes, à majoribus descriptas, ne quid omissum videretur, & sic locupletatæ, & ad normam redactæ, ut facile confici possint. Exordiemur igitur

Vt planis speculis caput deorsum, pedes sursum videantur.

Si quis planis speculis sursum pedes, caput vero deorsum spectare cupierit, (quamquam id repræsentare concavorum proprium sit) planis tamen sic efficere conabimur. Specula bina secundum eorum longitudinem collocabis, ut simul hæreant, ne hinc inde agiler dimoveri possint, rectumque efficiant angulum. ubi rite paratum fuerit, secundum longitudinis coherentiam faciei opponatur, ut in uno media, in altero reliqua videatur facies, tunc speculum lævo, vel dextro inclinabis latere, rectius inspectando, & caput intorqueri videbitur; quum secundum eorum latitudinem faciem dissecabunt, fiet imago hujusmodi, ut caput infra, pedes vero sursum locati videantur, quod si amplum fuerit, totus specta-

spectabitur inversus homo. Id autem ex mutua, & multiplici evenit reflexione, ex uno enim in aliud resilit, ut obversum videatur. Sic poterimus

Speculum è planis multividum construere.

Speculum construitur, quod polyphaton, id est, multorum visibilium dicitur, illud enim aperiendo, & claudendo, solius digiti viginti, & plura demonstrat simulachra. Sic igitur id parabis. Ærea duo specula, vel crystallina rectangula super basim eandem erigantur, sintque in hemiolia proportionem, vel alia, & secundum longitudinis latus unum simul colligentur, ut libri instar apte claudi, & aperiri possint, & anguli diversentur, qualia Venetiis factitari solent: faciem enim unam obiciens, in utroque plura cernes ora, & hoc quanto arctius clausuris, minorique fuerint angulo, aperiendo autem minuentur, & obtusiori cernes angulo, pauciora numero conspicientur. Sic digitum ostendens, non nisi digitos cernes, dextra insuper dextra, & sinistra sinistra convisuntur, quod speculis contrarium est, mutuaque id evenit reflexione, & pulsatione, unde imaginum vicissitudo. Possumus

Speculum è planis componere, in quo imago una veniens, in altero recedens conspiciatur.

Plana duo sumas specula, quorum longitudo latitudini dupla, vel sesquialtera erit, & id commoditatis gratia: nil enim eorum refert proportio: sint tamen longitudinis ejusdem, & paria, & super stylum invicem inclinata uniantur, eriganturque super planum aliquod perpendiculariter: unde super mobile latus fixa moveantur specula, non dubium sane est, quin & in uno accedere & regredi in altero inspicias, & quanto hæc appropinquabitur, elongabitur illa tanto, ut simul in hoc veniens, in altero discedens videatur. Evenit etiam

Vt speculis planis ea cernantur, quæ longe, & in aliis locis geruntur.

Sic sane poterit quis occulte, & sine suspitione ea intruere, quæ longe, & alienis in locis geruntur, quod aliter fieri non posset: sedulus tamen esto in speculorum situ,

situ. Statuatur in domicilio locus, vel alibi, quo aliquid spectare libeat, & è fenestraz, & foraminis regione speculum accommodetur, quod faciem tuam spectet, & bene erectum si fuerit opus, vel parietibus figatur, undique movendo, & inclinando, quousque quæsitum imaginetur locum; quod oculos admovendo, & accedendo assequeris, & si arduum fuerit, dioptra, vel alio instrumento minime falles, & super lineam perpendiculariter erigatur, angulum secantem, & reflexionis, & incidentiæ linearum, & ea intueberis, quæ loco illo geruntur, & clare. Sic & in diversis eveniet locis. Hinc evenit, quod si uno minus fuerit commodum speculo, idem pluribus spectare poteris, vel si distantia nimia visile deperdatur, vel parietibus, & montibus interjectis dirimatur. Speculum super accommodabis, ex alterius regione super lineam rectam, quæ angulum dividat rectum, sin aliter, nentiquam id eveniet, & locum conspicias optatum. unum enim in aliud imaginem remittens, per decem, & multis elisa imago, oculo evolat, eaque cernes, quæ primum offenderint, dum imago per rectas profertur lineas, nec locorum, vel parietum anfractu cohibetur visile, facilisque fuerit constructio. Sic sæpe simulachra transferre consuevimus. At si aliter fastigiosum aliquod, vel erectum spectare quæsieris, quod nentiquam visus cernere poterit: secundum longitudinem bina adjunges specula, ut diximus, & ligno, vel parietis culmine firmetur alterum, ut prominat, & rem habeat objectam, reliquum vero funi, ut apte dimoveri possit, quando libuerit, & cum primo nunc obtusum, nunc acutum causet angulum, uti usus expostularit, dum visæ rei lineæ, secundi speculi medio visui refringatur, & incidentiæ, & reflexionis pares sint anguli, & si alia videre quæris, erige, si infirma, deprime, donec refringatur visui, tum demum spectabitur. Si manibus alterum habebis, inspecto illo, facilins eveniet. Traditur etiam

Speculum quomodo constituatur, ut nil imaginetur nisi quæ volueris.

Constituatur sic quoque speculum, ut eo inspecto, aliquis ima-

imagine non visa sua, alienam videat rei speciem; nec undique circumspectam. Planum speculum in pariete firmabis super planum . perpendiculariter erectum , & sub notam anguli portionem capite inclinetur , è regione cuius parietem scindas, sub certam picturæ, vel idoli alicujus quantitatem , eamque ei apponas secundum portionis quantitatem . ac operias , ut spectantem lateat (& res mirabilior videbitur) nec ad illud accedere possit: speculum constituto loco imaginem refringeret, ut visu & visibili per speculum ictus fiat reciprocus , & ibi loceretur oculus , quem locum reperiens , ut superius docui. Incedens ergo spectator , nec sui imaginem , nec quicquam cerneret unquam, quum ei opponitur , & ad statutum pervenerit locum , picturæ vel alterius rei simulachrum cerneret , quod nec alibi spectare valet. Scies tandem

Speculum quomodo constituatur è planis, quo imaginem in aëre volitantem aspicias.

Nec erit minoris constructionis , & voluptatis speculum, quod homines volitantes ostendat. Si quis id assequi velit , facilis sic fiet constructio. Pina jungantur ligna , ut gnomonis figuram imitentur, & fixa undequaque constituent angulum , ut orthogonii trianguli , & Isoscelis figuram habeant, firmeretur inde in unoquoque pede speculum magnum unum, æque sibi è regione adversans, & æque ab angulo distans , prosternatur eorum alterum , jaceatque, quorum medio locetur spectator è terra elevatus aliquantulum, ut facilius calcanei formam accedendo, & recedendo cernat , illico enim cernes , si in recta linea te constitues angulum illum secante, sitque horizonti æquidistans. Sic imaginans speculum illud in aliud transverberat, quod spectat intuitor, manus & pedes agitet, & jactet, ut volantes plumigeræ solent: sic videbit suam imaginem in altero volitantem , ut semper moveatur , dummodo è reflexionis loco non faceffat, nam vitaretur.

CAPUT III.

De speculo theatri.

SPECULUM autem è planis compactum, cui si unum spectabile demonstrabitur, plura illius rei simulachra demonstrabit, prudens invenit vetustas: ut ex quibusdam Ptolemæi scriptis, quæ circumferuntur, percipitur, demum quod nostra adinvenit ætas adjungemus, longe mirabilius & jucundius. Antiquum ergo


Speculum componere è planis, in quo unius rei plures imagines appareant,

Hic erit modus. Plana tabula, vel loco, quo tale erectum quæris, hemicyclus disponatur, & hunc secundum imaginum numerum æque divides punctis, iis chordas subtrahas, & absides abscindantur: inde similis latitudinis parallelogramma erigas plana specula, & altitudinis ejusdem firmiter glutinentur, & accommodentur, ne convelli possint secundum longitudinem adjuncta, & super planam superficiem erecta. Postremo spectantis oculus circuli locetur centro, ut uniformem ad omnia visum habeat, singulis singulas spectabis facies, & in circulum dispositas, uti in choreis sæpe visitur, vel theatro, ideo ab eis theatricum, vel theatrale dicitur, è centro enim procedentes lineæ perpendiculares omnes sunt super eorum superficiem, in se ipsas reflectuntur, sic oculo imagines reflectunt, depromens unumquodque suum. Hæc antiquorum theatralis speculi compositio est, sed puerilis, longe jucundior, & mirabiliorem demonstrabimus, in illo enim non nisi ex numero speculorum simulachra demonstrabantur, in nostro autem ex visili & speculi reciprocis multiplicibus ictibus, longe plures, & fere infinitæ imagines conspicientur. Hic igitur est modus

Speculum amphitheatrale quomodo construatur.

Fiat circulus supra tabulam quæsitæ magnitudinis, cumque in dispartes partes dividemus, & loco, in quo spectabilis res, vel facies opponenda, duas partes inanes relinquamus, è regione una partium recta occurrat, super lineas

neas partes determinantes, erigantur specula perpendiculariter, nam facies, quæ objectabitur speculo in medio constituto, inspectori eandem resiliet, inde in aliud resiliens, & ex eo in alterum, ex multis reflexionibus infinitæ propemodum facies numerabuntur, & quo plura erunt specula, plura conspicientur. Si lumen opponis, infinita lumina conspicies. Si vero specula, quæ erigis, ex jam descriptis erunt, ex tot variis, & multiplicibus faciebus affinis, suillis, equinis, caninisque & croceis, fuscis, rubidis longe mirabilius, & jucundius spectaculum spectantibus objectabitur, ex multiplici enim reflexione, & variis speculorum formis, & coloribus, miscella optabilis exorietur.



Sed longe mirabilius & pulchrius nunc construemus, in eo enim non facies aspicientis videbitur, sed mirus, & ordinatus columnarum, stylobatum, & Architecturæ ordo, & jucundissimus. Fiat igitur petitz quantitatis circulus, sed optimum judicamus diametrum futuram duorum pedum cum dimidio, orbita in partes æquales dividatur, ut puta quatuordecim. Puncta divisionum erunt loca ere-

A in speculo AB, vel AC, inspectoris facies non videbitur, sed AB in IH reflectitur, IH, in BD, sic ex mutuis reflexionibus adeo multiplicantur, ut longissime intus recedere videantur, adeo perspicue & clare, ut nullus futurus sit inspector, nisi rei conscius, quin retro manus injiciens, ordines palpare tenter. Si in medio candelam statuas, adeo ex resiliantibus imaginibus multiplicari videbitur, ut in coelo tot sydera non conspicias, ut non satis admirari queas, ordinem, symmetriam, & prospectum. Variis etiam modis hoc amphitheatrum ereximus construximusque, aliosque ordines ostendendo, videlicet duos columnarum ordines, ut alter speculis adhæreat, alter in medio solus erigatur, cum primis fornicibus, & variis ornamentis colligatus, ut longe pulcherrima perspectiva architectura videatur. Eodem fere modo arcula construitur, ex pluribus planis speculis circumtecta, hanc thesaurum vocant, in fundo. fornicibus, & parietibus margaritæ, gemmæ, aves, & nummi pendebant, & ex speculorum reflexionibus adeo multiplicabantur, ut vere ditissimum thesaurum repræsentaret. Fiat igitur arcula lignea, cujus fundum duorum pedum longitudinis, unius & dimidii latitudinis, in medio sit aperta, ut apte possit caput intromitti. A dextris & sinistris laterales tabulæ erigantur pedis longitudinis, supra semicirculares, ut fornicata sit, sed non exacte circularis, scilicet in quinque partes divisa, singulæ palmaris latitudinis. Tota speculis circumtegatur. Ubi cohærent specula, accommodentur margaritæ, pretiosi lapides, flores speciosi, aves varie coloratæ, supra fundum aureorum cumuli, & argenteorum numismatum. E fornicibus dependeant margaritæ, aurei flocci, nam leniter commota arca, moventur & ii, unde imagines in speculis commoventur, ut non spernendum sit visu spectaculum.

CAPUT IV.

Speculi concavi operationes variæ.

SED longe speculi concavi operationes cæteris operosiores, & mirabiliores sunt, pluraque nobis præstabunt commoda. Sed cum eo nil perfecte operaberis, nisi

prius punctum inversionis cognoveris, ut facilius igitur possis

*Punctum inversionis imaginum in concavo speculo
cognoscere,*

Id agito. Oppone speculum Soli, & ubi radios coire videbis, scito ibi esse punctum inversionis. Si id minus conspici vales, crassam ex ore insufflabis exhalationem, nam aperte videbis reflexorum radiorum coincidentiam, vel bullientis aquæ vas suppose. Invento inversionis loco, si vis

Omnia majora videre.

Infra punctum illud caput accommodato, & ingentem conspicias faciem immanis Bacchi, & digitum brachii crassitudine reddet. Tali modo mulieres pilos è superciliis evellunt, nam digitalis crassitudinis videbuntur. Talia fecit concava specula Hostius, ut refert Seneca, ut redderent majorem justo imaginem, qui quadra fuit libidinis magna, sic specula disponens, ut dum draucum pateretur, sui admissarii motus omnes averfus videret, talique crassa membri crassitie se ipsum fallens oblectaretur. Poterimus

Speculo concavo ignem accendere.

Id optimi videtur hoc speculum inter cætera obtinere, quod tam valenter radios unit, ut lucidam ostendat radiorum pyramidem Soli oppositum, in cujus centro si fomittem, vel accendibilem rem admoverint, illico inducit flammam, quæ aliquantulum immorando plumbum, & stannum colliquefacit, aurum, & ferrum ignitum reddit, etsi ab aliis audierim aurum, & argentum colliquatum, hyberno tempore lentius, æstate valentius ob calidum medium, meridie potius, quam mane, aut sero, ob eandem causam. Possumus quoque facere

Speculo concavo ut pendula imago videatur.

Et mirabilius erit sphaerici segmento, nam remotius à speculo videbitur. Si extra punctum inversionis fueris, inversum cernes caput. Ut fixis oculis, & inconniventibus punctum aspicias, donec ad tuam aciem devenerit, nam
ubi

ubi cathetus lineam reflexionis secabit, ibi reflexa species, penitus à speculo semota videbitur, quanto centro propinquior fueris, eo sit major, ut manibus tangi videatur, quod si magna erit speculi portio, possibile non est, quin mireris, nam si quis speculum stricto mucrone invaserit, videbitur ab altero invadi, & manus perfodi, si candelam ostendas, videbitur in aëre accensa candela. Si vis autem

Vt imago à speculi concavi centro longius egrediatur.

Quum imaginem rei assecutus fueris, in puncto suo, si vis ut à centro longius distet, elongeturque rei spectrum, tunc à puncto declinabis à dextris, vel à sinistris paulatim circa speculi superficiem, tunc imago longius egredietur, & ad visum pervenerit, ubi scilicet cathetus longissime quantum poterit reflexionis lineam tetigerit, quod paucis animadversum est, ex quo principio mirabilia fieri maxime possunt: hoc præscito facile poteris

Calorem, frigus, & vocem speculo concavo reflectere.

Si quis candelam in loco, ubi spectabilis res locari debet, apposuerit, accedet candela per aërem usque ad oculos, ut illos calore, & lumine offendet, hoc autem mirabilius erit, ut calor, ita frigus reflectitur, si eo loco nix objiciatur, si oculum tetigerit, quia sensibilis, etiam frigus percipiet. Sed res admirabilior est, quod idem speculum non solum calorem & frigus, sed vocem refringet, atque echi officio fungitur, reflectitur enim vox à polita tersaque speculi superficie rectius, integrius, quam à quovis pariete. Argumento erit, quod si quis faciem speculo obvertit, ac post ejus tergum satis longe amicus steterit, ubi ejus facies conspicatus fuerit, faciem à puncto inversionis declinabit, sed circa speculi superficiem à dextris, & facies ejus longe à speculo elongabitur, & circa amici faciem satis ingens visibilis erit: quicquid ille summissa voce contra speculum loquetur, eadem verba, immo & eris motus, & motum ex imaginis reflexæ ore audiet, &

ineorum medio astantes, nil profecto percipient. Sed qui ejus spectrum amico mittere velit, animadvertat dum caput speculo accedet. Utile quoque fuerit novisse

Speculo concavo ea videre noctu, quæ longe fiant.

Hoc eodem speculo longe lumen jaculare poterimus nocte intempesta mediis plateis, etiam in alienis cubiculis. Cape manibus speculum, & puncto inversionis oppone candelam, nam paralleli radii ad quæsitum locum reflectuntur, & plusquam sexaginta passuum locus illuminabitur, & quæcunque inciderint intra parallelas, clare conspiciuntur: ratio est, quod radii a centro ad circumferentiam reflectuntur paralleli, quum paralleli ad punctum concurrant, & in loco illuminato & literæ legi, & omnia commodè fieri possunt, quæ multam lucem requirunt. Eodem artificio possumus

*Paucis minimis luminibus magnam aulam
illuminare.*

In templis, vigiliis, & nocturnis conviviiis quisque paucis luminibus ingens lumen præstare poterit. Ex duobus, vel pluribus cubiculi locis supra concava specula accommodentur, in quorum inversionis puncto, atque ita concinentur, ut concurrentium parallelarum locus in quæsito coincadat, lumen adeo ibi multiplicabitur, ut non minus à meridie possit illustrari. Huic operi commendantur lucernæ, quum lumen à loco non varient, improbantur candelæ: quia loca reflexionum evariare faciunt. Commodius quam plano

Speculo concavo notas alicui clam significare

Poterimus: si, ut diximus, notas cera vel aliquo tenebroso supra speculi superficiem delineabimus, oppositoque, ut diximus, lumine, splendorem in cubiculi parietem repræsentabit, eo loco sædatum, ubi literæ exaratae sunt, doli conscius facile illas reget. Sed hoc profecto admirabile est causam ignorantem, ut aliquis possit

Nocte intempesta epistolas legere.

Quod ad hunc usum concavum speculum maximam affert

fert opem , quod fortasse in necessitatibus utile esse poterit. Opponatur concavum speculum syderibus primæ magnitudinis , vel Veneri , Mercuriove , vel igni & facibus longe distantibus , nam reflexum lumen in incensionis puncto coibit , & lucidissimum punctum reflectit , quo faciliter quoscunque characteres & minimos legere poterit , nam singulis dictionibus clarissimum luminis mucronem adhibendo. omnia clare perlustrabis. Sed hoc magis necessarium & utile , posse

Qualibet diei hora speculo concavo , domum vel arcem comburere ,

Hostiles naves , fores , pontem , & ejusmodi similia & id sine periculo & suspicione , data præcedentis diei hora. Oppone speculum Soli , & accommoda , ut radiorum coincidentia in punctum feriat , quo loco escam accommodabis , & res accendibiles , ut docuimus , & si arces funditus convellere velimus , aggeres , & cumules pyrii pulveris coapta , transacto Sole accommoda speculum , & cela ne videatur : nam sequente die etiam idem punctum feriet , ubi ignium fomites adhibuisti.

C A P U T V.

De mistis cavi , & plani speculi operationibus.

NARRABIMUS mistas utriusque speculi operationes , & utilitates , ut quod per se solum unumquodque præstare non valuerat , mutua ope se adjuvent. Si velimus

Speculis plano & concavo longe ignem accendere.

Accidit aliquando , ut quis carceribus occlusus indigeat igne , nec ibi Solis radius illuminat ; vel ænei tormenti pulverem sine igne accendere , vel cuniculis effossis , & pyrio pulvere repletis ad eruendas arces , vel rupes longe sine periculo incendere possimus plano speculo. Planum speculum Solis radiis parallelas ut recipit , ita deflectit , unde satis longe æquidistantes radios jaculabit ;

qui si concavo speculo recipiuntur, adeo illos unit, ut incendiant. Unde facto prius periculo, quo loco concavum situari debet, ut injectum fomitem accendat, sequentis diei hora eodem plano speculo radios immittat, speculo concavo uniendos. Sic sine periculo, & hostium suspitione ignem ad usum accendere poterimus. Nec inutilis erit usus

*Plano & concavo speculis ut minima literæ,
maxima videantur.*

Quando characteres ita erunt minimi, ut characteres esse noscantur. Vidimus enim Evangelium Divi Joannis, In principio &c. in loco descriptum, ut vix minimam lenticulam, vel galli oculum occuparet, hoc artificio faciemus, ut magnæ videantur, & sine difficultate legantur. Appone concavum speculum tuo pectori, ut dorsum pectori hæreat, è regione intra punctum incensionis oppone scriptum, retro pone planum speculum, ut tuis oculis subjaceat. Tunc in plano speculo reflectentur characterum imagines, quæ in concavo sunt, quas concavum magnas reddiderat, unde sine difficultate leges. Eveniet

Speculis plano, & concavo imaginem in aëre pendulam omni ex parte conspiciere.

Quod fiet hoc pacto. Diximus concavi speculi ope posse imaginem extrorsum mittri, idque à quopiam non percipitur, nisi è regione fuerit. Adhæreat suo pectori concavum, extra centrum oppone pugionem, atque longius recedendo illi speculum planum oppone, in quo respiciens, imaginem è concavo reflexam in aëre pendulam videbit quisque, atque omni ex parte. Quod si ingeniosus perceperit & longe extra missam imaginem, ut docuimus, plano receptam sine speculo concavo, & spectabili visione, mire rem in plano pendulam videri licebit. Poteris &

Speculo plano obversam faciem representare,

Ubi prædicto modo speculum suo pectori admotum habueris, objecta planum, & faciem illi representa, quam concavo objiciet, quod obversam reverberabit plano, & vori flos compos.

CAPUT VI.

Alia speculi concavi operationes.

PRIVS quam ab ejusmodi speculi operationibus discedamus, quendam enarrabimus usum, non parum jucundum, & admirabilem, ex quo maxima Naturæ secreta nobis illucescere possunt. Veluti

Vt omnia in tenebris conspicias, quæ foris à Sole illustrantur cum suis coloribus.

Cubiculi fenestras omnes claudas oportet, proderitque si spiramenta quoque obturentur, ne lumen aliquod intro irrumpens, omne destruat: unam tantum terebrato, & foramen palmare aperito palmaris longitudinis & latitudinis, supra tabellam plumbeam, vel æneam accommodabis, & glutinabis, papyri soliditatis, in cujus medio foramen aperies, circulare digiti minimi magnitudine, è regione parietes albos, vel papyrum, vel alba lintea appones. Sic à Sole foris illustrata omnia, & deambulantes per plateas, uti Antipodes spectabis, quæque dextra sinistra, commutataque omnia vibebuntur, & quo longius à foramine distabunt, tanto majorem sibi adsciscunt formam. Si papyrum, vel albam tabulam appropinquabis, ea visuntur minora, clarioraque: aliquantisper tamen immorando, non enim illico simulachra apparebunt: quia simile validum maximam cum sensu nonnunquam efficit sensationem, talemque invehit affectionem, ut non solum quum sensus agunt, sensoriis insint, eaquæ lacestant, sed etiam quum ex operibus discessere, diutius immorentur, quod liquide potest perspicere: nam per Solem deambulantes, si ad tenebras convertimur, comitatur nos affectio ea, ut nil, vel ægerrime cernamus, quum adhuc in oculis fervetur affectio ipsa à lumine facta, inde paulatim evanescente, clare in tenebris aspicimus. Nunc autem enunciabo quod adhuc semper tacui tacendumque putavi. Si crystallinam lentem foramini appones, jam jam omnia clariora cernes, vultus hominum deambulantium, colores, vestes, actus, & omnia, ac si propius spectares, vide-

bis, tam maxima jucunditate, ut qui viderint nunquam satis mirari possint. At si vis

Majora omnia, & clariora videre:

E regione speculum apponito, non quod disgregando dissipet, sed colligendo uniat, tam accedendo, recedendoque, quousque ad suam veræ imaginis quantitatem cognoveris, debita centri appropinquatione, & attentius cognosceat inspector volantes volucres, cælum nubibus dispersum, cyanei coloris, longe distantes montes, & in parvo papyri circulo (qui supra foramen accommodetur) quasi compendiosum orbem videbis, quod ubi vides, non parum lætaberis: obversa omnia, quia speculi centro vicina sunt, si extra centrum elongabis majora, & erecta, uti sunt, conspicias, sed non perspicua. Hinc evenit

Ut quisque picturæ ignarus rei alicujus, vel hominis effigiem delineare possit;

Dummodo solum colores assimilare discat. Hoc non parvis faciendum artificium. Fariat Sol fenestram, & ibi circa foramen imagines, vel homines adsint, quorum imagines illustret, non vero foramen. Oppones foramini papyrum albam, ac tandiu homines ad lumen accommodabis, appropinquabis, elongabis, dum perfectam imaginem Sol in objectam tabulam referat, picturæ ignarus colores superponendo ubi sunt in tabula, & ora vultus circumscribet, sic amota imagine, remanebit impressio in tabula, & in superficie, ut imago in speculo spectabitur. Si vis

Ut recta omnia videantur.

Hoc erit magnum artificium, à multis tentatum, sed non affectum. Aliqui enim planis speculis foramini oblique objectis, & in oppositam tabulam reverberatis, videbant parum recta, sed obscura, & indiscreta. Nos sæpius albam tabulam foramini oblique opponendo, atque e regione foraminis inspicientes, videbamus fere recta, sed pyramis per obliquum dissecta, sine proportionem homines, & inperspicuos ostendebat. Sed tali modo ita fiet
voti

voti compos. Opponito foramini specillum è convexis fabricatum, inde in speculum concavum imago resiliat. Distet speculum concavum à centro, nam imagines, quas obverfas recipit, rectas reddit. ob centri distantiam. Sic supra foramen, & papyrum albam jaculabit imagines rerum objectarum, tam clare, & perspicue, ut non satis mirari possis. Id tamen duximus admonendum, ne opera frustreris, quod proportionati sint oportet circuli specilli, & concavi portio, quomodo id assequaris, pluries hic declarabitur. Docebimus etiam quomodo fieri possit

*Vt in cubiculo venatus, hostium praelium, & alia
prestigia appareant.*

Nunc pro coronide adnectam, quo magnatibus, ingeniosis, & studiosis nil fuerit visu jucundius. Vt in obscuro cubiculo objectis albis linteis venatus, symposia, hostiles acies, ludos, & omnia quæ volueris, ita clare, perspicue, & affabre videri contingat, ac si præ oculis essent. Sit è regione cubiculi, ubi id demonstrare conaberis, planum aliquod spatiosum, quod possit libere à Sole illustrari, in eo ex ordine arbores accommodabis, sic sylvas, montes, & flumina, sic animalia vera, vel arte conficta ex ligno, aliave materie, intus pueri confuti sint, ut in comædiarum actibus interponere solemus, cervos, apros, rhinocerotes, elephantes, leones, & alia quæ volueris animalia effinges: inde paulatim è latibulis egredientia in planum apparent, accedet venator cum venabulis, retibus, aliisque necessariis, & venationum simulat, adsint sonitus buccinarum, tubarum, & cornuum, qui enim in cubiculo adsunt, arbores, animalia, venatorum vultus, & reliqua conspicient, ut nesciant an vere, an præstigia sint. Evaginati enses intro per foramē lumen jaculantur, ut fere terrorem incutiant. Admirantibus amicis multoties ejusmodi spectaculum præbimus, talique illusionē gaudentibus, quos naturalibus rationibus, & optices vix ab eorum opinionibus remove valuimus, etiam artificio aperto. Hinc Philosophis & opticis patet, quo nam fiat

fiat visio loco, ac intromittendi dirimitur quaestio, sic antiquitus exagitata, nec alio utrumque artificio demonstrare poterit. Intromittitur idolum per pupillam, fenestram foraminis instar, vicemque obtinet tabulae crystallinae sphaerae portio in medio oculi locata, quod scio ingeniosis maxime placiturum. In nostris opticis fusius declaratum est. Hinc rei conscio quispiam occultae narrandi auspicari poterit principia, quae voluerit, ut remote carceribus occluso. Nec leves poterunt imaginari technae, distantiam speculi magnitudine emendabis. Sat habes, qui id docere conati sunt, non nisi nugas protulere, nec aliquibus adhuc compertum putarim. Si scire aves

Quomodo Solis eclipsis videri possit;

Nunc apponere decrevi modum, quo Solis eclipsis clare notari possit. In Solis eclipsi claude cubiculi fenestras, atque oppones foramini papyrum, & videbis Solem, speculo concavo in oppositam papyrum resiliat, & circulum suae rotunditatis describas, sic initio, medio, & sine facies. Unde sine visus lésione diametri puncta Solis defectus notabis.

CAPUT VII.

Quomodo in tenebris ea conspicias, quae foris à facibus illuminantur.

POSSUMUS eandem sine Solis illuminatione demonstrare, nec sine admirabilitate. In festivis ignibus, vel data opera accensis, quae in cubiculis illuminantur, possumus & in alio cubiculo obscuro videre, accommodando, ut prius diximus, sed lumen foramen non feriat, quia impedit operationem, lux enim secunda est, quae simulachra fert. Non occultabimus tandem rem admirabilitate, & hilaritate plenam, postquam in hunc sermonem incidimus,

Ut noctu imago pendula in cubiculo videatur.

Nocte enim intempesta in cubiculi medio pendula videbitur imago cujusvis simulachri, non sine aspicientium terrore. Ante foramen cubiculi accommodetur imago, quam in medio alterius obscuri cubiculi pendulam re-

pra-

præsentare quærimus, & circum multæ sint faces accensæ. In mediò vero obscuri cubiculi album linteum opponatur, vel aliquod solidum, quod possit intromissam imaginem recipere: nam spectantibus, quum linteum non videant, videbitur imago in mediò aëris pendula, & luminosa, non sine metu, & horrore, & præsertim si artifex fuerit ingeniosus.

CAPUT VIII.

Quomodo sine speculi, & alterius visibilis rei visione pendula imago in aere videatur.

PRIVUSquam ex hujus pendulæ imaginis visione discedamus, doceamus, quomodo fieri possit, ut cujusvis rei imagines in aere pendulas videamus, quod mirabilium rerum omnium mirabilissimū erit: præsertim sine speculi & rei visibilis visione. Sed prius videamus & quid antiquiores de re eadem scripserint. Vitellio quidam suo marte rem describit hoc modo. Cylindricum segmentum media domo super tabulam, vel tripodem erectum firmetur, ut perpendiculariter solum feriat, inde è foramine aliquo, vel rimula à speculo aliquantulum distanti oculus collocetur, & sit fixus, ne hinc inde moveri possit: è speculi inde regione rumpatur paries, ac fenestræ instar accommodetur, pyramidis formam habeat, intus conus, foris vero basis existat, ut fieri solet, ubi pictura, vel imago aliqua collocetur, ut oculo spectari possit, sed à superficie columnaris speculi reflectatur, ut pictura illa extra collocata, quæ ex oculi foramine videri non potest, in aere pensilis videatur. Quod non sine admiratione intuebitur. Efficit id quoque speculum pyramidale convexum, si sic accommodabis, ut eandem referat imaginem. Fit etiā sphærico convexo concavo. Sed res plus in tituli fronte, quam in recessu promittit. Videbitur imago extra speculum, sed per medium speculi, ut intra speculum res spectata, extrinsecus spectari videatur. Et hoc loco, ut in cæteris, turpiter errat. Melius dixisset per cylindricum crystallinum: nam ut pila extra mitteret, sed pejus, quam in pila, ut dicemus. Sed dicamus quod semper tacendum decreveram,

*Vt neque visile, neque speculum spectetur, sed imago
sola in cubiculi medio pendula videatur,*

Et circumambulando undique imaginem aspicias. Sed populo propalanda tam res digna? tam indignum facinus committendum? ah calamus è manu excidit. Sed vincat posteris juvandi voluntas, ex hac enim, quasi racematione quadam, majora fortasse, & mirabiliora propagabuntur. Esto, sed ne cylindrica sphæralis, vel convexa pyramidalis concavi dissectio, cujus segmenti portio ignoratur, sit tamen illa, quæ ad ejus rectum per hemicylindrum descendat, & quadratum, & per obliquum disjungitur. Ex duabus partibus pendula accipiatur, ac infra in suæ diametri dimidiæ medio comportatur. Cunctæ claudantur domus fenestræ, earum rimis constituatur obex, ne lumen ingrediens infra penetret. Eo loco ubi spectaculum apparatus, si coincidunt Solis, vel Lunæ radii omne destruetur spectaculum. Repercussus imaginis radius accommodetur, ut recta in terris caput reperciatur. Sic objectum visile repercussum, infra, & supra reflectitur, formam speculi primam imitabitur, & quum supra ipsam jam dictam accommodetur ænea, vel marmorea tabula, ne à fenestra recidens lumen, & repercussum intro à cylindro plano, curvoque speculo offendatur, ab obice palmari, sub ejus tripla latitudine, irrumperet, n. foras circumcirca, obnubilabis visionem, ut imago accommodetur valde profunda, ut puteus videri possit, sic ut occurrens radius, accedat spectator, oberrare non valde possit, sed circa pupillam circundare, ne vitro offendatur visus. Imago tunc conspicitur, nec videbitur supra tabulam, ubi catheti incidentiæ per centrum speculi secabit visus lineam. Clarius rem aperire non possumus, & quod potuimus præstitimus, scio non parum gaudebit, qui id assequetur,

CAPUT IX.

Speculorum miftiones, & varia imaginum apparitiones.

Nunc speculum construere conabimur, in quo multæ apparebunt imaginum diverfitates, et si tale difficilis fuerit constructionis, imaginum tamen diverfitate, & occurrentia repender. Si igitur

Speculum construere, in quo multæ imaginum diverfitates

Appareant vis, circulum capies arcuæ, vel eximæ capacitatis, quo speculum volueris, & hinc inde absidis portiones abscondas duas, ex pentagoni quantitate una, altera ex hexagono, quo patuit modo in mathematicis: inde pentagoni arcus tabula quædam, vel ferro intus excavetur, ut suo gremio, perfecte recipiat, ut ex ea refectus videatur, contrariæ autem dispositionis hexagoni erit latus, nam illius quantitas convexa excipiat tabula, ut instar illius arcus promineat, inde ceræ, vel plumbea accipiat bractea convenientis soliditatis, latitudinis arcum hexagoni, & longitudine utrosque superans. Sic deinde incurvetur lamella, ut rite in excavato infideat ligno, ne intercapedo, vel rimula relinquatur ulla, & convexa superficies servata prominens tunc intrinsecus applicetur secundum ejus latitudinem, ne concavitatis forma adversetur convexitati, sed lamella eadem utrasque sine impedimento recipiat portiones. Sic parato archetypo, chalybis, vel alterius rei mistura, speculum construatur, uti docebimus, & perpolitum multas ostendet imaginum diverfitates. Primo dextra, dextra videbuntur, & sinistra, sinistra. quum planorum speculorum passio sit, ut oculis, qui fuerit dexter, hic lævus, & è lævo mutuo fiat dexter: Si vero retro gradus tuleris, commensuratum videbitur idolum, & imago antè prominebit, si ad convexam magis accedes superficiem, turpis fiet imago, & quanto magis hærebis, eo fiet deformior, & equino capiti magis assimilare videberis. Quod si speculum inclinabis, inclinabitur & ipsa,

ipsa, & variando situm & speculum, variationes conspicias diversas, nunc caput deorsum & pedes sursum, & multa conspicias, quæ in præsentia recensere opus esse non censui: nam super volubilem sedem locatum, ut utrasque possit facies ostendere ante, & retro, per se omnia intuitor cernet. Possumus

Speculum ex omnibus componere.

Ut eo solo imagines omnes videantur, quæ in omnibus, plura ora: nunc majora, nunc minora, nunc dextra, nunc sinistra, hæc propius, illa remotius, & æqualia: si loco uno sinuosum, alio concavum, in medio planum locetur, magna imaginum diversitas spectabitur. hæc sunt

Speculi cylindrici convexi operationes;

Ore opposito quanto longitudine difformis, eo gracilitate turpis videbitur, si ejus longitudo faciem transversam secet, humilem vultum & compressum, uti rana demonstrat, ut non nisi dentes spectentur, eodem ferme pacto, qui in ense spectabitur, vel ferro alio polito, & longo, si illud inclinabis ante, frons maxima, mentum vero parvum, & gracile equi effigie. Contrariæ vero sunt

Speculi cylindrici concavi operationes.

Si in cavo intus inspicias, plura unius rei conspiciuntur idola, vicem gerentia præfati speculi. Si centro oculum apposueris, tota cernes eum speculi latitudine, sic frontem, os, & reliqua. Si tale invertes speculum, ut late faciem secet, inversum caput cernes illico, & cætera, quæ in concavo retulimus. At

Speculi pyramidalis conversi operationes

Hæc sunt, acutam frontem videbis, largum vero mentum. Si contra, largam frontem, longissimum vero nasum. Concavo multa inspicias ora, si secundum cavum illud plures planorum speculorum accommodaveris portiones: intuens enim aliquis, secundum speculorum numerum numerabit ea, ejusdemque motus omnia, & tandem quaecunque fuerit speculum, utpote non planum, semper ab idolo diversum spectabitur.

CAPUT X.

De crystallinæ lentis effectibus.

MULTÆ sunt crystallinæ lentis operationes, nec silentio prætereundas duximus. Sunt enim concava, & convexa: iidem sunt & specillorum effectus, qui maxime ad humanæ vitæ usum sunt necessarii, quorum adhuc nemo neque effectus, neque rationes attulit. Sed de his plenius in nostris opticis, hic ne locus vacuus remaneret, aliqua attingemus. Lentes vocamus circulorum portiones simul compactas, concavorum, & convexorum. Docebimus primo

Lente convexa crystallina ignem accendere.

Convexa lens violentissime accendit ignem, & citius, vehementiusque, quam concavum speculum, rationes in opticis reddimus. Soli enim opposita, in oppositam partem, ubi coeunt radii, objecta ignem accendit, plumbum liquefacit, & metalla ignita reddit. Præterea si volumus

Noctu illuminare longe crystallina lente,

Opponatur candela paulo retro punctum accensionis, sic parallelus in oppositam partem longissime jaculatur, ut transeuntes per plateas, & quæ fuerint in cubiculis longe remotis clare omnia contueantur. Eodem modo, ut de speculo concavo diximus, possumus

Lente crystallina nocte intempesta epistolas legere.

Ponatur epistola retro lentem in opposito syderum, aut luminum longe remotorum, nam in radiorum coitu directiones oppositæ clare perspiciuntur, nocte intempesta, & clauso cubiculo. Sed id, quod sequitur longe præstantius vobis cogitandi principium affert, scilicet,

Lente crystallina longinqua proxima videre.

Posito enim oculo in ejus centro retro lentem, remotam rem conspiciator, nam quæ remota fuerint, adeo propinqua videbis, ut quasi ea manu tangere videaris, vestes, colores, hominum vultus, ut valde remotos cognoscas amicos. Idem erit

Lente

Lente crystallina epistolam remotam legere.

Nam si eodem loco oculum apposueris, & in debita distantia epistola fuerit, literas adeo magnas videbis, ut perspicue legas. Sed si lentem inclinabis, ut per obliquum epistolam inspicias, literas satis majusculas videbis, ut etiam per viginti passus remotas legas. Et si lentes multiplicare noveris, non vercor quin per centum passus minimam literam conspiceris, ut ex una in alteram majores reddantur characteres: debilis visus ex visus qualitate specillis utatur. Qui id recte sciverit accommodare, non parvum nanciscetur secretum. possumus

Lente crystallina idem perfectius efficere.

Concavæ lentes, quæ longe sunt, clarissime cernere faciunt, convexæ propinqua; vnde ex visus commoditate his frui poteris. Concavo longe parva vides, sed perspicua, convexo propinqua majora, sed turbida, si utrumque recte componere noveris, & longinqua, & proxima majora & clara videbis. Non parum multis amicis auxilii præstitimus, qui & longinqua obsoleta, proxima turbida conspiciebant, ut omnia perfectissime contuerentur. Si cordi fuerit

Lente crystallina convexa imaginem in aëre pendulam videre,

Si retro lentem spectabile opposueris, ut per centrum transeat, sed in opposito oculos, intra lentem & oculos spectrum videbis, quod si papyrum objicies, clare videbis, ut candela accensa supra papyrum ardere videatur, Sed

Lente concava quam lata & longa sunt compendiose depingere.

Poterit pictor maxima commoditate & proportionem, nam opposita lente concava, quæ in maxima planitie fuerit, in parvum orbem contrahit. Vnde pictor, qui ea contemplatur, parvo labore, & scientia, omnia ad amissim proportionata depingit. Sed ne aliquid de specillis omitamus, trademus

Quomodo res multiplicata videri possit.

Inter ludos, qui circumferuntur, non parum jucunditatis

tis est specillum , instrumentum vitreum illud , quod oculis apponimus ; ut commodius aliquid intueamur : neque enim ex his , quæ oculos fallunt potior reperiri poterit via , quam è medio , eo enim permutato , permutantur omnia , illud ergo è solidiore vitro , majoreque crassitie paretur , ut aptius in facies rota verti possit : in plures ergo facies , & angulos accommodetur , quibus aliquid numerare volumus , in eorum tamen medio anguli metam habeant , & oculorum congruat aciei , ut diversis è faciebus refrangantur imagines ad oculos , ut ne verum perspicere possint. E pluribus ergo superficiebus jam paratis , oculis apponantur , & si alicujus faciem vicinius intuebimur. Argum , vel oculatum totum videbimus , si nasum , non nisi nasum , sic manus , digitos & brachia , ut non hominem , sed Poëtis fictum Briareum , si nummum videre contigerit , multos non unum conspicias , ut nec manibus tangi valeat , sed tangentem sæpe ludat , meliusque fuerit cum eo dare , quam recipere. Si tritemim longius intuearis , armata videbitur classis : si ambulantem militem , exercitus agmine facto , incedens. Fitque ut res geminari videatur , & duplices cernas hominum facies , binaque corpora. Et hinc diversi conspiciendi modi , ut res una alia videatur , quæ omnia quærentibus , & explorantibus patefiunt.

CAPUT XI.

De specillis , quibus supra omne cogitatum quis conspiciere longissime queat.

NON omittemus rem admirabilem , & longe utilissimam. Quomodo lusciosi , ultra quam credi possit , longissime conspiciere queant. Diximus de Ptolemæi speculo , sive specillo potius , quo per sexcentena millia pervenientes naves conspiciebat , & quomodo id fieri poterit , docere tentabimus , ut per aliquot millia passuum cognoscere amicos possimus , & visu debiles legere minimos characteres è remoto. Res humano usui necessaria , & optices ratione constans. Idque vel levi artificio fiet , sed res non adeo vulgaribus promulganda , sed per-

perspectivis clara. Visus constituatur centro valentissimus speculi, ubi fiet, & valentissime universales solares radii disperguntur, & coeunt minime, sed centro prædicti speculi in illius medio, ubi diametri transversales, omnium ibi concursus. Constituitur hoc modo speculum concavum columnare æquidistantibus lateribus, sed lateri uno obliquo sectionibus illis accommodetur, trianguli vero obtusi anguli, vel orthogonii secantur, hinc inde duobus transversalibus lineis, ex centro eductis. Et confectum erit specillum, ad id, quod diximus utile.

CAPUT XII.

Quomodo in cubiculo ea videamus, quæ non sunt.

HOc equidem artificium minime spernendum duximus: nam poterimus in cubiculo aliquo, si quis inspiciat, ea videre, quæ in eo nunquam fuerint, neque erit tam excellentis vir ingenii, aut solertiæ, qui se falsum sentiat. Ut igitur rem describamus. Sit cubiculum, in quo aliud lumen non ingrediatur, nisi ex ostio, vel fenestra, ex qua inspector inspicit, sit fenestra tota, vel ejus pars vitrea, uti expellendo frigori uti solenius, sed pars una expolita sit, ut speculum ex utraque parte sit, unde inspector introspeciat, nam reliqua nil operantur. E regione hujus fenestræ sint picturæ, statux marmoreæ, & ejusmodi similia, nam quæ foris fuerint, intro videntur. Vnde quæ tergo videntis fuerint, in domicilii medio se videre putabit, tantum à vitro intus recedendo, quantum post tergum retro recedunt, tam clare, & vere, ut non nisi verissima videre putet. Sed ne artificium cognoscatur, pars ubi ornamentum eo modo conficta sit, ut inspiciens non videat, veluti supra ipsius caput, ut supra caput pavementum intercedat. Quod si ita hæc industrius operatus fuerit, impossibile est, ut se deceptum sentiat

CAPUT XIII.

De crystallina pila operationibus.

NEc crystallinæ pilæ operationes indictæ abibunt, sunt enim in ea aliqua non spernendæ speculationis. Primo

Crystallina pila ignem accendere.

Soli opponendo ignem retro circa circumferentiam accendit, multoties supra cubile relicta, illucescente Sole, stragula combussit. Qui statis horis, locisque loca hostium comburere volunt, supra escam, aut ignium fomitem accommodata, sine periculo & certissime ignem accendit. Possumus etiam

Crystallina pila facere, ut pendula imago in aëre videatur.

Ante, & retro imaginem in aere pendulam ostendit. Sic visile retro pilam, mediet ipsa intra rem & oculum, apparebit imago extrorsum in aere pendens supra pilam, omnibus partibus à pila sejuncta, clare, & perspicue. Quod si visile intra oculum & pilam fuerit, videbitur imago retro pilam, ut diximus. Si visile fuerit maxime visibile ut ignis, vel candela, res sine difficultate, & clarior videbitur, rationes in nostris opticis assignavimus. Possumus etiam in

Pila crystallina multas irides videre.

Fiat vitrariorum fornace pila solida, juglandis magnitudine, & igne solum rotundetur ex more, ut solent vitrariorum, ut sine rotæ ope superficies exterior politissima sit, ubi ferro tangitur, relinquatur pediculus. Nec refert sit vitrum repurgatum, nam impurum melius erit, ponatur supra oculum, è regione candela ardens, lumen vesiculis refractum infinitas irides ostendet, & lumen aureum totum reddet, ut nil jucundius conspici possit.

CAPUT XIV.


De speculis comburentibus.

SPECULA comburentia aggredimur, quæ solaribus radiis opposita, ignem in subjectam materiam accendunt.

dunt. Etiam in his maxima Naturæ secreta cognoscuntur. Nos quæ ab Euclide, Ptolemæo, & Archimede reperta sunt, describemus, apponemus & nostra, ut judicent lectores, quam longe recentiorum inventa majorum nostrorum superarint. Ignis accenditur reflexione, & refractione, & simplici speculo, & composito. Incipiemus a simplici reflexione, & à

Speculo concavo post se ignem accendere.

Quod paucis animadversum est. Scito speculum concavum à medio sui puncto usque ad latus hexagoni supra speculum, comburere usque ad quartam sui diametri partem, ab hexagoni latere usque ad tetragonum extra speculum ex inferiore sui parte. Abscindatur ergo pars illa semicirculi, quæ sita à pentagoni usque ad quadratum, velut circuli fascia, & perpolitæ Soli opposita, longè à se ignem jaculatur retro ipsam. Plura non apponimus, quia latius de ea in Opticis. Sic etiam possumus



Columnari concavo, & pyramidalis ignem accendere;

Sed lentissime, & non nisi mora, & Sole æstivo, accendit in tota linea, non in puncto, sed extensa per punctum accensionis circuli sui. Quod idem de pyramidalis concavo eveniet.

CAPUT XV.

De sectione parabolica speculo maxime omnium combustili.

PARABOLICA sectio illa dicitur, quæ in majori, minorique temporis spatio objectam materiam accendit. Plumbum & stannum liquefacit, sed aurum & reliqua metallica ab amicis relata, ego autem ignita reddidi. Cujus Archimedis invento, Galeni, & multorum testimoniis Romanorum classem conflagrasse legimus, oppugnante Marcello Syracusam, ejus patriam. Plutarchus in Pompilii vita inquit: Ignis, qui Lucinæ templo ardet, hoc speculo accenditur, id est vasis, quæ struuntur ex latere isosceli trianguli recti, ea cavata, respiciunt in unum ex circumferentia centrum. Quum igitur Soli obversa opponantur, ita ut undique accensi radii cogantur, connectanturque ad centrum, & ipsum discernant aërem attenuatum, & eorum, quæ opposita fomenta sunt, levissimas aridissimasque partes celeriter accendit ex objecto & item igneum radio assumente. In speculo sphærali concavo accendunt radii coeuntes in quarta diametri parte sub centro, qui intra hexagoni latus dirigantur ex circuli superficie: sed parabolæ sectio, in puncto uno ab omnibus suæ superficiei partibus coeunt radii. Sed Cardanus quomodo tale speculum constitui debeat docet. Si ad mille passus ignem accendere volumus, circulum describamus, cujus diameter sit duo millia passuum, hujus tantum assumemus portionem, ut rotunditas non lateat, partem scilicet sexagesimam, cui dimetientem pro altitudine in termino uno adjiciemus, & diametro fixo circumagemus circuli partem, quæ nobis portionem sphæræ describet, quam quum expoliverimus, ignem, Soli exposita, procul, & validissimum ad passus mille accendit. Dii boni quantas ineptias his paucis verbis committit. Primo speculum ad mille passus comburens promittit, quod ad triginta fere pedes impossibile judico, quum vastæ magnitudinis eveniret: nam adeo plana superficies est con-

C c


quæ

quæ ut aliquam curvitatem interciperet, vix tantæ magnitudinis confici posset. Præterea circulum describere; cujus diameter sit duo millia passuum, quo circino, in qua planitie, quibus motoribus utetur: Quod si verum fuerit Archimedem è muro naves combussisse parabolico speculo, vix distantia decem passuum esse poterit. Quod ex verbis ipsorum authorum constat, quum ex eodem loco naves sustulisset, & scopulis imegisset, & machinamenta vectes fuere, quorum pars major retro esset, & vectum ratione constat, aliter fieri non potuisse. Aliæ sunt ineptiæ, quas omittimus, brevitati consulentes, ne longiores videamur: erroris causa nunquam specula ejusmodi construxisse, fuit: nam si expertus esset, aliter loquutus esset. Sed nunc docebitur.

Ex parabolica sectione speculum conficere;

Describendi modus talis erit. Sit distantia nota, qua speculum comburere volumus, videlicet AB, decem pedum: nam si major esset, difficillime fieret. Linea AB duplicetur, & sit ABC, erit sagitta tota AC. ex A puncto recta protrahatur DA, & sint DA, & AE, inter se æquales, & ad angulos rectos cum AC, sed utraque quantitati AC jungantur DC, E, quæ angulum in C consociunt rectum DCE. Triangulus igitur DCE, est orthogonius, & isosceles, qui si circa axem CD circumvolvatur, usque donec ad suum locum redeat, unde discessit, construatur rectangulus conus EDNC, cujus sectio parabolica erit ABC, recta DC coni axis, & CE semidiameter basis coni. Per punctum C, trahatur ipsi DE, parallela, HI, longitudinis CE, & CD, & per punctum B trahatur alia parallela dictæ ED, quæ sit FBG & sit BG, & BF, utraque æqualis ipsi AC, erit FG, latus erectum, & HI, basis sectionis parabolæ. Si igitur trahatur linea per puncta HEAGI, erit sectio parabolica, cujus digramma sequens.

Sed




Sed aliquid combusturos non oportet speculum parabolicum construere ad magnitudinem totius lineæ HFAGI, sed ejus portionem accipere. Videlicet, si verticis partem quæsierimus, quæ sit LAM, ut linea LM secet AC in K, aut major, aut minor, si majorem vis facere, inferius secetur AK, nam quanto major erit, eo intentior, & celerior erit combustio, si minor supra AK. Sed hoc modo faciendum, ut prædicta linea LAM, curva præcisius designetur, ut error vel minimus committi possit. Protraho igitur lineam in plana tabula ABC, & sit AB duplum distantia, ad quam ignem immittere intendimus, id est, longitudo sagittæ ABC, & ex puncto B erigo lineam perpendiculariorem BD, cujus altitudo sit ejusdem semidiametri sectionis faciendæ, id est, linea LM, cujus medietas LK. Inde semicirculus describatur, cujus initium A, transeat per D punctum. Sed centrum reperies hoc modo. Connectantur puncta AD linea, & angulus BAD, fiat æqualis ADE, & protracta DE, secabit AC in E, id erit centrum, sic trahetur semicirculus ADC. Si igitur lineam BC, in minutiones partes secabimus, eo præcisior linea parabolica describenda erit. Dividatur in quatuor partes, & sint puncta divisionum HGF. Deinde tres circuli describantur, qui terminentur ex A, & tribus punctis HCF, primus AF,

Cc 2

fecun-

secundus AG, tertius AH, & secabunt lineam BD, primus in F, secundus in G, tertius in H. Inde sumo sectionem perficiendam LKM, & lineam KA secabo in quatuor partes, & per puncta lineas parallelas duco ipsi LM. Sit BH, quæ proximior erit vertici parabolæ, secunda BG, mox subsequens, tertia BF, proxime sequens, & post erit LM. Unde per puncta LFGHA protrahatur linea curva, idemque ex alia parte fiat usque ad M. & erit quæ sita linea sectionis parabolæ, ex qua speculum formandum, ut dicemus.




CAPUT XVI.

Quomodo parabolica sectio describi possit, quæ oblique comburatur, & in longissimam distantiam.

QUÆ circini ope, & regulæ construi poterat, parabolicam sectionem descripsimus, quia in brevi distantia uti poterimus, in majori vero numeris procedendum: utpote quadraginta, aut sexaginta pedum, nec multo plus, ne speculum inusitatæ magnitudinis fiat. Prædictum speculum comburit inter ipsum, & Solem, & si Solem pro tuo voto non habes, frustrabitur operatio, hoc modo & ex obliquo, scilicet speculo existente inter Solem, & combustibile, vel ex adverso. Unde pro situ omnibus uti poteris, videlicet quibus voto respondent, & præsertim quum in Meridie vehementior incensio fiat. Id admonendum duximus, ne fallere mini quum sæpius vos falsi, alios in errorem inducat. Parabolicum speculum, quod ex vertice paratur, si sectio ex vertice erit, si longius comburere velimus, speculum adeo planum erit, ut intercipiat curvatem, inusitatæ magnitudinis erit. Si verò circa basem erit sectio, etiam pessimum erit, nam ex minima distantia, ferè planum evenerit, ergo ut aliquam intercipiamus curvatem, circa collum sectionis lineam accipiemus, non pedes, non caput. Facturus ergo speculum ex parabolica sectione, circa collum sectionis, ubi major parabolæ curvitas intercipitur, & quod comburat longe ab ejus superficie viginti pedum. Sit linea AB sagitta duo deviginti pedum: à puncto A lineam erigo ad rectos angulos cum AB, quæ sit linea juxta quam, cujus pars quarta AB, secetur AB in C. & sit duorum pedum, & CB sexdecim pedum, multiplicabo bis septuaginta duo, & proveniet numerus 144, cujus radix quadrata duodecim, linea ergo erecta perpendiculariter à puncto C usque ad circumferentiam parabolæ, erit DI, duodecim pedum, erit ergo CI, linea ordinata, connectatur IB, & erit radius comburens in puncto B quæsitus, radius ergo Solis æquidistans sagittæ HI. reflectitur per IB

in B, cujus longitudo erit circiter viginti pedum : nam linea IC 12. pedum in se multiplicata erit 144. CB est sexdecim pedum, in se multiplicata est 256. adde & provenient 400. cujus radix quadrata est 20. erit igitur distantia combustionis à centro quæsitæ 20. pedum. hoc modo.



Partem ergo speculi interceptam inter punctum I, & F accipere constituo, & quæro duo tertia unius pedis, ex C versus B dividoque pedem in triginta partes, ut magis præcise curvatura accipiatur, & sit CG viginti partium pedis, ex A ad C, sexaginta partes, quia sunt duo pedes, ergo ex A ad G, ubi speculum constructuri sumus, erunt octuaginta partes. Incipiemus ergo ex AC, sexaginta partium, quibus semper addo quatuor cifras 6000. hoc artificib, ut quum numeri provenierint, quorum radices extrahi nequeunt, quæ accipiuntur, minus deperdamus. Igitur subscriptam tabellam concinnabimus. In prima linea sunt puncta sagittæ, in secunda quadrata, lineæ ad quam, ex sagittæ multiplicatione, scilicet longitudo AE est 72 pedum, si ad partes reducemus, multiplicando per 30. veniunt 2160: multiplicabo per partes sagittæ AC sexaginta provenient 129600. In tertia linea sunt radices prædicti numeri, scilicet lineæ ordinatæ, addendo igitur 129600 quatuor nullas, erunt 129600000. Ex quibus radix quadrata erit 36000. quarum postrema


marum ciffarum altera decimas partes pedis dicit, altera decimas unius decimæ, hoc modo 360. 0. 0. 0. Sic erit prædicta tabella

<i>Puncta sagittæ.</i>	<i>Multiplicatio sagittæ cum linea ad quam</i>	<i>Radix quadrata</i>	<i>Decimæ partes</i>	<i>Decimæ partium partium.</i>
60	I 129600	I 360	I 0	I 0
61	I 131760	I 362	I 9	I 8
62	I 133920	I 365	I 9	I 3
63	I 136080	I 368	I 8	I 9
64	I 138240	I 371	I 8	I 1
65	I 140400	I 374	I 7	I 6
66	I 142560	I 377	I 5	I
67	I 144720	I 380	I 4	I 2
68	I 146880	I 383	I 2	I 4
69	I 149040	I 386	I 0	I 5

<i>Puncta sagitta.</i>		<i>Multiplicatio sagittæ cum lineâ ad quam</i>		<i>Radix quadrata</i>		<i>Decimæ partes</i>		<i>Decimæ decimarum partium.</i>
70	I	151200	I	388	I	8	I	4
71	I	153360	I	391	I	6	I	1
72	I	155520	I	394	I	3	I	6
73	I	157680	I	397	I	0	I	8
74	I	159840	I	399	I	7	I	9
75	I	162000	I	402	I	4	I	8
76	I	164160	I	405	I	1	I	6
77	I	166320	I	407	I	8	I	2
78	I	168480	I	410	I	4	I	6
79	I	170640	I	413	I	0	I	8
80	I	172800	I	415	I	6	I	9


His peractis, accipio radicum differentias majores ad minimas: Sunt enim ex 160. 0. 0. ad 415. 6. 9. Eligatur pedis mensura, ad quam distantiam speculum construere volumus, sit AB, quam in 30. partes divido, ac capio 20. partes, scilicet duas tertias, lineam ei addo ad angulum rectum, scilicet B. & sit BC, quam in 55. partes divido. partem unam in decem divido, & unam istius in alias decem, & sunt decimæ decimarum.

Sit



Sit A nulla, scil. cifra, & erit ibi 60. Secunda particula 61. linea ad angulum rectum adjuncta erit 2. Tertia particula 62. linea ei adjuncta 5. sic vigesima particula erit 80. linea ad angulum adjuncta. 56 harum linearum extremitatibus acum figo, super has chordas citharæ superpono æneam, & super eam lineam duco, & linea parabolica exacte descripta superveniet, nam si sine hujus chordæ adminiculo traxerimus, tremens & non perfecte eveniet. Tunc ænea tabula convenientis spissitudinis capienda, & lineam jam inventam supra depingimus, lima abradendo totum illud, quod erit supra lineam CA. His peractis, ferrea virga capienda erit exactæ longitudinis duodecim pedum scilicet linea DC. & in extremitate lamellam adjungemus, quæ erit pro axis circumvolutione, in extremitate altera clavum adjungemus, ut aliquo loco figatur, ut apte circumduci possit. Sic optime firmatam circumducimus. lutum adjungendo paleatum, ut optatæ parabolicæ sectionis formam excavat: quo resiccato, solidum aliud efficiemus, ut liquidum metallum sustineat, ex more.

C A P.




CAPUT XVII.

Parabolica sectio, quæ in infinitum comburat.

SCRIBIT Zonaras Græcus tercio suarum historiarum Tomo, quod Anastasius Vitaliano Thraci (qui Mysos, & Scythas sibi conciliavit, seditionem movebat, & in agro Byzantino prædæ agebat, classe urbem obsidebat) per Marianum præfectum resistit, navalique pugna commissa, ex machina quadam à Proclo viro excellentissimo facta, is enim tum in Philosophia, tum in Mathematicis florebat, neque Archimedis duntaxat celeberrimi artificis cognorat omnia, sed & ipse nova quædam adinvenerat, classis hostium debellata est. Nam specula ex ære fabricasse uistoria fertur Proclus, eaque de muro è regione hostilium navium suspendisse: in quæ quum solares radii impigissent, ignem inde fulminis instar erumpentem, classarios, ipsasque combussisse, quod olim Archimedem Romanis Syracusas obsidentibus Dion fecisse refert. Sed longe cæteris præstantiorem modum trademus, à nemine equidem, quod sciam, traditum, antiquorum omnium, & recentiorum inventionem superantem: nec puto humanum ingenium majora excogitare posse. Hoc speculum non ad decem, viginti, centum, aut mille passus comburit, vel ad determinatam distantiam, sed in infinitum, nec in cono accendit, ubi radii coeunt, sed à speculi centro uistoria linea procedit, cujusvis longitudinis, quæ obvia omnia comburit. Præterea accendit retro, ante, & ex omni parte. Sed profecto indignum facinus ducio ignare plebi propalare. Prodeat ergo in lucem, ut summa Dei immensa bonitas laudetur, veneranda fiat. Majori ex sectione, quia radius proportionalis prægreditur, ex minori major sit, hæc evitando fiat cylindrææ sectionis: nam est media, & parvæ, & majoris dissectionis constitutur axis, quæ transeat per medios parallelos, hæc Soli opposita longe refrangit immisos radios, & perpendiculariter centro sectionis cylindrææ, nec inveniri in hac arte potest ratio, ut coeuntes radii iterum disuniantur. Recipit ergo directe illos, quos per obliquum transmittit in radios longe

longe à sua superficie : nam radii transeuntes per arctum foramen fenestree, illico dilatantur, nec per elongationem eorum servatur proportio, reverberet igitur, & comburet ubi conus videtur lucidior : quod prope centrum erit, nec multum elongatur à puncto coeuntium radiorum, sed exeuntem radium ab illo puncto ex speculi superficie parabolica dicta, quæ eo loco, quem diximus, firma maneat. Experiatur ejus virtus filis è centro exeuntibus, chordis ferreis, vel setaceis, Nec refert parabola sit, aut sphærica, vel alia ejusdem ordinis sectio, deinde accommodetur optime super centrum dictæ sectionis, si progrediuntur extra radii supra, vel paulo infra, nil refert si pauci nummi, aut quam plurimi expendantur in hujus fabrica. Unius artificis manu pendet fabrica, quantitas nil parva, aut magna, Foraminis latitudo nil necessaria, solum medio propulsum sit, ut coeuntes in centro, optime coeant. Fenestra perforetur oblique, ut recipiat speculum parabolicum, & hoc modo habebis speculum, si quod dixi optime fiat. Qui aures habet audiendi audiat, barbæ non loquuti sumus, nec brevius, aut clarius potuimus. At si parva magnæ in proportionem non respondet, scito te nil operari, magna sit circa basim, parva circa verticem, primæ æquidistans. Speculum non sit chalybeum, quia incendii flagrantiam sustinere non potest, & incendio fulgorem amittit. Sit ergo ex vitro, soliditatis digitalis. Stannea bractea sit ex antimonio repurgata, & plumbo, qualis in Germania fieri solet, sic forma ex argilla, superponatur vitrum, ac vitrariorum fornaci liquecat, ut formam induat. Hoc enim mirum, quod ipsa quæ tantum in opera incendium causatur, frigida est, vel minus quam tepida. Si cordi fuerit, ut accensio antè fiat, ex sectione, quæ circa basim est, conficiantur torques, in cujus medii puncto accommodetur artificium, ut regressus radius in antè prodar. Hoc diximus, & animadvertimus, ut hoc artificio in magnis & mirabilibus rebus uti possimus, & præcipuè literas disce Lunæ inscribendo. Quæcunque enim hoc speculo exaravimus, ut diximus de plano, poterimus longissime literas mittere, & quia in infinitum diximus facili

centro 2. altero mobili in linea BD, describatur alter semicirculus & notetur 2. & sic usque ad quartum & notetur 4. Deinde posito circini pede stabili in B, distantia BC, vel B₄, circunducatur circulus, & immobilis pede centro B, semper distantia B₃. alter describatur: sic tertius B. & quartus BA, ut BI. Deinde ex puncto A trahatur linea, altera ex puncto B. & coeant in puncto, ubi circulus I, cum semicirculo 1. secantur, scilicet in G. deinde trahatur linea secunda ex circulo 2. & altera ex eodem A centro, & coeant ubi secundus circulus cum secundo semicirculo secantur, in H, unde ex tertio circulo, & ex B centro, & ubi coeunt in I. concento semicirculo. Sic ex quarto, ubi quartus incipit in K, & ex KIHG trahatur linea, quæ erit sectio describenda. Idem ex altera parte circuli fiat. Ratio est hæc. Radius Solis LI, incidens in puncto I. speculi, reflectitur ad B, quia B₃, & BI æquales sunt ex eodem circulo, angulus ergo B₃I, æqualis BI₃, sed B₃I, æqualis 3 IL quia subalternus, æquidistans enim est radius Solis LI diametro circuli, ergo anguli LI₃, & 3 IB æquales, reflectitur ergo in B. Idem dicendum de radio MH & NG. & hoc speculum est contrarium sphærali, ex diversis circumferentiæ punctis in differentibus diametri partibus reflectebantur, & diametri omnes ex centro: in hoc vero radii reflexi coeunt, non puncto uno, & diametri varii sunt ex quarta diametri. Sed de his latius in Perspectiva. Non omittemus tandem conum ignem accendere in circulum quum usque ad hunc circulum accenderit in punctum. Dividatur linea parabolica per sagittam, & coeant ex partibus adversis. Scilicet sit parabolica sectio CEF, sagitta DE, secetur hæc circumferentia in E, & C & F coeant simul, modo quo prius steterant, ut sit EGFE, & circa axem GH volvatur circum, efficietur conus rotundus, fiat ex chalybe, vel metallo, & expoliatur, & accendet in circulum ignem.



CAPUT XIX.

Ex refractione valentius ignis accenditur.

DI X I M U S uistoria specula ex reflexione, nunc quæ accendunt ex refractione; nam valentius ignem accendunt, rationem reddemus in opticis. Igitur

Cylindro crystallino ignem accendere

Poterimus, Soli opponendo, sed tarde, & lente; nam non in puncto uno radii omnes coeunt, sed in linea. Eodem fere modo

Pyramide crystallina comburere

Solemus: tamen etiam circa lineam urit, valentius tamen utrumque, quam speculum columnare, aut pyramidale, hujus vice cyatho aquæ pleno uti poterimus. Valentius tamen omnium

Sphæra crystallina vel portione,

Et si sphæra desit, vicem explebit phiala aqua plena. rotunda, & vitrea Soli opposita, si retro aliquod ignis amicum constitutur, ubi circa superficiem coeunt radii, illico ignem inducit, non sine spectantium admiratione, quum

quum ex aqua etiam frigidissima ignem excitari videant, sic sphaerae portiones, ut specilla, lentes, & hujusmodi similia, quae jam diximus.

*Parabolam crystallinam omnium vehementissime
ignem accendere*

Videbimus, omnibus enim radiis coincidentibus, valentius speculo accendit. Possumus quoque, ut de speculo diximus.

Refractione longissime ignem accendere,

Et fere in infinitum, ut optices ratione demonstratur, & tanto magis, quanto refractiones valentius reflexionibus operantur, idque pluribus modis praestabimus, quam in praecedentibus diximus, non solum ratione, sed experientia. Conficit eodem modo lineas transverse incisas parallelas, dixit Almeon. Diximus nos etiam si opponantur loco per coitionem oppositam perfecte crystallinae sphaerae, ut etiam sphaerales, & cylindroides portiones. Nec enim adeo longe ignem jaculantur, ut difficile sit credere, & majus quam imaginatio capiat. Ecce ignem accendendi alium valentorem modum trademus. Emittit etiam in aequales, utrosque parallelos. Incidat sectio uniformis, & referet obliquos radios, videbis ignem per occultum, & apertum radium incidentem in superficiem rectam, pervenietque valide uniformiter in eo loco, ubi maxima radiorum unio in opportuno inflammabili: nam si res illa inflammabilis opposita non fuerit arida, nil juvat speculum opponere, vel convexo cylindrico, vel concavo sphaerico, immo res invenietur admodum perforata ex valido igne, & si opposita vere non fuerit, peruret, vel magna, vel si parva fuerit illa eadem. Sed refert cujus vere sit portio. Efficit quoque idem si opposita magna, vel parva fuerit, si refert.

C A P U T XX.

In speculum excavatum idolum quomodo foras emineat.

ANTEQUAM è plano speculo manum amoveamus, recentiorum industria factum est, ut speculo in eodem
plura

plura cernantur ora vel unius rei simulachra, sine primi impedimento. Retro enim excavant speculum, & concavum parvum effingunt, unde bracteola inducta, uti docebimus, & rite concinnata, alterius vicem foras exhibebit. Hinc optime inventum provenit, ut speculo quis intuens, alterius rei imaginem erectam cernat, & non sine spectantis admiratione, manibus comprehendēs nil nisi aërem tangat, sæpe vidisse memini, & res sic se habet. E crystallo speculo parato, retro idolum excavant, qua potuerit fieri diligentia, folium inde accommodant supra, & in sede locant, quantum enim profunditatis habebit, tantum extra superficiem eminebit: nec tibi satisfacies, nisi manibus tetigeris, an vero promineat, sic literæ rite leguntur, ut supra crystalum argento sictæ videantur, nec tanta erit visus acies, quin respiciendo hallucineretur. Nec omittemus artificium

Vt plano speculo ea videas, quæ nusquam apparent.

Nec parvam amicis hoc speculo jucunditatem, & admirationem ingessimus, triginta, vel quadraginta tabellulas paratas habeto sesquipedalis longitudinis, latitudinis duum digitorum, soliditatis tertiæ partis digitalis, hoc artificio dolatæ, ut ex una parte soliditas dicta insit ex altera in aciem, veluti cultri abeat. Tabellas omnes simul compone, ut solidæ partes una simul coeant, modo, quo exactam planitiem efficiant. Deinde tuam imaginem, aut alterius rei simulachrum supra depingas: hoc tamen artificio, & maxima animadversione, ut si propinquius speculo fuerit imago, longiuscula depingatur, si longius distare voluerit, frons longa sit supra proportionem. paulo longior nasus, & os, æquale mentum. Modum exacte describendi in tabellis hanc formam in opticeis diximus. Vbi jam descripta erit imago, tabellulas supra planam tabulam firmato, ut caput infra, mentum supra constitutur & tabella prima post secundam, & secundam post tertiam locetur, donec omnes firmatæ sint. Tabulam supra hominis altitudinem suspendito, ne supra tabellarum gradus inspiciant, & speculum su-
pra

pra locato, à tabula bipedali spatio distans, tandiu attol-
lendo, & deprimendo, quousque veram imaginem asse-
quaris. Vnde qui speculo appropinquaverit, suam ima-
ginem visurus, alterius rei imaginem perspiciet, nusquam
apparentem. In latitudinibus tabellarum aliquam imagi-
nem effingere poteris, ne doli suspicionem ingerant.

CAPUT XXI.

Specilla quomodo fiant.

VIDIMUS admodum fuisse necessaria operationi-
bus jam prædictis specilla, vel lentes crystallinas,
nec sine his mirabilia fieri posse: reliquum est specilla &
specula quomodo fieri debeant, docere, ut suo Marte
quisque sibi possit comparare. Conficiuntur in Germa-
nia pilæ vitreæ, quarum diametri longitudo pedalis
major, minorve. Pila smiri lapide circumsignando in
quamplurimos parvos circulos scinditur, qui Venetiis
afferuntur. Hic manubrio ligneo glutinantur colopho-
nia eliquata: & si convexa specilla facere volumus, cly-
peum ferreum habeas oportet concavum, qui sit portio
magnæ sphaeræ, ut plus, minus specilla convexa facere
quærent, & sit clypeus perfecte expolitus. Si vero
specilla concava quærimus: sit pila ferrea, ut ea, quæ ma-
jorum æneorum vi tormentorum exploditur, cujus su-
perfacies bipedalis, vel trepidalis, aspergitur supra cly-
peum, vel pilam harena alba, quæ ex Vincentia fertur,
vulgo dicta *Saldame*, atque ex aqua valde manibus con-
fricatur, id usque donec superficies illius circuli formam
clypei susceperit, scilicet convexam, vel concavam supra
pilæ superficiem, ut undique illius superficiei adhæreat.
Vbi id assecutum fuerit, lento igni manubrium illud ca-
lesfaciendo, specillum ex manubrio separatur, & ex altera
parte eodem manubrio glutinatur colophonia, eandem
operam impendendo, ut utraque ex parte convexam, vel
concavam superficiem suscipiat. Mox tripoli pulvere de-
nuo perfricando, ut exactissimam excipiat expolitionem,
ubi perfecte expolita, perspicuam tali pacto reddes.
Pannum laneum supra lignum configunt, aspergitur
supra separationis aqua, & tripoli pulvis, adfricaturque dili-

diligentissime, & perfectam videbis consequi perspicuitatem. Hoc modo & magnæ lentes, & specilla Venetiis fieri solent.

C A P U T XXII.

Quomodo speculis planis, concavis, & convexis bractea inducantur, & terminentur.

RELIQUUM est ut pauca nunc, & non prætereunda referam de speculorum terminatione convexorum, & de bractea inducenda planis, & convexis, ut perfectam speculorum scientiam tradamus. Primo speculorum terminatione, quæ è crystallo, & vitro parantur, inde aliorum misturas, & polituras, ut sciens artifex & noscere, & componere sciat: nam quamquam inter multa, quæ rerum referunt imaginem, velut aqua, gemmæ quædam, politumque metallum, nil æque perspicue reddit simulachra, quam plumbum vitro sublitum. Specula plana è crystallo, & vitro parantur, quæ è crystallo rotis expoliuntur, & aliud exigunt ministerium. Sed Venetiis

Vitrea specula quomodo fiant,

Vidimus. Vitrum liquidum ferro eximunt, vento vacuum columnam formant, forficibus aperiunt ex latere, & ignitam super ferream laminam imponunt planam, & perfecte exæquatam, & iterum intra fornacem immittunt, ut mollior reddatur. & exactam ferreæ laminæ planitiem adipiscatur, supra fornacem relinquunt sensim refrigescat. Frigefacta hoc modo

Plana specula expolire

Incipiunt, supra planam tabulam gypso agglutinant, infra lamina ferrea politissima & plana subjacet, arcuam dictam injiciunt, atque innixo baculo adfricant, quousque perfectissimam consequatur planitiem, è tabula separant, & alia ex parte agglutinant, ut utramque expoliant, mox perspicuitatem, ut diximus, inducunt. Nunc docebimus

Plana specula vitrea terminare.

Vitrea specula, vel crystallina ubi plana, & adæquata fuerint, quantitatis ejusdem artifex stanneam efficit bracteam

ſteam planam, & tenuem, qua poterit diligentia. Si enim cryſtallum vel vitrum non ſublineretur plumbo, ob ſui vigorem, naturæque denſitatem, non ſiſteret impreſſam imaginem, ſed dilabi ſineret, quia vitrum rarum & pellucidum, ob ſui pellucenciam non contineret, unde evaneſceret in eo ſimulachrum, ut in Sole lumen. Inde ſupra hanc braſteam vivum argentum pede leporino extricabis, ut & tota argentea videatur, & ubi in ſuperficie hæreré cernes, ſupra albam, & mundam papyrum impones, & ſupra ſpeculum, ſed prius lineo panno exteſum, & perpolitum, nam ſi manibus contrectas, braſtea non adhæret ei, ſiniſtra manu ſpeculum premas, dextra papyrum ſubtrahas, ut omni ex parte braſteæ uniatur, & coeat, ſupra pondere impoſito, aliquibus horis immorari ſiſito. Nunc docemus

Concavo ſpeculo braſtea quomodo inducatur.

Sed laborioſius concavo ſpeculo inducitur braſtea. Paretur igitur braſtea ſpeculi quantitatis, quam ſupra convexam ſuperficiem impones, & digito in centro firmato ſiniſtræ manus, dextra circum circa braſteam pertractabis, & extends ſupra dictam ſuperficiem, donec illius convexæ ſuperfici ei formam induat, undique recte adhæreat. Mox ex gypſo liqueſcenti formam ſpeculi parabis: ſcilicet aliquando gypſum ſupra convexam ſuperficiem, & reſiccato gypſo habebis typum. Supra typum ſtanneam braſteam extends, & typo undique congruet, quia typus & braſtea ex eadem ſuperficie conſecta ſunt, argentum vivum ſupra braſteam ſpargito, & leporino pede, ut diximus, adhærere curato, artiſices *avivare* dicunt, papyrum ſupra impones, & ſupra ſpeculum comprimendo, papyrum educes, ubi optime adhæſiſſe cognoveris, ſublata manu pondus impone, mox remove, ſed diligenti manus libramento, ne ventum concipiat, & undique argentum vivum cohæreat. Remanet

Convexa ſpecula terminare.

Fiat pila vitrea, ſed ex puro vitro, & ſine veſiculis quam maxime fieri poterit, ut receptoria diſtillationum, & ex cavo ferro, quo inſufflata eſt, projiciatur miſtura
hæc

hæc liquida, scilicet ex antimonio, & plumbo, sed antimonium, bis, ter liquefactum, & defæcatum, & intus colophoniam projicias. Sic mitturam in alveo revolvendo, quod superest foras projicito, & ita Germaniæ specula fiunt convexa.

CAPUT XXIII.

Specula metallica quomodo fiant.

SED alio modo specula metallica fiunt. Si parandum igitur erit speculum parabolicum, supra æneam tabulam, vel ligneam parabolica linea designetur, quod extra eam est, lima tollatur, ut æqualis, lævis, & perpolita sit. Axi infiges per medium, & armamento accommodabis, ut apte circumduci possit, infra paleatum lutum, & stercoreatum accommodabis, ut circumducta tabella, concavam exacte formam concipiat, mox resiccati curato. Supra cinerem inspargito, & lutum superinducito convenientis spissitudinis, ignis, vel major Solis calore resicceatur, tolle, nam ex cinere facile separatur, simul unias, ut tantum inter utramque formam spatium intercedat, quantum speculi crassitudini conveniens judicaveris: Ubi resiccatum erit, hoc sepelias, ore aperto supra relicto, & aliquibus spiramentis, quibus aer exhalare possit. Inde talem parabis misturam. Accipiantur olla nova igni conrumax, & intus luto inducatur, ut firmitus perduret, resiccati curato, idque bis, terve repetas. Igni appone, & in ea binæ tertari libræ liquefiant, & totidem arsenici crystallini, ubi fumare conspicias, injice libras quinquaginta æris antiqui, atque usu attriti, & septies, vel sexies liquefcat, ut purgetur, defæceturque, mox addes viginti quinque libras stanni anglici, & simul liquefcant patiaris, paululum ex mistura extrahes ferramento aliquo, & experimentum capies, si frangibilis, vel dura sit. si frangibilis, æs adde, si dura stannum: vel coqui finito, ut aliqua stanni pars evanescat, quum ad optatum temperamentum pervenerit, projicito supra binas uncias boracis, & finito quousque in sumum solvatur, deinde in typum projicito, & refrigerescere finito, frige factum pumice adfricabis, mox smiri pulvere, ubi perfecte superficiem adæqua-

adæquatam, & perpolitam conspexeris, tripoli adfricabis, postremo stanno icto nitorem, & lucem induces. Plerique tertiam stanni partem addunt æri, ut durior massa fiat, & maiorem perspicuitatem recipiat.

LIBER DECIMVS OCTAVVS.

In quo de gravi, & levi tractatur.

PROOEMIUM.

DE gravi, & levi describere exoptanti, mirabilia multa, & digna relatu, & speculatione occurrunt, quæ ad usus utiles, & valde proficuos accommodari possunt, & si quis hæc profundius speculatus fuerit, multa & nova poterit adinvenire, quæ etiam ad utiliores usus, & magis proficuos poterunt revocari. Post hæc sequemur pneumatica, sere eandem sortem sequentia,

CAPUT I.

*Quod grave in eodem gravitatis genere non descendat,
nec leve ascendat.*

PRius quam ad ea, quæ demonstrare intendimus, descendamus, necesse aliqua præfari judicavimus, & aliqua præmittere axiomata, absque quorum notitia, nec probare, nec demonstrare poterimus. Grave illud vocamus quod descendit ad centrum, tantoque gravius dicimus, quanto citius descendit. Leve contra, quod à centro ascendit, levius, quod properantius ascendit. Corpora invicem cedere dicimus, quæ per minima commiscuntur, veluti aqua, vinum, & ejusmodi liquores. Præterea hoc axioma præmittendum intendimus. Nullum esse corpus grave in suo genere, ut aqua in aquæ elemento, & ær in aëre. Sic etiam vacuum adeo à Natura abhorreri, ut prius mundi machinam dissolvi contingat, quam admitti: & ex

& ex hujus vacui repugnantia, omnium fere mundi mirabilium causam provenire, quod fortasse operi huic dicato declarabimus: unde vis vacui efficit, ut contra naturæ normam levia descendant, & gravia ascendant; adeo necessarium est in mundo nil esse sine corpore. Igitur his prælibatis ad aliqua descendamus, & primo. Grave corpus liquidum, vase reclusum, cujus os inversum in liquorem abeat, vel graviolem, vel ejusdem generis, dico non descendere.



Sit inversum vas A B aqua repletum, cujus os inferius B submersum in ampli, & patuli oris vas C D aqua repletum, eodem liquore vel graviori, dico aquam ex vase A B non descendere. Nam si aqua in vase A B contenta descenderet; oporteret graviolem esse aqua in cratere C D contenta, diximus esse ejusdem generis, vel gravioris; unde si caderet, esset contra primum axioma. Idem esset, si utrumque vas repletum esset vino, vel aqua: nam si aqua in vase A B contenta descenderet in locum C D, remaneret vacuum in A, quum non sit locus, ex quo aer ingredi possit, unde esset contra secundum axioma; ratione igitur vacui

vacui, & quia non gravius corpus, non cadit in craterem. Si vero quis in fundo vasis A, terebraverit. quo aditus aëre pateret, nulli dubium esset. quin aqua in craterem non descenderet. Si vero etiam AB, vas aliquo levi liquore repletum esset, & crater graviore, neque suo loco dimoverentur. Sit igitur vas AB vino repletum, inversumque ejus os B in cratere aquæ pleno, dico utrumque liquorem suo loco immorari, neque invicem commisceri: nam si vinum descenderet, vel oporteret vacuum esse in corpore A, vel grave ascendere ex vase CD, quod esset contra naturam gravitatis, & secundum axioma, scilicet quod grave ascenderet, & leve descenderet, non igitur è suis locis dimoverentur. Ex hoc illud evenit, quod sæpe ganeonibus, & bibacibus factitatur, qui in cyathum aqua semiplenum, vinum stillatim infundunt, & plane, usque donec vas repleatur, & adeo coherant simul, ut sola linea eos liquores disterneret. Et qui vinum citius frigidum reddere quærunt, phialam vino plenam, in vas aqua plenum summergunt, inverso ore, & sub aquis comprimunt: nam quum aqua vini superficiem contingit, & simul commisceri non possunt, & cito frigescit vinum: quum necesse sit usque ad aquæ superficiem elevando citissime phiala revolvatur, potum ministrèt, & repleantur, & in eundem locum postea redeat. Ex hoc corollario contra eos invehimur, qui bibentes prius aquam, postea vinum infundunt: nam quia vinum levius est, aqua gravior, vix misceri possunt. Unde principio vinum meracius bibunt, mox dilutius, postremo aquam. In magnatum mensis vinum prius in cyatho porrigunt, aquam mox infundunt, ut sui ponderis aqua cum vino remissa descendat, & æqualem gustui saporem repræsentet. Jubet Theophrastus prius infundi vinum, mox aquam.

CAPUT II.

Quomodo discumbentes bibendo illudere possimus.

IN amicorum symposiis, si voluerimus convivas hujus causæ ignaros jucunda simulatione deludere, poterimus bibendo provocare ejusmodi cyatho. Sit scyphus infundibuli forma, patulum os supra habeat, inferius

ferius pyramidaliter coarctetur, jungaturque vitreæ pilæ per angustum os. Primo aqua infunditur, quoad pila tota repleatur, mox vinum adjungimus paulatim, quod oris angustia non remiscetur, & aqua gravis, vinum vero leve, qui prius biberit meracum bibet, socio mox porrigas, qui bibat, nam bibendo puram aquam potabit. At si socius ad idem certamen te provocabit, & prius vult, ut tu bibas: reple pilam cyathi vino, & aquam supra infunde, & cum variis colloquiis remorator: nam per angustum os aqua descendet, & tantundem vini ascendet paulatim, videbisque per medium aquæ vinum ascendere, & aquam descendere per medium vini, & ima petere, & loca permutantur, ubi aquam descendisse noveris, vinumque ascendisse, bibe tu, quia vinum bibis, amicus aquam. Hinc evenit, ut non sine maximo bibentium incommodo, quum vinum cretaceis in vasculis, vel æneis male clausis puteo immergimus, refrigerandi causa, aqua gravior, per minimum spiraculum subiens, vinum egredi cogit, expellitque, parvoque temporis momento vas aqua repletur, vinum evanescit, ut ne aqua tantillum vini resipiat: ob id os solertius claudatur.

CAPUT III.

Quomodo vinum aquæ mistum separetur.

EX his facile duo ostendemus, & quod grave corpus intra vas vitreum clausum, habens suum os submersum intra levius corpus liquidum, mutuo cedunt, levius ascendet, gravius descendet, sine alterius impedimento, quod ex superioribus principiis demonstrabimus. Sit vitreum vas *AB* inversum aqua plenum, quæ gravior est vino, cujus os *B* intra vas *CD*, submersum sit, vino plenum, sunt enim corpora sibi mutuo cedentia, ut diximus, dico aquam descendere in vas *CD*, & vinum ascendere in vas *AB*, ubi prius steterat aqua. Aqua enim, quia contenta vase *AB*, quæ gravis est, premit vinum in vase *CD*, quod est levius, & quia corpus non intercedit inter utrumque, aqua ex una parte descendit in vas *CD*, & vinum ex alia ascendet in *AB*. Quod si vinum

si vinum rubrum erit, ut colorum discrimina videri possint, videbis per medium aquæ ascendere vinum usque ad fundum vasis superioris inversi, & aquam descendere properanter ad fundum vasis CD, tantumque descendit, quantum ascendit, & si invisibiles liquores fuerint, alter sine alterius impedimento, & mixtura, in suum locum graditur, jucundumque spectaculum spectantibus præbebit, ubi vinum ascenderit, & aqua descenderit, quum quiescunt, adeo recte, perfecteque separabuntur, ut ne vinum tantillum aquæ retineat, nec aqua vini. Vnde si in dolium vino plenum vas longioris colli aqua plenum mergatur, paulo temporis spatio, inversum vas vino replebitur, & aqua in dolium descendet. Ex hoc facile conjiciet quispiam

Aquam à vino separare.

Quia sæpissime rusticorum, & vindemiatorum fraudibus vinum aquæ remissum patrifamil. præbetur, hoc invento facile eorum fraudibus occurremus. Sit inferius vas vino repletum, ex aqua misto, & volumus aquam à vino separare. Sed oportet sit primo vas, quod integre capiat vinum, quod in subjecto vase remissum sit. Et si quantitas ignoretur, conjiciatur quantum esse possit, vel saltem minor, inde prædictum vas aqua compleatur, idque supra vas invertatur, ubi vinum aqua remissum sit, & summa pars inversi vasis, summa ora inferioris liquoris libet, ne aer ingredi possit: nam tunc illico aqua descendet in subjectum vas, & levior remissa pars ascendet, & aqua subsidet, & si totum vinum ascendet, vel tantillum vini in aqua remanebit, scito tantundem aquæ in puro vino fuisse remissum, quod ex odore, & sapore facile conjici poterit, si bene operatus fueris. Tunc accipito vas majoris capacitatis ejusdem liquoris, & ponatur in vas subjectum, quousque totum hauriet, unde ex proportionem ascensi vini & aquæ, scit facile quis poterit, quanta aquæ portio in vino remissa sit. Sed commoditatis gratia phiala, quæ aquam continebit, rotundi alvi sit, & foramen non admodum magnum, & subjectum vas, quod vinum habet, sit obstri-

Et oris, ut rotundum superius aptius conjungi possit cum inferiori, ne aër intercedat. Sed quia interdum evenire solet, ut pila superior, postquam omne vinum hauserit, nec replebit suam capacitatem, & nos aquam è vino separare voluerimus, pilam manibus capiendo obvolvamus, ut os cælum aspicias, tunc illico vinum revolvetur, & venit in superiorem partem, quod penicillo tacto, totum foras evocatur. In sedulus inspicito, quum vinum hausisse vides, amove penicillum, & remanet aqua pura.

CAPUT IV.

Quomodo aliter vinum ab aqua separare possimus.

NOS idem præstabimus alio modo, non levitate & gravitate, ut diximus, sed tenuitate, & densitate: nam aqua humorum omnium subtilissima est, quia simplex est, vinum autem quum coloratum sit, & color ex mixture elementorum, corpulentum magis est. Ut igitur vinum ab aqua separemus, materiam habeamus paratam oportet foraminulentam, ex qua formemus vas, in quod vinum cum aqua injectum foras extillet: nam aqua foras elabitur per poros materie, quod permisto, & corpulento referatur. Etsi ligna multa esse possunt, hedera optima erit, quia porosa, multisque interpatet rimulis: unde si ex eo cyllibium paratum habeas, id est, vas hederaceo ligno tornetur, scilicet viridi, & in eo vinum aqua mistum injicias, aqua brevi tempore foras extillabit: quod contrarium antiquos omnes, & recentiores sensisse video, cui tum ratio, tum experientia reclamant. Ait enim Galenus. Si volueris scire utrum vino aqua addita sit, nec ne, vasculum facito de materia hederacea, vinum, quod putabis aquam habere, eodem mittito, si habebit aquam, vinum effluet, aqua remanebit: nam non continet vinum vas hederaceum. Et Plinius ab eo. Hederæ mira proditur natura ad experienda vina. Si vas fiat ex ligno hederæ, vina transfluere, ac remanere aquam, si qua fuerit mista. Unde duplici errore uterque notandus erit, quod dicat ex hederæ vi mira provenire, quum omne lignum foraminulentum id facere possit. Præterea dicit, vinum foras effluere, & aquam remanere, quod contra-

rium

rium evenit. Sed melius, & probabilius Democritus sensit, qui non vase hederaceo usus est: Sed quodam foraminulento. In ollam, inquit, novam, nondum imbutam infundunt, & per biduum suspendunt, percolabit enim olla, si aqua fuerit admista. Ad idem opus alio artificio usus est Democritus. Quidam spongia nova, oleo imbuta osculum vasis obrurant, & inclinant, & effluere sinunt, si aquam habet, sola effluit aqua. Quo etiam experimento in oleo utitur. Spongia enim foraminosa est, & satis aperta. & oleo imbuta impedit, ne liquor foras extillet tam facile. Africanus aliud addit. Alumen liquidum in dolum vini mittito, deinde spongia oleo imbuta osculum obrura, & inclinato, effluere finito, sola enim aqua effluet. Alumen enim constringit liquores, ut modice permeent.

CAPUT V.

Corpus leve gravi immistum alio modo separare.

POSSUMUS & alio artificio leve à gravi separare, vel vinum ab aqua, vel alio modo. Fiat lineum penicillum, vel ex gossipio, & dolio immerge, quod aquam, & vinum remistum habeat, & penicillum extra liquorem supernaret, & ascendat supra, deinde cadat pendulum extra vas, levior enim liquor ascendet per penicillum, & foras extillabit. Sed ubi levius ascendit, attrahet quoque grave. Ob id ubi color immutari videtur, amove vas: nam profluat aqua. Clarum est enim, quod quum vinum sit levius, semper in superiorem vasis partem ascendet, & per penicillum effluet, & si omnes ænopolæ contrarium dicant: foras enim penicillo aquam effluere, & intus vinum remanere.

CAPUT VI.

Quomodo in gravi leve, aut in levi grave admistum sit.

POSSUMUS & in gravi, si leve admistum sit, vel si in levi grave interjectum sit, facile cognoscere: & modum hunc exponemus ex libro Archimedis de insidentibus aquæ: cujus causa est. quod si lignum, lapis, metal-

lum gravius ponderet alterius æqualis quantitatis aquæ, extrema corporis superficies una erit cum aquæ superficie, si gravius pendet, ad ima aquæ descender, si levius erit, quanta erit levitas aquæ major, tanta ejus pars supra aquam eminebit. Quum id igitur sit verum, & aqua vino gravior sit, una eademque res plus mergetur vino, quam aquæ, & in aqua densiori minus: ob id naves in fluminibus plus merguntur, quam in mari, quum aqua marina densior, graviorque sit ob sale immistum, ut etiam ex Alexandro habemus, Si igitur aves

In vino utrum admista sit aqua cognoscere.

Pone vinum, de quo dubitas utrum aquæ admistum sit, in vase aliquo, & in eo pone malum, aut pyrum, si mergitur pomum, vinum erit impermistum, si vero superfutabit, vinum permistum erit, quia vino aqua densior est: Quod contrarium & falsum prodit Democritus, ait enim. Necessarium est herum sæpenumero curatoribus & famulis vinum, aut mustum concedere. Similiter autem necessarium est emptorem experiri an vinum purum existat. Malum quidam in vas injiciunt, melius autem pyra sylvestria, alii locustam, alii cicadam, & si quidem innataverint hæc, purum est vinum, si vero merguntur, aquam habet. At si quæris

Mustum an habeat admistam aquam scire.

Contrarium erit, ob contrariam rationem. Vinum enim purum & sincerum tenue est, mustum vero, quando recens, crassum, & sæculentum, densum, viscosumque, quia nondum sæces subsident, sed tempore defecatur, attenuaturque. Vnde si in mustum mala vel pyra sylvestria immiseris, & mustum purissimum erit, supernatabunt mala, & fluitabunt, ac si aquam admistam habuerint, mala fundum petunt, introque merguntur, quum enim aqua multo tenuior sit, & levior, facit, ut malum subsidat, quod optime à Sotione descriptum est, & satis curiose. Inquit: Vt sciamus mustum an aquam habeat: pyra sylvestria, hoc est crudissima, in mustum conjice, & si quidem aquam habuerit, ad fundum mergentur:

rum: nam si vas multo repleas, dum sorbum aut pyrum immerges, supernabit, quanto plius aquæ addes, plus mergetur malum. Sed id tanquam austerium addamus

*Musti aqua diluti, quæ pars melior, superior
an inferior, scire.*

Affolent enim rustici post vini expressionem, racemis jam expressis, aquæ quantitatem injicere juxta mensuram quandam: sic potum consiciunt, quo in operariis ruris utantur. Hoc mustum dividunt: pars altera rustico, altera patrifam. debetur: in dubium vertitur, quæ pars melior, prima, an postrema, quæ ex torculari profluit. Sed si eorum, quæ prius diximus, recte memineris, quum vinum levius sit, summam partem petit, pars aquæ gravior semper subsidet. Vnde prima, quæ exit, vinum est, altera, quæ remanet, & racemis exprimitur, aquosa est. Quando aqua racemis injicitur, intimas botryonum partes petens, vini partem, quæ illis inhæret, allicit, & ad se trahens remiscetur, quia levior, ad superiora tendit, superior igitur pars melior, quia vini plus habet, at si ex inferiori parte referetur epistomium, foras primum aqua effluet, post vinum, descendendo,

CAPUT VII.

Quomodo & aliis modis vinum ab aqua segregemus.

POSSVMVS & alia ratione levitatis vinum ab aqua separare, ratione distillationis. In distillatione enim levius primo ascendit, dein grave, dum majore vi ignis non urgetur, & sic rationi consentaneum est: ut igitur liquor ascendat, oportet prius in tenues vapores attenuari, & levius fieri, vinum igitur, quia aqua tenuius, si in stillatorio vase ponemus in balneo aquæ, paulatim ascendit levissimus vini vapor, & in subjectum vas prolabitur, videbis ergo in receptaculum aquam vitæ, recipies, & ex quantitate illius argumentaberis proportionem aquæ vino remistæ, illud etiam admonendum duximus, ubi vini pars levissima ascenderit, remanent fæces graves, ut aqua, vel pars vini. Multoties in distillationibus nostris, quum aqua vitæ in balneo distillaretur, casu

disruptum vas aquam vitæ continens, cum aqua balnei remissa est, nos remissum in vas vitreum indimus, ac levem ignem adhibendo, primo evolavit aqua vitæ pura, simplex, & sine aqua, & in fundo aqua remansit, quæ nec odorem aquæ vitæ respiciebat. Ex venis pileo decurrentibus cognoscebamus aquam ascendere. Non omitteremus (& si alia ratione) jucunditatis, & subtilitatis gratia apponere

Modum aquam à vino segregandi.

Et hoc artificio sciemus quanta in dolio aqua remissa sit. Accipiaturs vini quantitas, & phialæ indatur vitreæ, & phialam in aquam frigidissimam expones, ut quicquid in phiala sit, congelietur, ut docuimus, si vinum sincerum est, difficilius & tardius congelabitur. si aquæ plusculum habuerit, citius converteretur. Ubi vinum congelatum erit, frangatur phiala supra patinam, glacies paulatim liquecet, primo vinum, quia calidius, postremo aqua remanet congelata, separa à vino; quia tardius solvetur. Ex cujus proportionis conjicies quanta aquæ pars in dolio coniecta sit.

CAPUT VIII.

Quomodo levitas in aëre & aquis varia sit, & quæ per ea artificia fieri possint.

NU NC tractabimus de gravi, & levi aliter, quam in præcedentibus traditum est, scilicet qualiter in aëre, & qualiter in aquis sit, & quæ inde speculatio, vel utilitas nasci poterit: & primo quomodo metallum cognoscemus si purum, vel cum aliis metallis sit admixtum, ut aurum cum argento, & in vasis deauratis, vel & in nummis; ubi argentum vel aurum cum ære remiscetur, & quale sit quorumcunque pondus, quæ speculatio non solum trapezitis, sed chymistis etiam utilis, quum examina metallorum expetant, in fixationis argenti, aliisque eorum operationibus. Quod faciliter tradere conabimur. Sed videamus primo num antiqui scriptores de ea re aliquid speculati sint, & quid tradiderint. Vitruvius narrat id Archimedem tractasse, nam Hiero quum auream coronam votivam Diis in phano constituisset ponendam, aurum

aurum ad sacoma dedit redemptori: is opus subtiliter manufactum Regi approbavit, & ad sacoma pondus coronæ visus est præstitisse, post indicatum est, deinto auro tantundem argenti ad coronarum opus admissum esse. Indignatus Hiero rogavit Archimedem ut in se sumeret de eo cogitationem: tunc is casu venit in balneum, ibique quum in solium descendisset, animadvertit quantum corporis sui in eo insideret, tantum aquæ extra solium effluere, itaque quum ejus rei rationem offendisset, exiit gaudio motus, currens domum versus clamavit *εὕρηκα εὕρηκα*. Tunc duas dicitur fecisse massas, æquo pondere, quo fieret corona, ex auro una, altera ex argento, unde vas amplum ad summa labra replevit aqua, in quo argenti massam remisit, cujus quædam magnitudo vase depressa est, tantum aquæ effluxit. Itaque exempta massa, quanto minus factum fuerat, refudit, sextantem mensus, invenitque quantum ad pondus argenti certa aquæ mensura responderet, tum veram massam similiter pleno vase dimisit, & ea exempta eadem ratione mensura addita, invenit ex aqua non tantum defluxisse, sed tantum minus, quantum minus magno corpore eodem pondere auri massa esset, quam argenti. Postea repleto vase in eadem aqua ipsa corona demissa, invenit plus aquæ defluxisse in coronam, quam in auream eodem pondere massam, & ita ex eo, quod plus defluerat aquæ in coronam, quam in massa ratiocinatusprehendit in auro missionem. Hæc fuit Græci inventio, quæ ob inventionem laudem meretur, sed in operatione difficilis, nam in rebus parvæ quantitatis furtum dignosci nequit, nec tam clare oculo patere potest ratio, indigens absolutissima vasis fabrica. Jam modus inventus est, quo ad omnem pecuniam, & parvam uti poterimus, & præpropere, nec multis instrumentis indigemus, ut dicere possimus *ὑπερβύνη ὑπερβύνη*. Hic est modus

Vt partem argenti auro remissam cognoscere possimus.

Habeas exactissimam stateram, vel lances, in altera earum quodvis metallum appone, in altera tantundem ejusdem metalli,

metalli, sed in sua specie purissimi: & quum lances in aere æquibres erunt, eas in vase aquæ pleno impones, & sub aquam immerges, circiter semipedem. Tunc mirabilis quædam res erit: nam lances, quæ in aere æquibres erant, in aquis variabunt naturam, & inæquales erunt: nam impurum metallum summa petit, sincerum ima: cuius ratio hæc est, quod aurum purum cum ea specie gravius est omni impuro auro, quia purum aurum minorem locum occupat, ergo gravius pendet ex superiori ratione. Unde si scire voluerimus quantum argenti in eo auro sit, pone tantum auri puri in altera lance, quantum sufficit, ut lances sub aquis pares sint, æquatas in aere sustollito, & pondus, quod in aquis addideras, erit missionis pondus. Si scire velis, quantum auri fuerit in deauratione alicujus vasis. Pone vas in altera lance, & in altera tantum argenti purissimi, quantum ut æque librent in aere lances: mox in aquis mergas, & vas descender, pone in altera lance tantum auri, quod sub aquis æquiponderet, extrahe, & pondus erit auri deaurationis: idemque de argento, ære, ferro, plumbo albo, nigrove facias. Sed si scire quæris, utrum in numismatibus argento sit æs admistum, vel si pecunia ex superflua æris admistione adulterata sit, pone numisma in altera lancium, & in altera tantundem argenti purissimi, & in aere æquilibrans sub aquis merge, descendet numisma: adijunge tantum æris, ut æquibre sit, extrahe, & ad pondus erit mistura. Nunc pondera metallorum apponemus quancum in aquis, & aere præponderent, ex quibus sine alio experimento poterimus missiones cognoscere. Ferrea pila, quæ in aere pendebat unde viginti uncias, in aquis quindecim: unde pila ejusdem magnitudinis aquæ tres uncias rependet, unde proportio ferri ex aere ad aquas est illa, quæ decem & novem ad quindecim. Pila plumbea ejusdem magnitudinis in aere pendet unam & triginta, in aquis viginti septem. Marmorea paulo minor magnitudine in aere septem, in aquis quinque. Æs cyprium in aere sexdecim, in aquis duodecim. Argentum in aere centum viginti quinque, in aquis centum & tredecim. Æs in aere sexaginta quinque karatos, & granum unum, in aquis, quinquaginta

quaginta karatos, & grana duo. Aurum *scuti* vulgo dicti in aëre sexaginta sex grana, in aquis sexaginta duo. Aurum *zechini* dicti in aere septem & decem karatis, in aqua karatis sexdecim. Aurum ducati Turcici in aere quatuor & triginta, in aquis duo & triginta. Aurum *scuti* vulgati gallici in aere septem & sexaginta, in aquis sexaginta. Aurum *scuti* vulgaris Vngarici veteris in aere septem & decem, in aquis sedecim. Aurum *scuti* Tartarorum in aere sexdecim, in aquis quatuordecim.

LIBER DECIMVS NONVS,

De pneumaticis experimentis sermonem
habet.

PROOEMIUM.

TRACTATUM de gravi, & levi sequuntur pneumatica experimenta: nam videntur & Mathematices, & aeris, & aquæ rationes sequi, & Magus, qui humano usui utilia, & admiranda vestigare querit, his insistat. hæc speculetur, & investiget, nulla in re major Naturæ majestas refulget. Extant doctissimi Heronis Alexandrini præclara monumenta de pneumaticis. Nos atiqua & nova addemus, ut ansam majora excogitandi præbeamus.

CAPUT I.

Vtrum materiales statuae aliquo artificio loqui possint.

LEGIMUS aliquibus in urbibus, æneum colossum extitisse, supra eximiæ altitudinis stilobatum collocatum qui in maximis ventorum tempestatibus ex inferioribus partibus, quum maximum spiritum concepisset, ex ore in tubam delato, tubam personasse, aut alia instrumenta, quod facile fuisse credimus, quum simile quidpiam viderimus.

mus. Legimus etiam apud plerisque eximie authoritatis viros, Albertum Magnum caput fabricasse, quod loqueretur. Etsi, ut ingenue fatear, ejusmodi viro minime fidem habeam, cum quæ ex eo experti sumus, falsa omnia adinvenimus, nisi aliqua, quæ ab aliis excerptis. Videamus nunquid statua fieri possit, quæ loquatur. Sunt qui dicant Albertum astrologicis electionibus temporum rem tam miram confecisse. Sed Dii boni, quomodo id doctis viris persuaderi potest. quum stellas ejusmodi vires non possidere fuerint experti: Sunt qui credant magicis artibus id effecisse. Quod omnium minime credimus, quum nemo adhuc repertus sit, qui ejusmodi artes se scire profiteretur, nisi impostores, & agyrtæ, dum ignaros homines, & mulierculas decipiunt: nec puto pium virum detestabiles artes professum, sed pneumatis ratione fieri posse auguror. Videmus vocem, vel sonum per aera integrum deferri, nec illico, sed paulatim, & cum tempore. Videmus ænea tormenta, quæ vi pyrij pulveris in ingentem bombum obstrepunt, & si mille passus longe absint, multo prius flammam videmus, quam ad nostras aures sonus perveniat. Sic manuales sclopi crepitantes etiam per aliqua temporis minuta longiuscule ad nos deferuntur, ea enim est soni natura. Soni igitur & tempore incedunt, & integri sine interruptione, nisi aliquo loco collidantur. Argumento est echo, nam integra allidens parietibus, resilit, & reflectitur, ut radius. Præterea, ut hoc opere diximus verba, & voces simul unitæ incedunt, & per longissimos ductus latæ, integræ, ut ex ore loquentis. His igitur pro veris constitutis, si quis ductus plumbeos longissimos confecerit, longitudine bis, vel tercentum passuum (ut expertus sum) & in eis aliqua verba, immo multa intra illos locutus fuerit, incedunt vera per ductus illos, & ex alia parte audiuntur, ut ex ore loquentis. Igitur si vox illa tempore incedit, & integra prolabitur, si quis interloquendo ductus ora clausit, & idem ex altera parte alter fecerit potest & in medio vox intercipi, claudique, quasi carcere, & quum os referatur, vox foras manabit, sicut ex ore loquentis: sed quia tam longi ductus sine molestia fieri nequeunt, possunt & in flexus replicari
in tu-

in tubæ modum , ut longissimus ductus parvo spatio claudatur, & coarctetur, ut quum os referetur, verba intelligi possint. Rem nunc periclitamur, si ante libri impressionem succedit res voto, conscribemus, sin minus, Diis dantibus, alibi conscribemus.

CAPUT III.

De hydraulicis organis.

HYDRAULICA organa antiquitus magno precio habita sunt, nostris temporibus usus exolevit Legitur tamen Neronem usque adeo hydraulicis delectatum, ut inter pericula vitæ & imperii, inter militum, & Ducum seditiones, in imminente damno totius, curam eorum, & studium non reliquisse, Vitruvius fabricam illius docet, sed adeo perplexe, ut quod refert, valde minus intelligatur. Nos variis, multisque modis experti sumus, ærem cum aqua commiscendo, quam in fine fistulæ locando, vel in ore, ubi spiritus oris aeri alliditur, etsi sonorum quoddam, & jucundum resonabat, tandem tonum non asservabat: nam dum aqua in bullas extumet, & lusciniæ, vel tremulum sonum effingit, vox per varios tonos mutatur, una vox suavis est & delectabilis, dux simul obstreperunt, & dissonant. Hoc vero modo & tremulum, blandique murmuris sonum efficit, & tonum conservat. Arca, in qua ventus deferretur, fiat ænea, & aqua semiplena, ventus ex mediolis, vel foliis excitetur, qui per cervicem sub aquis excurrat, erumpens vero spiritus ex medio aquæ in area excluditur, quum igitur ad pinnarum motus referantur epistomia fistularum, ventus tremulus fistulas subintrans, tremulas & satis jucundas voces facit, quod nos experti sumus, & verum invenimus.

CAPUT IV.

De pneumaticis quibusdam experimentis.

NUNC ad cognata, sed varia experimenta transcamus, etiam pneumatica, ex aeris ratione exorrientia quomodo dilatetur, & comprimatur, igne rareseat, & densetur frigore. Si vis ut

Vas inversum aquam hauriat,

Ita efficies. Longissimi colli paretur vas, & quanto longius fuerit, eo mirabilius videbitur, vitreum vero, & pellucidum, ut ascendentem perspicias aquam, hoc ebulliente aqua expletur, ut ubi optime efferbuerit, vel igni fundum admovendo, illico, ne frigescat, inverso ore aquam tangat, & intro totam absorbeat. Sic Naturæ rerum exploratores Solis radiis aquam hauriri, & absorberi ajunt. è terræ concavis locis in montes, unde fontana efficitur scaturigo. Nec levia insurgunt hinc artificia, in spiritalibus machinis, ut tradit Heron, simile quoque à Vitruvio de ventorum ortu assertur, nunc vero in domesticum permeavit usum. Sic enim

Vas ventum projiciens

Confici potest, fiat œleopia ænea, vel rei alterius. Sit cava, & rotunda, & in ventre punctum habeat angustissimum, quo aqua infunditur, & si fors arduum fuerit, priori utere experimento. Sic ad ignem accedens infervescit, quumque nullum habeat aspiramentum, maximum inde ejicit spiritum, sed vapida crassitudinis humectum. Fit etiam

Vas aquam projiciens.

Circumfertur apud nos vas vitreum in pyramidis formam, ore angustissimo, oblongo, quo cum aquam eminus jaculatur. Id, ut ore aquam hauriat, tuo ore aerem ipsum exime, & exuge quantum vales, ac illico os in aquam merge, nam ad se aquam trahit, & tanisper faciendum, dummodo aqua tertia illius repleatur pars. Quum aquam eminus vis jaculari, vas aere reple, insufflando quam vehementissime poteris, mox ab ore recedens, inclina os vasis, ut aqua in os currat, & obex aeri fiat, nam aer foras erumpere quærens, aquam eminus jaculatur. Si vero sine aeris attractione vis aquam eminus projicere: calefacito paulisper vasis fundum: nam aere rarefacto, ampliorem locum quærit, & interrompere quærens, aquam foris expellit. Hoc modo bibaces, facto foraminulo in vini dolo,

lio, quia foras vinum non elabitur, quum os obturatum habeat, quo aer subingrediatur, in foramen illud, quantum possunt, insufflant, mox à foramine recedendo, foras vinum manabit, tantæ quantitatis, quantæ inspirati aeris fuerit. Nunc docebimus

Aquam quomodo ascendere comode faciamus.

Possumus aquam facere ut in turris summitatem ascendat. Sit canalis plumbeus, & ab imo usque ad summum turris perveniat, & à summo denuo usque ad imum turris descendat, ut siphon, una pars aquam subintret, quam ascendere volumus, altera pars, quæ longior sit, & plus propendeat, in dolium ligneum. vel fictile agglutinetur, ut nulla sui parte respiret. Foramen supra dolium habeat, quo vas aqua expleri possit, & mox perfectissime operculari. Accommodetur in turris summitate dolium, capacitatis inferioris, & canalis plumbeus jam dictus ex una parte dolii sigatur, & exeat ex altera, & sit in summa parte dolii, & canalis in medio divisus intra dolium, & unde subingreditur canalis, & qua parte egreditur, solidentur, ne perspirent. Quum igitur aquam ascendere volumus, inferius vas aqua repleatur, & optime operculetur, ne respiret, mox inferiori foramine dolii referato, foras aqua exeat, nam ea pars aquæ, quæ egreditur è dolio, tantundem ex altero canali plumbeo ascendet supra turrim, repletur extracta aqua, fruemur ad usum, & obturato eodem foramine, repleatur denuo inferius dolium aqua, & idem efficiendo, semper aquam supra ascendere cogimus. Possumus etiam


Solo calore aquam ascendere

Facere. Sit dolium supra turrim, vel ligneum, vel argilla-ceum, aut æreum, quod melius erit, & canalem habeat in medio, qui descendat inferius usque ad aquam, & in ea submersus sit, sed adglutinator, ne respiret. Calefiat vas superius vel Sole, vel igne, nam aer, qui in alvo continetur, rarefit, & foras prolabitur, unde aquam in bullas tumere videbimus, mox absentia Solis, ubi vas refrigerat, aer condensatur, & quum non sufficiat inclusus aer vacuum replere, accersitur aqua, & ascendit supra.

CAPUT. IV.

Hydrohorologiographia, in qua pneumatica, vel aquatica horologia describentur.

ANTIQUITUS horologia ex aquis habebant, & clepsydra erat usuale, & famigeratum eorum horologium. Heron vero Alexandreus libros de horologiis aquaticis descripsit, qui periere: nos de his librum instituimus, & ne pars hæc manca videretur, duo expone-
mus contrariæ rationis, & insufflando, & exugendo aë-
rem. Primum hoc erit




Horologium Aquatile.

Sic vas vitreum in modum urinalis, quod describatur
litera A B. in summo sit A. ubi foraminulum angustissi-
mum habeat, ut vix acus aciem admittat. In imis oris
bacu-

baculus accommodetur E F, qui in medio stylum habeat firmum usque ad vasis summitatem, & stylus suas divisiones habeat, quæ horarum notas habeat. Sic etiam catinus ligneus, vel argillaceus G H aqua plenus: supra ejus aquæ superficiem vitreum vas A B accommodetur, quod pondere suo ad ima fertur, sed ær inclusus intra vas prohibet ne descendat, tunc tenue foraminulum referetur A, per quod ær paulatim egrediens, vas paulatim quoque descenderet. Tunc signabis cum alio horologio notas in baculo C D. qui descendendo notas horarum postea demonstrabit. Ubi vero vas ad ima vasis lignei descendit, completum est horologium, & ultima erit hora. Quum vero vis horologium suo denuo fungatur officio, canalem aduncum habeas vacuum, qui sit O K, superius os K, sic digito K compresso, ne ær ingreditur, sub aquis mergito, ut intra vas AB, perveniat, tunc K ori admoto insufflato, nam vas ascendet supra, & ad pristinum locum redit, & suo officio fungetur. Describemus & animi gratia

Aliud



Aliud horologium aquaticum.

Contra hujus rationem, scilicet aërem sugendo. Sit vas vitreum, in urinæ formam, ut diximus A B, & vacuum firmetur supra vas C D, quod descendere non possit: deinde aqua repleatur usque ad B. habeat foramen circa summum, & sit E. sugendo igitur aërem per foramen E, ingreditur aqua in vase A B. & vase C D, & ascendet usque ad F G. Repleto igitur aqua vase A B, obturetur foramen E, ne aër ingrediatur, & descendet aqua. In vasis summo A B, sit aliud foraminulum tenuissimum, ut aër paulatim ingrediatur, & quantum aëris ingreditur, tantum aquæ egreditur. In superficie vasis signentur circuli horarii, qui demonstrent statim notis horas, primam, secundam, & tertiam, & sic de aliis. Vel si mavis index suberi affixum in summitate aquæ natans, horas in dorso vasis notatas demonstrabit.

CAPUT V.

Vasa describuntur aquam projicientia pneumaticis rationibus.

IAM fontes, vel vasa aliqua describemus. quæ pneumaticis ratione aquam projectunt, quæ etsi alia ab Herone ingeniosissime descripta, aliqua addemus à nobis & aliis solertissime excogitata. Describetur

Fons aquam projiciens, aerem comprimendo,

Sit vas, vel tympanum undique clausum AB. In medio perforetur, ascendat canaliculus CD, ab imo vasis tympani D, distans à fundo quantum aqua excurrere possit, supra tympani superficie extat C foraminulum angustissimum epistomio, vel habeat, ut Græci dicunt, smerismation, quo apte claudi, & aperiri possit. & in superiore tympani superficie basis perforetur canaliculo, subintrans tympani ventrem, habensque in inferiori ore platysmation ex corio, vel ære, ut immissum aerem regredi non patiatur. Infundatur igitur aqua per E, ut tribus saltem digitis ex fundo superemineat, mox infundatur aer quam vehementius poterit, ubi optime compressus erit, claudatur os. Inde referato ore A, aqua in altum extolletur, usque donec aer relaxetur. Nos Venetiis tympanum in canaliculos ex vitro consecimus, & quum aquam longe jacularetur, admirabatur Estensis Heros, nullo visibili impellente, aquam longe sublimari. Nos etiam juxta hunc fontem aliam cellam adjunximus, quæ lumen recipiebat, & cum aer extenuaretur, quousque exiguum lumen duraret, fons aquam sublimabat, quod parvi laboris, & multæ admirationis exitit. Ad hujus confirmationem extat

Artificium, quo manualis sclopus pilam eminus sine igne projiciat.

Nam ex aere solo compressio fit ictus. Sit manuale tormentum excavatum, & insignis lævitatatis, quod fiet cylindro plumbeo, & pulveri smire contrito per omnes partes perfricando. Tunc habeas cylindrum exacte complanatum undique, quem perfectissime, & sine tran-

transpiratione inclusi aeris foramen ænei tormenti capiat, inde oleo madefiat totus: efficit enim oleum, ut nulla ex parte aer transpirare possit sua crassitie. Sic in tormenti ore indito plumbo, & bacillo maxima vi, & dexteritate intus comprimendo, manus illico removeat (oportet prius foraminulum in imo foraminis obturare) p' urbum & bacillum ad ima descendet, & vi compressi aeris foras jaculabitur eminus plumbum, & bacillum non sine admiratione. Efformabimus etiam

Vas, cum quo bibendo facies liquore spargatur.

Fiat vas ex stanno, vel argento in forma urinalis: inde aliud vas effingito in formam infundibuli, vel pyramidis rotundæ, summa ora undique cohæreant, & glutinentur, nam oportet sint ejusdem latitudinis, conus distet à fundo urinalis digiti latitudine, & sit apertus. Infundatur ergo in vas aqua, & replebitur urinale usque ad foramen coni, replebiturque infundibulum usque ad summum, & reliquum urinalis vacuum erit, quia non habet aer, unde exeat. Quum igitur quis biberit, exhausta aqua usque ad foramen coni, ex compresso intus aere, extrudatur vi aqua, & bibentis faciem madefaciet. Extat quoque *Vas, è quo nemo bibere poterit, nisi qui dolum cognoverit.* Fiat vas argillaceum, vel metallicum in formam labæ, & à collo usque ad ventrem medium crebris foraminibus apertum sit. A fundo igitur canalis ascendat per manubrium vasis, & circumvoluto manubrio excurrat vasis labra vacuum. Sub manubrio, loco ubi non videbitur, parvulum foramen aperiatur, ut quis vas manubrio tenens suo libitu digito & referare & claudere foraminulum possit. Sub vasis labro, loco ubi ori admoveatur aliud foraminulum lateat. Infundatur ergo aqua in vas. Si quis igitur ori admoveat vas, & eriget, ut aqua ad os ascendat, ex aperto collo, & utero aqua effluet. At qui dolum perculluerit, sublato vase ex manubrio, pollice foraminulum claudat, & immoto vase, ex ore aerem fugat, nam post aerem aqua sequitur, & totam à fundo exhauriet: nam etsi quis ex ore fuget & foramen digito non clauserit, aqua non sequetur.

CAPUT VI.

Quod aëre multis artificiis uti poterimus.

AERE in multis artificiis uti poterimus, nos aliqua conscribemus, ut ansam aliis præbeamus plura inveniendi, & præcipue

Ventus quomodo in cubiculo generetur, ut conviva frigescent,

Aqua fluminis, vel alterius non paucæ scaturientis aquæ, in præaltum puteum præcipitur. puteus vero undique clausus, qui non nisi canalem habeat per parietes ut intra cubiculum referat. Aqua per infundibulum quoddam in puteum demittatur, ne loco, quo ingreditur, egredia-
tur aer: nam ab aqua expellitur aer putei, per canalem in cubiculum irrepit, ut non modo dormientes in eo, sed conversantes obrigescent frigore, obtorpeantque. Docebimus

Quomodo aër vices follium expleat,

Quod Romæ vidimus. Concinnetur cellula undique clausa, supra per infundibulum recipiat aquæ quantitatem, in summo parietis sit foraminulum, quo vi magna aer egredia-
tur foras, nam adeo maximo fertur impetu, ut ignem optime accendat, & follium vices facile explet ad ærarias. & ferreas fucinas, eo modo infundibulo concinnato, ut quando necesse sit, divertatur, & immit-
tatur aqua.

LIBER VIGESIMVS, ET VLTIMVS.

Chaos, in quo experimenta extra ordinem clas-
sum continentur.

P R O O E M I V M.



ONSTITUERAMUS ab initio libri experi-
menta describere, quæ in scientiis naturalibus
omnibus continerentur, sed impendentia negotia
voluntatem infirmarunt, ut quod velimus mi-
nus assequi possumus, unde quum illud non
possim, quod velim, id necesse est velim, quod possum. Hoc
igitur libro ea experimenta clausimus, quæ nullis classibus
concludi poterant, quæ adeo varia, & diversuerant, ut non
scientiam, aut librum conficere possent, quæ etiam quasi pa-
ralipomena huc coacervavimus, in chaos, fortasse, Deus dante,
alias perfectiorem dabimus librum. Nunc autem his contenti
eritis,

C A P U T I.

Quomodo maris aqua potabilis fieri possit.



ON parum humano generi commoditatis
& emolumentum asferret maris aquam pota-
bilem reddi. In longinquis navigationibus,
veluti Indicis maximam præstat opem: nam
dum nautæ tempestatibus coacti in mari diutius,
quam speraverant immorantur, ex aquæ penuria in
maximis vitæ discriminibus versantur. Triremes sin-
gulis fere denis diebus necesse est terras petant aqua-
rum, ob id intra hostiles regiones non diu vagari pos-
sunt, nec longius distrahi, hostibus iter intercipienti-
bus. Præterea in urbibus maritimis, & in insulis con-
stituti, deficientibus aquis, ut nostris temporibus in in-
sula Melites, & apud Syrtes, milites, & incolæ multa
perpessi

perpessi sunt multaque etiam memorant historia. Vnde
 necessarium duximus solertius vestigare, utrum marina
 aqua potabilis reddi possit. Sed impossibile est aquam
 posse perferuari, quomodo id præstari possit, nisi prius
 causam falsedinis perquiramus, & quid de re canonici
 majores prodiderint, præcipue quum Aristoteles prædi-
 cet, facile à mari falsuginem elici posse, quum mare non
 sui natura falsum sit, sed Sole aquam calefaciente, elevat
 ex ea frigidas & siccas exhalationes terrestres usque ad
 ejus superficiem, inibique combusta, causam esse suæ
 falsitatis, quum humidæ subtiles partes in tenues vapores
 diffentur. Nos igitur Naturam imitantes, tenues partes
 chymisticis organis extollendo, facile dulcem reddere
 possumus. Ita enim Natura maris aquam dulcem reddit
 fluminibus. Sunt & venæ maris in imis terræ partibus à
 Sole concalescæ, in summis montium jugis elevantur
 vapores, ubi, occursante frigida superficie, coeunt in gut-
 tas, ac per specuum fornices dilabentes, apertis canali-
 bus foras profluunt. Nos primo concavum vas, turgentis
 pilæ instar, marinam aquam replemus, quod collum oblon-
 gum habeat, cui pilcum accommodamus, ut subjectis
 prunis, aqua in tenues solvatur vapores, & vacua omnia
 repleat, & sublimè feratur, vapida hæc crassitudo, ubi
 pilei frigiditatem tetigerit, & vitro occursabit, illius
 marginibus in rorem cogitur: unde per pilei forni-
 ces dilabens, in aquam vertitur, & aperto quodam cana-
 li, quod in illud pertinet, largis rivulis decurrit, subje-
 ctum receptaculum eum stillantem recipit, unde ex falsa
 dulcis proveniet, & sal in fundo vasis remanet, & tres,
 libræ falsæ aquæ, duas dulces dabunt. Sed si vasis pileus
 fuerit plumbeus, majorem aquæ copiam præbebit, ta-
 met si noxiam, nam Galenus dicit, aquam per tubulos
 plumbeos deductam, & potatam, excoriationem intesti-
 norum causare. Sed nos modum adinvenimus,

*Quo majorem aquæ dulcis copiam falsam di-
 stillando nancisci*

Possumus. Fiat pileus argillaceus in metæ formam, ro-
 tus

tus foraminibus pervius, ut per foramina urinales argillacei, vel vitrei introduci possint, quorum ora foris prominent, recte picata, ne vapor possit exhalari. Pileus ad alembici formam suam canalem in imo circumcurrentem habeat, & nare sua foras extillet. Hunc super æneam cortinam accommodabimus, multæ aquæ capacem, quam salsa replebimus, post urinales, & inditis pileis, subiecto igne, & urinales extillabunt, & pileus, qui alios continet, per suum etiam ductum suam aquam extillabit, nam surgentes vapores è cortina calidi, ut urinales stillent, faciunt, & ipse distillet. Sed si in navibus ejusmodi vasis commoditas non dabitur, poterimus.

Alio modo falsam aquam extillare,

Etsi parum. Dioscorides docet antiquum stillandi modum: poterimus eo modo maris aquam in navibus extillare, quod & à Plinio quoque docetur. Expansa circa navim vellera madescunt, accepto halitu maris, quibus dulcis humor exprimitur. Sed videamus num

Alio modo falsam aquam dulcem facere

Possibile sit. Inquit Aristoteles, & eo prior Salomon, quod flumina omnia ex mari nascuntur, & in mare redeunt, nam per occultos terræ meatus aquæ immixtæ relinquunt terrestres illas siccasque partes cum terra remistas, & purgatæ, dulcesque foras dilabuntur. Inquit. Cur aqua salsa profluere nequeat, aut quia stabile quod grave est, salsa autem aqua gravis est, quapropter calidæ tantummodo ex salis profluere possunt, habent enim levitatem, quæ pondus saluginis superat, calidum namque levius est. Adde quod aquæ profluentes per terram nimis percolari queunt, itaque quantum gravius, & crassius est, id assidue magis, magisque desertur, & subsidet, & quantum levius id atque sincerius, sevocatur, & profluit. Ut enim salsum grave, ita dulce leve est, atque ita efficitur, ut sint dulces, quæ profluunt. Hæc eadem causa est, cur aqua salsa, quum movetur, mutaturque, dulcior fiat, levior enim per motum atque sincerior redditur. Videamus nunc an Naturam imitari possimus. Ma-
gna

gna ergo vasa terra replebimus , atque super gradus accommodabimus ut alterũ intra alterum excole , & sic per multa vasa dilabens aqua salsa , fortasse salsedinem in vase relinquet. Ego per decem vasa expertus sum & salsa etiam erat ; Amicus autem per viginti excolatam dulcem dixit. Id tamen admonendum duxi , non omnes terras ad id aptas esse. Inquit Solinus , marina aqua argilla si percoletur , dulcescit , & salem adimi compertum est , ubi tenui torrentis harena iterum , & iterum coletur. Fugiendæ sunt , quæ locis coniectis & fornicatis delituerint : nam plerunque salsæ , vel ubi animalia stabulantur , quas Columella fugiendas arboribus prædicat , nam excolatam aquam salsam reddunt. Fugiendæ sunt terræ nigræ : nam aquas asperiores habent , lutosæ vero dulcore præditas aquas habent , ex Paxamo. Anaxagoras maris salsedinem ex fluminibus provenire dicebat , per salsa loca decurrentibus , illam qualitatem mari communicare. Sunt qui ad id fluminum sabulonem probent , & ratio , quæ illos movebat , fuit quod semper dulces aquæ in littoribus reperiuntur , dicuntque id evenire quod per harenas colatæ dulcescant ex mari , quod falsum est : nam aqua dulcis , quæ juxta mare reperitur , non ex mari est , sed quæ ex altis montium culminibus per occultos terræ meatus , illuc dilabuntur. Quæ enim dulces excolant , ad maris libellam dulces reperiuntur , & planis locis , ut in Apulia , ubi ex montibus aquæ non excolant , salsæ sunt. Sic & Africæ littoribus. Sed Aristoteles experimentum affert ex cereo vase : nam si quis ceram pilam confecerit vacuum , continentis soliditatis , & ipsam mari immerferit , intus dulcis aquæ plenam reperiri , quum per ceræ poros salsedo corpulenta magis neget introitum. Et Plinius demissis reticulis in mari concavæ è cera pilæ , vel vasa inania obturata , dulcem intra se colligere humorem : nam in tenui marina aqua argilla percolata dulcescit. Sed nos hoc falsum comperimus : nam subtiliter , & diligenter fabricatam , & in aqua salsa immersam , intus salsam reperimus post aliquos dies. Et experimentum inutile foret etiam si verum esset , quum ad unius libræ aquæ purificationem , mille ceræ pilæ in die

die non sufficerent. Sed ad id multa ex quibusdam porosis lignis vasa, & lapidibus excogitari poterunt. Vas hederaceum, quod vinum, ut diximus, ab aqua separat, sale ab aqua non separat, si eodem vase extilletur. Sed è Portugallia lapides afferuntur, in vasa efformati, in quibus immissa maris aqua, dulcis excolat, & si non prima, saltem secunda vice, qua utuntur ad minuendos calculos, unde ad id lapides pumicosos multos, porososque experiri possent. Leo Baptista Albertus vas fictile bene clausum, in aquis falsis immersum, repleti dicit potabili. Sed ego omnibus vasis argillaceis sum expertus, & semper falsam aquam inveni. Aristoteles

Alio modo

Fieri posse dicit in Problematis. Si aqua falsa frigida bibi non potest, calida refrigerataque postquam calefacta est, melius potest. An propterea quod de contrario in contrarium res mutari solita est, aqua autem falsa dulci opposita est; & quum calefit, portio falsa decoquitur, & quum refrigeratur in ima desertur, & subsidet. Quam rem quum expertus essem, falsam repperi, immo falsiorem Ratio est quod calore subtilissimi aquæ vapores dulces exhalantur, & sal subsidet, & in minori aqua eadem salis quantitas falsiorem aquam reddit, ut in distillationibus diximus. Nec mirari possum subtilissimum talia protulisse. Florentinus ab eo accipiendi ait: Si vero & aqua non sit bona, neque potabilis, sed morbosa coquatur, donec decima ejus pars infumetur; deinde repurgetur, & innoxia erit. Sic enim & marina aqua decocta dulcis reddetur. Videamus num fieri possit

Alio modo.

Et in maxima quantitate. Est res, quæ injecta in amillis vasis marina aqua repletis, sal constringendo descendere cogit, vel coagulando, & aquam ab eo liberat. Unde stiptica imaginanda sunt, & id etiam ab antiquis tentatum, & à recentioribus perfectum. Plinius. itrosæ, aut amaræ aquæ, polenta addita, mitigantur, ut
intra

intra duas horas bibi possint, qua de causa & in saccos vinarios additur polenta. Et alibi: nitrosas & salmacedas in desertis rubrum mare petentes, addita polenta, ntilles intra duas horas faciunt, ipsaque vescuntur polenta. Similis vis Rhodiæ cretæ, & argillæ nostratis. Phylira, coqui, & polline nimium salem cibis eximunt. Quam rem sæpius experti falsam novimus, sed aliquid sũæ amiserat falsedinis. Plinius. Si aquæ insalubres bibendæ sunt, pulegium tritum aspergatur. Leo Baptista Albertus. Ubi turbulentam fluminis Nili aquam posuere, si quid supra limbum, & marginem aquæ, amygdalæ perfricaveris, è vestigio clarescet. Quod quum expertus essem, falsum invenimus, sale communi injecto in aquam fortem, quæ argentum ab auro separaret, illico argentum descendere. Videmus etiam in confectione *alac* rubræ vocatæ, injecto alumine in lixivio, illico salem, & colorem descendere, & solam claram aquam remanere. Videmus multis herbis lac coagulari, quas alibi diximus: utemur igitur in hac re coagulantibus, & astringentibus. Coqui dicunt spongiam in ollam immissam saltam, salem ad se attrahere, expressam vero, & denuo injectam salem omnem educere. Sic etiam lignum linteis teñiolis obvolutũ, & intra ollam impositum, ad se sal attrahere. Alii in linteo triticeam farinam illigant, & in ollam immittunt, & salem attrahunt. Palladius ubi de vinis conliendis docet, inquit. Græci jubent aquam marinam mundam de puro, & quieto mari, quam anno ante compleverint, reservari, cujus talem esse naturam, ut & falsedine, vel amaritudine per hoc tempus careat, & odore dulcis fiat ætate. Remanet docere

Dulces aquæ quomodo emendentur.

Leo Baptista ait. Si vitreum vas plenum sale, & bene obturatum calce, substrato oleo, ne quid aquæ in vas penetret, immiseris, ut medias inter aquas cisternæ pendeat, fore ut aquæ illic nullâ putrescant mora. Addunt aliqui & argentum vivum. Si aqua putrescere incipiet, injecto sale purgatur, & si sal desit, aqua marina. Ob id

E e

Vene-

Venetis Divi Nicolai puteo hauriunt aquas nantæ longius ituri, & id quia circa mare est, & in ea occulitur sal, quum aquis illis communicet. Id in sacris literis factitatum legimus ab Eliseo, qui in Hiericunthe Palestinæ, abjecto sale in fontem, potabiles reddidit aquas, quæ erant amaræ, & putridæ. Si aqua verminescit, injecta calce moriuntur. Quum vinum clarum reddere volumus, Ovi albumen exagitatum, & conturbatum descendere intus patimur. Alii scobem in phyliras avellanæ intus injiciunt, & Hispani gypsum, ut clarescat, quibus omnibus in aquis uti possumus.

CAPUT II.

Quomodo ex aëre aqua fiat.

ET si omnia nos dereliquerint commoda, poterimus ex solo aëre aquam elicere, aerem ipsum in aquam commutando, ita ut natura facit. nam ex aere, vel vaporibus aquam conficit, unde quum aqua egemus, eam ex aere conficere poterimus; igitur quemadmodum & Natura ipsa facit, ita & nos faciamus. Scimus, Sole terram calefaciente, vapores subtilissimos extorqueri, atque in altum sustolli, ad eam regionem aeris, ubi est frigus, vapores illos in guttas cogi, decedentesque pluviam efficere. Nos etiam æstate videmus, vitreis in vasis optime perlatis, & frigida aqua plenis, extrema superficie aerem pertingente, illico vitrum obnubilari, atque perspicuitatem amittere, paulo post irrorari, & in bullas extumescere, ac deinde paulatim crescentibus in guttas converti, & decidere, quod non alia ratione evenit, nisi aër frigidus vitro adhærens, crassescens in aquam vertitur. Videmus etiam in cubiculis Venetiis, quorum fenestræ vitris confectæ sunt, crasso, & vapido halitu intus crassescere, foris frigido invalescente, intus irrorantur, & in guttas coalescunt. Præterea hyeme in arneis tormentis, quæ semper frigidissima sunt, & concameratis locis asservantur, ubi & homines versantur, ut aer crassescat, tangens frigidam eorum superficiem, irrorantur, & aquam stillant. Sed ne longius evagemur. Fiat vas amplum vitreum rotundum, idque replea-

pleatur salnitro impuro, *sy لازو* vulgo dicto, & glacie : nam simul hæc commista, ut diximus hoc libro, magnam frigiditatem causantur, agitandoque, ingentis vi frigoris, aerem circa vas cogunt, ut mox stillet in subiectam fideliâ. Diligens artifex alia addet, ut maiorem nanciscatur aquæ copiam. Sat sit viam demonstrasse.

CAPUT II.

Quomodo quis suam faciem transformare possit ut neque ab amicis cognoscatur.

QVI insidiis capti, vel carceribus occlusi sunt, & evadere tentant, qui magnarum negotia tractant, speculatores, & alii qui cognosci non desiderant, non parum refert, immo magni erit momenti facies eorum transformare, docebimus adeo exacte efficere, ut ne à parentibus, & conjugibus cognoscantur; & ejusmodi secreta à magnatibus non parum conquiri, quod suam personam simulantes; ingentia facinora perpetrarunt, & amantes suis amatis sine parentum suspitione serviverunt. Ulysses Trojanorum gesta explorare conatus, falsis vestibus indutus, & vultu confictio, omnia quæ voluit, in cognitus peregit. Homerus :

Multis plagis simul ac se ipsum transformans,

Servi habitum assumpsit, & mendici.

Et hoc modo Trojam ingressus, &c.

Ubi vero Penelopsis, & procorum gesta cognoscere concupivit, iterum se ipsum transformavit. Nos id fieri posse docemus multis modis, permutando vestes, capillos, vultum, colorem, plagas, tumores, donec adeo vultum commutemus, ut in aliis locis tumeat, in aliis deprimatur, & primo

Caro quomodo tingatur.

Sed ut à carnis tinctura incipiamus, tingi caro potest, vel ut diutius duret, vel ut cito abluî possit. Si cito vis tollatur. Juglandium cortices, & malorum puniceorum aceto macerentur, quatuor, vel quinque diebus, deinde prælo expressis faciem tingimus: nam faciem Æthiopum fingit, & aliquibus diebus durat. Oleum mellis

transpiratione inclusi aeris foramen ænei tormenti capiat, inde oleo madefiat totus: efficit enim oleum, ut nulla ex parte aer transpirare possit sua crassitie. Sic in tormenti ore indito plumbo, & bacillo maxima vi, & dexteritate intus comprimendo, manus illico removeat (oportet prius foraminulum in imo foraminis obturare) p' unbum & bacillum ad ima descendet, & vi compressi aeris foras jaculabitur eminus plumbum, & bacillum non sine admiratione. Efformabimus etiam

Vas, cum quo bibendo facies liquore spargatur.

Fiat vas ex stanno, vel argento in forma urinalis: inde aliud vas effingito in formam infundibuli, vel pyramidis rotundæ, summa ora undique cohæreant, & glutinentur, nam oportet sint ejusdem latitudinis, conus distet à fundo urinalis digiti latitudine, & sit apertus. Infundatur ergo in vas aqua, & replebitur urinale usque ad foramen conî, replebiturque infundibulum usque ad summum, & reliquum urinalis vacuum erit, quia non habet aer, unde exeat. Quum igitur quis biberit, exhausta aqua usque ad foramen conî, ex compresso intus aere, extrudetur vi aqua, & bibentis faciem madefaciet. Extat quoque *Vas, è quo nemo bibere poterit, nisi qui dolum cognoverit.* Fiat vas argillaceum, vel metallicum in formam lagenæ, & à collo usque ad ventrem medium crebris foraminibus apertum sit. A fundo igitur canalî ascendat per manubrium vasis, & circumvoluto manubrio excurrat vasis labra vacuus. Sub manubrio, loco ubi non videbitur, parvulum foramen aperiatur, ut quis vas manubrio tenens suo libitu digito & referare & claudere foraminulum possit. Sub vasis labro, loco ubi ori admoveatur aliud foraminulum lateat. Infundatur ergo aqua in vas. Si quis igitur ori admoveat vas, & eriget, ut aqua ad os ascendat, ex aperto collo, & utero aqua effluet. At qui dolum percalluerit, sublato vase ex manubrio, pollice foraminulum claudat, & immoto vase, ex ore aerem fugat, nam post aerem aqua sequitur, & totam à fundo exhauriet: nam etsi quis ex ore fuget & foramen digito non clauserit, aqua non sequetur.

CAPUT VI.

Quod aëre multis artificiis uti poterimus.

AERE in multis artificiis uti poterimus, nos aliqua conscribemus, ut ansam aliis præbeamus plura inveniendi, & præcipue

Ventus quomodo in cubiculo generetur, ut conviva frigescent,

Aqua fluminis, vel alterius non paucæ scaturientis aquæ, in præaltum puteum præcipitetur. puteus vero undique clausus, qui non nisi canalem habeat per parietes ut intra cubiculum referat. Aqua per infundibulum quoddam in puteum demittatur, ne loco, quo ingreditur, egredia-
tur aer: nam ab aqua expellitur aer putei, per canalem in cubiculum irrepit, ut non modo dormientes in eo, sed conversantes obrigescant frigore, obtorpeantque. Docebimus

Quomodo aër vices follium expleat,

Quod Romæ vidimus. Concinnetur cellula undique clausa, supra per infundibulum recipiat aquæ quantitatem, in summo parietis sit foraminulum, quo vi magna aer egrediatur foras, nam adeo maximo fertur impetu, ut ignem optime accendat, & follium vices facile explet ad ærarias. & ferreas fucinas, eo modo infundibulo concinnato, ut quando necesse sit, divertatur, & immittatur aqua.

LIBER VIGESIMVS, ET VLTIMVS.

Chaos, in quo experimenta extra ordinem clas-
sum continentur.

PRO O E M I V M.



ONSTITUERAMUS ab initio libri experi-
menta describere, quæ in scientiis naturalibus
omnibus continerentur, sed impendentia negotia
voluntatem infirmarunt, ut quod velimus mi-
nus assequi possimus, unde quum illud non
possim, quod velim; id necesse est velim, quod possim. Hoc
igitur libro ea experimenta clausimus, quæ nullis classibus
concludi poterant, quæ adeo varia, & diversa erant, ut non
scientiam, aut librum conficere possent, quæ etiam quasi pa-
ralipomena huc coacervavimus, in chaos, fortasse. Deo dante,
alias perfectiorem dabimus librum. Nunc autem his contenti
eritis,

C A P U T I.

Quomodo maris aqua potabilis fieri possit.



ON parum humano generi commoditatis
& emolumenti afferret maris aquam pota-
bilem reddi. In longinquis navigationibus,
veluti Indicis maximam præstat opem: nam
dum nautæ tempestatibus coacti in mari diutius,
quam speraverant immorantur, ex aquæ penuria in
maximis vitæ discriminibus versantur. Triremes sin-
gulis fere denis diebus necesse est terras petant aqua-
tum, ob id intra hostiles regiones non diu vagari pos-
sunt, nec longius distrahi, hostibus iter intercipienti-
bus. Præterea in urbibus maritimis, & in insulis con-
stituti, deficientibus aquis, ut nostris temporibus in in-
sula Melites, & apud Syrtes, milites, & incolæ multa
perpessi

perpessi sunt multa que etiam memorant historiæ. Vnde necessarium duximus solertius vestigare, utrum marina aqua potabilis reddi possit. Sed impossibile est aliquam posse perscrutari, quomodo id præstari possit, nisi prius causam falsedinis perquiramus, & quid de re ea nostri majores prodiderint, præcipue quum Aristoteles prædicet, facile à mari falsuginem elici posse, quum mare non sui natura falsum sit, sed Sole aquam calefaciente, elevat ex ea frigidas & siccas exhalationes terrestres usque ad ejus superficiem, inibique combusta, causam esse suæ falsitatis, quum humidæ subtiles partes in tenues vapores diffentur. Nos igitur Naturam imitantes, tenues partes chymisticis organis extollendo, facile dulcem reddere possumus. Ita enim Natura maris aquam dulcem reddit fluminibus. Sunt & venæ maris in imis terræ partibus à Sole concalescæ, in summis montium jugis elevantur vapores, ubi, occurrante frigida superficie, coeunt in guttas, ac per specuum fornices dilabentes, apertis canalibus foras profluunt. Nos primo concavum vas, turgentis pilæ instar, marina aqua replemus, quod collum oblongum habeat, cui pileum accommodamus, ut subjectis prunis, aqua in tenues solvatur vapores, & vacua omnia repleat, & sublimè feratur, vapida hæc crassitudo, ubi pilei frigiditatem tetigerit, & vitro occurrabit, illius marginibus in rorem cogitur: unde per pilei fornices dilabens, in aquam vertitur, & aperto quodam canali, quod in illud pertinet, largis rivulis decurrit, subjectum receptaculum eum stillantem recipit, unde ex salsa dulcis proveniet, & sal in fundo vasis remanet, & tres libræ salsæ aquæ, duas dulces dabunt. Sed si vasis pileus fuerit plumbeus, majorem aquæ copiam præbebit, tamen si noxiam, nam Galenus dicit, aquam per tubulos plumbeos deductam, & potatam, excoriationem intestinorum causare. Sed nos modum adinvenimus,

Quo majorem aquæ dulcis copiam salsam distillando nancisci

Possumus. Fiat pileus argillaceus in metæ formam, totus

rus foraminibus pervius, ut per foramina urinales argillacei, vel vitrei introduci possint, quorum ora foris prominent, recte picata, ne vapor possit exhalari. Pileus ad alembici formam suum canalem in imo circumcurrentem habeat, & nare sua foras extillet. Hunc super æneam cortinam accommodabimus, multæ aquæ capacem, quam salsa replebimus, post urinales, & inditis pileis, subiecto igne, & urinales extillabunt, & pileus, qui alios continet, per suum etiam ductum suam aquam extillabit, nam surgentes vapores è cortina calidi, ut urinales stillent, faciunt, & ipse distillet. Sed si in navibus ejusmodi vasis commoditas non dabitur, poterimus.

Alio modo salsam aquam extillare,

Etsi parum. Dioscorides docet antiquum stillandi modum: poterimus eo modo maris aquam in navibus extillare, quod & à Plinio quoque docetur. Expansa circa navim vellera madescunt, accepto halitu maris, quibus dulcis humor exprimitur. Sed videamus num

Alio modo salsam aquam dulcem facere

Possibile sit. Inquit Aristoteles, & eo prior Salomon, quod flumina omnia ex mari nascuntur, & in mare redeunt, nam per occultos terræ meatus aquæ immixtæ relinquunt terrestres illas siccasque partes cum terra remittas, & purgatæ, dulcesque foras dilabuntur. Inquit. Cur aqua salsa profluere nequeat, aut quia stabile quod grave est, salsa autem aqua gravis est, quapropter calidæ tantummodo ex falsis profluere possunt, habent enim levitatem, quæ pondus falsuginis superat, calidum namque levius est. Adde quod aquæ profluentes per terram nimis percolari queunt, itaque quantum gravius, & crassius est, id assidue magis, magisque defertur, & subsidet, & quantum levius id atque sincerius, sevocatur, & profluit. Ut enim salsum grave, ita dulce leve est, atque ita efficitur, ut sint dulces, quæ profluunt. Hæc eadem causa est, cur aqua salsa, quum movetur, mutaturque, dulcior fiat, levior enim per motum atque sincerior redditur. Videamus nunc an Naturam imitari possimus. Ma-
gna

gna ergo vasa terra replebimus , atque super gradus accommodabimus ut alterū intra alterum excole , & sic per multa vasa dilabens aqua salsa , fortasse salsedinem in vase relinquet. Ego per decem vasa expertus sum & salsa etiam erat ; Amicus autem per viginū excolatam dulcem dixit. Id tamen admonendum duxi , non omnes terras ad id aptas esse. Inquit Solinus , marina aqua argilla si percoletur , dulcescit , & salem adimi compertum est , ubi tenui torrentis harena iterum , & iterum coletur. Fugiendæ sunt , quæ locis contactis & fornicatis delituerint : nam plerunque salsæ , vel ubi animalia stabulantur , quas Columella fugiendas arboribus prædicat , nam excolatam aquam salsam reddunt. Fugiendæ sunt terræ nigræ : nam aquas asperiores habent , lutosæ vero dulcore præditas aquas habent , ex Paxamo. Anaxagoras maris salsedinem ex fluminibus provenire dicebat , per salsa loca decurrentibus , illam qualitatem mari communicare. Sunt qui ad id fluminum sabulonem probent , & ratio , quæ illos movebat , fuit quod semper dulces aquæ in littoribus reperiuntur , dicuntque id evenire quod per harenas colatæ dulcescant ex mari , quod falsum est : nam aqua dulcis , quæ juxta mare reperitur , non ex mari est , sed quæ ex altis montium culminibus per occultos terræ meatus , illuc dilabuntur. Quæ enim dulces excolant , ad maris libellam dulces reperiuntur , & planis locis , ut in Apulia , ubi ex montibus aquæ non excolant , salsæ sunt. Sic & Africæ littoribus. Sed Aristoteles experimentum affert ex cereo vase : nam si quis ceram pilam confecerit vacuum , continentis soliditatis , & ipsam mari immerferit , intus dulcis aquæ plenam reperiri , quum per ceræ poros salsedo corpulenta magis neget introitum. Et Plinius demissis reticulis in mari concavæ è cera pilæ , vel vasa inania obturata , dulcem intra se colligere humorem : nam in tenui marina aqua argilla percolata dulcescit. Sed nos hoc falsum comperimus : nam subtiliter , & diligenter fabricatam , & in aqua salsa immersam , intus salsam reperimus post aliquos dies. Et experimentum inutile foret etiam si verum esset , quum ad unius libræ aquæ purificationem , mille ceræ pilæ in die

die non sufficerent. Sed ad id multa ex quibusdam porosis lignis vasa, & lapidibus excogitari poterunt. Vas hederaceum, quod vinum, ut diximus, ab aqua separat, sale ab aqua non separat, si eodem vase extilletur. Sed è Portugallia lapides afferuntur, in vasa efformati, in quibus immissa maris aqua, dulcis excolat, & si non prima, saltem secunda vice, qua utuntur ad comminuendos calculos, unde ad id lapides pumicosos multos, porososque experiri possent. Leo Baptista Albertus vas fictile bene clausum, in aquis salis immersum, repleri dicit potabili. Sed ego omnibus vasis argillaceis sum expertus, & semper salis aquam inveni. Aristoteles

Alio modo

Fieri posse dicit in Problematis. Si aqua salsa frigida bibi non potest, calida refrigerataque postquam calefacta est, melius potest. An propterea quod de contrario in contrarium res mutari solita est, aqua autem salsa dulci opposita est; & quum calefit, portio salsa decoquitur, & quum refrigeratur in ima desertur, & subsidet. Quam rem quum expertus essem, salis repperi, immo salsiorem Ratio est quod calore subtilissimi aquæ vapores dulces exhalantur, & sal subsidet, & in minori aqua eadem salis quantitas salsiorem aquam reddit, ut in distillationibus diximus. Nec mirari possum subtilissimum talia protulisse. Florentinus ab eo accipiendo ait: Si vero & aqua non sit bona, neque potabilis, sed morbosa coquatur, donec decima ejus pars infumetur, deinde repurgetur, & innoxia erit. Sic enim & marina aqua decocta dulcis reddetur. Videamus num fieri possit

Alio modo.

Et in maxima quantitate. Est res, quæ injecta in amplis vasis marina aqua repletis, sal constringendo descendere cogit, vel coagulando, & aquam ab eo liberat. Vnde stiptica imaginanda sunt, & id etiam ab antiquis tentatum, & à recentioribus perfectum. Plinius. Nitrosæ, aut amaræ aquæ, polenta addita, mitigantur, ut
intra

intra duas horas bibi possint, qua de causa & in saccos vinarios additur polenta. Et alibi: nitrosas & salmacedas in desertis rubrum mare perentes, addita polenta, ntilles intra duas horas faciunt, ipsaque vescuntur polenta. Similis vis Rhodiæ cretæ, & argillæ nostratis. Phylira, coqui, & polline nimium salem cibus eximunt. Quam rem sæpius experti falsam novimus, sed aliquid fixæ amiserat falsedinis. Plinius. Si aquæ insalubres bibendæ sunt, pulegium tritum aspergatur. Leo Baptista Albertus. Ubi turbulentam fluminis Nili aquam posuere, si quid supra limbum, & marginem aquæ, amygdalæ perfricaveris, è vestigio clarescet. Quod quum expertus essem, falsum invenimus, sale communi injecto in aquam fortem, quæ argentum ab auro separaret, illico argentum descendere. Videmus etiam in confectione *alac* rubræ vocatæ, injecto alumine in lixivio, illico salem, & colorem descendere, & solam claram aquam remanere. Videmus multis herbis lac coagulari, quas alibi diximus: utemur igitur in hac re coagulantibus, & astringentibus. Coqui dicunt spongiam in ollam immisam saltam, salem ad se attrahere, expressam vero, & denuo injectam salem omnem educere. Sic etiam lignum linteis rehiolis obvolutū, & intra ollam impositum, ad se sal attrahere. Alii in linteo triticeam farinam illigant, & in ollam immittunt, & salem attrahunt. Palladius ubi de vinis condiendis docet, inquit. Græci jubent aquam marinam mundam de puro, & quieto mari, quam anno ante compleverint, reservari, cujus talem esse naturam, ut & falsedine, vel amaritudine per hoc tempus careat, & odore dulcis fiat ætate. Remanet docere

Dulces aquæ quomodo emendantur.

Leo Baptista ait. Si vitreum vas plenum sale, & bene obturatum calce, substrato oleo, ne quid aquæ in vas penetret, immiseris, ut medias inter aquas cisternæ pendeat, fore ut aquæ illic nullâ putrescant mora. Addunt aliqui & argentum vivum. Si aqua putrescere incipiet, injecto sale purgatur, & si sal desit, aqua marina. Ob id

E e

Vene-

Venetii Divi Nicolai puteo hauriunt aquas nantæ longius ituri, & id quia circa mare est, & in ea occulitur sal, quum aquis illis communicet. Id in sacris literis factitarum legimus ab Eliseo, qui in Hiericunthe Palestinæ, abjecto sale in fontem, potabiles reddidit aquas, quæ erant amaræ, & putridæ. Si aqua verminescit, injecta calce moriuntur. Quum vinum clarum reddere volumus, Ovi albumen exagratum, & conturbatum descendere intus patimur. Alii scobem in phyliras avellanæ intus injiciunt, & Hispani gypsum, ut clarescat, quibus omnibus in aquis uti possumus.

CAPUT II.

Quomodo ex aëre aqua fiat.

ET si omnia nos dereliquerint commoda, poterimus ex solo aëre aquam elicere, aerem ipsum in aquam commutando, ita ut natura facit. nam ex aëre, vel vaporibus aquam conficit, unde quum aqua egemus, eam ex aëre conficere poterimus; igitur quemadmodum & Natura ipsa facit, ita & nos faciamus. Scimus, Sole terram calefaciente, vapores subtilissimos extorqueri, atque in altum sustolli, ad eam regionem aeris, ubi est frigus, vapores illos in guttas cogi, decedentesque pluviam efficere. Nos etiam æstate videmus, vitreis in vasis optime perlatis, & frigida aqua plenis, extrema superficie aerem pertingente, illico vitrum obnubilari, atque perspicuitatem amittere, paulo post irrorari, & in bullas extumescere, ac deinde paulatim crescentibus in guttas converti, & decidere, quod non alia ratione evenit, nisi aër frigidus vitro adhærens, crassescens in aquam vertitur. Videmus etiam in cubiculis Venetiis, quorum fenestræ vitris confectæ sunt, crasso, & vapido halitu intus crassescere, foris frigido invalescente, intus irrorantur, & in guttas coalescunt. Præterea hyeme in æneis tormentis, quæ semper frigidissima sunt, & concameratis locis asservantur, ubi & homines versantur, ut aër crassescat, tangens frigidam eorum superficiem, irrorantur, & aquam stillant. Sed ne longius evagemur. Fiat vas amplum vitreum rotundum, idque replea-

pleatur salnitro impuro, *syllaxo* vulgo dicto, & glacie: nam simul hæc commista, ut diximus hoc libro, magnam frigiditatem causantur, agitandoque, ingentis vi frigoris, aerem circa vas cogunt, ut mox stiller in subiectam fideliâ. Diligens artifex alia addet, ut maiorem nauciscatur aquæ copiam. Sat sit viam demonstrasse.

CAPUT II.

Quomodo quis suam faciem transformare possit ut neque ab amicis cognoscatur.

QVI insidiis capti, vel carceribus oclusi sunt, & evadere tentant, qui magnarum negotia tractant, speculatores, & alii qui cognosci non desiderant, non parum refert, immo magni erit momenti facies eorum transformare, docebimus adeo exacte efficere, ut ne à parentibus, & conjugibus cognoscantur; & ejusmodi secreta à magnatibus non parum conquiri, quod suam personam simulantes; ingentia facinora perpetrarunt, & amantes suis amatis sine parentum suspicione serviverunt. Ulysses Trojanorum gesta explorare conatus, falsis vestibus indutus, & vultu confecto, omnia quæ voluit, in cognitus peregit. Homerus:

Multis plagis simul ac se ipsum transformans,

Servi habitum assumpsit, & mendici.

Et hoc modo Trojam ingressus, &c.

Ubi vero Penelopsis, & procorum gesta cognoscere concupivit, iterum se ipsum transformavit. Nos id fieri posse docemus multis modis, permutando vestes, capillos, vultum, colorem, plagas, tumores, donec adeo vultum commutemus, ut in aliis locis tumeat, in aliis deprimatur, & primo

Caro quomodo tingatur.

Sed ut à carnis tinctura incipiamus, tingi caro potest, vel ut diutius duret, vel ut cito abluî possit. Si cito vis tollatur. Juglandium cortices, & malorum puniceorum aceto macerentur, quatuor, vel quinque diebus, deinde prælo expressis faciem tingimus: nam faciem Æthiopum fingit, & aliquibus diebus durat. Oleum mellis

colorem croceum reddit, & rubrum, ut per decem dies, aut plus color non recedat. Sulphuris suffumigatio, eorum faciem decolorat, ut videatur ægrum longo tempore lecto jacuisse, sed cito aboletur. At si vis multis diebus immobilis perftet, & ægerrime aboletur: utemur aqua forti, quæ aurum ab argento separat, ex halinitro, & vitriolo confecta, & præcipue si prius aliquid argenti corroserit, & viginti dierum spatio perdurabit, usquedum cutis permutatur. Si vis autem

Capillos permutare.

Quomodo id fieri possit, alibi docuimus, rescribere ne pigeat. Oleum mellis, capillos, & barbam rubro, vel croceo colore tingit, misturaque mensis spatio perstat. At si cani, vel flavi fuerint, poterimus in nigros commutare valido lixivio, in quo lithargyrum decoctum. Valide etiam dehonestabit vultum

Pilos addere, vel minuere,

Unguentum, quo in hypocaustis utuntur, ad id opus commodum erit, ex auripigmento & calce parato, nam illico glabrum locum facit, sic ciliis & superciliis abrais, prohi Dii immortales, quantum faciem transformabunt. Possumus & pilos ut cito nascantur facere, mellis aqua, & pinguedine anguillæ, & equi, ut diximus. Possumus hoc modo

*Faciem turgidam, depressam, & plagosam
facere*

Nulla res adeo faciem deformat, quam apum morsus. Causticis herbis plagas inducimus, admovendo, & aliquantisper immorando: tumores & depressiones inducuntur lacte tithymali imposito, ori, naribus, oculis, præcipue ubi abest pellis, ut solo hoc remedio facies deformetur, sic etiam scrotum, & testes. Aqua cantharidum perlita illico bullas & tumefactiones inducit. Turbith contusum, ebullitum, & perlitum membra, in quibus positum fuerit, tumefacit, & præcipue testes. Pulvis taxi adeo cutem ulcerat, ut miserabiles, & deploratos homines reddat apud vulgum. Remedio est succus populi, vel unguentum populneum. Sufficit sulphuris,

phuris, & paleæ combustæ faciem decolorat, ut hypocritæ faciunt, qui suas facies tali pacto exterminant. Fæces aquæ fortis uncia, muricæ, & curcumæ drachm i una misceantur oleo in formam unguenti, & perline faciem; nam nigro colore inficiunt. Quum vis ablucere, aqua frigida ad pristinum statum reddes. Comædi, & tragædi dum histriones agunt, facies amurca perungunt, ut eorum facies transinutent, ne à notis cognoscantur. Quia morsus apum, vesparum, vel crabronum mire faciem mutant, & aliam reddunt, os, nares, & membra contorquendo, alia comprimendo, alia vero elevando: si quis aqua decoctionis crabronum, vel vesparum cutem abluerit, sic tumescit locus, ut alicujus ægritudinis suspicionem ingerat, sed absque dolore. Remedio est theriaca pota, vel loco illita, & hac fraude uterî gestationem vastræ mulieres simulant. Amurcam olei, vitigineos carbones, & cortices mali granati conterere, & misce, & si hoc linimento faciem tanges, efficies nigram, sed acerbæ uræ succo diluitur, vel lacte.

CAPUT IV.

Ut lapides ex se ipsis moveantur.

PRODITUR ab antiquis trochitem lapidem, & astroitem supra alium lapidem planum ex se ipsis moveri, addito aceto. Modus operationis erit. Sit infra porphyriticum marmor planum, extrema superficie perpolitum, supra importantur trochites, aut astroites, etiam extrema superficie lævigati, inde addito aliquantisper aceti, vel limonis succi, statim ex se ipsis tam trochites, quam astroites, nullo impellente, ad decliviorē superficiem ambulabunt, mira quadam jucunditate. Cardanus tenui humido ejusmodi soli lapides constare dixit, quod ab aceti vi in vaporem convertitur, & quum exitum non inveniat, huc, illuc lapidem impellens movet: nam tenuis vaporis initium est, quod illos non mittat, unde nec meatus habere magnos illos credere oportet. Ego aerem intercipi in illius venis judicarem, nam bene conveniens, ubi diversas colorum substantias vides, acetum ergo quis sub-

E c 3.

tite

tile ingrediens, aerem expellit, quod per acetum egrediens facit, ut lapis moveatur. Ac nos repperimus lapides omnes se moveri, qui ex variis lapidibus commisti sunt variisque venarum distantis patentibus: acrum enim per commissuras se induens, lapidem impedit, ut se moveat. Alabastrum, quod vulgo *codogninum* vocant, optime movetur, variis enim venis distinctum est, & lapidum varietatibus, & ego frustum non solum libræ, sed quatuor librarum se movere vidi, quod in testudinis formam effigiatum erat, & quum lapis tandem se moveret, testudinem moveri videbamus. Movetur ex seipsa aceto species illa marmoris, quæ *brocadello* vocatur, quæ ex variis, mistisque partibus componitur. Graditur etiam aceto marmor illud maculosum, quod rubeis, croceis, vel fuscis puncturis, & maculis interstinctum, *pediculosum* vocant, non sine astantium miraculo. Id enim præmonendum, ne relinquam nil referre, si marmor inferius sit maculosum, & supra homogeneum, & durum, vel infra homogeneum, & durum, & superius heterogeneum: nam injecto aceto, vel quocunque acri, illico dilabitur in decivivorem partem, nunc circulatim, nunc subsultim, nunc præpropere se movendo.

CAPUT V.

Quomodo instrumentum fieri possit, quo longe audiamus.

IN Opticis specilla demonstravimus, quibus satis longe videre poteramus, nunc instrumentum construere tentabimus, quo etiam per multa milliaria audire possimus, & lignum investigabimus, ut id rectius & facilius præstet. Ut formam igitur huius instrumenti investigemus, oportet auriculas omnium animalium considerare, quæ perfectissimi auditus sunt. Sancitum est enim in Magiæ naturalis præceptis, quam aliqua nova investiganda sunt, Naturam perscrutandam, & initandam censeamus. Ut igitur animalia consideremus, quæ optimi auditus sunt, timida quæramus oportet. Natura enim eorum saluti cavet, ut quæ minus viribus valerent saltem auditus præstantia, fuga saluti consulerent,

fulerent, ut cuniculus, lepus, cervus, asinus, bos, & similia. Hæc animalia aurita sunt, & aures apertas habent versus frontem, & hiatus dirigunt, ex quo soni veniunt. Lepori igitur sunt αἰζὺψηλα aures sublimes, ex Polluce: auritum vocat Festus ab aurium magnitudine, & audiendi facultate. Apud Græcos nomen λαγῶς ab aurium magnitudine, λα enim auget in compositione, αἰς auris est, & sane decebat, ut timidum & inermis animal bene auritum esset, quo longius pericula, & insidias perciperet, & mature sibi consuleret. Auditum quoque acerrimo ita credere Ægyptii, ut in hieroglyphicis auditum designaturi, leporem pingerent. Eadem cuniculi natura, eademque aures. Magnæ, hirtæque aures sunt vaccæ, tantum à triginta stadiis vehementissime ad coitum exardescentem audit, mugientem, quasi amatoriam testiferam dantem percipit, ex Æliano. Majores & longiores sunt etiam cervo aures, utpote timido animali. Si auriculas rectas tenet, acerrime sentit, nec latere eum insidiæ possunt, si dimittit, facile interimitur, ex Aristotele, ex quo Plinius. Quum erexere aures, acerrimi auditus, quum remissere, timidi. Et ne per cætera animalia vagemur, quæ aures amplas, arrectas, & apertas habent, dicimus (quæ ejusmodi aures habent, & quum eminus audire volunt, surrigunt, & versus eam partem dirigunt) perfectissimum auditum habere. Videbimus nunc à contraria causa, quæ parvas habent aures, & obscuras, obtusioris esse auditus. Magna piscium pars auribus caret, & qui solos meatus habent, & sine auriculis, sensu hoc audiendi hebetiori esse necesse est, sunt etiam auriculæ à natura constructæ, ut veluti per eas in aures infunderentur soni. Cujus rei Adrianus Romanorum Consul testis est locupletissimus, qui quum sensum hunc læsum haberet, manus cavas, quo facilins audiret, à posterioribus ad anteriora spectantes auribus obtendebat. Et Aristoteles dixit equos, asinos, canes, & reliqua animalia quæ magnas habent aures, eas semper circumagere, & vertere ad sonos, vocesque percipiendas, parrium earum usum à Natura edocta. Eos etiam, quibus abscessæ sunt

auriculæ, minus audire experimus. Forma igitur instrumenti auditus oportet sit ampla, & concava & aperta, & intus cochleata, duplici de causa. Prima si soni intus recte ferrentur, oblaederent sensum; secunda, quia per cochleam circumferuntur, & allisa vox per aurium anfractus, multiplicatur: ut de echo videmus. Argumentum rei esse potest cochlea marina illa, quæ auribus adinota, strepitum quendam levem efficit. Reliquam est, ex qua materia fieri debeat, dicamus. Ego ex foraminulentis lignis dicere in, nam foramina undique porique pervii sunt, & aere repleti, & levi quoque ictu resonant, & inter foraminulenta ligna hederæ est, & præcipue similax, argumento, quod vas ex hederæ tornatum, foris aquam extillat, ut diximus. Ob id Plinius de smilace loquens ait. Proprium materiæ est, ut admota auribus, levem sonum reddat. Et alibi, Smilacis lignum ad aurem sonare diximus, Accommodetur igitur instrumentum, ut commode auribus indatur, ut specilla oculis.

CAPUT VI.

Quomodo quibusdam imposturis pondus augere possimus.

ALIVAS hic congeessimus imposturas, ut qui cum impiis hominibus negotia habent, ab eorum fraudibus sibi præcavere possint. Videlicet.

Oleo pondus augere.

Remiscetur aqua cum oleo, ut cognosci non possit fraus, fiat aquis turbidis, veluti ex decoctione pastillorum, raporum, & asphodeli, ut ab eo secerni difficilius possit. Vel gummi tragacanthæ electum in aquam ponunt per duos dies, post pila conterunt, aquam semper addendo, ut gummi liquecat, ea addita oleo extillando, in oleum convertentur. Hand dissimili fraude nituntur.

Serico pondus addere.

Bullientis aquæ fumo opponunt, & turgens humiditate illius, gravius evadit. Alii Arabici gummi unciam terunt, & optime succretum cum mellis decoctione commiscunt, misturam in aquam solvunt, qua sericum ma-

defa-

defaciunt, & resiccati patiuntur. Alii in frondibus juglandis viridibus asservant. Si vis

Mellis quantitatem majorem reddere,

Farinam castanearum, vel milii addes, & augetur quantitas, quæ cognosci non potest. Sic poteris

Cera pondus augere,

Adde farinam fabaceam optime tenuiterque contritam ceræ, & in candelis ardebit sine excrementis, auget enim pondus, & magnitudinem, & vix detegitur fraus. Sic etiam

Sepum majus excrescere

Facies, si cinerem tiliarum bovis optime combustarum figulorum fornacibus remisses, vel si sulphur album; nam pondus, & quantitatem sine similitudinis deformitate auges. Si voluerit quispiam

Piper simulare.

Poterit juniperi semina cruda colligere, quæ corrugari patiatur, postea piperis granis commiscere. Alii vicias magnas nigras colligunt, eas primo bulliunt cum piperastro; nam turgentes aqua quum resiccantur, in rugas se contrahunt: nam si eas manducaveris, os plus quam piper comburent. Nos ita adulteravimus, ut optimos pharmacopolas ludicre fefellerimus, & cum joco post fraudem deteximus, sumito grana virgæ sanguinariæ maturæ, quæ quum resiccantur, adeo piperis grana corrugata referunt, ut optimos quosque fallant, nisi gustum consulant. Sic

Fruento pondus augere

Possumus, intus condendo vas ligneum aqua vel aceto plenum, nam absorbet, ut ex Plinio habetur.

C A P. U. T. V I I.

De lyra, & miris quibusdam ejus proprietatibus.

NONNULLAS in se lyra retinet proprietates, & animadversiones, quas in medium afferre operæpretium duximus. Primo dicemus effectus quosdam mirros, qui ab antiquis traduntur: deinde quo modo fieri possunt, aut ab antiquis factitati. Quum nunc Masica-

E e 5

cul-

cultior, nobiliorque sit, quam apud antiquos (tunc enim rudior, imperfectiorque) & temporibus nostris has operationes non perficiat. Rithmos & modulos in hominibus posse certum est, nec tam immitte, & efferatum esse cor, quin aptis modulis, & cantilenis animum delinientibus remittatur, contra indecentibus, & inconcinnis angatur, & restringatur. Carmen prodit Musæus dulcissimam rem mortalibus esse, & à Platonicis dictum animadvertitur, à Musica mulceri omne, quod vivit, plurimique visuntur effectus. Remugiant in bello tympana, ut sint hortamenta, & torpentes suscitent, & iis similia ab antiquis factitata reperiuntur. Timotheus Musicus, quoties libuerat, Phrygium modulabatur cantum, & Alexandri animum sic accendebat, ut efferatus ad arma curreret, quumque aliter voluisset, mutato, animositatem exhaustiens, segnem efficiebat animum, & remollitum ab armis ad epulas, & convivla trahebat; & Plutarchus ait, quum ipse audivisset Antigenidam tibia modos incinentem, qui vocatur harmatii, adeo inflammatum se esse, ut simul cum armis exurgens, manus injecerit in proxime assidentes. Refert Cicero Pythagoram adolescentem quendam Taucominitanum; vino macidum, ac meretricio amore irretitum, quum rivalis comburere domum quæreret, quo detinebatur scortum, Phrygio modo concitatum, spondæo resonante pacatum, & mitiorem reddidisse. Idemque agebat. Si tiliarum cantu impulsæ adolescentes, facinus aliquod aggrediuntur, tibicina spondæum canente detrahuntur, ut modorum gravitate, eorum furens petulantia confedetur. Empedocles, quum ejus hospitem jurgiis, & convitiis quidam laceffitus invaderet, canendi retorfit modum, furentisque iram temperavit. Theophrastus ad compescendas animi turbationes, musicos fertur adhibuisse sonos. Et Agamemnon è patria discedens, ad Trojam profecturus, de Clitemnestræ dubitans pudicitia, citharædum reliquit, qui sono illam adeo ad continentiam, & pudicitiam incitabat, ut Ægyptus, non nisi occiso citharædo ea frui potuerit. Thracius Orpheus citharæ incentionibus

bus, efferatas gentes, saxi instar, nulla ratione molles inflexit. Teneros infantium sensus permulcet sonus, & crepitaculis vagientes acquiescunt, & ipsi conticescunt. Vnde Chrysippus proprium nutricibus carmen fertur scripsisse. Musicis modulis etiam animalia cicurantur. Arion citharædus rationis expertes delphinos sibi conciliavit, ut demersum sospitem in littus duxerint. Elephantēs, ait Strabo, tympanis allici, cervi sonis detinentur, & modulato carmine capiuntur. Cygni hyperborei cithara, & cantu convincuntur, aviculæ fistulis irretiuntur, & pastoralis fistula pastu progressis quietem imperat gregibus. Apud Mysios quum equinum genus coit, quidam velut hymenæum quendam nuptiis præcinnunt, & cantus suavitate permulsæ equæ, gravidæ fiunt, & formæ pulchritudine eximios pullos pariunt. Pythocharis tibicen, quum ad tibiam magna contentione incitatos numeros caneret, luporum impetum repressisse fertur. Immo vulnera & morbos & venena, quod multo mirabilius est, modulis consolata est verustas, ut ex historiis percipitur. Terpander, atque Arion Methimnæus Lesbios, & Iones gravibus morbis curavere. Asclepiades Medicus tuba surdis medebatur, cantuque populi seditiones compescuit. Quondam araneorum in Aquilia frequens genus, quod vulgo tarantulam nuncupant, in maximis Solis ardoribus acerbitatis virus pestiferum insigit, hujus pernicipi una hæc salutaris inventa est medicina, ut ictus, vario, & multiplici tibicinum cantu, aliorumve musicorum instrumentorum permulceretur. Is, tametsi omnis sensus expers sit, tamen confestim ut tibiæ auditionem accepit, tanquam gravi experræctus somno, se humo tollit, & ad musicæ rationem saltare ingreditur, at si tibicen pulsare desistat, statim animo deficitur, & stupore afficitur, ac rursus repetito cantu acrius saltare contendit. Sic affectibus singulis singulas adhibuere præsci melodias, uti Dorica prudentiam, castitatem, & doctrinam largitur. Phrygia pugnæ excitat, furorem inflammat, quod efficit & tibia. Ideo Aristoxenus in fabulis quod Dorica efficere non valuit, ad Phrygiam devenit harmoniam, quæ illis congruebat.

bat. Lydia intellectum acutis obtusis, terrenoque gravatis desiderio, coelestem inducit appetentiam, ab Aristotele in Politicis traditum. Nonne Lacedæmonibus fertur repudiatum pridem fuisse chromaticum genus, quod nimium audientes effœminaret? Vnde non à ratione alienum reor, simplici id accidat lyra, citharave, quod vero arte, ingeniove confectum evenit magis mirum, nemo est, qui negare possit. Sed si nos hujus causam perscrutari velimus: non modis, sed si libus, & instrumentorum ligno, & pellibus attribuemus, quum mortuorum animalium, & succis arborum etiam in membris & ignis proprietates conserventur, ut alibi diximus in hoc libro. Et ut exempla adducamus à notissimis. Si volumus

Oves exterrere.

Antipathia est inter lupos & oves, ut sæpius diximus, omnibusque earum membris inhæret, ita quod fides de intestinis ovium, cum fidibus de intestinis luporum permistæ non concordant, sed obstrepunt, & omne interturbant temperamentum, ex Pythagora. Si placet

Equos fugare.

Equi ab elephantis in prælio terrentur, & equis naturali odio adversatur camelus, ex Aristotele & Plinio, rumpique equos tradunt, qui vestigia luporum sub equite sequantur. Unde si tympana ex pellibus elephantis, cameli, vel lupi fiant & pulsantur, aufugiunt equi, nec stare audent. Eadem ratione si velis

Ursos fugare.

Equo animali, obsequii hominum nato, capitale discrimen est cum urso, homini noxia bestia, agnoscit hostem nunquam visum: ac protinus se parat ad pugnam, in qua arte potius quam viribus utitur, & audivimus uros in solitudine fugatos tympani sonitu, quum ex equina pelle confici solitum sit. Contra si velimus

Equos demulcere.

Scribit Ælianus tybiæ cantu, eoque capiuntur Lybicae equæ; ut hujus blandimentis ad homines mansuescant, & insultare desinant, quocumque eas cantuuncularum blanditiæ invitaverint, eo pastorem consequuntur, quum

quum ille insistit, hæ etiam à progrediendo se sustinent; ac si cantum contentiorem ad tibiam canat, ex eo tanta voluptate afficiuntur, ut lachrymas tenere non possint. Harum pastores ex rhododaphne arbore pastoritia in fistulam excavant, cujus sonoro inflatu armentum integre licentes demulcent. Docuit nos Theophrastus ænotheram feras cicurare, & inebriare, & ut alibi diximus Theophrasti ænotheram nostram esse rhododaphnem contra Dioscoridem. Fertur posse

Atocium inducere

Fides è serpentibus confectas, præsertim viperarum, namque in cithara accommodatæ & pulsatæ, si prægnantes adfuerint, partum abortu vitiant, quod & viperæ suo occurſu facere solent, ut à quampluribus scriptum est. Hermenias Thebaeus Boethiorum pluribus

Coxendicum dolores fugare

Melodiis conatus est: & fortasse instrumentum populneum fuit, quum populi corticis succum Dioscorides eos sanare dixerit, vel salignum. Valet item

Ad lymphaticos

Elleborus, & Xenocrates organicis sonis lymphaticos curavit, quæ organa facile ex equi tibiis, aut ex ellebori cavis caulibus fieri poterant. Thales Milesius.

Contra pestilentiam

Cithara usus est, quod non nisi ex vitigineo ligno esse poterat, quum mire vinum, & acernum contra pestilentiam valeant. Vel ex lauro, cujus folia tusa, & olfacta, subinde pestilentie contagia prohibeant. Theophrastus scribit quosdam

Ad viperarum morsum

Tibiarum, vel fidicularum, aliorumve organorum caritus valere, quæ organa ex junipero, fraxino, lauro, ossibus cerbi, ferula, sambuco, vite, & ejusmodi quamplurimis fieri poterant. Pythagoras.

Contra ebrietatem

Sono etiam usus est, nam adolescentem vino madidum rivalis domum combutere quærentem compeſcivit, fortasse

tasse hederaceo instrumento, vel amygdalaceo ligno, præcipue sylvestri, nam magnum contra ebrios remedium præbent. Timotheus Alexandri Magni animum sic accendebat, ut efferatus ad arma curreret, quumque aliter voluisset mutato, animositatem exhaustiens

*Segnem animum, & remollitum ab armis ad
convivia trahere*

Conatus est, & trahebat, quotiescunque voluerat, quod non poterat nisi vitigineo ligno, vel ex rhododaphne. Citharædi, qui, discedente Agamemnone à patria ad Trojam profecturo, sono Clitemnestram ad pudicitiam incitabat, non nisi ex vitice instrumentum esse potuit. matronæ enim in Thesmophoriis Atheniensium foliis iis cubitus sibi substernebant, ut Veneris desideria obtunderentur. Utebantur Pythagorei quibusdam sonis

Ad sonum, & vigiliam.

Nam quum diversas resolvere vellent in somno curas, sonis accinebant, ut levis & quietus irreperet somnus, & experrecti statim cubili exurgentes, quibusdam modulis stuporem, somnique confusionem purgarent ad obeundum munus aliquod. Æolio evenire tradit, quod animi tranquillet tempestates, somnumque pacatis tribuat: somnum amygdalaceo, vel vitigineo ligno accersebant, expellebant vero elleboro. Hoc autem de vulgari accipies experimentum.

*Lyra, quæ pulsata alterum ejusdem toni im-
motam moveat.*

Tendantur in unum nervi, ut ad idem & perfectum perveniat unusquisque melos, si gravium unam pulsabis ditis, altera reboat & movetur gravis in ea sic acutarum, debita tamen approximatione, si id maxime non fuerit conspicuum, paleam supra inducito, & moveri videbis. Suetonius autem Tranquillus in libro Iudicæ historiæ, nervos ait fidibus brumali die alios digitis pelli, alios sonare. Hinc quispiam poterit ignarus soni lyram accommodare, si æque tensa altera, & ad harmoniam ducta requiescat, alteram manibus intendendo, & relaxando,

laxando , & pulsando quousque quiescentis nervus moveatur , ejusdem toni signum : sic in cæteris. Si vero ut

Lyra surdus audiat sonum

Vis , vel manibus aures abde rite, ne sonum audias, tunc capulum lyrae , vel citharae mordicus præhendito , pulset eam alter , & concinnum in cerebro dabit sonum, & fortasse suaviorem. Nec solum capulum dentibus captans , sed longissimam hastam , quæ lyram tangat, & per eam clare auditur sonus , dicique poterit non auditus sensu , sed gustu perceptus. Remanet hoc , quod haudquaquam inamœnum reor , ut

Lyra, cithara, aliaue instrumenta vento pulsentur.

Hoc sic perficies. Ubi vasta fuerit ventorum procella, è regione adversantia accommodabis instrumenta , uti citharas , tibias , sambucas , fistulasve : adveniens enim ventus impetu ruit , leviter pulsar , & hiantes calamos percurrit , unde ex omnium sonitu , vicinis auribus , suavissimum percipies concentum, & lætaberis.

C A P U T II.

Dolos , quibus impostores naturaliter operantes eos à Magia proxcuire mentiantur aperire.

Nunc dolos , & imposturas aperiemus , quibus circulatores , & impostores se Necromanticos simulant , bardos , nebulones , ac simplices mulierculas decipiunt. Nos ad eorum scientiam pessundandam, & simplices admonendo , ne ab ejusmodi hominibus decipiantur , causas aperiemus , & primo

Thesauros quo modo se reperire posse fingant.

Major agyrtarum pars , quum pauperrimi omnino sint & miserabiles , thesauros reperire posse profitentur , aliisque promittunt, quod ipsi non habent, utunturque quatuor virgulis bifurcatis , quarum summitates decussatim simul hærentes , & inferiores extremitates manibus apertis tenent , circa illa accedentibus , carmina quædam obmurmurate fingunt, & virgæ cadunt, & ubi cadunt , suffodere præcipiunt thesauros cupientibus. Causa est , quod si virgæ manibus firmatae videantur , nulli-

bi.

bi tamen hærent, ac caducæ casum semper minantur, & si paululum à suo loco dimoventur, illico in terram prolabuntur. Sunt & in brachiis, & manibus pulsus arteriarum, quæ etsi immobiles existimantur, inconspicue tamen manus movent, tremoreque afficiunt. Sed sunt inter metallicos, qui furcatas has virgulas in venis inveniendis sibi maximo usui esse inquirunt: nam cultro colurnam resécant, eamque præ cæteris ad venas quærendas idoneam esse censent, præsertim si corylus supra metallicam aliquam venam venerit. Sunt alii, qui pro varietate metallorum variis arboribus utuntur, etenim ex coryli ad venas argenti, fraxini ad æris, piceastri ad plumbi, maxime candidi, ferri, vel æris ad auri factis virgis utuntur: deinde utrinque virgula cornua manibus præhementes pugnos faciunt, necesse est autem, ut digiti compressi ad cælum spectent, utque virgula erigatur ea parte, qua cornua coeunt; tunc huc, illuc passim per loca monrosa vagantur, atque ubi supra venam pedem posuerint, statim virgulam versari, & volvi, ubique prodere venam, ubi pedem retulerint, & ab ea discesserint, rursus virgulam immobilem manere. Immo venarum vim dicunt esse tantam, ut interdum arborum prope venas crescentium ramos ad se flectat, ut copiosius apud Agricola. Altera remanet ludicra subtilitas, ut tres.

Schedula non tacta situm permutent,

Quod illud penitus ignoranti fieri non potest, quin mirabile videatur. Tres fiant schedulæ longiusculæ e papyro, vel linteis, seque mutuo æquali superent magnitudine, nam capite imo æquatæ omnes, & æque revolutæ, devolvuntur, diversique situs reperiuntur, longior in medio, vel primo loco ponatur, permittant locum, si longior eadem in postremo fuerit loco, immobiles remanent, quod non erit, qui non putet à demonibus factum, sed alimnde non evenit, nisi quia in revolutionis fine, remanet procerior, & extrema, à qua exoritur, in revolvendo remanet. Mihi videtur Aristotelem hoc intelligere voluisse in problematibus. Cuz
sectio.

sectio papyri: si quis quæ à basi plana, rectaque dimensione absciderit, recta revolvetur: sin autem inclinaverit, contorta existet? An evenit, ut quum orbes secturæ alterius eodem in plano positi sint, declinans illa cæsura, non æque opposita sit, sed partim minus: itaque quum evolveris, orbes quidem, qui plano eodem continentur, suumque initium in plano habent eodem, lineam explicabunt, quam suo ipsi conficiunt ordine, &c. Quorundam fuit error, qui verborum vi evenire putabant, ac de interrogatis omnibus, tanquam de oraculo responsa præbebant: nam si situm permutabant, rite auspiciari, eventusque propitiari, sin minus infortunari, nec volvere rationibus, & experientiis fidem permutare, quum multis annis id crediderint. Si vis

Nummus supra stylum se volutet.

Sæpe vidimus impostores mulierculis imponendo ejusmodi artificio uti, ut schedulæ duæ papyraceæ vel ex aliâ materia leves se è plano erigant, & ex se ipsis moveantur. Si in hordeo investigaveris sylvestris avenæ aristulam reperiens nigram, & obtortam, locustæ pedibus similem, quam si cera cultri mucroni, aut stylo alligaveris mollis aquæ aspergine disseminaveris guttulas, ubi humidum senserit, distorquebitur, ut lyræ nervus, & erigitur charta, nec minus nummus styli acie volitabit. Si volueris

Furtum cognoscere.

Sic possumus, & subreptam illico rem recuperare. Variæ sunt ad furtum superstitiones, quæ naturalibus rationibus constant, & nebulones verborum viribus ascribunt. Est lapis qui ætites dicitur, & veluti prægnans est, nam quum quatitur Lapillus in utero sonat, si quis ergo terit eum, & sub cineritio pane decoctum, & conditum furi offerat, fur mansum devorare non potest, quin etiam cogitur aut suffocari, aut fur deprehendi, quippe cum eo decoctum glutire nequit, quod ex Dioscoride habetur. Cujus naturalis causa est, quod pulvis, qui ex eo conteritur, adeo siccus est, ut succissimum panem efficiat, & pumicosum, & qui non nisi maximo conatu

conatu glutiri possit quum in guttere fuerit. Accedit ad id, quod qui furtum invenire quærit, dicat astantibus, qui fares existimantur, rem miram facere, & maxime eam magnificare, ei enim, qui subripuit, timore, & perterrefactione exiccatur guttur, & suis inducitur, unde pulveratum panem glutire minime potest, nam hæret gutturi, qui alioqui sine timore existens, vix glutire posset. Est & alius astus subtilissime excogitatus: nam argillaceis globulis eorum nomina, qui fares existimantur, schedulis conscripta conglutinant, & aquis mergunt, globuli madefacti, remollitique aperiuntur, & schedulæ papyraceæ leves supra aquam ascendant. Quæ res tantæ est admirationis, ut qui adstent non nisi dæmonum arte factum existiment. Conficiuntur pilulæ argillaceæ numero adstantium & descripta nomina in schedulis in pilulis obvolvuntur: nam schedulæ quæ minus curiose & diligenter creta obvolvuntur, nullis nexibus detentas. Si vero vis nunquam aperiatur, optime actam cum schedula reminiscas, & non aperiatur. Si vis

Flores ex arbore decidant.

Quod quum primo vidissem obstupui profecto, sed rogatus rem aperuit. Est verbasci proprietates quædam, qui quum mane flores aperit, si planta leviter concutitur, paulatim flores sicciscentes defluunt ad terram omnes, nec fuerit, qui id viderit, quin magicis precaminibus evenire credat, si quis decusserit inania quædam obmurmuret verba. Fit etiam

Ut foemina vestes abjiciant, & nudentur.

Ut nil relinquam, quod à circulatoribus, & necromanticis simulatur. Apponunt lucernam characteribus insculptam leporino adipe plenam, & quibusdam obmurmuratis verbis quum eam incendunt, & medio mulierum ardet, constringit omnes, ut abjectis vestibus omnia viris sponte ostendant, quæ operta regunt, vident, nec saltare desierint, usque donec ardeat lucerna, quod mihi à fide dignis narratum fuit: consideravi non nisi

nisi à leporino adipe effectus posse provenire, cujus fortasse vis letalis quædam cerebrum penetrans ad ejusmodi dementiam concitat. Simile à Massagetis fieri narratur ab Homero, esse arbores, quarum fructus si in ignem projiciantur, omnes qui igni proximiores fuerint, ebrios & stolidos evadere: nam illico è sedibus insiliunt, & choreis, & saltationibus indulgent. Sunt & fures qui

Stylo pulli caput perforant, & vivum superstitem esse, dicere

Andeant, ac beneficiis fieri dicant, & ex hoc promittant hominem invulnerabilem fieri posse, nam quibusdam characteribus dolo confectis sub alis alligatis, stylo caput galli perforant, & quum aliquantisper immorentur, extrahunt stylum, & pullus nullo recepto vulnere aufergit, ac sine sanguine permanet. Quod quum considerassem, & caput pulli aperirem, repperi bifidum esse, & culter, vel stylus per ea loca pertransiens, cerebrum non oblædit, quod mihi sæpius experienti felicissime successit. Extat &

Remedium ad ischiadem.

Maximus ille Cato, hominum summus in omni usu, omniumque bonarum artium magister, ex Plinii traditione, in suis de Agricultura libris quibusdam excantationibus ad ischiadum dolores utitur. Inquiens, Luxum si quod est, ut excantes, hac cantione sanum fiet, harundinem prende tibi viridem, pedes quatuor, aut quinque longam, mediam diffinde, & duo homines teneant ad coxendices: Incipe cantare in alio, S. F. motas varda daries dardaries astataries dissunapiter, usque dum coeant, ferrum insuper jactato; ubi coierint, & altera alteram tetigerit, id manu prende dextra, sinistra præcide, ad luxum aut fracturam illiga, & sanum fiet. Vide hominem tam dignum tamque doctum, in quas insanias prorupit: nec multiplici sua doctrina cognovit, quod sine vi verborum suorum, virides harundines per longum scissæ, ex se incurvantur, & coeunt, si pendulæ steterint, ut virgæ quoque salicis, & rubi faciunt. Rationem.

tionem incurvationis reddit Theophrastus in suis de causis plantarum libris. Præterea apud Dioscoridem legitur harundinem cum aceto Ischiadibus applicatam luxum sanare lumborum, quum & sine verbis, & superstitione operetur.

CAPUT IX.

De experimentis quibusdam lampadis.

NON parum gavisus sum quum inter antiquos compererim Anaxilaum philosophum ludere solitum ellychniis, & præstigiis monstifica hominum capita demonstrasse, si Plinianæ assertioni credendum accipiendo equarum virus à coitu, novisque lampadibus, & lychnis accensum, hominum capita eqnina visui monstifrice repræsentare, & alia, quæ quia non credimus, ideo nec experiri curavimus; quæ autem vera sunt cape.

Vt homines Æthiopes videantur.

Atramentum, sed melius è sepiis, immissum, lucernis immisce, & atra lucet flamma. Id Anaxilaum fecisse fertur, sæpe enim ex atramento sepiæ astantes Æthiopes reddebat, & nigros. Ex Simeone Sethi. Si quis thryallida, id est, lucernæ stupam in sepiæ atramento, & æris ærugine intinxerit, homines circumstantes videri partim æreos, partim nigros propter mistarum rerum inspersiorem. Idque omni colore imitari poterimus: nam luces omnes amovendo; ne alio lumine impediuntur, videanturque è lampade color emanans, & frustretur illusio, & si in die fuerit claudantur fenestre, ne aliquod lumen irrumpens præstigium destruat. Sit viridis lampas, vitrea & pellucida, ut pertransientes radii mediis colore inficiantur (quod in hoc plurimum conducit) oleo, vel omni, quo vivit humido, immisceatur ærugo, una rite terantur, ut humor fiat viridis: ellychnium ex linteo coloris ejusdem, vel è gossipio paretur, uncto lampade in illa peruratur, oppositum feriens lumen, viride omne, & intuentium vultus ostendet. Ut

Eacies insignis videatur maciei, & palloris.

Sic.

Sic faciliſſe opus exequeris. Vitreo amplioris cratere vetus valde infundas vinum, vel græcum, intus ſal injice, quantum pugno quis capere poſſit: flagrantibus imple carbonibus ſine flamma, ne vas rumpat; illico ebullire incipit, candulam admove, & ſuccendetur: reliqua tunc extingues lumina, & tales aſtantium facies reddet, ut ſibi mutuo terrorem incutiant. Idem in officiis evenit, ubi campanæ conſtantur, & metallica: tamen enim opertum omne diro viſitur colore, ut demirari contingat, labia ſquallore perſuſa, punicea, in lividum, & nigrum commeantia. Accenſum quoque ſulphur aſtantium mediò collocetur, & fortius operabitur idem. Sic quoque Anaxilaum Philoſophum ludere ſolitam eſſe comperimus: Sulphur enim calici novo immiſſum, carbonibus ſubditis circumferens, convivis exardeſcentis repercuſſu, pallorem dirum effundebat. Id mihi ſæpe caſu accidit, dum Neapolitano in agro Leucogæis collibus noctu decambularem: nam ſponte ardens ſulphur tales dabat vultus.

CAPUT X.

De mechanicis quibuſdam experimentis.

QUÆDAM extant non ſpernendæ ſubtilitatis experimenta, ab omni miſturæ additamento ſecreta, quæ non injucunda fore putavimus ingenioſis & artiſtibus. Extat artiſcium, quod aliquibus

Draco volans

Vel cometæ ſyduſ dicitur. Cujus talis ſit conſtructio. E ſubtilioribus harundinum paxillis quadrangulum conſtituatur, ut longitudo latitudini hemioliæ ſit proportionis: diametri duo, & ex oppoſitis partibus, vel angulis immittantur, quarum interſecatione funiculos illigetur, & ejusdem quantitatis cum duobus aliis jungatur è capitibus machinæ provenientibus. Sic papyro, vel ſubtili lino obtegatur, nequid grave in ea ſit: inde è turris, montis, vel altioris loci ſaſtigio æqualibus, & uniformibus ventis credenda, non validis ne diſrumpatur machina, nec levibus; nam ſi undique ſi-

lebit

lebit antra, eam non sublimat, ventorumque segnities irritum facit laborem. Ipsa recto non incedat tramite, sed obliquo, quod efficit fumis tractus è capite uno ex altero, longa cauda, quam è restibus effinges æquidistantibus, & papyris passim religatis, sic levi tractu immissa, artificis manibus committenda, qui nec segniter, nec oſcitanter, sed valide impellat, & sic volitans carbasus aëra perit, ubi paululum fuerit elevatus (hic enim ex domorum anfractu disruptus est ventus) ut vix manibus compesci, vel retineri queat. Laternam aliqui supra locant, ut cometa videatur, sclopum alii charta, & pyrio pulvere involutum, & quum in aere quiescit, immittitur per restem accensus funiculus, anulo, vel lubrico aliquo: statimque velum petens, ignem ori admovert, maximoque tonitru in plures machina diffilit partes, & ad terram procumbit. Ælurum aliqui, vel catulum ligant, ac per aëra immissas auscultant voces. Hinc aspiciari poterit ingeniosus principia, quonam pacto & homo volare possit, ingentibus alis cubito, & pectori deligatis, eas autem à pueritia paulatim jactare assuescat, loco semper sublimiori. Quod si quispiam id mirum putabit, aspiciat ea quæ Archytam Pythagoricum commentum esse atque fecisse tradunt. Plerique enim nobilium Græcorum, & Phavorinus Philosophus memoriarum veterum exequentissimus, affirmatissime scripserunt, simulachrum columbæ è ligno ab Archyta ratione quadam, disciplinaque mechanica factum volasse, ita erat scilicet libramentis suspensum, & aura spiritus inclusa, atque occulta concitum.

F I N I S.

IN-

INDEX SECRETO- RUM IN VIGINTI HIS LIBRIS CONTENTORUM.

- A**ccipiter cum diversis avi-
bus commiscetur, & diver-
sifacius gignuntur 82. cum
falcone, cum Astore, cum Ni-
so 83. ut animosus evadat
543
- Acetum quomodo ex variis re-
bus fiat 226. ex Ficubus i-
bid. Palmis, Pyris, Melle,
Persicis, citra vinum 227.
ex vino perverso, ex muslo,
ex racemis expressis, ut du-
plicetur 228, 229
- Adamas ferrum ad Septentrio-
nem dirigit, ut magnes. 330
ejus presentia vis non cobi-
betur 327
- Aeneorum tormentorum pila;
ut profundius penetrant 484
- Aer vices folium ut expleat,
ut in eo fiant artificia 643.
inde aqua 650
- As argenti amulam facere
variis modis 248, 249, 250.
quomodo comburatur 271
- Ab aneo vase argentum sepa-
rare 261
- Alarum tadia emendare 394
- Alaude venenum 541
- Allii capita vastiora facere
136. ne feseant 152. dul-
ciora 258. quomodo ferven-
tur 201
- Aloris Indica filum extrahere
236. magisterium extraho-
re 430
- Ambra oleum extrahere 418.
& quintam essentiam 425
- Amethystinus color quomodo fiat
172
- Amomi oleum extrahere 408
- Amoris alexiteria remedia 631
- Amrygdale dulces, ut amare-
scant 103. sine tegmine pro-
veniant, ut tenerescant 153.
amara dulcescant 153, 155,
156. ut inscripta nascantur
160. ut diu servantur 167.
ab eis oleum extrahere 233
- Amrygdalopersicum quomodo fiat
117
- Anates inebriare, ut manu ca-
pi possint 537. ut earum car-
nes tenerescant 503
- Anguilla ex luto nascentur 57.
ejus esca 528
- Anisi oleum extrahere 410
- Animalia, ut ardentius co-
eant. 62. ex eorum commi-
missione nova animalia gi-
gni 60, 61. ut pingua sa-
pidioraque fiant 507, 509,
511. ut assa simul & elixa
sint 514. quibus escis alli-
ciantur 527. amoris illece-
bris 528, 529, 530. sonis
531. speculis 534. odore
535. ebria manibus capi pos-
sint

I N D E X

- Asus* 536. eorum utentia 539
Animum segnem ad arma accendere 662
Aufer virus excoctus quomodo fiat 516. ut ejus caro tenebrescat 503. ut ejus jecur sanguinetur. 509
Apes ex bove generare 53. in corruptas servare 193
Aper ribis capitur 532
Aphyæ quomodo singantur 519
Apium ut occissime generetur 123, 163. celeriter germinet 123. magnum facere 135. crispum nascatur 163
Apue ex spuma generantur 57. *apue* mugilum ex putredine 58
Aqua faciem erugans, dealbens, nitorem inducens 388, 389. vitæ, ut distilletur 402. ex musto extrahere 403. fortis separationis auri quomodo extrahatur, separationis argenti, ex sale, à phlegmate quomodo purgetur 442, 443. ut odorata fiat, *Nausa* vocata, *Nausa* clara, ut fiat 448, 449. moschata, ex jasmine, rosis moschatulis, garyophyllis, violis, liliis, odorata composita 400, 401 & 450. ex syraxe, lasere, ladanis 452. ardentissima quomodo fiat 483. à vino quomodo segregetur 625, 630, 629. ut ascendat facere 637. falsa, ut dukis evadat 644, 645, 646. *falsa*, ut extilletur 646. quomodo emendetur 649
Aquila cum variis avis coit: ex quo *Alicetus*, *ossifragus*, & *vultur* 83. ejus venentia 541
Arbor una, ut omnes fructus ferat 164
Argentum ab auro separare 631. in aurum tingere 253 254. aurum inde extrahere 255. diminuire 260. ab are separare 263. ab aliis metallis 264
Argentum vivum coagulare cum casside ferrea, cum eneis pilis 251. quomodo aqua ex eo extrahatur 252. ut in arborem crescat 253. omnia conservat 210. sublimatum preparare 377. ut in aquam extilletur 378
Ari radice fit panis optimus 213, ut excrescat 136
Armorum ruginem 354
Aromatibus quantam essentiam extrahere 425
Asbestum lapidem necre 236
Asinus ut generosus nascatur 71. ut inebrietur 536
Asparagi quomodo nascantur 101. quotidie habeantur. 127. albi fiant 149
Asphodelo fit panis 214
Arotium inducere 661
Avellanas *Tarentinas* facere 143. servare 192. oleum ex eis extrahere 233
Avris quomodo ex putrescentibus

I N D E X

- bus arborum fructibus nascatur** 55, 56. **varia illarum commixtiones** 78. **se ipsam torreat** 518. **quando spernenda** 513. **eam inebriare** 537. **ne volet in altum, ne aufugiat à te** 544 **ejus carnes tenerescant** 503. 506. **quomodo farciatur** 508. **ex arboris cuiusdam fructu nascitur** 55. **quid faciendum, ut cum aliis coeat, ut tecum associetur** 96
- Aulopii captura** 527
- Aurum ex argento extrahere** 255. **ut pondere excrescat** 258, 259. **diminuere** 260. **ex argento separare** 261, 262, 263. **ab are** 263. **ab argento diverse** 264, **ab eo tincturam extrahere** 431. **ab argenteo poculo elicere** 260. **ex vase aneo** 261. **an ammistum argentum habeat cognoscere** 631
- B**
- Acca, ut discolors nascentur** 112
- Balani ex putri materia gignuntur** 60
- Balsamum res conservat** 210
- Barbi pisces quando veneni** 513
- Basilicum mutatur in serpillum** 104
- Betam magnam facere** 135. **albam** 148. **dulcem** 157
- Bibendo cyathus ori adhaereat** 525. **Bibendo convivas fallere** 623
- Bibinel. elixir extrahere** 437
- Bos ut falso pinguescat** 96. **verè pinguescat** 502. **ejus caro tenerescat** 503. 505. **ejus venenum** 540
- Bracteole quomodo expoliantur** 282. **eas saphyrino colore tingere** 284. **smaragdino** 285
- Brassica ut rutetur in rapum** 103. **ut præcox germine** 123. **tenera fiat** 162. **et suavior** 157
- Buglossa floribus tincturam extrahere** 434
- Bulbos magnos facere** 136
- C**
- Adavera quomodo diu servantur** 210
- Capa Ascalonia quomodo fiat** 163. **ut crassescat** 133. **ut major fiat** 136. **suavior** 158. **ut servetur** 206
- Calculos deturbare** 343
- Calliblephara quomodo fiant** 370
- Calthea tincturam extrahere** 434
- Cancr. ut tenerescant** 507
- Candela ut celeriter accendantur** 483. **perpetuo ardeant** 485
- Canis fortis quomodo generetur** 63 **ex leone** 66. **fortis et velox ex lupo vulpe** 66, 67. **parvus catellus** 68. **mimus** 69. **eorum vitia emendare. robusti, et veloces ut fiant** 70. **villatus** 92. **eos inebriare** 536. **interimere** 539. **colorem mutare,**
- E f**

I N D E X.

- fare, 542. ne latrent, ne au- ex eis extrahere 232
fugiant à te 543. ne currere Cera pondus augere 657
possint ibid. Cerasa præcocia fiant 122. se-
Cannabi filum facere 235 riora 128. sine offe 140.
Caphura oleum extrahere 421 lactea 153. quando colli-
Capillos præparare ad tintu- genda ad vetustatem 179.
ram, flavos & aureos redde- in melle servare 194. in sa-
re 363, 364, 365. canos tin- tureie foliis 207
gere 366. longos, & nigros Cerussa quomodo præparatur ad
facere ibid. cadentes retine- mangonium 378, 379, 380
re 368. longos reddere 369. Cervus tibia capitur 332. ejus
ne tinca abrodat, ibid. cri- caro quando venenosa 312.
spas facere 370. permutare ejus venenion 341
652 Chalibem Damasenum in opus
Capitis dolorem tollere 342 ducere 300
Capitonum captura 529 Charadrii venenion 341
Capo elixus & tostus quomodo Chirothecas odoratas facere
fiat 515 453, 454.
Caprae ut argentiùs cocant 62 Chrysoliti color quomodo fingatur
Carabe magisterium extrahere 272, 274
429 Cibus ut deglutiri nequeat 524.
Carbunculum mentiri 276 ut amarus videatur 525
Cardui ut albi fiant 147 Cicer præcox fiat 124. cito prove-
Caryinum oleum extrahere 232 niat 125. magnum 133. ut
Carnes servare 177. areo ela- diu perduret 177. in salis
ro 210. teneras reddere 502, aquis servatur 201
503, 504, 505. salsas qui- Cinnabarim fixum reddere 255
modo dulces facias 510, 519. ex eo argenteam barbam e-
amaras reddere 512. servare licere 256
sine sale 519. sanguinosas, & Cinara pleniores fructus ferat
verminosas reddere. 526. ex 134. perennis fiat 176. odo-
eis quintam essentiam extra- rata 151. dulcis 155. ne
bere 425 spinis horreat 162
Castanea ut optima fiant 118 Cimirus ex ove, & hircu genera-
molli regimine integantur tur 73
142. nascantur sine corio Cinnamomi oleum extrahere, in
143. in vetustatem serven- majori quantitate 409
tur. 176, 187. sub terris Circi venenium 341
192. in paleis 206. oleum Circulatorii dolus aperitur 663

I N D E X.

Citrium diversos fructus ferat		Corallorum tincluram extrabe-
111, 113, ut intus limonem	re 435.	magisterium 429
habeat 117. ut semper fru-	Cordis affectus sanare, tremorem	
ctus ferat 126. <u>maguos</u> 134.	351	
crassiores 126. <u>maiores</u> 132,	Corianni oleum extrahere 410	
134. <u>dulces</u> 154. <u>sine semine</u>	Corna in facie servantur. 198.	
139. <u>punicei coloris</u> vel san-	ex eis vinum facere 223	
guinei 145. <u>humani capitis</u>	Cornix ut manu capiat. 338.	
formam ut induat 158. in	ejus venenum 541	
sua arbore servatur 171. si	Corpus colorare. 382. crugare,	
decerpendum, quando, ut ser-	nitorem inducere 388	
vetur 178. cum suis ramis	Corpus grave à levi missum se-	
colligendum 181. conclusum	parare 627	
servatur 185. in cœri scobe	Corvi venenum 541	
204. in paleis 205. <u>in foliis</u>	Cotonæ ut præcociæ fiant. 125.	
<u>filicis</u> 206. in ordeo 208. ex	magna producere. 132. ut	
ejus seminibus oleum extra-	animalis effigiem capiant.	
here 407. & ejus corticibus,	159. quando colligenda, ut	
& floribus 418	serventur. 179. quo loco re-	
Erronatum ex malo, & citro	ponenda. 175. conclusa ser-	
compositum 119. & diversis	vantur 189. in melle 192.	
generibus. 108. <u>de malo me-</u>	mulso, vino 195. in scobe, pa-	
dicæ idem 113	leis 204. & 205. <u>ficulneis</u>	
Effusus, quid 432	foliis 206. in malio 208. ex	
Cochleæ quando rejiciendæ 513	eis vinum facere 225	
Ceruleum smaltum facere 278	Coturnices quando venenose.	
Colicum dolorem tollere 343	513. ut earum caro tenere-	
Coloquintidæ semine oleum exu-	scat 503. speculo capiantur.	
gere 408	534. manu. 538. earum	
Color pallidus quomodo induca-	venenum 541	
tur 355	Coxendicium dolores fugare 661	
Columbæ ut depictæ nascentur	Croceum smaltum facere 278	
91. ejus venenum 541	Crocum ferri facere 269	
Columbis inter nunciis uti. 552	Cristata quomodo tenere sciant.	
Comedens intenebris ut ex ore	506	
scintillare videatur 484	Crystallus quomodo præparetur	
Conceptionis remedium 346	ad gemmas 267. rubro colo-	
Conche ex putri materia gi-	re tingatur, hyacinthi colore	
gnuntur 58, 60	274	

I N D E X.

- Cucumis*, ut præcox fiat 121, *Digitorum redurvias sanare* 342.
122, 124, 125. vere germinet 120. serotinus fiat. 623
122 toto anno habeatur 126 *Distillatio quid, quatuorplex* 398.
 ut major evadat 134. dulcis ut tetrum odorem emenda-
155. tener 163. longius in- rumque 444, 445, (537
 ensis formata 164. in quam *Elephantem manu capere* 529
 cuiusque formam 159. ventri *Elixir, quid, ex rebus extrabe-*
 commodus reddatur 166. ser- re 437
 vetur in fece 198. in aceto *Ensim temperatura* 496
199. in muria 202 *Ephemerus ex aceto generatur*
Cucurbita cito nascatur 125. 52
 major fiat 134, 137. sine se- *Epimenidea compositio ad fanis*
 mine 144. purgatoria 166. & sitim tolerandam 220
 ex ea fit panis 214 *Epistola ut intra ovum immi-*
Culter ut durissima temperatu- tantur 551. in ligno quomo-
 ra fiat 493, 495. *Dama-* do celentur, in bellariis 555.
 scenus quomodo fingatur, un- in animalibus, in vestibus, in
 das, & maculas simulet. 500 baltheo, in animalium vi-
Cuminum latius germinet 164. scribus 556. lapidibus. 557
 ex eo sal extrahere. 435 sclopis mittere. 558. ut clam-
Cuniculos in plano. effodere con- dant. & reserent. sine suspi-
 tra hostes 476. sub aquis cione. 567
 contra naves 477 *Equitum turma quomodo fu-*
Cupressi ligno oleum extrahere gentur. 476
411 *Equus ut ardentius ad coitum*
Cyaneam gemmā effingere 271 suriat 62. ex homine conci-
Cyathi mira forma 622. ut bi- pit, ut varius nascatur 90.
 bentis ori adhaereat 525 ut albis maculis signetur, &
Cyprinus ex putri fimo genera- cicatricibus concolori pilo 95
 tur. 58 ut ebrius reddatur 536. mu-
 sica capitur 532. ut fruetur. 660. ut demulceatur ibi d.
 ejus venenum 141
- D
- D** *EBile vinum, ut emende-*
 tur 229
Delphinus allicitur cithara. 531 *Eruca suavior nascatur.* 157
- Dentes confirmare* 340. den- F
 tificia. 390 *Faba, ut ingentes siliquas*
Die pulvere, noctu igne literas ferat 133. quo solo legen-
 significari posse 569, 570 da, ut perducet. 185. quo
 tem.

- tempore condenda [180](#). quomodo condatur [177](#), [189](#). in falsis aquis servatur. [201](#)
- Faces, quæ ventis non extinguantur [481](#), literas indicare quomodo possint [569](#). & [570](#)
- Facies quomodo præparatur ad mangonium [373](#). ut alba reddatur [371](#). ut lac [372](#). mollis, nitida [374](#). & [380](#). argentea [375](#). alio modo. [378](#) rosei coloris, purpurea, rubra [381](#). ejus ruborem diluere, solis exustionem tollere [383](#). maculas [384](#). lentigines. [386](#). corrugationem [388](#). ut juvenescat, fucus dignoscatur [396](#). transformare, ne ab amicis cognoscatur, [651](#). insignis videatur lumine maciei, & palloris [668](#)
- Fagi nucleis oleum exugere [233](#)
- Fames, & sitis quomodo tollatur [219](#), [220](#), [221](#)
- Fascini amuletum [355](#). invidia [361](#)
- Fero & miti sue hybrida generatur [74](#)
- Ferrum temperatura durum fieri [489](#). ut remollescat [420](#) pro incidendo molli ferro, molle pro incidendo pane [491](#) pro ligno, pro phlebotomia, pro falce herbaria, pro limis [492](#) pro hamo piscatorio [495](#). pro scalpando marmore, pro incidendo porphyrite, pro secando fetro [496](#), [497](#). pro variis usibus [498](#). à ruginè vindicare [501](#). in [51](#) commutare, in albare [250](#)
- Ficus alba, ut nigra evadat [192](#). rubra [145](#). inscripta [160](#). una parte alba, altera nigra [107](#). una parte alba, altera rubra [110](#), [113](#). præcox. [122](#). suos grossos maturaret [125](#). serotina [129](#). latius germinet [161](#). ut perennet [176](#). cum suis ramis colligenda, ut ferretur [203](#). [182](#). clausa conditur, [187](#). in vino stuitans [190](#). [196](#). in melle [194](#). arida in foliis verbasci [206](#). ut ejus esus alvum leuiget [166](#). vinum ex ea facere [222](#). acetum [226](#)
- Fili genera, ex lino, cannabe, sparbo [235](#). urtica, aloë Indica, asbesto [236](#)
- Flammâ eminus projicere [483](#)
- Flores ut discolorés nascantur [115](#). semper habeamus [173](#) servantur [192](#). odoratiores fiant [150](#). præcoces [120](#). ut ab arbore decendant [666](#). colores mutant [148](#). ex eis odoratam aquam extrahere. [450](#). & oleum [417](#), [451](#)
- Fluxum sanguinè mentiri [354](#)
- Femina ut gignantur [93](#). ut vestes abiciantur, & nudentur [666](#)
- Feniculum dulce facere [135](#) ex eo oleum exugere [410](#)
- Fœtus imaginatione variis scinditur [8](#)

I N D E X

- Foliola gemmarum** quomodo
 fiant 280. expoliantur 282
 colorentur 283. janthini co-
 loris ib. saphyrini 284. smar-
 agdini, rubri, amethystini,
 ex ere facere 285. rubri co-
 loris, viridis. 286
Fons aquam projiciens. 641
Fornax ut fiat pro adulteran-
 dis gemmis 268
Fraga hyeme habere 130
Frontis rugas tollere 388
Fructus e diversis compositus
 quomodo fiat 105. 109. 112
 varie colorat. 110. ut aliter in
 alterum includatur 115. transi-
 meliores & peiores fiant 118
119. perfectior fiat, praecox
120, 125. ut celerius matu-
 rescat, semper pereunt 125
 ferocissimi 127. solito major 130
 nucleatus 137 sine cortice, &
 putamine 142. diversos colo-
 res adsciscat 144. odoratio-
 res 150. suavior fiat 152.
 ut omnes formas exprimat
158. pulchrior & melior 161
 medicat. fiat 165. ut serve-
 tur in arbove 170. ejus pedi-
 culus quomodo mundandus,
 ut pereant 180. ex quo lo-
 co colligend. 184. clausus si-
 ne aere 186. in musto 195.
 in melle. 194. & 195. vino di-
 still. 195. salganis 199. va-
 ris admisti 208
Fragibus vinum facere 223
Frumentum quomodo servan-
 dum. 203, 209. in a-
 mica 203. ex eo fit panis
215. extrahitur oleum 422.
 pondus augere 650
Fuci ex malis 55
Fucus ut detegi non possit 382.
 quomodo dignoscatur. 396
Fumo oculos occicare 485
Fungi quomodo nascentur. 100
Fumis accensus ne fumum fa-
 ciat. 482
Furtum cognoscere 665.

G

Allina coit cum perdice 80.
G phasiano ibid. columbo 81
 pavone, ex quo gallo parus
82. ut quaternis alis nasci-
 tur, quaternisve pedibus 87
 sine incubatione ejus pullus
 excludatur 238. ut gall. ejus
 officio fungatur. 241. ejus ca-
 ro, ut teneat, 504. & gal-
 li 504. quomodo farciatur.
508. ut pugnax evad. 544.
 ejus venenum. 541.
Garyophylli sicut ut florescant
129. purpurei ut fiant ca-
 rulei 148. & albescerent 104
150: albi fiant carulei 150:
 semirubri 108: odoratiores
152. ex eis confectio adver-
 sus pestem 350. aquam odo-
 ratam exungere 400. & o-
 leum. 410
Gemmae quomodo fingantur 272
 colorentur 271. 274. ex u-
 na parte candicent, altera
 rubescant 275. ex eis magi-
 sterium extrahere. 429
Genarum liuorem abstergere.
385.
Gim

I. N. D. E. X.

Gingivas tumidas purgare	342	Homo cum asina coit & ferat	generat 77. cum capra ibid.
Glandium roborum oleum ex- trahere	232	cum aliis feris. 78. in co- monstra generantur 85. ut	demittetur 335. ut sibi persua- deat avem esse 337. ut pila transodiatur sine transitu signo 484. ut Aethiops vi- deatur. 662
Globul. odoratos facere.	456		
Gnato, ut omnia, quae edat, a- mara sint	525		
Gruis venenum	541		
Gravitas in aqua, & aere va- ria est.	621		
Guajaci magisterium elicere	429 gummi 446 oleum 423	Hordeum in <u>lauri solis</u> servari.	207
Gulo, ut nequeat cibos glutire.	524	Hyacinthum effingere	273. 276
Gummi ex plantis extrahere.		Hydraulica organa, quae sint.	635
ex panace, & famiculo 446.		Hyena & lupo, crocutam gigni.	75.
447. ex eis oleum extrahere	452.		

II.

H Ami piscatorii ut fiant durissimi	495
Hedera ut alba reddat.	140.
pulchros corymbos afferat	164
in cervorum cornibus nasci- tur	101
Herba <u>noxe</u> quomodo ex putre- factione generentur 99. vir- tutes quomodo restiganda	446
quintam essentiam ex eis extrahere 426. fit panis	217
Hirinnacei venenum	541
Hinnus ex equa, & asino gene- ratur	72
Hiphear ex putredine gignitur.	101
Holoturia putredine nascuntur	60
Horologia aquatica vel pneu- matica.	638. 640

I.

I Asmes ut flarescat	149. ex eo odoratam aquam elice- re.	400
Ibis venenum		541
Ignis Graecus quomodo fiat	465	
extinguatur 478. lapide hu- mido quo vis excitetur 463.		
quibus extinguitur 478.		
quomodo lignorum attritu excitetur 462. tubis jacule- tur 467. qui oleo extingui- tur, aqua accenditur 481.		
noctu literas indicat 569. qui cubiculum repleat 481. qui bus ignavis pavetur 462.		
Ignifera missilia, composicio- nes antiquorum 464 & 479		
quem sol accendere potest. i- bid. eo noctu fiat indicium.		
	596.	

Imago in aere pendula videat- ur.	82, 586, 590, 592, 599.
--------------------------------------	-------------------------

I N D E X.

- Inspetigines tollere* 387 *Legumina servare* 189. *din*
Imperatoria sal quomodo ex- 209. *tenerescant* 505. *ex eis*
trahatur 436 *fit panis* 215
Infirmittates simulare 354 *Lens magna evadat* 133. *ut*
Invidia fascini amuleta 361 *- cito nascatur* 124. *vasis ob-*
Instrumentum quo longe au- 189
ditur 653 *Lens crystallina, que efficiat,*
Intuba alba reddere 148 *convexa ignem accendat, no-*
cia 157. *& tenera.* 162 *cti longe illuminat, noctu li-*
Ischiadis remedium 667 *teras legere facit, longinqua*
Iuniperi ligno oleum extrahe- 595. *epistola-*
re. 411 *remotam legere; alio mo-*

L.

Lac quando spernendum 513. *Lentiginosa ut mulier fiat* 396
panis pondus auget. 218 *Lentigines tollere* 386
Lactuca habeat in se apium: *Lentisco oleum extrahere* 231
erucam, & ocimum 114. *Leonis venenum* 540
ut sero ad hyemem sit 130. *Lepades ex putredine nasci* 60
magna fiat 135. *candida* *Leucoia purpurea alba reddere*
147. *dulcis* 155. *suavis* 104. *ut exalbescant* 150
157. *tenuis, scissilis* 162. *Lentitas in aere & aqua, &*
odora: a 152 *quando appo-* *que inde artificia* 630
nenda 522 *Lilia ut rubescant, purpurea*
Ladano oleum extrahere 452 *fiant* 149. *in planta din du-*
Lamelle ianthini coloris 283. *rent* 174. *occlusa toto anno*
& 284. *rubini, japhyrini,* *habere* 188. *semper habere*
smaragdini 286 *127.* *servare* 174. *ex eis o-*
Lampadis experimenta 668. *doratam aquam elicere* 400
Lapides ut ex se ipsis movean- *Limonis odoratos reddere* 150.
tur 653 *cinnamomum oleant* 151. *ex*
Lari venenum 541 *eis sal extrahere* 435
Lasere oleum extrahere 418. *Lino oleum extrahere* 420
419. *alio modo* 452 *Linteo oleum extrahere* 421
Laurus rubra fiat nigra 102. *Litera delitescentes consi-*
ex ea oleum exugere 232 *giantur, & conspicue deli-*

tescant

I N D E X.

- refcant, ut conficiantur 532. ejus venenum 539
 chartam aquis mergendo, Lusciniæ capitura 529
 linteum aquis madefaciendo Lymphaticos curat elæborus 661
545. lactea ut fiant la-
 pidem aceto mergendo visi- Lyra proprietates varia 657.
 biles, combusta papyro, in- qua pulsata alteram ejus-
 terposito igne 546. 547. dem toni movet 662. ejus
 pulvere refricata 548. in sonum surdus audit. ut
 crystallis appareant, pulve- venio pulsetur 663.
 re 546. nigra papyro alba
 videantur, in ovo scribi pos-
 sint, in cortice, in albumi-
 ne 550. in ovo, aqua visi-
 biles fiant, pulvere 551.
 intra ovum immitti pos-
 sint 551. celentur intenui
 filo 552. igne. 546. 547.
 lactea. 546. in pergameno
553. in librorum sectioni-
 bus, lusoriis chartis, ligno
554. constitutis diebus ca-
 diua 563. papyrum corro-
 dentes, cito evanescentes
564. invisibiles stato tem-
 pore visibiles 565. à papyro
 abstergantur, evanida re-
 noventur ibid. capiti inde-
 labiles facere, intercutanea,
 & indelebiles 562. indele-
 biles, constitutis diebus eva-
 nescentes 563
 Liventia abstergere 385
 Loricam temperare 494
 Loto fit panis 211. vinum 223
 Lupinus optimus panem fa-
 cit 216. diu servat. 177
 Lusus & panthera lycopan-
 theron gignunt, & hyena-
 thoem 75. tibia capitur

M

M Ace oleum extrahere 410

Maculas delere 384, 385

Magia quid significet 1. quid
 sit 2. de ejus institutione, &
 qualem ejus professorem o-
 porteat esse. 4

Magisterium quid 428. quo-
 modo extrahatur ib. & seq.

Magnes cur dicatur 287.
 quot genera, quali solo na-
 scaur, cur ferrum trahas
 289. duos habet polos bo-
 ream, & austrum 291.
 quomodo alter altero perfe-
 ctior cognoscatur, vis ejus
 à borea ad austrum dirigi-
 tur 293. qua linea non sta-
 bilis 293. vis ejus in extre-
 mis 295. aliorum contactu
 vim amittit 296. magne-
 tem trahit, & expellit 297.
 298. ludicrum 299. ma-
 jor majorem virtutem ha-
 bet, vis ejus in aliud diffun-
 ditur, ut catena pendere vi-
 deatur 300. quid ejus hir-
 sus. 301. ejus vis trahens
 vehementior, quam expel-
 lens. Ef 5

I N D E X.

lens, contraria ejus partes
mutuo adversantur [362.](#)
quomodo ejus polaris pun-
cti cognoscantur [303](#) vim
in orbem diffundit, vis non
impeditur [304. harenarum](#)
exercitum praeliari facit
[305.](#) situs ejus virtutes
contrarias reddit, virtus
quomodo ad trutinam ex-
pendatur, mutua ejus &
ferri attractio [306.](#) major
cum ferro attractio, quam
cum eo ipso, ex stato puncto
attrahit, qui trahit con-
traria parte expellit. [308.](#)
supra tabulam ferrum sal-
tare facit [309](#) per ferri fru-
stula vim transmittit [310.](#)
diffundit vim sine contactu
[310.](#) ferrum in aere su-
spendit, vis ejus interme-
dia macerie non intercipi-
tur. [312.](#) ligneum homi-
nem movere facit, papy-
rum per murum ascendere
[313.](#) supra ferrum ferrum
non movet [314.](#) situs ferri
ejus vim permulat, ferrum
borea parte tangens ad au-
strum impellit [315.](#) ferrum
contactum alteri ferro vim
conciliat, vis recepta for-
tiori diluitur, quomodo au-
strale, & boreale punctum
cognoscatur in eo [317.](#) fer-
rum pyxidus quomodo con-
fricetur [318.](#) varii pyxidus
usus [319.](#) ejus ope quo-

modo [mandi](#) longitudo ve-
stigari potest [320.](#) eo mo-
vente, & pyxide manente
in contrarias partes move-
tur [321.](#) ferro contrariam
sua vim conciliat ib. bina
acus harentes contrarias
vires sortiuntur, ferri fa-
cies trahens ex situs diver-
sitate propellit [322](#) ferrum
una parte contactam non
semper ex utraque parte
vim recipit, ferrum ab eo
in medio tactum vim per
extrema diffundit, anulus
ferreus [contactus](#), utrasque
vires suscipit [323.](#) lamina
ferrea in medio tacta, vim
ad medium diffundit, scobi
ferrea quomodo vim reci-
piat [324.](#) alio ejus virtus
non impeditur, ebrius quo-
modo ad suum officium re-
deat [325.](#) ut ejus vis au-
geatur [326.](#) ut eam amit-
tat ibid. ut ferrum conta-
ctum vires amittat, ejus
vim adamas non impedit
[327](#) hircinus sanguis cum
non liberat ab adamante
[329.](#) ejus vires, & reme-
dia [330](#)
Mala ex persico & nuciper-
sico [107.](#) omni tempore ha-
bere [126.](#) [maiora](#) [sunt](#) [132](#)
[meliora](#) [161](#) rubra [144.](#)
[146.](#) sanguinea [145.](#) odo-
rata [150.](#) dulcia [153.](#) [156](#)
omnem formam accipiant

I N D E X.

159. commodè ferventur 124. sanguinei coloris 147
175. quando colligenda ad dulces facere 155
 vetustatem 179. pediculo Melopipones rosarum fragran-
 rum incisio 182. ubi con- tiam spirare 152
 denda 175. servantur oc- Merula venenum 541
 clusa 186. 190. in capsis, Mespila majora facere 131.
 terra 191. in melle 194. sine offe 139. quando colligenda ad diuturnitatem
 vino 196. muria, in alga 179. servantur ad vetusta-
202. abiegnas scoe 204. in tem 182. clausa 187. in
 paleis 205. nucum solis melle 194. in salis aquis
206. milio 308 201. paleis 205
 Mala aurea ut fructum dul- Messis conditura tempus 130
 cem & acrim ferant 111. Metallum in cutim trahere
 fructus commisceantur cū altera ejus specie. 113. ut 257. quomodo ponderosius
 duplic. 117 fiat 258. ejus separatio
261 & 262
 Mammillarum incrementa Miliana mala ex cydonio, &
 prohibere, relaxatas cohi- frustio componere 119
 bere 321 Milium panis pondus addit
Mandragora somnum indu- 218
 cere 333. mentes alienare Mistura, quæ sub aquis ar-
336. eam fingere 163 deat. 471. odorata 456
Mantilis macula aboleantur Mixa fructus intus dulcem
519 amigdalam concipiat 116
Manus ut mollescant, lacte- Monedula speculo capitur
 scant 392. linteo detergen- 534
 ti nigrescant 524 Monoceros musica allicitur
Marmor porphyreticum scal- 535
 prius incidere 496. 498. & Monstra in homine nasci. 85
 sine iis incidere 498 in balneo 86. monstriosi par-
Masculi, & scæmina quomo- tus quomodo nascentur 88
 do generentur 93 Morus majores fructus ferat
Mel quando venenatum 514 132. albos 145. ut albos
 ex eo oleum extrahere 420 rubros faciat 145. feracior
 vinum facere 224. ejus evadat 161. vino, servan-
 quantitatem augere 657 tur 196
Melimela ex malo, & cydo- Moschum adulterare 460. ex
 nio componere 119 eo oleum elicere 418. ejus
Melones citius nascentur Ex 6 ex-

I N D E X.

- exhalatum odorem recu-
 rare* 461
Mugilum esca pro captura
528
*Mula velox ex asina & ona-
 gro, ex asino & equa* 72.
ex tauro & asina ibid.
Mulier ex cynocephalo concipit 78. *ut pulcros pariat fi-
 lios* 92. *ut concipiat* 346.
*ut deflorata virginitati re-
 stituitur, ejus smegmata,
 & ludicra* 395. *ut lenti-
 ginosa evadat* 396
*Murena eodem tempore simul
 frixa, elixa, tostaque co-
 quatur* 515
*Mures ex putredine gignun-
 tur* 48. *ut congregentur*
535. *eorum venenum* 540
*Musmus ex capra, & ariete
 gignitur* 73
Mustelas congregare 535. *ea-
 rum venenum* 541
*Mustum scire an habeat am-
 mistam aquam* 628. *pri-
 mum, an secundum opti-
 mum* 629
*Myagri semine oleum exuge-
 re* 234
*Myristica nuce oleum distil-
 lare* 407. *liquidum* 410
Myrra oleum extrahere 441
Myrtus rubra ut nigra fiat
102. *meliorescat* 161. *ejus
 fructus augere* 131. *sine
 nucleo* 142. *latius vireas*
162. *ejus bacca quomodo
 seruentur* 187. 203. *cum*
 suis ramis, virginis 183. 203
 cum suis fructibus 207. *in
 alga* 202. *ex ea fit vinum*
223
*Myrtuli ex putredine gignun-
 tur* 60
- ## N
- Apis fit panis* 214
N *Natura ostium coarcta-
 re* 394
Nerita putredine gignantur
60
Nidorem cremati emendare
401
*Nummus supra stylum vol-
 vatur* 665
*Nuncii canum habitum ut
 mentiantur* 557. *ut seli-
 teras ferre ignorent* 561.
pro eis sagitta uti 558. *ca-
 lumbis* 559. *quomodo mit-
 tantur, ut si intercipian-
 tur, hostes nec epistolam in-
 veniant* 561. 563
Nuce pinea oleum extrahitur
233
Nucipersicum quomodo fiat
118
*Nux quomodo fiat sine puta-
 mine* 142. *Tarentina* 143
in arcis clausa servatur,
188. *in melle* 194. *in pa-
 leis* 106. *cum suis frondi-
 bus* 207. *ex ea oleum* 232
- ## O
- O** *Culorum colorem per-
 mutare* 371. *lippitu-
 dines, & fistulas sanare, &
 nebulas,* 339. 340. *eos su-*
730

I N D E X.

- mo occidere 485
Ocimum capillatum facere 63
 suavius nascatur 157
Oenanthe, ut semper floreat
127
Olea quomodo servantur 204.
 in muria 202: in vinaceis
198. in oleo 204
Oleo uva quomodo fiat 115
Oleum res servat. 203, 231,
232. &c. expressione quo-
 modo extrahatur 406. ex
 ovis 408. ex aqua quomodo
 separetur 411. extilletur per
 descensorium, & balneum
412, 414, ex ambara 418.
 contra venenum 350. ex di-
 versis rebus facere 419, 120,
421, 422, 423. odoratum
 ut fiat 450. ejus pondus au-
 gere 655. hispani 351. fla-
 grantissimū distillare 410.
 ex lavendula floribus 411.
 ut plus & sine combustione
 eliciatur 412
Omnia celerius producere 123.
vasis clausa servantur 186.
191. vino stillatio 199. in
 tenebris conspiciantur, quæ
 foris sole illustrantur 587.
590
Oporotheca ubi fieri debeant
174
Oryza pondus pani addit 218
Ostracoderma ex putri fimo ge-
 nerantur 59
Otidum captura 531
Oves, ut ardentius concumbant
62. earum caro tenerescat
502. exterrere 658. earum
 venenum 541
Oryx excubetur sine gallina 237
 calido clibano 239. coquere
 sine igne 519. quando reji-
 ciendum 514. ut hominis
 caput magnitudine superet
517
Oxyacantha in tuberos mutare
118
- ## P
- P** Aguri musica capiuntur
533
Palma procerius adolescan
161, ejus fructus quando la-
 gendi 184. in salsis aquis
 servantur 201. ex eis panem
 facere 212. vinum 221
Panis varia genera 211, 212,
213, 214. sine fermento
212. ex frumentaceis & le-
 guminibus 215. ejus pondus
 augere, candorem conciliare
217, 218
Panthera venenum 540
Papaveris semine oleum extru-
 ditur 408
Parasitos à mensis excludi
524
Pardo, & leona leopardum
 nasci 74. inebriatur 536
Partus novi & prodigiosi quo-
 modo fiant 84
Pastilli odorati quomodo fiant
459
Pastilli pro gemmis quale.
267. quomodo coquantur
 ibid.

G g

Pasti

I N D E X.

- Pastinaca saltatione, & musica capitur 532
- Pavo coctus, vivus videatur 515. ejus caro tenerescat 506. alb. quomodo nascat. 91
- Pectines ex putred. nasci. 60
- Pecudes pessima cibo quando 512. Lucundiores cibo 511. inebriare 536, 537. earum vellera vario colore fingere 96. ut pinguescant 507. dif- colores generare 90. albas producere 92
- Pediculosum smaltum facere 278
- Pelamidum esca pro captura 527
- Pelles quomodo latentur, odorata ut fiant, florum odores adsciscant 453, 454
- Perdices ut tenerescant 506. capere 53. inebriare 537. pugnaciores facere 543
- Persicus è sanguineo albus fiat 108. magnus 132. ex eo & nucipersico malum componere 107. 118. inscriptus nascatur 147. 160 : sine osse 138, 141. ruber fiat, coloratus 146 : sanguineus 147 servatur ligneis capis clausus 190 : in melle 194 : in melle 194 : in sapa 197. Vino 197. bene servare 82. magni incrementi 132
- Pestis avertatur 350, 661 contagia, ab ea homo servetur 351, 352
- Phasiani caro tenerescat 506
- Pila ignifera per aera volitantes 469. 470 sub aquis ardeant, intra hostes jacenda 472. 473 ferreos globulos jaculantes 474. ut eminus projiciatur 475. ut profundius penetret 484. ejus vestigium in homine ne appareat. ibid.
- Pili quomodo tollantur 367 retardentur. ibid. non renascantur 368. cito renascantur, & molles 368 ut defluant 397
- Pinna ex putredine nascuntur 60
- Piper simulare 657. oleum ex eo exugere 410
- Pipio exossatus quomodo fiat 516
- Pisces terreni ex putredine 57. eorum commistio 83. ut servantur 177. eorum esca 528. lumine capiantur 533 inebriantur, 538. necentur 542. charta frignantur 518
- Pisciorum oleum extrahere 233
- Pisum ut duret. 180
- Plagas veteres sanare 352. 353 quomodo inducamus 355
- Plantæ ut in aliam formam transmutentur 102. earum virtutes investigare 446
- Platano oleum elicere 232
- Pleuritidem tollere 342
- Plumbum in stannum 244. ponderosius reddere. 245. in argenti

- argentum vivum converte-
 re 246. ex eo argentum vi-
 vum extrahere 245
 Pneumatica experimenta 635
 Polypodium putredine gigni-
 tur 101
 Polypas capere 531
 Poma rubra nascantur 145.
 melle demersa servantur
193. in scobe, foliis & pa-
 leis 204. majora nascan-
 tur 130. 131. ad retusta-
 tem quando reponenda 178
 Pondus in reb. augere 656
 Porcus Trojanus quomodo pa-
 retur 517. assus & elixus
 quomodo fiat 514
 Porrum sectivum facere 163.
 dulce 157. è radice magnum
 facere 133. 136. 137.
 Præcoqua magna facere 120
 Pseudo-sycomori oleum extra-
 here 234
 Prunus ut intus dulcem amyg-
 dalam contineat, nucis co-
 lorem, mali carnes habeat
116 sine offe 140. procerius
 ut adolescat 161. purgato-
 ria, & somnifera 167. in
 arbore servetur 171. ut per-
 ennet 176. in vino 196.
 defructo 198. salis aquis 200
 Pulices congregare 535
 Pullus variè apparetur 515.
 plures sine gallina habere,
238. coquatur sine igne. 51.
 quomodo fiat albus, tener,
 & suavis 512. mas an se-
 mina in ovo cognoscatur,
 eorum futurus color cogno-
 scatur 96. caput ejus sty'o
 perforare in vita superstitis
657
 Pulvis odoratus quomodo fiat,
 Cyprius 455. tormentarius
 varie componatur, multi
 strepitus, sine strepitu 466.
 eo interdum aliquid signifi-
 care 569
 Punica dulcia acria facere 103
156. ex uno latere dulcia,
 ex alio acida 107 varia, &
 composita producere 109.
 magna 133. majora 134.
 rubra 146. granis candidis
147. ut omnium formas re-
 cipiant 159. ut in arbore
 diu immorentur 171. opti-
 me reponantur 175. quando
 legenda ad condituram: 80
 condendi tempus 182. in se-
 inriolis aqua servantur 190
 harenis 191. in scobe quer-
 na 204. paleis 205. cum
 suis frondibus 207. tritico
209. vinum conficiunt 223
 Purpura ex putredine nascun-
 tur 60
 Putrefactio herbas generat 99.
 omnia gignere potest 46
 Pyra majora nascantur 131.
 rubra 145. odorata suavio-
 ra 150. ut omnem for-
 mam accipiant 159 seroti-
 na habere 128. quando
 legenda ad perennitatem
180. 182. longo tempore
180. bene servare 182. va-
 si clausa 191. in salis
 aquis 62

I N D E X.

aquis 200. in melle 194. in 122, 125, 127, 128, 129,
 sapa 197. paleis 205. nu- 130. asservare 174, 183,
 cum foliis 206. in suis fron- 192. oleum inde elicere 418
 dibus, inter frumenta 209. Rosacerum smaltum facere
 ex eis vinum facere 222 279
 Pyrigonas igne generari 52 Rosmarini oleum exugere 411,

Q

Quadrupes quomodo Ruta tenerior ut profiliat 162
 pinguescant 509
 Quercus ut mutetur in vitem 50

S

104
 Quinta essentia, quid 423. ex **S**al soda quomodo fiat.
 moscho, ambara, zibeto, aro- 265. tartari 266. ex eo
 matisbus, carnibus, her- oleum exugere 410. si desit
 bis, aqua vita quomodo ex- quid faciendum 519
 trahatur 424, 425, 426 Salamandra ex aquis gignitur

R

Radicula major fiat 133 Sanguinea arboris fructu oleum
 dulcem facere 155 oxugere 234
 Ranas congregare 535. ex pu- Saphyrus quomodo fingatur
 tredine gignuntur 49 271. caruleus in adaman-
 Rapant mutetur in brassicam tem vertatur 274
103. praecox nascatur 124. Saponem multiplicare 457
 magni incrementi fiat 133, Sargiesca 527: captura 530
136. ex ea fit panis 214 Saxifragia sal extrahere 436
 Raphanum magnum facere Scarabeus ex mortuo asino gi-
135, 136. ejus semine oleum gnitur 55. ejus venenum 541.
234 Scari captura 529. venenum 552

Res quomodo multiplicata vi- Schedula non tacta situm per-
 deri possit 595 mutant 664
 Rhodacena rubicunda produce- Sclopo manuali sine igne pilam
 re 41: rubra 146 mittere 641. plures ictus ex-
 Ricino oleum extrahere 231 plodere sine repletionem 485
 Rosas colorare 104, 108, 109. Scopes venenum 541
 citius aut tardius producere Scorpium venenum 541. ex basi-
 lisco nascitur, ex cancro, 52

Scripti

I N D E X.

Scripti formam imitari [567](#)
Scroti lineas sanare [343](#)
Semina ne comedantur ab animalibus. [203](#)
Sepia speculo capitur [534](#): amoris illicio [528](#)
Sepum excrescere, pondus augere [657](#)
Serico pendus augere [655](#)
Serpentes unde gignuntur [51](#): pluribus capitibus nascantur [87](#)
Sesamo oleum exugere [232](#)
Sigillum mentiri, majus coartare [566](#)
Silicis preparatio ad faciendum gemmas [267](#)
Silurifca pro captura [527](#)
Simia captura [537](#)
Sisere fit panis [214](#)
Sisymbrium urbanum in montanum transit [104](#)
Smaltum quomodo varie fiat [277](#), [278](#)
Smaragdum simulare [272](#), [273](#), [276](#)
Smegmata quomodo [376](#), [380](#), [457](#)
Soda oleum extrahere [440](#)
Solanum mentes alienat [336](#)
Somniferum medicamentum [333](#): è solano, ex papavere [334](#): pomum facere ut dormientis naribus admoveatur [335](#)
Somnia inducere multipliciter [337](#), [338](#), [339](#), [662](#)
Sorba quomodo colligenda. [182](#): servantur [188](#), [190](#)

Speculo spectra varie colorata ostenduntur [472](#): ut spectantis facies divisa videatur, vel diversarum formarum, ibid. multas imagines ostendere, [573](#): ut litera parietis legenda proponantur [574](#): speculo plano caput inversum videatur [574](#): multividum construere [575](#): ut longinqua cernantur [576](#), [584](#): ut nil imagnet nisi qua volueris [576](#): quo imaginem volitantem aspicias [577](#): theatrale conlituere [578](#): vel amphitheatrale ibid. speculo concavo punctum inversionis invenire, majora omnia videre, ignem accendere, imago pendula videatur. [582](#): imago ab eo egrediatur, calor & alia reflectantur [583](#): paucis luminibus aulam illuminare [584](#): nocte literas legere, domum comburere [585](#): speculo plano & concavo ignem accendere [585](#): minima res maxima videatur [586](#): obversam faciem representare ibid. majora omnia, & clara videre, ut pictura ignarus imaginē depingat [588](#): *obversa* recta omnia ibid. in cubiculo renatus & alia praestigia videre [589](#): solis eclipsis videatur [590](#): speculo composito multas imagines videre [593](#)

Speculo

I N D E X.

- Speculo cylindrico operationes Suffitus ex aqua uti fiat 458
 varias facere 594. concavo Suis genitura 74. 76. 92. a-
 columnari, & pyramidalis deus 507, 509. captura 537
 ignem accendere 600: pa- Sugillata delere 385
 rabolico comburere 601. Sulphure oleum exugere 441.
 quomodo fiat 602. ut obli- 443
 que comburat 605. ut in in- Supercilia tingere 370
 finitum 610. ustorium ex
 pluribus sphaeralibus compo-
 situm 612
- Speculorum sectionibus solidis T Alci oleum extrahere 440
 ignem accendere 614. lon- Tartari oleum extrahere
 gissime comburere 615 ibid.
- Speculo excavato idolum foras Temporis observatio pro fru-
 emineat 615. ut ea videas, ctuum conditura 178
 qua nusquam appareant 616 Terebintho oleum extrahere
 Speculis bractee quomodo in- 232. 420
 ducantur, vitreis 618, pla- Thermes insitus facilius com-
 na expolire, terminare ibid. prehendat 106
 concavis bracteam induce- Thesauros reperire 663.
 re, convexa terminare 619. Timali esca 527
 metallica facere 620 Tinctura quomodo extrahatur
 Specillo longissime intueri 597 429. & unde 430
 quomodo fiat 617 Topatii color quomodo fingatur
 Squatina, & raja rhinoba- 272, 273
 tum zigni 84 Tormentum aereum decemictus
 Squilla ut tenerescat 507 explodat sine repleione 463
 Stanno stridorera & molli- Tribulo fit panis 211
 ticum tollere, in argentum Tritici versio 103. uti asser-
 mutare 243: in plumbum vetur 176, 180, 188. ex se
 214. ex eo spiritum elicere ipso ut crescat 219
 256 Tuba armata, ignifera 465
 Statua ut loquatur 633 467. 468
 Stibio spiritum elicere 257. in per Tubum amico omnia signi-
 plumbum convertere 215 ficare 563
 Stomachum confirmare 345 Tuberes quomodo feruntur
 Sturni quando rejiciendi 513 209. clausi 187
 Styrace oleum exugere 419. Turturis venenum 541
 452

Vas

I N D E X.

V.

Vas inversum aquam
hauriat, ventum pro-
jiciat 636, 640. quo biben-
tis facies aspergatur, quo
nemo bibere possit 642
Venationis experimenta 542,
543
Venena sanare 348. ex vene-
nosiss animalibus *ibid*
Venerealve præservare 347
Ventris rugas à partu abster-
gere, & alias. 388, 382
Ventum generare 639, 643
Verrucas delere 388
Versutia & dolus circulatorum
detegetur 663
Vertiginem sanare 352
Vespa ut i gignantur 55
Vespertilionis venenum 541
Vestes amara oblitæ servan-
tur 203
Vigiliam inducere 662
Vinum an habeat ammistam,
aquam 624, 628. *meda vo-*
catum quomodo fiat 225.
ut sapiat moschum 520.
hippocraticum, in acetum
vertere 227. *in phialis ge-*
lascat *ibid.* *ut perversum*
restituatur 228, 229 *ne fer-*
vescat 229, 230. *ne exha-*
let, ut clarescat, ne putrescat
ibid. *medicatum ut fiat* 65
ex eo magisterium extrahere
430. *vinosos abstemios*
facere 523
Viola purpurea, ut albæ fiant

104. *florifera semper sint*
127. *ex eis odoratam a-*
quam exugere 400
Vipera mosum sanare 660
Vitis alba in nigram commeat
102 *celerius germinet* 122.
gigartis vacua. 141. *alba*
nigram uvam faciat 145.
unguentaria fiat 151. *me-*
dicata, theriaca 165. *pho-*
ria 166. *alvum restituat*
167. *usque ad ver uvas ha-*
beat. 171
Virtutes abaci herba. 353
Vitrum variis coloribus tinge-
re 275. *stanni conficere* 279
Vitrioli oleum extrahere 443
Vnda marina potabilis 644
Vpupa venenum 541
Visos fugare 660
Vva acini albi nigri fiant 108
ut racemos albos & nigros
ferat, & in racemis acini
albi, & nigri, & acini
bicolores 109 *intus acini*
mista grana habeant 109.
111. *intus myritum habeat*
116 *Vere producantur* 120
autumno 129 *amplo sceno-*
re 167. *earum tempus con-*
dendi 180. *legendi diutur-*
nitatem 183. *clausa servan-*
tur 188. *in melle* 195: *de-*
fruto 197. *vini* 198. *sal-*
sis aquis 201. *scohe* 205.
paleis *ibid.* *horreis* 209.
ex acinis oleum extrahere
234. *passæ vinum confi-*
cunt 225
Vul-

I N D E X.

✓ <i>ulnerum remedia</i>	<u>351, 353</u>	<i>Zea vertitur in triticum</i>	103
<i>Vulturis venenum</i>	<u>543</u>	<i>Zibethum adulterare</i>	<u>460.</u> in-
		de oleum elicere	<u>418</u>
Z		<i>Zyzipha optime conditur</i>	<u>176.</u>
		cum suis ramis	182. fronde
Z <i>Apbara in calcem redi-</i>	<u>207.</u>	<i>clausa</i>	<u>187.</u> in vino
<i>gitur</i>	<u>270</u>		<u>106</u>

F I N I S.



